

# New Testament

Deg Language



## Deg - Bible - New Testament

Maatiu	3	
Maak	62	
Luk	99	
Jn	163	
We-la	211	
Room	273	
1 Krent	302	
2 Krent	328	
Galaasia	345	
Fesos	355	
Felepae	364	
Kolose	371	
1 Tsalonika	377	
2 Tsalonika	383	
1 Timoti	386	
2 Timoti	394	
Taetos	399	
Faelemn	402	
Hibru	404	
Jems	424	
1 Pita	431	
2 Pita	439	
1 Jn	444	
2 Jn	451	
3 Jn	452	
Jud	453	
Wepila	455	

## Deg - Bible - New Testament

### Maatiu

#### Maatiu 1

<sup>1</sup>Gε Kooro Devid naa Yeesu Kristo naanar aa tenje dɔŋa neε laanee nɔ. Abrahamee ε ba bwa nyu te.

<sup>2</sup>Abraham lole Aesek, Aesek lole Jekɔb, Jekɔb lole Juda ne o dɔɔranar ne nimanar, ase Juda lole Peres ne Sera (ba nya sone Taama). Peres lole Hεsrɔn, Hεsrɔn lole Ram, Ram lole Aminadab, Aminadab lole Naason, Naason lole Salmon, Salmon lole Boas (o nya sone Rahab), Boas lole Obed (o nya sone Rut), Obed lole Jese, ase Jese lole Kooro Devid. Kooro Devid lole Solomɔn (Solomɔn nyaa haah bel Yuraya faa moo ka la), Solomɔn lole Rehoboam, Rehoboam lole Abija, Abija lole Asa, Asa lole Jehosafat, Jehosafat lole Joram, Joram lole Usaya, ase Usaya lole Jotam. Jotam lole Ahas, Ahas lole Hεsekia, Hεsekia lole Manase, Manase lole Amon, Amon lole Josia, ase Josia lole Jekonia ne o nimanar. A gε saŋee Babilɔn tena pɔ Israel tena neε de lag ba kaa ba hare la. Baa lag ba kaa Babilɔn hare la taa Jekonia lole Sealteel, Sealteel lole Serubabel, Serubabel lole Abiud, Abiud lole Eliakim, Eliakim lole Asɔ, ase Asɔ lole Sadɔk. Sadɔk lole Akim, Akim lole Eliud, ase Eliud lole Eleasa, Eleasa lole Matan, Matan lole Jekɔb, Jekɔb gee lole Josef. Gε Josef nɔɔ mo Mεere waa lole Yeesu baa de yero Kristo Korowii aa ŋɔa ŋɔ weε tomɔɔ ɔ ba le o nera la.

<sup>17</sup>Le Abraham bere saŋ ka tel Kooro Devid saŋ la, naanar la lo fi de banaare. Ase le Kooro Devid saŋ ka tel gε saŋ baa lag ba kaa Babilɔn hare la ge, naanar la lo fi de banaare. Ase de bere le gε saŋ baa lag ba kaa Babilɔn hare la ba le Kristo saŋ la, a ge jage fi de banaare.

<sup>18</sup>Kenii Yeesu Kristo lola bini waa do. Josef ne Yeesu nya Mεere nera seoh ŋɔ o kpɔɔ mo. Baa wola chɔe mɔɔ la, de Mεere chege Korowii Domadεεge ta de kpoŋe tea.

<sup>19</sup>De o jaa Josef la ε nendεεge o wa εε su Korowii siwi. De o fe aa nyin keŋɔ o do Mεere sihih nenfuuh baah ta, de fe εε nyin keŋɔ o sɔh de veoh.

<sup>20</sup>Gε waa nɔ aa lo Josef liire bini la, belaa nyundua torome bel ba o be deera ta de ba ŋɔ, "Devid Naa Josef, deε bere ɔma keŋɔ hεε mo Mεeree. Korowii Domadεεgee gela o kpoŋe tea la.

<sup>21</sup>Weε lole bibaalee, ase he pa o sɔn Yeesu, o munii keŋɔ Lεε, dekalkεŋɔ on deε ba bala de ba le o nera ba wechɔga ta."

<sup>22</sup>A gε waa nɔ bwa chigo de gel waa Korowii aa gela o keame bol la ε kpela keŋɔ waa ŋɔa ŋɔ,

<sup>23</sup>"Tolo bel εε kpoŋe teaa de lole bibaa, ase baa yero Imanoel." O munii keŋɔ, "Korowii ne ya lole."

<sup>24</sup>Josef aa ir dom ta la, o ε ge nyundua torome la aa ηο o be la, de kpο Mεere ba o dem.

<sup>25</sup>Kε o ne o ta chεe bwa de ka tel keηο waa lole o bibaa la. Waa lolο la, Josef pa o son Yeesu.

## Maatiu 2

<sup>1</sup>Ge saη baa lole Yeesu Betlehem waa lo Judia hare ta la, de koo-ro bel baa de yero Herod di kora. Belaa wejerema bane baa jeme weweela waa le wee leebor hare bel ta de ba Jerusalem,

<sup>2</sup>de ba boο bela tena ηο, "Leperaa Juda tena koo-ro baa lolο taraken la doο? Ya na wewee bel wee leebor ya bwεε o bagle keηο ba lolο. Anee ya ba de ba duuru."

<sup>3</sup>Koo-ro Herod ne Jerusalem tena bwa aa no ge koo-ro no waa la, omee lag ba.

<sup>4</sup>Anomanta koo-ro la yere Sofonomome ne Ton Jerema la bwa ba cheme o sie de boο ba ηο, "Leperaa baa ba Kristo la Korowii aa ηοa ηο weε tomoo o ba le yaa la lola o?"

<sup>5</sup>Anee ba ηο o be ηο, "Baa loloo Betlehem waa lo Judia hare no taa, dekalkηο Korowii keame la baglo ηο,

<sup>6</sup>Judia hare bwejega Betlehem, Judia hare bwεere bini bwesala laa hen, dekalkηο he taa koo-ro εε ba lee de nyinji n nera Israel tena ne." "

<sup>7</sup>Belaa koo-ro la yere wejerema la le bokere de boο ba ge saη gbagba wewee la aa lea.

<sup>8</sup>Waa boο ba ge waa no tone la, o ηο ba be ηο, "He takapo de la Betlehem de ka gaage bie la bor kerede de na bela waa lole, de ba ηο n be ase n ge ka duuru."

<sup>9</sup>Wejerema la aa no koo-ro la wobol tone la, ba chig ηwene ta de kaa. Baa de kaa la, wewee la ba faa nao wee leebor la berο le ja, de to ba sie de la Betlehem de ka jagε che dem bela bie la aa lole la.

<sup>10</sup>Baa na wewee la, ba sie leo kerede.

<sup>11</sup>Ba jo dem bela de ka na bie la ne o nya Mεere. Ba kaa guηu de duuru de ir pili ba dakare de kpο suugaswem ne daawiile ane a sooh aa soma baa yera frankensens ne mire keo.

<sup>12</sup>Baa de ba kaala la, Korowii chege deera ta de ja ba ηο ba be Herod be la kpa, ase ba bere che ηwenefale ta kaa ba bwe.

<sup>13</sup>Baa le bela de kaa la, nyundua torome bel ba Josef be deera ta de ba ηο o be ηο, "Koo-ro Herod de ba gela nera gaage bie la bor de kpoo. Anomanta ir de kpο bie la ne o nya bwa chwa kaa Ijpt hare ka so bela ka tel ge saη maa bere ba ηο he le bela moο he le."

<sup>14</sup>Ase Josef ir harambana de kpο bie la ne o nya bwa chwa de kaa Ijpt hare,

<sup>15</sup>De ka so bela ka tel ge san kooro la aa sewa. A ge waa noo chiga de gel waa Korowii aa chege o keame la nee bol la e kasintey. O no, "N bie lo Ijipt hare, ase n yeru o ba."

<sup>16</sup>Kooro la aa baa jeme kenjo wejerema la negro la, o bwaawee iro taeh. De o fa ta sie de na ke ge san wejerema la aa noa ba na wewee bel la, aa do bene anee. Anomanta o do nera no ba gaage de kpoo bibaala ba taa e bechasoohne ka tel bano la baa di bene ane de do Betlehem ne o bwere aa baro cheme la bwa ta.

<sup>17</sup>A ge waa noo gela Korowii keame Jeremaya waa o faa bola la e kasintey.

<sup>18</sup>O bolu no, "Nomel lo Rama dee wi. Lokua wii naate ee wi. Rechel de wi o bii wa, ba larawo kahone, dekalke o bii bwa serewo."

<sup>19</sup>Kooro Herod aa sewa la, de Josef ta lo Ijipt hare ta, ase de dee de na nyundua torome bel.

<sup>20</sup>Nyundua torome la no o be no, "Ir de kpo bie la ne o nya he kaa Israel hare ta ja, dekalke naate waa de nyin bie la de kpo la sewo."

<sup>21</sup>Anee Josef ir de kpo bie la ne o nya bwa de bere kaa Israel hare.

<sup>22</sup>Waa noa ke Akelos chig o mee naa ta de e kooro Judia hare ta la, de o fe de ome ke o kaa bela. Korowii beru jao deera ta no o be Judia hare la,

<sup>23</sup>ase o kaa Galilia hare ta de ka so bwee bel baa de yeru Nasaret la ta. Anee gela waa Korowii keame la faa bola no, "Baa yeru Nasaret tee" la e kasintey.

### Maatiu 3

<sup>1</sup>A ge san la, de baa bel waa de so nera Korowii nee baa yeru Jon ba Judia hare pua waa e henle gbo la ta de baa bol Korowii Waa no,

<sup>2</sup>"He chare he liire le he wechoga ta, dekalke Korowii Kora tel he be tone."

<sup>3</sup>Jon no waa Korowii keame Aesaya faa bol la. O fa bolu no, "Nomel de bol waa takpeg ne pua waa e henle gbo ta, de no nera gel ba we-eela togre, de kpo ba te dee kpa ba Doo bala."

<sup>4</sup>Ge Jon no, nyogma pona nee ba soh o yal, ase o kpo ol ton e kriso dee vowe o chara. O kondikwaa gee tontombe ne tooh.

<sup>5</sup>De nera le Jerusalem ne Judia hare ta bobelbwa, ne bwere aa lo Jordan Moo la nyoa bwa dee ba o be.

<sup>6</sup>Ba bol ba wechoga chaglo waa, de o so ba Korowii ne.

<sup>7</sup>Jon aa naa ke Farisii tena ne Saduki tena ge waru dee ba o be o so ba Korowii nee la, o no ba be no, "Nenchoga kenjo harekwaa baa do nii kpo ta ase a le de chwa dee kaa la! Umee no he be no hee wonoo chwa le Korowii bandia ta no?"

<sup>8</sup>Hee e waa aa de chagle kenjo he chare he liire le he wechoga ta.

<sup>9</sup>He be dɛɛ lii kɛɲɔ haa ε Abraham naanar la gbo ɛɛ wonoo gel he chwa Korowii bandia la. Kasintɛɲ, Korowii ɛɛ wonoo gel bwea nɔ begre Abraham naanar.

<sup>10</sup>He do kɛɲɔ daa. Daa belbwa waa wola nɔndɛɛga nɔnɛ la, baa tɛɲɔ ta dɛ fuuh. Gɛɛ Korowii ge gɔɔ o kpanfɛ nɛra baa wola ba liire charɛ la nɛɛ dɛɛ ba ba tɛɲna ta dɛ kpɔ ba do nii ta bá fuh.

<sup>11</sup>"N te, nɛɛ n kpɔ dɛɛ sɔ heyaa Korowii nɛɛ dɛ chagle kɛ he charɛ he liire le wechɔga ta. Kɛ naate waa ba n habɔɔ la te, wɛɛ kpɔ Korowii Domadɛɛge nɛ niinii sɔ heya. O gwaa mɛ. Maa o napaa tee kwaraa dɔ.

<sup>12</sup>O kpɔɲɛ o lukoli dɛɛ ba ó ba pale o mea. Wɛɛ kpɔ a bie laanee do dɔndɔɲ bini cheg, ase a pɛga la, o kpɔa ka ta nii aa wola dime bwa ta."

<sup>13</sup>Gɛ saɲɛɛ Yeesu le Galilia hare dɛ ba Jɔɔdan Moo la nyoa Jɔn be ɲɔ ó sɔɔ Korowii nɛ.

<sup>14</sup>Dɛ Jɔn fe dɛ nyin vɛɛh, dɛ ɲɔ, "Mɛnɛɛ chɛ kɛɲɔ ń ba he be hé sɔ mɛ Korowii nɛ, gɛɛ he ba n be naa?"

<sup>15</sup>Anee Yeesu ɲɔ, "Taraken nɔ te, sɔ mɛ. He sɔ mɛ naa, gɛɛ yaa ba wona ε wedɛɛga aa dɛ su Korowii siwi la bwa." Ase mɔɔ Jɔn seh dɛ sɔɔ nɛɛ la.

<sup>16</sup>Waa sɔɔ Korowii nɛɛ la tonɛ la, Yeesu le nɛɛ ta dɛ ba che baɲ. Nyundua pilo, ase o na Korowii Domadɛɛge o do kɛɲɔ brɔnoma ken dɛ ba ba so o nɛ.

<sup>17</sup>Ase taa bel le nyundua ɲɔ, "N bie maa dɛ nyinu o wa ɛɛ su n siwii nɔ."

#### Maatiu 4

<sup>1</sup>Belaa Korowii Domadɛɛge la kpɔ Yeesu kaa pua waa ε hɛɲle gbo ta áse Bɔnsam daahno na.

<sup>2</sup>Dɛ Yeesu lawɛ o nyoa vɔwɛ tɔpɛbire fifraanaarɛ. Dɛ lɔr dɛ kpoo.

<sup>3</sup>Anee Bɔnsam ba o be dɛ ba ɲɔ o be ɲɔ, "Dɛ hɛnɛɛ Korowii Bie la kpɛla aa, gel bwea nɔ bɛrɛ paanoo hé di."

<sup>4</sup>Anee Yeesu ɲɔ, "Korowii Tɔn baglɔ ɲɔ, 'Kondikwaa gbo laa dɛɛ tɛ nɛn mkpa. Waa Korowii aa dɛ bol la bwa ge dɛ tɛ nɛn mkpa.' "

<sup>5</sup>Anee Bɔnsam kpɔɔ kaa Korowii Bwɛɛ Jerusalem la ta dɛ kpɔɔ ka cheg Korowii Dea la nyundujagla,

<sup>6</sup>ase dɛ ɲɔ o be ɲɔ, "Dɛ hɛnɛɛ Korowii Bie la kpɛla aa, che bonɔ dɛ jah le hare, dekalke Korowii Tɔn baglɔ kɛ, 'Korowii ɛɛ geloo o nyundua toroma ɛɛ nyinji he nɛɛ kerɛdɛ. Baa lawɛɛ haa wola nakpala kwaraa lɔ.' "

<sup>7</sup>Anee Yeesu chaɲɔ ɲɔ, "Korowii Tɔn baglɔ ɲɔ, 'Bɛ N Naa Korowii daah na.' "

<sup>8</sup>Anee Bɔnsam bɛrɛ kpɔɔ ka chɔɲɛ bobel waa do kɛɲɔ bweɲɛɲ bel doa dɛ baglo hare nɔ ta bela bwa kora dii aa lɛle nɛ kondɔɔh nɛ konjɛna aa lɔ o ta bwa,

<sup>9</sup>De ɲɔ o be ɲɔ, "De he guɲ mɛ hare de duu mɛ naa, mɛɛ kpɔ kwaa haa naa nɔ bwaa tɛɛ."

<sup>10</sup>Anee Yeesu kɔro ɲɔ, "Le n jwɛɛh kaa, Bɔnsam! Korowii Tɔn baglo ɲɔ, 'Dɛɛ duu N Naa Korowii dɛɛ tomɛ o gbo.'"

<sup>11</sup>Anee Bɔnsam gelo de kaa, ase nyundua toroma ba chao.

<sup>12</sup>Gɛ saɲ Yeesu aa noa ke ba lawɛ Jɔn do dea la, o berɔ kaa Galilia hare ta.

<sup>13</sup>O la Nasaret, ke o ta bela soɛ, de bere ka so bwɛɛ bel waa lo Galilia Moo la nyoa de do Sebulɔn ne Naftale hare ta baa yerɔ Kapeeneɔm la ta.

<sup>14</sup>Gɛ waa nɔɔ gela Korowii keame Aesaya waa o faa bola la ɛ kasintɛɲ. O bolɔ ɲɔ,

<sup>15</sup>"Nɛra baa lo Sebulɔn ne Naftale hare waa lo Jɔdan Moo la baɲ, de kpɔ dɛɛ kaa moo nyoa bela la, Galilia hare ta bela hɔɔhra aa wara de koo Juda tena bini la,

<sup>16</sup>gɛ nɛra nɔ ba wechɔga aa gela ba do seo lɔga ke nɛra baa soɛ biro ta la, ba na nii bel o chaah kohona tɛ ba bwa."

<sup>17</sup>Gɛ saɲ laanee Yeesu pa mun bol waa dɛɛ chagle nɛra ɲɔ, "Hɛ chare he liire le he wechɔga ta, dekalke Korowii Kora la pu heyaa tonɛ."

<sup>18</sup>Yeesu aa de vale Galilia Moo la nyoa la, o na baala banɛ baa de ɛ nee toma dɛɛ ta asau. Baala banɛ laanee Seemɔn baa de yerɔ Pita la ne o nime Andriu.

<sup>19</sup>Anee Yeesu ɲɔ ba be ɲɔ, "Hɛ gel he peɲa la nyina de ba teɲɛ n nɛ, áse n bagle heyaa gɛ baa nyin nɛra baa tɛ Korowii."

<sup>20</sup>Bug la ta ba den gel ba asauri la bela de kpɔ teɲɛ o nɛ.

<sup>21</sup>Waa de kaa sie la, o berɔ ka na Sebedii bii banɛ, Jems ne o nime Jɔn, de ba ne ba mɛɛ lo gbera bini dɛɛ tɔɔge ba asauri, ase Yeesu yer ba.

<sup>22</sup>Bug la ta ba den gel ba mɛɛ ne gbera la bela de kpɔ teɲɛ Yeesu nɛ.

<sup>23</sup>Yeesu gaage Galilia hare ta bobɛlbwa de jo cheremi deene bini dɛɛ chagle nɛra Korowii Kora la Amanesoma wa, dɛɛ chah nɛra baa de we weela bwa soosiwi.

<sup>24</sup>O waa pere Siiria hare bobɛlbwa, anomanta bela tena kpɔ ba weela tena baa de we weela bwa soosiwi de ba o be. Banɔ la kwaa aa de ir ba nɛ, ne banɔ la baa de we gbunɲunɲri, ne banɔ la ba nɔɔra ne ba nakpale aa serewa bwaa ba kpɔ ba Yeesu be o chaah ba.

<sup>25</sup>De nenlaa tenten le Galilia hare ne bwɛere fi baa de yera Dekapoles la, ne Jerusalem, ne Judia hare, ne Jɔdan Moo baɲ bwɛere bwa ta de kpɔ teɲɛ Yeesu nɛ.

## Maatiu 5

<sup>1</sup>Yeesu aa na nenlaa la la, anee o teeh bwejen bel de ka so, ase o habɔteɲra la baro cheme,

- <sup>2</sup>ase wεε bag ba waa dεε ησ,
- <sup>3</sup>"Nera baa kpσ ba te dawε Korowii nεε kε nyaara la, ba na som, dεkalke banee dεε ba nyundua koobii εε.
- <sup>4</sup>Nera baa dε wi taraken la, ba na som, dεkalke Korowii εε larawe ba bwaraa.
- <sup>5</sup>Nera baa dε pwer ba te la, ba na som, dεkalke Korowii nyobaga la, banee o bage tε.
- <sup>6</sup>Nera ba sie aa begre waa aa togra dεε su Korowii siwi la, ba na som, dεkalke Korowii εε cha baa a ta kerεdε b́a dσa ba tetoora.
- <sup>7</sup>Nera baa dε na nera sum la, ba na som, dεkalke Korowii gee na ba sumii.
- <sup>8</sup>Nera ba tea bini aa toa la, ba na som, dεkalke banee dεε ba Korowii nae.
- <sup>9</sup>Nera baa dε larawe waa dεε sσh waa nyoa la, ba na som, dεkalke Korowii εε yer ba o biirii.
- <sup>10</sup>Nera baa dε ε waa aa dε su Korowii siwi, nera koh a waa dεε εε ba hσhσrσwa la, ba na som, dεkalke banee dεε ba nyundua koobii εε.
- <sup>11</sup>"Dε nera koh teηa haa teηe n nεε nσ waa dεε chegre heya, dεε ε heyaa hσhσrσwa, dεε teηe nyosone, dε bol musu waa belbwa dεε dawε he nε aa, he na som.
- <sup>12</sup>Hε gel he sie lε kohona, dεkalke he kembσr kan taeh Korowii be. Gεε ba kpσ ε Korowii keamere baa tσ sie la.
- <sup>13</sup>"He do keησ yar aa dε kwaa dσr newenyina bwa bini. Dε yar aa some kpa a, εrεε baa ba a εε á do som jaσ? A ta wejema dσe b́a ε kpa. Fugaa a den che keησ he fuga ta dε tigri a ta.
- <sup>14</sup>He do keησ nii waa dε chaah bσr newenyina bwa bini. Bwejen waa dawε dengare doa la aa won sσh.
- <sup>15</sup>Nomelbwa aa kandeσ choηi dε kpσ kon dεε pi o ta. Kε ba dε choηu dε kpσ choηe kon ta áse o chaah tε nera baa lσ dem bela la bwa.
- <sup>16</sup>Gεε che keησ he chaah tε nera áse ba na he wedεega εε dε duu he Mεε waa lσ nyundua la.
- <sup>17</sup>"He be dεε lii kε n balσ dε ba chσg Mosis Mmara la ne waa Korowii keamere la aa chagla la. A chσga laa n ba. N balσ dε ba gel a dσ mun kerεdε.
- <sup>18</sup>Kasintenη, nyundua ne hare taa lole nσ, Mmara nσ bini wejega belbwa aa lee ba.
- <sup>19</sup>Anomanta naate waa bere Mmara la bini onjega belbwa dε bere chagle bane ge ba ε ge la, waa bσr dσe ba Korowii Kora bini. Naate ge waa dε teηe Mmara la ta, dε chagle bane ge baa ε ge la, wεε dσ nomonsoηnibσree Korowii Kora bini.
- <sup>20</sup>Kasintenη, n dε ησ he be, dε he wedεega εε ta Tσn Jerema ne Farisii tena wedεega εε gwaalaa, haa won ja Korowii Kora ta ηwene belbwa ta.



21" He noo ke ba ŋɔ saŋ la tena be ŋɔ, 'Be nen kpo. Nomelbwa waa kpo nen la, o ε wechɔga keŋɔ bá bol o waa de pa bole.'

22 Ke taraken n de ŋɔ he be, nomelbwa o baah naa di o doŋ nee la, o ε wechɔga keŋɔ bá bol o waa de pa bole. Nomelbwa ge waa yere o doŋ nensala la che ke o che Juda tena nomonome bwa sie. Ase nomelbwa o ge aa yere o doŋ kongene bel la, a che ke ba tao Bɔnsam nii ta.

23" Anomanta de he kpo jam kwaa dee la ká te Korowii bela baa de fuh kwaa dee teo la, de lii ke he ne he doŋ bel do waane aa,

24 gel he kwaa la bela, de la ka nyin he doŋ la hé ne o nyoa ka pe moo he ba kpo he kwaa la te Korowii.

25 De he ne he doŋ doo, ase o kpoe dee kaa kooto aa, larawo hé kwaa he baah. Ge laa aa, o doo tel he ne bela aa, kooto nomoa la ee kpoe te prosiri bá ka doe dea.

26 Kasinten, dea belaa hee ba kae ka tel ge saŋ haa bo he kem la bwa, kapere gba aa wola ka moo ba lee.

27" He noo ke ba faa ŋɔa ŋɔ, 'Be jwamane dee bo.'

28 Ke taraken n de ŋɔ he be ŋɔ, he naate haa na haah de nyinju he pela do o nee la, he bo jwamane he bambile bini.

29 Anomanta, de he dig siwi ee geloo he ε wechɔga aa, fomo ta! He fomo ta kwaraa bo ke haa kpo sibile ane kaa Bɔnsam nii ta.

30 De he nondig ee geloo he ε wechɔga aa, teŋo ta! He teŋo ta kwaraa bo ke haa kpo noora ane kaa Bɔnsam nii ta.

31" Ba fa ŋɔ nomelbwa de ba o haah veeh yaa, ó chwere ton teo de veeh.

32 Ke taraken te n ŋɔ baa belbwa o haah naa wola baala nyine, ase o veeh la, o di bolchoge, dekalke o gelo haah la bo jwamane. Ase naate ge waa bera ka mo haah la baa veeh la, o ge bo jwamane.

33" He noo ke baa ŋɔ saŋ la tena be ŋɔ, 'Be waa haa bage nyoa de ŋwee a ta la ta koni. E waa la te Korowii.'

34 Ke n de ŋɔ, he be ŋɔ he be ŋwee kwaraa. He be nyundua ŋwee, dekalke Korowii soŋniboree.

35 He be hare ŋwee, o natigriboree. He be Jerusalem ŋwee, Koojen bwee bela.

36 He be he nyu gba ŋwee. Haa won gel he nyumpon benkpoy gba to, gee haa wola won gel o bir ge.

37 Ba de boore waa de a ε kpela aa, seh ŋɔ, 'Ooh,' de nyosone gee yaa, ŋɔ, 'Ooho.' He bol waane ja a ta naa, amo a te le Bɔnsam be.

38" He noo ke ba faa ŋɔa ŋɔ, 'De nen fome he siwi aa, hé ge fome o siwi. De nen fome he nyen aa, hé ge fome o nyen.'

<sup>39</sup>Kε taraken te n ηϑ, de nomel εε wechoga aa, be wechoga kpϑ bϑϑ kem. De nomelbwa kpa a he dig lweema aa, bere gal lweema la ge teo o kpa a ja.

<sup>40</sup>De nomel de nyin ke o kpϑe la kϑoto de ka le he batakaare aa, kpϑ he yal ge jao.

<sup>41</sup>De kpegnen ge de doe ηϑ he che o bone ka doo kwansini benkpϑ naa, che ka doo kwansini anε.

<sup>42</sup>De nomel soje komel aa, kpϑ teo. De nomel ge ηϑ o de nyin komel de kema a, kpϑ kema.

<sup>43</sup>"He noϑ ke ba faa ηϑa ηϑ, 'He nyin he daamanar de hah he doma.'

<sup>44</sup>Kε taraken n de ηϑ he be, he nyin he doma de soje Korowii deε tee ba,

<sup>45</sup>ase nera jeme ke he ε he Mee waa lo nyundua la bii, dekalkε o te gelo wee lo deε te wechog-εera ne nendεega bwa, de ne bwaala ge deε te nendεega ne wechog-εera bwa.

<sup>46</sup>De he de nyin nera baa de nyin heyaa gbo aa, kembϑ besoo heε ba doe le Korowii be no? Wechog-εera gba de nyin nera baa de nyin ba wa.

<sup>47</sup>De he ne he chamenetena gbo de bol wa aa, de amee he ε gwaa he bala ϑ? Hale nera baa wola Korowii tome gba won ge εε!

<sup>48</sup>A che keηϑ he we-εela bwa do kaih, ge he Mee waa lo nyundua la waa aa do kaih la.

## Maatiu 6

<sup>1</sup>"He nyini kerede deε bere he wedεega εε newenyini sie ta ase baa kpee heya. De he de ε he wedεega newenyini sie ta naa, heε panje he kembϑree he Mee waa lo nyundua la sie.

<sup>2</sup>Anomanta de he de ba nen kon keε yaa, he be kpϑ lo dawuro de gel nera jeme, ge nera baa na nera sie moϑ deε ε waa yon deε ε cheremi deene ne fϑgbaahna la. Ba te de nyin ke nera na ba wedεega εε de kpee ba. Kasinten, ba te do ba kembϑ tone.

<sup>3</sup>De he te de ba nen kon keε yaa, he be gel he dansom gba jeme.

<sup>4</sup>He soh de keo ase he Mee la waa de na waa haa εa deε soh bwa la bo heyaa kem.

<sup>5</sup>"He de ba Korowii soja aa, he be he te ε keηϑ nera baa de na nera sie moϑ deε ε waa la. Baneε yon deε nyin cheremi deene ne fϑgbaahna chega deε soje Korowii ase nera na ba. Kasinten, ba te do ba kembϑ tone.

<sup>6</sup>De he te de ba Korowii soja aa, he kpϑ he te soh moϑ deε soje Korowii waa ε he Mee baa wola on na la. Onee deε na waa haa εa deε soh bwa. Onee deε bo heyaa kem.

<sup>7</sup>"He be wobojaηa aa wola mun doe deε bol he Korowii soja ta ke nera baa wola Juda tena εε la yon deε ε la. Ba de lii keηϑ ba wobojaηa laanee de gel ba voga no ba wa.

<sup>8</sup>He be ε ke ban. He Mee la jeme he wenyina bwa moϑ heε sojo.

<sup>9</sup>Kenii che ke heε soje Korowii: Ya Mee haa lo nyundua, heneε che duura.

10 Bagle he kora dii hare nɔ ta. Gel ya ε he tetoowaa hare nɔ ta, γε baa de εa nyundua la.

11 Tε yaa ya fini kondikwa,

12 de kpɔ ya wechɔga ke yaa, γε yaa kpɔ ya dɔŋa wechɔga deε ke ba la.

13 Deε ke yaa wechɔga lugri ta. Le yaa musu ta. He kora dii, ne he kpegri, ne he jirima ta jaga dɔe bwa. Aamen.

14 De he kpɔ he dɔŋa wechɔga baa de ε heyaa deε ke ba aa, he Mεε waa lɔ nyundua la gee kpɔ he wechɔga haa de ε laanee deε ke heya.

15 Ke de haa he dɔŋa wechɔga kpɔe deε ke ba aa, he Mεε waa lɔ nyundua la ge aa he kwaa kpɔ ke heya.

16 "He de vɔwe nyoa aa, he be deε ηwe ke nera baa de na nera sie mɔɔ deε ε waa aa de ε la. De ba te de vɔwe nyoa aa, gee ba ηwe de laa ba sie bɔr chɔg áse nera na keŋɔ ba de vɔwe nyoa. Kasinteŋ, ba te dɔ ba kembɔr tone.

17 Ke he te, de he de vɔwe nyoa aa, hé same he sie de lee he nyuune,

18 ase nera be jeme keŋɔ he de vɔwe nyoa, nemene he Mεε baa wola on na la gbo. Onee deε na waa haa εa deε sɔh la. Onee de bɔ heyaa kem.

19 "He be gel he siwi swεε hare nɔ ta kondɔɔh ta. Hare bonɔ te, kwaa won kwaa chwee, kwaa won deera de chɔg, ηweera ge won dea joe de ηwe.

20 Ke hé gel he siwi swεε Korowii doa kondɔɔh ta. Belaa kwaa aa wola toole de chwea, aa wola dee, ηweera ge aa wola won jo dea ka ηwea.

21 Bela he kondɔɔh aa lole laanee he liire ge do.

22 "Sibie do ke kanda de te newenyini. Anomanta, de he sibie wer aa, he de na bɔr.

23 De a chɔgɔ ge aa, amɔ de he lɔ biro ta. Gee a do, de he sie begre Korowii waa ta naa, de he wobɛlbwa chaahnɔ. Ke de he sie begre hare nɔ ta kwaa ta naa, he lɔ biro tenten ta.

24 "Nomɛlbwa aa won tome dɔranar banε. De a ba γε naa, weε deε nyin bel waa de gwaa bel. A laa ge aa, o sie εε deε le bel bee de gwaa bel. Haa won tome Korowii de bere won nyin hare nɔ ta kondɔɔh a magre.

25 "Anomanta n de ηɔ he be ηɔ, he be gel he sie begre he soga bini kwaa haa di ne nee haa nyɔ, ne kwaa haa tɔ wa. Haa jeme ke mkpa gwaa kondikwa, ase bwadabii ge gwaa yal aa?

26 Hé ta sie nyinji jumbii na. Aa kwaa du, aa kome, a ta bela aa kome kwaa do dɔe, ke he Mεε waa lɔ nyundua la de tea kondikwaa aa di. He ta jumbii nɔ gwaalaa?

27 He bini umee de won kpɔ sibegra ηwene bel de kpɔ tɔpebenkpon ja o mkpa tɔpera ta nɔ?



<sup>28</sup>Erɛɛ he yale bɛ dɔɛ waa hiah heyaa nɔɔ? Hɛ ta sie nyinji gɛ kpɔg bini konkwaa dɛ fe aa, a fee yon do wer la dɛ na. Aa toma ɛ dɛɛ koh, aa yabi ta.

<sup>29</sup>Kɛ n dɛ nɔ he be nɔ, Kooro Solomɔn gba ne o kondɔɔh bwa, o laala ta wer doe kɛ a gɛ kwaa nɔ bwa.

<sup>30</sup>Kpɔga haa naa a do wer fini asɛ kere gbo dɛ a sewɔ ba fuah nɔ, dɛ Korowii gelɔ a do wer ken naa, erɛɛ waa wola won tɔ heyaa yal gwaala ɔ? He yarada aa kanɛ kwara!

<sup>31</sup>He bɛ gel he sie begre hɛɛ pɛɛ nɔ, 'Bɔkwaa yaa ba dii yɔ, bɔkwaa yaa ba nyɔɛ yɔ, kɛɛ leperaa yaa ba yale dɔɛ dɛ tɔɔ?'

<sup>32</sup>Nɛra baa wola Juda tena ɛɛ baa wola Korowii tomɛ la liiree dɛɛ do a gɛ kwaa nɔ ta. Kɛ he Mɛɛ waa lɔ nyundua la jemɔ kɛ he dɛ nyin anɔ bwa.

<sup>33</sup>Anomanta hɛ gel he sie begre Korowii Kora la ne wedɛɛga aa dɛ su o siwi la ta, dɛ be an mun dɛɛ ta, asɛ ɔ kpɔ anɔ haa dɛ nyin nɔ bwa tɛ heyaa.

<sup>34</sup>He bɛ gel kere waa swɛɛ he siwi. Tɔperɛ te bɛlbwa dɔ o waa aa lɔ o ta. Anomanta, hɛ gel fini waa gbo swɛɛ he siwi.

## Maatiu 7

<sup>1</sup>"He bɛ he dɔɔa dɛɛ pwah, asɛ Korowii gɛ bɛ heyaa pwah,

<sup>2</sup>dɛkalkɛ gɛ haa dɛ pwah he dɔɔa la, gɛɛ Korowii gɛɛ ba heyaa pwaeh. Kon haa kpɔa mage kwaa tɛ he dɔɔa la tenteneɛ baa ba kpɔɛ mage tɛ he gɛ.

<sup>3</sup>Erɛɛ hɛɛ bol he dɔɔa wechɔga tama wa, haa wola he te wechɔgdamanta dawɛ nɔɔ?

<sup>4</sup>A do kɛnɔ dabor aa lɔ he siwi ta haa wola on kpɔɛ, dɛ nɔ he dɔɔa be nɔ ɔ gel he laa dapugri kpɔ o siwi ta.

<sup>5</sup>Nɛn haa dɛ nyinji nɛra sie mɔɔ dɛɛ ɛ wa! Tɔ sie laa dabor la kpɔ he siwi ta mɔɔ dɛ won na kerɛdɛ dɛ laa dapugri waa lɔ he dɔɔa siwi ta la kpɔ.

<sup>6</sup>"Dɛ he dɛ bol Korowii Amanesoma dɛɛ bagle nɛra, asɛ baa no dɛ ɛa kɛ wesalee yaa, hɛ gel ba, dɛkalkɛnɔ he kpɔ kondɛɛga tɛ nyootena aa, aa wola a waa jemɛ la, aa gelaa dɛ ba dorome. He kpɔ kondɛɛga ta prakooni ge aa, aa tigrɛ a taa dɛ laa chɔg.

<sup>7</sup>"Hɛɛ soɔɔ Korowii, wɛɛ tɛ heyaa. Hɛɛ nyin he konnyina o be, hɛɛ dɔɔ. Hɛ swɛɛ siwi dɛɛ lɔ gbera, wɛɛ ya heyaa.

<sup>8</sup>Nomɛlbwa waa dɛ soɔɔ la dɛ dɔ, asɛ nomɛlbwa waa dɛ nyin o konnyina dɛɛ le o be la, o dɛ tɛo. Gɛɛ Korowii ɛɛ ba gbera yae dɛ tɛ nomɛlbwa waa dɛ lɔ la.

<sup>9</sup>"He bini umɛɛ o bieɛ nyin paanoo asɛ o kpɔ bwe tɛo wɔ?

<sup>10</sup>Kɛɛ dɛ o dɛ nyin pɛɛɛ aa, o ka lawɛ harekon ba tɛo wɔ?

<sup>11</sup>Dɛ he wechɔg-ɛɛra nɔ kwara jemɔ dɛ kpɔ kondɛɛga dɛɛ tɛ he bii raa, ɛɛ waa he Mɛɛ waa lɔ nyundua la tɛ aa wola kondɛɛgaa kpɔ tɛ nɛra baa dɛ soɔɔ wɔ?

- <sup>12</sup>Ge haa de nyin ke nera e dee te heyaa la, he ge e ge tenten dee tee ba. A gee dee bagle Mosis Mmara la ne Korowii keamere la webagla la bini kerede.
- <sup>13</sup>"Dwenere anee lole, bel do feeloo ken, bel ge pagri. He kpoo hwenefeeloo la ta, dekalka onoo la waa paga la de la he ne seo ta. O ta kpoe pwere. Anomanta nera baa de kpoo o ta waroo.
- <sup>14</sup>Ke onoo la waa do feeloo la de la he ne mkpa ta. O ge ta kpoe kpegri. Anomanta nera tama kenii jemo dee kpoo o ta.
- <sup>15</sup>"Hee nyiji nyosonterna baa njoa Korowii keamere ban la kerede. He na ba aa, ba pwere keno peera ken. Ke ba bini te, ba sie begre kwaa ke gbolore ken.
- <sup>16</sup>Ba we-ela taa hee ba chega de jem ba. Kpeelee aa won none kee, gee sooh daa ge aa wola won none pur nona.
- <sup>17</sup>Dadeege nona wer, dachoge te nona aa were.
- <sup>18</sup>Dadeege aa won none nonchoga, gee dachoge ge aa wola won none nondtega.
- <sup>19</sup>Daa belbwa waa wola nondtega none la, baa tejo ta de fuuh.
- <sup>20</sup>Anomanta nyosonterna la we-ela taa hee ba chega de jeme ke Korowii keamere laa ban.
- <sup>21</sup>"Nera baa de yer me 'N Doo, n Doo' la bwa laa dee ba Korowii Kora la bini doe de ja, nemene bano la baa de e n Mee waa lo nyundua la tetoowa.
- <sup>22</sup>Topejen maa ba la baa tel aa, nera ee waroo de baa bol n be no, 'N Doo, he son ne laa ya bol Korowii Waa la aa? He son ne laa ya donji kwaa nera nee la aa, kee he son ne laa ya e nyokpowa damanta la bwa la aa?'
- <sup>23</sup>A taa mee ba ba be noe no, 'Maa heyaa jeme bwa. He le n sie bono, wechog-eeera bane!'
- <sup>24</sup>"Nomelbwa waa no n waa no de e ge aa de bagle la do ke wejereme bel waa ma o dea chone bwe ta.
- <sup>25</sup>Bwaala neo, nenapala suugi, ase peujena ta. Ke dea la ta chole, dekalka de o chone bwe ta.
- <sup>26</sup>Nomelbwa waa no n waa no ase o ta ge aa de bagle la ee la do ke gene bel waa ma o dea henle hare ta.
- <sup>27</sup>Bwaala neo, nenapala suugi, ase peujen ta, ase dea la chole biram!'"
- <sup>28</sup>Yeesu aa bol waa la tone la, o webagla la e nenlaa la nyokpoa,
- <sup>29</sup>dekalka a ta do ke ge Ton Jerema la yon dee bagle la. O te de bol waa ke nen waa do waa bwa kpegri ken.

## Maatiu 8

- <sup>1</sup>Yeesu aa le bwe la doa de tu hare la, nenlaa tenje o ne.
- <sup>2</sup>Ase baa bel weechoga aa e o bwara ba de ba gunji o sie de ngo, "N Doo, hee seoh waa, hee wonoo gel n bwara kwaa."
- <sup>3</sup>Yeesu ter o non de lego de ngo, "N seoh. N gelo he bwara kwaa." Bug la ta weela la den le o ne.
- <sup>4</sup>Anee Yeesu kaoh ngo, "Be nomelbwa be ngo. Pa sie kaa Soko la be de kpo he te ka baglo o pene, ase he kpo kwaa ka teo o kpo ge Mosis aa chagla la, a bagle ke he weela la toole he nee kpa."
- <sup>5</sup>Yeesu la Kapeeneom. Waa de jo bwee la ta la, Room sooja nomoa bel ba de ba sojo ngo,
- <sup>6</sup>"N Doo, n bonoo bwara de weo. O kuugo cho dea, o bwara de nyego taeh."
- <sup>7</sup>Anee Yeesu ngo, "Mee ka chaoh."
- <sup>8</sup>Sooja nomoa la ngo Yeesu be ngo, "N Doo, n ta chee kenjo he ba n dem. Ke he chege bono ngo weela la le o ne aa, wee gbanroo,
- <sup>9</sup>dekalka he do wobelbwa kpegri. N e nen maa lo nomonome bane loka, de do soojare do n ge loka. Mee wonoo ngo bel be ngo, 'Kaa,' o kaa, de bere ngo onfale be ngo, 'Ba,' o ge ba. Mee wonoo ngo n bonoo ge be ngo, 'E ken te me,' ase o e."
- <sup>10</sup>Yeesu aa no ge la, o nyoa kpoo, o ngo o habotenra la be ngo, "Kasintej, n ta nen waa do yarada ke baa no nae bwa. N ta o yarada don nae Israel tena kwaraa bini.
- <sup>11</sup>Kasintej, nera ee le wee leebor ne wee choliboree ba so Korowii koobwe, ase ba ne Abraham ne Asek ne Jekob pe di kondikwaa bela.
- <sup>12</sup>Ase nera Korowii koobwee la fe aa che ba la, ba kpo ba ta biro ta, belaa wii ne weweele do."
- <sup>13</sup>Anee Yeesu ngo sooja nomoa la be ngo, "Kaa dem. Ge haa yaradaa no, a e ge tee." Bug la taa nomoa la bonoo la do bokpega.
- <sup>14</sup>Yeesu la Pita dem de ka na ke Pita helahaah bwara worobo o cho kalan ta.
- <sup>15</sup>Yeesu lawe o non, ase o bwara bini chaahno, ase o ir de daa kondikwaa teo.
- <sup>16</sup>Bor aa joa la, ba kpo nera kwaa aa de ir ba nee ba Yeesu be, o kpo o nyoa wobol doni kwaa la le ba ne, ase de chah weela tena ge.
- <sup>17</sup>Ano noo gela Korowii keame Aesaya waa waa bola bil la e kasintej. O bolo ngo, "Onee laa ya gwegra ne ya weela kpo ya ne."
- <sup>18</sup>Yeesu aa na nenlaa la aa baro cheme la, o ngo o habotenra la be ngo ba le moo la banj.
- <sup>19</sup>Ton Jereme bel balo de ba ngo o be ngo, "Nomoa, bobelbwa haa de la la, mee tenje he nee kaa."



<sup>20</sup>Anee Yeesu ɲɔ o be ɲɔ, "Manyajegre kwaraa dɔ bɔɔne dɛɛ chɔ a bini, ase jumbii aa de gah nyundua ge dɔ a kɔne. Ke n Nen Bie te ta bobelbwa dɔe ɲ chɔ de one."

<sup>21</sup>Anee o habɔtenra la bel ɲɔ, "N Dɔɔ, gel n la, ase n mɛɛ baa sewaa ɲ hugo mɔɔ de ba tenɛ he nɛ."

<sup>22</sup>Anee Yeesu chaɲo ɲɔ, "Hé te tenɛ n nɛɛ de gel nera baa wola Korowii mkpa dɔe la ɛɛ huge ba dɔɲa."

<sup>23</sup>Yeesu jo gbera bini, o ne o habɔtenra la ɛɛ kaa.

<sup>24</sup>Bug la ta de peujen bel de ta moo la sie, ase nehaɲma gel ba gbera la ɛɛ ba mora. A ge saɲ nɔ de Yeesu te chɔ dom gbera la bini.

<sup>25</sup>O habɔtenra la kaa chumu de ɲɔ, "Ya Dɔɔ, le yaa! Ya de ba serewa!"

<sup>26</sup>Anee Yeesu ɲɔ, "Oo! Ɛɛɛ hɛɛ ɔmɛ kohona ge nɔɔ? Haa men yarada kwaraa!" Ase o den ir de kɔr peujen la ne nehaɲma la ɲɔ á gel ge. Waa bol ge la, de bɔr denɔ hel kerkerker ken.

<sup>27</sup>A ɛ nera la bwa nyokpoa baa pɛɛ dɔɲa ɲɔ, "Nen besoo siwii nɔ, peu ne nehaɲma ɛɛ no o wobol nɔɔ?"

<sup>28</sup>Yeesu aa le moo la baɲ de ba Gadara hare ta la, baala bane bane kwa aa de ir ba nɛɛ le lala hugribɔr de ba chemo. Wechɔga baa de ɛ nomanta, de nomelbwa aa won bela baa lole kpɔ.

<sup>29</sup>Baa chemo la, ba den kpɔ takpeg ɲɔ, "Bɔkwaa hɛɛ nyin ya be nɔ, Korowii Bie? He de ba ba do yaa weweele mɔɔ ya weweele nae saɲ la tel kɛɛ?"

<sup>30</sup>De prakooni ane lɔ ba jwɛɛh bela dɛɛ di kwa.

<sup>31</sup>Anee kwaa aa de ir baala la nɛɛ la soɲe Yeesu ɲɔ, "De hɛɛ donji yaa te naa, ya de soɲe, gel ya ka so prakooni nɔ nɛ."

<sup>32</sup>Yeesu kɔra ɲɔ, "Hé kaa!" Ase a bwa den le ka so prakooni la nɛ, ase a ge bwa den gbome biribiribiri, de wili diɲgoɲ ka le moo la ta de serewe.

<sup>33</sup>Nera baa de nyiɲi prakooni la ta la aa na ge la, ba chwao kaa bwɛɛ la ta de ka taa waa aa chig bela la bwa ne waa aa pu baala la kwaa aa de ir ba nɛɛ la wa.

<sup>34</sup>Anomanta nera baa lɔ bwɛɛ la ta la bwa chwao de ba cheme Yeesu, ase baa baa nao la, ba soɲo ɲɔ ó le ba hare ta.

## Maatiu 9

<sup>1</sup>Yeesu jo gbera ta de gale moo la kaa o gbagba bwɛɛ ta.

<sup>2</sup>Belaa nera bane kpɔ weela te bel waa kuuga so fɔɔ kalaɲ ta dɛɛ chemo. Yeesu aa na ge baa yaradao la, o ɲɔ naate waa kuuga la be ɲɔ, "Sɔɔh bwara. Aa magroo, n bie. N kpɔ he wechɔga kɛɛ."

<sup>3</sup>Anee Tɔn Jerema bane lii ba nyu bini ɲɔ, "Baa nɔ de ɛ Korowii nenhela!"

- <sup>4</sup>Yeesu aa jeme waa aa lo ba nyu bini la, o no, "Ere hee lii musu waa noo?"
- <sup>5</sup>Maa no o be no n kro o wechoga keo no, ne kenjo maa no o be no o ir de vale, a bini umee kpega o?"
- <sup>6</sup>Mee chagle heyaa kenjo n Nen Bie do kpegri hare no ta ke n kro nera wechoga ke ba." Ase o no naate waa kuuga la be no, "Ir kro he kalaŋ de kaa dem."
- <sup>7</sup>Baa la den ir che de kaa o dem.
- <sup>8</sup>Nenlaa la aa na a ge waa no la, omee lag ba, ba kpee Korowii kenjo waa te newenyini ge nywene no ba won e a ge waa no la.
- <sup>9</sup>Yeesu aa le bela de vale dee kaa la, o kaa na baa bel waa de le lampoo baa yero Maatiu, de o soge o toma ta dee le lampoo. Anee Yeesu no o be no, "Ba teje n ne." Ase Maatiu ir de teje o ne.
- <sup>10</sup>Yeesu la Maatiu dem de ka so tig ta. Waa de di kwaa la, lampoo leera baa de bo apoo ne wechog-era pirim baa ja o ne o habotera la nee baa di.
- <sup>11</sup>Farisii tena bane aa na ge la, ba pree Yeesu habotera la no, "Ere waa he doo no ne a ge nera no pe dee di kwaa noo?"
- <sup>12</sup>Yeesu no waa baa peera la de chaŋ ba no, "Weela tena hiah teega te, bokpega tena laa.
- <sup>13</sup>He ka kwaa hweli waa baa chwera bil heyaa no, 'He de na he doŋa sum aa, anee mee nyin de gwaa haa kpoo kwaa dee te me' la. Nera baa de lii ba te nendeege waa laa n ba. Wechog-era waa n ba ase ba chare ba liire."
- <sup>14</sup>Jon waa de so nera Korowii nee la habotera ge baa pree Yeesu no, "Ere waa ya ne Farisii tena no te yon dee vowe nyoa, ase he te habotera no te aa wola nyoa vowe kwaraa noo?"
- <sup>15</sup>Anee Yeesu seg ba no, "Baa kro hanfale de yere o daamanar no ba ba ba le ba sie aa, baa beroo so lor aa? Baa loree so. Ke toperere bel ee bao kenjo baa lawe hanfale jaa laanee le ba bini. Ge saŋ la te, baa vowe nyoa.
- <sup>16</sup>"Baa yafale yakwara kpoe dee to yabene waa heah boo. A ba ge naa, yafale yakwara la ee keeroo le yabene la ta, ase boo la bere do kan kohona.
- <sup>17</sup>Gee baa wola senfala kpoe dee do lonbena aa koohna bini dee to a nyoa. Ge laa, de sen la baa peraa, aa do kpegrii de pere lonja la a chog, ase sen la fuge. Lonfale binii baa do senfala ase a bwa won do wer."
- <sup>18</sup>Yeesu taa de bol waa no la, cheremi dea nomoa bel baa guŋi o sie de no, "N bie sewo taraken. Ke ba kro non dawo o ne ase o bere ir."
- <sup>19</sup>Anee Yeesu ne o habotera la bwa ir teje o ne.
- <sup>20</sup>Belaa haah bel chal aa fugo bene fi de ane ba kro Yeesu haboo de ka lege o batakaare nyoa.

- <sup>21</sup>De o tɔ sie lii o nyu bini keŋɔ de o lege Yeesu batakaare nyoa gbo kwaraa naa, wɛɛ gbaŋroo.
- <sup>22</sup>Yeesu ke nyiŋi de na haah la, ase de ŋɔ, "Tolo, sooh bwara. He yarada haa yarada me la gelo he gbaŋre." Ge waa no taa haah la gbaŋre.
- <sup>23</sup>Belaa Yeesu jo cheremi dea nomoa la dem. Waa na ge hehela la ne nera baa de e lwe la aa de do gbɔga la,
- <sup>24</sup>o ŋɔ ba be ŋɔ, "He bwa le dem bono! Bie la ta sewe, domii o cho." Waa ŋɔ ge la, ba mamɔ.
- <sup>25</sup>Baa doŋi nera la bwa le dem bela tone la, Yeesu jo dea bela tolo la aa choa la de lawe o non, ase tolo la ir de do bokpega.
- <sup>26</sup>Ge waa no pere baah bela bwere la keredɛ bwa ta.
- <sup>27</sup>Yeesu aa le bela dee kaa la, nyona bane bane no o gbɔga de ir teŋe o nee dee yero dee ŋɔ, "Devid Naa, na ya sum!"
- <sup>28</sup>Yeesu aa kaa jo dem la, nyona la jo puu, anee o pee ba ŋɔ, "He de yarada me keŋo mee wonoo chah heya aa?" Anee ba ŋɔ, "Ooh, ya Doo."
- <sup>29</sup>Anee Yeesu kpo non lege ba sie de ŋɔ, "Ge haa de yarada la, a e ge te heya."
- <sup>30</sup>Ase ba bwa bere dee na. Anee Yeesu kah ba sibegra ne ŋɔ, "He be waa no taa bagle nomelbwa."
- <sup>31</sup>Ke ba garo le de ka gel waa la pere baah bela bwere la bwa ta.
- <sup>32</sup>Nera la aa le dem bela dee kaa la, nera bane ge berɔ kpo baa bel kwaa aa ir o nee o bol waa kahone ba Yeesu be.
- <sup>33</sup>Yeesu aa doŋi kwaa la le o nee la, baa la den dee bol wa, ase nomelbwa waa lo bela la nyoa kpo. Ba ŋɔ, "Ya ta waa no doŋa nae Israel hare no ta bwa!"
- <sup>34</sup>Anee Farisii tena la te ŋɔ, "Kwaa aa de ir nera nee bwa nomoaa teo kpegri o won kwaa doŋa nera nee la."
- <sup>35</sup>Yeesu gaage bwɛjɛna ne anjɛgre bwa ta de bol Korowii Kora Amanesoma bag ba ba cheremi deene, de chah nera baa we weela te belbwa soosiwi.
- <sup>36</sup>Waa na nenlaa la ge la, ba waa do o sum, dekalke ba e nera ba bwara aa de nyeg baa wola lee doe ke peera aa wola tegre doe ken.
- <sup>37</sup>Anee o kpo nera la mage konuula de ŋɔ o haboteŋra la be ŋɔ, "Koo kondikwaa la kan, ke tom-eera la lo tamaa ken dee ba a koma.
- <sup>38</sup>Anomanta he soŋe Koo Te ase o kpo tom-eela bane ba ja ba ka e a toma."

## Maatiu 10



- <sup>1</sup>Yeesu yere o haboteŋra fi de banε la cheme de tee ba kpegri baa kpɔ doŋi kwaa aa de ir nera ne, ase de won chah weela belbwa ge.
- <sup>2</sup>Yeesu toroma fi de banε la waa kpɔ ba laanee nɔ: Seemon waa pa o son Pita la ne o nime Andriu, Jems ne o nime Jon baa ε Sebedii bii la,
- <sup>3</sup>Felep ne Batolomeo, Tomas ne Maatiu o faa de le lampoo la, Jems waa ε Alfeos bie la ne Tadeos,
- <sup>4</sup>Seemon Keenan te la ne Judas Eskareot waa le Yeesu te ba kpoo la.
- <sup>5</sup>Yeesu aa de tome a ge nera fi de banε nɔ la, o do ba ŋɔ, "He be nera baa wola Juda tena ee la hare ta la, he be Samaria bwεε belbwa ta la.
- <sup>6</sup>Hε kaa Israel tena baa do keŋɔ peera aa nyogra la be,
- <sup>7</sup>de ka bol ba be ŋɔ Korowii Kora puu ba tone.
- <sup>8</sup>Hε chah weela tena, de chum nera baa serewa. Hε chah weela bwa aa de chɔg nen bwadabi, de doŋi kwaa aa won deε ir nera neε la le ba ne. N kpɔ kpegri nɔ ke heyaa peεpeε. Hε ge kpɔ chaah ba peεpeε.
- <sup>9</sup>He be suuga te belbwa kpɔ.
- <sup>10</sup>Dwene haa de ba kaala la, he be pur kpɔ, de be batakaani bele anε kpɔ, de be nangawa bele anε ne dangbala kpɔ, dekalkε tom-εε kembɔr cheo.
- <sup>11</sup>"Bwεε belbwa haa tel o ta la, hε nyiŋi nendεεge ase de so o be de ka tel ge saŋ haa le bela.
- <sup>12</sup>He kaa jo dem belbwa ta naa, hε ŋɔ ba be ŋɔ, 'Kɔrowii te heyaa bosɔɔhna.'
- <sup>13</sup>De dem bela tena le heyaa silεε ne naa, baa dɔ bosɔɔhna dem belaa. Ke de ba ta heyaa lee silεε ne naa, baa bosɔɔhna dɔε ba.
- <sup>14</sup>De dem bel keε bwεε bel tena ŋɔ baa heyaa le, baa he waa la gee no aa, hε jwii he nakpale teera ta bela á bagle keŋɔ he kpɔ Korowii Waa ba ba be ba vεah, ase de le bela.
- <sup>15</sup>Kasinteŋ, awola Korowii aa ba pa nomεlbwa bole la, waa Sodom ne Gomoora tena aa na la gba εε bɔ a ge bwεε la tena waa.
- <sup>16</sup>"Hεε no! N de tome heyaa he ka koo he doma baah ta. Hε gel he sie pili hεε do deεgɔ ke harekwa, ase de do pwere de man ke brɔnomare.
- <sup>17</sup>Hεε nyiŋi kerεde, dekalkε baa lawε heyaa ka cheme nomonome sie, de lɔɔ heyaa chweremi ne cheremi deene ta.
- <sup>18</sup>Baa koh n waa yere heyaa cheme Abane nomonome ne kooranar sie de ŋɔ hε ba bol Amanesoma la bagle ba ne nera baa wola Juda tena ee la.
- <sup>19</sup>De ba baa lawε heyaa de la he ne ba sie naa, he be gel waa haa de ba bola ne ge haa bol de le he te hiah heya. A baa tel keŋɔ he bol wa aa, hεε jeme waa haa de ba bolaa.

- 20 Waa haa de ba bola la aa he bee le. Korowii Domadeege laanee de ba he nee chega de bol wa.
- 21 "Nera ee le ba gbagba lolanaree te ba kpoo ba, baala le ba bii te ba kpoo ba, ase bechale ge ir che ba nyare ne ba meenanar ne, de gel baa kpoo ba.
- 22 Nera bwa ee koh n waa hah heya. Ke naate waa de ba wona de lawe bambile ka tone la, wee do o nyuu.
- 23 De he la bwee bel ta baa e heyaa hohorowa aa, he chwa kaa bwefale ta. Kasintey, haa won la Israel bwere no bwa ta ka chig mo n Nen Bie ba.
- 24 "Nen waa de hweli toma ta o doo gwaale, bonoo ge ta o nomoa gwaale.
- 25 De ba de yere dea nomoa Belsebul waa e sonchoge aa, dea bii la te ta poeh ya? 26 "Anomanta he be nera dee ome. Wobelbwa baa to a ta la ee le banee, ase waa aa soah bwa ge le nera jeme.
- 27 Waa maa de bol he be biro ta la, he bola webaja, ase waa maa soah bol he be la, he bola nenlaa baah.
- 28 He be nera baa de ba wona kpo heya, baa wola won kpo he lileo la ome, ke hee ome Korowii waa de ba wona chog bwadabii ne lileo la bwa Bonsam nii ta la.
- 29 He nao ke petopre ta yog doe, ke benkpon gba aa haree le de he Mee waa lo nyundua aa o waa jeme.
- 30 He nyumpona kwara, o jeme a nyoa.
- 31 Anomanta he be ome. He ta petoprere gwaale wobelbwa ta naa?
- 32 "Nomelbwa waa won che nera baah ta de seh no o ja n nee la, gee n gee ba naate son yera n Mee waa lo nyundua la sie ke o ja n ne.
- 33 Nomelbwa ge waa veeh me nera baah ta de no o ta n nee jae la, gee n gee ba o veeh n Mee waa lo nyundua la sie de no n ne o laa.
- 34 "He be dee lii ke n ba nyopeo ne hare no ta. Nyopeo ne laa n ba, yoi nee n ba.
- 35 N balo ase bibaala ne ba meenanar koh n waa dom, bihaahna ne ba nyare dom, ase haahna ne ba helahaahna ge dom.
- 36 Nen lolee de ba o dom tenten ee.
- 37 "He naate haa de nyin he nya ne he mee waa gwaa me la ta chee kenjo he teje n ne, ase he naate ge haa de nyin he bihaah ne he bibaa waa gwaa me la ta chee kenjo he teje n ne.
- 38 He naate haa wola he te kpoe te de seh wahala nae ne seo bwa, de baa teje n ne kenjo nen waa kpo dagagre che ba ka kpaaro pel o ta la ta chee kenjo he teje n ne.
- 39 Nomelbwa o sie aa swee hare no ta silee kwaa ta la, wee pane o nyuu, ase nomelbwa ge o sie aa wola hare no ta silee kwaa ta le la, wee do o nyuu.

<sup>40</sup>"Nomelbwa waa nyiŋi he nɛɛ la, mɛnɛɛ o nyiŋi la. Aɛɛ nomelbwa waa nyiŋi n nɛɛ la, naate waa tom mɛ laanɛɛ o nyiŋi la.

<sup>41</sup>Nomelbwa waa nyiŋi Korowii keame nɛɛ o keamere ɛɛ nomanta la, wɛɛ dɔ Korowii keame kembɔree. Aɛɛ nomelbwa ge waa koh nɛndɛɛge dɛgre waa dɛ nyiŋi o nɛɛ la, wɛɛ dɔ nɛndɛɛge kembɔree.

<sup>42</sup>Kasintɛŋ, dɛ nomelbwa koh kɛ he bini bechala belbwa dɛ tɛŋɛ n nɛɛ waa dɛ tɛo nesɔna o nyɔ aa, waa o kembɔr paŋa ba bwa."

## Maatiu 11

<sup>1</sup>Yeesu aa bol waa nɔ bagle o habɔtɛŋra fi dɛ banɛ la tonɛ la, o le bela dɛ kaa bwɛere aa bɛnɛ bela la ta dɛ kaa bol Korowii Waa dɛɛ bag ba.

<sup>2</sup>Dɛ ba do Jɔn waa dɛ sɔ nɛra Korowii nɛɛ la dea, o chɔ bela dɛ no waa Yeesu Kristo aa dɛ ɛ la, aɛɛ o tomɛ o habɔtɛŋra bane o be

<sup>3</sup>ŋɔ bá ka pɛero ŋɔ, "Hɛnɛ nɛn Korowii aa bage nyoa ŋɔ wɛɛ geloo o ba la aa, kɛɛ he laa o, aɛɛ yáa nyiŋi naate habɔɔ?"

<sup>4</sup>Anee Yeesu ŋɔ, "Hé bɛrɛ kaa dɛ ka ŋɔ Jɔn be waa haa baa na dɛ no la.

<sup>5</sup>Hé ŋɔ o be ŋɔ nyɔŋa dɛ na bɔr, boobie ɛɛ valɛ, aɛɛ nɛra weechɔga aa chɔg ba bwadabii la ge bwara kwaa. Hé ŋɔ o be ŋɔ amumure dɛ no wa, lala ir seo ta, aɛɛ nyaara ge dɔ Amanesoma la dɛɛ no.

<sup>6</sup>He naate haa wola mɛn tɔŋle la, he na som."

<sup>7</sup>Jɔn habɔtɛŋra la aa dɛ kaa la, Yeesu bol Jɔn waa dɛɛ bagle nɛnlaa la ŋɔ, "Haa la Jɔn be pua waa ɛ hɛŋle gbo la ta la, dɛ bɔkwaa he fe ɛɛ nyin kɛ he na nɔ? Kpɔg bɛl peu aa dɛ ta wɛɛ yiigi la kɛɛ?"

<sup>8</sup>Dɛ ge laa ge aa, dɛ bɔkwa tɛnɛɛ he ka nyiŋi ɔ? Nɛn waa do laaladɛɛgaa he ka nyiŋi kɛɛ? Nɛra baa dɛ do laaladɛɛga la, koodemii ba do.

<sup>9</sup>Hé bag mɛ, bɔkwa tɛnɛɛ he la bela ka nyiŋi ɔ? Korowii keamee kɛɛ? Kasintɛŋ, Korowii keamee he na la, kɛ o gwaa Korowii keame kwara,

<sup>10</sup>dɛkalkɛ Jɔn nɔ waa ba chwɛrɛ ŋɔ, 'Korowii ŋɔ, "Mɛɛ tomɛ n toromɛé ó tɔ he sie dɛ kwaa ŋwɛnɛ tɛɛ" ' la.

<sup>11</sup>Kasintɛŋ, ba lɔlɛ nɛnjɛna hare nɔ ta, kɛ Jɔn waa dɛ sɔ nɛra Korowii nɛɛ nɔ gwaa ba bwa. Kɛ nomelbwa waa ɛ bechala Korowii Kora la ta te bɛrɔ gwaa Jɔn.

<sup>12</sup>Dɛ le saŋ la Jɔn aa lea dɛɛ bol Korowii Kora nɔ waa la, nɛra sie begrɔ ba kpɔ sibegra dɛɛ nyin dɛ ja o Kora la ta.

<sup>13</sup>Korowii keamere la bwa nɛ Mosis tɔ sie bol Korowii Kora la waa dɛ ba tel ge saŋ Jɔn aa bala.



14Kε de hεε yarada n waa maa de bol nɔɔ te naa, Elaeja la baa bol o waa ηɔ wεε bao la, onee a ge Jɔn nɔ.

15Nomelbwa waa no la, ó no.

16"Bɔkwa konee mεε ba fini nɔ nera kpɔe de magɔɔ? Ba do keηɔ bechale bane aa de hele fɔgbaah, ase bane ηɔ ba bala be ηɔ,

17'Erεε ya go sileε yela, he sie ta lεε hε sa, ya bere ta wiile ge, he loo ta kui hε wi nɔɔ?'

18Jɔn aa bala la, de o de vɔwe nyoa, waa sen ge nyɔ, ase nomelbwa ηɔ kwaa de ir o ne.

19Ase n Nen Bie la te aa bala la, n di kwa, de nyɔ sen ge, ase nomelbwa bere ηɔ, 'Hε na baa nɔ! Kondikondidii ne sennyɔɔree on. Lampoo lεera baa de bɔ nera apoo ne wechɔg-εeraa ε o daamanar.' " Waa bol ge tone la, anee o ηɔ, "Wejereme belbwa we-εela taa a che baa jeme ke o ε wejereme."

20Bwεere Yeesu aa ε nyokpowaa a ta ware la, a nera ta ba wechɔga ta lee. Anomanta o ηɔ,

21"Korassen tena, hε bwεele. Hεε na waa taeh! Betsaeda tena, hε ge bwεele. He gee na waa taeh! Nyokpowaa nɔ maa εa he bini nɔ, de Taaya ne Sidonee n fee εa nɔ naa, ba fe chare ba liire le ba wechɔga ta bigri, de tɔ lwe yale de kpɔ tɔɔ fɔge ba bwara bwa.

22Kasintenη, awola Korowii aa ba de ba bol nera bwa waa de pa bole la, wεε na Taaya ne Sidon tena sumii gwaa heya.

23Ase he Kapeeneɔm tena ge, he fe de nyin ke he gbagba ir kaa Korowii doa keε? Baa vigri heyaa Bonsam nii taa. Nyokpowaa nɔ maa εa he bini nɔ, de ba fe εa Sodom aa, Sodom fe ta lole ba le fini, Korowii fe ta on chɔge.

24Kasintenη, hε jeme keηɔ awola Korowii aa ba bol nera bwa waa de pa bole la, wεε na Sodom tena sumii gwaa heyaa."

25Belaa Yeesu kpεε Korowii ηɔ, "N Mεε, nyundua ne hare bwa Dɔɔ! N de jaame ke haa kpɔ he waa nɔ sɔh sipila tena ne wejerema, de kpɔ bagle nera baa wola wobelbwa jeme nɔ.

26Jam, n Mεε. Gεε wera he be."

27Bela Yeesu bere ηɔ, "N Mεε kpɔ wobelbwa do n nɔn ta. Nomelbwa aa men Korowii Bie jeme, nemene n Mεε la gbo. Gεε nomelbwa ge aa wola n Mεε la jeme, nemene n ne nera maa de nyin ke n gel ba jemɔ la.

28"He bano la he sogaa bini waa aa kana gwaa he neε la bwa, hε kpɔa ba n be áse n le heyaa he one.

29Ge baa kpɔ daa dawε nae ane ne a pe deε ε toma la, hε gel n ne heyaa ε ge, ase he hweli le n be, dekalke n pwere, maa mbarafɔ ge ε. He ε ge naa, haa koeh ba.

30N waa do tongboη ken, bone maa kpɔ dawε he neε la ge fege."

## Maatiu 12

- <sup>1</sup>Ona Tɔpere bel wee, Yeesu ne o habɔteŋra kaa kpɔ meaa koo bel ta, de lor de kpo o habɔteŋra la, ase ba e meaa la ane dee chwe.
- <sup>2</sup>Farisii tena la aa na ge la, ba ŋɔ Yeesu be ŋɔ, "Nyiŋi na! He habɔteŋra la de e toma dee to ya Ona Tɔpere mmara la."
- <sup>3</sup>Anee Yeesu chaŋ ba ŋɔ, "He ta kure na ge ya naa Devid aa ea ge saŋ lor aa de kpo o ne o nera la kee?"
- <sup>4</sup>O jo Korowii Dea de kpo paanoo aa e Korowii kwa, o ne o nera di. Mmara fe aa ŋwene te ke ba fee di ge paanoo la, Sɔfore gboo fe do ŋwene ke ba dia.
- <sup>5</sup>Kee he ta kure na ge Mosis Mmara la aa bagla ke Sɔfore baa e toma Korowii Dea Ona Tɔpere la ta la de to Ona Tɔpere mmara la, ke ba ge aa bolchoge di aa?
- <sup>6</sup>Korowii Dea toma ee waa baa wola bolchoge di la, ke kasinteŋ, nomel lo bono de gwaa Korowii Dea.
- <sup>7</sup>Korowii Tɔn de bagle ke, 'He de na he doŋa sum aa, anee mee nyin gwaa ke haa kpoo kwaa dee te me.' De he fe jeme waa no mun aa, he fe aa nera nee nya ŋɔ ba di bolchoge,
- <sup>8</sup>dekalka n Nen Bie laanee do Ona Tɔpere kpegri."
- <sup>9</sup>Yeesu le bela de kaa cheremi dea bel ta,
- <sup>10</sup>de baa bel o non aa sewa lo bela. De nera bane lo bela dee nyin de kpo waa dawee Yeesu ne. Anomanta ba peero ŋɔ, "Ya mmara la de te yaa ŋwene ke ya won chah weela Ona Tɔpere aa?"
- <sup>11</sup>Anee Yeesu chaŋe ŋɔ, "Amo de he bini bel pee le boluŋ bel bini Ona Tɔpere aa, erere wee ba ee yo? Waa pee laanee ka lawe le boo la bini naa?"
- <sup>12</sup>Nen ta pee gwaalaa? Anomanta ya mmara de te yaa ŋwene ŋɔ ya e nen wedeega Ona Tɔpere."
- <sup>13</sup>Anee o ŋɔ baa la o non aa sewa la be ŋɔ, "Ter he non." Ase baa la ter o nonsewe la, de o berɔ do kpegri ge o faa doa wubwa la, de do ke o non la waa wola sewe la.
- <sup>14</sup>Belaa Farisii tena la le bela dee vorowe ke ba kpo Yeesu.
- <sup>15</sup>Yeesu aa naa ke nera la de nyinu de kpo la, o le bela kaa bofale, de nenlaa tenten teŋe o ne, ase o chah ba bini bano la ba bwara aa de wee ba la bwa,
- <sup>16</sup>de ŋɔ ba be o waa taa bagle nomelbwa.
- <sup>17</sup>Ge Yeesu aa ea noo gela ba jeme ke waa Korowii keame Aesaya faa bola la e kasinteŋ.

- 18O bolɔ ɲɔ, "N bonɔɔ maa leo laanee la. O waa mɛɛ nyin, ase n sie gee le o nɛɛ ga. Mɛɛ geloo n Doma ba so o nɛ, áse o bagle nera baa lɔ hare ta bwa ge ge n kasintɛɲ ɲwenere aa doa.
- 19Waa waa tɔɲle dɛɛ nyɛg, waa takpeg gee kpɔ bol waa fɔgbaahna.
- 20Nɛn do keɲɔ daa waa gwɛɛna dɛɛ ba kui aa, waa gel o ku. Dɛ o do keɲɔ kandeɛ waa dɛ lawɛ kɛlll la ge, waa gel o dime. Wɛɛ lawɛ bambile nera nɛɛ dɛ yo ka tel ge saɲ nera bwa aa ba jeme Korowii kasintɛɲ ɲwenere la,
- 21áse nera baa lɔ hare ta bwa kpɔ ba hwɛga dawɛ o nɛ."
- 22Ase nera bane kpɔ baa bel kwaa aa dɛ ir o nɛɛ dɛ gel o nyɔɲɛ waa wola won waa ge bol ba Yeesu be, ase o chah baa la dɛ gel wɛɛ na dɛ won waa ge bola.
- 23Waa Yeesu aa ɛa la gelɔ nɛnlaa la bwa nyɔa kpɔ, baa pɛɛ dɔɲa ɲɔ, "Amɔ Devid Naa nɔɔ naa?"
- 24Farisii tena la aa no waa nera la aa dɛ bɔɔ dɔɲa la, ba chaje ɲɔ, "Kwaa aa dɛ ir nera nɛɛ bwa nomoa Belsebulee tɛo kpegri o won kwaa dɔɲa nera nɛɛ la."
- 25Yeesu aa jeme waa baa dɛ bol la, anee o ɲɔ, "Dɛ hare bel ta tena bini pere anɛ ba gbogbo ɛɛ yo aa, hare la dɛ pagre. Ase bwɛɛ belbwa ge o bini aa pere anɛ bampera ne bampera ɛɛ yo la, bwɛɛ la dɛ pagre. Gee dɛ waane ba lola bel bini ase ba pere anɛ dɛ gbo ɛɛ yo aa, lola la aa won ɛ lola.
- 26Anomanta dɛ Bɔnsam kora bini pegro baa yo aa, amɔ te kora la aa won ɛ kora.
- 27Dɛ he ɲɔ Belsebulee tɛ mɛ kpegri n won kwaa dɔɲa nera nɛɛ aa, a wer. Aah, dɛ he ge, umee tɛ he habɔtɛɲra nɔ kpegri ba won a dɔɲa ɔ? He gbagba habɔtɛɲra la we-ɛɛlaa dɛɛ bagle keɲɔ he kono kwara!
- 28Korowii Doma kpegri nɛɛ mɛɛ dɔɲi kwaa aa dɛ ir nera nɛɛ la. Anomanta hɛ jeme keɲɔ Korowii Kora dii la telo tone.
- 29"Nomɛlbwa aa won jo bokpega te dea dɛ ɲwɛ o laala bwa, nemene o tɔ sie won vɔrɔwo mɔɔ dɛ won jo o dea ka pa o laala.
- 30"Nomɛlbwa waa wola n nɛɛ jae la aa n waa nyin. Nomɛlbwa waa wola men chae dɛɛ boa n nera nyɔa dɛɛ pɛ la lɔ ba dɛɛ pegre.
- 31Anomanta n dɛ ɲɔ he be ke Korowii ɛɛ wonoo kpɔ wechɔga belbwa ne wobochɔga belbwa ke nɛn. Ke nomɛlbwa waa bol Korowii Domadɛɛge la te nɛnhelwobol la, waa kpɔ keo bwa.
- 32Nomɛlbwa waa bol waa yage men Nɛn Bie la, wɛɛ wonoo kpɔ keo. Ke nomɛlbwa waa bol wobochɔga yage Korowii Domadɛɛge la te, fini ne kere, Korowii aa kpɔ keo bwa.
- 33"Dɛ daa nɔn wer aa, dɛ daa la gbabirii wera. Ke dɛ he ɲɔ daa nɔn aa weraa, dɛ daa la gbabir gee wola were. Daa nɔn taa ba che dɛ jeme o dasoo.

- <sup>34</sup>Nenchōga kɛ harekwa! Wechōga gbo aa su he bini nɔ, wobodɛɛga ɛɛ wonoo le he nyoa ta naa? Waa aa lɔ nen bambile ta laanee o nyoa ɛɛ bol.
- <sup>35</sup>Nendɛɛge wedɛɛga ɛɛ taa a che baa jeme wedɛɛga aa lɔ o bambile bini. Gɛɛ ba che nenchōge ge wechōga ɛɛ ta dɛɛ jeme wechōga aa lɔ o bambile bini.
- <sup>36</sup>N dɛ ɲɔ he be ɲɔ, wesale bɛlbwa nomɛlbwa aa bola la, wɛɛ bagle a munii awola Korowii aa ba dɛ ba bol nera bwa waa dɛ pa bole la.
- <sup>37</sup>He gbagba wobol taa Korowii ɛɛ ba chega pa heyaa bole. He wobol ɛ wobodɛɛga aa, wɛɛ pae boldɛɛgee, dɛ he wobol ɛ wochōga aa, wɛɛ pae bolchōgee.”
- <sup>38</sup>Tɔn Jerema la bane ne Farisii tena bane ba Yeesu be dɛ ba ɲɔ, "Nomoa, ya dɛ nyin kɛ he ɛ nyokpowaane yá na dɛ jeme kɛ kpelaa Korowii bee he le.”
- <sup>39</sup>Anee Yeesu chaɲ ba ɲɔ, "Ɛɛɛ fini nera ɛ wechōg-ɛɛra gbo baa wola Korowii ɔmɛ ge nɔ? Maa wobɛlbwaa ɛ hé na, nemene waa aa pu Korowii keame Jona la dɔɲ gboo dɛɛ ba n ge pui áɛ he che a ta jeme n nensoo.
- <sup>40</sup>Gɛ Jona aa di tɔpɛbire atoro pɛɲɛɲɛn la tea bini la, gɛɛ men Nen Bie la gee ba tɔpɛbire atoro dii lalbɔɔ bini.
- <sup>41</sup>Awola nera bwa aa ir seo ta dɛ ba che Korowii sie ase o bol ba waa dɛ pa bole la, Niniwe tena ɛɛ bol waa bɔ fini nɔ tena, dɛkalke ba te no Korowii waa Jona aa bola la mun dɛ chare ba liire le ba wechōga ta. Kɛ kasintɛɲ, naate waa gwaa Jona lɔ bonɔ, ase he ɲɔ haa o bee no.
- <sup>42</sup>Seba kooro waa ɛ haah la gba ɛɛ bol waa bɔ fini nɔ tena, dɛkalke o valɔ le o hare ta bojaɲ le dé ba no Kooro Solomɔn wejemwa. Kɛ kasintɛɲ, naate waa gwaa Kooro Solomɔn lɔ bonɔ, ase he ɲɔ haa o bee no.
- <sup>43</sup>"Fini nɔ nera do kɛɲɔ nen Bɔnsam aa gela o torome bɛl do o nɛɛ dɛ chōg o da. A habɔɔ la naate chare o liire, ase Bɔnsam torome la le o nɛɛ dɛ kaa ka nyin bofale dé so. O gaagaa, o ta wone dɔ bɔr dé so onɛ,
- <sup>44</sup>dɛ berɛ ɲɔ, 'Mɛɛ kaa n bug ta bela maa lea ba laanee,'
- <sup>45</sup>dɛ berɛ ka na kɛ baa la liire chaahnɔ kɛɲɔ dea baa chaaro dɛ kwaaro kɛɛdɛ, kɛ dɛ gel o chɔ pɛɛ. Gɛɛ o won la ka kpɔ o bala anuanɛ aa gwaalo kwara, a bwa won ba so naate la nɛ, dɛ chōg o da gwaa gɛ o faa doa wubwa la. Gɛɛ aa ba doe fini nɔ nera baa ɛ nenchōga nɔ nɛ.”
- <sup>46</sup>Yeesu nyoa taa lɔ waa ta o bol dɛɛ bagle nera la la, o nya ne o nimanar ba bela dɛ ba che buse dɛɛ nyinu dé bol waa o be.
- <sup>47</sup>Anomanta nera la bɛl ɲɔ o be ɲɔ, "Nyinɲi na, he nya ne he nimanar chege buse dɛɛ nyin he bɔr dé bol waa he be.”
- <sup>48</sup>Yeesu pɛɛ ba ɲɔ, "Umee n nyaɔ? Umewaa n nimanar ɔ?”
- <sup>49</sup>Ase o tɛr o nɔn pa o habɔtɛɲra la nɛɛ dɛ ɲɔ, "Hé na n nya ne n nimanar.



<sup>50</sup>Nomelbwa waa de ε waa n Mεε waa lo nyundua aa de nyin ke he ε laanee n nime ne n nimambie ne n nya."

## Maatiu 13

- <sup>1</sup>Awola tenten Yeesu le dem bela de ka so moo nyoa deε bagle nera wa.
- <sup>2</sup>Nenlaa la aa wara nomanta o jo gbera ta ka so, ase nenlaa la bwa che ban.
- <sup>3</sup>Ase o kpɔ segla bol waa chag ba nɔ, "Baa belee ira de kaa mere mea o koo ta.
- <sup>4</sup>Waa de mere mea la, ane lee nɔwene nyoa, ase jumbii ba tɔɔ di.
- <sup>5</sup>Ane lee bwetala ta bela teera aa wola toole kohona. Teera la aa dawε bwetala la ta la aa wola ware la nomanta, a ta bigre belbwa mea la le.
- <sup>6</sup>Ke a lune ta wone kaa bini. Anomanta wee aa loa la, a jwalo de sewε.
- <sup>7</sup>Mea la ane ge lee soɔhne baah, ase soɔhne la kpeg de lawa, a ta wone ε.
- <sup>8</sup>Ke anɔ la aa lee haredeεge ta la te leo, ase de ma kohona. Ane ma lafare, ane ma fifraanumel, ase ane ge ma fifraatoro."
- <sup>9</sup>Yeesu aa bol a ge waa nɔ tone la, anee o nɔ, "Nomelbwa waa de nyin de no la, o no."
- <sup>10</sup>Ase o habotenra la la o be ka pεero nɔ, "Ere waa he yon kpɔ segla deε bol waa nera nɔ be nɔ?"
- <sup>11</sup>Anee Yeesu chan ba nɔ, "He te do Korowii Kora ne a wejema aa fa soah bwa de jeme. Ke ba te ta doe.
- <sup>12</sup>Anomanta naate waa doa la, baa jao anee o do kohona. Ke naate waa wola komelbwa doe la, tama kwaraa waa doa la ε le o non taa.
- <sup>13</sup>Waa aa bala maa kpɔ segla deε bol waa ba be laanee nɔ: 'Ba do sibie, ke baa na, de do deɔna, ke baa waa no, baa waa mun jeme.'
- <sup>14</sup>Ba waa Korowii keame Aesaya faa bol la. O bolɔ nɔ, 'Nera nɔ ε noo kohona, ke baa a mun jema ba. Baa nyiɔuu kohona, ke baa a jema ba,
- <sup>15</sup>dekalkε ba bambile kpegri, ba kpɔ nɔɔra tɔɔge deɔna, de tɔɔge ba sibie ge. A waa laa aa, ba sie fe ε nao, ase ba deɔna no, ase ba jeme a mun, de bere ba bambile deε teɔn n neε ase n lee ba.'
- <sup>16</sup>Ke he te, he nyu som taeh. He sibie de na, he deɔna gee no wa.
- <sup>17</sup>Kasintenɔ, Korowii keamere kerede ne Korowii nera kerede fe de nyin ke ba na anɔ haa de na nɔ, ba ta doe na, de fe ε nyin de no anɔ haa de no nɔ, ba ta doe no.
- <sup>18</sup>"He cheg deɔna de no baa waa mere mea la waa la mun.
- <sup>19</sup>Nera baa de no Korowii Kora nɔ waa baa wola a mun jeme laanee do ke mea la aa lee nɔwene nyoa la. Bonsam balaa, de o baa laa waa baa noa la bwa kpɔ le ba nyu bini.

- 20**Mea aa lee bwetala ta la ge chego te nera baa no waa no, de ba sie leo la.
- 21**Ke waa la aa wola ban jooge la gelo aa won ba nyu bini ka. A chege Korowii waa ta waane puu ba, ase nera ge ee ba hohorowa aa, de ba horo.
- 22**Mea la aa lee soohne baah la chego te nera baa no waa no, ase hare no soga liire ne hare no kondoch waa begre ba sie, ba ta gele waa la do tono.
- 23**Ase mea la aa lee haredaage ta la ge chego te nera baa no waa la de lawe a bini, a do tono tee ba keho mea la aa ea kereda, ane ma lafare, ane ma fifraanumel, ane ma fifraatoro la.”
- 24**Yeesu kpo segla bol waa chag ba ja de ho, "Kenii Korowii Kora la do. Baa belee ira de ka mere mea o koo ta.
- 25**Jwaana bel nera bwa aa choa la, o dom bel ge iro de ka mere kpogchoga ane aa le mea la koo mea la ta, de ir chwa.
- 26**Kwaa la bwa aa lea de kpeg la, a bie ee taa ba che jeme ke kpogchoga koo mea la ta.
- 27**Baa la bonona baa booro ho, 'Nomoa, ke mea gboo he mere koo no ta la? Lee kpogchoga no ge le de ba koo a ta no?’
- 28**Anee nomoa la chan ba ho, 'N dom belee e ge la.' Ase o bonona la bere peero ho, 'He de nyin ke ya ka pare kpogchoga la ta kee?’
- 29**Anee baa la ho, 'Kai. De he ho he para ta taraken aa, hee pare mea la anee ja a ta.
- 30**He gel a bwa pe che de e. A koma ta la, mee ho nera baa de ba a koma la bee ba to sie ke kpogchoga la, de vorowa, de che ka ta nii ta de fuah, mo de ba kome mea tenten la de pa ka do me n dondoh bini.' “
- 31**Yeesu kpo segla bol waa chag ba ja de ho, "Kenii Korowii Kora la do. Baa belee ira de kpo daa bel baa de yero mastad bii de ka du.
- 32**Kwaa bie baa de du bwa bini onjegaa. Ke de o leo de kpeg aa, o de gwaa konuula bwa, de yon kpeg dajen, ase jumbii gba ba soh a kone o kpala ta.”
- 33**Yeesu kpo segla bol waa chag ba ja de ho, "Kenii Korowii Kora la do. O do keho haah bel aa ira de kpo iisi tama ka koo men logbaa del ta, ase a won gel men la bwa uge.”
- 34**Waa no bwa Yeesu aa bola dee bagle nenlaa la bwa la, de segla nee wee bol. Weberkpon gba toole o wobol waa wola segla kpe.
- 35**Ge waa ea no gelo waa Korowii keame la faa bola la e kpela. Korowii fa kpo o keame la nee bol ho, "Mee kpo seglaa bol waa chag ba. Waa nomelbwa aa wola jeme bwa le hare no mumpar la, mee bol ba bee.”
- 36**Yeesu aa le nenlaa la baah la, o kaa jo dea, ase o habotenra la ba o be de ba ho o be ho, "Chagle yaa kpogchoga baa la dom la aa kaa mere koo mea la ta la mun.”
- 37**Anee Yeesu ho, "Men Nen Bie laanee mere mea tenten la.

<sup>38</sup>Hare ta bonoo e koo la. Mea tenten laanee nera baa ja Korowii Kora la ta la, ase kpogchoga la ge che te nera baa lo Bonsam be pera.

<sup>39</sup>Baa la dom la waa kaa mere kpogchoga koo mea tenten la ta la chego te Bonsam. Kwaa la koma la chego te waa bwa jaga san, ase nera baa koma la chego te nyundua toroma la.

<sup>40</sup>Ge baa vorowe kpogchoga la de che ka do nii ta a fuh la, gee waa bwa jaga san ee ba doe.

<sup>41</sup>Men Nen Bie la ee tome n nyundua toromaa ba n kora no ta ba ba kpog nomelbwa waa de do nera wechoga ta ne wechog-eeera bwa,

<sup>42</sup>de kpog ba ka ta ninlao ta, belaa wii ne weweele do.

<sup>43</sup>Ase name nera baa de e wedeega la chaah kejo wee ken ba Mee Koobwee bela. Nomelbwa waa no la, o no.

<sup>44</sup>"Korowii Kora la waa ane gee la ja. A do kejo baa bel aa kaa kpaah kondoh kwaane baa kpoa soh hare bel ta. Ase o ge bere kwaa soh de kpog kwaa la silae de ka yog komelbwa waa doa de kpog suuga la ka yawe a ge hare la.

<sup>45</sup>"Korowii Kora la tenten berog do kejo bonadii bel waa de gaage lwedeega ane a yog aa kpega de yawe.

<sup>46</sup>Ase awola bel o ka na lwedeega tenten bel o yog aa kpega taeh, de ka yog o kondoh bwa de kpog ka yawe ge lwee la.

<sup>47</sup>"Korowii Kora la dor bel gee no. Nera bane baa de e nee toma kaa ta dooh moo ta de lawe peje te belbwa siwi.

<sup>48</sup>Dooh la aa su peja la, ba ter ba henle ta, ase de sonni hare de chale a bini, de pa penedeega la do logbaa bini, ase de pa ano la aa wola were la ka ta.

<sup>49</sup>Gee waa bwa jaga san ee ba doe. Nyundua toroma ee bao de ba chale nenchoga le nendeega bini,

<sup>50</sup>ase de kpog nenchoga la ka ta ninlao ta. Belaa wii ne weweele do."

<sup>51</sup>Yeesu pee ba jo, "He de no waa no mun te naa?" Ase ba jo, "Ooh."

<sup>52</sup>Anee Yeesu bere jo, "Amo nomelbwa waa jeme Mosis Mmara la, de bere ba hweli Korowii Kora no waa la do kejo nomel aa do o dem, de do konfala ne kombena, de won a bini belbwa waa de nyin kpog de le bela waa de cheg o kwa."

<sup>53</sup>Yeesu aa kpog segla bol waa bagle nera la tone la, o le bela,

<sup>54</sup>de bere kaa o gbagba bwe. O bagle nera waa ba cheremi dea ta, ase nera baa no o webagla la bwa nyoa kpog, baa pee doja jo, "Leperaa o le ge wejema no ne noo? Ase nyokpowaa no geog?"

<sup>55</sup>Kapenta te la bie la laa kee? O nya laa Meeere aa? O nimanar laa Jems ne Josef ne Seemon ne Judas kee?

<sup>56</sup>Bwɛɛ nɔ ta laa o nimambii bwa do aa? Leperaa o le a gɛ wejema nɔ ne nyokpowaa ɛɛ nɔ bwa ne nɔ?"

<sup>57</sup>Anomanta ba siwi ta on sui. Aɛ Yeesu ɲɔ ba be ɲɔ, "Korowii keame dɔ sɔn bobɛlbwa. Kɛ o gbagba bwɛɛ tena ne o lola gboo wola on duu."

<sup>58</sup>Baa wola on yaradae nomanta, nyokpowaa waa ɛa bela ta ware.

## Maatiu 14

<sup>1</sup>Kooro Herɔd waa dɛ nyiɲi Galilia hare ta gɛ saɲ la no Yeesu wa,

<sup>2</sup>ase dɛ ɲɔ o bonɔɔna be ɲɔ, "Jɔn o faa dɛ sɔ nɛra Korowii nee laanee la. O weero le seo ta. A waa o won nyokpowaa nɔ ɛɛ la."

<sup>3</sup>Kooro Herɔd nɔ fa gelɔ ba lawɛ Jɔn, dɛ doo kpɛɛ dɛ kpɔɔ ka do dea. Kooro nɔ nime Felep haah Herɔdeas waa o koh ɛ Jɔn gɛ la,

<sup>4</sup>dɛkalkɛ kooro la moo, ase Jɔn ɲɔ o be ɲɔ o ta an kɛɛdɛ ɛɛ kɛ waa mo Herɔdeas la.

<sup>5</sup>Aɛ kooro la fe ɛɛ nyin Jɔn dɛ kpɔ. Kɛ dɛ o dɛ ɔmɛ Juda tena la, dɛkalkɛ ba te bwa ɲɔ Jɔn ɛ Korowii keame.

<sup>6</sup>Awola belee kooro la ɛɛ di o lola tɔpere, ase Herɔdeas bihaah ba sa bagle nɛra la bwa. O sae la gelɔ kooro la sie ɛ.

<sup>7</sup>O ɲɔ tolo la be ɲɔ, "N ɲwɛɛrɔ kɛ komɛlbwa haa dɛ nyin la, mɛɛ kpɔɔ tɛɛ."

<sup>8</sup>O la ka ɲɔ o nya be. O nya gel o la dɛ ka ɲɔ kooro la be ɲɔ, "N dɛ nyin kɛ he kpɔ Jɔn waa dɛ sɔ nɛra Korowii nee la nyu dawɛ korɔ ta ba tɛ mɛ taraken."

<sup>9</sup>Waa nɔ we kooro la nɛɛ kɛɛdɛ, kɛ o ntam waa ɲwɛɛra la ne nɛra baa soge bela dɛ no la nomanta, waa nyin kɛ o to o ntam la, ase o seh,

<sup>10</sup>dɛ gel ba la dea bela baa do Jɔn la dɛ ka tɛɲɛ o nyu,

<sup>11</sup>dɛ kpɔ dawɛ korɔ ta ba tɛ tolo la, ase o ge kpɔ ka tɛ o nya.

<sup>12</sup>Jɔn habɔtɛɲra balɔ dɛ ba kpɔ lale la ka huge, ase dɛ ka taa bagle Yeesu.

<sup>13</sup>Yeesu aa no gɛ waa nɔ la, o le nɛra baah dɛ ka kpɔ gbera dɛ fe kaa bela nomɛlbwa aa wola toole. Nɛra no gɛ waa la dɛ le ba bwɛɛre ta dɛ kpɔ naa ta dɛ tiu.

<sup>14</sup>Yeesu aa le gbera la bini, dɛ nenlaa tenten lɔ bela. Ba waa dome o tea, ase o chah ba bini weela tena.

<sup>15</sup>Bɔr aa dɛ jo la, o habɔtɛɲra la baa ɲɔ o be ɲɔ, "Nomoa, bonɔ ɛ kpɔg baah, bɔr ge dɛ jo. Anomanta ɲɔ ba be b́a kaa bwɛɛre nɔ aa bar bonɔ nɔ ta dɛ ka yawɛ kwaane di."

<sup>16</sup>Yeesu chaj ba ɲɔ, "Ba ta chɛɛ kɛ ba kaa. H́ɛ ge nyin kwaa tɛɛ ba b́a di."

<sup>17</sup>Anee ba ɲɔ, "Paanoo anue ne pɛɲa anɛ gboo ya dɔ bonɔ."

<sup>18</sup>Anee Yeesu ɲɔ, "H́ɛ kpɔ ba tɛ mɛ."



<sup>19</sup>O gel nera la bwa so hare kpoglor la ta, ase de kpɔ paanoo anue la ne peɲa ane la, de ha sie nyiɲi nyundua de jam Korowii, de mone paanoo la do o haboɲɲra la noora ta de ɲɔ bá bone tee ba,

<sup>20</sup>ase nera la bwa di de vagre. O haboɲɲra la aa tɔɔ paanoo ne peɲa baa dia a ka la pe, a su wegɲeɲa fi de ane.

<sup>21</sup>Nera baa di kwaa la, ba baala gbo ee e kagboɲa banue. Haahna ne bechale te ta jae.

<sup>22</sup>Belaa Yeesu gel o haboɲɲra la jo gbera bini de to sie kaa moo la ban ase o ge gel nera la ee pegre.

<sup>23</sup>Nera la aa kaala la, o teehnɔ kaa bwejen bel doa de ka soɲe Korowii bela. Bɔr aa baa gare bwa, de o gbo ta lo bela.

<sup>24</sup>Ge san no bwa de gbera la lo moo baah ta ase nehanma ee begro, dekalkɛ de peu bel tao dee chem ba.

<sup>25</sup>Jabal logla sii san la, Yeesu valo kpɔ nee la sie dee kaa ba be.

<sup>26</sup>Baa nao o vale nee sie dee ba la, ba omɔ de dooge loɲɔre ɲɔ, "Lalee yoo!"

<sup>27</sup>Yeesu den ɲɔ, "Hé lawe bambile, menea! He be omɛ!"

<sup>28</sup>Anee Pita ɲɔ, "N Dɔɔ, de henee yaa, gel n ge won vale nee sie ba he be."

<sup>29</sup>Anee Yeesu ɲɔ, "Ba." Belaa Pita den le gbera bini tu nee sie de vale dee kaa o be.

<sup>30</sup>Waa na ge peu la aa de ta la, o berɔ omɛ de den dee more, ase de do loɲɔ ɲɔ, "N Dɔɔ, lee me!"

<sup>31</sup>Bug la ta de Yeesu tel bela de lawɔ de ɲɔ, "He yarada aa kanɛ kwara! Eree he bere di toɲla no?"

<sup>32</sup>Baa jo gbera la bini la, peu la gel tae.

<sup>33</sup>Yeesu haboɲɲra baa lo gbera la bini la guɲu de ɲɔ, "Kasinteɲ, henee Korowii Bie la kpela."

<sup>34</sup>Ba tawɔ ka chuge moo la ban bel Genesaret hare ta.

<sup>35</sup>Bela tena la aa jemɔ la, ba kaa yere baah bela tena ba bwara aa de wee ba bwa ba Yeesu be.

<sup>36</sup>Ba soɲo ɲɔ ó gel weela tena la lege o batakaare nyoa gbo áse de gbanɲe. Ase bano baa lege o batakaare nyoa la bwa gbanɲe.

## Maatiu 15

<sup>1</sup>Farisii tena ne Tɔn Jerema bane le Jerusalem de ba boɔ Yeesu ɲɔ,

<sup>2</sup>"Ere waa he haboɲɲra no ee jo ya kii nee noɔ? Sama ya naanar aa bagle yaa ɲɔ ya same noora moɔ dee di kwaa la, baa ge e!"

- <sup>3</sup>Yeesu chan ba ɲɔ, "Ere waa he gee jo Korowii kii nee dee teɲe he gbagba webagla ta noo?"
- <sup>4</sup>Korowii ɲɔ, 'Duu he nya ne he mee,' de bere ɲɔ, 'Nomelbwa waa bol o nya ne o mee bwara wechoge la, a che ke ba kpoo.'
- <sup>5</sup>Ke he ge de bagle ke nomelbwa waa ɲɔ o mee ne o nya be ɲɔ o kpɔ kwaa waa do de kpɔ cha ba la bwa te Korowii,
- <sup>6</sup>a ta chee ke o duu o mee de chao kpa. Kenii hee chog Korowii mmaraare dee teɲe he gbagba webagla ta no.
- <sup>7</sup>He nera haa nyini nera sie moɔ dee e wa! Korowii keame Aesaya na he waa bol kerede ge waa ɲɔa ɲɔ,
- <sup>8</sup>'Nera no te, nyoa gbo nee baa duu me, ke ba tea bini te ta toe.
- <sup>9</sup>Newenyini mmaraare taa baa bagle ɲɔ nera teɲe. Anomanta pepee baa tom me.' "
- <sup>10</sup>Yeesu yere nenlaa la ba o be, de ɲɔ ba be ɲɔ, "He no waa no de jeme keɲɔ <sup>11</sup>kwaa nen aa de di laa gela o e nenchoge, nemene ano la aa de le o nyoa wee bol la."
- <sup>12</sup>Ane o habotenra la ba o be de ba ɲɔ, "He jemo keɲɔ he waa no haa bola no jo Farisii tena no bini kene?"
- <sup>13</sup>Anee Yeesu chan ba ɲɔ, "Daa te belbwa n Mee waa lo nyundua la aa wola on due la, baa hugruu ta.
- <sup>14</sup>He be ban dawɛ le! Ba e nyonja baa de to nyonja sie. Nyonje lawe o don nyonje daa aa, ba bwa de le boɔ ta."
- <sup>15</sup>Ase Pita ɲɔ, "Chagle yaa waa no mun."
- <sup>16</sup>Anee Yeesu boɔ ba ɲɔ, "He ge aa a mun jema?"
- <sup>17</sup>Haa jeme keɲɔ kwaa haa de di la, tea binii aa kaa de bere dahara aa?"
- <sup>18</sup>Ke waa aa le nen nyoa la te, bambile binii a le. Anee yon gel nen e nenchoge.
- <sup>19</sup>Liichoga, nenkpoo, jwamane, ɲwee wa, nyosone teɲa, de nera ɲwala, ne ano aa jaa bwa, bambile binii a le.
- <sup>20</sup>Anee de gel nen e nenchoge. Ke de nen ta non same ge he naanar aa chagle heyaa ɲɔ hee e moɔ dee di kwaa la aa, a te aa won gel o e nenchoge."
- <sup>21</sup>Yeesu le bela de kaa Taaya ne Sidon pera.
- <sup>22</sup>Haah bel waa e Keenan te de do bela ba Yeesu be de ba kpɔ takpeg ɲɔ, "Devid Naa Yeesu, na n sum! Nomoa, kwaa de ir n bihaah nee dee fiigu, a do kpegri."
- <sup>23</sup>Yeesu ta on chane, ase o habotenra la ba o be de soɲo ɲɔ, "Gel haah no kaa ke waa teɲe ya nee dee do yaa gboga la!"

<sup>24</sup>Anee Yeesu chaje ɲɔ, "Nera baa do keɲɔ peera aa nyogra de le Israel tena bini la gbo waa ba tom me ɲɔ ɲ ba gaage ba boɾ."

<sup>25</sup>Haah la den ba gunji Yeesu sie de ɲɔ, "Cha me, Nomoa."

<sup>26</sup>Yeesu chajo ɲɔ, "A che ke bechale di kwaa vagre moɔ nyootena ge di. Aa were ke ba kpɔ bechale kondikwaa te nyootena."

<sup>27</sup>Belaa haah la ge seh ɲɔ, "Kasintenji, Nomoa, ke nyootena aa bechale kondikompugrere aa leera la ge di aa?"

<sup>28</sup>Anee Yeesu ɲɔ o be ɲɔ, "Ge haa de yarada me la kan kerede! Ge haa de nyin la, aa e gee tee." Bug la ta bie la gbanre.

<sup>29</sup>Yeesu le bela de kaa fere Galilia Moo la nyoa, de ka teeh bwejen bel de so bela,

<sup>30</sup>ase nenlaa tenten ba o be de kpɔ weela tena ba peri aa serewa, nyonja, boobie, amumure ne nera baa de we weela bwa soosiwi ba bil o sie, ase o chaah ba.

<sup>31</sup>Nera la nyoa kpoo ke baa na ge amumure aa bera won waa bola, boobie ne nera ba peri aa serewa won ir che dee vale, ase nyonja ge bere won dee na la. Anomanta ba kpee ba Israel tena Korowii la.

<sup>32</sup>Yeesu yere o habotenra la de ɲɔ ba be ɲɔ, "Nera no waa de dome n tea, dekalke n ne baa soga topera atoro no, taraken ba ta komelbwa doe de di. De n gel ba ge ba kpɔ lor kaa laa, baa gwegre ɲwene taa."

<sup>33</sup>O habotenra la peero ɲɔ, "Ere yaa ba ee de do paanoo te nendamanta no bwa don kpog no baah bono ba di a won tel ba o?"

<sup>34</sup>Anee Yeesu pae ba ɲɔ, "Paanoo anwenee he doo?" Anee ba ɲɔ, "Anuane de penjegre tamaa ane."

<sup>35</sup>Anee Yeesu ɲɔ nenlaa la be ɲɔ ba so hare.

<sup>36</sup>Ase o kpɔ paanoo anuane la ne penja la de jam Korowii, de mone do o habotenra la noora ta, de ɲɔ ba bone te nenlaa la, ba ge bone tee ba.

<sup>37</sup>Ba bwa di kwaa la de vagre. O habotenra la too ano la baa dia a ka la pe, ase a su wegrena anuane.

<sup>38</sup>Nera baa di kwaa la, ba bini baala ee e nera kagbona banaaree. Haahna ne bechale te ta jae.

<sup>39</sup>Ase Yeesu ta nera la ɲwene de jo gbera bini kaa Magadan pera.

## Maatiu 16

<sup>1</sup>Farisii tena bane ne Saduki tena bane ba Yeesu be de ba daahno na dee nyin o e nyokpowaane ba na ase de won jeme ke Korowii bee o le kpela.

<sup>2</sup>Ase Yeesu ɲɔ ba be ɲɔ, "Weswem san he nyin nyundua de nyundua sweraa, he yon ɲɔ bwaala aa tena ba.

- <sup>3</sup>Chombibi ne ge he iro de na ke nyundua sweero de bibir aa, he yon no nyundua aa sweera de bibir no, bwaala ee neo. He won nyundua nyina de jeme waa aa de ba chiga, aah ere waa haa wola won jeme waa aa chig taraken no mun no?
- <sup>4</sup>Fini nera, nenchoga ne nera baa veh Korowii la, heyaa noa n e nyokpowaa he na naa? Maa wobelbwaa e he na. Waa aa pu Korowii keame Jona la daja gboo dee ba n ge pui ase he che a ta de jeme n nensoo." Anomanta o gel ba bela de kaa.
- <sup>5</sup>Yeesu habotetra la aa gale moo la de le o ban la, ba sooh, ba ta paanoo kpoe ja.
- <sup>6</sup>Anee Yeesu no ba be no, "Hee nyini he te kerede Farisii tena ne Saduki tena iisi wa."
- <sup>7</sup>Ba ta o segla la mun noe, dee pee daja no, "Amo yaa wola paanoo kpoe waa wee bol ge naa?"
- <sup>8</sup>Yeesu aa no waa baa de pee daja la, o pee ba no, "Ere waa hee pee daja paanoo be doe waa no? Haa men yarada kwara!
- <sup>9</sup>Saj la bwa haa waa mun no mo naa? Maa mone paanoo anue te nera kagbona banue ba di ka la, a kabora haa paa la, wegre dela anwenee he do la?
- <sup>10</sup>Paanoo anuane la maa te nera kagbona banaare ba di la, wegre dela anwenee gee he do la?
- <sup>11</sup>Ere taa a che he ta wone jeme kejo paanoo waa laa mee bol he be no? Hee nyini he te kerede Farisii tena ne Saduki tena iisi la wa."
- <sup>12</sup>Name o habotetra la ta no waa la mun ke iisi baa kpa dee e paanoo waa laa wee ja ba la, ke Farisii tena ne Saduki tena webagla la taa wee ja ba.
- <sup>13</sup>Yeesu la Sisaaria Felepae bwere ane ta. Belaa o pee o habotetra la no, "Nen besoo nera ee lii men Nen Bie no?"
- <sup>14</sup>Anee ba no, "Bane no Jon o faa de so nera Korowii nee laanee hen, bane no Elaejaa hen. Bane ge no Jeremaya laa hen aa, amo te, Korowii keamebena la belee hen."
- <sup>15</sup>Anee Yeesu bere pee ba no, "Ase he ge se, nen besoo hee lii me no?"
- <sup>16</sup>Seemon Pita chajo no, "Henee Kristo la, Korowii tenten waa lole saj belbwa la Bie la."
- <sup>17</sup>Yeesu no, "Jon bie Seemon, he na som kejo nomelbwa aa wola hen waa no bagle ase he jeme no. N Mee waa lo nyundua laanee bagle.
- <sup>18</sup>Anomanta n no he sone Pita, o munii Bwe. Ge bwe no taa mee ba n dea doe choge. N habotetra n dea la. Hale seo kwara aa wola won po ba nee bwa.
- <sup>19</sup>Mee kpo Korowii Kora la safoaa do he non ta hee nyini n habotetra te me, ase waa haa wola seeh hare no ta la, nyundua ge Korowii aa seh, ke ano haa seah hare no ta la, nyundua ge Korowii ee seah."
- <sup>20</sup>Anee Yeesu kah ba no ba be o waa bol bagle nomelbwa ke onee Kristo la.



<sup>21</sup>Le gɛ saŋ la, Yeesu bol waa chasee ken dɛɛ bagle o habɔteŋra la, de ŋɔ, "A che keŋɔ n kaa Jerusalem de ka na wahala bela nomonome ne Sɔfonomonome ne Tɔn Jerema non ta, ase ba kpo mɛ, ase a tɔpera atoro la n ir seo ta."

<sup>22</sup>Anee Pita lawɔ le bokere de kaoh ŋɔ, "Aa! N Dɔɔ, Korowii ɛɛ la a ne bojaŋ. Aa he nɛɛ gɛɛ ba bwa."

<sup>23</sup>Belaa Yeesu laa o te bere de kɔr Pita ŋɔ, "Le n jweh, Bɔnsam! He de neg mɛ n ɛ wechɔga, dekalke haa ano la Korowii aa de nyin la lii, nemene nera tetoowa."

<sup>24</sup>Ase Yeesu ŋɔ o habɔteŋra la be ŋɔ, "De nomelbwa de nyin ke o teŋe n ne aa, o gel o tetookwaa nyina de kpo o te ke weɛ seh wahala nae ne seo bwaa de baa teŋe n nɛɛ keŋɔ nen waa kpo dagagre che kaa o kpobɔr,

<sup>25</sup>dekalke nomelbwa o sie aa swɛɛ hare no ta silɛɛ kwaa ta la, weɛ paŋɛ o nyuu. Ase nomelbwa ge o sie aa wola hare no ta silɛɛ kwaa ta swɛɛ la, weɛ do o nyuu.

<sup>26</sup>De nen do hare no ta kwaa bwa de nyogre o nyu aa, bokwa tɔnɔɔ o dɔɔ? Bokwaa newenyini ɛɛ ba wona kpo de chare o nyuo?

<sup>27</sup>N Nen Bie no ɛɛ kpo n Mɛɛ jirima laanee, n ne n nyundua toroma le nyundua ba de ba bo nomelbwa kem gɛ o toma aa doa.

<sup>28</sup>Kasintenɔ, a gɛ saŋ n Nen Bie aa ba di kora la, de he bini bane ta sogɛ le de na mɛ."

## Maatiu 17

<sup>1</sup>Aa di tɔpera anumel la, Yeesu to Pita ne Jems ne o nime Jon sie ba ka teeh bwejen bel, de gbo ka so o doa bobel.

<sup>2</sup>Baa sogɛ la, de Yeesu begrɔ, o sie bɔr do keŋɔ weɛ ken, ase o laala waa doa la ge to dɛɛ nyegle al-al ken.

<sup>3</sup>O habɔteŋra batoro la bere ŋɔ ba nyiŋi, de Mosis ne Elaeja ja Yeesu nɛɛ baa bol wa.

<sup>4</sup>Anee Pita ŋɔ Yeesu be ŋɔ, "N Dɔɔ, a wer taeh ke yaa lo bono no! De he de nyin aa, mɛɛ do kukure atoro cheg bono ase he kpo bel, Mosis kpo bel, ase Elaeja ge kpo bel."

<sup>5</sup>O nyoa taa lo waa ta weɛ bol la, de bamponɔ bel deno ba to ba ne, ase ba no taa bel bam la bini ke, "N Bie maa de nyinu o wa ɛɛ su n siwii no. He cheg deŋna de no o be."

<sup>6</sup>Yeesu habɔteŋra la aa no taa la la, omee lag ba kohona ba guŋi de kpo ba sie piigi hare.

<sup>7</sup>Ase Yeesu ba de ba kpo non lo ba de ŋɔ, "He ir che. He be omɛ."

<sup>8</sup>Baa laa ba nyuune ir de nyiŋi, de nomelbwa toole ka ja ba ne Yeesu ne.

<sup>9</sup>Baa le bwejen la doa dɛɛ ba la, Yeesu ja ba ŋɔ, "He be waa no haa naa no taa bagle nomelbwa bwa de ka tel gɛ saŋ Korowii aa gel n Nen Bie ir seo ta moɔ."

**10**Anee o haboŋra la pɛero ŋɔ, "Aah ɛɛ waa Tɔn Jerema la ɛɛ chagle ŋɔ a che keŋɔ Elaeja tɔ sie ba mɔɔ Kristo la Korowii aa bage nyoa ŋɔ wɛɛ tomɔɔ ɔ ba le yaa la ge ba nɔɔ?"

**11**Ase Yeesu chanj ba ŋɔ, "Elaejaa dɛ tɔ sie ba kpela, dɛ ba kwaa ŋwene mɔɔ.

**12**Ke kasintɛŋ, Elaeja balɔ dɛ kaa. Waa bala la, ba ta on jeme dɛ ɛo ge belbwa aa too ba tea. Weweele la tenten baa kpɔa ɛo laanee baa ba kpɔe ɛ n Nen Bie nɔ ge."

**13**Ase mɔɔ o haboŋra la ta jeme keŋɔ Jɔn o faa dɛ sɔ nera Korowii nee la waa wɛɛ bol la.

**14**Ge saŋ baa le bwejen la doa dɛ tu la, ba kaa pu nenlaa bane. Baa bel den ba guŋi Yeesu sie **15**dɛ ŋɔ, "N Dɔɔ, na n bibaa nɔ sum tɛ mɛ! O dɛ chole gbunɔgbunɔri. A iraa, aa were kwaraa. Tɔpebɛla a iraa, a gelɔ wɛɛ chole nii ta, ase tɔpebɛla ge a gel wɛɛ chole nee ta.

**16**N kpɔɔ ba he haboŋra nɔ be, ke ba ta wone chaoh."

**17**Ase Yeesu chanj ŋɔ, "Oo! Fini nɔ nera wechɔga aa lɔ he nee nɔ, he ta yarada dɔe! Tɔpera aŋwenɛɛ hɛɛ nyin ke n lawɛ bambile dɛ so he be mɔɔ he yarada Korowii ɔ? Maa tɔpere bel dii ba he be kpɔ oo! Hɛ kpɔ bie la ba!"

**18**Yeesu kɔr kwaa aa gela gbunɔgbunɔri la ɛɛ ir bie la nee la, ase a le o nee kaa. Bug la ta bie la den dɔ bokpega.

**19**Anee Yeesu haboŋra la la o be bokere dɛ ka pɛero ŋɔ, "Ɛɛ waa ya te ta wone donji kwaa la le bie la nee nɔɔ?"

**20**Anee Yeesu ŋɔ, "He yarada aa wola kanɛ waa. Dɛ he yarada fe kan keŋɔ kwaa bie baa dɛ dua bwa bini onjega tenten la gba aa, he fe ɛɛ wonoo ŋɔ bwejen nɔ be ŋɔ ɔ hugri kaa bela haa dɛ nyin, ase o kaa. He fe ɛɛ wonoo ɛ komelbwa."

**22**Yeesu haboŋra la bwa aa baa cheme Galilia hare la, o ŋɔ ba be ŋɔ, "Ba dɛ ba n Nen Bie lee do nera nɔn ta.

**23**Baa kpɔ mɛɛ, ase tɔpera atoro n bere ir seo ta." A te dɛ o haboŋra la bwa loo kuu.

**24**Yeesu ne o haboŋra la la Kapeeneɔm. Ase Korowii Dea tɔɔ lɛɛra baa pɛɛ Pita ŋɔ, "He Dɔɔ nɔ dɛ bɔ Korowii Dea tɔɔ aa?"

**25**Anee Pita ŋɔ, "Ɔɔh, o dɛ bɔ." Pita aa jo dem bini la, Yeesu den tɔ sie pɛero, "Seemɔn, bamewaa bɔ tɔɔ dɛɛ tɛ hare nɔ ta koranar ɔ? Ba gbagba bii keɛ hɔɔhra ɔ? Ɛɛɛ he na nɔ?"

**26**Anee Pita ŋɔ, "Hɔɔhraa dɛɛ bɔ." Ase Yeesu ŋɔ, "Gɛɛ te naa, amɔ te a ta cheɛ keŋɔ ba le koobii be.

**27**Ke maa wola nyin ke ya jo ba nee nomanta, la moo ta dɛ ka ta goŋa. Peŋe belbwa waa tɔ sie ba ter goŋa la, lɔɔ le baŋ dɛ nyiŋi o nyoa bini. Hɛɛ na suuga bwe waa tel n ne he bwa tɔɔ laanee, ase hɛ kpɔ ka bɔ tɛ ya bwa."

## Maatiu 18

<sup>1</sup>A ge saŋ la Yeesu haboŋra la bwa ba o be de ba pɛero ŋɔ, "Ya bini umee gwaa ya bwa de ε nomoa Korowii Kora la ta no?"

<sup>2</sup>Ase Yeesu yere bechajega bel de gel o ba che ba baah ta,

<sup>3</sup>ase de ŋɔ, "Kasinteŋ, he ta he liire chare de do keŋɔ bechajegre aa, haa won ja Korowii Kora la ta bwa.

<sup>4</sup>Naate waa won pwer o te de do keŋɔ bechajega no la, onee gwaa nomelbwa Korowii Kora la ta.

<sup>5</sup>Nomelbwa waa koh n waa de nyiŋi bie no doŋ nee la, menea o nyiŋi la.

<sup>6</sup>"Nomelbwa waa negre bechajegre no doŋ belbwa waa de yarada me no ase o ε wechɔga la, de ba fe vowe nambwe do o baŋa de kpoo ka ta moo vil ta kwaraa fe bo.

<sup>7</sup>Hare no ta nera, he bweele, he doŋa negra dee do wechɔga ta nomanta. A ge waa la εe bao te, ke naate waa ba a ne la, o bweele.

<sup>8</sup>De he non kee he nakpala ee negree he ε wechɔga aa, teŋo ta. Haa do nombenkpɔŋ kee nakpabenkpɔŋ de do Korowii be kaa bo keŋɔ haa do noora ane kee nakpale ane de kaa Bonsam nii aa wola dime bwa la ta.

<sup>9</sup>De he siwi gee negree he ε wechɔga aa, fomo ta. Haa do siwi benkpɔŋ de ba do Korowii mkpa bo keŋɔ haa do sibie ane de kaa Bonsam nii aa wola dime bwa la ta.

<sup>10</sup>"He nyiŋi kerede de be n bechajegre no belbwa nyiŋi vah. N de ŋɔ he be keŋɔ nyundua toroma baa de nyiŋi ba nee la won n Mee sie laŋa saŋ te belbwa.

<sup>11</sup>Nera baa nyogra la waa n Nen Bie koh ba.

<sup>12</sup>De nomel do peera lafa ase benkpɔŋ nyogre aa, eee wee ba ee yo? Wee gel fifraanuaare de anuaare la a dibor belaa tama, de ka gaage benkpɔŋ waa nyogra la bor.

<sup>13</sup>De o nao waa, o sie ee le o nee gwaa fifraanuaare de anuaare la aa wola nyogre la.

<sup>14</sup>Gee a do he Mee waa lo nyundua la aa wola nyin keŋɔ bechale no bini belbwa nyogre la.

<sup>15</sup>"De he doŋ ee wechɔga ane aa, la o be he ne o le bokere bela nomelbwa aa wola toole de ka gel o jeme wechɔga waa kpoo ee. De o na o wechɔga de larawe naa, de he berɔ do he chamente.

<sup>16</sup>Ke de o ŋɔ waa seh ke o ε wechɔga aa, ka nyin nembenkpɔŋ kee banɛ ja he ne, ase he ne ba la o be, dekalke nera banɛ kee batoro dansee ε kasinteŋ.

<sup>17</sup>De he ne nera la laŋo o ŋɔ waa seh ja aa, kpoo ka bil he bala bwa he ne ba aa de cheme la sie. De o ŋɔ waa ba ge bee no aa, gel o waa teo ke nen waa wola Korowii tome kee wechog-ee.

- 18"Kasinten, wobelbwa haa wola seeh hare nɔ ta la, nyundua ge Korowii aa seh, ase wobelbwa haa seh hare nɔ ta la, nyundua ge Korowii ee seoh.
- 19"N berɔ dɛe ɲɔ he be ja ke de he bini bane gba nyoa pɛo hare nɔ ta hee nyin komel aa, n Mee waa lɔ nyundua la ee kpɔ te heya,
- 20dekalkɛ bela nera bane kee batoro aa kpɔ nyopɛo cheme n sɔn ta la, de n ja ba ne.”
- 21Anee Pita ba bɔɔ Yeesu ɲɔ, "N Dɔɔ, kera aɲwɛnɛɛ che keɲɔ de n dɔɲ ee me wechɔga aa n kpɔ keo wɔ? Kera anuanɛ kee?”
- 22Yeesu chaɲɔ ɲɔ, "N ta ɲɔe kera anuanɛ, ke kera fifraanuanɛ bele anuanɛ.
- 23"Anomanta, Korowii Kora waa la do keɲɔ kooro bel ne o bonɔɔna wa. Kooro la iro de ɲɔ ɔ bonɔɔna ba bagle ba toma ee bini ɔ na.
- 24Waa pa mun dɛe nyiɲi ba toma ee bini la taa, o na ke bonɔɔna la bel di o kem suuga aa wola nyoa dɔe.
- 25Waa naa keɲɔ bonɔɔ la aa won e wobelbwa de bɔ kem la la, o ɲɔ bá yog o ne o haah ne bii ne o kondɔɔh bwa dé kpɔ bɔ kem la.
- 26"Anee bonɔɔ la guɲi kooro sie de soɲɔ ɲɔ, 'N poori, na n sum de lawe bambile ke mee bɔe he kem la bwaa.’
- 27Ase kooro la na o sum kohona de gelo, de kpɔ kem la keo.
- 28"Bonɔɔ la aa dɔ bɔr le dɛe kaa la, o kaa pu o dɔɲ o ge aa di o kenjegaa bel. Waa na o dɔɲ la, o den hame o lobi de ɲɔ, 'Kpɔ n suuga te me!’
- 29Anee o bonɔɔndɔɲ la guɲi o sie de soɲɔ ɲɔ, 'N poori, na n sum de lawe bambile ke mee bɔe he kemee.’
- 30Bonɔɔ la ta o dɔɲ la sum nae, de gel ba ka doo dea dé ka tel saɲ waa bɔ kem la mɔɔ.
- 31O bonɔɔndɔɲa la aa na waa aa chiga la, a we ba nee taeh, ase ba ka taa waa la bagle ba bwa dɔɔ kooro la.
- 32"Kooro la yere o bonɔɔ la de ɲɔ, 'Nyubinikpeg te kohona! N koh soɲa haa soɲ me la waa de kpɔ kendamanta la bwa kee.
- 33Amɔ a fe ta chee keɲɔ he ge fee na he dɔɲ nɔ sum de kpɔ kem nɔ keo waa?”
- 34Kooro la kpɔ bandia ɲɔ bá kpɔ bonɔɔ la ka do dea de ɛo weweele ká tel ge saɲ waa de ba wona bɔ kem la bwa.”
- 35Yeesu aa bol a ge waa nɔ tone la, anee o ɲɔ, "De he ge ta he bambile bini lee de kpɔ he dɔɲa wechɔga ke ba aa, gee n Mee waa lɔ nyundua la gee ba heyaa ee.”

## Maatiu 19

- 1Yeesu aa bol a ge waa nɔ tone la, o le Galilia hare de kaa Judia hare, Joɔdan Moo la baɲ.



- <sup>2</sup>De nenlaa tenten teje o ne, ase o chah weela tena bela.
- <sup>3</sup>Ase Farisii tena bane ba bela de ba kpo webora dee hagro bela de fe doo lawe. Ba booro no, "Mmara de te yaa nwere kejo baa won che wobelbwa ta veh o haah naa?"
- <sup>4</sup>Anee Yeesu chaj ba no, "He ta Korowii Ton la kure na kee? Korowii waa ta kwaa bwa la, waa de ba newenyini tae la, baa ne haahnee o ta,
- <sup>5</sup>ase de no ano waa baa lee ba o mee ne o nya jweeh lee, de kpo o te ka pel o haah ase ba nera bane la pe e nembekpon.
- <sup>6</sup>Anomanta baa nera bane ee ba kpa, ba peo e bekpon. Nera Korowii aa lag ba pe la, nen ta chee kejo o laa ba pegri."
- <sup>7</sup>Anee ba peero no, "Aah ere waa Mosis Mmara la te yaa nwere no de baa de ba o haah veeh yaa, o chwere ton teo de bagle ke o veoh no?"
- <sup>8</sup>Yeesu chaj ba no, "He bambikpeg waa Mosis te heyaa nwere no he chwere ton te he haah de veoh la. Ge laa a faa do wubwa.
- <sup>9</sup>Nomelbwa waa veh o haah la, de baala laa haah la nyin mo o veoh, de ka mo hanfale aa, de o e o haah la wechoga de bo jwamane."
- <sup>10</sup>Anee o habotera la no o be no, "De kenii waa no cho te baa o haah moe ta te naa, amo te a wer ke baa be haah mo, ase haah ge be yale kwara."
- <sup>11</sup>Ase Yeesu no ba be no, "Nera bwa laa de won so no baa haahnaa mo, nemene bano la Korowii aa kpo ge tee ba la gbosoro.
- <sup>12</sup>Nera bane haahna be moe la ne a nweree. Bane le a ne Korowii doa ba. Ase bane ge, foga ba fog ba, ase bane ge koh Korowii Kora la waa de e ba te ge. Naate waa won teje n waa maa bagla no ta la, o takapo de teje a ta."
- <sup>13</sup>De nera bane kpo ba bii ba Yeesu be no o kpo o non dawe ba nee de swee ba andeega. Ase o habotera la kogre nera la no ba kpo ba bii la le le.
- <sup>14</sup>Anee Yeesu no, "He be bechale la nwere to. He gel ba ba n be, dekalke bano dora no Korowii koobii la."
- <sup>15</sup>Yeesu aa kpo o non dawe ba nee tone la, o le ba be de kaa.
- <sup>16</sup>Baa bel iro de la Yeesu be de ka peero no, "Nomoa, wedeega besoo che kejo n e de do mkpa aa wola jaga doe yo?"
- <sup>17</sup>Ase Yeesu ge bere peero no, "Ere waa hee pee me wedeega ee waa no? Korowii gboo e nendeege. Ke de he de nyin kejo he do mkpa aa wola jaga doe bwa te naa, dee e waa Korowii mmara la aa de chagle la."
- <sup>18</sup>Anee o pee Yeesu no, "A bini ameo?" Anee Yeesu no, "Be nen kpo, be jwamane bo, be nwe, be nyosone teje dawe he don ne.
- <sup>19</sup>Dee duu he nya ne heeh, ase dee nyin he don ke he gbagba."

<sup>20</sup>Baa la ɲɔ, "Waa nɔ te bwa, n de teɲe a ta. Anee ka me jao?"

<sup>21</sup>Anee Yeesu ɲɔ o be ɲɔ, "De he de nyin ke he waa do keredɛ ka tonaa, ka yog he kwaa haa dɔa bwa, ase de kpɔ a suuga ke nyaara. Ka e ge, ase de ba teɲe n ne. Heɛ do kondɔɔh cheg Korowii doa."

<sup>22</sup>Baa la aa no ge Yeesu aa bola la, o tea bini chɔg o laa bere kaa, dekalke de o do kondɔɔh taeh.

<sup>23</sup>Anee Yeesu ɲɔ o habɔteɲra la be ɲɔ, "Kasinteɲ, n de ɲɔ he be, aa do kpegrii te dɔɔh ke o do bɔr ja Korowii Kora la ta.

<sup>24</sup>N de ɲɔ he be ja ke aa do pweree te nyogma ke o won jo tɔɔge bɔɔ ta gwaa ke dɔɔh naa wona do bɔr ja Korowii Kora la ta."

<sup>25</sup>Yeesu habɔteɲra la aa no ge la, ba nyoa kpoo, baa pɛe dɔɲa ɲɔ, "Amɔ te umee deɛ ba o nyu dɔe yɔ?"

<sup>26</sup>Yeesu ha sie nyiɲ ba de ɲɔ, "Nɛwenyini bee a do kpegri, ke Korowii be te, wobɛlbwa aa kpege."

<sup>27</sup>Anee Pita chaje Yeesu ɲɔ, "Nyiɲi na, ya te gel komɛlbwa yaa dɔa de ba teɲe he ne. Bɔkwaa yaa ba dɔe yɔ?"

<sup>28</sup>Anee Yeesu ɲɔ o be ɲɔ, "Kasinteɲ, n de ɲɔ he be, ge saɲ Korowii aa ba begre kwaa bwa anfala, ase n Nen Bie nɔ ba so n kookarajen la ta la, he nera fi de bane nɔ haa teɲe n neɛ nɔ gee so kookane fi de anɛ taa, de bol nera baa le Israel deene fi de anɛ la ta waa de pa ba bole.

<sup>29</sup>Ase nomɛlbwa ge koh n waa de gel o dem, o nahaahnanar, o dɔɔranar, ne nimanar, o nya, o mee, o bii ne o kooni aa, weɛ dɔ a dɔɲa bele lafaa, de bere dɔ mkpa aa wola jaga dɔe bwa la ge.

<sup>30</sup>Nera baa tɔ sie keredɛ eɛ ba ka munii, ase nera baa ka mun ge keredɛ ba tɔ sie.

## Maatiu 20

<sup>1</sup>"Korowii Kora la do keɲɔ paa bel ne o tom-ɛera bane wa. Paa la iro chɔmbibi deɛ nyin tom-ɛera ba ka e toma o koo ta de le suuga.

<sup>2</sup>O ne ba di yog, ase ba seh ke baa e toma tɔpebir la bwaa de le denaare beɲkpoɲ aa e tɔpebir toma kembɔr, ase o gel ba kaa koo la ta.

<sup>3</sup>"Deɛ kaa koola nenyɔɔ saɲ la, o berɔ ka na bonɔɔna bane baa chege fɔgbaah pɛɛpɛɛ.

<sup>4</sup>Anee o ɲɔ ba be ɲɔ, 'Hé ge kaa n koo la ta ka e toma ase n te heyaa kembɔr aa che heya.' Ase ba no o be de kaa.

<sup>5</sup>Ge saɲ wee aa baa che nyufala, ne wekee saɲ la, o berɔ na tom-ɛera la bane ge ja de bol ba ge be ge waa bol banɔ la be la, ase ba ge kaa koo la ta.

- <sup>6</sup>Aa baa ka tamaa ken wee jo la, o berɔ ka na nera bane ge ke ba ge aa chege fɔgbaah pɛpɛɛ. Anee o pɛɛ ba ŋɔ, 'Ɛre waa fini bwa he che bonɔ dɛɛ chɔg pɛpɛɛ nɔɔ?'
- <sup>7</sup>Belaa ba chaŋo ŋɔ, 'Nomɛlbwa ta yaa o toma ta kpɔɛ.' Anee baa la ŋɔ, 'Gɛɛ te naa, hɛ ge kaa n koo ta bela ka ɛ toma.'
- <sup>8</sup>"Wee aa baa swɛɛ bɔr jo name la, o yere naate waa dɛ nyinji o koo la ta la dɛ ŋɔ o be ŋɔ, 'Yere tom-ɛera la dɛ bɔ ba kem. Ke tɔ sie le banɔ la baa ka mun ba la nɛ, dɛ bɔ ba kem.'
- <sup>9</sup>Banɔ la baa ba toma la ta dɛ wee dɛ ba joe la bɛlbwa dɔ denaare bɛŋkpoŋ.
- <sup>10</sup>Anomanta dɛ banɔ la baa tɔ sie ba toma la ta chɔmbibi ne la dɛ lii ke baa dɔ suuga gwaa ba bala la, ke denaare bɛŋkpoŋaa o bɔ ba ge bwa.
- <sup>11</sup>Baa le ba kembɔr la dɛ ba berɔ dɛɛ nagre paa la waa ŋɔ,
- <sup>12</sup>'Banɔ te aa dena ba ta bigre bɛlbwa wee den swɛɛ, ase ya te le chɔmbibi ne bwa wedamanta nɔ kpo yaa, gɛɛ he saah bɔ ya bwa kem kerɛdɛ aa?'
- <sup>13</sup>Anee paa la chaŋe ba bini nomoa la ŋɔ, 'N dam, n ta heyaa faahre. N ne he ta toma nɔ yog dii, he seh denaare bɛŋkpoŋa mɔɔ dɛ ba ɛa?'
- <sup>14</sup>Hɛ kpɔ he suuga le n sie kaa. Men dɛɛ nyin dɛ bɔ he bwa kem kerɛdɛ.
- <sup>15</sup>N ta ŋwene dɔe ke n kpɔ n gbagba suuga ɛ ge aa too n tea a? Kɛɛ ge maa ta tea dɛ ɛ laanee dɛɛ we he nɛ?" "
- <sup>16</sup>Yeesu aa bol ge waa nɔ tone la, o ŋɔ, "Gɛɛ a do, muŋkaala ɛ ba ba tɔ sie, ase sitɔra bere ba ka mun."
- <sup>17</sup>Yeesu aa dɛ kaa Jerusalem la, o kaa ŋɔ o habɔteŋra fi dɛ banɛ la gbo be ŋwene la ta ŋɔ,
- <sup>18</sup>"Hɛɛ no n be. Yaa dɛ kaa Jerusalem nɔ, baa lee mɛɛ tɛ Sɔfonomonome ne Tɔn Jerema. Baa pa mɛ bolchɔgee dɛ ŋɔ bɔ kpo mɛ.
- <sup>19</sup>Baa kpɔ mɛɛ ka tɛ nera baa wola Juda tena ɛ ba di n loro, dɛ cha mɛ chweremi, dɛ kpaa mɛ pɛl dagagre ta dɛ kpo mɛ, ase tɔpetooro wee la n ir seo ta."
- <sup>20</sup>Ase Sebedii haah ne o bii ba dɛ ba guŋi Yeesu sie dɛ soŋo ŋɔ ɔ ɛ waane tɛɛ ba.
- <sup>21</sup>Anee Yeesu pɛɛ haah la ŋɔ, "Bɔkwaa hɛɛ nyin ke n ɛ tɛɛ nɔ?" Belaa haah la chaŋo ŋɔ, "Bag mɛ nyoa ke dɛ he baa di kora aa, hɛɛ geloo n bii banɛ nɔ bel so he dig ta, bel ge so he gal ta."
- <sup>22</sup>Anee Yeesu ŋɔ bii la be ŋɔ, "Haa waa haa dɛ soŋe nɔ mun jemɛ. Hɛɛ wonoo nyɔ n tegkpela nɔ maa dɛ ba nyɔe nɔ ane aa?" Anee ba seh ŋɔ, "Yaa wonoo."
- <sup>23</sup>Ase Yeesu bere ŋɔ, "A ɛ kasintenɛ ke hɛɛ nyɔ n tegkpela nɔ dɔŋaa te, ke n ta kpegri dɔe dɛ kpɔ nen so n dig ne n gal ta. Banɔ la baa su n Mɛɛ siwi laanee dɛɛ ba bela dɔe dɛ so."

- <sup>24</sup>Yeesu haboŋra fi la aa kaa la aa no waa Sebedii bii la aa ea la, ba baah di ba n̄e kerede.
- <sup>25</sup>Anomanta Yeesu yere ba bwa cheme de ŋo, "He jemo ke hare no ta nomonome ne ba nomonjena de di kpegri ba nera ne, de gel baa tom ba de e ge baa de nyin dee tee ba.
- <sup>26</sup>Ke ge laa che keŋo he te do. He bini bel de nyin ke o e nomoa aa, a che ke o kpo o te e ke bechala dee tome heya.
- <sup>27</sup>De he bini bel de nyin ke wee to he sie naa, a che ke o bere o te ke he bwa bonoo."
- <sup>28</sup>De ŋo, "N Nen Bie ta bale ke nera tom me. N te balo de ba tome nera de gare kpo n nyu chare nendamanta mkpa."
- <sup>29</sup>Yeesu ne o haboŋra la aa le Jeriko dee kaa la, nenlaa tenten teje ba ne.
- <sup>30</sup>De nyoŋa bane bane soge ŋwene nyoa de no Yeesu gboga ke waa de kaa, ase ba kpo takpeg dee yero ŋo, "N Doo, Devid Naa, na ya sum!"
- <sup>31</sup>De nenlaa la de kah ba ŋo ba to nyoa. Ke de namee ba taa dooge loŋore kohona dee yere, "N Doo, Devid Naa, na ya sum!"
- <sup>32</sup>Anee Yeesu jage che de yer ba de pee ba ŋo, "Bokwaa hee nyin ke n e te heya o?"
- <sup>33</sup>Ase ba chaŋo ŋo, "Nomoa, ya de nyin ke he pili ya sie te yaa."
- <sup>34</sup>Yeesu na ba sum de kpo o non lege ba sibie. Bug la ta de ba sie pilo ba won dee na, de teje Yeesu ne.

## Maatiu 21

- <sup>1</sup>Yeesu ne o haboŋra la aa de tel Jerusalem la, ba baa le Betfej waa lo bwe bel baa de yero Olevere Bwe la bor. Belaa Yeesu tome o haboŋra la bini bane,
- <sup>2</sup>de ŋo ba be ŋo, "He la bwee no waa lo he sie no ta. Haa den dee tel o ta la, hee nao ke baa vowe keego bel ne o bie. He pura de kpoa ba te me.
- <sup>3</sup>De nomel pee heyaa waane aa, he ŋo naate be ŋo he doo de nyina. Bug la ta wee geloo he pura de kpoa ba."
- <sup>4</sup>Ge waa no chigo ase de gel waa Korowii keame faa bola la e kasinteŋ. O bolo ŋo,
- <sup>5</sup>"Do Jerusalem tena be ŋo ba nyini na! Ba kooro de ba ba be! O pwere. O soge keego ta dee ba. Keego bie taa o so."
- <sup>6</sup>Ase o haboŋra la la de ka e ge waa tom ba la.
- <sup>7</sup>Ba ba keego la ne o bie la ne, ase de pa ba laala pa a ne. Yeesu so o bie la nee baa kaa.
- <sup>8</sup>Nenlaa la ba ne Yeesu aa de kaa la bane pa ba laala ne ba yale pa ŋwene la ta, ase bane ge ke papooni ba pa ŋwene la ta ase o vale a ta.

<sup>9</sup>Nera baa tɔ o sie la ne banɔ la baa teŋe o neɛ la bwa pɛ nyoa dɛɛ tɛo jirima ŋɔ, "Woowo! Devid Naa nɔ! Korowii kwaa naate waa vale o sɔn ta dɛɛ ba nɔ kwa. Ya de jam Korowii waa lɔ nyundujagla la!"

<sup>10</sup>Yeesu aa jo Jerusalem la, bwɛɛ la bwa lɔɔ kpu, ase ba bwa ɛɛ pɛɛ dɔŋa ŋɔ, "Nɛn besoo nɔɔ?"

<sup>11</sup>Anee nɛnlaa la ŋɔ, "Korowii keamee. Yeesu waa le Nasaret waa lɔ Galilia hare ta laanee."

<sup>12</sup>Yeesu kaa tel Korowii Dea bobɛl, ase dɛ dɔŋi kon-yogra ne nera baa dɛ yawɛ kwaa la bwa, dɛ begre nera baa dɛ pegri suugare la ne banɔ la baa dɛ yog brɔnomare la teeburre piigi,

<sup>13</sup>dɛ ŋɔ ba be ŋɔ, "Ba chwɛrɔ do Korowii Tɔn la bini ŋɔ, 'Baa yere n dea Korowii soŋebɔree,' gɛɛ he te kpɔ bela bere ŋwɛɛra sɔɔhbɔr aa?"

<sup>14</sup>Ba kpɔ nyoŋa ne boobie ba o be Korowii Dea bela, ase o chaah ba, nyoŋa la ɛɛ na, boobie la ge won vala.

<sup>15</sup>Sɔfonomonome ne Tɔn Jerema la aa na wejena waa dɛ ɛ la ne gɛ bechale la aa dɛ si ŋɔ, "Woowo! Devid Naa hen" la, ba baah di o ne.

<sup>16</sup>Anomanta ba pɛɛ Yeesu ŋɔ, "He dɛ no gɛ bechale nɔ aa dɛ si nɔ kenɛ?" Anee Yeesu ŋɔ, "Ɔɔh, n dɛ no. He ta Korowii Tɔn la bela baa chwera ŋɔ, 'Bechale ne bechasɔhne nyooa he kpɔ he kpɛɛra do' la kure ka kɛɛ?"

<sup>17</sup>Yeesu gel ba bwɛɛ la ta dɛ kaa Bɛtani ka chɔ.

<sup>18</sup>Tɔɔ aa pera chɔɔ, Yeesu le Bɛtani dɛ bere baa kaa Jerusalem la, dɛ lɔr dɛ kpoo.

<sup>19</sup>O na pur daa bel chega ŋwɛnɛ la nyoa dɛ fee la kɛ o ka nyin o nɔna di. Waa laŋa la, dɛ papooni gboo o bwa. Anee o taah daa la ŋɔ, "He te aa wola ba he ba nɔnɛ kpa bwa!" Bug la ta dɛ daa la denɔ sewɛ dɛ chure.

<sup>20</sup>O habɔtɛŋra la aa na gɛ la, ba nyoa kpo, baa pɛɛ dɔŋa ŋɔ, "Ɛrɛɛ pur daa nɔ den chure warane ken?"

<sup>21</sup>Anee Yeesu ŋɔ ba be ŋɔ, "Kasintɛŋ, dɛ he dɔ yarada, haa tɔŋla di he bambile bini naa, hɛɛ wonoo ɛ gɛ maa ɛa dɛ gel daa nɔ sewɛ nɔ. A gbo laa. Hɛɛ wonoo kpɔ yarada ŋɔ bwɛ nɔ fugri ka le mpo ta, ase o fugri ka le mpo ta.

<sup>22</sup>Dɛ he kpɔ yarada dɛɛ soŋe Korowii aa, komɛlbwa haa soŋo la, hɛɛ dɔɔ."

<sup>23</sup>Yeesu berɔ la Korowii Dea, dɛ kaa chagle nera Korowii Wa. Ase Sɔfonomonome ne bwɛɛ la nomonome ba pɛɛro ŋɔ, "Kpegri besoo he dɔ dɛ kpɔ ɛɛ ɛ gɛ haa dɛ ɛ nɔɔ? Ume teneɛ tɛɛ ŋwɛnɛ te nɔ?"

<sup>24</sup>Anee Yeesu ŋɔ, "N gba dɔ waane mɛɛ nyin n pɛɛ heya. Dɛ he wono chaŋ mɛ kɛrɛde naa, n gee chagle heyaa kpegri maa dɔa dɛɛ ɛ a gɛ waa nɔɔ.



25 Umee tɛ Jɔn o faa dɛ sɔ nɛra Korowii nee la kpegri o kpɔ dɛɛ sɔ nɛra nee laɔ? Korowiirii tɛo waa, kɛ nɛnɛɛ tɛo?" Ate dɛ ba gbogbo bɛrɔ kpɔɛ dɔŋa dɛ ŋɔ, "Aah ɛrɛɛ yaa ba o chaŋa ɔ? Ya ŋɔ Korowiirii tɛo waa, wɛɛ bɛrɔɔ pɛɛ yaa gɛ aa ɛa yaa wola o waa yaradae.

26 Dɛ ya bɛrɔ ŋɔ nɛnɛɛ tɛo waa, ya dɛ ɔmɛ waa bweɛla nɔ aa kpɔ ɛ yaa, dɛkalke ba bwa dɛ yarada kɛŋɔ Jɔn ɛ Korowii keame."

27 Anomanta ba ŋɔ Yeesu bɛ ŋɔ, "Yaa jemɛ." Anee Yeesu ŋɔ ba bɛ ŋɔ, "Dɛ haa jemɛ tɛ naa, n gɛ aa heyaa kpegri maa dɔa dɛɛ ɛ gɛ toma nɔɔ bagle.

28 "Hé no waa nɔ dɛ bagle gɛ haa naa. Baa belee ira dɛ dɔ bii banɛ. Awola bɛl o la o binomoa la bɛ dɛ ka ŋɔ, 'N bie, fini la n koo la ta ka ɛ toma.' Anee o bie la ŋɔ,

29 'Maa la,' asɛ a habɔɔ la o bɛrɛ chɛrɛ o liire dɛ ka ɛ toma koo la ta.

30 Asɛ baa la bɛrɛ la o bie bechala la gɛ bɛ dɛ ka ŋɔ o bɛ gɛ waa bol o dɔɔ la bɛ la. O tɛ den sɛh ŋɔ, 'Yoo, mɛɛ lao,' dɛ bɛrɛ vɛh laŋa.

31 Nɛra banɛ nɔ, ba bini umɛɛ ɛ o mɛɛ tɛtoowaa tɛo wɔ?" Anee ba ŋɔ, "O binomoa laanɛɛ." Belaa Yeesu ŋɔ ba bɛ ŋɔ, "Kasintɛŋ, lampoo lɛɛra baa dɛ bɔ nɛra apoo nɛ jwamane tena bwa ɛ tɔ sɛɛ dɔ Korowii Kora la ta jo gel heyaa,

32 dɛkalke Jɔn o faa dɛ sɔ nɛra Korowii nee la ba hɛ bɛ dɛ ba chagle heyaa ŋwɛnɛdɛɛgɛ la ŋɔ hé kpɔ o ta, asɛ hɛ vɛh o waa la yaradae. Kɛ lampoo lɛɛra nɛ jwamane tenaa bɛra yarada o waa la. Hale haa bɛra na gɛ la, hɛ ta hɛ liire chɛrɛ dɛ bɛrɛ ba yaradao."

33 A habɔɔ la Yeesu bɛrɔ ŋɔ, "Hé no sɛgla nɔ gɛ. Baa belee dɔ o hare dɛ parɛ daa anɛ baa kpɔ a nɔna dɛɛ ɛ sɛn belaa. O kɛ koo la dɛ kɔmɛ bɔɔ bwe bɛl ta belaa baa ba harame a nɔna la nee dɛɛ dɔ, dɛ chigri jɛŋla bá so o ta dɛɛ daah koo la. Waa ɛ gɛ bwa tonɛ la, o kpɔɔ tɛ nɛra báa ɛ koo la toma, asɛ dɛ ba baa kɔmɛ nɔna la aa, ó tɛɛ ba ba dibɔr, dɛ kaa bwɛɛ bɛl ta.

34 "Nɔna la koma aa tela la, o tomɛ o bonɔɔna ŋɔ bá la nɛra la aa dɛ nyiŋi koo la ta la bɛ dɛ ka lɛ o dibɔr ba tɛo.

35 Anee nɛra la lawɛ bonɔɔna la, dɛ lɔɔ bɛl, dɛ kpɔ bɛl, asɛ dɛ fogrɛ bɛl gɛ bwea.

36 Baa la bɛrɔ kwaa tomɛ bonɔɔna la banfala ba ware gwaa banɔ la baa tɔ sɛ la la, asɛ nɛra la bɛrɛ ɛ ba gɛ gɛ tentɛn baa ɛ banɔ la la.

37 Name tɛ dɛ o gbagba bieɛ kaa ó tomɛ. Asɛ o tomɛ o bie la gɛ dɛ ŋɔ, 'N gbagba bie nɔ tɛ, baa heeh o sɛ bɔrɛɛ.'

38 Nɛra la aa dena na o bie la, ba den ŋɔ, 'Yoowa, koo tɛ la gbagba bieɛ la. Hé gel ya lawɔ dɛ kpoo áɛɛ o mɛɛ kapɛrɛ la bwa bɛrɛ ya kwa.'

39 Anomanta, ba lawɔ dɛ lɛ o nɛ koo la ta dɛ ka kpoo ta."

40 Asɛ Yeesu pɛɛ ba ŋɔ, "Dɛ koo tɛ la kaa ba naa, ɛrɛɛ wɛɛ ba a gɛ nɛra la baa dɛ nyiŋi koo la ta la ɛɛ yɔ?"

<sup>41</sup>Anee ba chaŋo ŋɔ, "O balaa, wɛɛ ba kpoo nenchɔga la bwaa de kpɔ koo la te nenfala, banɔ la de daa la nɔna koma telaa, baa de ba on o dibɔr tɛɛ."

<sup>42</sup>Yeesu pɛɛ ba ŋɔ, "He ta waa nɔ Korowii Tɔn la bini nae kaa? Ba chwɛrɔ ŋɔ, 'Bwe la mamaala faa vɛah de liiro konsala laanee bera ba lawɛ dea la kpoŋe la. Korowiirii gela a ε gɛ, ase a ε yaa nyokpowa.'

<sup>43</sup>Anomanta n de ŋɔ he be ŋɔ, Korowii εɛ lɛ o kora laanee le he be de kpɔ ka tɛ banɔ la baa de ba wona nyiŋi o ta kɛɛde la.

<sup>44</sup>Nomɛlbwa waa vɛh a gɛ Bwe nɔ Korowii aa leo de tomɔ la, wɛɛ chole o taa de kuugi, ase nomɛlbwa ge Bwe nɔ aa le o nɛɛ la, wɛɛ pwereme naatee."

<sup>45</sup>Sɔfonomonome la ne Farisii tena la aa no gɛ waa nɔ la, ba jemɔ kɛ ba waa Yeesu εɛ bol la.

<sup>46</sup>Anomanta de ba fe de nyin o lawa. Kɛ ba berɔ ɔmɛ nenlaa la, dekalke de ba te de yerɛ Yeesu Korowii keame.

## Maatiu 22

<sup>1</sup>Yeesu berɔ kpɔ segla de bol waa bagle nera la ja,

<sup>2</sup>de ŋɔ, "Kenii Korowii Kora εɛ ba doe. Kooro belee lawɛ hanfale tɛ o bie de gel ba ε o hanfale kondikwa.

<sup>3</sup>O tomɛ o bonɔɔna ŋɔ bá ka yerɛ nera waa yer ba ŋɔ bá ba di hanfale kondikwaa la, ase ba sie ta on sui de vɛh bala.

<sup>4</sup>"Anee o bere kwaa tomɛ banfala de ŋɔ ba be ŋɔ, 'Hé ka ŋɔ nera maa yer ba la be ŋɔ ba tone kondikwaa la. N kpoo nabala ne nae aa do noo kohona bwa, anomanta n tone komɛlbwa kɛ bá ba.'

<sup>5</sup>A bwa pepere nɛ, ba vɛoh de kaa ba tomare ta. Bɛl kaa o koo, bɛl ge kaa o bona dibɔr,

<sup>6</sup>ase ba kar la ge lawɛ o bonɔɔna waa tom ba la de εɛ ba hɔhɔrɔwa de kpoo ba.

<sup>7</sup>A ε kooro la bandia kohona de gel o tomɛ o soojare ba ka kpoo banɔ la baa kpoo o bonɔɔna la, ase de fuh ba bwɛɛ la ge.

<sup>8</sup>"Anee o kwaa yerɛ o bonɔɔna bane ge ja de ŋɔ ba be ŋɔ, 'Ba tone n hanfale kondikwaa la, kɛ nera la maa yer ba ŋɔ bá ba di la, a ta ban cheɛ.

<sup>9</sup>Name te hé le kaa fɔgbaahna de ka yerɛ nera haa na ba la bwa ba hanfale kondikwaa la mun.'

<sup>10</sup>Ase bonɔɔna la le kaa fɔgbaahna de ka yerɛ nera baa na ba la bwa. Nendɛega ne nenchɔga bwaa ba yerɛ, ase nera su bela baa lawɛ hanfale la maa ken.

<sup>11</sup>"Kooro la aa de jam hɔhɔra la aa baa cheme bela la, o na baa bɛl ba bini kɛ o te ta laala aa che keŋɔ o do de ba hanfale dem bela la ane doe.

- <sup>12</sup>Anee o bɔɔ baa la ŋɔ, 'N dam, ŋwene besoo taa a che he ba bonɔ, haa wola laala aa che ke he do de ba hanfale dem bonɔ nɔ ane doe nɔɔ?' Waa bɔɔro ge la, o ta waane dɔe dɛ bol.
- <sup>13</sup>Anee kooro la den ŋɔ o bonɔɔna la be ŋɔ, 'Hé vɔrɔwe baa nɔ nɔɔra ne o nakpale de kpɔɔ ka ta dahara biro ta. Belaa wii ne wewelee do.' “
- <sup>14</sup>Yeesu aa kpɔ segla nɔ bol waa bag ba tone la, ase o ŋɔ, "Nera maa yer ba warɔ taeh, ke ba bini tamaa kenii n chale.”
- <sup>15</sup>Farisii tena la le bokere de ka vɔrɔwe ge baa ε dé dɔ Yeesu lawe webɔɔra ne.
- <sup>16</sup>Anomanta ba tome ba habɔtenra bane ne Herɔd nera bane, ba ba o be de ba ŋɔ, "Nomoa, ya jemɔ kenɔ kasintɛn gboo hɛe bol, haa nyosone tenɛ. Korowii ŋweneε hɛe chagle nera kasintɛn ne. He ta bole dɛε ɔmɛ a habɔɔ kenɔ a de do bane som, keε a de we bane bambile nɔ. Haa nera sie bɔr nyiŋi dɛε bol wa, kenɔ bel ε kooro keε nomoa keε bechala nɔ.
- <sup>17</sup>Anomanta chagle yaa ge haa na waa nɔ yá jemɛ. Ya mmare de te yaa ŋwene ke ya bɔ lampoo dɛε te Room Koojen Siisa la aa, keε waa yaa ŋwene te?”
- <sup>18</sup>Yeesu tɔ sie jemɛ ba liichɔga, anomanta o ŋɔ ba be ŋɔ, "He nera haa nyiŋi nera sie mɔɔ dɛε ε wa! Eɛe hɛε nyin de har mɛ bel nɔɔ?”
- <sup>19</sup>Hé kpɔ suuga haa kpɔa dɛε bɔ lampoo la te mɛ n na." Baa kpɔ suuga la ba la,
- <sup>20</sup>anee o pɛe ba ŋɔ, "Ume nyu ne o sɔnee nɔɔ?”
- <sup>21</sup>Anee ba chaŋo ŋɔ, "Koojen Siisa nyu ne o sɔnee." Anee Yeesu ŋɔ ba be ŋɔ, "Gɛε a do te naa, hé kpɔ kwaa aa ε Koojen Siisa kwaa tɛo, de kpɔ kwaa aa ε Korowii kwaa la te Korowii.”
- <sup>22</sup>Baa no ge Yeesu aa bola la, ba nyoa kpoo, ba le o be de kaa.
- <sup>23</sup>Awola tenten la, nera bane baa de yer ba Saduki tena ba o be. De baa yarada kenɔ nen sewaa, weε berɔɔ ir ja.
- <sup>24</sup>Ba ŋɔ o be ŋɔ, "Nomoa, Mosis fa ŋɔ de baa mo haah, o ne o ta lolɛ o sewaa, ó nime kpɔ haah la mo ase o ne o lolɛ bii bá ε baa la aa sewa la kwa.
- <sup>25</sup>Ase baa bel ne o nimanar banumɛlee fa lolɛ. Nomoa la mo haah de ba sewɛ, de o ne haah la ta bie lolɛ, anomanta o nime waa tenɛ o nɛε la kpɔ haah la mo.
- <sup>26</sup>O ge ne haah la ta lolɛ, o sewɛ. Gɛε tooro te la ne banɔ la baa kaa la mo haah la ka lo nyoa, de ba serewe.
- <sup>27</sup>A habɔɔ la luhaah la ge baa sewɛ.
- <sup>28</sup>Taraken nɔ, de tɔpere nera baa sewa bwa aa de ba ira nɔ telaa, baala banuanɛ la bini, umee de ba haah la jaa εε yɔ? Ba bwa gee moo ka.”
- <sup>29</sup>Anee Yeesu chaŋ ba ŋɔ, "He kono kwara! Haa wola Korowii Tɔn la ne Korowii kpegri jemɛ la waa.

- <sup>30</sup>De nera baa sewa la berɔ iraa, baala aa haahnaa mo, haahna ge aa yalɛ. Baa soo keɲɔ nyundua toroma ken.
- <sup>31</sup>Nera seo ta ira ge la nɔ, he ta gɛ Korowii aa bol he be kure dɛ no a mun kɛɛ?
- <sup>32</sup>O ɲɔ, 'Menee Abraham Korowii, Aesek Korowii ne Jekɔb Korowii.' Lala laa dɛɛ tomɛ Korowii, weeraa dɛɛ tomɔ."
- <sup>33</sup>Nenlaa la aa no gɛ waa nɔ la, ba nyoa kpo o webagla ta.
- <sup>34</sup>Belaa Farisii tena la aa no gɛ Yeesu aa gela Saduki tena la ta berɛ won dɔ waane dɛ bol kpa la, ba kaa cheme,
- <sup>35</sup>asɛ ba bini Tɔn Jereme bel pɛɛ Yeesu waane, dɛ kpɔ harɔ bel.
- <sup>36</sup>O pɛero ɲɔ, "Nomoa, mmaraare nɔ te bwa bini umee dena gwaa a bwa nɔ?"
- <sup>37</sup>Yeesu chaɲɔ ɲɔ, " 'Hɛ nyin N Naa Korowii he bambile bwa, he hweera ne he liire bwa ne.'
- <sup>38</sup>Onɔɔ gwaa a bwa dɛ tɔ a bwa sie.
- <sup>39</sup>Onɔ la waa jaa dɛ teɲɛ nɛɛ o waa hiah la gee keɲɔ, 'Nyin he dɔɲ kɛ he gbagba.'
- <sup>40</sup>Gɛ mmaraare anɛ nɔ binii Mosis Mmara la ne waa Korowii keamere la aa bagla la bwa le."
- <sup>41</sup>Farisii tena la bane aa kaa pɛ so la, Yeesu pɛɛ ba ɲɔ,
- <sup>42</sup>"Ereɛ hɛɛ lii Kristo la Korowii aa bage nyoa ɲɔ wɛɛ tomɔɔ ɔ ba le yaa laɔ? He dɛ lii kɛ ume naa yɔ?" Anee ba ɲɔ, "Devid naa."
- <sup>43</sup>Anee Yeesu berɛ pɛɛ ba ɲɔ, "Aah ɛɛ waa Korowii Domadɛɛge la aa ir Devid nɛɛ la o berɛ yerɔ o dɔɔ nɔɔ? Devid fa ɲɔ,
- <sup>44</sup>'N Naa Korowii ɲɔ n Dɔɔ be ɲɔ ɔ so nomombɔr o dig ta ka tel keɲɔ waa ba o dɔma ne hare áse o tigri ba nɛ.'
- <sup>45</sup>De Devid fa yerɔ o dɔɔ naa, ɲwɛne besoo taa a che Kristo la berɛ ba ɛ Devid naa ɔ?"
- <sup>46</sup>Nomɛlbwa ta wone chaɲɛ waa Yeesu aa pɛera la nomanta, le awola tɔpere la dɛɛ kaa la, nomɛlbwa ta wone ba che o sie dɛ pɛero waane kpa.

## Maatiu 23

- <sup>1</sup>Yeesu bol waa dɛ chagle nenlaa la ne o habɔteɲra la dɛ ɲɔ,
- <sup>2</sup>"Tɔn Jerema la ne Farisii tena nɔɔ dɔ ɲwɛne kɛ ba chagle Mosis Mmara la bini bagle nera.
- <sup>3</sup>Anomanta a che kɛ he no ba be dɛ teɲɛ waa baa dɛ bagle heyaa ɲɔ hɛ ɛ la bwa ta. Kɛ he bɛ ba we-ɛɛla te hweli, dɛkalkɛ baa waa baa bola dɛɛ chagle heyaa la ɛ.

- <sup>4</sup>Ba kpɔ ba mmarare ε bontɔga dɛ gel nɛra che dɛɛ koh, kɛ ba te gbagba aa bɛrɛ ɛɛ nyin kɛ ba kpɔ nonii gba lega aɛ a ba ε kɛ baa chog baa gba.
- <sup>5</sup>"Ba we-ɛɛla bwa la, nɛraa baa nyin kɛ ba na ba dɛɛ tɛɛ ba duure. Gɛ nɛra yon chwɛrɛ Korowii wobol dɛ kpɔ vɔwɛ ba tili ne ba varama ta la, hɛ na gɛ ba te kwaa yon do pagri. Hɛ na gɛ ba batakaani nyoo jɔɔra aa dɛ do janre.
- <sup>6</sup>Bela nɛra yon cheme tɔpɛjena dɛɛ lɛ ba sie la, ba te la bela aa, kane dɛɛga gbo taa baa nyin soga. Aɛ ba la cheremi deene bini ge aa, nomonsobɔraa baa nyin.
- <sup>7</sup>Ba dɛ nyin kɛɲɔ nɛra ba hare dɛɛ lea ba yawa ta ne fɔgbaahna dɛɛ yer ba 'Nomoa, nomoa.'
- <sup>8</sup>He bɛ gel nomɛlbwa yɛrɛ heyaa ba nomoa, dɛkalke he bwa kerɛdɛ. Nomoa bɛɲkpon gbo gee he dɔ.
- <sup>9</sup>Aɛ hare nɔ ta ge, he bɛ nomɛlbwa he Mɛɛ dɛɛ yɛrɛ, dɛkalke he Mɛɛ lɔ bɛɲkpon gbo dɛ do nyundua.
- <sup>10</sup>He bɛ gel nomɛlbwa ge yɛrɛ he bini bɛlbwa o dɔɔ, dɛkalke dɔɔ bɛɲkpon gboo lole, onɛe Kristo la.
- <sup>11</sup>He bwa bini, naate waa gwaa heyaa la chɛ kɛ o ε o te kɛɲɔ bechala dɛɛ tomɛ heyaa.
- <sup>12</sup>Nomɛlbwa waa dɛ maɲkura o te la, Korowii ɛɛ ba o ne hareɛ, aɛ nomɛlbwa waa dɛ pwer o te la, Korowii ɛɛ ɛo nɛnjenii.
- <sup>13</sup>"Hɛ bwɛɛlɛ, Tɔn Jerema ne Farisii tena, he nɛra haa nyinji nɛra sie mɔɔ dɛɛ ε wa! He tɔ Korowii Kora la ɲwɛnɛ. Heyaa nɔɔ haa jo, he ge aa ɲwɛnɛɛ tɛ áɛ banɔ la baa dɛ nyin bɔr dɛ jo la dɔ bɔr.
- <sup>15</sup>Hɛ bwɛɛlɛ, Tɔn Jerema ne Farisii tena, he nɛra haa nyinji nɛra sie mɔɔ dɛɛ ε wa! Heyaa yon gaage aaa gɛ haa ε dɛ dɔ nɛn waa wola Juda tena te ɛɛ ó ba ja he nɛɛ dɛ tomɛ Korowii. Kɛ dɛ he baa dɔ bɛl aa, he yon bɛrɛ ɛo o chɔg kwaraa, aɛ a yon bɛrɛ dɔ kɛɲɔ o tɛnɛɛ bɛra che Bɔnsam nii ta laɲa gwaa heyaa.
- <sup>16</sup>"Nyɔɲa haa dɛ tɔ nɛra sie, hɛ bwɛɛlɛ! He yon dɛɛ chagle nɛra ɲɔ, 'He naate haa ɲwɛɛ Korowii Dea la, ate aa won hen waane ε. Kɛ suugaswɛm waa lɔ Korowii Dea bela la te, baa o te ɲwɛɛ.'
- <sup>17</sup>Nyɔɲɛgena bane! Suugaswɛm la ne Korowii Dea la waa gɛla suugaswɛm la do ɔma la, umɛɛ do ɔma gwaa o dɔɲ ɔ?
- <sup>18</sup>He bɛrɔ dɛɛ chagle nɛra ɲɔ, 'He naate haa ɲwɛɛ bela baa kpo kwaa dɛɛ tɛ Korowii la, a ta waane ɛɛ. Kɛ kwaa baa kpoa tɛ Korowii bela la te, baa an ɲwɛɛ.'
- <sup>19</sup>He nyogro kwara! Kwaa baa kpoa tɛ Korowii la, ne bela baa kpo kwaa la waa gɛla kwaa la do ɔma la, a bini umɛɛ do ɔma gwaa o dɔɲ ɔ?
- <sup>20</sup>Anomanta nomɛlbwa waa ɲwɛɛ bela baa kpoo kwaa dɛɛ tɛ Korowii la, bela baa kpoo kwaa la ne kwaa aa dawɛ o ta la bwaa o ɲwɛɛ la.



- <sup>21</sup>Ase nomelbwa waa ηwεε Korowii Dea la, Korowii ne dea la bwaa o ηwεε la.
- <sup>22</sup>Dε nomelbwa ge ηwεε Korowii doa aa, Korowii soηnibor ne Korowii gbagbaa o ηwεε la.
- <sup>23</sup>"Hε bwεεle, he Ton Jerema ne Farisii tena, he nera haa nyiηi nera sie moo dεε ε wa! He kondiili do tamaa ge belbwa aa, he won a bini pera bore fi dε kpο borbekpon ηa ε Korowii kwaa la ka teo, ge Mmara la aa bagla la, ke dε gel Mmara la bini waa aa to sie dεε bagle ηo hεε di kasinteh, dεε na nera sum, ase dε gel nera εε yarada heyaa la te. Ge waa noo che kehο hεε ε dε ja ano la haa dε εa la ta.
- <sup>24</sup>Nyona haa dε to nera sie dεε mankura wejegre gwaa anjena! He waa haa dε ε la do kehο nen o yon nyiηi o nenyoole ta dε won na pereware dε laa kpο ta, ke dε nyogma te lo a ta naa, waa o te na, dε yon kpο lile.
- <sup>25</sup>Ton Jerema ne Farisii tena, nera haa nyiηi nera sie moo dεε ε wa, hε bwεεle! He waa haa dε ε gelo he do kehο baa loo numol keε log haboo o do wer ase doηa su o bini te la. Dε egre nen le o kondooη o be ne kafonyin gboo su he bwa.
- <sup>26</sup>Farisii tena nyona bane! Hε loo doηa aa lo numol la bini la moo. O bini la doo lea, dε o haboo leo.
- <sup>27</sup>"Hε bwεεle, Ton Jerema ne Farisii tena, nera haa dε nyiηi nera sie moo dεε ε wa! He do kehο ηwam baa tego wεε nyegle. O nyundua la gboo wera, ke o bini te, hoga ne kompoohla gboo.
- <sup>28</sup>Gεε he den do. Ba na heya aa, he wer siwi ta kehο nendεεga, ke he bini te, negra ne wechoga gboo su he bwa.
- <sup>29</sup>"Hε bwεεle, Ton Jerema ne Farisii tena, nera haa nyiηi nera sie moo dεε ε wa! Heyaa yon kwaa bela baa huge Korowii keamere a do wer. Nendεεga baa serewa la ge, he yon kwaa ba ηwama a do wer ken,
- <sup>30</sup>dεε chagle kehο dε heyaa fe he naanar ge saη la aa, he te fe aa wola ja dε kpο o Korowii keamere la.
- <sup>31</sup>Ke he ge aa bere εε toh kehο bano la baa kpoo Korowii keamere la naanaree heya!
- <sup>32</sup>Hε takapo dε ε wechoga la he naanar aa pa mun εa la ka tone.
- <sup>33</sup>"Nenchoga ke harekwaare, domkpule bii! Eρεε hε ε haa wola Bonsam nii taa joo?
- <sup>34</sup>N gelo hεε no kehο mee tome Korowii keamere, wejerema ne Ton Jerema he bee. Hεε kpoo bane, dε kpaa bane pel dagagra ta, dε kpο chweremi loo bane cheremi deene ta, dε doη ba jo bwεere ta dεε nyin ba dε lawe.
- <sup>35</sup>Anomanta nendεεga baa nya ba nee dε kpoo ba la dε le kpoe baa kpο Abel waa wola wechoga belbwa εε la ka tel kpoe baa kpο Barakia bie Sakaria Korowii Dea la ne bela baa kpoo kwaa dεε teo la baah ta bela la, ba bwa waa εε gure he nee.
- <sup>36</sup>Kasinteh, nendεεga baa kpoo ba la bwa waa εε ba gure fini no nera no nee!

<sup>37</sup>"Oo, Jerusalem tena! Korowii tome o keamere he be naa, gɛɛ he kpoo ba, o tome toroma he be naa, gɛɛ he fog ba bwea. Saŋ belbwa mɛɛ nyin kɛ n kpɔ nɔn tɔ he nɛɛ ke jal aa lawɛ o bii dɛɛ do o kena lɔgre la, kɛ haa nyin kɛ n lawɛ heyaa pɛ.

<sup>38</sup>Anomanta Korowii ɛɛ ta he waa tɛ heya.

<sup>39</sup>Kasintɛŋ, n dɛ ŋɔ he be, haa men na kpa ka tel gɛ saŋ maa ba ja, aɛɛ he ŋɔ, 'Woowo! Korowii Biee chegɛ o sɔn ta dɛɛ ba la! "

## Maatiu 24

<sup>1</sup>Yeesu aa le Korowii Dea bela dɛɛ kaa la, o habɔtɛŋra la baa ŋɔ ó nyiŋi na Korowii Dea la kan waa doa ne gɛ waa wera.

<sup>2</sup>Anee Yeesu ŋɔ, "Hé nyiŋi deene nɔ bwa kɛrɛdɛ. N dɛ ŋɔ he be kɛ baa ba kuugi a bwaa ta. Bwe belbwa aa lee do dɛ ta chɔŋɛ o dɔŋ nɛɛ kpa."

<sup>3</sup>Yeesu teehnɔ ka so bwe bɛl baa dɛ yerɔ ɔlevere Bwe la doa. Belaa o habɔtɛŋra la gbo ka puu bela, dɛ ŋɔ o be ŋɔ, "Chagle yaa gɛ saŋ gɛ waa nɔ bwa aa dɛ ba chiga, ne waa aa dɛ ba bala dɛ chagle kɛŋɔ he bala saŋ la ne waa bwa jaga saŋ la telo."

<sup>4</sup>Anee Yeesu chaŋ ba ŋɔ, "Hé nyiŋi kɛrɛdɛ dɛ bɛ gel nomɛlbwa negre heya.

<sup>5</sup>Nɛra ɛɛ warɔ taeh dɛ ba negre heya, dɛ kpɔ n sɔn dɛɛ bol wa, hale dɛ ŋɔ banee Kristo la Korowii aa bage nyoa ŋɔ wɛɛ tomɔɔ ó ba lɛ yaa la, dɛ negre nɛra kɛrɛdɛ bwa.

<sup>6</sup>Hɛɛ no laa gbɔgaa he jweh, aɛɛ dɛɛ no ane ge gbɔga bojaŋa. Kɛ dɛ he baa dɛɛ na ge naa, he be ɔmɛ. A che kɛ gɛ waa nɔ bwa chig, kɛ dɛ a laa dɛɛ chagle kɛ waa bwa jaga saŋ la telo.

<sup>7</sup>Harere ane ɛɛ dɛɛ yo dɔŋaa, koranar ge yo dɔŋa. Lɔr ɛɛ ba hare nɔ ta bobɛlaa, aɛɛ hare ɛɛ jijigri bobɛla ge.

<sup>8</sup>Kɛ anɔ bwa do kɛŋɔ haah loltea yon tɔ sie lɔɔ dɛ o lola ta tele mɔɔ la.

<sup>9</sup>"Aɛɛ mɔɔ ba ta lawɛ heyaa tɛ nɛra, ba ɛ heyaa hɔhɔrɔwa dɛ kpoo heya. Nomɛlbwa ɛɛ koh n waa hah heya.

<sup>10</sup>A ba gɛ naa, nɛra baa tɛŋɛ n nɛɛ nɔ kɛrɛdɛ ɛɛ le n habɔɔ, dɛ le ba bala tɛ, aɛɛ dɛ hah dɔŋa.

<sup>11</sup>Aɛɛ nɛra ir dɛ tɛŋɛ nyosone kɛŋɔ ba ɛ Korowii keamere dɛ negre nɛra kɛrɛdɛ.

<sup>12</sup>Wechɔga ɛɛ perɛ hare nɔ ta bobɛlbwaa, aɛɛ nɛra bane aa won nyin ba dɔŋa kɛrɛdɛ kpa.

<sup>13</sup>Kɛ nomɛlbwa waa wola n habɔɔ lee, dɛ won tɛŋɛ n nɛɛ ka tone la, wɛɛ do o nyuu.

<sup>14</sup>Baa bol Korowii Kora Amanesoma nɔ waa hare nɔ ta bobɛlbwa aɛɛ newenyini tɛ belbwa no mɔɔ waa bwa jaga saŋ la tel.

<sup>15</sup>"Hé naate haa kure tɔn nɔ bonɔ la no a mun kɛrɛdɛ. Hɛɛ na konchɔgechɔge Korowii keame Daneel faa bol o waa ŋɔ o dɛ pagre bwɛɛ la chega Korowii bodɛɛge bela.

- 16Gε saŋ la telaa, a che keŋɔ Judia hare tena chwa le Judia ka sɔh bwejena la baah.
- 17Nen waa lɔ sal dea doa la be bere ŋɔ o de tu ka jo dea ka kpɔ o laala belbwa kpa.
- 18Nen waa lɔ koo ta be bere ŋɔ o de kaa dem ka kpɔ o yal kpa.
- 19Gε saŋ la aa no tekponra ne haahna ba taa kponje bechale non taa.
- 20Hé soŋe Korowii ase ge waa nɔ aa de ba chiga he chwaage nɔ be waa saŋ chig, de be Ona Tɔpere ta chig,
- 21dekalkε, de le hare nɔ mumpar bwa ba le fini, wahala aa de we de do ɔma ge dɔŋ ta chige bwa. Ase wahala aa do ɔma ge dɔŋ ge aa chig kpa bwa.
- 22Ke de Korowii fe ta tɔpera la ane teŋe ta aa, nomelbwa fe aa o nyuu dɔ. Anomanta ge aa ε ase Korowii nera waa chal ba de lee ba la dɔ ba nyu la, o teŋe tɔpechɔga la ane ta.
- 23Gε saŋ la de nomel ŋɔ he be ŋɔ Kristo la Korowii aa bage nyoa ŋɔ weε tomɔɔ ó ba le yaa la lɔ bonɔ keε le naa, he be on yarada,
- 24dekalkε nera εε ba teŋe nyosonee ŋɔ banee Kristo la, ase bane ge teŋe nyosone ŋɔ ba ε Korowii keamere. Baa ε wejena ne nyokpowaa, ase ba fe εε wonoo kwaraa naa, bá che ba we-εla ta deε nyin de negre nera Korowii aa chal ba de lee ba la gba.
- 25N felo deε bol waa nɔ he be noo, áse he pu sie jeme a wa.
- 26"De nomel ŋɔ he be ŋɔ Kristo la lɔ kpɔg bini naa, he be bela la. De nomel ge ŋɔ, 'Dyiŋi na, o sɔh dea nɔ bini' naa, he be yarada,
- 27dekalkε men Nen Bie bala εε εo keŋɔ bwaala yon nyegle le wee leebɔr kaa wee cholibɔr la. Gee maa wola n balaa kpɔ sɔh nomelbwa.
- 28Nomonome ŋɔ, 'Bela konlala aa lole la, bela kokosakiri εε ware.'
- 29"Wahala ne sibegra la aa chig de den deε tone la, bug la ta 'wee εε biruu, ase korobie ge veh bɔr chaahna. Weweela εε chugruu le nyundua lee hare, ase konkwaa aa lɔ nyundua la bwa begre.'
- 30"A taa hεε ba waane nyundua nae a chagle n Nen Bie la bane, ase hare nɔ ta nera bwa na de wi, ase de na keŋɔ n Nen Bie la aa le nyundua baamare ta deε ba kpegri ne jirima tenten ne.
- 31Nera εε no Korowii bela la sii, ase Korowii tome o nyundua toroma bá ba hare nɔ ta bobelbwa de ka boa o nera waa chal ba de lee ba la bwa nyoa.
- 32"Hé kpɔ pur daa nona hweli wa. O baa fogre deε le papo-lweene, de nomelbwa jemo keŋɔ bɔwɔb saŋ telo tone.
- 33Gεε de waa nɔ maa bol he be nɔ bwa baa deε chig aa, ase hé jeme ke tɔpere maa de bol o waa la bala telo.
- 34Kasinten, he banɔ haa soge le nɔ bwa aa sewa ba mɔɔ ge waa nɔ chig.

<sup>35</sup>Nyundua ne hare bwa ee ba chogoo, aa wola lee do kpa, ke n waa maa bola te bwa ee do lee sanj te belbwa.

<sup>36</sup>"Nomelbwa aa topere la ne sanj ge waa la aa de ba chiga jeme. Nyundua toroma la ne n Nen Bie la gba aa jeme. N Mee la gboo jema.

<sup>37</sup>N Nen Bie bala ee pigri neraa ke Nowa sanj nesuuli la aa baa pigri nera la.

<sup>38</sup>Ge sanj nee la aa wola sui de chog hare moo la, de nera de di kwaa dee le ba sie, dee mo haahna, dee yale jaranar. Ba lo ge waa no ta dee e de ka tel ge sanj Nowa aa jo gberjen la bini gel ba.

<sup>39</sup>Ke ba ta wone jeme waa aa de ba bala ka tel ge sanj nee aa sua de ba kpo ba bwa kaa. Gee n Nen Bie la bala la ee ba nera pigra.

<sup>40</sup>Ge sanj la, nera banee ee de e toma koo taa, ase ba ba kpo benjkonj kaa de gel bel.

<sup>41</sup>Haahna banee ee peo dee name kwaa nambwe ta, ba ba kpo benjkonj kaa de gel bel bela.

<sup>42</sup>Anomanta hee do daego, dekalke haa topere la ne sanj la he Doo la aa ba jeme.

<sup>43</sup>Hee no. De dem te fe jeme ge sanj njwee aa ba njweo waa, o fe aa domii cho de gel o ba jo dem de njweo.

<sup>44</sup>Gee che kenjo he ge kpo he te de so kpa, dekalke pigraa n Nen Bie la ee ba ba pigri heya.

<sup>45</sup>"Bonoo waa do kasintej de do liire la non taa o doo kpo o dem tena dee do, de nj bor de magre aa, o tee ba kondikwa.

<sup>46</sup>De o doo la baa puu, de o de e ge waa kpoa do o non ta la aa, o sie ee leo.

<sup>47</sup>Kasintej, n de nj he be, o doo la ee kpo o komelbwaa do o non ta nj wee nyinji a ta.

<sup>48</sup>Ke de o e bononchoje, ase de nj, 'N doo njwene no waa kaala no, waa ba taraken,'

<sup>49</sup>de do o bonondnja la nee dee loo, dee di kwaa waa de nyin, o ne sennyora ee dee raa, amo wee na waa.

<sup>50</sup>Topebenjkonjii o doo la ee ba bala ba pigru,

<sup>51</sup>de ter o denje taeh, de donu ka pu nera baa de nyinji nera sie bor moo dee e waa la. Belaa wee ba doe dee wi dee na wewelee.

## Maatiu 25

<sup>1</sup>"N Nen Bie bala la telaa, kenii Korowii Kora ee ba doe. O de ba doe kenjo toli fi bane baa ira de kpo ba kandere dee la ka cheme hanfale jaa.

<sup>2</sup>Ba bini banue e gena, banue ge e wejerema.

<sup>3</sup>Gena la ta noo kpo ase de ba kandere la bini noo tonaa ba kpo do.

- <sup>4</sup>Ke wejerema la te kpɔ noo do loŋa ta de ja ba kandere la ta.
- <sup>5</sup>Hanfale jaa la ta fele ba, anomanta dom chugli bitoli la, ba bwa chooge doromi.
- <sup>6</sup>"Harambaŋa la, nera bane nao keŋɔ hanfale jaa la de ba, ase de kpɔ takpeg ŋɔ, 'Hanfale jaa laanee la oo! Hé le ka chemo!'
- <sup>7</sup>Bitoli fi la bwa ir doromi ta, de kwaa ba kandere.
- <sup>8</sup>Gena banue la ŋɔ wejerema la be ŋɔ, 'Hé te yaa he noo nɔ ane. Ge laa aa, ya kandere de dirimi.'
- <sup>9</sup>Anee wejerema la ŋɔ ba be ŋɔ, 'Aa ya ne he bwaa tel, anomanta hé chwa la bela baa de yoga la ka yawe ane.'
- <sup>10</sup>Ge saŋ bitoli gena la aa chig ŋwene ta kaa noo la yawa la taa hanfale jaa la ba. Wejerema la aa kpɔ ba te la, ba do bɔr teŋe hanfale jaa la nee de ka di hanfale kondikwaa la. Baa joa tone la, dem te den laa gbera la to.
- <sup>11</sup>"A haboo la bano la balo de baa yere ŋɔ, 'Ya doo, ya de soŋe, ya yaa ase ya jo.'
- <sup>12</sup>Anee hanfale jaa la ŋɔ, 'Kasinteŋ, maa heyaa jeme.' "
- <sup>13</sup>Yeesu aa bol ge tone la, o bere ŋɔ, "Anomanta hé gel he sie do le hee kpa, dekalke haa toperere la ne ge saŋ maa de ba bala la jeme."
- <sup>14</sup>Yeesu bere ŋɔ, "Awola n Nen Bie la aa ba la, kenii Korowii Kora la ee ba doe. Baa belee ira dee ba o ŋwene bel kaala, de yere o bonooŋa de kpɔ o suuga bwa do ba non ta.
- <sup>15</sup>Ge del ba belbwa aa de ba wona kpoŋe la taa o nyiŋi de bone tee ba. O te sitote la bore anue, de te neete la bore ane, ase de te tooro te la ge bɔrbenkpoŋ, moo de kaa o ŋwene la.
- <sup>16</sup>A ta bigre belbwa ono la waa do bore anue la den kpɔ o kwaa ka e toma de bere do a doŋa ja a ta.
- <sup>17</sup>Ge tentenee ono la waa do bore ane la ge bere do a doŋa ja o kwaa ta.
- <sup>18</sup>Bonoo la waa do bɔrbenkpoŋ la te kpɔ o kwaa ka huge hare.
- <sup>19</sup>"Aa baa bigri la bonooŋa la doo la balo de ba ŋɔ belbwa ba chagle ge waa e suuga waa kpaa tee ba la ne.
- <sup>20</sup>Bonoo la waa teo bore anue la kpɔ ano la waa doo ja la ja ano waa kpaa teo la ta de ŋɔ, 'N Doo, bore anuee he te me, ke n ge berɔ do a doŋa ja a ta. Anee la.'
- <sup>21</sup>Anee o doo la ŋɔ, 'Jam, bonondeege, kasinteŋ te! Tama no haa kpɔ kasinteŋ de e a ne toma no, mee kpoe so andamanta nyoa. Ba puu me so silee ta.'
- <sup>22</sup>"Bonoo neete la ge ba de ba ŋɔ, 'N Doo, bore anee he te me, ke n ge berɔ do a doŋa ja a ta. Anee la.'



- <sup>23</sup>Anee o dɔɔ la ŋɔ, 'Jam, bonɔndɛɛge, kasintɛŋ te! Tama nɔ haa kpɔ kasintɛŋ ɛ a ne toma nɔ, mɛɛ kpɔɛ so andamanta nyoa. Ba puu mɛ so silɛɛ ta.'
- <sup>24</sup>"Ase bonɔɔ waa dɔ bɔrbenɛkponɛ la ge ba, dɛ ba ŋɔ, 'N Dɔɔ, n jemɔ kɛ he waa kpegri. Bela haa wola mea due laanee hɛɛ koma, ase bela haa wola kwaa ane komɛ laanee hɛɛ nyin a chegbɔr.
- <sup>25</sup>Anomanta n ɔmɔ dɛ kpɔ suuga haa tɛ mɛ la ka huge hare. Anee la.'
- <sup>26</sup>Anee o dɔɔ la ŋɔ, 'Bonɔnchɔge bɔhwaah kohona! He jemɔ kɛ bela maa wola mea duee mɛɛ koma, ase bela maa wola kwaa komɛ laanee mɛɛ nyin a chegbɔr aa?
- <sup>27</sup>A fe che kɛŋɔ he kpɔ n suuga la ka cheg nɛra baa kpɔ suuga dɛɛ cheg ba be ba kpɔ dɛɛ kemɛ nɛra la be, ase n balaa, n ka lɛ n kwaa ne a nee bwa.
- <sup>28</sup>Anomanta hɛ lɛ o kwaa la o be dɛ kpɔ tɛ onɔ maa tɛo anue o dɔ a dɔŋa ja a ta la.
- <sup>29</sup>Naate waa dɔa la, baa jao anee ɔ dɔ kohona a gwaa o nɛ, ase naate waa wola komelbwa dɔe la, tama kwaraa waa dɔa la ɛɛ le o nɔn taa.
- <sup>30</sup>Bonɔnsala nɔ te, hɛ kpɔɔ le dahara ka ta biro ta, bela wii ne weweele do.'
- <sup>31</sup>"Dɛ n Nen Bie la balɔ jirima ne, nyundua toroma la ja n nɛ aa, mɛɛ ba so n kookara taa,
- <sup>32</sup>ase newenyina baa lɔ hare belbwa ta ba cheme n sie. Mɛɛ pegri ba bini bɔre anɛɛ ge petegre aa dɛ pegri o peera ne o boohna bini la.
- <sup>33</sup>Mɛɛ kpɔ wedɛɛga tena laanee che n nɔndig ta, ase ba kar la ge che n nɔŋgal ta.
- <sup>34</sup>Belaa mɛɛ ba n ŋɔ banɔ la baa lɔ dig ta la be ŋɔ, 'He banɔ n Mɛɛ aa swee andɛɛga tɛ heyaa la, hɛ ba di kora waa le hare mumpar dɛ kwaa cheg heyaa la,
- <sup>35</sup>dɛkalkɛŋɔ lɔr aa dɛ kpɔ mɛ la, he tɛ mɛ kondikwaa n di, nyɔgre aa dɛ kpɔ mɛ la, he tɛ mɛ nee n nyɔ. Maa ɛ hɔɔh la, he kpɔ mɛ kaa he deremi,
- <sup>36</sup>maa vale mɔŋgbal la, he tɛ mɛ yal n tɔ. N bwara wee mɛ, he nyinɔ n nɛ, ase baa do mɛ dea ge la, he kaa na mɛ.'
- <sup>37</sup>"A taa wedɛɛga tena la ɛɛ ba ŋɔɛ ŋɔ, 'Ya Dɔɔ, beweeree ya na kɛŋɔ lɔr aa dɛ kpɔɛ ya tɛɛ kondikwaa he di, ase nyɔgre ge kpɔɛ ya tɛɛ nee he nyɔɔ?
- <sup>38</sup>Beweeree ya na kɛŋɔ he ɛ hɔɔh ya kpɔɛ kaa ya deremi, dɛ berɛ na kɛŋɔ haa vale mɔŋgbal ya tɛɛ yal he tɔɔ?
- <sup>39</sup>Beweeree ya na kɛ he bwara wee kɛɛ ba doe dea ase ya ka nae nɔ?'
- <sup>40</sup>Ase n ŋɔ ba be ŋɔ, 'Kasintɛŋ, ge haa cha n nimanar waa nɔ dɔŋa aa puu ba la, hale nyaa ne nɛŋgwɛgre la, mɛɛ he cha la.'
- <sup>41</sup>"Ase n berɛ ŋɔ banɔ la baa lɔ n gal ta la be ŋɔ, 'He banɔ Korowii nyotaahna aa lawɛ heyaa la, hɛ le n sie bonɔ dɛ ka jo nii aa wola dime bwa ba mara tɛ Bɔnsam ne o toroma la ta,

<sup>42</sup>dekalke lor kpo me, he ta men kondikwaa tee n di, nyogre kpo me, he ta men nee tee n nyo.

<sup>43</sup>Maa e hoo la, he ta men lawe kaa dem, maa vale mungbal ge la, he ta men yal tee n to. N bwara wee me, ba do me dea ge, ke he ta bale de ba na me.'

<sup>44</sup>"Ase ba ge chajo no, 'Ya Doo, beweere ya na ke lor ne nyogre de kpo, kee he e hoo, kee dee vale mungbal, kee he bwara wee, kee ba doe dea ase ya ta bale de ba chae no?'

<sup>45</sup>Ase n no ba be no, 'Kasintey, ge haa wola n nimanar waa no daja aa puu ba la belbwa chae, hale nyaa ne nengwegre la, menea haa wola chae la.'

<sup>46</sup>Bano te ee kaa weweele aa wola jaga doe bwa la taa, ase wedeega tena la te do Korowii mkpa aa wola jaga doe bwa la."

## Maatiu 26

<sup>1</sup>Yeesu aa chag ba ge waa no tone la, o no o haboteyra la be no,

<sup>2</sup>"Ge haa jema la, kerele gbosoro baa di Galekaa kondikwaa la. A taa baa ba men Nen Bie lee te nera ba kpa me pel dagagre ta de kpo me."

<sup>3</sup>Anee Sofonomome ne bwee nomonome ka cheme Sofore Nomoa Kaefas dem,

<sup>4</sup>de ka so dee nyin nwen baa che o ta de lawe Yeesu de kpoo nomelbwa aa wola jeme.

<sup>5</sup>Baa chema la de ba ber no, "Yaa won lawe baa no ge topere no ta, dekalke nera noo waa, aa werii do. Bwee no ee vuuguu."

<sup>6</sup>De Yeesu lo Betani de do Seemon weechoga faa chog o bwadabii la dem.

<sup>7</sup>Yeesu aa lo dem bela dee di kwaa la, haah bel kpoje nosochsoma ane a yog aa kpega a su loj bel de ba o be, ase de ba kp do Yeesu nyu ta.

<sup>8</sup>Yeesu haboteyra la aa na ge haah la aa ea la, a di ba baah, ba kp bandia pee no, "Kwaa no ge choga no mun o?"

<sup>9</sup>O fe yog nosochsoma no aa, o fe aa suuga do a ware o kp te nyaara aa?"

<sup>10</sup>Yeesu aa no ge baa de bol la, o pee ba no, "Ere waa hee pwah haah no noo? Wedeega tentenee o e te me la.

<sup>11</sup>Nyaara te, he ne banee lole toperere bwa, ke n te aa he bee do ka tone.

<sup>12</sup>Haah no nosochsoma no waa fuga do n nyu ta no, n seo waa o e ge la.

<sup>13</sup>Kasintey, hare no ta bela bwa baa bol Amanesoma no la, baa bol waa haah no aa ea no belaa, a e son teo dee la."

<sup>14</sup>Ase Yeesu haboteyra fi de bane la bini benkpon baa de yer Judas Eskareot la la Sofonomome la be

- <sup>15</sup>De ka pɛɛ ba ŋɔ, "Dɛ n ba Yeesu ne ba tɛ heyaa aa, aŋwɛnɛɛ hɛɛ ba n tɛɛ yɔ?" Anee Sofonomonome la kure suugapɔŋa fifraatoro do o nɔn ta.
- <sup>16</sup>De le gɛ saŋ la, Judas pa mun dɛɛ nyiŋi ŋwɛnɛdɛɛge waa won che o ta dɛ le Yeesu do ba nɔn ta.
- <sup>17</sup>Galekaa dii tɔpere waa tɔ sie baa wola paanoo iisi aa lɔ o ta di la, Yeesu habɔtɛŋra fi dɛ banɛ la ba o be dɛ ba pɛero ŋɔ, "Leperaa hɛɛ nyin kɛŋɔ ya ka ɛ he Galekaa kondikwaa chege nɔ?"
- <sup>18</sup>Anee Yeesu ŋɔ, "Hɛ la bwɛɛ bini, hɛɛ na baa bɛl maa jemɔ asɛ dɛ ŋɔ o be ŋɔ, 'Nomoa la ŋɔ o tɔpere telo ŋɔ o ne o habɔtɛŋra dɛ ba ba di Galekaa kondikwaa la he dem.' "
- <sup>19</sup>Yeesu habɔtɛŋra la kaa ŋɔ gɛ waa ŋɔa la, asɛ dɛ daa Galekaa kondikwaa la cheg bela.
- <sup>20</sup>Bɔr aa joa la, Yeesu ne o habɔtɛŋra la laŋɔ dɛ ka so dɛɛ di kwaa la.
- <sup>21</sup>Baa dɛ di kwaa la, Yeesu ŋɔ ba be ŋɔ, "Kasintɛŋ, he bini belee dɛɛ ba n lee tɛ ba kpo mɛ."
- <sup>22</sup>Waa ŋɔ gɛ la, o habɔtɛŋra la teene bini chɔgɔ kohona, asɛ baa pɛero bɛŋkpoŋa bɛŋkpoŋa ŋɔ, "N Dɔɔ, mɛnɛɛ kɛɛ? N Dɔɔ, mɛnɛɛ kɛɛ?"
- <sup>23</sup>Yeesu chaŋ ba ŋɔ, "Naate n ne waa pɛ nɔn hɛna bɛŋkpoŋ bini laanee.
- <sup>24</sup>Men Nɛn Bie nɔ ɛɛ sewɔɔ gɛ Korowii Tɔn aa dɛ bagle la, kɛ naate waa lee mɛ tɛ ba kpo la, bwɛɛɛ. Dɛ ba fe ta naate lɛɛ gba fe bɔ!"
- <sup>25</sup>Anee Judas waa dɛ ba o lee tɛ la gɛ pɛero ŋɔ, "N Dɔɔ, mɛnɛɛ kɛɛ?" Anee Yeesu ŋɔ, "Anee he bol la."
- <sup>26</sup>Baa dɛ di kwaa la la, Yeesu kpo paanoo la baa dɛ di la bɛl dɛ jam Korowii o wa, asɛ dɛ bɔne tɛ o habɔtɛŋra la dɛ ŋɔ, "N bo-olii la. Hɛ le dɛ di."
- <sup>27</sup>Asɛ dɛ bɛrɛ kpo nomol ne sen dɛ jam Korowii dɛ ŋɔ, "Hɛ bwa nyɔ sen nɔ ane.
- <sup>28</sup>Sen nɔɔ chɛga tɛ n chal maa dɛ ba nɛra kɛrɛdɛ waa koah dɛ fuge ta áɛ Korowii che a ta dɛ kpo ba wechɔga kɛ ba. Aa ɛ fɔo dɛ chɔ Korowii ne nɛwɛnyini baah ta.
- <sup>29</sup>Kasintɛŋ, maa sen nɔ anɛɛ nyɔ kpa bwa ka tel gɛ saŋ n ne haa bɛrɛ ba nyɔ anfala n Mɛɛ Kora la ta."
- <sup>30</sup>Asɛ ba go yel kpɛɛ Korowii dɛ ir le kaa Olevɛrɛ Bwe la ta.
- <sup>31</sup>Yeesu ŋɔ ba be ŋɔ, "Jwaana nɔ ne he bwa ɛɛ chwao kaa gel mɛ, gɛ baa chwera Korowii Tɔn bini ŋɔ, 'Korowii ɛɛ kpo petegre laanee, asɛ peera la bwa lɔ pegre' la.
- <sup>32</sup>Kɛ dɛ n iro le seo ta naa, mɛɛ tɔ sieɛ kaa Galilia hare ta he nɛ."
- <sup>33</sup>Anee Pita ŋɔ, "Dɛ n bala nɔ bwa chwao gele naa, n te aa chwa gele bwa."

- 34 Belaa Yeesu ɲɔ Pita be ɲɔ, "Kasintɛɲ, jabaɓ ne sii fini, de he tɔɔh kera atoro ɲɔ haa men jeme."
- 35 Anee Pita ɲɔ, "De seo kwaraa yaa, n ne hɛɛ sewoo, ke maa tɔh ɲɔ maa hen jeme bwa." Ase Yeesu haboɓɓɛra baa jaa la bwa ge bol ge.
- 36 Ase Yeesu ne o haboɓɓɛra la kaa bobel baa de yere bela Getsemane, ase o ɲɔ ba be ɲɔ, "He so bono ni la le ka soɲe Korowii de ba."
- 37 O kpo Pita ne Sebedii bii bane la de kaa bela. De o loo kuu, o ta nae ge bwa waa e o te.
- 38 Anee o ɲɔ ba be ɲɔ, "Ge n tea bini aa choɓa la gelo n loo ku. Lokua no ee kpo mee kwara. He cha me de so bono dee were."
- 39 Yeesu la sie tama de ka kpo sie pi hare de soɲe Korowii ɲɔ, "N Mee, de a fe ee magroo waa, he be gel a ge wahala no ba n ne. Ke anla aa too n tea laa mee nyin, ke e he tetoowa."
- 40 Yeesu berɔ ba o haboɓɓɛra batoro la be de ba na ke ba chooge doromi, ase o ɲɔ Pita be ɲɔ, "He ta wone cha me de so were don benkpon gba naa?"
- 41 Hee nyinji kerede dee soɲe Korowii ase Bonsam be won negre heya. He bambile fe de nyin wedeega ee, ke he bwadabii pwere."
- 42 Yeesu berɔ ka soɲe Korowii ja de ɲɔ, "N Mee, de nae che keɲɔ n na ge wahala no, ase he laa kpo n nee aa wola magre aa, ea ge aa too he tea."
- 43 Yeesu aa bera ba o haboɓɓɛra la be ja la, de ba fe ɲɔ ba hame sie de be dom cho, ke ba ta wone, de chooge doromi.
- 44 Yeesu berɔ gel ba ja de ka soɲe Korowii tooro tena ge o faa soɲo la tenten,
- 45 de bere ba o haboɓɓɛra la be de ba pee ba ɲɔ, "Domii he cho dee onaa? Saɲ baa de ba n Nen Bie la kpo do wechoɓ-ɛera non ta la telo.
- 46 He ir ya kaa. He na, baa la waa de ba n lee te ba kpo me laanee la."
- 47 Yeesu nyoa taa lo waa ta wee bol la, de Judas waa e o haboɓɓɛra fi de bane la bini bel la deno ba. De nenlaa tenten Sofonomome ne bela nomonome aa tom ba kpoɲe keru ne gule ja Judas nee ba ba.
- 48 De Judas to sie ɲɔ ba be ɲɔ, "Baa la maa gbaaro pel n bambile de mo o lweema la, amo de onee. He den lawo dee la o ne."
- 49 Judas den pa sie Yeesu be de ɲɔ, "N Doo, he lea?" de gbaaro pel o bambile de mo o lweema.
- 50 Anee Yeesu peero ɲɔ, "Dam, ere balaa he ba bono no?" Belaa nera la den ba gugri Yeesu de lawo.
- 51 Nera baa ja Yeesu nee la bel pame o kere le o too ta de kpo ɲwene Sofore Nomoa bono denne laa cha.

- 52 Anee Yeesu ŋɔ, "Kpɔ he kere la do o tɔɔ ta. Nomelbwa waa kpɔ kere de e wechɔga la, kere nee baa ba o ge kpoe.
- 53 Haa jeme keŋɔ n fe ee wonoo yere n Mee ŋɔ ó ba cha me, ase o gel nyundua toroma baa wola nyoa doe ba de ba yo lee me kee?
- 54 Ke n gelo a ba ge naa, de waa baa chwera bil ŋɔ gee che keŋɔ a ba la ta bere e ge kpa."
- 55 Anee Yeesu pee nera la ŋɔ, "Dweeree men he kpɔ keri ne gule dee ba de ba lag me naa? Tɔpere bwa n ne heyaa yon so Korowii Dea bela mee bagle nera wa, ke he ta men bela lawe.
- 56 Anɔ bwa eo áse waa Korowii keamere la aa chwera Korowii Tɔn bini la e kpela." Belaa Yeesu haboteŋra la bwa chwa pegre a kao.
- 57 Nera la baa lawe Yeesu la kpɔ kaa Sɔfore Nomoa Kaefas dem, de Tɔn Jerema ne bwee nomonome la cheme bela.
- 58 Baa de kaa la, Pita ge teŋe ba nee bojaŋ de ka jo Sɔfore Nomoa la dem, de ka pu nera baa de daah dem bela la so, dee nyin o na ge bwa baa de ba kpoe e Yeesu.
- 59 Sɔfonomonome ne Juda tena nomonome baa de bol waa dee pa bole la bwa nyoa peo baa nyin waa de kpɔ dawee Yeesu nee de won che a ta kpoo.
- 60 Anomanta nera kerede bwa teŋe nyosone dawee o ne, ke ba ta wone do waane de che a ta de doo kpɔ. Anee nera bane bane den le che baah ta
- 61 de ŋɔ, "Baa noo fa ŋɔa wee wonoo pagre Korowii Dea no de kpɔ tɔpera atoro mao ja la."
- 62 Anee Sɔfore Nomoa la ir che de ŋɔ Yeesu be ŋɔ, "Eree he na waa no baa kpɔa dawee he nee noo? He ta waane doe he change aa?"
- 63 Yeesu mwaa o ne, o ta wobelbwa change. Anee Sɔfore Nomoa la bere ŋɔ o be ja ŋɔ, "N ŋwee Korowijen no keŋɔ, de henee o Bie Kristo la waa bage yaa nyoa ŋɔ wee tomoo ó ba le yaa la aa, gel ya jeme fini."
- 64 Anee Yeesu chaŋo ŋɔ, "Anee he bol la. Ke n berɔ dee ŋɔ he bwa be ŋɔ, tɔpebel hee ba na n Nen Bie noo Korowii be keŋɔ n soge nomombɔr o dig ta, ase de na ge n ne baamare aa le nyundua dee ba!"
- 65 Belaa Sɔfore Nomoa la laa o gbagba laala waa doa la laa pee de ŋɔ, "He no musu wa! Bokwa dansee ya bere nyin jaɔ? Ke he bwa no musu waa no waa dena bol noo?"
- 66 Eree he na waa noo, bwela?" Ba bwa den pe nyoa ŋɔ, "O che kpoe."
- 67 Ba ta nentane ta o sie bɔr de looro, de tɔɔ kande. Banɔ la baa de kpaa o lwereme dee chugru kweere la yon bere peero ŋɔ,
- 68 "De henee Kristo la aa, na chaahna de won jeme naate waa loe no!"



<sup>69</sup>De Pita soge buse dem baah bela, ase Sofore Nomoa la tolo bel ba o be de ηο, "Ke he ge fa teηe Yeesu waa le Galilia hare la nee lao?"

<sup>70</sup>Ase Pita toh pelepelepele ken ba bwa sie de ηο, "Waa no haa de bol no, maa a bini jeme kwara!"

<sup>71</sup>Waa bol ge tone la, o le bela de ka che dem la doonyoa. Tolo bel bere nao bela de ηο nera baa chege bela la be ηο, "Baa no e Yeesu waa le Nasaret la habotenra la bel."

<sup>72</sup>Ase Pita bere toh de ηwee ηο waa on jeme.

<sup>73</sup>A ta bigre belbwa ase nera baa chege bela la ba o be de ba ηο, "Kpela, haa won toh ηο Yeesu nera la bel laa hen, dekalkenjo he de bol Galilia tena wobol."

<sup>74</sup>Ase Pita ηο, "N ηwee Korowii ke de n jeme baa no bobelbwa o be men gel!" Bug la ta de jabal sio,

<sup>75</sup>ase Pita lii ge Yeesu aa ηο o be ηο, "Jabal ne sii de he toh ηο haa men jeme kera atoro bwa" la. Waa lii a ge waa no la, o le dahara de ka wi lokua ne.

## Maatiu 27

<sup>1</sup>Too aa pera chombibi la, Korowii Dea Sofonomonome bwa ne ba hare la nomonome chemo de vorowe Yeesu kpoe vorowa,

<sup>2</sup>de vorowe o noora, de kpo ka te Room nomoa Paelet waa de nyinji bela hare la.

<sup>3</sup>Judas la waa le Yeesu te ba doo lawe la aa bera na ke ba de nyin ba kpo Yeesu la, a we o ne, ase o bere chare o liire kenjo o fe jema, o fe ta suuga la lee de le Yeesu te, ase de bere kpo suugaponja fifraatoro la ka te Sofonomonome la ne bwee nomonome la, de ηο,

<sup>4</sup>"N e wechoga ke maa le nen waa wola wechoga belbwa ee te heyaa ηο he ka kpoo no." Anee nera la ηο, "Ya te waane laa, a bwa do ke hen."

<sup>5</sup>Anee Judas kpo suugaponja la vigri Korowii Dea bela, ase de ka sage o te.

<sup>6</sup>Sofonomonome la pa suuga la de ηο, "Suuga no e chal suuga, ase ya mmarare ge aa yaa ηwene te kenjo ya won kpo suuga no ja Korowii Dea suuga ta."

<sup>7</sup>Anomanta ba bwa nyoa peo kenjo ba kpo suuga la ka yawe hare bel waa e vimamaa hare ase dee huge hohra baa wola Juda tena ee bela.

<sup>8</sup>A waa gela baa yere bela hare la Chal Hare de ba le fini la.

<sup>9</sup>Waa Korowii keame Jeremaya faa bola la e kpela. O fa ηο, "Ba le suugaponja fifraatoro, ge Israel tena nyoa aa pea ba di o yog la,

<sup>10</sup>ase de kpo ge suuga la ka yawe vimamaa hare la ge Korowii aa ηο n be la."

<sup>11</sup>De Yeesu ge chege nomoa Paelet sie. Ase Paelet booro ηο, "Henee Juda tena koro e?" Ase Yeesu ηο, "Anee he bol la."

- 12 Sɔfonomonome ne hare nomonome la teje nyosone dawɛ Yeesu nɛ, kɛ Yeesu ta ban change.
- 13 Ase Paelet bɔɔro ŋɔ, "Wedamanta nɔ bwa baa kpɔa dɛɛ dawɛ nɔ, haa no kɛɛ?"
- 14 Yeesu ta wobɛlbwa change, o ta a bɛlbwa tɔɛh, ase nomoa Paelet nyoa kpo kohona.
- 15 Dɛ o dɔ we-ɛɛle bɛl waa dɛ ɛ bena bɛlbwa. A gɛ tɔpejen la baa tel aa, wechɔg-ɛɛ te bɛlbwa baa doo dea ase bwɛɛla la ŋɔ ɔ fooru ta la, a che keŋɔ o fooru ta.
- 16 A gɛ saŋ la, dɛ ba do baa bɛl baa dɛ yero Barabas nomɛlbwa dɛ no o sɔn dea.
- 17 Ase baa ba Paelet be o bɔɔ ba ŋɔ, "Barabas ne Yeesu baa dɛ yero Kristo la, ba bini umee hɛɛ nyin n fooru ta tɛ heya ɔ?"
- 18 Dɛ o gbabir jemɔ keŋɔ bɔweela waa ba che Yeesu nɛɛ pɛpɛɛ dɛ kpɔɔ ba o be la.
- 19 Nomoa Paelet aa soge o kara ta dɛɛ bol waa la, o haah tome nen o be ŋɔ, "Nyinji kerɛdɛ dɛ be baa la wobɛlbwa ɛ. Nendɛɛge tenteneɛ. Gɛ maa dee o waa fini nɔ la, a we n nɛɛ taɛh."
- 20 Jaah dɛ Sɔfonomonome ne bwɛɛ nomonome la do nenlaa la bwa ŋɔ bá ŋɔ Barabasee baa nyin kɛ Paelet foo ta ase dɛ kpo Yeesu.
- 21 Anee Paelet bɔɔ ba ŋɔ, "Nɛra banɛ nɔ bini umee hɛɛ nyin n foo ta tɛ heya ɔ?" Ase ba ŋɔ, "Barabas."
- 22 Belaa o bere bɔɔ ba ŋɔ, "Aah ɛɛɛ he ŋɔ n ɛ Yeesu nɔ baa dɛ yero Kristo nɔɔ?" Ase ba bwa pɛ ŋɔ, "Kpaaro pɛl dagagre ta!"
- 23 Anee Paelet bɔɔ ba ŋɔ, "Ɛɛɛ yɔ? Bɔkwa wechɔgaa o ɛɔ?" Ate dɛ ba berɔ kwaa ŋɔ kohona ŋɔ, "Kpaaro pɛl dagagre ta!"
- 24 Nomoa Paelet aa nao kɛ dɛ o ŋɔ o sage waa la ta naa, waa aa ba la aa wer doe ba la, o ɛ nee dɛ same o nɔɔra nenlaa la bwa sie dɛ ŋɔ, "N laa dɛɛ do heyaa ŋɔ hé kpo nendɛɛge nɔ. He gbagbaa dɛɛ ɛ he wa!"
- 25 Anee nɛra la ŋɔ, "Ɔɔh, hé te gel o seo wobɛlbwa dawɛ ya ne ya naanar nɛ!"
- 26 Belaa Paelet le Barabas ta, gɛ baa dɛ nyin la, dɛ gel ba lɔɔ Yeesu bampɔɔ ŋwɛera ne mɔɔ dɛ kpɔɔ tɛ ŋɔ bá ka kpaaro pɛl dagagre ta.
- 27 Ase soojare la kpɔ Yeesu le kaa nomoa Paelet dem, dɛ yere ba bala soojare la bwa ba ba baro cheme,
- 28 dɛ laa o laala foo, dɛ kpɔ yaswɛm bɛl keŋɔ ba bela kooro yal ba tɔɔ,
- 29 dɛ kpɔ sɔɔhne sɔh koogberɛ piu, dɛ kpɔ daa bɛl do o nɔndig ta, dɛɛ guɔu hare keŋɔ baa dɛ ɛ kooro la dɛɛ taramo dɛɛ si, "Woowo, Juda tena kooro!"
- 30 Ase dɛɛ ta nentane dɛɛ ta o nɛ, dɛ kpɔ daa la dɛɛ cha o nyu.
- 31 Baa mugli o baah tone la, ba laa yal la foo o bwara ta, dɛ kpɔ o gbagba laala o faa doa wubwa la doo, dɛ kpɔɔ le dɛɛ kaa dɛ ka kpaaro pɛl dagagre ta.

- 32 Baa de kaa la, ba kaa na Sairini baa bel baa de yero Seemon. Ba egro o le Yeesu dagagre la che.
- 33 Ase ba ba bela baa de yero Gølgøta la. Gølgøta munii Nyuhog Bør.
- 34 Ase ba kpø konjkelakpela ane koo sen ta de kpø te Yeesu ñø ó nyø. Waa daga na la, o veh nyøe.
- 35 Ba foo o laala, de kpaa o nõora ne o nakpale pel dagagre ta. De soojare la de nyin Yeesu laala bõna, de ta chacha mõõ dé won jeme laala ba belbwa aa di.
- 36 Gæe ba ε mõõ de ba so dæe nyiñu.
- 37 Ba chwerè o wechøga waa εa ba koh a waa kpoo la pel o dagagre la ta o nyundua. A ge waa laanee: |scYEESU, JUDA TENA KOOROO KEN|d.
- 38 Belaa ba kpaa ñwæera bane pel dagagra ta ja Yeesu ne, bel sage o dig ta, bel ge sage o gal ta.
- 39 Nera baa kpø bela bør baa kaa la chegre Yeesu dæe mugli o baah ñø,
- 40 "Chwa! Nen waa de pagre Korowii Dea de won kpø tøpera atoro mao la laa nõ gbao? Le he te! De henee Korowii Bie la aa, le dagagre la doa tu hare yá na!"
- 41 Gæe Søfonomonome ne Tøn Jerema ne bwæe nomonome mugli o baah ge banø la aa εa la,
- 42 de ñø, "Ao! O won bane te læe, ke waa won le o te gbagba. Ke Israel tena kooroo yø. Hé gel o tu le dagagre la doa ba hare yá na ase de yaradao.
- 43 O ñø Korowii næe o sie dawè, de ñø Korowii Biee on. De o waa de le Korowii sie te naa, amø Kórowii ba leo taraken."
- 44 De gæe ñwæera baa kpaa ba pel dagagra ta ja o næe la gee chegro.
- 45 Wee aa baa che nyufala la, bør biro jumaa ken de ka tel wekee sanj mõõ de bere chaah ja.
- 46 Wekee sanj aa baa tel la, Yeesu do lõñø kpegri næe de ñø, "Eli, Eli, lama sabaktani?" O munii keñø, "N Mæe Korowii, n Mæe Korowii, eree he chwa me nõø?"
- 47 Nera baa chege bela la aa nõ ge la, ba ñø, "Hée nõ! Elaejaa wæe yere la."
- 48 Ase bel chwa bug la ta de ka kpø konjøgøjøgø bel waa de le nee ka li sennyega ta de kpø toh daa ta, de kpø pao ó nyø.
- 49 Nera aa kaa la ge ñø, "Hé gel ya na, de Elaeja ε ba leo waa?"
- 50 Belaa Yeesu bere do lõñø kohona, ase de gel o doma kaa, o ta.
- 51 Waa sewa la, ate de yal waa teje Korowii Dea la baah ta la pere ane le nyundua ba ta hare. Hare jigro, ase bwetala bini pegri,
- 52 Ialbõone pili, ase Korowii nera baa serewa kerède ir seo ta.

<sup>53</sup>Yeesu aa ir seo ta la, ba ge le ba lalbɔone bini de ka jo Jerusalem, ase nera kerede na ba.

<sup>54</sup>Sooja nomoa ne o soojare baa de daah Yeesu la aa na ge hare aa jigra ne waa aa chiga la, ba ɔmɔ, ase ba ŋɔ, "Korowii Biee baa nɔ kpela!"

<sup>55</sup>De haahna warɔ de che bojan de nyinji. A ge haahna nɔɔ teje o nee le Galilia hare de daa kondikwaa de teo.

<sup>56</sup>Ba bini banee Meere waa le Magdala la, ne Jems ne Josef nya Meere, ne Sebedii bii la nya.

<sup>57</sup>Awola jomora la baa bel waa e Arimatea te de e suuga te ba. De o gba e Yeesu habotenra bel,

<sup>58</sup>de ge la Paelet be de ka sonjo ŋɔ o teo ŋwene o ka kpɔ Yeesu lale la. Paelet seh de kpɔ teo.

<sup>59</sup>Anee Josef kpɔɔ, de kpɔ yaponj ondege bel de forowo,

<sup>60</sup>de kpɔɔ ka huge lalbɔo o gbagba aa fore bwe bel ta o do kenjo dea ken baa wola nomelbwa o bini huge mɔɔ la, de gbili bwejen bel to o nyoa, ase de le bela kaa.

<sup>61</sup>De Meere waa le Magdala la ne o donj Meere la soge bela, ase ba sie pa lalbɔo la ta baa nyinji.

<sup>62</sup>Awola la Juda tena de kpɔ ba te ase too peraa, ba di ba Ona Topere. Too aa pera la Sofonomome ne Farisii tena la kaa cheme nomoa Paelet dem,

<sup>63</sup>de ŋɔ o be ŋɔ, "Nomoa, ge sanj a ge nyosontenji nɔ aa wola sewe mɔɔ la, de o de bol ŋɔ de o sewaa, topera atoro wee iruu ja.

<sup>64</sup>Anomanta, do nera ba kaa daah lalbɔo la mɔɔ topetooro wee la tel. A waa laa aa, o habotenra la e ka ŋwe lale laanee le bɔɔ la bini, de ka teje nyosone bagle nera bwa ŋɔ iraa ba Doo la ir. De ge laa aa, negra baa de ba doe ka negre nera nɔ ee do boree che gwaa ge baa to sie negre nera la bwa."

<sup>65</sup>Anee nomoa Paelet ŋɔ ba be ŋɔ, "Soojaree la. He gel ba ka daah bɔɔ la. Dwene te belbwa haa kpɔ o ta ase ba be won ka ŋwe lale la la, he kpɔ o ta."

<sup>66</sup>Anee ba ka e ge baa e bwa nen be won ka ŋwe lale la. Ba kaa maa lalbɔo la ne bwe la baa kpɔa to o nyoa la bobel pe ge aa e de nomel ŋweo jo bɔɔ la bini aa, ba won jeme, ase de bere kpɔ soojare so bela ŋɔ ba daah bela.

## Maatiu 28

<sup>1</sup>Ona Topere la aa gara, ase too ee ba pera Kwasiara la, Meere waa le Magdala la ne o donj Meere la iro ŋɔ ba de la ka nyinji bela baa huge Yeesu la.

<sup>2</sup>Kerabenkponj de nyundua torome bel le nyundua tu hare, ase hare jigri kohona. O la bɔɔ la ta de ka gbili bwejen la le o nyoa, de so o ta.

- <sup>3</sup>Dɛ he nao waa, o dɛ jajare sie kɛŋɔ bwaala nyɛgla ken, asɛ o laala waa doa la ge to kpelkpel ken.
- <sup>4</sup>Soojare baa dɛ daah bela la aa nao la, ba ɔmɔ taeh, ba bwara ɛɛ sa, dɛ bwa serewe chɔɔge kɛŋɔ nɛra baa serewa ken.
- <sup>5</sup>Anee nyundua torome la ŋɔ haahna la be ŋɔ, "He bɛ ɔmɛ. N jemɔ kɛ Yeesu baa kpaaro pɛl dagagre ta o sewɛ la bɔree hɛɛ nyin.
- <sup>6</sup>O toole bonɔ kpa. O iro gɛ o faa ŋɔ he be la. Hɛ ba na bela baa hugo la,
- <sup>7</sup>asɛ dɛ ɛ warane dɛ la ka bagle o habɔtɛŋra be kɛŋɔ o ir seo ta, dɛ bɛɛ ŋɔ o tɔ ba sie dɛɛ kaa Galilia hare ta. Belaa baa ba o nae. Waa maa dɔa dɛ bol he be laanee la."
- <sup>8</sup>Asɛ haahna la chwa le bɔɔ la bɔr bela. ɔmee lag ba. Ba sie ge gare lɛ taeh. Ba lawɛ ŋwɛnɛ dɛ chwa la ká taa waa la bagle Yeesu habɔtɛŋra la.
- <sup>9</sup>Bug la ta, Yeesu chem ba ŋwɛnɛ ta dɛ chɔɔ ba, asɛ ba tel o be dɛ guŋi lawɛ o napaala dɛɛ duuru.
- <sup>10</sup>Belaa Yeesu ŋɔ ba be ŋɔ, "He bɛ ɔmɛ. Hɛ la ka ŋɔ n nimanar la be kɛ bá kaa Galilia hare. Belaa baa ba n nae."
- <sup>11</sup>Haahna la taa lɔ ŋwɛnɛ ta dɛɛ kaa la, soojare la baa dɛ daah lalɔɔ la bane chwao kaa Jerusalem dɛ taa waa aa chiga la bwa bagle Sɔfonomonome.
- <sup>12</sup>Sɔfonomonome la ne bwɛɛ nomonome chemo dɛ vɔrɔwe, dɛ nyin suuga damanta tɛ soojare la,
- <sup>13</sup>dɛ lɔ ba nyoa ŋɔ, "He ɛo waa, hɛ ŋɔ dɛ he chɔɔge doromi harambaŋa, asɛ o habɔtɛŋra la ba ŋwɛo kaa,
- <sup>14</sup>asɛ dɛ Paelet noɔ kɛ dɛ doromii he chɔ dɛ gel ba won ba ŋwɛ Yeesu chɔɔ la, dɛ gel ba la he ne kɔɔto aa, yá bol tɛ heyaa áse he kon do som."
- <sup>15</sup>Soojare la aa lɛ suuga la, gɛ Sɔfonomonome la aa do ba ŋɔ bá bol laanee ba taa bagle nɛra bwa. Hale kpoŋe ba le fini, gɛ waa laanee Juda tena ta kpoŋe.
- <sup>16</sup>Yeesu habɔtɛŋra fi dɛ beŋkpoŋ la Galilia hare ta ka chemo bwe bɛl o faa ŋɔ ba be ŋɔ o baa ir seo ta naa bá chemo bela la.
- <sup>17</sup>Baa nao la, ba duuru, kɛ dɛ bane dɛ tɔŋle ŋɔ Yeesu laa ba na la.
- <sup>18</sup>Yeesu tel ba jweh dɛ ŋɔ, "Korowii kpɔ nyundua ne hare nɔ ta bwa kpegri do n non ta.
- <sup>19</sup>Anomanta hɛ vale kaa hare nɔ ta bobɛlbwa dɛ ka nyin nɛra bwa bini nɛra bá ba tɛŋɛ n nɛ, dɛ sɔ ba Korowii ne áse dɛ kpɔ ba do n Mɛɛ ne men o Bie ne o Domadɛɛge la non ta,
- <sup>20</sup>asɛ dɛ chag ba ŋɔ báa tɛŋɛ n waa maa chagle heyaa la bwa ta. Kasintɛŋ, mɛɛ che he habɔɔ dɛ ja he nɛɛ tɔpere tɛ bɛlbwa dɛ ka tel wobɛlbwa jaga saŋ."

## Maak

### Maak 1

- <sup>1</sup>N de nyin n bagle heyaa amanesoma aa le Korowii Bie Yeesu Kristo waa la ta. A mumparee no:
- <sup>2</sup>Korowii keame Aesaya chwere ge Korowii aa bol nen waa de ba Yeesu sie toe la waa o Ton bini no, "Mee tome n toromee o to he sie de kwaa bor tee."
- <sup>3</sup>De bere chwere no, "Nomel de bol waa takpeg ne pua waa e henle gbo hare ta, no nera gel ba we-ela togre, de kpo ba te dee kpa ba Doo bala."
- <sup>4</sup>Gee a do baa bel baa de yero Jon ir de ba pua waa e henle gbo la ta de ba bol Korowii Waa dee bagle nera, dee no ba chare ba liire de le ba wechoga ta, ase Korowii kpo ba wechoga ke ba, ase o ge so ba Korowii ne.
- <sup>5</sup>Belaa nera baa le Judia hare, ne Jerusalem tena bwa le kaa Jon be ka no wa, de bol ba wechoga dee baglo, ase o so ba Korowii nee Joodan Moo ta.
- <sup>6</sup>Jon no yal waa too la, nyogma pona nee ba sooh, ol ton gee e o kriso. De tontombe ne tohnee e o kondikwa.
- <sup>7</sup>O no nera la be no, "Nomel de ba n haboo de gwaa me. Maa o napaa tee kwaraa do.
- <sup>8</sup>Maa so heyaa Korowii nee la, nee gbagbaa n kpo so heya. Ke o te ee kpo Korowii Domadeege laanee so heya."
- <sup>9</sup>Belaa Yeesu le Nasaret waa lo Galilia hare ta de ba Jon be, ase o soo Korowii nee Joodan Moo ta.
- <sup>10</sup>Bug la ta Yeesu aa le nee la ta la, o nao kenjo baama bini pilo, ase Korowii Doma kpo bela de tu ba o be kenjo bronoma.
- <sup>11</sup>Ase o no taa bel nyundua ke, "Henee n bie maa de nyin he wa, he wa ee su n siwi."
- <sup>12</sup>Anee Korowii Doma la den gel o kaa pua waa e henle gbo ta,
- <sup>13</sup>bela kpo bini ola aa lole, ase o do bela topera fifraanaare. De Bonsam de ba o be bela de baa daahno dee na kenjo o fe chare nyoa. De nyundua toroma ge de ba o be de baa chao.
- <sup>14</sup>Belaa ba lawe Jon do dea. A haboo la, Yeesu la Galilia hare de ka bol Korowii Amanesoma bag ba.
- <sup>15</sup>O bol no, "Topere la telo! Korowii Kora pu heyaa tone! He chare he liire de le he wechoga ta, ase de yarada Amanesoma no!"
- <sup>16</sup>Belaa Yeesu aa de vale Galilia Moo la nyoa la, o na nera bane bane baa de e nee toma dee ta asau, Seemon ne o nime Andriu.



- 17Anee Yeesu ɲɔ ba be ɲɔ, "Hé gel he peɲa la nyina de ba teɲe n ne, ase n bagle heyaa ge baa nyin nera baa te Korowii."
- 18Bug la ta la, ba gel ba asauri la de teɲe o ne.
- 19Baa le bela de la sie tama ken la, o na baala bane bane, Sebedii bii Jems ne o nime Jon, baa lo ba gbera bini dee tooge ba asauri.
- 20Belaa Yeesu yer ba, ase ba gel ba mee Sebedii ne paa tena baa kpo ba ja ba nee la gbera la bini de ka teɲe o ne.
- 21Yeesu ne o haboteɲra la Kapeeneom, ase Ona Topere la, o la cheremi dea de ka bagle wa.
- 22O webagla ee ba nyokpoa, dekalkeɲo a ta do ke ge Ton Jerema la yon dee bagle la. O te de bol waa ke nen waa do waa bwa kpegri ken.
- 23Belaa baa bel kwaa aa de ir o nee ba cheremi dea bela de ba nyeg ɲo,
- 24"Yeesu Nasaret te, bokwaa hee nyin ya be no? Ya chogaa he ba kee? N jeme he nensoo. Henee Korowii Bikaih la waa ɲoa ɲo o de ba bala la."
- 25Anee Yeesu kor kwaa la aa lo baa la nee la ɲo, "Hé to nyoa de le o ne."
- 26Ase a ir o nee de gel o beɲri, de dooge loɲore moo de le o ne.
- 27Ge waa no e nera la bwa nyokpoa, ase ba bol doɲa be ɲo, "Bokwa waa noo? A ge e webaglefala kee? He ta nae keɲo o do kpegri de bol waa kwaa aa de ir nera nee be a no dee kaa laa?"
- 28Bug la ta Yeesu waa pere Galilia hare bobelbwa.
- 29Baa le cheremi dea bela la, ba ne Jems ne Jon pa sie kaa Seemon ne Andriu dem.
- 30De Seemon helahaah bwara worobo o cho kalaɲ ta. Yeesu aa bala la, ba bol haah la waa baglo.
- 31Ase o la o be de ka lawo ir. Belaa haah la bwara sooh, ase o ir de daa kwaa dee tee ba.
- 32Wee aa joa la, ba kpo weela tena ne nera kwaa aa de ir ba nee bwa ba Yeesu be.
- 33Ase bwee la tena la bwa ba che dem la doonyoa.
- 34O chah nendamanta weela bwa soosiwi aa lo ba ne, de doɲi kwaa ge le nendamanta ne. O ta kwaa la ɲwene tee a won bol wa, dekalkeɲo a jeme o nensoo.
- 35Too raa pera chombibi la, Yeesu iro le dem bela de kaa bela aa hela, de ka soɲe Korowii.
- 36Belaa Seemon ne o bala la ir de kaa gaage o bor.
- 37Baa nao la, ba ɲo o be ɲo, "Nera bwa de nyin he bor."

<sup>38</sup>Anee Yeesu ɲɔ ba be ɲɔ, "Hé gel ya kaa bwɛere aa bene bonɔ nɔ ta áse n ka bol waa a ge ta, dekalke a waa n koh ba."

<sup>39</sup>Anomanta o vale Galilia hare bwa dɛɛ bol waa ba cheremi deene bini dɛɛ doɲi kwaa aa de ir nera nɛ.

<sup>40</sup>Ase baa bel weechɔga aa ε o bwara ba Yeesu be dea, de ba guɲi hare de soɲo ɲɔ, "Hɛɛ seoh waa, hɛɛ wonoo gel n bwara kwaa."

<sup>41</sup>O waa do Yeesu sum, o ter o non lego de ɲɔ, "N seoh. N gelo he bwara kwaa."

<sup>42</sup>Bug la ta la, weela la den le o nɛ, ase o bwara kwaa.

<sup>43</sup>Anee Yeesu kaoh ɲɔ, "Bɛ nomɛlbwa be ɲɔ. Pa sie kaa Sɔfo be de kpɔ he te ka baglo ó pene, ase hé kpɔ kwaa ka tɛo ó kpo, ge Mosis aa bagla la á bagle ke he weela la toole he nɛɛ kpa."

<sup>44</sup>Waa kaoh tone la, o gelo o le kaa.

<sup>45</sup>Baa la aa lea la, o kpɔ waa la pere bobɛlbwa. A gelo Yeesu ta wone vale keredɛ ge waa de nyin kpa. Anomanta bwɛɛ belbwa waa la o ta la, geɛ o ka so bwɛɛ la dahara, ase nera yon le bobɛlbwa de ba o be.

## Maak 2

<sup>1</sup>Tɔpere bel habɔɔ la, Yeesu berɔ la Kapeeneɔm. Belaa o waa pere bwɛɛ la ta ke o lo dem.

<sup>2</sup>Anomanta nera cheme dem bela keredɛ, de bɔr toole doonyoa kwaraa, ase Yeesu bol waa bag ba.

<sup>3</sup>Belaa nera banaare bane kpɔ baa bel waa kuuga dɛɛ ba Yeesu be.

<sup>4</sup>Bɔr aa fara la, ba ta wone kpɔ baa la ba o be. Anee ba teeh dea la de fore sal la bela Yeesu aa chega la, de kpɔ baa la ne o kalaɲ waa chɔ o ta la de che bela de kpɔɔ bil Yeesu sie.

<sup>5</sup>Belaa Yeesu aa naa ke ba yaradao keredɛ la, o ɲɔ baa la waa kuuga la be ɲɔ, "N bie, n kpɔ he wechɔga keɛ."

<sup>6</sup>Tɔn Jerema baa soge bela la lii ba nyu bini de ɲɔ,

<sup>7</sup>"Ereɛ o do dɛɛ bol waa ge nɔɔ? Korowii gboo won wechɔga kpɔɛ de ke. Aa! O de ε Korowii nenhɛla."

<sup>8</sup>Belaa Yeesu aa jeme waa baa liira la, ase o ɲɔ ba be ɲɔ, "Ereɛ hɛɛ lii ge nɔɔ?"

<sup>9</sup>Maa ɲɔ o be ɲɔ n kpɔ o wechɔga keo nɔ, ne keɲɔ maa ɲɔ o be ɲɔ ó ir de kpɔ o kalaɲ vale, a bini umee kpega ɔ?

<sup>10</sup>Mɛɛ chagle heyaa keɲɔ n Nen Bie do kpegri hare nɔ ta ke n kpɔ nera wechɔga ke ba."

- 11**Belaa o ɲo weela te la be ɲo, "No n be! Ir kpɔ he kalaŋ kaa dem."
- 12**Ase baa la ir bug la ta de kpɔ o kalaŋ nera la bwa siwi ta bela de kaa. A gelo nera la bwa nyoa kpo, ase ba kpɛ Korowii ɲo ba ta a dɔŋa nae bwa.
- 13**Yeesu berɔ la Galilia Moo la nyoa. Belaa nera ware de ba o be, ase weɛ bag ba wa.
- 14**Waa vala baa kaa la, o na baa bel waa soqe o toma ta deɛ le lampoo, baa yerɔ Lewi, o mɛɛ ge sone Alfeos. Anee Yeesu ɲo o be ɲo, "Ba teŋe n nɛ." Ase o ir de teŋe o nɛ.
- 15**A haboo la, Yeesu la Lewi dem de ka so deɛ di kwa. Lampoo leera baa de bo nera apoo ne wechog-ɛera yon ware teŋe Yeesu nɛ. Ba ne Yeesu ne o haboteŋra la so tig ta.
- 16**Anee Farisii tena Tɔn Jerema la aa na Yeesu ne lampoo leera ne wechog-ɛera la aa pea deɛ di kwaa la, ba boo o haboteŋra la ɲo, "Ere o ne ge nera no pe deɛ di kwaa no?"
- 17**Yeesu aa no ge waa no la, o ɲo ba be ɲo, "Weela tenaa hiah teɛga te, bokpega tena laa." De ɲo, "Nera baa de lii ba te nendɛga waa laa n ba. Wechog-ɛera waa n ba ase ba chare ba liire."
- 18**Awola bel, Jɔn waa de so nera Korowii nee la haboteŋra ne Farisii tena vowe ba nyoa, ase nera bane ba Yeesu be de ba booro ɲo, "Ere waa Jɔn haboteŋra ne Farisii tena haboteŋra te ee vowe ba nyoa, ase he haboteŋra no te aa wola nyoa vowe no?"
- 19**Anee Yeesu seg ba de ɲo, "Baa lawe hanfale de yere o daamanar ɲo ba ba le ba sie no, baa beroo so lor aa? Baa loree so.
- 20**Ke toperere bel ee bao keɲo baa lawe hanfale jaa laanee le ba bini. Ge saŋ la te, baa vowe nyooa.
- 21**"Baa yafale yakwara kpoe deɛ to yabene boo. Ge laa aa, onfale la ee keeroo le yabene la ta, ase boo la bere do kan kohona.
- 22**"Baa senfala kpoe deɛ do loŋbena aa koohna bini deɛ to a nyoa. De he e ge naa, senfala la baa peraa, aa do kpegrii de pere loŋa la a chog, ase sen la fuge. Senfala che loŋfala."
- 23**Awola Ona Tɔperere bel, Yeesu ne o haboteŋra kpɔ mea koo bel ta, ase o haboteŋra la kuugi mea la ane.
- 24**Anee Farisii tena bane aa naa la, ba ɲo Yeesu be ɲo, "Nyiŋi na! He haboteŋra la de e toma deɛ to ya Ona Tɔperere mmara la."
- 25**Belaa Yeesu ɲo, "He ta ge ya naa Devid aa ea saŋ la Abiata aa e Sɔfore Nomoa la kure kee? Ge saŋ la Devid nyao, ase lor ee kpo o ne nera baa ja o nee la.
- 26**O la Korowii Dea de ka di paanoo aa e Korowii kwa, nomelbwa fe aa wola ɲwene doe ke o di la atane ke Sɔfore la gbo, ase o di de te o nera baa ja o nee la ge ba di."
- 27**Anee Yeesu ɲo ba be ja ɲo, "Nen waa Korowii cheg Ona Tɔperere. Ona Tɔperere te waa laa o ta nen.

<sup>28</sup>Anomanta n Nen Bie dɔ Ona Tɔpere gba kpegri."

### Maak 3

<sup>1</sup>Yeesu la cheremi dea bela ja, de baa bel o non aa sewa lo bela.

<sup>2</sup>De nera bane lo bela dee nyinji Yeesu ke wee chah baa laanee Ona Tɔpere la ta ase ba dɔ o waa de bol.

<sup>3</sup>Ase Yeesu yere baa la o non aa sewa la nɔ o ir ba che ba sie.

<sup>4</sup>Belaa o bɔɔ ba nɔ, "Eree ya mmara la ee bagle yaa nɔ ya e Ona Tɔpere laɔ? De a e a nwenɛ ta ke ya e nera wedeega kee ya fig baɔ? A e a nwenɛ ta ke ya le nera mkpa kee ya chɔg baɔ?" Waa bɔɔ ba ge la, ba ta wone bol wobɛlbwa.

<sup>5</sup>Ase Yeesu nyinji ba bwa, o baah di. Ge ba liire aa do tongboŋ kohona la ta o sie lee. Anee o nɔ baa la be nɔ o ter non. Waa ter o non la, de o non la berɔ do kpegri.

<sup>6</sup>Anomanta Farisii tena la le buse, ase ba ne Herɔd nera la ka cheme de vorɔwe Yeesu vorɔwa de fee kpoo.

<sup>7</sup>Ase Yeesu ne o habɔteŋra le kaa Galilia Moo la ta. Belaa nenlaa bane baa le Galilia hare teŋe o ne. Nera baa le Judia hare

<sup>8</sup>ne Jerusalem ne Idumia hare ne Joɔdan Moo wee lee bɔr, ne nera baa le Taaya ne Sidon pera bwa no o wa, de ba o be.

<sup>9</sup>Nera la warɔ kohona, anomanta Yeesu nɔ o habɔteŋra la be nɔ ba nyin gbera bel teo o jo o bini ase nera la che baŋ de be o nee tɔ.

<sup>10</sup>Waa chah nera kohona nomanta, weela tena la kar ta de nyinu de lege.

<sup>11</sup>Banɔ la kwaa aa de ir ba nee la nao waa, gee ba chogli o sie de kpɔ takpeg dee bol waa o be, nɔ, "Henee Korowii Bie la!"

<sup>12</sup>Anee Yeesu kah ba nɔ ba be o nensoo bagle.

<sup>13</sup>Ase Yeesu ka che bwe bel ta, de yere nera waa de nyin, anee ba ba o be.

<sup>14</sup>Belaa o kpɔ ba bini fi de bane de nɔ ba teŋe o nee dee bol Korowii Wa.

<sup>15</sup>O nɔ baa dɔ kpegrii dee doŋi kwaa aa de ir nera ne.

<sup>16</sup>Yeesu nera fi de bane waa kpɔ ba laanee nɔ: Seemɔn waa pa o sɔn Pita la,

<sup>17</sup>Sebedii bii Jems ne o nime Jon waa pa ba ge sɔn Bɔɔneejɛs la, o munii ke Sikpeg Tena,

<sup>18</sup>ne Andriu, Felep, Batolomeo, Maatiu, Tomas ne Alfeɔs bie Jems, ne Tadeɔs, ne Seemɔn waa le Keenan,

<sup>19</sup>de Judas Eskareɔt waa le Yeesu te ba kpoo la.

- <sup>20</sup>Yeesu aa kaa dem la, nɛnlaa baa cheme o nɛɛ ja, o ne o habɔtɛŋra la ta bɔr dɔɛ dɛ di kwaa kwara.
- <sup>21</sup>Belaa Yeesu nɛra aa noa la, ba ba kpɔɔ le ba baah, dɛkalkɛ nɛra dɛ bol ŋɔ o dɛ we chogla.
- <sup>22</sup>Ase Tɔn Jerema bane le Jerusalem ba dɛ ba ŋɔ, "Bɛlsebul waa ɛ kwaa aa dɛ ir nɛra nɛɛ bwa nomoa laanee tɛo kpegri o kpɔ dɛɛ doŋi kwaa la."
- <sup>23</sup>Anee Yeesu yer ba dɛ ŋɔ ba be ŋɔ, "Ɛrɛɛ Bɔnsam ɛɛ ba wona doŋi o tenten nɔ?"
- <sup>24</sup>Dɛ sɛg ba ŋɔ, "Dɛ hare bɛl ta tena bini pere anɛ ase baa yo aa, o dɛ pagre.
- <sup>25</sup>Dɛ waane ba dem bɛl ta ase ba baah pere anɛ ba gbo ɛɛ yo aa, dem la aa won che.
- <sup>26</sup>Dɛ Bɔnsam ge kora bini peraa, waa won che. O dɛ ba chɔga."
- <sup>27</sup>O bere ŋɔ, "Nomɛlbwa aa won jo bokpega te dea dɛ ŋwɛ o laala, nemene o tɔ sie won vɔrɔwo mɔɔ, dɛ won jo o dea dɛ pa o laala."
- <sup>28</sup>Belaa o ŋɔ ba be ŋɔ, "Kasintɛŋ, Korowii won nɛra wechɔga ne nɛnhɛla baa dɛ ɛo la kpɔɛ dɛ kɛ ba.
- <sup>29</sup>Kɛ nomɛlbwa waa ɛ Korowii Domadɛɛge la nɛnhɛla la te, waa kpɔ kɛo. Naate wechɔga ɛɛ dawɛ o nɛɛ saŋ belbwaa."
- <sup>30</sup>Waa nɛra aa dɛ bol kɛ kwaa ir Yeesu nɛɛ la waa o bol ge waa nɔ.
- <sup>31</sup>Yeesu aa lɔ dem bela la, o nya ne o nimanar baa che buse dɛ tome nen ŋɔ ɔ yero.
- <sup>32</sup>Dɛ nɛra warɔ dɛ so baro cheme, anee ba ŋɔ Yeesu be ŋɔ, "Nomoa, he nya ne he nimanar chege buse dɛɛ yere."
- <sup>33</sup>Ase Yeesu bɔɔ ba ŋɔ, "Umee n nya ne n nimanar ɔ?"
- <sup>34</sup>Anee o laa nyu ir dɛ nyiŋi nɛra baa sogaa baro la, dɛ ŋɔ, "Hɛ na n nya ne n nimanar.
- <sup>35</sup>Nomɛlbwa waa dɛ ɛ waa Korowii aa dɛ nyin laanee n nime ne n nimambie ne n nya."

#### Maak 4

- <sup>1</sup>Yeesu berɔ la Galilia Moo la nyoa dɛ kaa bagle nɛra wa. Nɛra baa chega baro la warɔ, anomanta o jo gbera bini dɛ ka so nebaah tama, ase nɛra la ge che baŋ.
- <sup>2</sup>Belaa o kpɔ sɛgla dɛ bol waa chag ba ŋɔ,
- <sup>3</sup>"Hɛɛ no. Baa belee ira dɛ kaa merɛ mea.
- <sup>4</sup>Waa ka dɛ merɛ mea la, ane lee ŋwɛnɛ nyoa, ase jumbii ba tɔɔ di.
- <sup>5</sup>Ase ane ge lee bwetala ta dɛ le warane. Teera aa wola toole bela kohona la, a lune ta wone kaa bini.
- <sup>6</sup>Belaa wee aa lɔa la, a jwale dɛ serewe.

- <sup>7</sup>Ane lee soohne baah de le, ase soohne la kpeg de lawa, a ta wone e.
- <sup>8</sup>Ase ano la aa lee haredege ta la le, de do wer de e. Ane ma bie fifraatoro, ane ma fifraanumel, ase ane ge ma lafare.”
- <sup>9</sup>Anee Yeesu no, "Nomelbwa waa de nyin de no la, o no.”
- <sup>10</sup>Aa ka Yeesu ne o habotejra la ne nera baa de teje o nee la, ba booro segla la mun.
- <sup>11</sup>Anee Yeesu no ba be no, "Korowii ta o Kora bini wobelbwa kpe soh he te. Ke nera baa kaa la te, segla nee mee ba waa ba be bola, ase a e ge baa chwera no,
- <sup>12</sup>'Baa nyinuu kohona, ke baa a mun jema ba. Baa noo kohona, ke baa a jema ba, dekalke baa ba liire chara ba bwa, ase Korowii kpe ba wechoga ke ba.' “
- <sup>13</sup>Belaa Yeesu bo ba no, "He ta segla la mun noe yaa? De he ta ono mun noe yaa, eree hee ba ee de no segla bwa mun no?”
- <sup>14</sup>Nen la waa de mere kwaa la, o chego te naate waa de bol Korowii Wa.
- <sup>15</sup>Ase nera baa de no Waa la bane do ke mea la aa lee njwene nyoa jumbii too di la, dekalke ba baa no Korowii Waa la aa, bug la ta de Bonsam baa laa kpe ba nyu bini.
- <sup>16</sup>Nera baa de no Waa la bane ge do ke mea la aa lee bwetala ta bela teera aa wola toole kohona kenjo a lune won kaa bini la, dekalke ba baa no Korowii Waa la, de ba sie leo.
- <sup>17</sup>Ke Waa la aa wola ban jooge la gelo aa won ba nyu bini ka. A chege Korowii Waa ta waane puu ba aa, de ba horo.
- <sup>18</sup>Ase nera baa de no Waa la bane ge do ke mea la aa lee soohne baah la,
- <sup>19</sup>dekalke ba baa no Korowii Waa la, ke de ba sogaa bini ne kondooch waa ne wepuu aa lo hare no ta begre ba sie, baa gele Waa la ee do tono.
- <sup>20</sup>Nera baa de no Waa la bane ge do ke mea la aa lee haredege ta de le, ase de ma fifraatoro ne fifraanumel ne lafare la, dekalke ba no Korowii Waa la aa, ba de kpone a bini, de gel a do tono.”
- <sup>21</sup>Yeesu bo ba ja no, "Ba choji kande de kpe kon dee pi o ta kee de kpe dee do mpa loga o? Kon ta laa ba kpe dee chojaa?”
- <sup>22</sup>Komelbwa waa soah ee le bochaahnee nera nao. Waa bwa baa to a ta ee ba leo nera jeme.
- <sup>23</sup>Anomanta nomelbwa waa de nyin de no la, o no.”
- <sup>24</sup>Yeesu bol no, "He pese waa no haa noa no kerede, dekalkejo kpelaa ba no, 'Kon haa kpea mage kwaa te he don la tentenee baa ba kpea mage te he ge la, de bere jae ane.’
- <sup>25</sup>Nen waa do la, baa jao anee, ase nen waa wola komelbwa do la, tama kwaraa waa do la ee le o non taa.”



- 26 Yeesu ɲɔ, "Korowii Kora do ke baa bel waa du kwa,
- 27 ase de cho, dee ir topere belbwa, ase kwaa la le. O ta jeme ge aa ea a le.
- 28 Hare laanee gela a le de kpeg de none.
- 29 Belaa kwaa la aa ea de be la, o kpo kere ka koma, dekalkenjo de a koma telo."
- 30 Anee Yeesu ɲɔ, "Bokwa konee yaa ba kpoe de mage Korowii Kora laa? Segla besoo yaa ba kpoe bagle o mun o?"
- 31 O waa tamaa won yera kenjo baa bel aa ira de kpo mastad bii de ka du. O do jegaa ken gwaa hare no ta kwaa bwa bie.
- 32 Ke o baa le de kpeg aa, o kan gwaa konuula bwa, de pegri kpaljena, ase jumbii soh kone do o papooni logre."
- 33 Gee Yeesu kpo segla no bwa dɔja de bol waa ka tel ke nera la aa wona no a mun.
- 34 Segla gbo nee wee bol waa ba be. Ke o ne o habotenra la gbo te, o de bag ba a bini.
- 35 Awola tenten jomora ne la, Yeesu ɲɔ o habotenra la be ɲɔ ba gel ba kaa Galilia Moo la ban.
- 36 Belaa ba gel nera la bela de jo gbera Yeesu aa lo o bini la bini, ase de kpo gbeni la aa lo bela la ane ja.
- 37 Baa de kaa la, bug la ta peujen bel tao de kpo nehanma dee jo ba gbera la bini wee ba sui.
- 38 De Yeesu te sere o kapuri dee cho dom gbera la mun ta. Anee o habotenra la chumu de ɲɔ, "Nomoa, yaa de ba mora no, he waane laa kee?"
- 39 Ase Yeesu ir de kor peu la ɲɔ, "Gel!" De bere ɲɔ nehanma la be ɲɔ, "Hel!" Belaa peu la gel, ase bor hel kerker ken.
- 40 Yeesu boɔ o habotenra la ɲɔ, "Oo! Eree hee ome kohona ge noo? Ba le san no haa men yarada aa?"
- 41 Ba bwara hwah o waa taeh, ba boɔ dɔja ɲɔ, "Nen besoo siwii no, peu ne nee ee no o wobol noo?"

## Maak 5

- 1 Yeesu ne o habotenra la tawo kaa Galilia Moo la ban Gerasa hare ta.
- 2 Belaa Yeesu aa le gbera la bini la, baa bel kwa aa de ir o nee wee cho lala hugribor den ba chemo.
- 3 A ge baa no, ba fa yon lawo de doo kpee, ase o yon laa kpee la kuugi. Hale ba de doo jogrore, ase o yon laa cha.
- 4 Anomanta nomelbwa aa won on lawe dee doo kpee ne jogrore kpa.

- <sup>5</sup>Ase o chwa ka do lala hugribor ne bela bwea ane aa lole. Belaa o do choo ne jwaana belbwa dee vale bwea la dor dee dooge lojore, de kpo bwea dee mone o bwara.
- <sup>6</sup>Ge a do baa no aa na Yeesu bojan ke o de ba la, o chwa de ka gunji Yeesu sie,
- <sup>7</sup>de kpo takpeg no, "Yeesu, Korowijen Bie, bokwaa hee nyin n be no? N kpo Korowii dee soje, be men weweele do."
- <sup>8</sup>Baa la bol ge waa no, dekalkeno de Yeesu to sie no, "Konchoge, le baa no ne!"
- <sup>9</sup>Belaa Yeesu booro no, "He sone ero?" O no, "N sone Dom, dekalkeno ya waro pirim."
- <sup>10</sup>Anee o soje Yeesu kohona no o be an donji le hare la ta.
- <sup>11</sup>Bela la, de prakooni damanta ane lo dingon bel ta dee di.
- <sup>12</sup>Anee kwaa la aa de ir baa la nee la soje Yeesu no o gel a kaa prakooni la ne.
- <sup>13</sup>Ase Yeesu tea nwenne, a le baa la nee de ka jo prakooni la ne. Belaa prakooni damanta de e kagbona ane la bwa chwa biribiribiri de wili dingon bel de ka lee moo la ta de serewe kwaraa.
- <sup>14</sup>Belaa nera baa de tege prakooni la chwa de la bwere la ta ne daamune aa bene bela la ta de ka bol waa aa chiga. Ase nera la le ba bwere ta de ka na waa aa chiga,
- <sup>15</sup>de la bela Yeesu aa lole la, de ka na ke baa la konchoga damanta faa ir o nee la, a bwa kaalo, o liire ba hare, o do laala de so. Baa nao la, ba omo.
- <sup>16</sup>Nera baa lo bela de na la bol nera be waa aa chig baa la ne prakooni la ne.
- <sup>17</sup>Belaa ba soje Yeesu no o le ba hare ta de kaa.
- <sup>18</sup>Waa de jo gbera bini la, anee baa la sojo no o gel o ne o kaa.
- <sup>19</sup>Ase Yeesu veh de no o be no, "Kaa dem he nera be de ka bol wejena Korowii aa ea tee, ne he sum waa naa la chag ba."
- <sup>20</sup>Baa la chig nwenne ta kaa, de ka bol bela bwere fi ane aa pea baa yera Dekapoles la tena be wejena Yeesu aa ea teo, ase a e ba bwa nyokpoa.
- <sup>21</sup>Yeesu aa jo gbera bini de bere kaa moo la ban le la, nenlaa bane baro cheme, o do nee nyoa.
- <sup>22</sup>Belaa cheremi dea nomonome la bel baa de yero Jaeros ba bela de ba na Yeesu, de gunji o sie de lawe o nakpala,
- <sup>23</sup>de sojo no, "N poori, nomoa, n bihaah bwara de weo wee ba sewa. Ba de ba kpo he noora dawo o nee ase o bwara do kpegri o ir."
- <sup>24</sup>Baa la ne Yeesu aa de kaa la, de nenlaa bane teje o ne de fiilo do baah ta dee tago.
- <sup>25</sup>De haah bel ge lole chal ee fugo bene fi de ane,
- <sup>26</sup>o chah, o komelbwa tone, ke weela la ge ta gwaa o ne.

- 27Waa no Yeesu gbɔga la, o lii o nyu bini keɔ de o la bela de ka do bor jo nenlaa la bini de ka lege Yeesu batakaare kwaraa naa, wee gbaɔroo.
- 28De ir de la bela de ka jo ba baah ta, de ka che Yeesu haboo de lege o batakaare.
- 29Bug la ta, chal la aa de fugo la teje. O na o bwadabii bini ke o weela la kaalo.
- 30Belaa Yeesu na keɔ kpegri ane le o bini. O bere haboo nenlaa la baah ta de boo ba no, "Umee lege n batakaare no?"
- 31Anee o habotenra la no, "He gbabir nao keɔ nenlaa no aa bare cheme dee tage donja no waro, gee he bere no nomel lege naa?"
- 32Anee Yeesu nyinji nera la bini keɔ o ken fe ee na naatee yaa?
- 33Haah la aa naa ge Yeesu aa ea teo la, o kro ome ne bochela de ba gunji o sie, de bol o weela la bwa waa baglo.
- 34Yeesu no o be no, "Tolo, he yarada lee. Kaa bosohna ne, ase he bwara do kpegri."
- 35Yeesu nyoa taa lo waa waa de bol la ta la, nera bane le cheremi dea nomoa la dem de ba no nomoa la be no, "He bihaah la sewo. Eree hee ha nomoa no jao?"
- 36Yeesu ta waa baa de bol la ta teje, de no nomoa la be no, "Be ome, ke yarada me."
- 37Yeesu ta gele nomelbwa teje o ne, neme ne Pita ne Jems ne Jon waa e Jems nime la.
- 38Baa tel nomoa la dem la, Yeesu na nera baa de do gboga dee wi kohona.
- 39Waa jo bela la, o no, "Eree hee do gboga dee wi no? Bie la ta sewe, domii wee cho."
- 40Waa no ge la, ba mam. Anee o donji ba bwa le buse, de kro bie la mee ne o nya ne o habotenra batoro la baa ja o nee la jo bela bie la aa choa la,
- 41de ka lawe bie la non, de kro ba wobol no, "Talita kumi!" O munii ke, "Tolo, n no he ir che."
- 42Bug la ta bitolo la ir che de vale. Ba bwa bwara yor.
- 43Yeesu kah ba no ba be gel nomelbwa no, ke ba nyin kwaa te bie la o di. Ge san la de bie la do bene fi de ane.

## Maak 6

- 1Yeesu ne o habotenra la le bela de ba o gbagba bwe.
- 2Ona Topere la aa tela la, o la cheremi dea de ka chagle wa. Nera baa lo bela de no la, a ee ba anebelbwa. Ba no, "Eree baa no ge e de jeme waa no no? Bokwa wejema o do ken de won nyokpowaa no bwa donja ee no?"
- 3Kapenta te la laa aa? Meere bie la laa aa? Jems ne Josef ne Judas ne Seemonwa doo la laa aa? O nimambii laa lo ya be bono naa?" Anomanta ba siwi ta on sui.

- <sup>4</sup>Belaa Yeesu ɲɔ ba be ɲɔ, "Korowii keame do sɔn bobelbwa, ke o bwɛɛ ne o nɛra ne o dem tena be te, o ta sɔn dɔe."
- <sup>5</sup>O ta wone ε nyokpowaane bela, nemene weela tena tamaa banee o kpɔ o noora dawɛ ba nɛɛ dɛ chaah ba.
- <sup>6</sup>Yeesu bwara yɔr ba yarada baa wola on yaradae la wa. Ase o la bwɛere la aa bene bela la ta ka bol Amanesoma la chag ba.
- <sup>7</sup>Yeesu yere o habɔteɲra fi dɛ banɛ la ba cheme o sie, dɛ pɛ ba banɛɛ dɛ tɛɛ ba kpegri kwaa aa dɛ ir nɛra nɛɛ la nɛ, dɛ tom ba ɲɔ bá ka ε o toma,
- <sup>8</sup>dɛ kah ba ɲɔ, "He bɛ komɛlbwa sese kpɔ, nemene danɲbale gbosoroo. He bɛ kondikwaa kwaraa kpɔ. He bɛ pure kpɔ. He bɛ suuga ge kpɔ.
- <sup>9</sup>He won nanɲawa doe, ke he bɛ batakaani bele anɛɛ kpɔ."
- <sup>10</sup>Dɛ bere ɲɔ, "Bwɛɛ belbwa haa la o ta la, dem haa ka jo o ta la, hé so bela ka tel keɲɔ haa le bwɛɛ la ta.
- <sup>11</sup>Dɛ ba ta heyaa lɛɛ silɛɛ ne bwɛɛ la ta naa, hé jwii he napaala teera ta bela, áse a bagle keɲɔ he kpɔ Korowii Waa ba ba be ba veah."
- <sup>12</sup>Belaa ba ge le dɛ ka bol waa la ɲɔ nɛra chare ba liire dɛ le wechɔga ta.
- <sup>13</sup>Ba doɲi kwaa aa dɛ ir nɛra nɛɛ pirim, dɛ kpɔ noo fɔgle weela tena baa wara, dɛ chaah ba weela.
- <sup>14</sup>Yeesu waa pere bobelbwa, nomɛlbwa no o wa. Kooro Herɔd ge noɔ. Bane ɲɔ, "Jɔn o faa dɛ sɔ nɛra Korowii nee la, onee. O weero le seo ta, a waa o won nyokpowaa nɔ ɛɛ la."
- <sup>15</sup>Nɛra bane ge ɲɔ, "Korowii keame Elaejaa." Ase bane ge ɲɔ o ε keame keɲɔ keamebena la ken.
- <sup>16</sup>Belaa Kooro Herɔd aa no waa nɔ la, o ɲɔ, "Jɔn maa gela ba teɲe o nyu la weero."
- <sup>17</sup>Dɛ kooro la mo o gbagba nime Felep haah baa yero Herɔdeas, ase Jɔn ɲɔ o be ɲɔ o ta an kerɛdɛ ɛɛ.
- <sup>18</sup>Jɔn aa ɲɔ ge la nomanta, kooro la gɛlɔ ba lawɔ dɛ doo kpɛɛ dɛ kpɔɔ ka do dea.
- <sup>19</sup>Herɔdeas le Jɔn kɔrɔ dɛɛ nyinu dé kpɔ, ke o ta wone.
- <sup>20</sup>Kooro la ɔmɛ Jɔn, dɛkalkɛ Jɔn ε nɛɲkaih o waa do wer, anomanta o nyiɲu kerɛdɛ. Jɔn aa dɛ bol waa la, kooro la bwara yɔrɔ, ke ane a bwa o no waa la silɛɛ ne.
- <sup>21</sup>Tɔpere aa tela ke kooro la di o lola tɔpere la, o ε kondikwaa dɛ yawɛ sene dɛ hele dɛ le o koranar baa sawɔ ne Galilia nomonome bwa sie.
- <sup>22</sup>Ase Herɔdeas bihaah ba dɛ ba sa, o waa le kooro la ne nɛra o ne baa cheme bela la sie. Anee kooro la ɲɔ tolo la be ɲɔ, "Bagle kon haa dɛ nyin áse n kpɔ tɛɛ."

- <sup>23</sup>Kooro la ηwεε ntam bagle tolo la κε, "Komeibwa haa δε nyin la, mεε tεε, hale n kora pera."
- <sup>24</sup>Anee bihaah la le kaa o nya be δε ka bōro ηο, "Bōkwa konee í leō?" Namee Herodeas dō ηwεε κε o kpo Jōn. O ηο o bie la be ηο ó ka ηο ó tεo Jōn waa δε sō nera Korowii nee la nyu.
- <sup>25</sup>Tolo la bere ba warane δε ba ηο kooro la be ηο, "N δε nyin κε he kpō Jōn waa δε sō nera Korowii nee la nyu dawε korō ta ba tε mε taraken."
- <sup>26</sup>Waa nō we kooro la nεε kerede, κε o ntam waa ηwεera la ne nera baa soge bela la nomanta, waa nyin keηο o to o ntam la.
- <sup>27</sup>Bug la ta o tome o sooja bel ηο ó ka teηe Jōn nyu ba. O kpō o kere δε ka teηe Jōn nyu dea bela baa doo la,
- <sup>28</sup>δε kpō dawε korō ta, δε kpō ba tε tolo la. Tolo la ge kpō ka tε o nya.
- <sup>29</sup>Jōn habōteηra la aa no waa nō la, ba balō δε ba kpō ka huge.
- <sup>30</sup>Nera Yeesu aa tom ba la berō ba o be, δε ba bol anla baa εa ne anla baa bagla δε chaglo.
- <sup>31</sup>Anee o ηο ba be ηο, "Hé ba ya kaa bobel nomeibwa aa wola toole áse he ka one tama," dekalke nera baa bala dεε kaa la warō, ba ta bōr dōe dé di kwaa kwara.
- <sup>32</sup>Anomanta Yeesu ne o habōteηra la gbo jo gbera bini dεε kaa bela nomeibwa aa wola toole.
- <sup>33</sup>Jaah nera pirim na ba κε baa δε kaa, δε jeme κε banee, δε le bwεere ta chwa δε ti ba.
- <sup>34</sup>Yeesu aa le gbera la bini la, δε nenlaa tenten lō bela. Ba waa do o sum, dekalke δε ba do κε peera aa wola tegre dōe ken. Anomanta o chag ba waa taeh.
- <sup>35</sup>Bōr aa δε ε jōmōra la, o habōteηra la ba o be δε ba ηο, "Nomoa, bonō ε kpōg bini, bōr ge δε jo.
- <sup>36</sup>Anomanta ηο ba be bá kaa bwεere aa bar bonō nō δε ka yawε kwaane di."
- <sup>37</sup>Anee Yeesu chaη ba ηο, "Hé nyin kwaa tεε ba bá di." Anee ba ηο o be ηο, "Yaa wonoo dō suuga damanta keηο denaarere lafraane δε yawε paanoo tε nera nō bwa dōη bá di aa?"
- <sup>38</sup>Yeesu bōō ba ηο, "Paanoo aηwεεε he dōō? Hé ka nyiηi na." Baa kaa nyiηi na la, ba ba δε ba ηο o be ηο, "Ya dō paanoo anue ne peηa anε."
- <sup>39</sup>Belaa Yeesu ηο ba be ηο bá gel nera la pe δε so kpōglor la ta.
- <sup>40</sup>Ase ba pe δε so, bane lafare, bane ge fifraanunue.
- <sup>41</sup>Yeesu kpō paanoo anue la ne peηa anε la δε ha sie δε nyiηi nyundua δε jam Korowii, δε mōne paanoo la do o habōteηra la nōōra ta δε ηο bá bōne tεε ba, δε mōne peηa la ge tεε ba ηο bá bōne tεε ba,

<sup>42</sup>ba bwa di de vagre.

<sup>43</sup>Baa dia tone la, Yeesu haboŋra la too paanoo la ne peŋa baa dia a ka la pe do wegrejena fi de ane bini, a bwa su.

<sup>44</sup>Nera baa di paanoo la, ba baala gbo ee e kagboŋa banuee.

<sup>45</sup>Belaa o gel o haboŋra la jo gbera bini de to sie kaa ban bobel baa de yere bela Betsaeda, ase o ge gel nera la pegre.

<sup>46</sup>Nera la aa kaala la, o teehnɔ kaa bwe bel doa de ka soŋe Korowii bela.

<sup>47</sup>Bor aa baa gare bwa, de Yeesu haboŋra la lo mobaah, ase a ka o gbo che ban.

<sup>48</sup>O nao keŋo baa won tawe kerede kpa, dekalkenɔ de peu tao dee chem ba. Jabal logla sii san la, o valo kpɔ nee la sie dee kaa ba be, de fe ee nyin o tel ba kerede.

<sup>49</sup>Ba nao keŋo waa de vale nee sie, de lii keŋo lalee, dee dooge loŋore.

<sup>50</sup>Ba bwa sekwara aa nao la, ba jum jaoh. Ase Yeesu bol waa ba be warane ŋo, "He lawe bambile. Menee! He be ome."

<sup>51</sup>O jo ba be gbera la bini. Waa joa la, peu la helo. O haboŋra la bwa bwara hwaoh taeh.

<sup>52</sup>Ba liire aa do tongboŋ baa wola paanoo la waa la mun noe la, a gelo ba bwara hwah.

<sup>53</sup>Ba tawo ka chuge moo la ban le Genesaret hare ta, de lawe gbera la vowe.

<sup>54</sup>Bug la ta baa le gbera la bini la, nera jeme Yeesu.

<sup>55</sup>Anomanta ba chwao jo bwere aa lo bela la ta, de che weela tena le ba kalaŋre ta de kpɔ ba ba bela baa noa ke Yeesu lole la.

<sup>56</sup>Bobelbwa Yeesu aa laŋa, bwejegre ta, bwejena ne daamune ta la, ba kaa che weela tena ba bil yaware ta, de soŋo ŋo o gel weela tena la lege o batakaare nyoa. Banɔ la baa lego la bwa gbanro.

## Maak 7

<sup>1</sup>Farisii tena la ne Ton Jerema la bini bane baa le Jerusalem la pe nyoa de ba cheme Yeesu sie.

<sup>2</sup>Farisii tena la ne ba doŋa Juda tena la bwa ta ba noora same ŋwene san la tena la aa bagla la ta naa, baa kwaa di, dekalkenɔ ba kii.

<sup>3</sup>De ba le yawa ta ba naa, ba do yagla bel baa de yagle kondikwaa baa kpɔa le yawa ta ba la, dee loo ba numoli ne polowiine ne loga ge san la tena aa bagla la moo dee di kwa.

<sup>4</sup>Farisii tena la ne Ton Jerema la aa cheme Yeesu sie la, ba nao ke o haboŋra la bane chog ba kii la. Ba ta noora same ge, de kpɔ "nondoŋa" dee di kwa.



- <sup>5</sup>Ba bɔɔ Yeesu ŋɔ, "Ɛre waa he habɔteŋra nɔ ɛɛ jo ya kii nɛɛ baa wola sama yaa naanar aa bagle yaa ŋɔ yá same la same mɔɔ dɛɛ di kwaa nɔɔ?"
- <sup>6</sup>Anee Yeesu ŋɔ ba be ŋɔ, "He nera haa nyinji nera sie mɔɔ dɛɛ ɛ wa! Korowii keame Aesaya na he waa bol kerɛdɛ ke waa ŋɔa ŋɔ, 'Nera nɔ te, nyoa gbo nɛɛ baa duu mɛ, ke ba tea bini te ta toe.
- <sup>7</sup>Newenyini mmarrare taa baa bagle ŋɔ néra teŋɛ. Anomanta pɛpɛɛ baa tom mɛ.'
- <sup>8</sup>Korowii waa he gel, dɛ berɛ lawɛ he saŋ la waa bini."
- <sup>9</sup>Yeesu berɔ ŋɔ ba be ja ŋɔ, "Hé na gɛ haa veh Korowii waa la bil dɛ lawɛ he saŋ la waa bini!
- <sup>10</sup>Mosis Mmara la bini o ŋɔ, 'Duu he nya ne he mɛɛ,' dɛ, 'Nomɛlbwa waa bol o nya ne o mɛɛ bwara wechɔge la, a che ke ba kpoo.'
- <sup>11</sup>Ke he te dɛ bagle he saŋ la waane keŋɔ dɛ nen dɔ komɛl dé won kpɔ cha o nya ne o mɛɛ, dɛ ŋɔ kon la ɛ Kɔɔban aa, Kɔɔban munii keŋɔ Korowii konee,
- <sup>12</sup>amɔ haa seh ó kpɔ kon la cha o nya ne o mɛɛ kpa.
- <sup>13</sup>He kpɔ he saŋ la waa la haa dɛ bagle la dɛɛ chɔg Korowii waa la. Waa haa dɛ ɛa ken warɔ."
- <sup>14</sup>Yeesu yere nera la ba o be ja dɛ ŋɔ, "Hé bwa no n be dɛ jeme keŋɔ
- <sup>15</sup>kwaa nen aa dɛ di la laa gela o ɛ nenchɔge, anɔ la aa dɛ le o nyoa weɛ bol la, anee gela o ɛ nenchɔge.
- <sup>16</sup>Nomɛlbwa waa dɔ deŋna dɛ no la, ó no."
- <sup>17</sup>Yeesu gel nenlaa la bela dɛ ba dem, anee o habɔteŋra la bɔɔro segla la mun.
- <sup>18</sup>O ŋɔ ba be ŋɔ, "He ge aa a mun jemaa? Haa jeme ke kwaa haa dɛ di aa won gel he ɛ nenchɔge aa?
- <sup>19</sup>Aa he bambile bini kaa. He teene binii aa kaa, ase dɛɛ berɛ dahara." Yeesu aa bol waa nɔ la, o baglɔ ke kondikwaa belbwa wer. Aa won gel nen ɛ nenchɔge.
- <sup>20</sup>Dɛ ŋɔ, "Waa aa le nen bambile bini la, anee gela o ɛ nenchɔge.
- <sup>21</sup>Liichɔga, jwamane, ŋweɛ, nenkpoa,
- <sup>22</sup>dɔŋa haahna nyina, kwaa ta sibegra, musu wa, nera faahra, pɛlchɔga we-ɛɛla, kayɛglɛ, dɔŋa ŋwala, karamani wa, ne liire be dɔɛ, bambile binii a le.
- <sup>23</sup>Anee gela nen ɛ nenchɔge."
- <sup>24</sup>Yeesu berɔ ir le bela kaa Taaya pera, dɛ ka jo dem bel ta, dɛ fee so bela tama ase nomɛlbwa be jeme, ke o ta wone sɔh.
- <sup>25</sup>Belaa haah bel kwaa aa dɛ ir o bihaah nɛɛ no Yeesu waa dɛ ba guŋi o sie dɛ soŋo ŋɔ ó doŋi kwaa la le o bihaah la nɛɛ tɛo.

- <sup>26</sup>Haah la ta Juda te ɛɛ, kɛ lola bini te, Siiria hare bobel baa de yere bela Finiisia tee.
- <sup>27</sup>Waa wola Juda te ɛɛ la, Yeesu ɲo o be ɲo, "A che kɛ bechale di kwaa vagre moo nyootena ge di. Aa were kɛ ba kpɔ bechale kondikwaa te nyootena."
- <sup>28</sup>Haah la wono no a mun de ɲo, "Kpelaa he ɲo, Nomoa, kɛ nyootena aa bechale kondikompugrere aa leera la ge di aa?"
- <sup>29</sup>Yeesu ɲo, "Waa no haa bola no nomanta, kaa dem. Kwaa la le he bihaah la ne."
- <sup>30</sup>O la dem de kwaa la le o bihaah la ne, ase o cho mpa ta.
- <sup>31</sup>Yeesu berɔ le Taaya hare de kpɔ Sidon ne Dekapoles hare de kaa Galilia Moo la ta.
- <sup>32</sup>Nera bane kpɔ baa bel waa wola waa no, wobol waa do kpegri teo ba Yeesu be, de soɲo ɲo o kpɔ o non dawɛ o nee ase wee no waa de won waa bola.
- <sup>33</sup>Yeesu kpɔ baa la le nera la baah ta, o ne o gbo ka che bokere, ase o kpɔ o nonie do baa la deɲna bini, de bere ta nentane de kpɔ lege o nyondoɲe,
- <sup>34</sup>de ha sie nyiɲi nyundua de hwee fuuu, de ɲo baa la be ɲo, "Efata!" O munii keɲo, "Pili."
- <sup>35</sup>Bug la ta la, baa la deɲna pilo, ase o nyoa chaa, o won waa bola kerede.
- <sup>36</sup>Yeesu aa chah baa la tone la, o kah nera la ɲo ba be nomelbwa be ɲo. Waa de kah ba la, ate taa ba taa bol waa la kwara.
- <sup>37</sup>Belaa nera baa noa la nyoa kpo taeh, ba ɲo, "O ɛ wobelbwa kerede, hale o gelo amumure ɛɛ no wa, de won waa bola."

## Maak 8

- <sup>1</sup>A ta bigre belbwa nenlaa bane ba cheme Yeesu sie ja, kɛ de ba ta komelbwa doe de di. Anee Yeesu yere o haboteɲra la ba o sie de ɲo ba be ɲo,
- <sup>2</sup>"Nera no waa de dome n tea, dekalke n ne baa soga topera atoro no, taraken ba ta komelbwa doe de di.
- <sup>3</sup>De n gel ba ge ba kpɔ lor kaa laa, baa gwegre ɲwene taa. Bane ge le bojaɲa."
- <sup>4</sup>Belaa o haboteɲra la chaɲo ɲo, "Eree yaa ba ɛɛ de do paanoo te ge nera no doɲ ba di kpog no baah no?"
- <sup>5</sup>Yeesu boɔ ba ɲo, "Paanoo aɲweneɛ he doɔ?" Anee ba ɲo anuanɛ.
- <sup>6</sup>Belaa o ɲo nenlaa la be ɲo ba so hare, ase o kpɔ paanoo anuanɛ la de jam Korowii de mone do o haboteɲra la noora ta de ɲo ba bone te nenlaa la, ba ge bone tee ba.
- <sup>7</sup>De ba do peɲa tama ge, ase o kpɔa jam Korowii de ɲo ba bone a ge tee ba. Ba bono tee ba,
- <sup>8</sup>ase ba di de vagre. Ano la aa kaa la, ba paa a su wegɲena anuanɛ.

- <sup>9</sup>Nera baa di kwaa la ɛɛ ɛ nera kagboŋa banaareɛ.
- <sup>10</sup>Yeesu gelɔ ba pegre. O ne o habɔteŋra la jo gbera bini de chage Dalmanuta pera de kaa.
- <sup>11</sup>Belaa Farisii tena bane ba Yeesu be de ba tɔŋlo de daahno na dɛɛ nyin o ɛ nyokpowaane bá na de jeme o waa keŋo o le Korowii be kpela.
- <sup>12</sup>Yeesu hweero fuuu de ŋɔ, "Ɛreɛ fini nɔ nera ɛɛ nyin nyokpowaa dé na nɔɔ? Kasinteŋ, maa wobɛlbwaa ɛ fini nɔ nera na."
- <sup>13</sup>Ase de gel Farisii tena la bela de bere jo gbera bini kaa baŋ bɛl.
- <sup>14</sup>Yeesu habɔteŋra la sooh, ba ta kondikwaa kpɔe, de ba ge ta komɛlbwa dɔe ba be gbera la bini nemene paanoo beŋkpoŋ.
- <sup>15</sup>Yeesu ŋɔ ba be ŋɔ, "Hé nyiŋi he te kerɛde Farisii tena ne Herɔd iisi wa."
- <sup>16</sup>Ba ta o segla la mun noe, de bol dɔŋa be ŋɔ paanoo baa wola dɔe waa o ken ɛɛ bol.
- <sup>17</sup>Belaa Yeesu aa no waa baa de bol la, o pɛɛ ba ŋɔ, "Ɛre waa heɛ pɛɛ dɔŋa paanoo be dɔe waa nɔɔ? Saŋ la bwa haa waa mun no mɔɔ naa? Ɛreɛ he liire do tɔŋboŋ ken?"
- <sup>18</sup>He dɔ sibiɛ ke haa na naa? He dɔ deŋna ge ke haa waa no aa? Haa waa lii keɛ?
- <sup>19</sup>Maa mone paanoo anue te nera kagboŋa banue ba di ka la, a kabora haa paa la, wegrere aŋweneɛ he dɔɔ?" Anee ba ŋɔ fi de anɛ.
- <sup>20</sup>O bere bɔɔ ba ŋɔ, "Ase maa mone paanoo anuanɛ te nera kagboŋa banaare la, wegre dela aŋweneɛ gee he dɔɔ?" Ba ŋɔ anuanɛ.
- <sup>21</sup>O ŋɔ, "He ta a mun noe ja aa?"
- <sup>22</sup>Yeesu ne o habɔteŋra la Betsaeda. Ase nera bane kpɔ baa bɛl waa nyoŋa ba o be, de ba soŋo ŋɔ ó kpɔ nɔn lege nyoŋe la ó sie pili.
- <sup>23</sup>Belaa Yeesu lawe nyoŋe la nɔn de kpɔ le bwɛɛ la dahara de ka ta nentane do o sie ta, de kpɔ nɔra dawɛ o nɛ, de bɔɔro ŋɔ, "He de na bɔr aa?"
- <sup>24</sup>Nyoŋe la laa sie ir de ŋɔ, "N na nera baa vale, ke n de na ba ke daa ken."
- <sup>25</sup>Yeesu berɔ kpɔ nɔra dawɛ o sie ta ja, o nyiŋi bɔr jeiɛh ken, de a magrɔ, name te wɛɛ na bɔr gereŋ.
- <sup>26</sup>Ase Yeesu kaoh ŋɔ ó kaa o dem de be a waa bol te nomɛlbwa bwɛɛ bini.
- <sup>27</sup>Belaa Yeesu ne o habɔteŋra la la bwɛere aa lɔ Sisaaria Felepae lɔga. Baa de kaa la, o bɔɔ ba ŋɔ, "Nɛn besoo nera ɛɛ lii me nɔ?"
- <sup>28</sup>Anee ba ŋɔ o be ŋɔ, "Nera bane ŋɔ Jɔn o faa de sɔ nera Korowii nee laanee hen. Bane ŋɔ Korowii keame Elaejaa hen. Ase bane ge ŋɔ Korowii keamere la belee hen."
- <sup>29</sup>O berɔ bɔɔ ba ŋɔ, "Nɛn besoo he gee lii me nɔ?" Anee Pita ŋɔ, "Kristo la Korowii aa bage nyoa ŋɔ wɛɛ tomɔɔ áse o ba le yaa laanee hen."

<sup>30</sup>Yeesu kah ba ɲɔ ba be o waa bol bagle nomelbwa.

<sup>31</sup>Belaa Yeesu pa mun dɛɛ bagle o habɔtenra la ke a che ke o Nen Bie la na wahala kohona waa bwa ta, ase nomonome ne Sɔfore ne Tɔn Jerema veoh, ase ba kpoo, ase a tɔpera atoro wee la o ir seo ta.

<sup>32</sup>O bol ge waa nɔ ba be kaih ken. Anee Pita lawɔ le bokere de kaoh ɲɔ o be ge bol.

<sup>33</sup>Belaa Yeesu ha sie de nyiɲi o habɔtenra la de kah Pita de ɲɔ, "Le n jweh, Bɔnsam! Haa anla Korowii aa de nyin la lii nemene nera tetoowa."

<sup>34</sup>Belaa o yere nenlaa ne o habɔtenra la de ɲɔ ba be ɲɔ, "De nomelbwa de nyin ke o tenje n ne aa, ó gel o tetookwaa nyina, de kpɔ o te te de seh wahala nae ne seo bwa, de baa tenje n nee kenɲɔ nen waa kpɔ dagagre che bá ka kpaaro pel o ta la,

<sup>35</sup>dekalkenɲɔ nomelbwa o sie aa swee hare nɔ ta silee kwaa ta la, wee paɲe o nyuu. Ase nomelbwa ge waa koh n ne Korowii Amanesoma nɔ waa de kpɔ o nyu ta la, wee do o nyuu.

<sup>36</sup>De nen do hare nɔ ta kwaa bwa de nyogre o nyu aa, de bokwa tɔnɔɔ o doo?

<sup>37</sup>Bokwaa newenyini ee ba wona kpɔ de chare o nyu o?

<sup>38</sup>Wechɔg-ɛera baa veh n waa fini nɔ, baa ba nyuu do n bala tɔpere. Naate sihih aa de kpoe n ne waa nɔ waa taraken nɔ la, awola n Nen Bie ne nyundua toromedɛɛga la aa ba n Mee jirima ne la, maa he heehra ba awola tɔpere."

## Maak 9

<sup>1</sup>Ase o ɲɔ, "Kasintenɲ, Korowii ee ba di o Koraa kpegri nee hare nɔ ta, de he bini bane ta sogele de nao."

<sup>2</sup>Aa di tɔpera anumel la, Yeesu tɔ Pita ne Jems ne Jon sie ba ka teeh bwejen bel, de gbo ka pe so o doa bobel. Baa sogela, de Yeesu begro,

<sup>3</sup>ase o laala bwa to dɛɛ nyegle al-al ken de to kohona gwaa ge baa chege laala a yon to la.

<sup>4</sup>Ba ne ɲɔ ba nyiɲi de Elaeja ne Mosis ja o nee ba ne wee bol wa.

<sup>5</sup>Ase Pita ɲɔ Yeesu be ɲɔ, "N Doo, a wer taeh kenɲɔ yaa lo bono nɔ. Gel ya do kukure atoro ase he kpɔ bel, Mosis kpɔ bel, Elaeja ge kpɔ bel."

<sup>6</sup>Omee lag ba kohona de gel Pita aa de bol waa kwaraa la, de waa waa waa de bol la mun jeme.

<sup>7</sup>Belaa bam bel ba tɔ ba ne, ase ba no taa bel bam la bini ke,

<sup>8</sup>"N Bie maa de nyinuu nɔ. Hé cheg denje de no o be." Ba te ne taa la noe tone de ke nyiɲi de nomelbwa toole bela. Yeesu gboo ba na kenɲɔ o ja ba nee bela.

<sup>9</sup>Baa le bwe la doa dɛɛ ba la, Yeesu ja ba ɲɔ, "He be waa nɔ haa naa nɔ taa bagle nomelbwa bwa de ka tel kenɲɔ n Nen Bie la aa sewe de ir moo."

- 10** Anomanta ba ta nomelbwa be n̄ɔe, ke de ba te gbagba de b̄ɔɔ d̄ɔɔa n̄ɔ, "Seo bini ira n̄ɔ te munii ere te n̄ɔ?"
- 11** Anee ba b̄ɔɔ Yeesu n̄ɔ, "Aah ere waa T̄ɔn Jerema la ee bagle n̄ɔ a che ken̄ɔ Elaeja t̄ɔ sie ba m̄ɔɔ Kristo la Korowii aa bage nyoa n̄ɔ wee tom̄ɔɔ ó ba le yaa la ge ba n̄ɔ?"
- 12** Ase o chaje n̄ɔ, "Elaejaa de t̄ɔ sie ba kpela, dé ba kwaa n̄wene m̄ɔɔ. Ke ere waa Korowii T̄ɔn la n̄ɔ Nen Bie la de ba wahala nae kohona, ke newenyini sie aa o t̄ɔga ba laɔ?"
- 13** Kasinten̄ɔ, Elaeja balo de kaa. Waa bala la, ba tetooraa ba eo. Gee ba chwere o waa Korowii T̄ɔn bini la."
- 14** Baa baa tel o hab̄ɔten̄ɔra la kabora la be la, de nenlaa bar ba cheme, ase ba ne T̄ɔn Jerema bane ee t̄ɔnle wa.
- 15** Nera la aa na Yeesu la, ba bwara ȳɔɔɔ, ase ba chwa de ba jaamo.
- 16** Ase o b̄ɔɔ o hab̄ɔten̄ɔra la n̄ɔ, "Bokwa waa he ne baa t̄ɔnle laɔ?"
- 17** Baa bel le nera la bini de n̄ɔ, "Nomoa, kwaa de ir n bie nee de gel waa won waa bol, ase n kp̄ɔɔ ba he be.
- 18** A iraa, gee a goo hare, ase fufug ee le o nyoa, de o de chwe o nyena, de ben̄ɔri ch̄ɔ. N soɔje he hab̄ɔten̄ɔra la n̄ɔ bá don̄ɔi kwaa la ta, ase ba don̄ɔa kahone."
- 19** Ase Yeesu n̄ɔ ba be n̄ɔ, "Oo! Eree he fini n̄ɔ nera aa wola yarada d̄ɔe bwa n̄ɔ? T̄ɔpera an̄wenee hee nyin ke n̄ lawe bambile de so he be m̄ɔɔ he yarada Korowii ɔ? Maa t̄ɔpere bel dii ba he be kpa oo! Hé kp̄ɔ bie la ba te me."
- 20** Ase ba kp̄ɔ bie la ba teo. O kwaa aa de ir o nee la aa na Yeesu la, a tago ta, ase o cho d̄ee yo ge gbun̄gbun̄ɔri te aa de e la, d̄ee gbili b̄ɔɔr bwa, de fufug de le o nyoa.
- 21** Ase Yeesu b̄ɔɔ bie la mee n̄ɔ, "San̄ besoo weela n̄ɔ lawo w̄ɔ?" Ase o mee la n̄ɔ, "O bechale san̄ bwaa a lawo.
- 22** Kwaa la ir o nee aa, de a de nyin o kpoe. T̄ɔpebela a tago d̄ee ta nii ta, t̄ɔpebela ge a tago d̄ee ta nee ta. De hee wonoo chaoh waa, na ya sum de chaoh te yaa."
- 23** Anee Yeesu n̄ɔ, "Mee wonoo chaoh waa, a lo he be. Nen waa yarada Korowii la, Korowii won wob̄elbwa ee de teo."
- 24** Bug la ta de baa la seoh takpeg ne n̄ɔ, "N yaradao, ke n yarada aa kane. Cha me n̄ yaradao kohona."
- 25** Ase Yeesu aa baa na ken̄ɔ nera wuro d̄ee ba ba t̄ɔ ba nee la, o den kor kwaa aa de ir bie la nee la n̄ɔ, "He konchoga haa de ir bie n̄ɔ nee waa wola waa no, waa bere won d̄ee bol waa ge n̄ɔ, n n̄ɔ he be n̄ɔ hé le o ne! He be o nee ba so kpa bwa!"
- 26** Ate de kwaa la sio kpegri ne de tage bie la ta hare, ase o cho d̄ee yo ken̄ɔ gbun̄gbun̄ɔri te ken m̄ɔɔ a le o ne. Anee o cho ken̄ɔ waa sewa ken. Ase nera kerede n̄ɔ o sewo.
- 27** Belaa Yeesu lawe o non o ir.

- 28 Yeesu aa ba dem a ka o ne o haboŋra la gbo la, ba bɔro ŋɔ, "Ere waa ya te aa wola wone kor kwaa la á le nɔ?"
- 29 Anee Yeesu ŋɔ, "Korowii soŋa gboo won a ge kwaa nɔ doŋa."
- 30 O ne o haboŋra la le bela de kpɔ Galilia hare ta kaa. De waa nyin keŋɔ nomelbwa jeme bela waa lole,
- 31 de kalkenɔ de o de bagle o haboŋra la wa, dee ŋɔ, "Ba de ba n Nen Bie lee do nera non ta, ase ba kpo me, ase a topetooro wee la, n ir seo ta."
- 32 De ba ta Yeesu waa waa bola la mun noe, ke de ba de ɔme keŋɔ bá bɔro a mun.
- 33 Ase ba ba Kapeeneom. Baa baa jo dea la, Yeesu bɔo o haboŋra la ŋɔ, "Bokwa waa he toŋle ŋwene ta la?"
- 34 Ba ta wone chaŋo, de kalkenɔ de ba de nyin ba jeme ba bini onɔ la waa ε ba bwa nomoa, dee di a ge toŋla.
- 35 Ase Yeesu so hare de yer ba de ŋɔ ba be ŋɔ, "Naate waa de nyin ke o ε he bwa nomoa la, a che keŋɔ o ε o te bechala dee tome heya."
- 36 Anee o lawe bechajega bel ba che ba baah ta, de kpɔ, de ŋɔ ba be ŋɔ,
- 37 "Nomelbwa waa koh n waa de nyiŋi bie nɔ doŋ nee la, de menea o nyiŋi la. Nomelbwa ge waa nyiŋi n nee la, de n gbo laa o nyiŋi. De naate waa tom me la nee o nyiŋi la."
- 38 Jon ŋɔ o be ŋɔ, "Nomoa, ya na baa bel waa kpɔ he son dee doŋi kwaa nera ne, ase ya kaoh ŋɔ ó gel, de kalkenɔ o ta ya bini bel ee."
- 39 Ase Yeesu ŋɔ, "He be on kah ŋɔ ó gel, de kalkenɔ nomelbwa toole de won che n son ta ε a ge nyokpowaa nɔ doŋa de bere yere n sonchoge kpa.
- 40 Nomelbwa waa wola ya nee chege la, de ya somee.
- 41 Kasintenɔ, nomelbwa waa koh ke he ε men Kristo nera nomanta de te heyaa nee hé nyɔ la, waa o kembor paŋa ba bwa.
- 42 "Nomelbwa waa negre bechajegre nɔ doŋ belbwa waa de yarada me nɔ ase o ε wechoga la, de ba fe vowe nambwe do o baŋa de kpɔ ka ta moo vil ta kwaraa fe bɔ.
- 43 De he non ee negree he ε wechoga aa, teŋo ta, de kalkenɔ he kpoŋe nombenkpɔŋ de do Korowii be kaa bɔ haa kpoŋe nɔra ane de kaa Bonsam nii aa wola dime bwa la ta.
- 45 De he nakpala gee negree he ε wechoga aa, teŋo ta, de kalkenɔ de he nakpale teŋo he do Korowii be kaa laa, a bɔ keŋɔ haa do nakpale ane de kaa Bonsam nii ta.
- 47 De he siwi gee geloo he ε wechoga aa, fomo ta, de kalkenɔ he kpoŋe siwi benkpɔŋ de ja Korowii Kora ta bɔ keŋɔ haa kpoŋe sibie ane de kaa Bonsam nii ta,
- 48 belaa dudule aa de di ba ola la aa wola sewe bwa, nii aa de fuuh ba la ge aa dime bwa.



<sup>49</sup>Anomanta Korowii ɛɛ kpɔ niinii ɛ nera bwa keɲɔ ba yon kpɔ yar mere kwaa ta la.

<sup>50</sup>"Yar wer. Ke de aa some kpa aa, ɛɛɛ baa ba a ɛɛ a do som jaɔ? Anomanta hé ne he dɔɲa so keredɛ de do som ge yar aa soma la. Hé gel he nyoa pɛ."

## Maak 10

<sup>1</sup>Ase Yeesu le bela de la Judia hare ta, de ka le Joordan Moo la baɲ. Nendamanta wur de ba to o neɛ ja, ase o bag ba waa ge o yon deɛ ɛ la.

<sup>2</sup>Farisii tena bane ba bela de baa hagro bela de fe ɛɛ nyin de lawɔ. Ba booro ɲɔ, "Mmara de te ɲwene keɲɔ baa veh o haah naa?"

<sup>3</sup>Anee o ge bere bo ba ɲɔ, "Ereɛ Mosis Mmara bagle heyaa laɔ?"

<sup>4</sup>Ase ba ɲɔ, "Mosis te ɲwene keɲɔ baa chwere ton de bagle keɲɔ o veh o haah, de veoh."

<sup>5</sup>Anee Yeesu ɲɔ ba be ɲɔ, "He bambikpeg waa Mosis chwere a ge mmara no te heyaa la.

<sup>6</sup>Ge laa a fa do wubwa. Korowii aa ta kwaa bwa mumpar la, 'Baa ne haahnee o ta.

<sup>7</sup>A waa baa ɛɛ ba o nya ne o mee jweeh lee, de kpɔ o te ka pel o haah,

<sup>8</sup>ase ba nera bane la pe ɛ nemberkponɲ la. Anomanta baa nera bane ɛɛ ba kpa, ba peo ɛ berkponɲ.'

<sup>9</sup>De Korowii lawe nera bane pe aa, ɲwene toole keɲɔ nen bere pere ba baah kpa."

<sup>10</sup>Baa la dem la, o habotenra la berɔ booro a ge waa no ja.

<sup>11</sup>Ase o ɲɔ ba be ɲɔ, "Nomelbwa waa veh o haah de ka mo onfale la, de o ɛ o haah la wechoga de bo jwamane.

<sup>12</sup>De haah ge veh o jaa de ka yale banfale aa, de o ge ɛ o jaa la wechoga de bo jwamane."

<sup>13</sup>De nera bane kpɔ ba bii deɛ ba o be, deɛ nyin keɲɔ o kpɔ o noora dawɛ ba ne. Ase o habotenra la ɛɛ to ba ɲwene ɲɔ ba kpɔ ba bii le le!

<sup>14</sup>Yeesu aa na ge baa de ɛ la, o baah di ba ne, o ɲɔ ba be ɲɔ, "He be bii la ɲwene to. Hé gel ba ba n be, dekalkɛɲɔ banɔ dɔɲa noo Korowii koobii la.

<sup>15</sup>Kasintɛɲ, n de ɲɔ he be, naate waa wola o te kpɔɛ te Korowii de yaradao ge bechala aa de ɛ la, waa boree do de ba ja o Kora la ta."

<sup>16</sup>Ase o kpɔ bii la, de kpɔ o noora dawɛ ba neɛ de swee ba andeega.

<sup>17</sup>Yeesu aa bera deɛ ba ɲwene ta lee de kaa la, baa bel chwao de ba guni o sie de ɲɔ, "Nomondeeɛge, ɛɛɛ mee ba ɛɛ de do Korowii mkpa aa wola jaga doe yo?"

<sup>18</sup>Ase Yeesu booro ɲɔ, "Ereɛ he yer me nendeege noo? Nomelbwa toole de ɛ nendeege. Korowii gbosoo ɛ nendeege.

- 19** Kε he jeme Korowii mmarare laɔ? Anee, 'Be nen kpo, be jwamane bɔ, be ηwe, be nyosone teje dawε he dɔη ne, be he dɔη faah, dεε duu he nya ne heeh.' “
- 20** Anee o ηɔ Yeesu be ηɔ, "Nomoa, n bechale saη bwaa n le dε teje anɔ bwa ta.”
- 21** Yeesu nyiηu, o sie le o ne, dε ηɔ o be ηɔ, "A ka he webenkpoη. La ka yog kwaa haa dɔa bwa, ase dε kpɔ a suuga kε nyaara. He ε ge naa, heε dɔ kondɔɔh cheg Korowii doa. Ka ε ge ase dε ba teje n ne.”
- 22** Yeesu aa ηɔ ge la, ate dε o tea bini chɔgɔ, ase o bere gure nyu su, dekalkεηɔ dε o dɔ kwaa kεrede.
- 23** Ase Yeesu ke nyiηi o habɔteηra la dε ηɔ, "Aa do kpegrii tε dɔɔhna keηɔ bá dɔ bɔr ja Korowii Kora la ta.”
- 24** A ge waa la Yeesu aa bola la gelɔ o habɔteηra la bwara yɔr. O ηɔ ba be ηɔ, "Biiwa, a kpegri keηɔ nen dɔ bɔr ja Korowii Kora la ta.
- 25** Aa do pweree tε nyogma keηɔ ó won jo tɔge bɔɔ ta gwaa keηɔ dɔɔh naa wona ja Korowii Kora ta.”
- 26** Yeesu aa bol ge la, dε o habɔteηra la bwa bwara yɔrɔ, ase baa bɔɔ dɔηa ηɔ, "Amɔ te, umee dεε ba o nyu dɔe yɔ?”
- 27** Belaa Yeesu pa sie nyiη ba dε ηɔ, "Nɛwenyini bee a do kpegri, kε Korowii be te, wobɛlbwa aa kpege. Wobɛlbwa pwere Korowii be.”
- 28** Belaa Pita ηɔ, "Nyini na, ya te gel komɛlbwa yaa dɔa dε ba teje he ne.”
- 29** Ase Yeesu ηɔ, "Kasinteη, n dε ηɔ he be, nomɛlbwa waa koh n ne Amanesoma nɔ waa dε gel o bwεε tena ne o nimanar ne o dɔɔranar ne o nahaahnanar, ne o nya ne o mεε, ne o bii ne o kooni la,
- 30** wεε dɔ a ge bwεere ne nimanar ne dɔɔranar ne nyawa ne bii ne kooni nɔ belbwa kembɔree kera lafa hare nɔ ta dε ja hɔhɔrɔwa nera aa dε ba o haeh dε εo la ta. A bwa habɔɔ la, wεε dɔ Korowii mkpa aa wola jaga dɔe gee nyundua ja.
- 31** Nera baa tɔ sie taraken kεrede εε ba ka munii, ase nera baa ka mun taraken nɔ kεrede ba tɔ sie.”
- 32** Dε ba lɔ ηwene ta dεε kaa Jerusalem, ase Yeesu tɔ ba sie. Dε o habɔteηra la bwara yɔrɔ, ase nera la baa teje o neε la bwa gee ɔmε. Ase Yeesu bere lawε o habɔteηra fi de bane la kaa bokere dε ka taa waa aa dε ba o εε la bwa bag ba,
- 33** dεε ηɔ, "Yaa dε kaa Jerusalem nɔ, baa ka le n Nen Bie laanee tε Sɔfonomonome ne Tɔn Jerema la. Baa pa mε bolchogee dε ηɔ bá kpɔ mε, dε kpɔ mε do nera baa wola Juda tena εε la nɔn ta.
- 34** Baa di n loroo, dε tata nentane ta n ne, dε chacha mε chweremi, dε kpaa mε pel dagagre ta dε kpɔ mε. Kε a tɔpetooro wee mεε berɔɔ ir seo ta.”

- 35 Ase Sebedii bii Jems ne Jɔn ba o be de ba ɲɔ, "Nomoa, ya de nyin he ε waane te yaa."
- 36 Ase Yeesu ɲɔ, "Bɔkwaa yɔ?"
- 37 Belaa ba change ɲɔ, "He baa di he kora waa dɔ jirima de so he kookara ta naa, ya de nyin ke he gel ya so pele, bel so he dig ta, bel ge so he gal ta."
- 38 Ase Yeesu ɲɔ ba be ɲɔ, "Haa waa haa de bol nɔ mun jeme. Hee wonoo nyɔ n tegkpela maa de ba nyɔe nɔ ane kene? Hee wonoo na hohɔrɔwa maa de ba nae nɔ dɔɲa aa?"
- 39 Anee ba seh ɲɔ, "Yaa wonoo." Belaa Yeesu ɲɔ, "Kpelaa! Hee nyɔ n tegkpela nɔ anee de na n hohɔrɔwa nɔ dɔɲa.
- 40 Ke n ta kpegri dɔe de chagle naate waa so n dig ta ne n gal ta. Korowii gboo jeme nera waa kwaa a ge bɔra la cheg de kpɔ ba ka so bela."
- 41 Yeesu habɔteɲra kabora la baa no a ge waa nɔ la, ba baah di Jems ne Jɔn ne.
- 42 Anomanta Yeesu yere ba bwa ba o be de ɲɔ, "He jemɔ keɲɔ nera baa wola Juda tena εe la te, ba nomonome de di kpegri ba ne, de yon gel baa tom ba.
- 43 Ke ge laa che keɲɔ a do he te be. De he bini bel de nyin o ε he bwa nomoa aa, a che keɲɔ o kpɔ o te ε bechala deε tome heya.
- 44 De he bini bel de nyin o ε o te sitɔ raa, a che keɲɔ o seh de bere o te ke he bwa bonɔɔ,
- 45 dekalkɲɔ n Nen Bie kwaraa ta bale ke nera baa tom me. N te balɔ de ba tome newenyini, de kpɔ n nyu chare nendamanta mkpa."
- 46 Ba ba Jeriko, ase Yeesu ne o habɔteɲra la ne nenlaa bane aa le bela deε kaa la, de Temeos binyone Baatemeos o yon deε soɲe kwaa saɲ belbwa la soge ɲwene la keɲkeɲ.
- 47 Waa noa keɲɔ Yeesu waa le Nasaret laanee la, de o de yere Yeesu takpeg ne deε ɲɔ, "Devid Naa Yeesu, na n sum!"
- 48 Ase nera kerede kaoh ɲɔ o tɔ nyoa. Ke o ta ban change. Namee o ta do lɔɲɔ kohona deε yere, "Devid Naa Yeesu, na n sum!"
- 49 Ase Yeesu che de ɲɔ, "He yere." Ase ba yere nyone la de ɲɔ, "Soɲh bwara de ir! O de yere."
- 50 Ase o wur o yal vigri, de jah ir che de ba Yeesu be.
- 51 Belaa Yeesu bɔɔro ɲɔ, "Bɔkwaa he ɲɔ n ε tee nɔ?" Ase nyone la ɲɔ, "Nomoa, n de nyin n won deε na."
- 52 Ase Yeesu ɲɔ o be ɲɔ, "Kaa. He yarada haa yarada me la gelɔ he dɔ bokpega." Bug la ta de o wono deε na, de teɲe Yeesu neε ɲwene la ta.

## Maak 11

- <sup>1</sup>Baa de tel Jerusalem dæe bene Betfej ne Betani la, Olevere Bwe la bõr bela la, o tome o habõtenra la bane nõ bá tõ sie,
- <sup>2</sup>de nõ, "Hé la bwæe nõ waa lõ sie le nõ ta. Haa dæe tel bela la, hæe nao keño baa vowe keego bie bel nomelbwa aa wola on teehne bwa. Hé puru de kpo ba bonõ.
- <sup>3</sup>Ase de nomel bõõ heyaa nõ bõkwaa hæe ba o ne ee yaa, hé nõ he dõõ la de nyinu dé e waane, ase he bere kpo ba taraken."
- <sup>4</sup>Ase ba la de ka na keego bie bel baa lawõ vowe njwene nyoa doonyoa bel jweh.
- <sup>5</sup>Baa de puru la, nera baa chege bela la bane bõõ ba nõ, "Bõkwaa he pur keego bie la dée eo?"
- <sup>6</sup>Ase ba bol ge Yeesu aa nõa bá bol la, ase nera la tee ba njwene.
- <sup>7</sup>Ba kpo keego bie la ba te Yeesu de pa ba yale darawe o habõõ, ase Yeesu so o ta.
- <sup>8</sup>Nendamanta teõ jirima de pa ba yale pa njwene ta, ase bane ge ke papooni bela kooni la ta de pa njwene la bwa ta.
- <sup>9</sup>De nera baa tõ Yeesu sie ne banõ la baa ka mun la bwa de si, "Woowo! Korowii kwaa naate waa de ba o sõn ta nõ kwa!
- <sup>10</sup>Korowii swee ya Naa Devid kora nõ waa de ba ira ja nõ andæega! Korowii jam!"
- <sup>11</sup>Yeesu la Jerusalem de ka jo Korowii Dea bini de nyinyinjì waa aa de e bela la bwa. Bõr aa de jo la nomanta, o ne o habõtenra fi de bane la kaa Betani.
- <sup>12</sup>Tõõ aa pera, ba le Betani dæe ba la, de lõr lawe Yeesu.
- <sup>13</sup>O na pur bel bojan de o moge papooni sukuu ken, de fe la o mun nõ o ken fe ee dõ o nõna anee di kee? Waa tel bela la de papooni gboõ tõ daa la bwa, dekalkeño de pure nõna ta tele mõõ.
- <sup>14</sup>Belaa Yeesu taah pur daa la nõ, "Nomelbwa aa he nõna dii ba kpa bwa." Waa nõ ge la, o habõtenra la nõõ.
- <sup>15</sup>Baa tel Jerusalem la, Yeesu jo Korowii Dea bobel dæe donji kon-yogra ne kon-yarawa baa lõ bela la. O bere nera baa lõ bela dæe pegri suuga la teeburre bwa piigi, de tage banõ la baa de yog brõnomare la bwa kane tata.
- <sup>16</sup>O ta seeh nomelbwa kpo bone belbwa kpo Korowii Dea la bini.
- <sup>17</sup>Ase o bol waa dæe bag ba nõ, "Ba ta chwere nõ, 'Baa yere n dea newenyina bwa Korowii soñebõr' yaa? Gee he te bere kpoõ bere njwera soñbõr aa?"
- <sup>18</sup>Sõfonomonome ne Tõn Jerema la aa no a ge waa nõ la, belaa ba pa mun dæe nyin njwene dé kpo Yeesu. De ba de õmõ, dekalkeño de o webagla de kpo nera bwa nyoa.
- <sup>19</sup>Bõr aa ba de jo la, Yeesu ne o habõtenra la le bwæe la ta.

<sup>20</sup>A tɔɔ aa pera chɔmbibi ne ba vale ɲwene ta dɛɛ kaa la, ba kaa le pur daa la ta, dɛ o sewɔ kwaraa le o nyundua ka le o lune bwa ta.

<sup>21</sup>Belaa Pita lii gɛ aa ɛa mɔɔ daa la sewɛ la, dɛ ɲɔ Yeesu be ɲɔ, "Nomoa, na. Pur daa la haa taahno la sewɔ!"

<sup>22</sup>Ase Yeesu ɲɔ ba be ɲɔ, "Hé yarada Korowii.

<sup>23</sup>Kasintenɲ, nomelbwa waa won kpɔ yarada ɲɔ bwe nɔ be ɲɔ ó ir ka le moo ta, waa wola tɔɲle o bambile ta tamaa belbwa, dɛ yarada keɲɔ Korowii ɛɛ wonoo ɛ gɛ la, aa ɛo tɛo kpela ge.

<sup>24</sup>Anomanta, kasintenɲ, dɛ he dɛ soɲe Korowii komel aa, hé yarada keɲɔ he dɔɔ dɔ kon la. Dɛ he wono yarada gɛ naa, komelbwa haa soɲe la, Korowii ɛɛ tɛ heyaa.

<sup>25</sup>Dɛ he iro che dɛɛ soɲe Korowii ge aa, wobelbwa he bala bane aa ɛ heyaa la, hé kpɔ ke ba áse he Mɛɛ waa lɔ nyundua la ge kpɔ he wechɔga kɛ heya."

<sup>27</sup>Ase Yeesu ne o habɔteɲra bere ba jo Jerusalem ja. Yeesu aa ba dɛ vale Korowii Dea la bini la, Sofonomonome ne Tɔn Jerema ne bela nomonome la ba o be

<sup>28</sup>dɛ ba bɔɔro ɲɔ, "Umee tɛɛ ɲwene keɲɔ he ɛ gɛ waa nɔ haa dɛ ɛ nɔɔ? Umee tɛɛ kpegri kwaraa tɛ nɔ?"

<sup>29</sup>Yeesu chaɲ ba ɲɔ, "Ń bɔɔ heyaa webenkpoɲ, dɛ he wono jemaa, mɛɛ bagle heyaa naate waa tɛ mɛ ɲwene mɛɛ ɛ gɛ waa nɔ.

<sup>30</sup>Umee tɛ Jɔn kpegri wɛɛ sɔ nera Korowii nee laɔ? Korowii tɛo waa, kɛ newenyinii tɛo wɔ? Hé bag mɛ naate."

<sup>31</sup>Ate dɛ ba gbogbo dɛ tɔɲle dɔɲa dɛɛ ɲɔ, "Aah ɛɛɛ yaa ba ɲɔɛ yɔ? Dɛ ya ɲɔ Korowiirii tɛo waa, wɛɛ ɲɔɔ, 'Aah ɛɛɛ haa wola Jɔn yaradae yɔ?"

<sup>32</sup>Kɛ dɛ ya ɲɔ newenyinii tɛo ge aa, aa werii do." Dɛ ba dɛ ɔmɛ ba gbagba nera la, dɛkalkɛɲɔ dɛ nomelbwa yaradao keɲɔ Korowii keamee Jɔn.

<sup>33</sup>Anomanta ba waa baa bola laanee keɲɔ, "Yaa jeme." Anee Yeesu ɲɔ ba be ɲɔ, "Gɛ haa wola jeme la, gɛɛ n ge aa wola heyaa naate waa tɛ mɛ ɲwene mɛɛ ɛ a gɛ waa nɔ maa dɛ ɛ nɔɔ bagle.

## Maak 12

<sup>1</sup>"Baa belee pare kwaa ane baa kpɔa dɛɛ daa sen, dɛ ke a gɛ koo la, dɛ kwaa bɔr baa dɛɛ harame a nee dɛɛ do, dɛ chigri jenla bela, bá so o ta dɛɛ daah koo la, dɛ kpɔ nera báa ɛ koo la toma, a koma telaa, ba dɔ ba bɔr. A habɔɔ la o kpɔ koo la tɛɛ ba bá nyiɲi o ta tɛo, dɛ kaa hare bel ta.

<sup>2</sup>Koma saɲ aa baa tel la, o tome o bonɔɔ bel ɲɔ ó ka le o dibɔr ba tɛo.

<sup>3</sup>Bonɔɔ la aa laɲa la, nera la lawɔ dɛ lɔɔro dɛ doɲu o kaa. Ba ta on komelbwa tɛɛ o kaa.

- <sup>4</sup>Koote la berɔ tomɛ o bonɔn-nɛete, asɛ ba lɔɔ o ge dɛ doo bol o nyu ta dɛ ɛo wilewile ken.
- <sup>5</sup>Asɛ koo te la berɛ tomɛ o bonɔna la bɛl ja, asɛ nɛra la lawɔ dɛ kpoo. Gɛɛ o tomɛ toroma bane ja, asɛ ba lɔɔ bane dɛ kpo bane ge.
- <sup>6</sup>"Dɛ nɛn waa kaa ɔ tomɛ bwaa o gbagba bie waa dɛ nyinu gwaa komɛlbwa. O bonɔna la bwa aa baa tonɛ la, o bie laanee o ka mun tomɛ dɛ ŋɔ, 'Ba na n bie nɔ te naa, baa heehroo.'
- <sup>7</sup>Nɛra la aa na o bie la la, ba den ŋɔ, 'Yoowa, baa la gbagba biee la. O mɛɛ toole naa, on dɛɛ ba o kapɛrɛ dii. Hɛ gel ya kpoo, asɛ dɛ o mɛɛ baa sewaa, dɛ kwaa la ɛ ya kwa.'
- <sup>8</sup>Ba lawɛ bie la dɛ kpoo dɛ kpɔɔ vigri koo la banj."
- <sup>9</sup>Asɛ Yeesu bɔɔ ba ŋɔ, "Ɛrɛɛ hɛɛ lii kɛŋɔ a gɛ koo te nɔ ɛɛ ɛo wɔ?" Dɛ ŋɔ, "Wɛɛ ba kpo a gɛ nɛra laanee dɛ kpɔ koo la do nɛnfala nɔn ta.
- <sup>10</sup>Ba chwɛrɔ do Korowii Tɔn la bini ŋɔ, 'Bwe la mamaala aa vɛoh dɛ liiru konsala laanee bera ba lawɛ dea la kponɛ la.
- <sup>11</sup>Korowiirii ɛa gɛ, a ɛ nyokpowa.' He ta a gɛ waa nɔ kure ka aa?"
- <sup>12</sup>Yeesu aa bol a gɛ waa nɔ dɛ kpɔ sɛgle la, dɛ Juda tena nomonome la dɛ nyin bɔr dɛ lawɔ, dɛkalkɛŋɔ dɛ ba jɛmɔ kɛŋɔ banɛɛ o sɛgle. Kɛ dɛ ba dɛ ɔmɛ nɛnlaa baa lɔ bela la, dɛ gelo dɛ kaa.
- <sup>13</sup>Baa kaala la, ba kaa tomɛ Farisii tena ne Herɔd habɔɔ tena bane ŋɔ bá ba hagre Yeesu bela webɔɔre ne dɛ lawɔ.
- <sup>14</sup>Asɛ ba ba ŋɔ o be ŋɔ, "Nomoa, ya jɛmɔ kɛŋɔ he dɛ bol kasintɛŋ. He ta waa bolɛ dɛɛ ɔmɛ a habɔɔ kɛŋɔ a dɛ do bane som, kɛɛ a dɛ we bane bambile nɔ. Haa nɛra sie bɔr nyiŋi dɛɛ bol waa kɛŋɔ bɛl ɛ kooro kɛɛ nomoa kɛɛ bechala nɔ. Korowii ŋwɛnɛɛ hɛɛ bagle nɛra kasintɛŋ ne. Weberɛkponjii yaa nyin ya jɛmɛ. Onɛɛ kɛŋɔ ya mmara nɔ dɛ tɛ yaa ŋwɛnɛ kɛŋɔ ya bɔ lampoo dɛɛ tɛ Room koojen Siisa la aa, kɛɛ waa yaa ŋwɛnɛ tɛ?"
- <sup>15</sup>Dɛ Yeesu jɛmɛ ba webɔɔre la mun dɛ ŋɔ, "Ɛrɛɛ hɛɛ hagre mɛ bela nɔɔ? Hɛ kpɔ suuga bwe ba n na."
- <sup>16</sup>Anee ba kpɔ bɛl tɛo, asɛ o bɔɔ ba ŋɔ, "Ume nyu ne o sɔnɛɛ dawɛ suuga nɔ ta nɔɔ?" Asɛ ba chaŋɛ ŋɔ koojen Siisa laanee.
- <sup>17</sup>Asɛ Yeesu ŋɔ ba be ŋɔ, "Oo. Amɔ hɛ kpɔ kwaa aa ɛ Siisa kwaa la tɛo, dɛ kpɔ kwaa aa ɛ Korowii kwaa la tɛ Korowii." Asɛ o waa ɛɛ ba anɛbɛlbwa.
- <sup>18</sup>Saduki tena ba Yeesu be. Dɛ baa yarada kɛŋɔ nɛn sewaa, wɛɛ berɔɔ ir ja.
- <sup>19</sup>Ba baa bɔɔ Yeesu ŋɔ, "Nomoa, Mosis fa chwɛrɛ mmara bɛl tɛ yaa ŋɔ dɛ baa sewo gel o haah dɛ o ta bii dɔɛ yaa, a che kɛŋɔ o nime kɛɛ o dɔɔ kpɔ haah la mo dɛ logle bii, áɛ a gɛ bii la ɛ lale la bii.



- 20**Hahbenkponj bibaala banuanɛ fa lole, aɛ o binomoa la ba mo haah dɛ ba sewɛ, dɛ o ta bie dɛ.
- 21**Aɛ onla waa teɲɛ binomoa la nɛ la ge kpɔ haah la mo dɛ ba sewɛ, dɛ o ge ne o ta bie lolɛ. Gɛ bitooro te la ge mo haah la dɛ ba sewɛ, dɛ o ta bie dɛ.
- 22**Bii la bwa mo haah la ka lɔ nyoa dɛ ba serewe, dɛ ba ta bii dɛ. A bwa habɔ la, haah la ge baa sewɛ.
- 23**Aah dɛ nera bwa seo bini ira tɔpere la baa tel aɛ bibaala la bwa ir aa, ba bini umee dɛɛ ba haah la jaa ɛ yɔ? Ba nera banuanɛ la bwa gee fa moo.”
- 24**Belaa Yeesu chaɲ ba ɲɔ, "He kono kwaraa! He jemɛ kon la aa gela he koni aa? Haa wola Korowii Waa baa chwera ne o kpegri waa jemɛ la waa.
- 25**Nera baa ir seo ta naa, baa soo keɲɔ Korowii toroma baa lɔ nyundua la, dɛkalkɛɲɔ baa haahna moe ba, baa jaranar ge yala ba.
- 26**Nera seo ta ira ge la nɔ, dɛ he dɛ lii Mosis Tɔn bini waa ane aa dɛ bagle dawii fuih la wa aa, ba chwere bela gɛ Korowii aa ɲɔ Mosis be ɲɔ, 'Menee Abraham Korowii ne Aesek Korowii ne Jekɔb Korowii.'
- 27**Lala laa dɛɛ tomɛ Korowii, weeraa dɛɛ tomɔ. Anomanta he kono kwaraa!”
- 28**Dɛ Tɔn Jereme bɛl ge ba bela dɛɛ no waa baa dɛ pɛero wɛɛ bagle a bini la, dɛ na keɲɔ waa la ɲwɛnɛ taa Yeesu bola la. O ge bɔɔ Yeesu ɲɔ, "Mosis Mmarare la bini umee ɛ onjen gwaa a bwa nɔ?”
- 29**Aɛ Yeesu ɲɔ, "A bwa bini onjen laanee nɔ: 'Israel tena, hɛ no. N Naa Korowii nɔ habɔɔ dɔɔ bɛlbwa toole kpa.
- 30**Hɛ nyin N Naa Korowii he bambile bwa, he hweera, he liire, ne he bokpega bwa ne.’
- 31**Onjen waa teɲa nɛ laanee nɔ: 'Nyin he dɔɲ ke he gbagba.' Mmara bɛlbwa toole dɛ ɛ onjen dɛ gwaa anɛ nɔ.”
- 32**Aɛ Tɔn Jereme la ɲɔ Yeesu be ɲɔ, "Jam, he ɛ wa, Nomoa. He waa nɔ bwa ɛ kasintɛɲ. Korowii beɲkponj gboo lole. Komɛlbwa toole dɛ dɔ yaa ka ja o nɛ.
- 33**A che keɲɔ ya nyinu ya bambile ne ya liire ne ya bokpega bwa ne, dɛ nyin ya dɔɲa keɲɔ yaa dɛ nyin ya gbagba la. A gɛ mmarare anɛ nɔ ta teɲaa wera gwaa ge bwa yaa kpoo kwaa dɛ fuah dɛɛ tɛ Korowii, dɛ che kwaa kaa teo.”
- 34**Yeesu aa naa keɲɔ baa la chaje waa la wejema ne la, o ɲɔ o be ɲɔ, "He sie dɛ chaah Korowii Kora waa la ta." A habɔɔ la nomɛlbwa ta berɛ hele waa dɛ bɔɔro waane kpa.
- 35**Yeesu aa ba dɛ bagle waa Korowii Dea la, o bɔɔ ba ɲɔ, "Aah ɛɛ waa Tɔn Jerema la ɲɔ Kristo la Korowii aa bage nyoa ɲɔ wɛɛ tomɔɔ áɛ o ba le yaa la ɛɛ ɛ Devid naa nɔ?”

<sup>36</sup>Dekalkenjo Korowii Domadεεge fa ir Devid neε de gel o bagle Kristo waa de ηo, 'N Naa Korowii ηo n Doo be ηo o ba so nomombor o dig ta ka tel kenjo waa ba o doma ne hare ase o tigri ba ne.'

<sup>37</sup>Aah Devid kwaraa faa de yerō o dōo nō, εrεε a berε ε o ε Devid naa o?" Nenlaa la no o wobol la silεε ne.

<sup>38</sup>Waa de bag ba la, o ηo, "Hεε nyiηi Tōn Jerema la kerεde. Ban yon do laalajena ase nera bwa na ba dεε guηi ba hare yaware.

<sup>39</sup>Ba de nyin nomombora soga kohona cheremi deene, ne nomombora soga topejena dii cheremi bora la.

<sup>40</sup>Ba sie begre kwa, dεε kam kwaa luhaahna deremi, de berε saah dεε soηe Korowii wobojaηa ne nera sie ta. Ba kembor εε do kanee taeh!"

<sup>41</sup>Yeesu kaa so Korowii Dea suuga tae daka bor dεε nyiηi nera baa ta suuga dεε do o bini la, de doohna bane de do suugajena tenten.

<sup>42</sup>Belaa luhaah nyaa bel ge ba do suuga bwea jegre anε.

<sup>43</sup>Ase Yeesu yerε o habotenra la de ηo ba be ηo, "Kasinten, luhaah nyaa no do suugajena de gwaa nera no bwa,

<sup>44</sup>dεkalkenjo o dea suuga bwaa o gbaa ba do daka no bini la. Ke doohna la te suuga bini tama baa naa kenjo ba laa kpo aa, aa ba neε we la, anee ba kpo baa do la."

## Maak 13

<sup>1</sup>Yeesu aa de le Korowii Dea la, o habotenra la bel ηo, "Nomoa, na bwea baa kpoa ma deene no aa bara ge. Deene la kakan bee! A wer ge laa no!"

<sup>2</sup>Anee Yeesu ηo, "Ke he na dejena no kenε? Ba ta εε pagre a bwaa kwara, ase a bwe benkpon kwara aa lee do de ta chone o don ta kpa."

<sup>3</sup>Ba le Korowii Dea de kaa Olevere Bwe la bor. Ase Yeesu so bwe la doa dεε nyiηi Korowii Dea la, ase Pita ne Jems ne Jon ne Andriu gbo ba o be, de ba booro ηo,

<sup>4</sup>"Waa la haa bola la, san besoo aa ba chiga o? Bokwaa dεε ba bagla ke ge waa no chiga teloo?"

<sup>5</sup>Anee Yeesu ηo ba be ηo, "He nyiηi kerεde ase nomelbwa be heyaa negre.

<sup>6</sup>Nera εε waroo de kpo n son ba de ba ηo banee men. Ba belbwa εε ηoo onee Kristo la Korowii aa bage nyoa ηo weε tomoo o ba le nera la de negre nera pirim.

<sup>7</sup>"De he baa no laa yoi waa ne laa gboga bobelbwa ge aa, he be gel a ε heyaa wepigra, dekalkenjo a che kenjo a ε ge. A ge waa no bwa che kenjo a chig, de wobelbwa jaga la ta tele moo.

<sup>8</sup>Bwēere ne ba bwēere dɔŋa ɛ yo laalee, koranar ge ne ba koranar dɔŋa ɛ yo dɔŋa. Hare ɛ jigri bobelaa, ase lɔr ge ba. A ge waa nɔ kaa chaa haah loltea wee o yon dɛe weo kɛ dɛ o lola ta tele mɔɔ la.

<sup>9</sup>"Hé gbagba ge nyiŋi keredɛ. Baa larawe heyaa dɛ la he ne nomonome sie, dɛ lɔɔ heyaa cheremi deene bini. N nomanta hɛɛ che Abane nomonome ne koranar siinii dɛ bol Korowii Amanesoma la bag ba.

<sup>10</sup>Baa bol Amanesoma laanee bagle newenyina bwa mɔɔ wobɛlbwa jaga la ba.

<sup>11</sup>Dɛ ba baa lawɛ heyaa, dɛ la he ne nomonome sie naa, he bɛ gel waa haa dɛ ba bola la hiah heyaa. A baa tel kɛŋɔ hé bol wa aa, hé bol wobɛlbwa aa le he nyoa la, dɛkalkɛŋɔ waa haa bol la aa he be lee ba. Korowii Domadɛɛge la bee aa ba lee.

<sup>12</sup>"Nɛra ɛ le ba gbagba lolanaree tɛ ŋɔ bá kpoo ba, baala ɛ le ba gbagba biirii tɛ ŋɔ bá kpo, ase bii ge ir che ba nyare ne mɛɛnanar nɛɛ dɛ gel baa kpoo ba.

<sup>13</sup>Nɛra bwa ɛ koh n waa hah heyaa. Kɛ naate waa dɛ ba wona dɛ lawɛ bambile ka tone la, wɛɛ dɔ o nyuu.

<sup>14</sup>"Hɛɛ na konchɔgechɔge laanee kɛŋɔ o chege bela aa wola chɛɛ kɛŋɔ ba nao. (Bono kpegri. Anomanta nomɛlbwa waa kuro la kwaa nyiŋu keredɛ.) He baa na ge naa, a che kɛŋɔ Judia hare tena chwa ka nyin soɔhbɔr ba bwea la ta.

<sup>15</sup>Naate waa soge o sal dea doa la ge, o bɛ bere koh o te ŋɔ o dɛ tu dɛ jo dea dé kpɔ komɛl. A che kɛŋɔ o chwa dɛ dɔ o nyu.

<sup>16</sup>Nomɛlbwa waa lɔ koo ta la be bere la dem dé ka kpɔ o yal.

<sup>17</sup>Ei! Aa do kpegrii tɛ tekponra ne haahna baa kponɛ bechasɔhne a ge saŋ nɔ noo!

<sup>18</sup>Hé soŋe Korowii ase a ge waa nɔ bɛ waa saŋ chig oo!

<sup>19</sup>Dɛkalkɛŋɔ a ge wekpega nɔ dɔŋa ta ɛɛ bwa. A ɔma! Dɛ den le saŋ la Korowii aa ta hare la dɛ kponɛ ba le fini nɔ, newenyini ta a dɔŋa nae bwa. A ge waa nɔ ɛo waa, a dɔŋa aa ɛ ba kpa.

<sup>20</sup>Dɛ Korowii fe ta tɔpera la ane teŋe ta aa, nomɛlbwa fe aa lee ba. Kɛ o koh o nɛra waa chal ba ba teŋe o nɛɛ la waa dɛ teŋe tɔpechɔga la ane ta.

<sup>21</sup>"A ge saŋ la bane ɛ dɛɛ ŋɔɔ, 'Kristo la Korowii aa bage nyoa ŋɔ wɛɛ tomɔɔ áse o ba le yaa laanee nɔ!' Ase bane ge ŋɔ, 'On ka lɔ le la!' A ge waa nɔ bwa baa ɛ aa, he bɛ a bɛlbwa yarada,

<sup>22</sup>dɛkalkɛŋɔ nɛra ɛ bao dɛ ba teŋe nyosone ŋɔ Kristo laanee ban, ase bane ge ŋɔ Korowii keameree ban. Baa baa ɛ nyokpowaa ne bebeewaa dɛɛ nyin bɔr dé negre nɛra Korowii aa chal ba la kwara.

<sup>23</sup>Hɛɛ nyiŋi he te keredɛ! N dɔɔ bagle waa aa dɛ ba ɛ mɔɔ tɔpere la ba.

<sup>24</sup>"A ge wekpega nɔ baa ɛ dɛ kaa laa, wee aa bɔr chaahna ba kpa, korobie ge aa bɔr chaahna ba kpa.

- <sup>25</sup>Weweela de ba nyundua lee de lee hare, ase Korowii doa bwa yiigi de chog.
- <sup>26</sup>Belaa baa ba n Nen Bie nae kenjo maa lo baama bini dee ba kpegri waa wola donj doe ne jirima ne.
- <sup>27</sup>Mee tome nyundua toromaa hare no bobelbwa ba vale lawe n nera maa chal ba la bwa ba pe.
- <sup>28</sup>"He kpoo pur daa nona hweli wa. O baa fogre dee le papo-lweene, de nomelbwa jemo kenjo bowob sanj telo.
- <sup>29</sup>Gee de he ba de na a ge waa no naa, he jeme kenjo topere la tuuhno tel dee nyin joe.
- <sup>30</sup>Kasintej, a ge waa no bwa de ba ee mo fini nera no bwa serewe.
- <sup>31</sup>Nyundua ne hare ee chogoo. Aa lee ba do kpa. Ke n waa la te kpegri ee do lee dee la sanj belbwa.
- <sup>32</sup>"A ge topere no te, nomelbwa aa topere la bala sanj jeme. Korowii toroma baa lo nyundua la kwara aa topere la jeme. O bie la gbabir aa jeme. O gboo jeme topere la.
- <sup>33</sup>Hee nyinji kerede, hee do deego, dekalkenjo haa topere la jeme.
- <sup>34</sup>Aa eo kenjo nomoa bel aa de ba bobel kaala de bagle o bonona tomare, de no baa waa de nyinji o dem la ta be no wee nyinji o ta kerede la.
- <sup>35</sup>Hee nyinji kerede, dekalkenjo he ta wone jeme too la wee dem te la aa de ba bala. Bel lole jwaanaa wee ba bala. Ge laa ge aa, harambana ne. Bel lole o ta jabala siiga sanj balaa, chooboree wee ba bala.
- <sup>36</sup>He be gel o ba pigri heya, de he de cho doromi.
- <sup>37</sup>Waa no maa de bol he be no, nera bwa bee mee no la. Hee nyinju gwene kerede!"

## Maak 14

- <sup>1</sup>A baa ka topera ane ase ba di ba bena nyoa baa de yero Galekaa la. A ge bena nyoa no topera taa baa di paanoo baa wola iisi a ta do la. De Sofonomome ne Ton Jerema la de nyin gwene bel de soh lawe Yeesu de kpoo,
- <sup>2</sup>de no, "Nendamanta no aa de ba chema ya bena nyoa no dii ta no, de ya kpoo ge topera no ta naa, baa le gaeeh."
- <sup>3</sup>Yeesu la Betani de ka chog Seemon weechoga faa chog o bwara ka la dea. Baa de di kwaa la, haah bel kpoo nosohsoma a yog aa kpega lonbir bel ba jo ba be. O baa pagre lonj la de wee tulalee la dee do Yeesu nyu ta.
- <sup>4</sup>De nera baa lo bela la bane baah diu, baa bo donja no, "Aah tulalee no ge ken choga no munii ameo?"
- <sup>5</sup>Ba fe yoga aa, o fe ee le suugajena tentenee ba fee kpoo te nyaara. A ge fe ta boe kenjo ge no waa ea no naa?" De chwee haah la kohona.

- <sup>6</sup>Ase Yeesu ɲɔ, "Hé gelo ken. Eɛe hɛe hao gɛ nɔɔ? Wedɛɛgee o ɛɛ mɛ la.
- <sup>7</sup>Nyaara aa he be paɲa ba bwa. De he de nyin ban wedɛɛga ɛɛ yaa, hɛe wonoo dɛɛ ɛɛ ba saɲ belbwa. Ke n te, maa he bee do ka tone.
- <sup>8</sup>Anla waa won ɛ laanee o ɛ la. N huga laalee o pu sie dɛɛ kpɔ de fuge tulalee dɛɛ do n nyu ta la.
- <sup>9</sup>Kasintɛɲ, bobɛlbwa baa bol Amanesoma nɔ hare ta bobɛlbwa la, baa bol waa waa ɛa nɔ waa de kpɔ liiru."
- <sup>10</sup>Ase Judas Eskareɔt waa ɛ Yeesu habɔtɛɲra fi de banɛ la bel la ir la Sɔfonomonome be de ka ɲɔ wɛɛ wonoo cha ba áɛ ba lawɛ Yeesu.
- <sup>11</sup>Baa no gɛ la, ba sie lɛo, de ɲɔ baa tɛo suugaa. Ase Judas pa mun dɛɛ nyin ɲwene bel dé won gel ba dɔɔ.
- <sup>12</sup>Ba bena nyoa nɔ dii tɔpelogle taa baa kpɔ ba te de laa iisi kwaa kpɔ ba deremi dɛɛ kpoo pebiiri áɛ de kpɔ di Galekaa kondikwaa la. Awola la Yeesu habɔtɛɲra la bɔɔro ɲɔ, "Lee hɛɛ nyin keɲɔ ya ka ɛ Galekaa kondikwaa la tɛɛ he dio?"
- <sup>13</sup>Belaa o tome ba nera banɛ de ɲɔ ba be ɲɔ, "Hé la bwɛɛ bini. He kaa na baa bel o che vii ne nee aa, hé tɛɲɛ o ne
- <sup>14</sup>de ka jo dem waa jo o ta la. He laɲaa, hé ɲɔ dem te la be ɲɔ nomoa la ɲɔ lee dea o ne o habɔtɛɲra aa de ba Galekaa kondikwaa o bini dii la dɔɔ?
- <sup>15</sup>Ase ó bagle heyaa abrɔsane doa dea bel baa kwaaro de nyin kane bwa cheg o bini kerede la. Belaa hɛɛ ba ya kondikwaa bwa ɛɛ de cheg."
- <sup>16</sup>O habɔtɛɲra la aa la bwɛɛ la ta la, gɛ waa bagla la tentenee ba ka na, ase de daa ba Galekaa kondikwaa la bela.
- <sup>17</sup>A jɔmɔra ne la, Yeesu ne o habɔtɛɲra la ba bela.
- <sup>18</sup>Baa soga dɛɛ di kwaa la, Yeesu ɲɔ ba be ɲɔ, "Kasintɛɲ, he nera n ne haa pɛ nɔn dɛɛ di kwaa nɔ bini belee dɛɛ ba n yoga te nera la."
- <sup>19</sup>Ate de ba teene bini chɔgɔ, ba bere dɛɛ bɔɔro beɲkpoɲa beɲkpoɲa ɲɔ, "Menee keɛ? Menee keɛ?"
- <sup>20</sup>Belaa Yeesu ɲɔ, "He nera fi de banɛ nɔ n ne haa de pɛ nɔn hɛna beɲkpoɲ bini nɔ belee.
- <sup>21</sup>N Nɛn Bie la ɛɛ sewɔɔ gɛ Korowii Tɔn aa bagla keɲɔ mɛɛ ɛo la. Ke naate waa yog mɛ te ba kpɔ mɛ la, bwɛɛ! Ba fe ta on lolɛ kwaraa fe bɔ!"
- <sup>22</sup>Baa de di kwaa la, Yeesu kpɔ paanoo de jam Korowii, de kuu, de kpɔ tɛ o habɔtɛɲra la, de ɲɔ ba be ɲɔ, "Hé lɛ paanoo nɔ de di. N bo-olii."
- <sup>23</sup>Ase o bere kpɔ numol ne sen ge de jam Korowii de kpɔ tɛɛ ba, ase ba nyɔ ka tɛ dɔɲa.

- <sup>24</sup>Ase o ɲɔ ba be ɲɔ, "Sen nɔ chegɔ tɛ n chal maa dɛ ba nɛra kɛrɛdɛ waa koeh dɛ fuge ta. A ɛ fɔɔ dɛ chɔ Korowii ne newenyini baah ta.
- <sup>25</sup>Kasintɛɲ, maa a gɛ sen nɔ anee nyɔ kpa bwa, nemene kɛɲɔ awola maa ba nyɔ anfala Korowii Kora la ta."
- <sup>26</sup>Ase ba go yel bɛl dɛ jam Korowii, dɛ le kaa ɔlevere Bwe la ta.
- <sup>27</sup>Belaa Yeesu ɲɔ ba be ɲɔ, "He bwa ɛɛ ba chwao gel mɛ, dɛkalkɛɲɔ Korowii Tɔn baglɔ kɛɲɔ, 'Korowii ɛɛ kpo petegre laanee, ase peera la bwa lɔ pegre.'
- <sup>28</sup>Kɛ dɛ Korowii baa ir mɛ seo ta naa, mɛɛ tɔ he sɛɛ la Galilia hare ta."
- <sup>29</sup>Anee Pita ɲɔ o be ɲɔ, "Dɛ n bala nɔ bwa chwao gele kwara naa, n te aa chwa gele!"
- <sup>30</sup>Belaa Yeesu ɲɔ Pita be ɲɔ, "Kasintɛɲ, jabal ne sii kera anɛ kere chɔmbibi ne dɛ he tɔɔh kera atoro ɲɔ haa men jeme kwaraa!"
- <sup>31</sup>Anee Pita ɲɔ, "Dɛ seo kwaraa yaa, n ne hɛɛ sewɔɔ, kɛ maa tɔh ɲɔ maa hen jeme bwa!" Gɛɛ o habɔtɛɲra la bwa ɲɔ baa o habɔɔ le bwa.
- <sup>32</sup>Yeesu ne o habɔtɛɲra aa tel bela baa dɛ yere Getsemane la, o ɲɔ ba be ɲɔ, "Hɛ so bonɔ ase n ka soɲɛ Korowii ba."
- <sup>33</sup>O kpo Pita ne Jems ne Jɔn kaa bɔ ka doo. Waa dɛ kaa la, dɛ ɔmee ne bambiteɲa lawɔ kohona.
- <sup>34</sup>Ase o ɲɔ ba be ɲɔ, "N tea bini chɔgɔ kohona to. A gbo ɛɛ kpo mɛɛ kwara. Hɛ so bonɔ dɛɛ were n la ba."
- <sup>35</sup>Ase o la sie tama dɛ ka pi hare dɛ soɲɛ Korowii ɲɔ a fe ɛɛ magroo waa, waa aa dɛ ba la fe bɛ o nɛɛ chig.
- <sup>36</sup>Dɛ berɛ soɲɔ ja ɲɔ, "N Mɛɛ, wobɛlbwa toole haa wola won ɛ. N poori, bɛ gel n na a gɛ wahala nɔ, kɛ ɛ he tetoowaa dɛ gel n tetoowa."
- <sup>37</sup>Ase Yeesu berɛ ba ba be dɛ ba na o habɔtɛɲra batoro la kɛɲɔ ba chɔɔge doromi. Anee o bɔɔ Seemɔn Pita ɲɔ, "Chɔɛ he chɔ aa? He ta wone were tamaa bɛlbwa naa?"
- <sup>38</sup>Ase o ɲɔ ba be ɲɔ, "Hɛɛ nyɲɲi kɛrɛdɛ dɛɛ soɲɛ Korowii ase Bɔnsam bɛ won negre heyaa. He bambile fe dɛ nyin wedɛɛga ɛɛ, kɛ he bwadabii pwere."
- <sup>39</sup>Ase o berɛ la dɛ ka soɲɛ Korowii gɛ o faa kaa soɲɛ la,
- <sup>40</sup>dɛ berɛ ba ba be, dɛ ba chɔɔge doromi, dɛkalkɛɲɔ dɛ dom dɛ chug ba taeh. Baa jeme gɛ baa bol o be kpa.
- <sup>41</sup>Waa bera ka ba tooro tena dɛ ba dɛ chɔɔge doromi ja, anee o bɔɔ ba ɲɔ, "He ta chɔɔ dɛɛ onaa? A tonɔ. Saɲ la baa dɛ ba n Nen Bie kpoɛ dɛ do wechɔg-ɛera nɔn ta la telo.
- <sup>42</sup>Hɛ ir yá kaa. Baa la waa lee mɛ tɛ baa ba n kpoe laanee la."



- 43 Yeesu taa de bol waa, de o haboteŋra la bini bel baa de yero Judas balo. Nenlaa banee teŋe o nee de kpoŋe tokobie ne keru ne gule. Sofonomome ne Ton Jerema la ne bela nomonomee tome a ge nera no.
- 44 Baa de ba la, Judas ho ba be ho, "Naate maa gbaaro pel n bambile de mo o lweema la, he lawo de nyinju kerede o be won le o te de chwa."
- 45 Waa baa tel Yeesu be la, o gbaaro pel o bambile de mo o lweema de ho, "N Doo!"
- 46 Belaa ba lawo.
- 47 Ase Yeesu haboteŋra la bel laa o kere kpo de hwene Sofore Nomoa la bonoo deŋne bel de laa cha.
- 48 Ase Yeesu boo ba ho, "Dweeree men he kpo keru ne gule dee ba he ba lag me naa?"
- 49 Saŋ la bwa maa lo Korowii Dea dee bagle waa la, eee haa wola men lawoo? Ge aa e ase waa baa chwera la bwa e kpela la waa ano bwa ee e no."
- 50 Belaa Yeesu haboteŋra la bwa lo pegre de chwao.
- 51 De bonoo bel kpo yapon mile chara de teŋe Yeesu ne, ase ba fe ee nyin o lawa,
- 52 ase o gel yapon la de chwa kaa ge.
- 53 Belaa ba kpo Yeesu la Sofore Nomoa la dem. De Sofonomome ne Ton Jerema ne ba bela nomonome bwa cheme bela.
- 54 De Pita teŋe ba nee bojan de ba jo nomoa la dem baah. De o ne soojare baa de daah doonyoa la sogo dee hwene nii.
- 55 Sofonomome ne Juda tena nomonome baa de bol waa dee pa bole la bwa nyin hwene la bwa ta baa che de di waa la bo Yeesu de fee gel ba kpoo kahone,
- 56 dekalkenho nera kerede teŋe nyosone dawee Yeesu ne, ke de ba webagla la aa beŋkpon e.
- 57 Ase baala bane ir de teŋe nyosone ho,
- 58 "Ya noo waa de bol ho wee pagre Korowii Dea no newenyini aa mao noo de bere kpo topera atoro ma onla newenyini aa wola mae."
- 59 De a ge nera no gba webagla la ta beŋkpon ee.
- 60 Belaa Sofore Nomoa la ir che nera la bwa baah ta de boo Yeesu ho, "Ama he ta wobelbwa doe de change waa no baa de bol no belbwa naa?"
- 61 Ase Yeesu to nyoa, o ta wobelbwa change. Ase nomoa la bere booro ho, "Henee Korowii Bie Kristo la waa ho ho wee tomoo ase o ba le yaa la aa?"
- 62 Ase Yeesu ho, "Menee, ke hee na n Nen Bie laanee keno maa soge nomombor Korowii waa e kpogri bwa Doo la dig ta dee ba baamare ta!"

<sup>63</sup>Ase Sɔfore Nomoa la laa o gbagba laala waa doa la pee de ɲɔ, "Bɔkwa dansee yá bere so deɛ nyin jaɔ?"

<sup>64</sup>He ta nenhelwobol waa de bol Korowii noɛ yaa? Eɛɛ he na nɔ?" Ate de ba bwa ɲɔ, "O ɛ wechɔga. Hé kpoo!"

<sup>65</sup>De ba bane ta nentane deɛ ta o ne, ase bane ge kpɔ nɔɔra tɔ o sie deɛ lɔɔro deɛ tɔɔ kande de ɲɔ ó jeme naate waa lɔɔ. Ase soojare baa de daah bela la kpakpaa o lwereme.

<sup>66</sup>Pita ta lɔ dem baah bela, ase Sɔfore Nomoa la tolo bel ba

<sup>67</sup>de ba nao de o de ɲwee nii, de nyiɲu jeiih ken de ɲɔ, "Kɛ he ge fa teɲɛ Yeesu waa le Nasaret la neɛ laɔ?"

<sup>68</sup>Ase Pita tɔh pelepelepele ken, de ɲɔ, "Bɔkwa waa hɛɛ bol nɔɔ? Maa a bini jeme kwara!" Waa bol ge tone la, o kaa dem la doonyoa bɔɔ.

<sup>69</sup>Sɔfore Nomoa tolo la berɔ nao ja de ɲɔ nera baa chege bela la be ɲɔ, "Nera la bini belee baa nɔ!"

<sup>70</sup>Ase Pita bere tɔh ɲɔ waa Yeesu jeme ja. A ta bigre belbwa ase nera baa chege bela la ɲɔ, "Haa won tɔh ɲɔ Yeesu nera la bel laa hen, dekalkeɲɔ Galilia tee hen."

<sup>71</sup>Ase Pita ɲweɛ ɲɔ, "Maa baa nɔ haa de bol o waa nɔ jeme kwara!"

<sup>72</sup>Bug la ta de jabal neɛtena sio, ase Pita lii ge Yeesu aa ɲɔ o be ɲɔ, "Jabala ne sii kera ane de he tɔɔh kera atoro bwa ɲɔ haa men jeme bwa" la. Waa lii a ge waa nɔ la, de o de wi.

## Maak 15

<sup>1</sup>Tɔɔ aa pera chɔmbibi ne la, Sɔfonomonome ne bwɛɛ nomonome ne Tɔn Jerema bwa, Juda tena nomonome baa de nyiɲi ba waa bini la te bwa, chemo de vɔrɔwe Yeesu vɔrɔwa, de vɔrɔwe o nɔɔra, de kpɔɔ ka te Room nomoa waa de nyiɲi bela hare ase baa yero Paelet la.

<sup>2</sup>Belaa Paelet bɔɔro ɲɔ, "Henɛɛ Juda tena kooro ɛ?" Ase Yeesu ɲɔ, "Anee he bol la."

<sup>3</sup>Sɔfonomonome la teɲɛ nyosone dawɛ Yeesu neɛ.

<sup>4</sup>Ase Paelet bɔɔ Yeesu ɲɔ, "He ta wobɛlbwa dɔɛ de bol aa? Haa won change wedamanta nɔ bwa baa kpɔa deɛ dawɛ nɔ bini ane aa?"

<sup>5</sup>Yeesu ta wobɛlbwa change, ase Paelet nyoa kpɔ.

<sup>6</sup>A ge tɔpejen la baa tel aa, wechɔg-ɛɛ te belbwa baa doo dea ase bwɛɛla la ɲɔ bá leo ta la, a che keɲɔ ba leo ta.

<sup>7</sup>A ge saɲ la, nera bane fa vuugi Room nomonome baa de nyiɲi bela hare la de kpoo nera a ge waa la ta. De baa bel baa de yero Barabas ja a ge nera nɔ ne, ase ba do ba bwa dea.

- <sup>8</sup>Ase nenlaa la ba Paelet be de ba ḡo o be ḡo ó le wechog-εera la bel ta, ge baa de ε bena belbwa la.
- <sup>9</sup>Belaa o boo ba ḡo, "N̄ foo Juda tena kooro la ta kee?"
- <sup>10</sup>De o gbabir jemo keḡo boweela waa Sofonomome la che Yeesu nee pεεpeε de kpoo ba o be la.
- <sup>11</sup>Jaah de Sofonomome la do nenlaa la bwa ḡo bá ḡo Barabasee baa nyin, de ḡo Páelet leo ta.
- <sup>12</sup>Belaa Paelet boo ba ḡo, "Aah εree he ḡo n̄ ε baa la haa de yero Juda tena kooro la?"
- <sup>13</sup>Ase ba bwa kpare si ḡo, "Kpaaro pel dagagre ta!"
- <sup>14</sup>Anee Paelet boo ba ḡo, "Eree yo? Bokwa wechoga o ε?" Ate de ba bero kwaa si kohona ḡo, "Kpaaro pel dagagre ta!"
- <sup>15</sup>Paelet aa wola nyin keḡo nenlaa la bwaawee ir o nee la, o le Barabas ta tee ba de gel ba loo Yeesu bamporo ḡweera ne moo de kpoo te ḡo bá ka kpaaro pel dagagre ta.
- <sup>16</sup>Ase soojare la kpoo Yeesu le kaa Paelet dem baah de yere ba bala soojare bwa,
- <sup>17</sup>de kpoo yaswem bel keḡo ba bela kooyal to Yeesu, de kpoo soohne soh koogbere piu,
- <sup>18</sup>de ba de guḡi o sie dee si, "Woowo, Juda tena kooro!"
- <sup>19</sup>Ase ba kpoo chweremi dee cha o nyu, de ta nentane dee ta o ne, dee guḡu hare keḡo baa de ε kooro la.
- <sup>20</sup>Baa mugli o baah tone la, ba laa yaswem la foo o bwara ta, de kpoo o gbagba laala la doo, de kpoo le dee kaa de ka kpaaro pel dagagre ta.
- <sup>21</sup>Baa de kaa la, ba kaa na Sairini baa bel baa de yero Seemon, de o le bobel dee ba. Ba εgro o le Yeesu dagagre la che. De a ge Seemon la biirii Aleksanda ne Rufus.
- <sup>22</sup>Ase ba kpoo Yeesu kaa bela baa de yere Golgota la. Golgota munii Nyuhog Bor.
- <sup>23</sup>Ase ba kpoo teega ane baa de yera mire aa wona dee sooh bwadabii wee nyoa do sen ta de kpoo te Yeesu ḡo ó nyo, ase o veh nyoe.
- <sup>24</sup>Ba foo o laala, de kpaa o noora ne o nakpale pel dagagre ta. De soojare la de nyin Yeesu laala bona, de ta chacha moo de won jeme laala ba belbwa aa di.
- <sup>25</sup>Koola nenyoo sanee ba kpaa Yeesu pel dagagre ta.
- <sup>26</sup>Ba chwere o wechoga waa εa ba koh a waa kpoo la pel o dagagre la ta. A ge waa laanee, |scJUDA TENA KOORO|d.
- <sup>27</sup>Ḋweera banee ba kpaa pel dagagra ta ja Yeesu ne. Bel sage o dig ta, bel ge sage o gal ta.
- <sup>28</sup>Ase waa baa chwera Korowii Ton bini ḡo "Ba yero wechog-εε" la ε kasintey.

- 29 Nera baa kpɔ bela bɔr baa kaa la chegre Yeesu dɛɛ mugli o baah ŋɔ, "Chwa! He nɛn haa pagre Korowii Dea dɛ bere kpɔ tɔpera atoro mao laanee nɔ naa?"
- 30 Lɛ he te dɛ tu hare yá na!"
- 31 Gɛɛ Sɔfonomonome ne Tɔn Jerema la mugli o baah dɔŋa be dɛ ŋɔ, "Ao! Nera gboo o won lɛɛ, kɛ waa won lɛ o te.
- 32 He nɛn haa ŋɔa henee Israel tena kooro Kristo la Korowii aa bage nyoa ŋɔ wɛɛ tomɔɔ áse o ba lɛ yaa la, le dagagre la doa tu hare yá na dɛ won yaradae." Ase ŋwɛera baa kpaa ba pɛl dagagra ta ja o nɛɛ la gee chegro.
- 33 Wee aa baa che nyubaah la, bɔr biro jumaa ken dɛ ka tel wekee saŋ mɔɔ bɔr bere chaah ja.
- 34 Wekee saŋ aa tela la, Yeesu do lɔŋɔ kpegri nɛɛ dɛ ŋɔ, "Eli, Eli, lama sabaktani?" O munii keŋɔ, "N Mɛɛ Korowii, n Mɛɛ Korowii, ɛrɛɛ he chwa mɛ nɔɔ?"
- 35 Nera baa chege bela la aa no ge la, ba ŋɔ, "Na, Elaejaa wɛɛ yere la!"
- 36 Ase bel chwa dɛ ka kpɔ konjɔgɔjɔgɔ waa won nee lɛɛ ka li sennyɛga ta dɛ kpɔ toh daa ta tɛo ó nyɔ, dɛ ŋɔ, "Hé gel ya na, dɛ Elaeja ɛ ba leo dagagre nɔ taa yaa?"
- 37 Belaa Yeesu do lɔŋɔ kohona, ase o doma le o sewɛ.
- 38 Ase yal waa teŋe Korowii Dea baah ta la pere anɛ le nyundua ba ta hare.
- 39 Soojare lafa nomoa waa dɛ daah Yeesu aa na ge Yeesu hweera aa teŋa la, o nyoa kpoo, ase o ŋɔ, "Korowii Biee baa nɔ kpela!"
- 40 Dɛ haahna bane ge chege bojaŋ dɛɛ nyinji. Ba bini banee Mɛere waa le Magdala la, ne Jemsbechala ne Josis nya Mɛere, ne Salome.
- 41 A ge saŋ waa lɔ Galilia hare la, dɛ a ge haahna nɔɔ daa kondikwaa dɛɛ tɛo. Dɛ haahna bane ba faa teŋe o nɛɛ pirim ba Jerusalem la bwa lɔ bela.
- 42 Awola tɔpere la taa baa nyin ba kwaa bwa dɛɛ cheg áse dɛ tɔɔ peraa ba di Ona Tɔpere la.
- 43 Dɛ Josef waa le Arimatea la ɛ ba bela nomonome la bini nɛn nera bwa aa dɛ tɛo duure. O ge dɛ kpa saŋ la Korowii aa di kora dɛ lɛɛ ba la. Awola jɔmɔra la, o lɔ bambile dɛ la Paelet be dɛ ka soŋo ŋɔ ó tɛo ŋwɛnɛ ó ka kpɔ Yeesu lale la.
- 44 Ase a pigri Paelet keŋɔ Yeesu aa dena sewɛ la. Anee o yere soojare lafa nomoa la dɛ bɔɔro ŋɔ, "Yeesu sewɔ kpela aa?"
- 45 Nomoa la aa sɛah ŋɔ Yeesu sewɔ la, Paelet tɛ Josef ŋwɛnɛ ŋɔ ó ka kpɔ o lale la.
- 46 Ase Josef yawɛ yaponɔ dɛ ka laa Yeesu kpɔ dagagre la doa dɛ kpɔ yaponɔ la fɔrɔwo dɛ hugo. Bwe bɔɔ bel baa kwiu keŋɔ dea binii ba hugo, dɛ gbili bwe tɔ bɔɔ la nyoa.
- 47 Mɛere waa le Magdala la ne Josis nya Mɛere na bela baa hugo.

## Maak 16

- <sup>1</sup>Ona Tɔpere la aa gara la, Mɛere waa le Magdala la ne Jems nya Mɛere ne Salome yawɛ tɛɛga ane a sɔɔh aa soma ŋɔ bá fee kpɔ ka fɔgle Yeesu lale la.
- <sup>2</sup>Yawanyoa tɔpelogle chɔɔ ne wee aa dena le la, dɛ ba tel bela baa huge Yeesu la.
- <sup>3</sup>Baa dɛ ba la, dɛ ba dɛ bɔɔ dɔŋa ŋɔ, "Umee dɛɛ ba bwe la gbila le bɔɔ la nyoa tɛ yaa ɔ?"
- <sup>4</sup>Baa ta sie nyinji la, dɛ bwejen la gbilo le bɔɔ la nyoa.
- <sup>5</sup>Baa jo bɔɔ la bini dɛ bonɔɔ bɛl soge o dig pera, dɛ do wurpoŋ, aɛɛ ba bwara yɔr.
- <sup>6</sup>O ŋɔ ba be ŋɔ, "He bɛ gel he bwara yɔr," dɛ bɔɔ ba ŋɔ, "Yeesu waa le Nasaret baa kpaaro pɛl dagagre ta la lalee hɛɛ nyin nɔ naa? O toole bonɔ kpa. Waa sewa la, o iro. Hé na bela baa hugo la.
- <sup>7</sup>Hé la dɛ ka ŋɔ o habɔtenra la ne ba dɔŋ Pita be ŋɔ o dɛ tɔ sie kaa Galilia hare. Belaa hɛɛ ba o nae gɛ o faa bola la."
- <sup>8</sup>Aɛɛ ba nyoa kpo, ba kpɔ bochela chwa le bɔɔ la bini. Baa dɛ kaa la, dɛ ba dɛ ɔmɛ, anomanta ba ta wobɛlbwa bolɛ nomɛlbwa be.
- <sup>9</sup>Yawanyoa tɔpelogle la ta chɔmbibi ne Yeesu aa ir seo ta la, o tɔ sie kpɔ o te bagle Mɛere waa le Magdala la. Yeesu fa doŋi kwaa aa dɛ ir nera nɛɛ anuanɛ gɛ haah nɔ nɛ.
- <sup>10</sup>Mɛere laŋɔ dɛ ka ŋɔ nera ba faa dɛ teŋɛ Yeesu nɛɛ la be waa la waa naa la. Waa la ba be, dɛ ba koh Yeesu seo la waa dɛɛ ɛ lwe dɛɛ wi siniire mermer ken.
- <sup>11</sup>Waa ŋɔ ba be ŋɔ Yeesu berɔ ir seo ta dɛ ŋɔ o te nao la, ba ta on yaradae.
- <sup>12</sup>A habɔɔ la Yeesu berɔ begre o te dɛ ba ba nera banɛ be, dɛ ba le Jerusalem dɛɛ kaa.
- <sup>13</sup>Ba ge aa laŋa ka bol ba bala kabora la be la, ba ta yaradae.
- <sup>14</sup>A habɔɔ la, o kpɔ o te bagle o habɔtenra fi dɛ benkpɔŋ la, dɛ ba dɛ di kwa. O pwaah ba ba yarada nyae ne ba bambikpeg la waa kɛŋɔ baa wola ba bala baa tɔ sie nao la yaradae la.
- <sup>15</sup>Yeesu ŋɔ ba be ŋɔ, "Hé kaa hare ta bobɛlbwa dɛ ka bol Amanesoma la bagle newenyina bwa.
- <sup>16</sup>Nomɛlbwa waa yarada aɛɛ ba sɔɔ nee la, Korowii ɛɛ kpɔ o wechɔgaa keo. Kɛ naate waa wola yaradae la, wɛɛ di bolchɔgee.
- <sup>17</sup>Nera baa yarada n waa la ɛɛ ɛ wejena aɛɛ nera na dɛ jeme kɛŋɔ n neraa ban. Baa do kpegrii dɛ won che n sɔn ta dɛɛ doŋi kwaa aa dɛ ir nera nɛ. Korowii Domadɛɛge ɛɛ ir ba nɛɛ baa bol wobofala.
- <sup>18</sup>Dɛ harekwaa dom ba aa, wobɛlbwa aa ba ɛɛ ba. Dɛ ba nyɔ tɛgchɔga kwara naa, baa sewa ba. Baa wonoo kpɔ ba nɔra dawɛ weela tena nɛɛ bá do bokpega."

<sup>19</sup>Ya Doo Yeesu aa bol waa ba be tone la, Korowii kpoo kaa nyundua, o ka so nomombor o dig ta.

<sup>20</sup>Ase o habotetra la kaa bobelbwa de kaa bol Korowii Waa la. De Korowii teje ba nee ase ba we-eela baa de e la gel nera jeme kenjo ba waa baa bola dee gaage la e kpela.



## Luk

### Luk 1

- <sup>1</sup>Nomoa Teofelɔs, nera warɔ de takapɔ de chwere waa aa chig yabala la bini.
- <sup>2</sup>Ba chwere waa baa noa de le nera baa kpɔ siwi naa mumpar la, de faa ε a toma deɛ bol Korowii Waa la be.
- <sup>3</sup>Nomoa, n gbagba nyinji a ge waa no bini kerede de le mumpar, anomanta n liiro ke aa magroo ke n chwere de bagle a bini ge aa teɲa beɲkpoɲa beɲkpoɲa de tee,
- <sup>4</sup>ase he won jeme waa baa bol he be la bini kasintɛɲ bwa kerede.
- <sup>5</sup>Ge san Herɔd aa ε kooro Judia hare la, de Sɔfo bel lole baa yero Sakaria, ase o ε Abia be pera Sɔfore la bel. De o haah sone Elesabet. De Sɔfore deene la bel biee o ge.
- <sup>6</sup>De ge nera banɛ no bwa ε nendeeɲa ba waa aa su Korowii siwi, baa no Korowii wa, deɛ teɲe a bwa ta kerede.
- <sup>7</sup>Sakaria moo, ba bwa ba hwɛeh, ke de ba ta bie doe, dekalkɛɲɔ de Elesabet ε hambara.
- <sup>8</sup>Awola bel Abia be pera Sɔfore toma telo, ase Sakaria do Korowii Dea deɛ ε o Sɔfo toma.
- <sup>9</sup>Ge Sɔfore yon deɛ ε la, ba ta chacha moɔ de leo ɲɔ ó jo Korowii Dea de ka fuh konsɔɔhsoma.
- <sup>10</sup>O jo bela, ase nenlaa la bwa che buse deɛ soɲe Korowii ase o fuh konsɔɔhsoma la tone.
- <sup>11</sup>Belaa nyundua torome fore le ba Sakaria be Korowii Dea bela de ka che bela waa de fuh konsɔɔhsoma la dig bor.
- <sup>12</sup>Sakaria aa na nyundua torome la la, a eo anebelbwa, ase omee lawɔ.
- <sup>13</sup>Anee nyundua torome la ɲɔ o be ɲɔ, "Sakaria, deɛ bere oma! Korowii no he wesɔɲa. He haah Elesabet ee lole bibaalee tee, ase he pa o son Jon.
- <sup>14</sup>De o lolaa, he bambile ee soɔhnee he sie le, nera sie le pirim, ba hegre.
- <sup>15</sup>Wee ε nenjen Korowii bee. Waa sen kee kwaa aa de deɛ te belbwa nyɔe ba. Waa lo o nya tea bini kwaraa la, Korowii Domadeɛge la de ba o neɛ soga kpegri ne.
- <sup>16</sup>Wee geloo Israel tena chare ba liire de ba N Naa Korowii be.
- <sup>17</sup>Wee do Korowii Domadeɛge ne kpegrii keɲɔ Korowii keame Elaeja ken, de to ya Doo sie, de gel eehnanar ne ba bii nyoa pe, de bere deɲnekpeg tena liire ba nera ba wa aa de su Korowii siwi ɲwene ta. Gee wee ba ee de nyin nera cheg ya Doo, ase o balaa, ba won leo de tomɔ.”
- <sup>18</sup>Belaa Sakaria boɔ nyundua torome la ɲɔ, "Ereɛ he ε n jeme ke ge waa no ε kpela o? Dekalkɛɲɔ n ne n haah bwa hwɛehro.”

- <sup>19</sup>Anee nyundua torome la chaŋo ŋɔ, "Menee Gabreel maa de che Korowii sie la. Onee tom me ŋɔ ń ba bol amanesoma nɔ he be.
- <sup>20</sup>Ke haa wola n waa nɔ yaradae dee tɔŋ me nomanta, hee bere amumuu de ka tel keŋɔ waa nɔ bwa aa ea de e kpela mɔɔ he won bol wa. Jeme keŋɔ waa nɔ maa bola nɔ saŋ telaa, a bwa ee eo kerede ken."
- <sup>21</sup>Ge saŋ Sakaria aa lo Korowii Dea bela la, de nera chege buse dee kpao. A ee ba nyokpoa ke waa bigri bela la.
- <sup>22</sup>Waa le Korowii Dea bela de ba buse la, o ta wone bol waa nera la be. Anomanta ba nao keŋɔ o na komel dea bela. Anee gela waa wola won waa bol de e amumu de kpo nɔra ne nyu dee bagle waa la.
- <sup>23</sup>Sakaria toma aa tone Korowii Dea bela ge saŋ la, o kaa o bwe.
- <sup>24</sup>Waa nɔ haboo la, Sakaria haah Elesabet jo tea de kpo o te soh dem korobie anue.
- <sup>25</sup>Elesabet chege a ge waa nɔ ta, de ŋɔ, "Name te N Naa Korowii laa sihih kpo n sie ta ase n won jo nera bini."
- <sup>26</sup>Elesabet tea la korobie numel ta la, Korowii nyundua torome baa de yero Gabreel la le Korowii be de ba bwee bel baa de yero Nasaret waa lo Galilia hare ta la ta.
- <sup>27</sup>Tolo bel waa wola baa jeme bwa baa yero Meere bee o ba. De Meere de ba baa bel baa de yero Josef yala ge saŋ. Kooro Devid deaa Josef le.
- <sup>28</sup>Nyundua torome la ba Meere be de ba ŋɔ, "Korowii nennyini, jam. N Naa Korowii chege he haboo."
- <sup>29</sup>Waa nyundua torome la aa baa bol Meere be la eo anebelbwa, ase o lii o nyu bini ŋɔ, "Bokwa waa nɔ?"
- <sup>30</sup>Belaa nyundua torome la ŋɔ o be ŋɔ, "Dee bere oma, ke Korowii tee heera.
- <sup>31</sup>Hee kpoŋe tea de lole bibaa ase de pa o son Yeesu.
- <sup>32</sup>Wee e nenjenii, ase baa yero Korowijen Bie. N Naa Korowii de ba on o naa Devid kora la doŋ chega o di.
- <sup>33</sup>Wee e Jekob naanar bwa sekwaraa kooro o kora aa wola jaga doe."
- <sup>34</sup>Anee Meere ŋɔ nyundua torome la be ŋɔ, "Maa wola baa jeme mɔɔ nɔ, erere waa nɔ ee ba ee de won magre o?"
- <sup>35</sup>Belaa nyundua torome la ŋɔ, "Korowii Domadeege ee ba he bee, ase Korowii kpegri to he ne, ase he kpoŋe tea. Anɔ taa aa ba chega bie haa de ba lola la e nenkaih, ase baa yero Korowii Bie.
- <sup>36</sup>Dee no! He lole Elesabet baa de lii keŋɔ o hweehro ŋɔ waa lole la, taraken o jo tea. Korobie anumeele nɔ, ke o ge fe e hambara.
- <sup>37</sup>Na, wobebwa ta Korowii ee tele."

- <sup>38</sup>Anee Mēere n̄, "N Naa Korowiirii d̄o mē, anomanta ó ēē mē gē bwa haa n̄a n̄." Ase nyundua torome la le Mēere be dē kaa.
- <sup>39</sup>A gē waa n̄o ta la, Mēere iro dē kp̄o ȳora chig n̄wene ta ka le Judia bwe hare bobel dē kaa Sakaria bwe,
- <sup>40</sup>dē ka jo Sakaria dem dē ka ch̄o Elesabet.
- <sup>41</sup>Elesabet aa no Mēere taa la, anee bie la aa l̄o o tea bini la l̄o kpegri nē, ase Korowii Domadēge ba so Elesabet nē.
- <sup>42</sup>Belaa o kp̄o takpeg bol waa n̄, "Korowii sweere andēga gwaa haahna bwa, dē swee he bie waa l̄o he tea bini la gē andēga.
- <sup>43</sup>N gee umeo n D̄o nya ēē ba ba ch̄o mē n̄o?
- <sup>44</sup>Bug la ta he wobol aa chole n deŋna ta la, bie waa l̄o n tea bini la den kp̄o silēē nē hegra dē l̄o.
- <sup>45</sup>He na som kē haa no n Naa Korowii wobol dē yarada kēŋo gē waa la ēē eo n̄."
- <sup>46</sup>Anee Mēere n̄, "N dē kp̄eē Korowii n bambile bwa nē.
- <sup>47</sup>N sie lē Korowii waa lēē mē la nē.
- <sup>48</sup>O nyin̄i n gē maga n̄o d̄oŋ maa ē nēŋwēgre n̄o nē, dē gel nomelbwa ēē ba taraken lee dēē bol n waa n̄o n na som,
- <sup>49</sup>dēkalke Korowiijen ē wejena tē mē. O chē duura.
- <sup>50</sup>Nera te bwa baa dē ɔm̄o la, o dē na ba sum, dēē na ba biirere sum, dēē na ba gē biirere nē ba naanar bwa sum.
- <sup>51</sup>O chagle o kpegri dē doŋi nera baa dē lii ba te nējēna la ba pegre.
- <sup>52</sup>O ir kpegnera ba kora ta, dē ḡo nēŋwēgra baa di kpegri.
- <sup>53</sup>O tē nyaara kondēga ba di, dē doŋi d̄oŋna ba kp̄o n̄oŋbagla kaa.
- <sup>54</sup>O lii nyobaga waa bage ya naanar la, dē lawē o Israel tena bini kp̄oŋe wobolbwa ta, dēē sune ba nē
- <sup>55</sup>gē tenten waa bage Abraham nē o naanar kē wēē na ba sumii saŋ belbwa la."
- <sup>56</sup>Belaa Mēere so Elesabet be dē ē korobie atoro m̄o dē kaa o bwe.
- <sup>57</sup>Elesabet lola aa tela la, o lolē bibaa.
- <sup>58</sup>O nera nē o bala aa no gē Korowii aa na o sum dē ē wedēga tēo la, o nē ba bwa sie lēo.
- <sup>59</sup>Bie la aa d̄o yawanyoa la, ba bal̄o n̄o ba ba tēŋe o pen, dē fe ēē nyin ba kp̄o o mēē Sakaria s̄on pao.
- <sup>60</sup>Anee o nya Elesabet n̄, "Akai! A chē kē ya pao J̄on!"

- <sup>61</sup>Belaa ba ɲɔ o be ɲɔ, "Aah, he lole belbwa ta ge sɔn nɔ dii yɔ!"
- <sup>62</sup>Ase ba kpɔ nɔɔra de bagle waa Sakaria be, de bɔɔro sɔn waa de nyin keɲɔ ba kpɔ pa o bie la.
- <sup>63</sup>Belaa Sakaria gel ba nyin dapega teo, ase o chwere o ta de bagle keɲɔ, "Bie la sone Jɔn." Nera baa lo bela la ɲɔ ba ta nyokpowaa nɔ dɔɲa nae bwa.
- <sup>64</sup>Bug la ta la, Sakaria o faa wola won bol waa la nyoa chaarɔ, o won bol wa, deɛ kpɛɛ Korowii keɲɔ waa ε wejena teo la.
- <sup>65</sup>Belaa ɔmee lawe nera baa lo bela la bwa, ase ba kpɔ ge waa nɔ pere Judia bwe hare bwɛere la bwa ta.
- <sup>66</sup>Nomelbwa waa no waa nɔ la, o liira o nyu bini ɲɔ, "Ereɛ ge bie nɔ εε ba doe yɔ?" Ba nao keɲɔ Korowii teɲε bie la nɛ.
- <sup>67</sup>Jɔn mee Sakaria ge la, Korowii Domadεge la baa so o nɛ, ase o won bol waa aa de ba bala kerekere, de ɲɔ,
- <sup>68</sup>"Hε gel ya jam Israel tena Korowii, dekalkεɲɔ o cha o nera de le ya le wahala ta.
- <sup>69</sup>O te yaa nenjen o le o bonɔɔ Devid dea de ɲɔ ɔ ba le yaa.
- <sup>70</sup>O chege o keamere la nɛɛ de bol wubwa
- <sup>71</sup>ɲɔ weɛ le yaa le ya dɔma ne nera baa hah yaa bwa sekwaraa nɔn taa,
- <sup>72</sup>de na ya sum ge waa bage ya naanar nyoa la, de lii o fɔo o ne baa fɔwa la.
- <sup>73</sup>O ne ya naa Abrahamee fɔwe fɔo la, ase o ɲweɛ ntam baglo
- <sup>74</sup>keɲɔ weɛ le yaa le ya dɔma nɔn taa áse ya tomɔ yaa wola ɔmɛ,
- <sup>75</sup>áse ya ε nendεega ne nenkaihre o sie ya soga bini bwa."
- <sup>76</sup>Anee Sakaria bol waa o bie la be ɲɔ, "N bie, baa yerεε Korowiiɲen keamee, dekalkεɲɔ hεε tɔ ya Dɔɔ siee de kwaa bɔr teo áse o ba,
- <sup>77</sup>áse de ɲɔ o nera be ɲɔ, de ba chare ba liire de le ba wechɔga ta naa, weɛ kpɔɔ ke ba de lee ba.
- <sup>78</sup>N Naa Korowii tea aa de dome nen nɛɛ kohona nomanta, weɛ geloo o weɛ εε chaah yaa,
- <sup>79</sup>ase de chaah ya banɔ la yaa lo biro ta deɛ ɔmɛ seo la, de chagle yaa denɲesɔɔhna ɲwɛnɛ."
- <sup>80</sup>Kenii a do ase Jɔn kpeg, de dɔ nomonliire. O soge pua waa ε hɛɲle gbo de ka tel keɲɔ tɔpere waa pa o toma mun Israel tena bini aa tela.

## Luk 2

- <sup>1</sup>A ge saŋ la Room koojen bel baa de yero Ogestas la do mmara ŋo bá kure nera baa lo hare bobelbwa.
- <sup>2</sup>A ge nera kura noo to sie. De Kwirinosii dee nyinji Siiria hare ta a ge saŋ.
- <sup>3</sup>Anomanta de nomelbwa de kaa o bwee de ka chwere o son.
- <sup>4</sup>Anee Josef le Nasaret waa lo Galilia hare ta la, de chig ŋwene ta kaa Betlehem waa e Devid bwee de do Judia hare ta la de ka chwere o son, dekalkenjo belaa e o naa Devid bwe.
- <sup>5</sup>Josef ne Meere ba bwa nera aa seah ŋo ba so la bwaa la Betlehem sɔna chwera la ta. De Meere kpoŋe tea ge saŋ.
- <sup>6</sup>Baa lo bela la, lol loo,
- <sup>7</sup>ase o lole o binyoa, o e bibaa. O kpo yal forowo de kpoo bil kon jagre aa de di kwaa o bini la bini, dekalkenjo de bor toole bela hoohra aa de cho bwee la ta la kwara ba cho.
- <sup>8</sup>A ge saŋ la, de petegra bane tege ba peera kaa dibor, ase bor jo, ase ba cho bela dee daah ba peera la.
- <sup>9</sup>Belaa nyundua torome bel fore le ba ne, ase Korowii jirima chaah bela. Omee lag ba taeh.
- <sup>10</sup>Anee nyundua torome la ŋo ba be ŋo, "Hee bere oma! Amanesoma aa de ba silee ne bala ba te nera bwa la nee n ba.
- <sup>11</sup>Jwaana no ne, ba lole he Lee. He Doo Kristo Korowii aa bage nyoa ŋo wee tomoo o ba le heyaa laanee ba lole Devid bwee la.
- <sup>12</sup>Waa haa che a ta jemoo laanee no: Hee na bie laanee kenjo baa kpo yal forowo o cho kon jagre aa de di kwaa o bini la bini."
- <sup>13</sup>Bug la ta de nyundua toroma bane deno ware de ja ono la ne, de go yela dee kpee Korowii, dee ŋo,
- <sup>14</sup>"He te Korowii waa lo nyundua la son, ase de gel newenyina baa lo hare ta Korowii siwi aa su ba la ge do bosohna."
- <sup>15</sup>Nyundua toroma la aa le petegra la be de kaa nyundua la, ba ŋo donja be ŋo, "He gel ya la Betlehem de ka na waa aa chig bela ase N Naa Korowii che nyundua toroma no nee de ba bol ya be no."
- <sup>16</sup>Ba chig ŋwene ta de la bela warane, de ka na Meere ne Josef, de na bie la ge ke waa cho kon jagre aa de di kwaa o bini la bini.
- <sup>17</sup>Belaa petegra la aa na bie la la, ba bol nera baa cheme bela la be ge nyundua torome la aa baa bol bie la waa ba be la.
- <sup>18</sup>Nera baa cheme bela aa no waa no la, ba bwa nyoa kpo waa petegra la aa bola la ta.
- <sup>19</sup>Ase Meere kpo waa la bwa do o nyu bini dee kari.

- <sup>20</sup>Petegra la berɔ dɛɛ kaa. Gɛ nyundua torome la aa bol ba be la tentenee ba ka na. Anomanta ba go yela dɛɛ kpɛɛ Korowii.
- <sup>21</sup>Bie la aa dɔ yawanyoa la, ba kpɔ kere chɔgɔ, dɛ pa o sɔn Yeesu, gɛ tenten nyundua torome la aa nɔa mɔɔ o nya kponɛ o tea la.
- <sup>22</sup>Tɔpere aa tela kɛnɔ Mɛere sɔ o lola doɲa ta gɛ Mosis Mmara la aa bagla la, o ne Josef kpɔ ba bie Yeesu ja ba nɛɛ dɛ la Korowii Dea Jerusalem dɛ kpɔɔ ka bagle Korowii,
- <sup>23</sup>gɛ Mmara la aa bagla kɛ bie baa tɔ sie lolɔ o ɛ bibaa la, bá kpɔɔ tɛ Korowii la.
- <sup>24</sup>Ba laɲɔ ase dɛ ka ɛ saraha tɛ Korowii gɛ Mmara la aa bagla nɔ bá kpɔ brɔnomare anɛ kɛɛ kulukukure anɛ la Korowii Dea dɛ ka jaamo la.
- <sup>25</sup>A gɛ saɲ la dɛ baa bɛl lɔ Jerusalem baa yerɔ Semeɔn. O ɛ nɛndɛɛge, dɛɛ ɔmɛ Korowii, dɛ o dɛ nyiɲi naate waa dɛ ba ó ba lɛ Israel tena nɲwɛɛ. Dɛ Korowii Domadɛɛge ir o nɛ,
- <sup>26</sup>dɛ gel o jeme kɛnɔ o siwi ɛɛ na Kristo la Korowii aa bage nyoa nɔ wɛɛ tomɔɔ ó ba lɛ Israel tena la mɔɔ dɛ sewɛ.
- <sup>27</sup>Awola la Korowii Domadɛɛge la kpɔ Semeɔn kaa Korowii Dea, ase Josef ne Mɛere gɛ kpɔ Yeesu la bela áse ba ɛo ba we-ɛla gɛ Mmara la aa bagla la.
- <sup>28</sup>Baa joa la, Semeɔn kaa kpɔ Yeesu pɛl o bambile dɛ jam Korowii dɛ kpɛero,
- <sup>29</sup>dɛ nɔ, "N Naa Korowii, he tenɛ he nyobaga ta. Name te hɛɛ wonoo gel men maa ɛ he bonɔɔ sewɛ sɔnɔnɔɔ,
- <sup>30</sup>dɛkalkɛnɔ n siwi na ya Lɛɛ,
- <sup>31</sup>haa leo tɛ yaa nɔ nɛra bwa nao la.
- <sup>32</sup>On dɛɛ ba he waa kpɔɛ dɛ bagle nɛnhɔɔhra, áse he nɛra Israel tena dɔ jirima la."
- <sup>33</sup>Gɛ Semeɔn aa bol Yeesu waa la kpo Yeesu nya ne o mɛɛ nyoa.
- <sup>34</sup>Semeɔn sɔnɛ wedɛɛga tɛ Yeesu nya ne o mɛɛ, dɛ nɔ o nya be nɔ, "Hé no waa nɔ! Bie nɔ chɛgɔ tɛ Israel tena bane kwaara ne bane chɔga. Wɛɛ berɔɔ che tɛ Korowii, ase nɛra bol waa yago,
- <sup>35</sup>ase nomɛlbwa bambile bini waa chɔ baɲ. Gɛ baa dɛ ba o ɛɛ la, aa we he nɛɛ kɛnɔ baa kpɔ kere dɛɛ tɔge he bambile ken."
- <sup>36</sup>A gɛ saɲ la, dɛ luhaah bɛl lɔle dɛ ɛ Korowii keame, baa yerɔ Hana. Dɛ baa bɛl baa dɛ yerɔ Fanoɛl la bihaahnee on, ase o le Aasa dea. Dɛ o hwɛɛhrɔ. O yalɔ o toli saɲ, o ne o jaa so bene anuane ase o jaa la ba sewɛ.
- <sup>37</sup>O ta yale kpa, dɛ ba di bene fifranuatoro dɛ anaare. O ta o Korowii toma kpɔɛ bil hare. Chɔɔ ne jwaana dɛ o lɔ Korowii Dea, dɛ yon dɛɛ vɔwe nyoa dɛɛ sɔnɛ Korowii.



<sup>38</sup>Bug la ta Yeesu nya ne o mɛɛ aa lo Korowii Dea la, Hana ge jo bela de ka che ba jweh, de kpɔ jam ne kpɛera te Korowii, de bol Yeesu waa bagle nera baa soga deɛ kpa Korowii ke ɔ ba le Jerusalem tena ta la.

<sup>39</sup>Josef ne Mɛere aa tona ge Korowii Mmara la aa bagla la, ba berɔ kaa ba bwɛɛ Nasaret waa lo Galilia hare ta la.

<sup>40</sup>Yeesu kpego, de do kpegri, de do liire, ase Korowii chao weɛ ɛ wedɛɛga.

<sup>41</sup>Bena nyoa belbwaa Yeesu nya ne o mɛɛ la Jerusalem de kaa di ba topejen baa de yero Galekaa la.

<sup>42</sup>Ge san Yeesu aa di bene fi de ane la, o ne o nya ne o mɛɛ la Jerusalem de ka di a ge topere la, ge ba yon deɛ ɛ wubwa la.

<sup>43</sup>Baa di topere la tone de bere deɛ kaa ba bwɛɛ la, Yeesu pere o te le ba ne, de ka mun so Jerusalem, de o nya ne mɛɛ ta jeme.

<sup>44</sup>De ba de lii kenɔ o lo nera baa pea deɛ kaa la bini. Anomanta ba valo topebir moɔ de ta kaa nyin o bor ba lolanar ne ba jerema be.

<sup>45</sup>Baa nyin o bor kahone la, ba berɔ la Jerusalem de kaa gaage o bor.

<sup>46</sup>A topetooro wee la, ba kaa nao Korowii Dea, de o ne Juda tena baa de bagle Korowii waa sogo, weɛ no ba wa, deɛ boɔ ba wa.

<sup>47</sup>Nera baa lo bela deɛ no waa la bwa nyoa kpo ge waa jeme waa kohona, ne ge baa de booro waa ase o won deɛ bagle a bini keredɛ la ta.

<sup>48</sup>O nya ne o mɛɛ aa nao la, ba nyoa kpoo, anee o nya booro no, "N bidɛɛge, bokwa waa he ɛ yaa ken? N ne he mɛɛ bwa siwi swɛero, ya kpɔ sibegra deɛ gaage he bor."

<sup>49</sup>Belaa o no ba be no, "Ereɛ he gaage deɛ nyin n bor no? He ta wone jeme kenɔ n Mɛɛ Korowii deemii n do keɛ?"

<sup>50</sup>Waa no ge la, ba ta a mun noɛ.

<sup>51</sup>Belaa Yeesu ir ba chig nwene ta de kaa Nasaret. Waa lo o nya ne o mɛɛ be la, de o de no ba deɣna wa. O nya kpɔ waa la bwa do o nyu bini deɛ kara.

<sup>52</sup>De Yeesu de kpeg deɛ jeme wa, ase o we-ɛɛla ɛɛ le Korowii ne nera sie.

### Luk 3

<sup>1</sup>Ge san Siisa Tibeereos aa di Room kora bene fi de anue la, de Pontoos Paelet ɛ Judia hare nomoa, ase Herod ɛ Galilia hare kooro, ase o do Felep ɛ Ituria ne Trakonaetes kooro. De Laiseenias ɛ Abilini kooro,

<sup>2</sup>ase Anas ne Kaefas ɛ Sofonomonome Jerusalem. Ge sanee Korowii kpɔ o waa do Jon waa ɛ Sakaria bie la nyoa pua waa ɛ heɣle gbo hare ta la,

<sup>3</sup>ase o ir de bol Korowii Waa la bweere aa bar Joordan Moo la bwa ta dee no nomelbwa chare o liire de le o wechoga ta ase ba soo Korowii nee ase Korowii kpo o wechoga keo.

<sup>4</sup>Ge waa noo Korowii keame Aesaya chwere o ton bini no, "Nomel de bol waa takpeg ne pua waa e henle gbo ta de no nera gel ba we-eela togre, de kpo ba te dee kpa ba Doo bala.

<sup>5</sup>Felemboo te belbwa che kenjo he too, de bur dengare ne bwe te belbwa. Dwene belbwa waa gola la che kenjo he togro, de kwaa njwene belbwa boone boonere aa lo o ta o cho kpantalan.

<sup>6</sup>Newenyina bwa ee nao ge lee Korowii aa de ba yaa lee la aa doa."

<sup>7</sup>Belaa Jon no nera baa lea ba o be no o so ba nee la be no, "Nenchoga kenjo harekwaa baa do nii kpo ta ase a le de chwa dee kaa! Umee no he be no hee wonoo chwa le Korowii bandia ta no?"

<sup>8</sup>Hee e waa aa de chagle kenjo he chare he liire le he wechoga ta kpela. He be he hwega kpo do Abraham nee ke o e he nabaa nomanta hee wonoo chwa Korowii bandia. He gel n no he be no, Korowii ee wonoo gel bwea no begre Abraham naanar.

<sup>9</sup>He do kenjo daa. Daa belbwa waa wola nondesga none la, baa tejo ta de fuuh. Gee Korowii ge goo o kpanfe nera baa wola ba liire chare la nee de ba ba tejna ta, de kpo ba do nii ta ba fuh."

<sup>10</sup>Anee nenlaa la aa baro cheme la booro no, "Aah, eree ya eo?"

<sup>11</sup>Ase o chan ba no, "Nomelbwa waa do batakaani bele ane la, o kpo bel te nen waa wola bel doe kwaraa, ase nomelbwa o ge aa do kondikwaa de di la ge e ge tenten."

<sup>12</sup>Belaa lampoo leera baa de bo apoo bane ba no o so ba Korowii ne, de booro no, "Nomoa, eree che kenjo ya eo?"

<sup>13</sup>Anee o chan ba no, "He be suuga le dee gwaa ge aa che kenjo hee le."

<sup>14</sup>Soojare bane ge ba o be de ba booro no, "Ase ya ge seh? Eree che kenjo ya gee eo?" Ase o no ba ge be no, "He be nera egre dee le suuga ba be, de be nomelbwa ge suuga le de to o wechoga ta. He gel he kembaa ee su he siwi."

<sup>15</sup>Nenlaa la hegra den ir waa aa de ba bala la ta, baa lii ba nyu bini kenjo Jon kenii Kristo la Korowii aa bage nyoa no wee tomoo ase o ba le yaa la.

<sup>16</sup>Anomanta Jon no ba be no, "Nee tenten nee mee so heya. Ke nomel ta de ba de gwaa me, maa wola o napaa teera kwaraa do. O te, Korowii Domadesge ne nii nee wee ba heyaa soe.

<sup>17</sup>O do kenjo paa waa chege o pela ta de kpo o te dee ba kwaa pala. Wee pale a bwaa kerede ken, ase de pa do kon ta ka cheg. Ke a pega la te, wee kpo nii aa wola dime bwaa fuah."

<sup>18</sup>Waa Jon aa bola de kpo ja nera de gel baa no Amanesoma la te ta nyoa doe.

<sup>19</sup>Jɔn nɔ Galilia koro Herɔd be nɔ moe waa mo o nime haah Herodeas la, ne wechɔga bwa waa ea ja la ta magre.

<sup>20</sup>Ge waa nɔ Jɔn aa bol o be la nomanta, o gelɔ ba lawɔ do dea de den do anam kwara.

<sup>21</sup>Ge saɲ Jɔn faa de sɔ nera la bwa Korowii nee la, o sɔ Yeesu ge. Yeesu nee sɔe ta, waa de soɲe Korowii la, nyundua pilo,

<sup>22</sup>ase Korowii Domadɛege la tu ba o nɛe de do keɲɔ brɔnoma, ase ba no taa bel nyundua keɲɔ, "Henee n bie maa de nyin he wa, he waa ee su n siwi."

<sup>23</sup>Ge saɲ Yeesu aa pa mun dɛe e o toma la, de o di bene de e fifraatoro, de nera de lii keɲɔ Josef biee. Josef ge mɛee Heli, Heli ge mɛee Matat, Matat ge mɛee Lewi, Lewi ge mɛee Melke, Melke ge mɛee Janai, ase Janai la ge mɛee Josef. Josef ge mɛee Matateas, Matateas ge mɛee Emɔs, Emɔs ge mɛee Neehum, Neehum ge mɛee Esli, Esli ge mɛee Nagae, ase Nagae la ge mɛee Maat. Maat ge mɛee Matateas, Matateas ge mɛee Semein, Semein ge mɛee Josek, Josek ge mɛee Jɔda, Jɔda ge mɛee Jɔhanan, ase Jɔhanan la ge mɛee Risa. Risa ge mɛee Serubabel, Serubabel ge mɛee Sealteel, Sealteel ge mɛee Nere, Nere ge mɛee Melke, Melke ge mɛee Adi, ase Adi la ge mɛee Kosam. Kosam ge mɛee Elmadam, Elmadam ge mɛee Er, Er ge mɛee Josua, Josua ge mɛee Eliesa, Eliesa ge mɛee Jorim, ase Jorim la ge mɛee Matat. Matat ge mɛee Lewi, Lewi ge mɛee Semeɔn, Semeɔn ge mɛee Judas, Judas ge mɛee Josef, Josef ge mɛee Jonam, ase Jonam la ge mɛee Eliakim. Eliakim ge mɛee Melea, Melea ge mɛee Mena, Mena ge mɛee Matata, Matata ge mɛee Netan, Netan ge mɛee Devid, ase Devid la ge mɛee Jese. Jese ge mɛee Obɛd, Obɛd ge mɛee Boas, Boas ge mɛee Sala, Sala ge mɛee Naason, Naason ge mɛee Aminadab, ase Aminadab la ge mɛee Admin. Admin ge mɛee Aani, Aani ge mɛee Hesron, Hesron ge mɛee Peres, Peres ge mɛee Juda, Juda ge mɛee Jekɔb, ase Jekɔb la ge mɛee Aesek. Aesek ge mɛee Abraham, Abraham ge mɛee Teera, Teera ge mɛee Neehɔ, Neehɔ ge mɛee Serɔg, Serɔg ge mɛee Reu, ase Reu la ge mɛee Peleg. Peleg ge mɛee Iba, Iba ge mɛee Sala, Sala ge mɛee Keinan, Keinan ge mɛee Afaksad, Afaksad ge mɛee Sem, ase Sem la ge mɛee Nowa. Nowa ge mɛee Lamɛk, Lamɛk ge mɛee Metusala, Metusala ge mɛee Inɔk, Inɔk ge mɛee Jared, Jared ge mɛee Mahalalel, ase Mahalalel la ge mɛee Keinan. Keinan ge mɛee Enos, Enos ge mɛee Set, Set ge mɛee Adam, ase Korowiirii ge ta Adam.

#### Luk 4

<sup>1</sup>Yeesu aa le o Korowii nee sɔe la bɔr dɛe kaa dem la, Korowii Domadɛege la ir o ne, de kpɔɔ kaa pua waa e henle gbo ta, ase o ka do bela tɔpera fifraanaare.

<sup>2</sup>Ase Bɔnsam ka daahno na a ge tɔpera nɔ ta. De waa komelbwa di, anomanta a habɔɔ la, de lor lawɔ.

<sup>3</sup>Bela la, Bɔnsam nɔ o be nɔ, "De henee Korowii Bie la kpela aa, gel bwe nɔ bere paanoo he di."

<sup>4</sup>Anee Yeesu chaɲo nɔ, "Korowii Tɔn baglo nɔ, 'Kondikwaa gbo laa dɛe te nen mkpa.'"

- <sup>5</sup>Ase Bɔnsam bere kpɔ ka cheg bobel keɲɔ bwejeɲ bel doa ken, de ka kpɔ hare no bobelbwa baa de di kora gale o sie ta,
- <sup>6</sup>de ɲɔ o be ɲɔ, "De he kpɔ duure te me naa, mee kpɔ a kpegri ne a kondɔɔh bwaa tee, dekalkɛɲɔ a bwa sekwaraa lo n non ta. Nen maa de nyin laanee n kpɔ dee te.
- <sup>7</sup>De he kpɔ duure te me naa, a bwa de ba he kwaa ee, he di a kpegri."
- <sup>8</sup>Anee Yeesu ɲɔ o be ɲɔ, "Korowii Tɔn baglo ɲɔ, 'Dee duu N Naa Korowii dee tome o gbo.' "
- <sup>9</sup>Belaa Bɔnsam kpɔ kaa Jerusalem, de kpɔ ka cheg Korowii Dea nyundujagla, de ɲɔ o be ɲɔ, "De henee Korowii Bie la kpela aa, che bono de jah le hare,
- <sup>10</sup>dekalkɛɲɔ Korowii Tɔn baglo ɲɔ, 'Korowii ee geloo o nyundua toroma ee nyinji he nee keredɛ.
- <sup>11</sup>Baa lawee haa wola nakpala kwaraa lo.' "
- <sup>12</sup>Anee Yeesu chaɲo ɲɔ, "Korowii Tɔn baglo ɲɔ, 'Be N Naa Korowii daah na.' "
- <sup>13</sup>Bɔnsam aa daah Yeesu ɲwene belbwa ta ke o fe e wechɔga de kahone la, o gelo de kaa tama mo.
- <sup>14</sup>De Korowii Domadɛɛge kpegri lo Yeesu ne, ase o bere la Galilia hare. Belaa o waa pere baah bela bwere la bwa ta.
- <sup>15</sup>O la ba cheremi deene bini de ka bol Korowii Waa nera be, ba bwa kperero.
- <sup>16</sup>Ase o ba Nasaret bela baa deero la ase, ge o yon dee e Ona Tɔpere belbwa la, o la cheremi dea, de ir che ɲɔ o kure Korowii Tɔn la.
- <sup>17</sup>Ase ba kpɔ Korowii keame Aesaya tɔn la ba do o non ta. O pili tɔn la, de na bela baa chwera ɲɔ,
- <sup>18</sup>"Korowii Domadɛɛge la ir n ne, de lee me ɲɔ n ba bol amanesoma bagle nyaara, de ɲɔ nera baa do ba dea la be ɲɔ ba Lee balo, de gel nyonja sibie pili ba won dee na, de le nera baa de ee ba hohorowa la ba doma non ta,
- <sup>19</sup>ase de gel nera bwa jeme ke tɔpere ya Doo aa de ba o nera lee la telo."
- <sup>20</sup>Yeesu kure tɔn la tone de laa to, de kpɔ do nen waa de nyinji cheremi dea bela la non ta, de so hare. Ase nera baa lo cheremi dea bela la bwa kpɔ sie pa o nee dee nyinju fuu ken.
- <sup>21</sup>O berɔ ɲɔ ba be ɲɔ, "Fini, waa haa noa le Korowii Tɔn bini no chigo ge Korowii aa bola ɲɔ aa eo la."
- <sup>22</sup>Belaa nera la bwa kperero. Ba nyoa kpo ge o nyoa ne wobol aa soma la, ase ba ɲɔ, "Josef bie la laa no naa?"
- <sup>23</sup>Anee Yeesu ɲɔ ba be ɲɔ, "N jemo keɲɔ hɛɛ seg mee ɲɔ, 'Tɛɛga te, chah he te. Ge yaa noa ke he e Kapeeneom la, e ane he gbagba bwɛɛ bono ge.' "

- <sup>24</sup>De ɲɔ ba be ɲɔ, "Kasintɛɲ, n de ɲɔ he be ke Korowii keame ta sɔn dɔe o gbagba bwe.
- <sup>25</sup>Ge saɲ Korowii keame Elaeja faa lole hwel che bene atoro korobie anumɛl bwaala aa wola ne ase lor chole hare la bwa ta la, de luhaahna warɔ de do Israel tena bini,
- <sup>26</sup>ke Korowii ta Elaeja tome ba bini belbwa be. Luhaah bel waa lo Sidon hare bwɛɛ bel baa yerɔ Sarepta la gbo bee o tomɔ.
- <sup>27</sup>Ge saɲ Korowii keame Elaesa faa lole la, de Israel tena weechɔga ane aa chɔg ba bwadabii warɔ. Ke o ta ba belbwa chaeh. Siiria hare baa bel baa de yerɔ Naaman la gboo o chah."
- <sup>28</sup>Nera baa lo cheremi dea bela la aa no waa no la, de bwaawee lag ba.
- <sup>29</sup>De ba bwɛɛ la chɔɲɛ bwe ta. Ba iro de tegre Yeesu le bwɛɛ la ta, de kpɔɔ ka che bwe la doa bobel waa wila su, de fee tagɔ ta, áse o nyu ba yage hare.
- <sup>30</sup>Anee o vale jo nera la baah de vale o tetoora kaa.
- <sup>31</sup>Yeesu la Galilia hare bwɛɛ bel baa de yerɔ Kapeeneom la ta, de kaa bag ba Korowii Waa Ona Tɔpera ta,
- <sup>32</sup>ase ge waa de bagle Korowii Waa la e ba bwa nyokpoa, dekalkeɲɔ de o de bol waa kpegri ne.
- <sup>33</sup>Cheremi dea bela la, de baa bel lo bela, kwaa ee ir o ne, ase o do loɲɔ ɲɔ,
- <sup>34</sup>"Aa! Yeesu Nasaret te, bokwaa hee nyin ya be no? Ya chɔgaa he ba kee? N jeme he nensoo. Henee Korowii bikaih la waa ɲɔa ɲɔ o de ba bala la."
- <sup>35</sup>Anee Yeesu kor kwaa la aa lo baa la nee la ɲɔ, "Hé tɔ nyoa de le o ne!" Belaa a lo baa la bil nera la siwi ta. A ta on wobelbwa ee, de le o nee de kaa.
- <sup>36</sup>Nera baa lo bela la bwa nyoa kpoo, ba ɲɔ dɔɲa be ɲɔ, "Bokwa waa noo! Hé na ge baa no aa kpɔ kpegri bol waa bagle kwaa aa de ir nera nee ase a kaa!"
- <sup>37</sup>Anomanta Yeesu waa pere baah bela bwɛere la bwa ta.
- <sup>38</sup>Yeesu le cheremi dea bela de la Seemɔn dem, de Seemɔn helahaah bwara wɔrɔbɔ tenten, ase ba bol o waa Yeesu be ɲɔ ó chaoh.
- <sup>39</sup>Belaa o la weela te la be o chɔɔbɔr, de ka che o jweh, de kor o weela la, ase a le o ne, o do bokpega bug la ta de nyin ba.
- <sup>40</sup>Wee aa de jo la, nera baa do chamenetena baa we weela bwa soosiwi la kpɔ ba ba Yeesu be, ase o kpɔ o noora dawɛ ba nee de chah ba bwa sekwaraa.
- <sup>41</sup>Kwaa aa de ir nera nee la le ba nee pirim. Aa de le de a de dooge loɲɔre dee ɲɔ, "Henee Korowii Bie la!" Yeesu kah kwaa la, o ta gele a bol wa, dekalkeɲɔ a jemo keɲɔ onee Kristo la Korowii aa bage nyoa ɲɔ wee tomɔ ó ba le o nera la.

<sup>42</sup>Bɔr aa de chaah la, Yeesu le bwɛɛ la ta de ka so bela nomɛlbwa aa wola toole. De nera iro dɛɛ nyin o bɔr. Baa nao la, ba ta on nɔwene tɛɛ ke o kaa bobɛlbwa, de nɔ o be nɔ bɔ ne o so.

<sup>43</sup>Anee o nɔ ba be nɔ, "A che kenɔ n bol Korowii Kora Amanesoma la bwɛere ane ge ta, de kalkenɔ ane Korowii tom me nɔ n ba ɛ."

<sup>44</sup>Anomanta o valɔ dɛɛ bol Amanesoma la dɛɛ bagle nera cheremi deene bini Judia hare bwa.

## Luk 5

<sup>1</sup>Awola bel de Yeesu chege Genesaret Moo la nyoa, ase nenlaa bane ba baro cheme, de tage dɔɔa dɛɛ ba o be de ba no Korowii Waa waa de bol la.

<sup>2</sup>Yeesu na gbeni ane ane nera bane baa de ɛ nee toma aa lawa vɔwe de le kaa chege ba asauri.

<sup>3</sup>Belaa o ka jo gbera la bel bini. De Seemɔn konee. O nɔ Seemɔn be nɔ o tage gbera la do tama. Anee o tage do tama, ase Yeesu so o bini de bol waa bagle nenlaa la.

<sup>4</sup>Waa bol waa bagle nera la tone la, o nɔ Seemɔn be nɔ, "Hɛ ne he bala la pa he asauri la do gbera no bini de ege do baah ta de ka ta."

<sup>5</sup>Anee Seemɔn nɔ, "E! N Dɔɔ, jwaana ne bwaa ya le ta asauri no, ya ta komɛlbwa dɔe. Ke haa dɔa nɔ ge no te naa, mee geloo ya ka ta."

<sup>6</sup>Baa tage gbera la do nebaah ta la, ba kaa ta asau la bɔle pejedamanta ane ne, ase weɛ ba keera.

<sup>7</sup>Anomanta ba laa non ir ba bala bane ba ne baa de ɛ tonsiwi benkpon de do gbera bel bini la nɔ bɔ ba, ase ba ba de ba cha ba, de tegre peɔa la do gbeni ane la bwa bini a su de fe ɛ nyin de more.

<sup>8</sup>Seemɔn Pita aa na a ge waa no la, o kaa gunji Yeesu sie de nɔ, "Oo, n Dɔɔ, wechɔgeere men! N poori, le n be."

<sup>9</sup>Pejedamanta Seemɔn ne nera baa ja o neɛ la aa dɔa la ɛ ba bwa nyokpoa.

<sup>10</sup>Ge tenteneɛ a ɛ ba bala Sebedii bii Jon ne Jems la nyokpoa. Belaa Yeesu nɔ Seemɔn be nɔ, "Dɛɛ bere ɔma. Le fini dɛɛ kaa, heɛ gel peɔa nyinaa de baa teɔe n ne, ase n bagle heyaa ge baa nyin nera baa te Korowii."

<sup>11</sup>Baa tawe ba gbeni la ba chuge de lawa vɔrɔwe la, ba gel wobɛlbwa dɛɛ teɔe Yeesu ne.

<sup>12</sup>Awola bel de Yeesu lo bwɛɛ bel ta, de baa bel lo bela ase weechɔga ɛ o bwara bwa. Waa na Yeesu la, o baa gunji o sie de soɔo nɔ, "N Dɔɔ, de he seoh nɔ heɛ chaah mee yaa, heɛ wonoo gel n bwara kwaa."

<sup>13</sup>Anee Yeesu ter non lego, de nɔ, "N seoh. He bwara kwaarɔ." Bug la ta de o weela la deno le o ne, o bwara kwaa.



- 14 Ase Yeesu kaoh ηο, "Be nomelbwa be ηο, ke la Sofo be o ka pene, ase he kpo kwaa ka teo o kpo, ge Mosis aa bagla la, ase nera bwa na de jeme ke he weela la toole he nee kpa."
- 15 Waa ηο o be ηο o be nomelbwa be ηο la, name tenee a e anam. Yeesu waa pero kohona, ase nera ee ba o be pirim de baa no o waa la, wee chah ba weela.
- 16 De ba de ba o be ge naa, gee o yon laa o te kpo ba bini de kaa bela nomelbwa aa wola toole de kaa soje Korowii.
- 17 Awola bel de Yeesu de bagle nera Korowii Wa, ase Farisii tena bane ne Ton Jerema baa le Galilia hare ne Judia hare bwere la bwa ta ne Jerusalem ba de ba so bela, de Korowii teo kpegri ase wee chah weela tena.
- 18 Belaa baala bane che baa bel waa kuuga ne o kalan ba, ase de fe ee nyin bor de kpo jo dem bela Yeesu aa lole la de kpo ka bil o sie.
- 19 Bor aa fara la, ba ta wone kpo baa la ba o be, anee ba teeh dea la de ka fore sal la bela Yeesu aa chega la de kpo baa la ne o kalan waa cho o ta la de che bela kpo bil Yeesu sie nera la baah ta.
- 20 Yeesu aa na ge baa yaradao la, o ηο baa la waa kuuga la be ηο, "Baa, n kpo he wechoga kee."
- 21 Ase Ton Jerema la ne Farisii tena baa soge bela la lii ba nyu bini ηο, "Eree o do dee bol nenhelwaa ge no? De Korowii laa aa, umee de won kpo nen wechoga keo wo?"
- 22 Yeesu aa na waa baa de lii la, o bo ba ηο, "Eree hee lii ge waa no no?"
- 23 Maa ηο o be ηο n kpo o wechoga keo no, ne kenjo maa ηο o be ηο o ir de vale, a bini umee kpega o?
- 24 Mee chagle heyaa kenjo n Nen Bie do kpegri hare no ta ke n kpo nera wechoga ke ba." Waa ηο ge la, o ηο weela te la be ηο, "Men ηο he be, ir de kpo he kalan kaa dem!"
- 25 Ase baa la ir bug la ta de kpo o kalan nera la bwa siwi ta bela, de kpee Korowii dee kaa.
- 26 Yeesu aa e ge la, nera la bwa nyoa kpoo, ome lag ba, ase baa kpee Korowii dee ηο, "Bokwa nyokpowaa ya na fini ken?"
- 27 Ano haboo la, Yeesu valo baa kaa de na lampoo lee bel kenjo waa soge o toma ta dee le lampoo. De o sone Lewi. Yeesu aa nao la, o ηο o be ηο, "Ir ba teje n ne."
- 28 Anee Lewi gel wobelbwa de ir teje o ne.
- 29 Lewi gelo ba e kondikonjena o dem de hoo Yeesu, ase o ne Yeesu ne lampoo leera pirim ne nera bane ka so dee di kwaa la.
- 30 Belaa Farisii tena ne ba bini Ton Jerema la pwah o habotenra la ηο, "Eree he ne lampoo leera baa de bo nera apoo ne wechog-eeera pe dee di kwaa no?"

- <sup>31</sup>Yeesu aa no ge waa no la o no ba be no, "Weela tenaa dee gaage teega te bor, bokpega tena laa."
- <sup>32</sup>De no, "Nera baa de lii ba te nendeege waa laa n ba. Wechog-eera waa n ba ase ba chare ba liire."
- <sup>33</sup>Ase ba booro no, "Ere waa Jon habotengra la ne Farisii tena la yon vowe nyoa dee sonje Korowii, ase he habotengra no te aa wola ge e no?"
- <sup>34</sup>Anee Yeesu seg ba de no, "Baa laa doo kpo hanfale de yere o daamanar no ba ba ba le ba sie no, baa beroo so lor aa? Baa loree so."
- <sup>35</sup>Ke topere bel ee bao kenjo baa lawe men hanfale jaa laanee le ba bini. Ge sanj la te, baa vowe nyoaa."
- <sup>36</sup>Belaa o bere seg ba no, "Baa yafale mone de kpo dee to yabene bo. De he e ge naa, de he chog onfale la, o ne ombene la ge aa donaa le."
- <sup>37</sup>Yeesu beroo no, "Baa senfala kpo dee do lonbena aa kohna bini dee to a nyoa. De he e ge naa, senfala la baa peraa, aa do kpegrii de pere lonja la a chog, ase sen la fuge."
- <sup>38</sup>Senfala che lonfala.
- <sup>39</sup>Nomelbwa aa sen aa peraa nyo de bere kaa nyin ano la aa wola pere bor kpa, dekalke ampera la wer teo."

## Luk 6

- <sup>1</sup>Awola Ona Topere bel, Yeesu ne o habotengra kpo mea koo bel ta, ase o habotengra la kuugi mea la ane de foga dee chwe.
- <sup>2</sup>Baa de e ge la, Farisii tena bane na de bo ba no, "Ere ee hee e toma dee to ya Ona Topere mmara no?"
- <sup>3</sup>Belaa Yeesu no, "He ta ge ya naa Devid aa ea sanj la lor aa de kpo o ne nera baa ja o nee la kure kee?"
- <sup>4</sup>O la Korowii Dea de ka di paanoo aa e Korowii kwa, nomelbwa fe aa wola nwene doe ke o di atane ke Sofore gbo la. O diu, de te o nera ge ba di."
- <sup>5</sup>Anee Yeesu no, "N Nen Bie laanee do Ona Topere kpegrii."
- <sup>6</sup>Awola Ona Topere bel, Yeesu la cheremi dea de ka bagle wa. De baa bel lo bela, ase o nondig sewe.
- <sup>7</sup>De Ton Jerema ne Farisii tena lole dee nyinji Yeesu ke wee chah baa laanee Ona Topere la ta, ase ba do o waa de bol.
- <sup>8</sup>De Yeesu te jeme waa baa de lii, anee o yere baa la o nondig aa sewa la, de no o ir ba che ba sie. Ase o ir de ba che ba sie.

<sup>9</sup>Anee Yeesu nɔ ba be nɔ, "N de bɔɔ heya. Eɛe Korowii Waa la eɛ bagle yaa nɔ yaa e Ona Tɔpere ta laɔ? Dɛ a e a nɔwene ta ke yaa e nera wedeega kee ya fig baɔ? A e a nɔwene ta ke ya le nera mkpa kee ya chɔg baɔ?"

<sup>10</sup>Yeesu nyinji nera la bwa, ase de nɔ baa la be nɔ o ter o non. Waa ter o non la, de o non la berɔ do kpegri.

<sup>11</sup>Belaa Tɔn Jerema la ne Farisii tena la baah di baa bol dɔɔa be ge aa che ke ba e Yeesu.

<sup>12</sup>Yeesu aa le bela la, o la dengare bel ta bela nomelbwa aa wola toole, de ka do bela dee soɔe Korowii jwaana la bwa.

<sup>13</sup>Tɔ aa pera la, o yere o habɔtenra la, ase de kpɔ ba bini fi de bane de nɔ o toromaa ban.

<sup>14</sup>O kpɔ Seemɔn waa pao Pita la, ne Pita nime Andriu, de Jems ne Jɔn ne Felep ne Batolomeo,

<sup>15</sup>de kpɔ Maatiu ne Tɔmas ne Alfeɔs bie Jems, de Seemɔn baa de yerɔ Selɔt la,

<sup>16</sup>de kpɔ Jems bie Judas ne Judas Eskareɔt waa leo te ba kpoo la.

<sup>17</sup>Waa kpɔ o toroma la tone la, o ne ba le dengare la doa dee tu hare, de ba pu o habɔtenra la bane, ase o ne ba che bobel waa chɔ hare. Ba warɔ pirim de le Judia hare, ne Jerusalem, ne mpo nyoa bwere baa de yera Taaya ne Sidon,

<sup>18</sup>de ba o be de ba no o wa, ase o chaah ba weela. Nera kwaa aa de ir ba nee a e ba weela bwa ba bela, ase o dɔɔa ta ba.

<sup>19</sup>De nera la bwa siwi swereɔ baa nyin de lego, dekalkenɔ kpegri bel le o bini dee chah ba bwa.

<sup>20</sup>Yeesu nyinji o habɔtenra la, de nɔ, "He nera haa e nyaara la, he na som, dekalkɛ heyaa dee ba Korowii koobii eɛ.

<sup>21</sup>He banɔ la lor aa de kpo heyaa taraken la, he na som, dekalkenɔ hee ba vagɔɔ. He banɔ la haa de wi taraken la, he na som, dekalkɛ hee ba mamɔɔ.

<sup>22</sup>De nera koh n Nen Bie nɔ waa de hah heya, de veh heya, de chegre heya, de yere he sɔnchɔge aa, he na som.

<sup>23</sup>De a ba ge naa, he gel he sie le kohona ase he hegre, dekalkɛ he kembɔr warɔ taeh Korowii be. Ge tentenee ba naanar e Korowii keamere ba faa lole la.

<sup>24</sup>He banɔ la haa e kondɔɔhna la, he bweele! He silɛe bwaa hee na la.

<sup>25</sup>He banɔ nɔ haa vagra taraken nɔ, he bweele! Lor e ba kpo heyaa taeh. He banɔ nɔ haa de mame taraken nɔ, he bweele! Hee ba wiu.

<sup>26</sup>He banɔ la nera aa de bol he bwara wedeega nɔ, he bweele! Ge tentenee ba naanar kpee keamechɔga baa wola Korowii nyoa waa bole la.

- 27" He bano la haa de no n waa no, n de no he be no hee nyin he doma wa, dee ee ba wedeega.
- 28 He swee andeega dee te bano la baa de taah heya, de soje Korowii dee te bano la baa de e heyaa wechoga la ge.
- 29 De nomel kpaa he lweema aa, bere banj bel ge teo o kpaa ja. De nomel le he yal he be naa, kpo he batakaare ge jao.
- 30 De nomel soje komel aa, teo. De nomel kpo he komel aa, be o be le kpa.
- 31 Ge haa de nyin ke nera e dee te heyaa la, he ge e ge tenten dee tee ba.
- 32 "De he de nyin nera baa de nyin he waa gbo aa, de he wedeega haa de e a gwaa la, anee ameo? Wechog-eeera gba de nyin nera baa de nyin ba wa.
- 33 De he e wedeega dee te nera baa de e heyaa wedeega gbo aa, de he che jam aa? Wechog-eeera gba aa ge ea?
- 34 De nera baa de bo heyaa gboo hee keme kwaa aa, bokwa kemboree hee ba doe yo? Wechog-eeera gba de keme ba bala wechog-eeera kwa, ase ba baa do aa, ba bo ba.
- 35 Hee nyin he doma wa, de e wedeega dee tee ba. He de keme nera kwaa aa, he be a lee waa dee lii. De he de e ge naa, anee hee ba kembor doe kohona de e he Mee waa lo nyundua la bii. O te de nyini wechog-eeera ne boniaye tena bwa.
- 36 Hee sune nera ne, ge he Mee waa lo nyundua la aa de sune nera nee la.
- 37 "He be donja dee pwah, ase Korowii ge be heyaa pwah. He be donja bolchoge dee pa, ase Korowii ge be heyaa bolchoge pa. He kpo he donja wechoga dee ke ba, ase Korowii ge kpo he wechoga dee ke heya.
- 38 Hee te donja kwa, ase Korowii gee te heyaa a do kan kohona. Korowii de ba he tee yaa, wee magaa, de jwiira, de egra a jo kerede de su porrr ken dee ta. Kon haa kpaa mage kwaa te he donj la tentenee baa ba kpoe mage te he ge."
- 39 Yeesu beru seg ba no, "Nyone ee wonoo lawe o donj nyone daa a magre aa? Ba bwa aa bo taa ka le de chogli aa?
- 40 Nen waa de hweli toma la ta o doo gwaale, ke de o doo hweli toma de jeme tone kwaraa naa, o ne o doo e kerede.
- 41 "Ere hee bol he donj wechoga tama waa haa wola he te wechogdamanta waa dawo noo?
- 42 A do kenjo dabor aa lo he siwi ta haa wola on kpoe, de no he donj be no, 'N dam, gel n laa dapugri kpo he siwi ta.' Nera haa nyini nera sie moo dee e waa la! To sie laa dabor la kpo he siwi ta moo de won na kerede de laa dapugri waa lo he donj siwi ta la kpo.
- 43 "Dadeege aa won none nonchoga, gee dachoge ge aa wola won none nondagea.
- 44 Daa belbwa nona waa nona la taa ba che dee jemo. Sooh da aa pur nona none, gee kontromoo ge aa wola lomporo none.

<sup>45</sup>Nendæege wedæega ɛɛ taa a che baa jeme wedæega aa lo o bambile bini. Gæe ba che nenchoge ge wechoga ɛɛ ta dæe jeme wechoga damanta aa lo o bambile bini, dækalke waa aa lo nen bambile ta laanee o nyoa ɛɛ bol.

<sup>46</sup>"Ere waa hæe yer me he doo, haa wola waa maa de bol he be ɛ noo?"

<sup>47</sup>Nomelbwa waa de ba n be de baa no n waa no dæe ea la, mæe chagle heyaa ge waa doa.

<sup>48</sup>Naate do keŋo nen waa de ba o dea doe, de kwi o mun pae boo ka jage bwetal ta moo de ma dea la. Ase nee pale ba jo dea la mun, o ta chole, dækalke o doo keræde.

<sup>49</sup>Nomelbwa ge waa no n waa no, waa wola ge aa bagla la ɛ la, o do keŋo nen waa do o dea, o ta o mun pae boo kwii ka jage bwetal ta moo de den doo la, ase nee aa pala ba jo dea la mun ta la, o chole de chog kwaraa."

## Luk 7

<sup>1</sup>Yeesu aa bol a ge waa no bwa bagle nera la tone la, o le bela de kaa Kapeeneom.

<sup>2</sup>De Room sooja nomoa bel lo bela de do bonoo bel dæe nyin o waa keræde. De bonoo la bwara de weo, a ka jæe ken o sewe.

<sup>3</sup>Sooja nomoa la aa no Yeesu waa la, o tome Juda tena nomonome bane ŋo bá ka sojo o ba chah o bonoo la teo.

<sup>4</sup>Baa la Yeesu be la, ba sojo kohona ŋo ó ba chah nomoa la bonoo la teo, de ŋo o be ŋo, "A wer keŋo he cha nomoa no,

<sup>5</sup>dækalke o de nyin ya Juda tena wa, hale o do cheremi dea te yaa kwara."

<sup>6</sup>Baa ŋo ge la, Yeesu iro, o ne baa kaa. Aa ka tama o tel dem bela la, sooja nomoa la tome o daamanar o be ŋo bá ba ŋo o be ŋo o ta chæe ke Yeesu ba o dem, anomanta o be o te koh,

<sup>7</sup>de ŋo o gbagba ge ta chæe keŋo o ba Yeesu be. Ke Yeesu bol waa waa ba o dem de ba bol la áse o bonoo la gbanre.

<sup>8</sup>O bol ŋo, "N ɛ nen maa lo nomonome bane lɔga, de do sojare ba do n ge lɔga. Mæe wonoo ŋo bel be ŋo, 'Ba,' o ba, de bere ŋo onfale be, 'Kaa,' o ge kaa. Mæe wonoo ŋo n bonoo be ŋo, 'E ken te me,' ase o ɛ."

<sup>9</sup>Yeesu aa no waa no la, o nyoa kpoo yarada waa yaradao la wa, ase o bere haboo de ŋo nenlaa baa teŋe o nee la be ŋo, "Kasinteŋ, n ta nen waa yarada me ken nae bwa. N ta o yarada doŋ nae Israel tena kwaraa bini."

<sup>10</sup>Belaa nera sooja nomoa la aa tom ba la bere kaa o be. Baa tel o dem la, ba nao keŋo o bonoo la gbanro.

<sup>11</sup>Aa ɛ tama la, Yeesu leo dæe kaa bwæe bel baa de yero Neen la ta. Waa de kaa la, de o haboteŋra ne nenlaa bane ja o ne.

- 12Waa dena dɛɛ tel bwɛɛ la ta la, dɛ ba chegɛ baa bel waa sewa dɛɛ kaa ka huge. Dɛ gɛ nen waa sewa la ɛ luhaah bel bibɛŋkpoŋ waa dɔa. Dɛ bwɛɛ la tena bane tɛŋɛ luhaah la nɛɛ pirim.
- 13Belaa Yeesu aa na haah la la, o waa do o sum, asɛ o ŋɔ o be ŋɔ, "Dɛɛ berɛ wii."
- 14Waa ŋɔ gɛ la, o kaa lege lale la baa fɔrowo la, asɛ nɛra baa chegɔɔ la jage che bobɛŋkpoŋ, asɛ o ŋɔ, "Bonɔɔ, n ŋɔ hɛ ir!"
- 15Belaa bonɔɔ la fugri ir so, dɛ den dɛɛ bol wa. Asɛ Yeesu ŋɔ haah la be ŋɔ, "He bieɛ la."
- 16Ɔmee lawɛ nɛra baa lɔ bela la bwa, asɛ baa kpɛɛ Korowii dɛɛ ŋɔ, "Korowii keamejen bel ba ya bini bonɔ! Korowii balɔ dɛ ba le o nɛra!"
- 17Yeesu waa waa ɛa la pɛrɛ Judia hare ne harɛrɛ aa baro cheme la bwa ta.
- 18Anee Jɔn waa dɛ sɔ nɛra Korowii nɛɛ la habɔtɛŋra ba Jɔn be dɛ ka bol a gɛ waa nɔ bwa baglo.
- 19Asɛ o yɛrɛ ba bini bane, dɛ tom ba Yeesu be ŋɔ b́a ka bɔɔro ŋɔ onɛɛ nen Korowii aa bage nyoa ŋɔ wɛɛ geloo o ba la aa, kɛɛ o laa ɔ, asɛ b́aa nyiŋi naate habɔɔ?
- 20Jɔn habɔtɛŋra la aa ba Yeesu be la, ba ŋɔ o be ŋɔ, "Jɔn waa dɛ sɔ nɛra Korowii nɛɛ laanee tomɛ yaa he be dɛ ŋɔ ýa ba bɔɔrɛ ŋɔ, heneɛ naate Korowii aa bage nyoa ŋɔ wɛɛ geloo o ba la aa, kɛɛ he laa ɔ, asɛ ýaa nyiŋi naate habɔɔ?"
- 21A gɛ saŋ la dɛ Yeesu chah weela tena taeh, dɛ doŋi kwaa aa dɛ ir nɛra nɛ a le ba nɛ, asɛ dɛ gel nyoŋa gɛɛ na bɔr.
- 22Anee Yeesu ŋɔ Jɔn toroma la be ŋɔ, "Hɛ ka bagle Jɔn be waa haa baa na ne anɔ la haa baa no. Hɛ ŋɔ o be ŋɔ nyoŋa dɛ na bɔr, boobie ɛɛ valɛ, asɛ nɛra weechɔga aa chɔg ba bwadabii la gɛ bwara kwaa. Hɛ ŋɔ o be ŋɔ amumure dɛ no wa, lala ir seo ta, asɛ nyaara gɛ dɔ Amanesoma la dɛɛ no.
- 23He naate haa wola men tɔŋle la, he na som."
- 24Jɔn toroma la aa kaala la, Yeesu bol Jɔn waa nenlaa la be ŋɔ, "Haa la pua waa ɛ hɛŋle gbo la ta bela la, bɔkwaa he fe ɛɛ nyin kɛ he na laɔ? Kpɔg bel peu aa dɛ ta wɛɛ yiigi waa he la bela kɛɛ?"
- 25Dɛ gɛ laa ge aa, dɛ bɔkwa teneɛ he la ŋɔ he ka nyiŋi ɔ? Nen waa do laaladɛɛgaa he la ka nyiŋi kɛɛ? Nɛra baa dɛ do laaladɛɛga dɛɛ di ba tɛtookondikwaa la, koodemii ba do.
- 26Hɛ den bag mɛ, bɔkwa teneɛ he la bela ka nyiŋi ɔ? Korowii keameɛ kɛɛ? Kasintɛŋ, Korowii keameɛ he na la, kɛ o gwaa Korowii keame kwara.
- 27Jɔn nɔ waa ba chwɛrɛ Korowii Tɔn bini ŋɔ, 'Korowii ŋɔ, "Mɛɛ tomɛ n toromeɛ ó tɔ he sie dɛ kwaa ŋwɛnɛ tɛɛ" ' la.



28N de ɲo he be, ba lolɛ nenjena hare no ta, ke Jon gwaa ba bwa. Ke nomelbwa waa e bechala Korowii Kora la ta te berɔ gwaalo.”

29Nempɛene la ne lampoo lɛera la kwaraa baa de bɔ nera apoo aa no Yeesu waa la, ba seoh ɲo Korowii waa dɔ kasintɛ. Ge nera noo Jon faa sɔ Korowii nee la.

30Ke ba nomonome ne Farisii tena la ne Tɔn Jerema la te veh Korowii waa aa wera tɛɛ ba la. De ba te fa ta gele Jon sɔ ba Korowii ne.

31Yeesu berɔ ɲo, "Bɔkwa konee mɛɛ ba fini nera no kpɔe de magɔɔ? Bɔkwa neraa ban ɔ?”

32Ba do keɲo bechale bane aa de hɛɛ fɔgbaah, ase bane ɲo ba bala be ɲo, 'Ereɛ ya go silɛɛ yela ase he sie ta lɛɛ hɛ sa, ya berɛ ta wiile ge, he loo ta kui hɛ wi noo?’

33Jon waa de sɔ nera Korowii nee la aa bala la, de waa sen nyɔ, de yon lawɛ o nyoa vɔwe, ase he ɲo kwaa de ir o nɛ!

34Ase n Nen Bie ge aa bala no, n de di kwaa dɛɛ nyɔ sen, ase he ɲo, 'Hɛ na baa no! Kondikondidii ne sennyɔree on. Lampoo lɛera baa de bɔ nera apoo ne wechɔg-ɛɛraa o daamanar.' " Yeesu aa bol ge tone la, o ɲo,

35"Wejereme belbwa we-ɛɛla taa a che baa jemɛ ke o e wejereme.”

36Farisii te bel yere Yeesu ɲo ɔ ba ɔ ne o di kwa, ase Yeesu la o dem ba ka so tig ta, dɛɛ ba kwaa dii.

37Bwɛɛ la ta la, de haah bel de bɔ jwamane de do bela. Waa noa ke Yeesu lo Farisii te la dem dɛɛ di kwaa la, anee o ka kpɔ nosɔɔhsoma lonjega bel del

38de ba guni Yeesu jweh de wi ta o napaala ta, de kpɔ o nyumpona fee o sinii la waa wia ta Yeesu napaala ta la, de mo o napaala, de fuge nosɔɔhsoma la fɔgla.

39Belaa Farisii te la waa yere Yeesu ɲo ɔ ba di kwaa la aa na a ge waa no la, o lii o nyu bini ɲo, "Baa no fe e Korowii keame tenten naa, o fe jemɛ haah no hahsoo waa de lego no. O fe jemɛ o wechɔga waa lo a ta bwɛɛ no ta.”

40Anee Yeesu ɲo o be ɲo, "Seemɔn, n dɔ waane dɛ bol he be." Ase baa la ɲo, "Nomoa, bol.”

41Belaa Yeesu ɲo, "Nera banɛ banee di baa bel kem. Ba bwa di o kem te, ke bel kwaa gwaa o dɔɲ kwaa kera fi.

42A ge kema la nera banɛ la aa dia la, ba belbwa ta wone bɔ, ase o kpɔ ke ba. A ge waa no aa do ge no, ba bini umee hɛɛ lii keɲo wɛɛ nyin baa la waa kohonaa yɔ?”

43Anee Seemɔn chaɲo ɲo, "N de lii ke naate o kem aa kana la, onee de nyin baa la waa kohona." Ase Yeesu ɲo, "Kpelaa he ɲo.”

44Yeesu aa ɲo ge la, o berɛ sie ta haah la be, de ɲo Seemɔn be ɲo, "Ke he na haah no kene? Maa ba he dem bono la, he ta men nee tɛɛ n saramɛ n nakpale. Ke haah no te wio ta n nakpale ta de kpɔ o nyumpona feera kerɛde ken.

<sup>45</sup>He ta men lee silɛɛ ne dɛ mo n lweema. Ke maa baa so no bwa, o ta n napaala moe geɛ bwa.

<sup>46</sup>He ta men nee tee ɛ saramɛ n nakpale gee mee bol noo maa kpɔ fɔgle n nyu wa aa? Ke o te fuge nosɔɔhsoma fɔgle n nakpale.

<sup>47</sup>Anomanta mee dii kasintɛɛ. Nyina haah no aa nyin n waa kohona no baglo ke Korowii kpɔ o wechɔga damanta waa ɛa la bwa keo. Naate waa wola wechɔga ɛ kohona a ɛ keɲɔ he kpɔa keo la, nyina waa dɛ nyin he waa la aa kan do. Waa Korowii jam kohona ke nen waa ɛ anjena la.”

<sup>48</sup>Belaa Yeesu ɲɔ haah la be ɲɔ, "Korowii kpɔ he wechɔga keɛ.”

<sup>49</sup>Waa ɲɔ ge la, anee nera baa soɲe tig ta bela dɛ ja o neɛ la ɛɛ lii ba nyu bini ɲɔ, "Nen besoo baa no o kpɔ wechɔga dɛɛ ke nera no?”

<sup>50</sup>Ase Yeesu ɲɔ haah la be ɲɔ, "He yarada haa yarada me no lee. Ir dɛɛ la. Kɔrowii tee bosɔɔhna.”

## Luk 8

<sup>1</sup>Aa ɛ tama la, Yeesu jo bwejena ne bwejegre ta dɛɛ bol Amanesoma la ke Korowii Kora la dii telo. Dɛ o habɔteɲra fi dɛ banɛ la,

<sup>2</sup>ne haahna bane waa doɲi kwaa ba neɛ dɛ chaah ba weela la ja o ne. Ge haahna no belee Meere waa le Magdala Yeesu faa doɲi kwaa bele anuanɛ le o neɛ la.

<sup>3</sup>Bel gee Joana waa ɛ Kusa waa ɛ nomoa dɛɛ nyiɲi Kooro Herɔd dem la haah, ne Susaana ne ba bala bane baa wara dɛ teɲɛ Yeesu ne o habɔteɲra la ne, dɛ kpɔ ba gbagba suuga dɛ yawɛ kwaa tee ba baa di la.

<sup>4</sup>Dɛ nera teɲɔ le bweere aa teɲɛ doɲa neɛ la ta dɛɛ ba Yeesu be. Nenlaa la aa wara dɛ bar Yeesu cheme la, o kpɔ segla dɛ bol waa bag ba ɲɔ,

<sup>5</sup>"Baa belee ira dɛ kaa mereɛ mea o koo ta. Waa dɛ mereɛ mea la la, ane lee ɲwene ta, ase nera tigri a ta, jumbii ge ba toɔ di.

<sup>6</sup>Mea la ane ge lee bwetala ta. Aa lea la, a jwalɔ dɛ serewe, dɛkalkɛɲɔ sɔn toole bela.

<sup>7</sup>Mea la ane lee sɔhne baah dɛ le, sɔhne la kpeg dɛ lawa a serewe.

<sup>8</sup>Ane ge lee haredeɛge la ta dɛ le, dɛ do wer kɛrede, ase mendaa belbwa ɛ bie lafa." Yeesu aa bol waa no tone la, o kpɔ takpeg ɲɔ, "Nomelbwa waa no la, ɔ no!"

<sup>9</sup>Yeesu aa tone o wobol la o habɔteɲra la booro segla la mun.

<sup>10</sup>Anee o ɲɔ ba be ɲɔ, "Korowii ta o Kora bini wobolbwa kpɔe sɔh he te. Ke nera baa kaa la te, segla nee mee ba waa ba be bola, ase a ɛ ge baa chwera ɲɔ, 'Ba do sibie, ke baa na, dɛ do deɲna ke baa no, baa waa mun jeme.’

<sup>11</sup>"He no segla la mun. Mea la cheɲɔ te Korowii Waa la.

- 12**Ase anɔ la aa lee ɲwene nyoa ase jumbii ba tɔɔ di la chego te nera baa no Korowii Waa la, ase bug ta de Bɔnsam baa laa kpɔ ba nyu bini ase ba be ba te kpɔ te Korowii o lee ba la.
- 13**Anɔ la ge aa lee bwetala ta bela teera aa wola toole kohona ase a lune aa wola wone kaa bini ase a jwale de sewe la, a do ke nera ba yon no waa la, de ba sie leo, ke aa wola won ban jooge dee ka ba nyu bini la. A chege Korowii Waa ta waane puu ba aa, de ba horo.
- 14**Ase anɔ la ge aa lee soohne baah, soohne la lawa a sewe la gee nera baa no Korowii Waa la, ase ba sogaa bini ne kondooch waa ne wepuu aa lo hare no ta begre ba sie, baa gele waa la ee do tonɔ la.
- 15**Anɔ la ge aa lee haredege ta de le de do wer de ma kohona la gee nera baa no waa la de kpoɲe a bini kerede, de do bambile de teɲe a ta, de gel a do tonɔ la.
- 16**"Nomelbwa aa kandeaa choɲi de kpɔ kon dee pi o ta, kee de kpɔ dee do mpa lɔga. Ba choɲi kandeaa aa, kon taa ba kpoo dee choɲe ase wee chaah nera bwa.
- 17**Komelbwa waa soah la ee le bochaahnee ba nao. Waa bwa baa to a ta la ee ba leo nera jeme.
- 18**Anomanta he no kerede de jeme waa no mun. De he wono no a mun aa, mee ja heyaa anee, dekalkenɔ naate waa doo la, baa jao anee, ase nen waa wola komelbwa doo la, tama kwaraa waa doo la ee le o non taa."
- 19**Yeesu nya ne o nimanar la bela waa lole la, ke nenlaa la nomanta, ba ta wone tel o be.
- 20**Anee nomel ɲo o be ɲo, "He nya ne he nimanar chege buse dee nyin ba nae."
- 21**Belaa Yeesu ɲo ba be ɲo, "N nya ne n nimanaree nera baa de no Korowii Waa dee teɲe a ta la."
- 22**Awola bel, Yeesu ne o haboteɲra la kaa jo gbera bini, ase o ɲo ba be ɲo ba kaa moo baɲ le, ase ba tage gbera la do.
- 23**Baa tawa dee kaa la, Yeesu cho dom gbera la bini. Bug la ta de peujen bel de ta de kpɔ nehaɲma dee jo ba gbera la bini, ase gbera la ee ba mora.
- 24**Anee o haboteɲra la chumu de ɲo, "Nomoa, ya serewo tone!" Belaa o ir de kor peu la ne nehaɲma la, ase a hel, ase bor hel kerker ken.
- 25**Bor aa hela la, o boɔ o haboteɲra la ɲo, "Eree haa wola men yarada noo?" Ba omɔ, ba bwa bwara hwah, ase baa boɔ doɲa ɲo, "Nen besoo siwii no, wee bol waa peu ne nehaɲma ee no o wobol noo?"
- 26**Yeesu ne o haboteɲra la tawe gbera kaa Galilia Moo la baɲ, Gerasa hare ta.
- 27**Yeesu aa le gbera la bini la, baa bel waa e bwee la te kwa aa de ir o nee baa chemo. De kwaa la aa ir o nee bigro, ase o foo o laala ta, de chwa le dem de ka so lala hugribor.

- 28Gε baa nɔ aa na Yeesu la, o chwao dε ba guɲi o sie, dε kpɔ takpeg ηɔ, "Yeesu, Korowiijen Bie, bɔkwaa hεε nyin n be nɔ? N dε soɲe, be men weweele do."
- 29Pεε laa baa la do lɔηɔ la, dεkalkεηɔ dε Yeesu tɔ sie ηɔ kwáa la le o nε. Gεε kwaa la yon dεε ir o nε, ase baa lawɔ dεε doo kpεε. Ba doo kpεε aa, gεε o yon kuuga, ase kwaa la yon kaa o ne pua waa ε hεɲle gbo ta.
- 30Belaa Yeesu bɔɔro ηɔ, "He sɔne εrɔɔ?" Ase o ηɔ, "N sɔne Dɔm." Dε kwaa la warɔ pirim dε do o nε, a waa o ηɔ o sɔne Dɔm la.
- 31Anee kwaa la soɲe Yeesu ηɔ o be an doɲi ka ta bela baa dε ba wechɔg-εera bwa hɔhɔrɔwa doe la.
- 32Bela la, dε prakooni damanta ane lɔ diɲgoɲ bel ta dεε di. Anee kwaa la soɲe Yeesu ηɔ ó gel a kaa prakooni la nε, ase o tεa ηwene.
- 33A le baa la nεε dε ka jo prakooni la nε, ase prakooni damanta la bwa chwa biribiri, dε wili diɲgoɲ la dε ka lee moo ta dε serewe kwaraa.
- 34Belaa nera baa dε tege prakooni la aa na waa aa chiga la, ba chwa dε la bwεε la ta ne bwejegre ne daamune aa bene bela la ta, dε ka bol waa aa chiga la bela tena be.
- 35Bela tena aa noa la, ba le ba bwεere ta dé ba na waa aa chiga la. Baa ba Yeesu be la, dε baa la kondamanta faa lɔ o nεε la, dε o kwaa la bwa kaalɔ, o liire ba hare, o do laala dε so Yeesu sie. Baa na gε waa nɔ la, ba ɔmɔ.
- 36Nera baa lɔ bela dε na gε Yeesu aa chah baa la kwaa faa lɔ o nεε la bol a waa ba bwεε tena la aa ba bela la be.
- 37Yeesu aa ε gε la, nera baa le baah bela la soɲo ηɔ ó le ba hare ta dε kaa, dεkalkε dε ɔmee tenten chole ba nε, ase o jo gbera bini dε kaa.
- 38Yeesu aa dε kaa la, anee baa la kwaa faa lɔ o nεε la soɲo ηɔ, "Gel n ne he kaalɔ." Waa ηɔ gε la, Yeesu ηɔ o be ηɔ,
- 39"Kaa he nera be dem dε ka bol wejena Korowii aa εa tεε la." Baa la laɲɔ dε ka bol waa Yeesu aa εa teo la bwεε la bwa ta.
- 40Yeesu aa bera kaa moo la baɲ le la, nera baa lɔ bela la jaamo sileε ne, dεkalke dε ba sogo dεε kpao.
- 41Belaa cheremi dea nomoa bel baa dε yerɔ Jaerɔs la ba dε ba guɲi Yeesu sie dε soɲo ηɔ o dε nyinu o dem.
- 42Dε gε baa nɔ bibenkpɔɲ waa dɔɔ, o ε bihaah dε di bene fi dε anε la bwara dε weo wεε ba sewa. Yeesu aa dε kaa la, dε nenlaa bane teɲe o nε, dε fiilo do baah ta dεε tagɔ.
- 43Dε haah bel ge lole chal εε fugo bene fi dε anε, o chah, o komelbwa tone tεega tena be. Kε nomelbwa ta wone chaoh.
- 44O jo nera la baah ta dε ka che Yeesu habɔɔ dε lege o batakaare nyoa. Bug la ta dε chal la aa dε fugo la teɲo.

<sup>45</sup>Ase Yeesu bɔɔ ŋɔ, "Umee leg me nɔɔ?" Waa bɔɔra la, nomelbwa ta seeh. Anee Pita ŋɔ, "N Dɔɔ, nenlaa nɔ aa bare cheme dɛɛ tage dɔŋa nɔ, anee he bere dɛɛ bɔɔ naate waa lege naa?"

<sup>46</sup>Anee Yeesu ŋɔ, "N nao ke nomel leg me, dekalke kpegri ane le n bini."

<sup>47</sup>Belaa haah la aa naa keŋɔ waa won kpɔ o te sɔh la, o kpɔ bochela de ka guŋi Yeesu sie nera la bwa siwi ta, de bagle wee la aa bala o lego la, ne ge o weela la aa kaala bug la ta la.

<sup>48</sup>Anee Yeesu ŋɔ o be ŋɔ, "Tolo, he yarada haa yarada me la gelo he gbanre. Dɛɛ la. Korowii tɛɛ bosɔɔhna."

<sup>49</sup>Yeesu nyoa taa lo waa waa de bol la ta la, torome le cheremi dea nomoa la dem de ba ŋɔ nomoa la be ŋɔ, "He bihaah la sewɔ. Be bere ha nomoa la kpa."

<sup>50</sup>Ajaah Yeesu no waa la torome la aa baa bol la, anomanta o ŋɔ Jaeros be ŋɔ, "Be omɛ, ke yarada me. Wɛɛ berɔɔ do bokpega ja."

<sup>51</sup>Yeesu aa tel dem bela la, o ta gele nomelbwa ja o neɛ de jo bela bie la aa chɔa la, nemene Pita ne Jon ne Jems ne bie la nya ne o mee gbosoroo.

<sup>52</sup>De nera baa lo bela la koh bie la waa dɛɛ wi. Anee Yeesu ŋɔ ba be ŋɔ, "He be wi. Bie la ta sewɛ, domii o chɔ!"

<sup>53</sup>Yeesu aa ŋɔ ge la, de ba de mamɔ, dekalke de ba jemɔ ke o sewɔ.

<sup>54</sup>Waa ba bie la jweeh la, o lawɛ o non de kpɔ takpeg ŋɔ, "Bie, ir!"

<sup>55</sup>Waa ŋɔ ge la, bie la hweera berɔ ba ja, ase o fugri ir bug la ta, ase Yeesu ŋɔ ba nyin kwaa teo o di.

<sup>56</sup>Bie la nya ne o mee bwa bwara yɔrɔ, ase Yeesu kah ba ŋɔ ba be nomelbwa be waa aa chiga la bol.

## Luk 9

<sup>1</sup>Yeesu yere o habɔteŋra fi de banɛ la ba cheme o sie, de tɛɛ ba kpegri ne ŋwene ŋɔ ba doŋi kwaa nera ne, de chah weela ge,

<sup>2</sup>de tom ba ŋɔ ba ka bol Korowii Kora la wa, de chah weela tena.

<sup>3</sup>Waa de tom ba la, o ŋɔ ba be ŋɔ, "He be komelbwa kpɔ kponɛ he ŋwene nɔ kaala ta. He be dangbale kpɔ, de be pure kpɔ, de be kondikwaa kpɔ, de be suuga keɛ batakaare bele anene kpɔ.

<sup>4</sup>Bwɛɛ belbwa haa la o ta la, dem haa ka jo o ta la, he so bela ka tel keŋɔ haa le bwɛɛ la ta.

<sup>5</sup>De bwɛɛ la tena ta heyaa lee silɛɛ ne naa, he jwii he napaala teera ta bela moɔ de le bela, ase a bagle keŋɔ he kpɔ Korowii Waa ba ba be ba veah."

<sup>6</sup>Ase ba le kaa, de kaa bol Amanesoma la bela bwere la ta, dee chah weela tena bobelbwa.

<sup>7</sup>Kooro Herod waa de nyinji Galilia hare ta aa no waa Yeesu aa de e la bwa la, o liire eo sakaa ken, dekalkenjo de nera bane de bol no Jon o faa de so nera Korowii nee la ir seo ta.

<sup>8</sup>Bane no Korowii keame Elaejaa ir seo ta, ase bane ge no Korowii keamebena la belee weera.

<sup>9</sup>Anee Kooro Herod no, "Jon te, n gelo ba teje o nyu, aah nen besoo ge waa mee no ken no?" Ase de swee siwi kenjo wee na Yeesuu.

<sup>10</sup>Yeesu habotenra la balo de ba bol waa baa kaa e o be, ase o kpo ba le nenlaa la bini ba kaa bwee bel baa de yero Betsaeda la ta.

<sup>11</sup>Nera aa no o waa la, ba tiu bela, ase o lee ba silee ne de bol Korowii Kora la waa bag ba, de chah ba bini bano la ba bwara aa de wee ba la.

<sup>12</sup>Wee aa de jo la, o habotenra fi de bane la la o be de ka no o be no, "Te nenlaa no nywene ba kaa bwere aa bar bono no de ka nyin kondikwaa ne choobora, dekalka bono e kpo baah."

<sup>13</sup>Anee Yeesu no o habotenra la be no, "He tee ba kwaa ba di." Waa no ge la, ba chano no, "Paanoo anue ne penja anee ya do. Neme ne ya la de ka yawe kondikwaa ba te nera no bwa no."

<sup>14</sup>De nera baa lo bela la, ba baala ee e nera kagbona banuee. Ase Yeesu no o habotenra la be no, "He no ba be no ba peege so fifraanunue."

<sup>15</sup>Anee o habotenra la gel nera la peege de so ge.

<sup>16</sup>Ase Yeesu kpo paanoo anue la ne penja ane la, de ha sie de nyinji nyundua de jam Korowii, de mone do o habotenra la noora ta no ba bone te nera la.

<sup>17</sup>Baa bone paanoo la te nera la la, ba bwa diu de vagre, ane ka. O habotenra la too ano la baa dia ka la pe, ase a su wegrejena fi de ane.

<sup>18</sup>Awola bel, de Yeesu gbo lo bobel dee soje Korowii, ase o habotenra la la o be. Anee o bo ba no, "Nen besoo nera ee lii me no?"

<sup>19</sup>Anee ba no, "Bane no Jon o faa de so nera Korowii nee laanee hen. Bane no Elaejaa hen, ase bane ge no Korowii keamebena la belee weera."

<sup>20</sup>Ase o bo ba ge no, "Nen besoo he gee lii me no?" Anee Pita chano no, "Henee Kristo la Korowii aa noa wee tomoo o ba le yaa la."

<sup>21</sup>Belaa Yeesu kah ba kohona no ba be ge nomelbwa be bol.

<sup>22</sup>Ase o bere no, "Men Nen Bie la che kenjo n na waa nomonome ne Sofonomome ne Ton Jerema non ta, ase ba veeh me, de kpo me, ase a topetooro wee la, n ir seo ta."



- <sup>23</sup>O bere ŋɔ ba bwa be ŋɔ, "De nomelbwa de nyin ke o teŋe n ne aa, ó gel o tetoothwaa nyina, de kpɔ o te te tɔpere belbwa ke wee seh wahala nae ne seo bwaa, de ba teŋe n nee keŋɔ nen waa kpɔ dagagre che bá ka kpaaro pel o ta la,
- <sup>24</sup>dekalkɛ nomelbwa o sie aa swɛɛ hare nɔ ta kwaa ta la, wee paŋɛ o nyuu. Ase nomelbwa ge o sie aa wola hare nɔ ta sileɛ kwaa ta le la, wee dɔ o nyuu.
- <sup>25</sup>De nen dɔ hare nɔ ta kwaa bwa de paŋɛ o nyu aa, bɔkwa tɔnɔɔ o dɔɔ?
- <sup>26</sup>Nomelbwa siii h aa de kpoo n ne n webagla nɔ ta la, awola men Nen Bie ne nyundua toromedɛɛga aa ba n Mɛɛ jirima ne la, maa naatee heeh awola tɔpere.
- <sup>27</sup>Kasintenɔ, Korowii ɛ ba di o Kora hare nɔ taa, de he bini bane ta sogɛ le de nao."
- <sup>28</sup>Yeesu aa bol a ge waa nɔ la, a yawa nyoa la, o kpɔ Pita ne Jɔn ne Jems, o ne ba teeh bwe bel de kaa o doa, de ka soŋɛ Korowii.
- <sup>29</sup>A ge saŋ Yeesu aa de soŋɛ Korowii la, o sie bɔr begrɔ, ase o laala waa doa la to dɛɛ nyegle al-al ken.
- <sup>30</sup>Ba ne ŋɔ ba nyiŋi, de o ne nera bane de bol wa. De Korowii keamebena Mosis ne Elaejaa.
- <sup>31</sup>Baa bala de Korowii jirima lɔ ba nɛ, baa bol ge Yeesu aa de ba sewa Jerusalem áse Korowii waa la ɛ kpɛla.
- <sup>32</sup>De Pita ne o bala la de chɔ doromi. Ba iro de na Yeesu keŋɔ o laala aa toa dɛɛ nyegle al-al ken. Ba na nera bane la baa ja Yeesu nee la ge.
- <sup>33</sup>Nera bane la aa le Yeesu be dɛɛ kaa la, Pita ŋɔ o be ŋɔ, "N Dɔɔ, a wer keŋɔ yaa lɔ bonɔ nɔ. Gel ya do kukure atoro, hé kpɔ bel, Mosis kpɔ bel, ase Elaeja ge kpɔ bel." De waa jeme waa waa de bol.
- <sup>34</sup>Pita taa de bol waa nɔ la, bam bel denɔ ba tɔ ba nɛ, ase ɔmee lag ba keŋɔ bam la chunchule aa baa tɔ ba nee la.
- <sup>35</sup>Belaa taa bel le bam la bini ŋɔ, "N Bie maa leo laanee la. Hé no o be!"
- <sup>36</sup>Wobol la aa chiga la, de a ka Yeesu gbo, ase o habɔteŋra la hel jei h ken ge waa nɔ ta, ba ta nomelbwa be waa baa naa la bole ge saŋ.
- <sup>37</sup>Tɔ aa pera la, Yeesu ne o habɔteŋra batoro la le bwe la doa tu hare, ase nenlaa bane ba chemo.
- <sup>38</sup>Belaa baa bel kpɔ takpeg bol waa nera la bini ŋɔ, "Nomoa! N de soŋɛ, nyiŋi n bie nɔ nee te mɛ. O gboo n bie.
- <sup>39</sup>Kwaa de ir o nɛ. A ir o nɛ aa, gee o pigri do lɔŋɔ, ase a won kpɔɔ go hare o beŋri chɔ, ase fufug ɛ le o nyoa. A de ɛo hɔhɔrɔwa mɔɔ de le o nɛ.
- <sup>40</sup>N soŋɛ he habɔteŋra la ŋɔ bá doŋa o nee te mɛ, ke ba ta wone."

- <sup>41</sup>Anee Yeesu chage ɲɔ, "Oo! Fini nɔ nera wechɔga aa lɔ he nɛɛ nɔ, he ta yarada dɔɛ! Tɔpera aɲwenɛɛ hɛɛ nyin kɛ n lawɛ bambile dɛ so he be mɔɔ he yarada Korowii ɔ? Maa tɔpere bɛl dii ba he be kpa oo! Kpɔ he bie la ba bonɔ."
- <sup>42</sup>Bie la aa dɛ ba la, kwaa la goo hare dɛ gel o beɲri. Yeesu kɔr kwaa la, dɛ chah bie la, dɛ kpɔɔ tɛ o mɛɛ.
- <sup>43</sup>Nera la bwa nyoa kpo Korowii kpegri la nɛ. Ba nyoa aa kpoa ba taa kooga la, Yeesu ɲɔ o habɔteɲra la be ɲɔ,
- <sup>44</sup>"Hé chɛg deɲne dɛ no waa nɔ maa dɛ ba he be bola nɔ, aɛɛ dɛ bɛ soh! Ba dɛ ba men Nɛn Bie lee do nera nɔn ta."
- <sup>45</sup>O habɔteɲra la ta waa la mun noɛ, dɛkalkɛɲɔ Korowii kpɔɔ sɔɔh ba. Dɛ ba ge dɛ ɔmɛ, anomanta ba bɔɔro waa la mun kahonɛ.
- <sup>46</sup>Wetɔɲla chole o habɔteɲra la baah ta, aɛɛ baa nyin ba jɛmɛ ba bini onɔ la waa ɛ ba bwa nomoa.
- <sup>47</sup>Baa wola a ne baɲ lee mɔɔ la, dɛ Yeesu jɛmɛ waa baa dɛ lii. Belaa o lawɛ bechala bɛl ir che o jwɛh,
- <sup>48</sup>dɛ ɲɔ ba be ɲɔ, "Nomɛlbwa waa koh n waa dɛ nyiɲi bie nɔ nɛɛ la, dɛ mɛnɛɛ o nyiɲi la. Nomɛlbwa ge waa nyiɲi n nɛɛ la, dɛ naate waa tom mɛ laanee o nyiɲi la. Naate waa ɛ o te bechala he bini la, onɛɛ nomoa."
- <sup>49</sup>Belaa Jɔn ɲɔ, "N Dɔɔ, ya na baa bɛl waa kpɔ he sɔn dɛɛ doɲi kwaa nera nɛ, aɛɛ ya kaoh ɲɔ ó gel, dɛkalkɛɲɔ o ta ya bini bɛl ɛɛ."
- <sup>50</sup>Belaa Yeesu ɲɔ Jɔn ne o bala la be ɲɔ, "He bɛ on kah ɲɔ ó gel. Nomɛlbwa waa wola he nɛɛ chɛgɛ la, he someɛ on."
- <sup>51</sup>Tɔpere aa dɛ tel kɛ Korowii kpɔ Yeesu kaa o be nyundua la, Yeesu kpɔ o te, dɛ den chig ɲwɛnɛ ta dɛ pa sie dɛɛ kaa Jerusalem.
- <sup>52</sup>O tomɛ nera bane ɲɔ bá tɔ o sie dɛ la Samaria hare bwɛɛ bɛl ta dé ka nyin bɔr tɛo ó chog.
- <sup>53</sup>O sie aa chage Jerusalem la nomanta, bela tena ta on lɛɛ.
- <sup>54</sup>Yeesu habɔteɲra Jɛms ne Jɔn aa na gɛ waa nɔ la, ba ɲɔ o be ɲɔ, "N Dɔɔ, he dɛ nyin kɛ ya gel nii le nyundua ba dɛ ba fuuh ba kɛɛ?"
- <sup>55</sup>O habɔteɲra la aa ɲɔ gɛ la, o ta ban geɛ. O laa o te berɛ dɛ do ba nɛɛ ba sameɛ.
- <sup>56</sup>Aɛɛ o ne o habɔteɲra la kaa ba sie bwɛɛ bɛl ta.
- <sup>57</sup>Baa vala dɛɛ kaa la, baa bɛl ɲɔ Yeesu be ɲɔ, "Bobɛlbwa haa dɛ la la, mɛɛ tɛɲɛ he nɛɛ kaa."
- <sup>58</sup>Anee Yeesu ɲɔ o be ɲɔ, "Manyajɛgre kwaraa dɔ bɔɔne dɛɛ chɔ a bini, aɛɛ jumbii aa dɛ gah nyundua ge dɔ a kɔnɛ, kɛ n Nɛn Bie la te ta bobɛlbwa dɔɛ n chɔ dɛ onɛ."

<sup>59</sup>Ase o bere ŋɔ baa bɛl ge be ŋɔ, "Teŋe n nɛ." Anee baa la ŋɔ, "N Dɔɔ, gel n la, ase n mɛɛ baa sewaa, n hugo mɔɔ dɛ ba."

<sup>60</sup>Ase Yeesu chaŋo ŋɔ, "Gel nɛra baa wola Korowii mkpa dɔe la huge ba dɔŋa, ase hɛ ka bol Korowii Kora la bini waa bagle nɛra."

<sup>61</sup>Ase baa bɛl ge ŋɔ o be ja ŋɔ, "N Dɔɔ, mɛɛ teŋe he nɛ, ke gel n ka kal n haahna ne bii mɔɔ dɛ ba."

<sup>62</sup>Anee Yeesu ŋɔ o ge be ŋɔ, "Nomɛlbwa waa pa mun dɛɛ ba para dɛ ka kpɔ par, o nyu bini bere dɛɛ ɛo anɛnɛ la aa won pare a magre. Gɛɛ a do keŋɔ nomɛlbwa waa kpɔ o te keŋɔ wɛɛ ja Korowii Kora la taa la be bere do liire anɛ kpa."

## Luk 10

<sup>1</sup>Anɔ habɔɔ la Yeesu yere o habɔteŋra fifraanuanɛ dɛ banɛ banɛ, dɛ pɛ ba banɛnɛ, dɛ tom ba ŋɔ bɔ tɔ sie bwɛere ne bela waa dɛ ba a ta laŋa la ta.

<sup>2</sup>O kpɔ nɛwenyini mage konuula, dɛ ŋɔ ba be ŋɔ, "Koo kondikwaa la kan, ke tom-ɛera la lɔ tamaa ken dɛɛ ba a koma. Anomanta hɛ soŋe Koo Te la ɛse o kpɔ tom-ɛera la bane ba ja bɔ ka ɛ a toma.

<sup>3</sup>Hɛ kaa. N dɛ tomɛ heyaa he ka koo he dɔma baah ta.

<sup>4</sup>He be suuga pure kpɔ, he be pure haa kpɔ laala dɛɛ do a bini gba kpɔ, he be nanɔgawa bele anɛnɛ kpɔ. He be ka jage che ŋwɛnɛ ta dɛɛ jam nɛra wobohweeh ne.

<sup>5</sup>Dem haa ka chog o ta la, hɛ tɔ sie ŋɔ, 'Kɔrowii te dem nɔ tena bosɔɔhna!'

<sup>6</sup>Dɛ nen Korowii aa ŋɔa o do bosɔɔhna lɔ bela aa, Korowii ɛɛ teo wedɛɛga haa soŋa laanee. Dɛ ge nen toole ge aa, he wedɛɛga haa soŋa la ɛɛ berɔɔ ba he gbagba be.

<sup>7</sup>Hɛ so a ge dem la ta, dɛɛ di ba kondikwaa baa dɛ di dɛ te heyaa la anɛ, dɛkalkɛŋɔ tom-ɛɛ kembɔr cheo. A ge dem la te habɔɔ, he be le ka so dem belbwa ta kpa.

<sup>8</sup>"Bwɛɛ belbwa haa la o ta ase bela tena le heyaa la, kwaa baa te heyaa ŋɔ hɛ di la, hɛ le dɛ di.

<sup>9</sup>Hɛ chah bela tena ba bwara aa dɛ wee ba la weela, ase dɛ ŋɔ ba be ŋɔ, 'Korowii Kora la pu heya.'

<sup>10</sup>Dɛ he la bwɛɛ bel ta, ba ta heyaa lɛɛ yaa, he be o ta so. Haa dɛɛ le la, hɛ ŋɔ,

<sup>11</sup>'Hale ya jwii he bwɛɛ nɔ teera aa ɛ ya napaala la ta, dɛ bagle keŋɔ ya kpɔ Korowii Waa ba he be he vɛah. Ke a che ke he jeme keŋɔ Korowii Kora la pu heya.'

<sup>12</sup>Kasinteŋ, Sodom tena baa ɛ wechɔga ase Korowii fuuh ba la, baa bɔ ge bwɛɛ la tenaa awola Korowii aa ba dɛ ba pa bole la.

<sup>13</sup>"Korasɛn tena, hɛ bwɛɛle! Bɛtsaɛda tena ge, hɛ bwɛɛle! Dɛ nomɛl fe ɛ ge nyokpowaa nɔ maa ɛa he siwi ta nɔ Taaya ne Sidon aa, ba fe chare ba liire le ba wechɔga ta bigri. Ba fe ta lwe yale tɔe dɛ so sibegra ta naa?

- 14Awola Korowii aa ba pa bole la, wɛɛ na Taaya ne Sidon tena sumii gwaa heya.
- 15Ase he Kapeeneom tena ge, ɛrɛɛ che keɲo n bol he wao? He de nyin ke he ir kaa Korowii be nyundua kee? Hee ba haree Bɔnsam nii taa.”
- 16Yeesu ɲo ba be ɲo, "Nomelbwa waa ka no he be la, n bee o no, ase nomelbwa waa ka veh he waa la, n waa o veh. Nomelbwa waa veh n waa la, naate waa tom me la waa o veh.”
- 17Yeesu haboteɲra fifraanuane de bane la la o toma la de ba silɛɛ ne, ase ba ne o cheme. Ba ne waa chema la, ba ɲo o be ɲo, "Ya Doo, yaa kaa che he son ta de bol waa la, kwaa aa de ir nera nee kwaraa ome yaa.”
- 18Belaa Yeesu chanj ba ɲo, "He po Bɔnsam ne. N nao keɲo waa le nyundua ba le hare kerabenkponj keɲo bwaala aa nyegla ken.
- 19Hee no! N te heyaa kpegri keɲo he tigri harekwaare ne norome ne, de po ya dom ne o toroma bwa ne, wobelbwa aa wola won e heya.
- 20He be gel a do he som keɲo kwaa aa de ir nera nee aa no he wobol no. Waa aa che ke he koh a waa de gel he sie le laanee keɲo ba chwere he sona nyundua ja Korowii bii ne.”
- 21Ge sanj de Korowii Domadɛge la ir Yeesu nee de gel o sie le, ase o ɲo, "N Mee, nyundua ne hare bwa Doo! N de jaame keɲo haa kpɔ waa no soh sipila tena ne wejerema, de kpɔ bagle nera baa wola wobelbwa jeme no. Jam, n Mee. Gee wera he be.”
- 22Yeesu berɔ ɲo, "N Mee kpɔ wobelbwa do n non ta. Nomelbwa aa men Korowii Bie jeme nemene n Mee la gbo, ase nomelbwa ge aa n Mee la jeme nemene n ne nera maa de nyin ke n gel ba jemo la.”
- 23Yeesu ne o haboteɲra la gbo aa baa so la, o bere sie ta ba be, de ɲo ba be ɲo, "He nera he siwi aa na wejena maa de e no la, he na som.
- 24Kasintenj, Korowii keamere ne koranar keredɛ fe de nyin waa haa de na dee no no, de no de na, ke ba ta doe.”
- 25Ton Jereme bel balɔ de ba kpɔ wobol ke wɛɛ daah Yeesuu de jeme o liire, de booro ɲo, "Nomoa, ɛrɛɛ mee ba ee de do Korowii mkpa aa wola jaga doe bwa no?”
- 26Anee Yeesu chanjo ɲo, "Ere Korowii Ton la bagle o? Ere hee no a mun o?”
- 27Ase baa la ɲo, "De he nyin N Naa Korowii he bambile bwa, he hweera, he bokpega ne he liire bwa ne, de nyin he donj ke he gbagba.”
- 28Anee Yeesu ɲo o be ɲo, "Kpelaa he ɲo. Dee e ge, hee do ge mkpa laanee.”
- 29De Ton Jereme la de nyin ke o bagle ke o te de e waa Yeesu aa boora la bwa, de ɲo Yeesu be ɲo, "Umee n donj o?”

<sup>30</sup>Anee Yeesu chaŋo ŋɔ, "Baa belee le Jerusalem dɛɛ kaa Jeriko, dɛ ka pu ŋwɛera ŋwɛnɛ baah ta, ba den gugru, dɛ lɔro, dɛ pirao, tamaa kaa o sewɛ, dɛ laa o laala bwa lɛ o be, dɛ gelo o chɔ ŋwɛnɛ baah ta bela dɛɛ ba sewa.

<sup>31</sup>Dɛ Sɔfo bɛl ge kpɔ ŋwɛnɛ la ta dɛ baa kaa, dɛ na baa la, dɛ fɛrɔ ba kaa.

<sup>32</sup>Dɛ Lewi te bɛl waa dɛ ɛ toma Korowii Dea ge kpɔ ŋwɛnɛ la tenten ta dɛ ba pu baa la, dɛ ge fɛrɔ kaa.

<sup>33</sup>Dɛ Samaria tena ba ne Juda tena aa wola jo la bɛl kpɔ a ge ŋwɛnɛ la tenten ta dɛ baa kaa, dɛ ba pu baa la, dɛ o chɔ o bug ta bela. Waa nao la, dɛ o waa sum o be.

<sup>34</sup>O chog o bone cheg, dɛ nyiŋi a bini, dɛ laa noo ne tɛɛga kpɔ dɛ suuh tel o be, dɛ kpɔ noo la ne tɛɛga la do o ŋwɛra la ta. O vɔrɔwa, dɛ gɔro so o konteehne waa soge o ta la ta, dɛ kpɔ kaa bela dem bɛl hɔhra yon dɛɛ chog o ta la ta, dɛ ka nyiŋu.

<sup>35</sup>Tɔ aa pera la Samaria te la kpɔ suugapɔŋa anɛ tɛ naate waa dɛ nyiŋi hɔhra dem la ta la, dɛ berɛ ŋɔ o be ŋɔ ɔ nyiŋi weela te la nɛ, dɛ ŋɔ wɛɛ berɔɔ ba kaa, asɛ dɛ ba bɔɔ komɛlbwa waa chɔg o nɛɛ la kem."

<sup>36</sup>Yeesu aa bol waa nɔ tone la, o bɔɔ Tɔn Jereme la ŋɔ, "Nɛra batoro nɔ, ba bini umɛɛ nyiŋi baa la ŋwɛera aa lɔro dɛ pirao la kɛŋɔ o dɔŋ ɔ?"

<sup>37</sup>Belaa Tɔn Jereme la chaŋe ŋɔ, "Onɔ la waa na o sum dɛ nyiŋu laanee." Anee Yeesu ŋɔ o be ŋɔ, "Kaa dɛ kaa ɛ ge tenten."

<sup>38</sup>Yeesu ne o habɔtɛŋra la aa dɛ kaa la, ba kaa tel bwɛɛ bɛl ta, belaa haah bɛl baa dɛ yɛrɔ Maata leo dɛ kaa o ne o dem.

<sup>39</sup>Dɛ Maata dɔ o nime bihaah bɛl baa dɛ yɛrɔ Mɛɛre. Dɛ ge Mɛɛre nɔ, dɛ o soge Yeesu be dɛɛ no o webagla la.

<sup>40</sup>Dɛ Yeesu ne o habɔtɛŋra la kondikwaa toma gwaa Maata nɛ, anɛ o la Yeesu be dɛ ka ŋɔ, "N Dɔɔ, he ta nae kɛŋɔ n nime aa kpɔ toma la bwa ta n gbo nɛ aa? Anomanta ŋɔ o be ɔ ba cha mɛ!"

<sup>41</sup>Anee Yeesu chaŋo ŋɔ, "Eei, Maata! Wedamanta begre he sie, a lɛ he liire bwa. Kɛ webenkpoŋ gee hiaah.

<sup>42</sup>Waa aa weraa Mɛɛre kpɔ la, anomanta maa won ŋɔ o be ŋɔ ɔ gel."

## Luk 11

<sup>1</sup>Awola bɛl, dɛ Yeesu lɔ bobɛl dɛɛ soŋe Korowii. Waa tona la, o habɔtɛŋra la bɛl ŋɔ o be ŋɔ, "N Dɔɔ, bagle yaa Korowii soŋa, ge Jɔn aa bagle o habɔtɛŋra la."

<sup>2</sup>Anee Yeesu ŋɔ ba be ŋɔ, "Dɛ he dɛ soŋe Korowii aa, hɛ ŋɔ, 'Ya Mɛɛ haa lɔ nyundua, heneɛ chɛ duura. Bagle he Kora dii hare nɔ ta.

<sup>3</sup>Tɛ yaa ya fini kondikwa,

<sup>4</sup>de kpɔ ya wechɔga ke yaa, ge yaa kpɔ ya doŋa wechɔga de ke ba la. Dee ke yaa wechɔga lugri ta.' "

<sup>5</sup>Ase Yeesu ŋɔ o habɔteŋra la be ŋɔ, "He kpɔ keŋɔ he bini bel do o dam, de la ka chumu harambaŋa, de ŋɔ o be ŋɔ, 'N dam, kem me pea atoro.

<sup>6</sup>N dam bel le bobel ba chog me taraken, n ge ta komelbwa doe de teo o di.'

<sup>7</sup>De he soŋo ge naa, wee wonoo ŋɔ he gelo, ŋɔ he be o dom chog ŋɔ o kare o gbera o ne o bii cho, anomanta waa won ir de tee komelbwa naa? Akai! Waa won ŋɔ ge.

<sup>8</sup>Kasinteŋ, de a ka darame la gbo wa aa, o fe aa ir de tee komelbwa. Ke haa wola kaale, de ta che de soŋo la nomanta, wee tee komelbwa haa de nyin laanee.

<sup>9</sup>"Anomanta gee a do hee soŋe Korowii, wee te heyaa. Hee nyin he konnyina o be, hee doo. He swee siwi de lo gbera, wee ya heyaa.

<sup>10</sup>Nomelbwa waa de soŋo la de do, ase nomelbwa waa de nyin o konnyina de le o be la, o de teo. Gee Korowii ee ba gbera yae de te nomelbwa waa de lo la.

<sup>11</sup>"He bini umee o bie ee nyin peŋe, o ka lawe harekon ba teo wo?

<sup>12</sup>Ke de o de nyin jahal aa, o ka lawe nom ba teo wo?

<sup>13</sup>De he wechog-ɛera no kwaraa jemo de kpɔ kondɛega de te he bii aa, ere waa he Mee waa lo nyundua la te aa wola nera baa de soŋo o Domadege la tenee teo!"

<sup>14</sup>De Yeesu de doŋi kwaa aa lo baa bel nee o bere amumu. Kwaa la aa le baa la nee la, o bol wa. Nenlaa la aa lo bela la nyoa kpoo.

<sup>15</sup>Bane te ŋɔ, "Kwaa aa de ir nera nee bwa nomoa baa de yero Belsebul la, onee teo kpegri wee doŋi kwaa la."

<sup>16</sup>De bane ge de nyin de daahno na de ŋɔ o be ŋɔ o e we-ɛela ane ase de bagle ke onee newenyini Lee la.

<sup>17</sup>Yeesu aa jeme waa baa de lii la, o ŋɔ ba be ŋɔ, "De hare bel ta tena bini pere ane ba gbo ee yo aa, hare la de pagre. Gee de waane ba lola bel bini ase ba pere ane de gbo ee yo aa, lola la aa won e lola.

<sup>18</sup>Anomanta de Bonsam kora bini pero baa yo aa, o kora la aa won e kora. Heyaa ŋɔa ŋɔ Belsebulee te me kpegri n won kwaa aa de ir nera nee doŋa.

<sup>19</sup>De Belsebul nee n che de doŋa aa, a wer. Aah de he ge, umee te he habɔteŋra no kpegri ba won a doŋa o? He gbagba habɔteŋra la we-ɛelaa de bagle keŋɔ he kono kwara!

<sup>20</sup>Korowii kpegri nee mee doŋi kwaa aa de ir nera nee la. Anomanta he jeme keŋɔ Korowii Kora dii la telo tone.

<sup>21</sup>"De bokpega te kpɔ o domkwaa de daah o dem keredɛ naa, o komelbwa aa chog.



- 22Kε de bel ge berɔ do kpegri gwaalo de ka puu de pɔ o ne aa, o de kpɔ o dɔmkwaa waa kpɔ o sie dawε a ta la, de kpɔ o kondɔɔh ja.
- 23"Nomelbwa waa wola n nee jae la aa n waa nyin. Nomelbwa waa wola men chae deε boa n nera nyoa deε pe la lo ba deε pegre.
- 24"Finini no nera do keɲo nen Bɔnsam aa gela o torome bel do o nee de chɔg o da. A habɔɔ la naate chare o liire, ase Bɔnsam torome la le o nee de kaa ka nyin bofale de so. O gaagaa, o ta wone do bɔr de so one, de bere ŋɔ, 'Mee kaa n bug ta bela maa lea ba laanee,'
- 25de bere ka na ke baa la liire bini chaahnɔ keɲo dea baa chaaro de kwaaro kerede ba ta nen kpɔe do o ta de gel o cho pee la.
- 26Gee o yon la ka kpɔ o bala anuanε aa gwaalo kwara. A bwa won ba so naate la ne, de chɔg o da gwaa ge o faa doa wubwa la. Gee aa ba doe finini no nera baa ε nenchɔga no ne."
- 27Yeesu aa bol ge waa no tone la, haah bel bol waa o be takpeg ne nera la baah ta, de ŋɔ, "Haah waa lole de deere la na som."
- 28Anee Yeesu ŋɔ, "Nera baa de no Korowii Waa deε teɲε a ta laanee na som."
- 29Nera la aa bar Yeesu cheme pirim la, o ŋɔ ba be ŋɔ, "Eree finini no nera ε nenchɔga ken?" Ba de nyin nyokpowaa de na moɔ de yarada ke Korowii bee n le, ke baa do na. Waa aa pu Korowii keame Jona la doɲa gboo deε ba n ge pui ase he che a ta de jeme n nensoo.
- 30Ge Korowii aa ε Jona de bagle Niniwe tena ke on tomo la, ge tentenee wee ba men Nen Bie la ge ee de bagle finini no nera ke on tom me.
- 31Awola nera bwa aa ir seo ta de ba che Korowii sie ase o bol ba waa de pa bole la, Seba kooro waa ε haah la ee bol waa bo finini no tena, dekalkεɲo o valo le o hare ta bojan le de ba no Kooro Solomɔn wejemwa. Ke kasinteɲ, naate waa gwaa Kooro Solomɔn lo bono, ase he ŋɔ haa o bee no.
- 32Niniwe tena gba ee bol waa bo finini no tena, dekalkε ba te no Korowii Waa Jona aa bola la mun de chare ba liire le ba wechɔga ta. Ke kasinteɲ, naate waa gwaa Jona lo bono, ase he ŋɔ haa o bee no.
- 33"Nomelbwa aa kandeα choɲi ase de kpɔ deε soh dea bini, bela nomelbwa aa wola on na, kee de kpɔ kon pi o ta. Ba choɲi kandeα aa, ba kpɔ deε chɔɲε kon ta ase wee chaah nomelbwa waa de ba bela.
- 34Sibie do ke kandeα de te newenyini. He sibie wer aa, he de na bɔr. De a chɔgɔ ge aa, amo de he lo biro ta. Gee a do, de he sie begre Korowii waa ta naa, de he wobelbwa ta chaahnɔ. Ke de he sie begre hare no ta kwaa ta naa, he lo biro ta.
- 35Anomanta he nyiɲi kerede ase he sie won chaah waa Korowii aa kpɔa te heyaa la ta, he be biro ta so.

36De he sie begre Korowii waa ta, ase he gel wetonla ne dachoge belbwa de le Korowii wa aa, gee he sie ee ba chaahna kerede Korowii waa la ta, kenjo baa chonji kanda ase wee chaah bor kohona la.”

37Yeesu aa bol waa tone la, Farisii te bel yerjo no o ba di kwaa o dem. Anee o la baa la dem de ka so dee ba kwaa dii.

38A e Farisii te la nyokpoa ke waa de ba kwaa dii la, o ta noora same ge ba nawee wa aa de bagle la.

39Ase Yeesu no o be no, "He Farisii tena do kenjo baa loo numoli ne hene bwara de gel a bini la. Nera sie ta waa gboo hae e, ke he bambile bini te, wechoga ne kwaa ta sibegra gboo he bwa.

40Gena! Korowii waa ta yaa no, o laa e ya bini ne ya ban bwa kee?

41He kpjo kwaa haa nyina cheg la dee ke nyaara he bambile bwa ne ase komelbwa do wer te heya.

42"He Farisii tena, he bwaele ke haa de te Korowii o bor he par nyoa kondikonjebre kwaraa ta, ke de veh kasintej ne Korowii nyina te la. Ano noo che ke hae e, ke he be ano la aa jaa la gel.

43Farisii tena, he bwaele ke haa de nyin sobordaeega cheremi deene bini, dee nyin ke baa duu heyaa nera baah ta no.

44He bwaele! He do kenjo nwama nera aa wola a waa jeme dee vale a ta ken.”

45Belaa Ton Jerema la bel no Yeesu be no, "Nomoa, de he no ge naa, de he jo ya gba ne.”

46Anee Yeesu chano no, "He Ton Jerema haa de bagle Korowii Waa la ge, he bwaele. He kpjo wekpega aa do kenjo bone de dawe nera ne, ke de te bere laa non kpjo a ta.

47He bwaele. Heyaa ma kwaa chonje Korowii keamere nwama ta la. Ge nera no laa he naanar kpoo la aa?

48Kwaa haa maa chonje Korowii keamere la nwama la ta la baglo kenjo he gbabir seh waa he naanar aa ea la ta.

49Ano waa Korowii bol o Ton la baa de yerjo Wejema la bini no, 'Mee tome n keamere ne toroma ba bee, baa kpoo banee de fiigi bane' la.

50Anomanta Korowii ee pee fini no nera o keamere nera aa kpoo ba le hare mumpar la bwa waa.

51De le Abel kpoe ta ka tel Sakaria baa kpoo bela baa de fuh kwaa dee te Korowii ne Korowii Dea la tenten baah ta la. Kasintej, n de no he be, Korowii ee pee fini no nera ba bwa waa.

<sup>52</sup>Hé Tɔn Jerema ge bwɛɛ! He do kɛŋɔ nɛra baa laa dea Korowii wejema aa lɔ o bini kare, de laa konkare la kpɔ haa wola o binii jo, he ge aa nɛra ŋwenɛɛ tɛ ba jo de ka hweli.”

<sup>53</sup>Yeesu aa le bela kaa la, Tɔn Jerema la ne Farisii tena la mugli o baah taeh, de gel o bol waa kohona,

<sup>54</sup>de hagro bela dé lawɛ o nyoa.

## Luk 12

<sup>1</sup>Aa ɛ tama la, nɛra kagboŋa baa cheme Yeesu sie. Baa wara nomanta, de ba de tigri dɔŋa nakpale ta. Belaa Yeesu tɔ sie bol waa o habɔtenra la be de sɛg ba ŋɔ, "Hé nyiŋi he te kerɛde Farisii tena iisi wa. Nɛra sie baa nyiŋi deɛ ɛ wa.

<sup>2</sup>Wobelbwa nɛra aa tɔ a ta la ɛɛ le bagee, ase waa aa soah bwa ge le nɛra jeme.

<sup>3</sup>Taraken waa haa bola biro ta la, aa le bochaah taa ba no, ase waa haa soah bol nen be dea he ne o gbo la, baa bola nenlaa baahnee.

<sup>4</sup>"Yabala, n de ŋɔ he be ŋɔ, he be nɛra baa de ba wona kpɔ heyaa baa wola won ɛ waane kpa la ɔmɛ.

<sup>5</sup>Kɛ mɛɛ bagle heyaa naate aa che kɛŋɔ hɛɛ ɔmɛɛ. Héɛ ɔmɛ Korowii waa de ba wona kpɔ heya, de bere won kpɔ heyaa kaa Bɔnsam nii ta la. Onee che kɛŋɔ he ɔmɛ.

<sup>6</sup>He nao kɛ pɛtopre ta yog doe, kɛ Korowii ta benkpon kwaraa waa soeh.

<sup>7</sup>He nyumpona kwara, Korowii jeme a nyoa. He be deɛ ɔmɛ. He ta pɛtopre gwaale wobolbwa ta naa?

<sup>8</sup>"Hé gel n ŋɔ he be, nomɛlbwa waa won che nɛra baah ta de seh ŋɔ o ja n nɛɛ la, awola Korowii aa ba de ba bol nɛra bwa waa de pa bole la, n Nen Bie la gee yere naate sɔn nyundua toroma siee kɛ o ja n nɛɛ.

<sup>9</sup>Nomɛlbwa ge waa vɛɛh mɛ nɛra baah ta, de ŋɔ o ta n nɛɛ jae la, awola Korowii aa ba de ba bol nɛra bwa waa de pa bole la, n gee vɛh naatee nyundua toroma sie ŋɔ n ne o laa.

<sup>10</sup>Nomɛlbwa waa bol waa yage n Nen Bie la, Korowii ɛɛ kpɔɔ keo, kɛ naate waa ɛ Korowii Domadɛɛge la nenhela la te, Korowii aa o wechɔgaa kpɔ keo.

<sup>11</sup>"De ba yere heyaa ka che cheremi deene bini ne hare nɔ ta nomonome sie naa, he be gel ge haa bol de le he te la hiah heya,

<sup>12</sup>dekalkɛŋɔ Korowii Domadɛɛge la ɛɛ bagle heyaa bug la ta ge haa de ba bola.”

<sup>13</sup>Belaa baa bel waa ja nenlaa la nɛɛ ŋɔ Yeesu be ŋɔ, "Nomoa, ŋɔ n dɔɔ be áɛ o gel ya bɔne kpanjogo ya mɛɛ aa sewa de gel tɛ yaa a do o be la bini.”

<sup>14</sup>Ase Yeesu ŋɔ o be ŋɔ, "Nɛmbaa, umee kpɔ mɛ cheg ŋɔ n bol he waa de bɔne he kapere ɔ?”

- 15O ɲɔ ba be ɲɔ, "Hé gel he sie cho hare he nyinji kerede de be kwaa dee kam, dekalkeɲo newenyini kondoooh kohona laa o mkpa."
- 16Yeesu seg ba ɲɔ, "Suuga te belee fa lole o koo kondikwaa e taeh.
- 17Belaa o so de lii o nyu bini ɲɔ, 'Eree mee ba ee yo? Bela maa chea do la aa kane,'
- 18de ɲɔ, 'Mee pagre n dondogre noo de ea a do kan ase n mea ne n kwaa bwa do bor jo a bini.'
- 19O lii waa o nyu bini de ɲɔ, 'N do kwaa de di la sie, mee diu de le n sie de so dee one.'
- 20Anee Korowii ɲɔ o be ɲɔ, 'Gene! Fini jwaana no ne hee sewoo, ase kwaa haa kwaara cheg la, lee hee ba a bor nae ja?' "
- 21Waa Yeesu aa bola de kpɔ teje ge waa la ta laanee ke, "Gee aa ba nera la baa kwaa kondoooh dee cheg ba te hare ta bono baa wola kembor belbwa doe Korowii be la nee doe."
- 22Yeesu ɲɔ o habotengra la be ɲɔ, "Anomanta, n de ɲɔ he be ɲɔ, he be gel he sie begre he sog a bini kwaa haa di ne kwaa haa to wa.
- 23He mkpa gwaa kondikwa, he bwadabii ge gwaa yal.
- 24Hé ta sie nyinji jumbii na. Aa kwaa du, aa kome, a ta bela aa kome kwaa dee do doe. Korowiirii dee tea kondikwa. He gwaa jumbii bam!
- 25He bini umee de won kpɔ sibegra ɲwene bel de kpɔ topebenkpon ja o mkpa ta no?
- 26De haa won e a ge wetamaa no gba naa, erree he gel he sie ee begre ano la aa kaa wao?
- 27"Hé ta sie nyinji kpog bini konkwaa aa de fe a fee yon do wer la de na. Aa toma ee dee koh, aa yabi ta. Ke n de ɲɔ he be ɲɔ, Koro Solomon gba ne o kondoooh bwa, o laala ta wer doe ke a ge kwaa no bwa.
- 28Kpoga haa naa a do wer fini, ase kere gbo de a serewo ba fuah no, de Korowii gelo a do wer ken naa, erree waa wola won to heyaa yal gwaala o? He yarada aa kane kwara!
- 29Anomanta he be gel he sie begre hee nyin ano la haa di ne ano la haa nyo.
- 30Nera baa wola Juda tena ee baa wola Korowii tome la liiree dee do a ge kwaa no ta. He Mee waa lo nyundua la jemo ke he de nyin ano bwa.
- 31Hé gel he sie begre Korowii Kora la ta, ase o kpɔ ano haa de nyin no bwa te heya.
- 32"Anomanta, Korowii toroma, haa kane, ke he be dee ome, dekalke a de e he Mee waa lo nyundua la silae ke he ja o Kora la ta.
- 33Hé yog kwaa haa doa ase de kpɔ a suuga la ke nyaara. He e ge naa, hee do pure aa wola chog ne kondoooh aa wola tone bwa Korowii doa. Belaa kondoooh aa wola mule, dekalke ɲweera aa won la ka ɲwea, kwaa ge aa wola won chwea.
- 34Bela he kondoooh aa lole laanee he liire ge do.

- 35 "Hé kpɔ he te dɛɛ kpa toma ɛɛ. Hé kpɔ he te dɛ gel he kandere ɛɛ hɔ,
- 36 kɛɲɔ bonɔɔna ba dɔɔ aa kaa hanfale chema ase ba so kpao, áse dɛ o balɔ dɛ ba lo gbera aa, bug la ta ba yao la.
- 37 Bonɔɔna baa soga kpa ba dɔɔ, ba ta dom chɔɛ o ba puu ba la, ba sie dɛ lɛ. Kasintɛɲ, n dɛ ɲɔ he be, wɛɛ kpɔ o tenee dɛ yer ba so tig ta, ase dɛ tɛɛ ba kwaa ba di.
- 38 Dɛ ba dɔɔ la balɔ jwaana kɛɛ harambaɲa dɛ ba puu ba kɛ ba sogo kpao waa, ba sie ɛɛ lɛo.
- 39 Héɛ no. Dɛ dem te fe jɛɛ gɛ saɲ ɲwɛɛ aa ba ɲwɛo waa, o fe aa gel o won ba jo o dem dɛ ɲwɛo.
- 40 Gɛɛ chɛ kɛɲɔ hé ge kpɔ he te dɛ so kpa, dɛkalke pigraa n Nɛn Bie la ɛɛ ba ba pigri heya."
- 41 Anee Pita ɲɔ, "N Dɔɔ, yanee hɛɛ sɛgle nɔ kɛɛ nomɛlbwa jao wɔ?"
- 42 Ase Yeesu chaɲɔ ɲɔ, "Bonɔɔ waa dɔ kasintɛɲ dɛ dɔ liire la non taa o dɔɔ kpɔ o dem tena la dɛɛ do, dɛ ɲɔ bɔr dɛ magre aa, ó tɛɛ ba kondikwa.
- 43 Dɛ bonɔɔ la dɔɔ la baa puu, dɛ o dɛ ɛ gɛ waa kpɔa do o non ta la aa, bonɔɔ la sie ɛɛ lɛo.
- 44 Kasintɛɲ, n dɛ ɲɔ he be, o dɔɔ la ɛɛ kpɔ o komɛlbwaa do o non ta ɲɔ wɛɛ nyiɲi a ta.
- 45 Kɛ dɛ bonɔɔ la ta gɛ liire, dɛ ɲɔ, 'N dɔɔ ɲwɛnɛ nɔ waa kaala nɔ, waa ba taraken,' dɛ do o dɔɲa bonɔɔna la ne toli baa kaa la nɛɛ dɛɛ lɔɔ, dɛ di kwaa dɛ nyɔ sen dɛɛ dɛɛ raa, amɔ wɛɛ na waa.
- 46 Tɔpɛbenkpoɲii o dɔɔ ɛɛ ba bala ba pigru, ase dɛ ba tɛr o dɛɲne taɛh kɛɲɔ baa dɛ ɛ nera baa wola Korowii yarada la ken.
- 47 "Bonɔɔ waa jɛɛ gɛ o dɔɔ raa dɛ nyin, kɛ dɛ vɛh o te kpɔɛ dɛ ɛ gɛ tɛo la, o dɔɔ ɛɛ geloo ba lɔɔro taɛh.
- 48 Kɛ bonɔɔ waa wola gɛ o dɔɔ raa dɛ nyin jɛɛ, dɛ ɛ lɔɔra waa la, baa lɔɔroo tamaa ken dɛ kpɔ dɛɛ tɛr o dɛɲne. Nɛn Korowii aa chao o jɛɛ waa kohona la nɛɛ o kpɔ wedamanta ɛɛ dawɛ. Nɛn baa kpɔ waa do o non ta kohona la bee baa bɔɔ waa kohona.
- 49 "N balɔ dɛ ba kpɔ nii ta hare nɔ ta ó fuh. Dɛ nii la fe dɔɔ dɛɛ hɔ aa, a fe ɛɛ do n somee taɛh.
- 50 Wahala ane chɔ n sie a chɛ kɛɲɔ ba do mɛ a ta kɛɲɔ ba dɛ sɔ nɛn Korowii ne aa, ba yon doo nee ta la. Dɛ n ta a gɛ wahala la nae tonaa, n bambile ta men sɔɔhɛ.
- 51 He dɛ lii kɛ n ba nyopɛo ne hare nɔ ta kɛɛ? Akai, n balɔ áse nera ne ba lolanar dɔm.
- 52 Le fini dɛɛ kaa, dem benkpoɲ nera banue aa lɔ o ta la, ba baah dɛ ba pera ase batoro hah banɛ, ase banɛ la ge hah batoro la.

<sup>53</sup>Mēenanar dɛ ba ba bibaala haeh, aɛ bibaala ge hah ba mēenanar. Nyare ɛ hah ba bihaahnaa, aɛ bihaahna hah ba nyare. Haahna ɛ hah ba bii haahnaa, aɛ ba bii haahna hah ba.”

<sup>54</sup>Yeesu berɔ ɲɔ nɛnlaa la be ɲɔ, "Dɛ he na baama dɛ kaa mun ta naa, gɛɛ he ɲɔ bwaala dɛ ba nɛɛ, dɛ o nɛo.

<sup>55</sup>He jeme bela peu aa le dɛɛ ta he ɲɔ bɔwɔb ɛɛ bao, dɛ o balɔ kpela.

<sup>56</sup>Nera haa dɛ nyinji nɛn sie bɔr mɔɔ dɛɛ ɛ wa, he won nyundua ne hare nyinja dɛ jeme waa aa dɛ ba chiga, aah ɛɛ waa haa wola won jeme waa aa dɛ chig taraken nɔ te mun nɔɔ?

<sup>57</sup>"He te aa won nyinji dɛ na waa aa wera dɛɛ tɛɲɛ a ta naa?

<sup>58</sup>Dɛ he ne he dɔɲ dɔɔ, aɛ o kpɔɛ dɛɛ kaa kɔɔto aa, larawe naate hɛ ne o pɛ. Dɛ gɛ laa, o tel he ne bela aa, kɔɔto nomoa waa dɛ pa bole la dɛ ba he kpɔɛ dɛ tɛ prosiri, aɛ ba ka doe dea.

<sup>59</sup>Belaa hɛɛ ba doe ka tel kɛ haa bɔ suuga baa dɛ lɛɛ la bwa ka tone, kapɛɛ gba aa wola ka."

## Luk 13

<sup>1</sup>Gɛ saɲ la dɛ nera bane lɔ bela dɛ ɲɔ Yeesu be ɲɔ Galilia tena bane fa kpoo kwaa dɛɛ tɛ Korowii, aɛ Paelet kpoo ba, aɛ ba chal koo kwaa baa kpoo tɛ Korowii la chal ta.

<sup>2</sup>Aɛ Yeesu chaɲ ba ɲɔ, "He dɛ lii kɛɲɔ waa aa pu a gɛ Galilia tena nɔ dɛ bagle kɛ ba wechɔga gwaa Galilia tena baa kaa la kwaa kɛɛ?

<sup>3</sup>N dɛ ɲɔ he be ɲɔ, gɛ laa a do. Dɛ he ta he liire chare le he wechɔga ta naa, he bwa gee serewoo.”

<sup>4</sup>Yeesu berɔ ɲɔ, "Aɛ nera fi dɛ banuatoro bane deɲaɲ bɛl aa kua chole ba nɛɛ Siloam ba bwa serewe la geɔ? He liire dɛ ɛ heyaa kɛ ba wechɔga gwaa nera baa lɔ Jerusalem bwa kwaa kɛɛ?

<sup>5</sup>N dɛ ɲɔ he be ɲɔ, gɛ laa a do. Dɛ he ta he liire chare dɛ le wechɔga ta naa, he bwa gee serewoo.”

<sup>6</sup>Yeesu sɛg ba ɲɔ, "Baa bɛlee fa lole dɛ du daa bɛl o koo ta. O laɲɔ ɲɔ ó ka nyin o nɔna togri, o ta nɔn beɲkpoɲ kwaraa dɔɛ o ta.

<sup>7</sup>Anee o ɲɔ nɛn waa kpɔɔ wɛɛ nyinji koo la ta la be ɲɔ, 'Na, bene atoroo nɔ maa dɛ ba bonɔ dɛ baa nyin daa nɔ nɔna, kɛ maa ane dɔ. Anomanta tɛɲo ta! ɛɛɛ o che bonɔ dɛ le bɔr dɛɛ ɛɔ?’

<sup>8</sup>Aɛ nɛn waa dɛ nyinji koo la ta la ɲɔ, 'N Dɔɔ, gel o che benanyoa beɲkpoɲ ja yá na. Mɛɛ kwi o munii dɛ che nabena do o mun ta.

<sup>9</sup>Dɛ benanyoa chemo o nɔnaa, amɔ te dɛ anee. O ta wone nɔnɛ ge aa, aɛ hɛ tɛɲo ta.' “



- 10Awola Ona Tɔpere bɛl, dɛ Yeesu dɛ bagle waa ba cheremi dea bɛl ta.
- 11Dɛ haah bɛl kwa aa dɛ ir o nɛɛ dɛ kpɔ weela ta o nɛɛ bene fi dɛ anuatoro dɛ guro waa wola won pee o te kwaraa lɔ bela.
- 12Yeesu aa nao la, o yerɔ dɛ ŋɔ o be ŋɔ, "Haah, le fini dɛɛ kaa, he weela kaalo, aa ba kpa."
- 13Yeesu kpɔ nɔɔra dawɛ haah la nɛ, asɛ bug la ta o won pee o te, dɛ jam Korowii.
- 14Cheremi dea bela nomoa la baah diu kɛ Yeesu aa chah nen Ona Tɔpere ta la, dɛ ŋɔ nera la aa lɔ bela la be ŋɔ, "Tɔpera anumɛlee chɛ kɛŋɔ ya kpɔ dɛɛ ɛ toma. Anomanta a gɛ tɔpera la taa chɛ kɛ he baa chah he weela, kɛ Ona Tɔpere te ta laa!"
- 15Anee Yeesu ŋɔ, "Nera haa dɛ nyiŋi nen sie bɔr mɔɔ dɛɛ ɛ wa! Haa he nae ne keegore yae dɛɛ ta Ona Tɔpere dɛ tega la nee ta á kaa nyɔ ne aa?"
- 16Haah nɔ, Abraham naa on. Bene fi dɛ anuatoroo la Bɔnsam aa sogɛ o nɛɛ dɛ chɔgo, aah aa were kɛ ba doŋi Bɔnsam la le o nɛɛ Ona Tɔpere dɛ leo ta aa?"
- 17Yeesu aa bol gɛ la, sihih kpɔ o dɔma la. Kɛ nenlaa baa kaa la te sie lɛ nyokpowaa waa ɛa la ta.
- 18Anee Yeesu berɛ ŋɔ, "Ere teneɛ Korowii Kora waa la doɔ? Bɔkwa koneɛ mɛɛ ba o kpɔɛ dɛ magɔɔ?"
- 19O waa tamaa bɛlbwa won yeera kɛŋɔ baa bɛl aa ira dɛ kpɔ mastad bii waa do jegaa gwaa daa bɛlbwa bi, dɛ kpɔ ka du, asɛ o le dɛ ɛ da, jumbii sɔh kɔne do o kpala ta."
- 20Yeesu berɔ ŋɔ, "Bɔkwa koneɛ n̄ berɛ kpɔ Korowii Kora waa la mage jaɔ?"
- 21A won komɛlbwa begra kɛŋɔ haah bɛl aa ira dɛ kpɔ iisi tama ka koo men logbaa del ta, asɛ a won gel men la bwa uge."
- 22Yeesu chig ŋwɛnɛ ta dɛɛ kaa Jerusalem. Waa dɛ kaa la, o kpɔ bwɛjɛna ne bwɛjegre ta dɛɛ bagle nera wa.
- 23Anee nomɛl bɔɔro ŋɔ, "N Dɔɔ, nera tama kenii Korowii ɛɛ ba lee yaa?" Ase Yeesu ŋɔ ba be ŋɔ,
- 24"Hɛ takapɔ dɛ kpɔ doonyoa waa do feelɔɔ o ta joe do kpegri la ta dɛ jo ka ja Korowii Kora la ta, dekalkɛŋɔ nera ɛɛ warɔɔ dɛɛ nyin dɛ jo bela, kɛ baa won dɔ bɔr jo.
- 25Dem te la ɛɛ iruu dɛ ba laa gbera la tɔ, a ka heyaa che baŋ, asɛ hɛɛ lɔ gbera dɛɛ soŋo ŋɔ, 'N poori, nomoa! Laa gbera ya yaa áɛ ya jo.' Ase o ŋɔ he be ŋɔ, 'Maa heyaa jeme bobɛlbwa.'
- 26Belaa hɛɛ ba ŋɔɛ ŋɔ, 'Ya ne he fa pɛ nɔn di kwa, asɛ he bol waa bagle yaa ya bwɛɛ ka.'
- 27Ase o berɛ ŋɔ he be ja ŋɔ, 'N ŋɔ maa heyaa jeme bobɛlbwa. Hɛ le n nɛɛ kaa, nenchɔga bane!'

<sup>28</sup>"Bela la, hɛɛ na Abraham ne Aesek ne Jekɔb ne Korowii keamere la bwa Korowii Kora la taa, ase Korowii donji he te ta. Belaa aa ba he nɛɛ wee, ase hɛɛ wi.

<sup>29</sup>Nɛra ɛɛ le wee leebɔr ne wee cholibɔr ne hare nɔ ta bobelbwaa dɛ ba ja Korowii Kora la ta, ase dɛ pɛ nɔn di kwaa dɛ lɛ sie.

<sup>30</sup>Hɛ jeme keɲɔ nɛra baa ka mun taraken ɛɛ ba tɔ siee, ase nɛra baa tɔ sie la ge ba kaa mun ta."

<sup>31</sup>Yeesu taa chege bug la ta la, Farisii tena bane ba o be dɛ ba ɲɔ o be ɲɔ, "A che ke he le bonɔ dɛ kaa bobel, dɛkalkɛɲɔ Kooro Herɔd dɛ nyini dɛ kpoɛ."

<sup>32</sup>Anee Yeesu ɲɔ ba be ɲɔ, "Hɛ ka ɲɔ baradeere te la be ɲɔ, 'Mɛɛ so lee dɛɛ donji kwaa aa dɛ ir nɛra nɛ, dɛɛ chah weela tena tɔpera anɛ mɔɔ dɛ tone n toma.'

<sup>33</sup>Mɛɛ sewɔɔ te, ke a che ke n vale ɲwɛnɛ tɔpera anɛ dɛ kaa Jerusalem. Bela laa baa kpoo Korowii keamere aa?

<sup>34</sup>"Oo, Jerusalem tena! Korowii tome o keamere he be naa, gee he kpoo ba, o tome toroma he be naa, gee he fog ba bwea. Saɲ belbwaa mɛɛ nyin ke n kpɔ nɔn tɔ he nɛɛ ke jal aa lawɛ o bii dɛɛ do o kena lɔgre la, ke haa nyin ke n lawɛ heyaa pɛ.

<sup>35</sup>Taraken te, Korowii ta he waa tɛ heya. Kasinteɲ, n dɛ ɲɔ he be, haa men na kpa ka tel ge saɲ maa ba ja, ase he ɲɔ, 'Woowo! Korowii Biee chege o sɔn ta dɛɛ ba la!'"

## Luk 14

<sup>1</sup>Awola Ona Tɔpere bel, Yeesu la Farisii tena nomonome la bel dem dɛɛ la ka di kwa, ase nɛra baa lɔ bela la ɛɛ nyiɲu dɛɛ kari waa waa dɛ ɛ bwa.

<sup>2</sup>Dɛ baa bel waa suuga soge Yeesu sie bela,

<sup>3</sup>anee Yeesu bɔɔ Tɔn Jerema la ne Farisii tena la ɲɔ, "Ya mmarrare la dɛ te ɲwɛnɛ ke ba chah nen Ona Tɔpere aa?"

<sup>4</sup>Ase ba bwa hel. Anee o lawɛ baa la dɛ chaoh dɛ kpɔɔ ta o kaa.

<sup>5</sup>Ase o bɔɔ ba ɲɔ, "He bini umee o bie keɛ o nao le kɔlɔɲ bini Ona Tɔpere, waa wola on lawɛ le kɔlɔɲ la bini warane Ona Tɔpere la tenten ta nɔ?"

<sup>6</sup>Ba ta wone dɔ waane chaɲo a ge waa la ta.

<sup>7</sup>Nɛra baa yer ba ɲɔ bá ba di kwaa la aa bala la, dɛ ba dɛ pene sobɔrdɛɛga dɛ so. Anee Yeesu aa na ba ge la, o kpɔ sɛgla bol waa bag ba ɲɔ,

<sup>8</sup>"Dɛ nomel baa yere heyaa hanfale kondikwaa mun ɲɔ hɛ ba di kwaa aa, he be nomonsobɔra ka pene dɛɛ so. Aa bao ke o ken ka yere nomel o nomonome aa gwaale.

<sup>9</sup>Dɛ o balaa, naate waa yere he bwa la ɛɛ ba ɲɔ he bee ɲɔ hɛ ir dɛ kpɔ nomombɔr la te nomoa la. Belaa hɛɛ ba sihih kpɔɛ dɛ ir ka so bechasobɔr nɛra la bwa habɔɔ.

**10**De ba yere a ge yer no dɔŋ bɔr aa, ka so bechasobɔr, ase de naate waa yere la balaa, ó ba ɲɔ he be ɲɔ, 'N dam, ir kaa sie nomombɔr bela ka so.' An de tee jirima nera baa yere he ne ba bwa la siwi ta.

**11**Nomelbwa waa de maɲkura o te la, Korowii ee ba o ne haree, ase nomelbwa waa de pwer o te la, Korowii ee eo nenjenii.”

**12**Yeesu aa bol ge waa no tone la, o ɲɔ baa la waa yer ba ɲɔ bá ba di kwaa la be ɲɔ, "De he e kondikonjena webaɲa kee jwaana dee yere nera ɲɔ bá ba di aa, be he daamanar, he nimanar, he lola, kee he dɔŋa kondɔɔhna gbo yere, dekalkeɲɔ ba gee e anee de yere, amo de he kwaa la kemee ba boe la.

**13**De he e ge kondikwaa no soosiwi aa, yere nyaara ne boobie ne nera ba nakpale aa teɲna, ne nyonja bá ba di,

**14**áse Korowii ee andeega, dekalke ba ta komelbwa doe de kpo boe kem. Awola nendeega aa ir seo ta la, Korowii ee boe a kemee.”

**15**Belaa nera Yeesu ne baa soge kondibɔr la bel no ge waa la, de ɲɔ Yeesu be ɲɔ, "Nera baa ba ja Korowii Kora la ta de di kwaa la, ba sie ee leo kerede!”

**16**Anee Yeesu seg ba ɲɔ, "Baa belee fa lole de e kondikonjena, de yere nera pirim ɲɔ bá ba di.

**17**Bɔr magro ke bá ba kondikwaa la dibɔr, ase o tome bonoo ɲɔ ó ka yere nera waa yer ba la ɲɔ bá ba, ke o tone komelbwa.

**18**Bonoo la aa la ba be la, ba bwa ɲɔ ba ta bɔr doe, de veh. Sitote la ɲɔ bonoo la be ɲɔ o yawe hare bel a che ke o la de ka nao, anomanta bonoo la ka ɲɔ o doo be ɲɔ o be gel a e waane ke waa wola bɔr doe de ba la.

**19**Bel ge ɲɔ o yawe nae fi de vorowe kwaa doa dee kaa a ne koo de ka pare a ne de na, ke torome la ka ɲɔ o doo be ɲɔ o be gel a e waane ke waa wola bɔr doe de ba la.

**20**Bel ge ɲɔ waa mo haah ta bigre, anomanta waa won ba.

**21**"Ase bonoo la la de ka ɲɔ o doo la be ge baa bola la. Anee o doo la baah di, o ɲɔ o bonoo la be ɲɔ, 'E warane kaa fɔgbaah ne lomoola ta de ka yere nyaara ne boobie ne nyonja ne nera ba nakpale aa teɲna áse ba ba di kwaa la.’

**22**A ta bigre belbwa bonoo la ba de ba ɲɔ o doo la be ɲɔ, 'N la he tom la, ke sobora ane ta cho le pepee.’

**23**Anee o bere ɲɔ bonoo la be ɲɔ, 'La nyenere ta ne dahare, nomelbwa haa nao la, lawo ba áse n dem bono su.

**24**Kasinteɲ, n de ɲɔ he be, nera n faa yer ba la bini belbwa aa n kondikwaa noo di kpa!  
“

**25**Awola bel, nenlaa bane ja Yeesu nee o ne baa kaa, ase o ka bere o te de ɲɔ ba be ɲɔ,

<sup>26</sup>"De nomelbwa ba n be o ta men nyine gwaa o mee ne o nya, ne o haah ne bii, o dooranar ne nimanar ne nimambii de o gbagba aa, waa won e n habotejre.

<sup>27</sup>Nomelbwa waa wola won kpɔ o te te, de seh wahala nae ne seo bwa, de teje n nee keɲɔ nen waa kpɔ dagagre che bá ka kpaaro pel o ta la waa won e n habotejre.

<sup>28</sup>De he bini bel de nyin ke o do abrosane aa, waa nyinji na keɲɔ o do suuga aa de ba wona tel la aa?

<sup>29</sup>O ta nyinje kerede mɔɔ de pa dea la mun, de o ta ba wone tone dea la doe yaa, nera ee mamɔɔ,

<sup>30</sup>de ɲɔ, 'Baa nɔ laa fe de do dem la aa? O laa hora naa?'

<sup>31</sup>"De kooro ne o koodɔɲ bel do yoi, o do nera kagboɲa fi o dɔɲ la ge do nera kagboɲa fifraane naa, waa so de lii ke wee wonoo kpɔ o nera la ka pu o dɔɲ la waa do nera gwaalo la mɔɔ de le ka puu wa?

<sup>32</sup>O ne o dɔɲ la baah taa jaɲa o na keɲɔ waa won puu yo la, wee do toromaa bá ka larawo áse ba pe.

<sup>33</sup>Ge tentenee a che ke he so lii mɔɔ. Nomelbwa ta o komelbwa gelaa, waa won e n habotejre.

<sup>34</sup>"Yar wer, ke de aa some kpa a, eree bá bere dee ba a ee á do som jao?

<sup>35</sup>A ta wejema belbwa doe kpa. Aa hare gba kwaa. Fugaa a den che keɲɔ ba fuga ta. He naate haa no la, no."

## Luk 15

<sup>1</sup>Awola bel lampoo leera baa de bo apoo ne wechɔg-eera teɲɔ de ba bar Yeesu cheme de no o wa.

<sup>2</sup>Anee Farisii tena ne Tɔn Jerema bane ɲwalɔ de ɲɔ, "Ge baa nɔ de le wechɔg-eera o ne ba yon pe non dee di kwa."

<sup>3</sup>Belaa Yeesu seg ba ɲɔ,

<sup>4</sup>"He bini umee de do peera lafa, ase beɲkpoɲ nyograa, waa wola o boree gaage ɔ? Wee gel fifraanuanaare de anuanaare laanee a dibɔr tama de ka gaage beɲkpoɲ waa nyogra la bɔr ka tel keɲɔ waa nao.

<sup>5</sup>De naate na a ge pee nɔ naa, silɛ kohona nomanta, wee kpɔɔ dawɛ vam ba dem.

<sup>6</sup>O ba dem aa, wee ɲɔ o daamanar ne nera o ne baa soga bwa bee ɲɔ, 'N sie leo kohona keɲɔ maa na n pee waa nyogra nɔ. Anomanta hé ba yá le ya sie.'

<sup>7</sup>Kasintenɲ, gee aa ba Korowii doa ge doe. Wechɔg-ee beɲkpoɲ chare o liire de le o wechɔga ta naa, Korowii ne o nyundua toroma sie ee le o nee de gwaa nera fifraanuanaare de banuanaare baa de lii ke ba e nendɛega baa wola chee keɲɔ ba chare ba liire de le ba wechɔga ta.

- 8"Gε laa ge aa, haah besoo lole dε dɔ suugaponɔ fi, ase dε beɲkponɔ nyograa, waa wola niinii choɲi dε chaa o dea dε gaage o bɔr sibegra ne ka tel keɲɔ waa nao wɔ?
- 9O nao waa, wεε yere o daamanar ne nera o ne baa soga laanee dε ηɔ, 'N sie lεo kohona keɲɔ maa na n suugaponɔ waa nyogra nɔ. Anomanta hε ba yá le ya sie.'
- 10Kasintenɔ, gεε aa ba Korowii doa ge doe. Wechɔg-εε beɲkponɔ chare o liire dε le o wechɔga ta naa, Korowii ne o nyundua toroma sie εε le o nεε taeh."
- 11Yeesu berɔ seg ba ηɔ, "Baa bεl fa dɔ bibaala banε.
- 12O bii la bini ombechala la ηɔ o be ηɔ ó bɔne o kpanjogo bini, ase dε teo o bɔr. Ase baa la bɔne o kpanjogo la bini tε o bii la, dε kpɔ o bie bechala la bɔr teo.
- 13A ta tɔpere bεl dii, o bie bechala la yog o te kwaa la bwa, dε kpɔ o suuga jo pua bojanɔ kaa. Waa lanɔ la, o kaa ε suuga la sagasaga ken.
- 14Waa baa di suuga la bwa la, a ta tɔpere bεl dii, ase lɔrjen bεl chole hare la ta bela waa lole la, dε o ta suuga dɔe, o ta kondikwaa ge dɔe dé di.
- 15Aa do gε la, o kpɔ o te ka pεl bela te bεl, ase o gel o kaa nyiɲi o prakooni nε.
- 16Lɔr la nyoa baa do kpegri kohona, ase o baa pele prakooni la kondikwaa kwaraa nε, ke nomεlbwa ge ta on komεlbwa tεε.
- 17"Ase o sie aa baa ba hare la, o sogo dε lii o mεε waa dε ηɔ, 'N mεε bonɔɔna kwaraa baa lɔ o sie la di kwaa dεε ka, ase n do bonɔ lɔr εε kpo mε la.
- 18Mεε iruu dε la n mεε be dε ka ηɔ, "N mεε, n ε wechɔga dε jo he ne Korowii bwa nε.
- 19N ta cheε keɲɔ he yer mε he bie kpa. Ke n poori, lεε mε dε kpɔ mε ε he bonɔɔna la bεl." ‘
- 20Bie la aa lii gε la, o iro chig ηwene ta dεε kaa o mεε be. Waa dε kaa o mεε be la, o mεε lɔ dem dε nao bojanɔ, ase o tea domɔ, o chwa dεε chemo dε ka gbaaro pεl o bambile.
- 21Belaa bie la ηɔ, 'N mεε, n jo he ne Korowii nε. N ta cheε keɲɔ he yer mε he bie kpa.'
- 22Bie la nyoa ta lee mɔɔ dε o mεε yere o bonɔɔna ηɔ, 'Hε chwa ka nyiɲi n yale la bwa bini ondεεge ba teo ó tɔ, dε kpɔ nonisegdεεge ba doo, dε nyin nanɲawa ba teo ó do.
- 23He tonaa, hε ka lawε nabie la bwa bini ondεεge dε ba kpo, áse ya di kwa dε le ya sie,
- 24dekalkεɲɔ n fa liiro keɲɔ n bie nɔ sewɔ, ase o berε ba nɔ. O faa nyogra la, taraken te n nao.' Ate ba ε kondikwaare dεε di dεε le ba sie tenten.
- 25"Waa nɔ bwa aa dε ε la, dε binomoa la le koo dεε ba. Waa dε tel ba dem la, o no gbɔɲri ne yela ne sae gbɔga dem bela.
- 26Anee o yere o mεε bonɔɔna la bεl dε bɔro ηɔ, 'Bɔkwa waa chig deemo?'

<sup>27</sup>Anee o ɲɔ, 'He nime la waa joa kaa la, onee bala, ase he mee gel ya kpo nabie la bwa bini ondeege la de e kondikwaa de di dee le ya sie, dekalkenjo wobelbwa ta on ee.'

<sup>28</sup>Ase binomoa la baah di, o kire ɲɔ waa deemii jo. Ase o mee ba larawo ɲɔ ó ba dem.

<sup>29</sup>Belaa bie la ɲɔ o mee be ɲɔ, 'N mee, n ge aa dena dee tome saɲ la bwa, n ta he toma veeh bwa, bokwa konee he te me no? He ta bombie kwaraa lawe te me ɲɔ n kpo, n ge ne n daamanar kpo le sie bwa.

<sup>30</sup>Ke he bie no waa kaa chog o suuga haahna nee de ba no, he berɔ gare kpo nabiideege teo.'

<sup>31</sup>Anee baa la ɲɔ, 'N biddeege, n ne haa lole no, n komelbwa maa doa la, hen doa.

<sup>32</sup>He nime no aa nyogra de bere ba no, a che kenjo ya gel ya sie le, dekalkenjo ya ɲɔ o sewɔ, o bere ba no, ya ɲɔ o nyogro, ke taraken ya nao.' "

## Luk 16

<sup>1</sup>Yeesu ɲɔ o habotenra la be ɲɔ, "Baa belee fa lole de e kondooh, de kpo o kwaa bwa do o bonoo bel non ta ɲɔ wee nyinji a ta. Belaa nera ka ɲɔ suuga te la be ɲɔ o bonoo la de di o suuga sagasaga.

<sup>2</sup>Anee suuga te la tome nen o ka yere o bonoo la, ase o ɲɔ o be ɲɔ, 'N de no waane ke he de di n suuga. Ka kpo he ton ba de ba bag me suuga aa jo he non ta, ne ge haa e a ne, ase de kpo n kwaa do n non ta, dekalke maa gel he nyinji n kwaa ta kpa.'

<sup>3</sup>"Ase bonoo la kaa de ka lii o nyu bini ɲɔ, 'N doo de ba men toma ta lee. Eree mee ba ee yo? N ge aa kpege de pare di, ase n sie ge garɔ ne kwaa soɲa.

<sup>4</sup>N jeme ge maa e, ase de ba lee me toma ta naa, n do daamanar baa nyinji me.'

<sup>5</sup>O yere nera baa di o doo kema la benkpɔɲa benkpɔɲa, de boɔ sitote la ɲɔ, 'Anwenee he di n doo kem o?'

<sup>6</sup>Anee o ɲɔ, 'N di kem ɲogo garare lafa.' Anee bonoo la ɲɔ, 'Le ton warane, de so hare de chwere fifraanue.'

<sup>7</sup>Ase o bere boɔ neete ge ɲɔ, 'Kem anwenee he ge dio?' Ase o ɲɔ, 'N di kem mea baagere kagboɲ.' Anee bonoo la ɲɔ, 'Le ton de so hare de chwere lafraanuatoro.'

<sup>8</sup>Anee bonoo nangarawa te no doo la aa noa la, o kpeero ɲɔ o ea wejema ta." Yeesu aa seg ba tone la, o ɲɔ, "Nera baa do hare no ta liire la, ba do wejema ba ne ba bala kpoɲa de gwaa nera ba sie aa chaah Korowii waa ta la."

<sup>9</sup>Yeesu berɔ ɲɔ ja ɲɔ, "He kpo he laala ne suuga aa e hare no ta kondooh la dee nyin daamanar, ase de a baa hiah heyaa aa, ba won le heyaa silae ne bwee waa wola chog bwa la ta.

<sup>10</sup>"Naate waa wona do kasinten kontamaa ta la, wee wonoo do kasinten anjena ge ta. Naate waa wola wone do kasinten kontamaa ta la, waa won do kasinten anjena ge ta.



- 11**De he ta wone nyin hare no ta kondoooh a kwara aa e konsale no ta naa, eree hae ba wona nyin kondoooh tenten ta no?
- 12**De he ta wone nyin nomel kon ta naa, umee dee ba he gbagba kwaa kpoe de do he non ta no?
- 13**"Nomelbwa aa won tome dooranar banee. De a ba ge naa, wee dee nyin bel waa de gwaa bel. A laa ge aa, o sie ee dee le bel bee de gwaa bel. Haa won tome Korowii de bere won nyin hare no ta kondoooh a magre."
- 14**Farisii tena la aa no ge la, ba chwee Yeesu, dekalke de ba de nyin suuga taeh.
- 15**Anee Yeesu no ba be no, "He de e he te ke he e nendeege he waa aa su Korowii siwi, ke Korowii jeme ge he liire aa doa. Kon waa e konjen newenyini sie ta la, Korowii te aa on komelbwa bu.
- 16**"Mosis Mmara la ne Korowii keamere la waa la baa chwera laanee lole baa bagle mo de ka tel ge saŋ Jon o faa de so nera Korowii nee la aa bala. Le ge saŋ waa bala de baa bol Korowii Kora la Amanesoma la, nomelbwa siwi swero wee nyin bor de ja Korowii Kora la ta.
- 17**Ke, nyundua ne hare ee chogoo, de ba ta Mmara la bini wejega belbwa bere.
- 18**"Nomelbwa waa veh o haah de bere ka mo hanfale la, o e wechoga de bo jwamane, ase nomelbwa ge waa mo haah o jaa raa veoh la, o ge bo jwamane.
- 19**"Baa belee fa lole de do suuga, dee do laaladeega de do kwaa no bwa, ase dee di kondeege topere belbwa, dee le o sie tenten.
- 20**De baa bel ge lole de nya, ase nwera e o bwa baa yero Lasoros. Ba yon kpoo ka bil suuga te la dem doonyoa,
- 21**ase wee do hwega kondikwaa suuga te la aa di ka ase o bonona kpo ba ta la ta. Hale de nyootena ba de kpele o nwera la.
- 22**"Nyaa la baa sewe, ase nyundua toroma ba kpoo kaa nyundua o ka so Abraham be. Suuga te la ge baa sewe, ase ba hugo,
- 23**ase o ka jo Bonsam nii ta. De o de na nii taeh. On noa o nyin, de na Abraham bojan le, ase Lasoros so o be.
- 24**Anee o ha nyoa yere Abraham de no, 'N Naa Abraham! Na n sum, ase de tome Lasoros ase o kpo o nonii ka lege neson de kpo ba lege n nyondoje. N lo nii ta n bwara ee nyeg me.'
- 25**Anee Abraham no, 'N bie, lii kenjo ge saŋ he faa lo hare ta la, he di yee keredee, ase Lasoros na wahala. Taraken no o de di yee, ase he gee na wahala.
- 26**Hale n no o ba bela kwaraa noo, waa won ba, dekalkejo bojen bel lo ya ne he baah ta, nomelbwa waa lo bono dee nyin o ba bela haa lole la aa wola won ba, ase nera baa lo he be bela dee nyin de ba bono la ge aa won ba.'

- <sup>27</sup>"Anee suuga te la ηᵛ, 'Amᵛ te n de soηe, n Naa, tomᵛ ó la n mēe dem,
- <sup>28</sup>de ka kah n nimanar banue bane baa lᵛ bela la ηᵛ, ge maa ea la, ba be ge e ase de ba ba bonᵛ maa lole deē na wahala nᵛ.'
- <sup>29</sup>Ase Abraham ηᵛ, 'He nimanar la dᵛ tᵛne Mosis ne Korowii keamere la aa chwera la á ja ba. A che ke ba kura de no waa baa de bol.'
- <sup>30</sup>Anee suuga te la ηᵛ, 'Akai, baa no, n Naa. Ke de nomel iro le seo ta de ka ηᵛ ba be te naa, anee ba no de chare ba liire de le ba wechᵛga ta.'
- <sup>31</sup>Anee Abraham ηᵛ, 'De baa tᵛne Mosis ne Korowii keamere la aa chwera la waa no aa, nomel iro le seo ta de la ba be kwara noo, baa no.' "

## Luk 17

- <sup>1</sup>Yeesu ηᵛ o habᵛtenra la be ηᵛ, "A e wobelbwa, waa aa de ba gela nen e wechᵛga la ee bao. Ke naate aa che o nee de ba la, bwēeē.
- <sup>2</sup>De ba vᵛwe nambwe do naate baηa de kpᵛᵛ ka ta moo vil ta kwara naa, a fe bᵛ keηᵛ waa gela bechajegre nᵛ dᵛη belbwa e wechᵛga.
- <sup>3</sup>Anomanta hé nyiηi he te kerede! "De he dᵛη ee wechᵛga aa, ηᵛ o be. De o no a mun de chare o liire aa, kpᵛ o wechᵛga keo.
- <sup>4</sup>De tᵛpere belbwa o ee wechᵛga kera anuane, ase de ba he be de ba ηᵛ waa waa ee la, o kon chᵛgaa, kpᵛ keo."
- <sup>5</sup>Yeesu habᵛtenra la ηᵛ o be ηᵛ, "Ya Dᵛᵛ, cha yaa de gel ya dᵛ yarada kohona."
- <sup>6</sup>Ase Yeesu chane ηᵛ, "De he yarada fe kan keηᵛ sipon gba aa, he fe ee wonoo ηᵛ dajen nᵛ aa chega nᵛ be ηᵛ ó chugri ka che moo ta, ase o no de e ge."
- <sup>7</sup>Yeesu berᵛ bᵛᵛ ba ηᵛ, "He bini umee de dᵛ bonᵛᵛ weē pare he koo keē weē nyiηi he peera ta, ase waa le toma ta ba dem la, he den ηᵛ o be ó ba di kwao?
- <sup>8</sup>Akai! Haa o be gee ηᵛ. Hee ηᵛ o bee ηᵛ, 'E n kondikwaa ka cheg me, ase de kpᵛ he te ba che n be tig ta de e n wobelbwa te me ní di kwaa tone mᵛᵛ he ge ka di he kwa.'
- <sup>9</sup>Bonᵛᵛ la ee dᵛ jaamee waa o dᵛᵛ la aa doo a ta laanee yaa? Akai.
- <sup>10</sup>Ge tentenee he waa do. De he e waa Korowii aa do heyaa a ta ηᵛ hé e aa, he be he te kpēē. Hé ηᵛ, 'Ya e bonᵛᵛna yaa wola tᵛnᵛ dᵛe. Toma aa che keηᵛ ya e la gboo ya e la.'
- <sup>11</sup>Yeesu aa de kaa Jerusalem la, o kpᵛ Samaria hare ne Galilia hare jweh ta.
- <sup>12</sup>Ase waa de jo bwejega bel ta la, baala fi bane bwadabii weechᵛga ane aa lᵛ ba nee pa sie o be deē ba de ba chemo. Ba chege bojan,
- <sup>13</sup>de ha nyoa ηᵛ, "Ya Dᵛᵛ Yeesu, na ya sum!"

- 14 Belaa Yeesu aa na ba la, o ɲɔ ba be ɲɔ, "Hé kpɔ he te ka bagle Sɔfore la áse ba nyɲi heya na." Baa chig ɲwene ta de kaa la, ba weela la kaalo, ba bwara kwaa.
- 15 Ba bini benkpɔŋ aa naa keɲɔ o weela la kaalo o bwara kwaa la, o laa bere de baa jam Korowii takpeg ne,
- 16 de ba guɲi Yeesu sie de jaamo. De ge baa la e Samaria tee.
- 17 Anee Yeesu booro ɲɔ, "He lo nera fi n chah heya, leperaa banuanaare la te doo?"
- 18 Eree baa no waa wola Juda te ee no gbo won kpɔ jam ba te Korowii noo?"
- 19 Yeesu ɲɔ o be ɲɔ, "Ir kaa, yarada haa yarada me noo gela he do he te."
- 20 Awola bel Farisii tena bane boo Yeesu ɲɔ, "Beweeree Korowii Kora la ee ba bala o?" Anee o ɲɔ, "Korowii Kora la ta komel haa de ba o nae ee.
- 21 O ta komel yaa de ba ɲɔe ɲɔ, 'Onee no, kee onee ka lo le no' ee. Bambile binii o do."
- 22 Ase Yeesu ɲɔ o habotenra la be ɲɔ, "Aa ba tel saɲ belee ase hee nyin de fe do n Nen Bie la keɲɔ n ne haa sogaa topebenkpɔŋ gbo gba, ke haa gee do.
- 23 Nera bane ee ba ɲɔ he bee ɲɔ n lo bono kee le no. He be ka nyɲi.
- 24 Ge bwaala yon nyegle nyundua bwa chaah la, gee n Nen Bie la bala ee ba doe, nomelbwa na me.
- 25 Ke a che keɲɔ n na wahala kohona ase fini no nera veeh me, moo ano belbwa ba e.
- 26 "Ge aa ea Nowa bere saɲ la, gee n Nen Bie la ge bala saɲ ee ba ee.
- 27 Nowa bere saɲ la, de ba de di kwa, dee nyɔ sene, dee mo haahna, de lawe haahna te baala baa mo, de ka tel keɲɔ awola Nowa aa jo o gberjen la bini, ase bwaala ne aaa, mpo ne neerare bwa su to hare bwa, ase ba bwa serewe kwaraa.
- 28 "Ge tenten aa ea Lot bere saɲ ge ase Sodom tena ee di kwa, dee nyɔ sene, dee di bona, dee pare, dee ma deene la, gee aa ba ee.
- 29 Awola Lot aa le Sodom dee kaa la, Korowii gelo nii ne jeboro we aa de fuh le nyundua de ba fuh Sodom tena bwa kwaraa.
- 30 "Ge tentenee aa ba ee awola n Nen Bie la aa ba ja la.
- 31 Awola tope la, nomelbwa waa lo sal dea doa o laala do dea la, o be tu ba kpɔ kpa. Ge tentenee nomelbwa ge waa do koo ta la, o ge be dem ba de ba kpɔ komelbwa kpa.
- 32 Hé lii waa aa pu Lot haah la.
- 33 Nomelbwa o siwi aa swee hare no ta silee kwaa ta la, wee paɲe o nyuu. Ase nomelbwa ge o siwi aa wola hare no ta silee kwaa ta le la, wee do o nyuu.
- 34 Kasinten, awola jwaana la, nera bane ee peo de cho kalaɲ benkpɔŋ ta, ase Korowii ba kpɔ benkpɔŋ kaa de gel bel.
- 35 Haahna bane ee peo dee tuge kwa, ase Korowii ba kpɔ bel kaa, de gel bel.

<sup>36</sup>Baala bane ɛɛ do koo taa, ase o ba kpɔ bel kaa de gel bel.”

<sup>37</sup>Anee o habɔteŋra la bɔɔro ŋɔ, "Ya Dɔɔ, leperaa aa ba chiga ɔ?" Ase o ŋɔ ba be ŋɔ, "Bela konlale aa lole la, belaa kokosakiri ɛɛ cheme."

## Luk 18

<sup>1</sup>Yeesu kpɔ sɛgla bol waa bagle o habɔteŋra la, de ŋɔ a che ke baa soŋe Korowii san belbwa, de be bɔhwaah deɛ ɛ.

<sup>2</sup>O ŋɔ ba be ŋɔ, "Nomoa belee fa lole deɛ bol waa deɛ pa bole kɔɔto, de do bwɛɛ bel ta. De waa Korowii ɔmɛ, waa nen ge heeh.

<sup>3</sup>De bwɛɛ la tenten ta la, de luhaah bel ge lo bela, o yon deɛ la nomoa la be de kaa ŋɔ o be ŋɔ, 'Cha me ase de lee me le n dom non ta.'

<sup>4</sup>De kɔɔto nomoa la aa sie do o be, de gel a bigri. A habɔɔ la o lii o nyu bini ŋɔ, 'Maa Korowii ɔmɛ, maa nen ge heeh,

<sup>5</sup>ke luhaah no mare no waa de ɛɛ me no nomanta, mee nyiŋuu, de gel o di bole, ase o laa o melee waane kpɔ n nɛ.' "

<sup>6</sup>Yeesu ŋɔ o habɔteŋra la be ŋɔ, "He no ge kɔɔto nomonchɔge la aa bola aa?

<sup>7</sup>De nen waa do ken wono le nen aa, ɛɛɛ Korowii aa wola won cha o nera baa wia deɛ noo chɔɔ ne jwaana la de lee ba le ba doma non ta no? Aa bigruu mɔɔ o cha ba aa?

<sup>8</sup>N de ŋɔ he be ŋɔ, Korowii ɛɛ wonoo cha ba. Wɛɛ ɛa warane gee. De n Nen Bie la balaa, mee ba pu nera baa do yarada hare no taa te naa?"

<sup>9</sup>Yeesu sɛgle nera baa de lii ba te keŋɔ ba ɛ nendɛɛga gwaa nera bwa la ŋɔ,

<sup>10</sup>"Awola bel nera bane bane la Korowii Dea de kaa soŋe Korowii. De bel ɛ Farisii te ase bel ge ɛ nenchɔga baa de le lampoo la bel.

<sup>11</sup>Belaa Farisii te la ir che de soŋe Korowii o nyu bini ŋɔ, 'Korowii, n de jaame keŋɔ maa wola doe ke n bala baa de bo apoo, baa wola kasintɛ bol, deɛ bo jwamane no. N de jaame keŋɔ maa wola doe keŋɔ banchɔge no waa de le lampoo no.

<sup>12</sup>N de vɔwe nyoa tɔpera anɛ yawanyoa belbwa ta, deɛ bɔne kwaa maa de do bwa bini bore fi de kpɔ berjkon de baa te hen Korowii.'

<sup>13</sup>"Lampoo lee la te chege bojan, o ta sie hae de nyiŋi nyundua kwara, ke de kpɔ noora dawɛ nyu de ŋɔ, 'Oo, N Naa Korowii, wechɔg-ɛɛree men. Na n sum de kpɔ n wechɔga ke mɛ.' "

<sup>14</sup>Anee Yeesu ŋɔ, "N de ŋɔ he be ŋɔ, lampoo lee la bee Korowii no de kpɔ o wechɔga keo de doo nendɛɛga bini, ase o kaa o dem. Farisii te la te, o ta o be noɛ. Nomelbwa waa de goɔ o te la, Korowii de ba o ne hare, ase nomelbwa waa ɛ o te nɛngwɛgre la, Korowii de goɔro."

- 15 Nera bane kpɔ ba bii ba o be nɔ ó kpɔ o nɔra dawɛ ba nɛɛ dɛ swɛɛ andɛɛga tɛɛ ba. O habɔtenra la aa na ba la, ba kɔr ba kenɔ baa dɛ ɛ ge la.
- 16 Belaa Yeesu yerɛ bechale la ba o be, asɛ dɛ nɔ, "He bɛ bechale la nɔwɛnɛ tɔ. Hɛ gel ba ba n be, dɛkalkenɔ banɔ dɔnɔ nɔɔ Korowii koobii la.
- 17 Kasinten, naate waa wola o te kpɔɛ tɛ Korowii dɛ yaradao kenɔ bechale nɔ la, waa Korowii Kora la ta dɔɛ ba dɛ ja bwa."
- 18 Asɛ Juda tena nomoa bel bɔɔ Yeesu nɔ, "Nomondɛɛge, ɛrɛɛ che kenɔ n ɛ dɛ dɔ Korowii mkpa waa wola jaga dɔɛ bwa nɔ?"
- 19 Anee Yeesu bɔɔro nɔ, "Ɛrɛɛ he yer mɛ nɛndɛɛge nɔɔ? Nomɛlbwa toole dɛ ɛ nɛndɛɛge, nemɛnɛ Korowii gbo.
- 20 Kɛ he jemɛ Korowii mmaraɛ la aa dɛ bagle kɛ, 'Bɛ jwamane bɔ, bɛ nɛn kpɔ, bɛ nɔwɛ, bɛ nyosone tenɛ dawɛ he dɔnɛ nɛ, dɛɛ duu he nya ne he mɛɛ' laɔ?"
- 21 Anee baa la nɔ, "Gɛ saɔ maa ɛ bechala la bwaa n le dɛ tenɛ anɔ bwa ta."
- 22 Yeesu aa no ge la, o nɔ o be nɔ, "A ta kae webenkpon. Ka yog kwaa haa dɔa, asɛ dɛ kpɔ a suuga kɛ nyaara. He ɛ ge naa, hɛɛ dɔ kwaa cheg Korowii doa. Ka ɛ ge asɛ dɛ ba tenɛ n nɛ."
- 23 Baa la aa no ge waa nɔ la, o tea bini chɔgɔ, dɛkalkenɔ dɛ o dɔ suuga taeh.
- 24 Yeesu nyinɔ dɛ na kenɔ o tea bini chɔgɔ, asɛ o nɔ, "A kpegri kenɔ dɔɔh dɔ bɔr ja Korowii Kora la ta.
- 25 Aa do pwɛrɛɛ tɛ nyogma kenɔ o won jo tɔɔge bɔɔ ta gwaa kenɔ dɔɔh naa wona jo Korowii Kora ta."
- 26 Nera baa no waa nɔ la nɔ, "Amɔ te umɛɛ dɛɛ ba o nyu dɔɛ yɔ?"
- 27 Anee Yeesu nɔ, "Waa aa kpega tɛ nɛn, waa wola won ɛ la, aa kpege Korowii te be. Wɛɛ wonoo ɛ."
- 28 Asɛ Pita nɔ, "Nyinɔ na, ya te, ya gel komɛlbwa yaa dɔa dɛ baa tenɛ he nɛɛ la."
- 29 Anee Yeesu nɔ ba be nɔ, "Kasinten, nomɛlbwa waa koh Korowii Kora nɔ waa dɛ gel o dem, kɛɛ o haah ne bii, kɛɛ o nya ne mɛɛ, kɛɛ o dɔɔranar ne o nimanar la,
- 30 wɛɛ dɔ banɛɛ dɛ gwaa ge hare ta bonɔ. A bwa habɔɔ la, wɛɛ dɔ Korowii mkpa aa wola jaga dɔɛ nyundua laanee ja."
- 31 Yeesu kpɔ o habɔtenra fi dɛ banɛ la le bokɛrɛ asɛ dɛ nɔ ba be nɔ, "Hɛ no! Ya dɛ kaa Jerusalem. Belaa men Nen Bie wobɛlbwa Korowii keamere la aa chwera la ɛɛ ba kpɛla ɛɛ.
- 32 Baa kpɔ mɛɛ do nɛnhɔɔhra baa wola Korowii tomɛ la nɔn ta, asɛ ba di n loro, dɛ cheg mɛ, asɛ dɛ ta nɛntane ta n nɛ.
- 33 Baa lɔɔ mɛɛ dɛ kpɔ mɛ, asɛ a tɔpetooro weɛ la, n ir seo ta."

- <sup>34</sup>Yeesu aa bol ge waa la ba be la, ba ta a belbwa mun noe, dekalkenjo de Korowii kpɔ a mun noe sooh ba. Ba ta ge waa de bol la mun noe.
- <sup>35</sup>Baa de tel Jeriko la, de baa bel waa nyonja soge njwene nyoa dee soje kwa.
- <sup>36</sup>Waa no nenlaa la gbɔga ba baa kaa la, o bɔɔ waa aa bala.
- <sup>37</sup>Anee ba njɔ o be njɔ, "Yeesu waa le Nasaret laanee ba dee kaa."
- <sup>38</sup>Belaa o kpɔ takpeg njɔ, "Devid Naa Yeesu, na n sum de cha me!"
- <sup>39</sup>Ase nera baa to sie la kaoh njɔ o to nyoa. De name tenee o taa bola kohona kwara, dee njɔ, "Devid Naa, na n sum de cha me!"
- <sup>40</sup>Anee Yeesu jage che, de njɔ ba lawe baa la waa nyonja la ba teo. Baa ba o ne o be la, Yeesu booro njɔ,
- <sup>41</sup>"Bokwaa hee nyin ke n e tee no?" Ase baa la njɔ, "N Doo, n poori, gel n bere dee na ja."
- <sup>42</sup>Belaa Yeesu njɔ o be njɔ, "He yarada lee. N chaeh. Na bor."
- <sup>43</sup>Ate bug la ta de o de na bor, de teje Yeesu ne, dee jam Korowii. Ase nera la bwa aa naa la, ba kpee Korowii.

## Luk 19

- <sup>1</sup>Yeesu la Jeriko de kaa vale bwee la bini.
- <sup>2</sup>De lampoo leera nomoa bel lo bwee la ta de e suuga te baa yerɔ Sakeos.
- <sup>3</sup>De o de nyin de na ge Yeesu aa doa, ke nenlaa la nomanta o ta on nae, dekalke o e nembora.
- <sup>4</sup>Anee o chwa to nenlaa la sie, de ka teeh daa bel waa chege bela Yeesu aa de ba kpee ba kaa la, ase de doo na.
- <sup>5</sup>Yeesu aa baa tel daa la mun la, o ha sie de nyinji o doa de njɔ Sakeos be njɔ, "E warane de tu hare ba. He deaa mee ba choga fini."
- <sup>6</sup>Ase Sakeos tu hare warane de ba kpɔ Yeesu kaa o dem sil ee ne.
- <sup>7</sup>Nera baa lo bela de na la njwale Yeesu njɔ o kaa chog wechog-ee dea.
- <sup>8</sup>Sakeos iro che de njɔ Yeesu be njɔ, "Nomoa! N de soje, no. Mee bone n laala bini bore anee, de kpɔ benkpon ke nyaara. De n kpɔ apoo njwene ta de le nomel kwaane aa, mee bo kwaa la bele anaaree te naate."
- <sup>9</sup>Anee Yeesu njɔ o be njɔ, "Fini topere no Korowii le dem no tena, dekalkenjo Abraham naaa Sakeos gba.
- <sup>10</sup>Nera baa nyogra waa n Nen Bie ba de ba nyin ba bor de lee ba."



- 11 De ba de tel Jerusalem, ase nera la ee lii keŋo Korowii Kora dii topere la deno dee ba bala. Baa de no o be la, Yeesu berɔ bol waa segla ne ba be.
- 12 O ŋɔ, "Koobie belee fa lole dee ba bojan bwɛɛ bel ta kaala bá ka chego kora áse o ba de ba e kooro.
- 13 Waa de ba kaala la, o yere o bonɔɔna fi, de te belbwa suugaswɛm bwe, de ŋɔ ba be ŋɔ bá kpɔ dee di bona ka tel ge saŋ waa ba.
- 14 "Waa kaala la, o waa ta o bwɛɛ tena tea toore, ase ba tome toroma bá tiu de ka ŋɔ, 'Yaa baa nɔ nyin ke o e ya kooro.'
- 15 "Ke ane a bwa o do o kora la, de laa bere ba. Waa bala la, o gelo ba yere o bonɔɔna waa tee ba suuga la teo, áse o na suuga baa do.
- 16 Sitote la aa bala la, o ŋɔ nomoa la be ŋɔ, 'Nomoa, suugaswɛm bwe haa kpɔa te me la, n kpɔɔ di bona de do suugaswɛm bwea fi de ja ono la haa kpɔa te me la ta.'
- 17 Anee nomoa la ŋɔ, 'Jam, bonɔndeege, he e wa! Ge haa di kasintɛŋ tamaa nɔ ta nɔ, mee geloo he nyinji bwɛere fi ta.'
- 18 "Belaa bonɔn-nɛete ba, de ba ŋɔ o doo la be ŋɔ, 'Nomoa, n do suugaswɛm bwea anue de ja ono la haa kpɔa te me la ta.'
- 19 Anee nomoa la ŋɔ o ge be ŋɔ, 'Mee geloo he nyinji bwɛere anue ta.'
- 20 "Ase bel ge ba de ba ŋɔ, 'Nomoa, suugaswɛm bwe haa te me laanee la. N kpɔɔ vowe duku ta de kpɔ soh.
- 21 N omɔ, dekalkɛŋo he bambile kpegri, he e nen haa de kpɔ kwaa aa wola he kwaa ee, dee kome kwaa haa wola due.'
- 22 Anee nomoa la ŋɔ o be ŋɔ, 'Bonɔnchoge kohona! He gbagba nyoa wobol taa mee ba chega de pae bolchoge. He jemɔ ke n e bambikpeg te, dee kpɔ kwaa aa wola n kwaa ee, dee kome kwaa maa wola due kene?'
- 23 Aah eree haa wola n suuga kpɔe ka cheg me banje áse n fee ba le a ne a nee bwa no?'
- 24 "Belaa nomoa la ŋɔ bonɔɔna la kar baa chege o be la be ŋɔ, 'Hé laa suuga la le o be de kpɔ ka te bonoo la waa do suugaswɛm bwea fi de ja o kon ta la.'
- 25 Anee ba ŋɔ ba doo la be ŋɔ, 'Nomoa, ke o do suugaswɛm bwea fi do?'
- 26 Ase nomoa la ŋɔ ba be ŋɔ, 'Hé gel n ŋɔ he be ŋɔ, nomelbwa waa do kwaa la, baa berɔ jao ane ja. Nomelbwa ge waa wola komelbwa doe la, tama kwara waa doo la, aa le o non taa.
- 27 N doma la baa ŋɔa baa men nyin ke n e ba kooro la ge, hé lag ba ba n siwi ta bono de ba kpoo ba!''
- 28 Yeesu aa bol a ge waa nɔ tone la, o to sie ba nee dee kaa Jerusalem.

- 29 Baa de tel Betfej ne Betani bweere ta, Olevere Bwe bor la, o tome o haboteŋra la bini bane ŋo bá to sie,
- 30 de ŋo, "Hé la bwée no waa lo he sie no ta. Haa de tel bela la, hée nao keŋo baa vowe keego bie bel baa wola o ta soge bwa. Hé lao pur de kpoo ba.
- 31 De nomel boó heyaa ŋo bokwaa hée puru de e aa, hé ŋo naate be ŋo he Doo de nyinu."
- 32 Ase ba la, de ka na ge waa la tenten Yeesu aa ŋo ba be la.
- 33 Baa de pur keego la la, kontena boó ba ŋo, "Bokwaa hée pur keego bie no dé ka eo?"
- 34 Anee ba ŋo, "Ya Doo de nyinu."
- 35 Ase ba kpo keego la ba te Yeesu, de kpo ba yale darawe o nyan ta de goó Yeesu so o ta.
- 36 Waa soge keego la ta baa kaa la, nera pa ba yale pa ŋwene ta de teo jirima, ase o kpo keego la vale a ta.
- 37 Baa wili Olevere Bwe la de tel Jerusalem la, Yeesu haboo nera la bwa sie leo, baa kpee Korowii kohona keŋo waa e nyokpowaa ba na la.
- 38 De ba de ŋo, "Korowii jam! Korowii swee andeega te Kooro waa chege o son ta de ba no, de gel nyundua tena bwa bwara sooh ba. Ó jam!"
- 39 Bela la, de Farisii tena lo nenlaa la bini. Ba ŋo Yeesu be ŋo, "Nomoa, kah he haboo nera no ase ba hel!"
- 40 Anee Yeesu ŋo ba be ŋo, "De ba helaa, bwea kwara ee mooluu."
- 41 Baa de ba Jerusalem tela la, Yeesu nyiŋi bwée la de wi te o tena.
- 42 O wio ŋo, "Alako he fe jeme ge haa e de do bosooŋna fini! Korowii kpoo soh heya, anomanta haa won jeme.
- 43 Topere bel ee bao ase he doma ba ma danjwee bar he bwée no, de to heyaa do haa wola won le.
- 44 Baa wuruu jo he bwée no ta, de pagre he deene de kpoo heya. Baa kuugi he deene bwaa buruburu ken, bwe beŋkpoŋ kwara aa wola ka de dawo o doŋ ta kpa. Anoo bwa ee eo, dekalkenjo he lee topere aa tela la, he ta sie doe."
- 45 Ase Yeesu la Korowii Dea de den kaa doŋi nera baa kpo bela bere bona dibor la.
- 46 O ŋo ba be ŋo, "Korowii Ton bini o ŋo, 'N dea e Korowii soŋebor,' gee he te bere kpo bela bere ŋweera soohbor aa?"
- 47 De o de la Korowii Dea topere belbwa de kaa bagle wa. De Sofonomome ne Ton Jerema ne nera la bini nomonome la de nyinu de kpo,
- 48 ke ba ta ge baa e de doo nae, dekalkenjo de o wobol de do nera bwa som, baa wola won kaa de gel o wobol la, de che de no.

## Luk 20

- <sup>1</sup>Awola bel de Yeesu lo Korowii Dea dee bagle nera wa, dee bol Amanesoma la, ase Sofonomome ne Ton Jerema ne nera la bini nomonome ba,
- <sup>2</sup>de ba booro no, "Umee tee hwene no he e ge waa no haa de e noo? Umee tee kpegri te no?"
- <sup>3</sup>Anee Yeesu no ba be no, "He gel n bo heyaa webenkpon. He bag me,
- <sup>4</sup>Jon kpegri waa doa de kpo dee so nera nee la, Korowiirii teo waa, ke nenee?"
- <sup>5</sup>Waa bo ba ge la, de ba gbo de tangle dona no, "Ere yaa ba noe yo? De ya no a le Korowii be naa, wee bo yaa waa aa bala ya ta Jon yaradae.
- <sup>6</sup>De ya ber no nen bee a le ge aa, nera no baa lo bono no bwa ee fogre yaa bwea de kpoo yaa, dekalkeno ba te bwa jemo keno Jon fa e Korowii keame."
- <sup>7</sup>Anee ba no, "Yaa jeme bela kpegri la aa lea."
- <sup>8</sup>Ase Yeesu no, "N ge aa kpegri maa doa de kpo dee e waa no leeboree bagle he be."
- <sup>9</sup>Yeesu kpo segla bol waa bagle nera la, de no, "Baa belee fa lole dee pare kwaane baa kpoa dee daa sen. O kpo nera baa e koo la toma, a koma telaa, ba do ba bor. A haboo la, o kpo koo la tee ba ba nyin o ta dee teo, de kaa hare bel ta, de ka bigri.
- <sup>10</sup>Kwaa la koma san aa baa tel la, o tome o bonoo bel no o ka le o dibor ba teo. Belaa nera la lo bonoo la de donu, ba ta on komelbwa tee o kaa.
- <sup>11</sup>Belaa koo te la bere tome bonon-neete, ase ba loo o ge de eo wilewile ken, de donu o kaa, ba ta on komelbwa tee.
- <sup>12</sup>Anee koo te la bere tome o bonon-tooro te ja, ase nera la pira o ge de kpo ta koo la ban.
- <sup>13</sup>"Belaa koo te la no, 'Ere ni e jao? Mee tome n bibenkpon maa de nyin o waa noo. O te ba nao baa heehro!'
- <sup>14</sup>Nera la aa na o bie la la, ba den no, 'Yoowa, baa la gbagba bie la. O mee toole naa, on dee ba o kpanjogo dii. He gel ya kpoo ase de o mee baa sewaa, de kwaa la e ya kwa.'
- <sup>15</sup>Anee ba lawe bie la de kpoo de kpo vigri koo la ban." Anee Yeesu bo ba no, "Ere hee lii keno koo te no de ba ba ee yo?"
- <sup>16</sup>Wee ba kpoo a ge nera laanee de kpo koo la do nenfala non ta." Nera la aa no ge la, ba no, "Korowii ee la a ne bojan!"
- <sup>17</sup>Yeesu nyin ba de bo ba no, "Amo ere tenee hee no Korowii Ton bini waa mun o? 'Bwe la mamaala faa veoh de liiru konsala laanee baa lawe dea kponje la.'
- <sup>18</sup>Nomelbwa waa chole Bwe la waa lawe dea la kponje la ta la, wee kuuguu. O ber le ba le nomelbwa nee ge aa, wee pweremoo."

- 19**De Tɔn Jerema la ne Sɔfonomonome la siwi swɛɛrɔ kɛɲɔ baa lawɔɔ bug la ta, dekalkeɲɔ de ba jemɔ ɲɔ banee o segle. Ke de ba de ɔme nenlaa la.
- 20**Anomanta ba sie lo o nee baa kpaahno de doo. Ba te nera bane suuga, de tom ba ɲɔ ba ka hagre Yeesu bela webɔɔre ne, a do kɛɲɔ siswem waa baa boɔ, ase de doo lawe, de kpoo do ba hare la Room nomoa non ta.
- 21**A ge nera la ba Yeesu be de ba ɲɔ o be ɲɔ, "Nomoa, ya jemɔ kɛɲɔ he de bol kasinteɲ. Haa nera sie nyiɲe moɔ dee bol wa. Korowii ɲwenee hee bagle nera kasinteɲ ne ase ya won jeme ge waa de nyin kɛɲɔ ya e.
- 22**Webenkponii yaa nyin kɛɲɔ ya jeme. Onee kɛɲɔ ya mmare de te yaa ɲwene ke ya bo lampoo dee te Room Koojen Siisa kee ya be dee boɔ?"
- 23**De Yeesu jeme ba webɔɔre la mun, de ɲɔ,
- 24**"He kpɔ suuga bwe ba n na." Anee ba kpɔ bel ba, ase o boɔ ba ɲɔ, "Ume nyu ne o sonee dawɛ o ta no?" Ase ba change ɲɔ Koojen Siisaa.
- 25**Anee Yeesu ɲɔ ba be ɲɔ, "Oo. Amo he kpɔ kwaa aa e Koojen Siisa kwaa teo, de kpɔ kwaa aa e Korowii kwaa la te Korowii."
- 26**Ba ta wone do wobɛlbwa de che a ta lawɔ nera siwi ta, ase ba nyoa kpo ba che surumm ken.
- 27**Belaa Saduki tena bane ba Yeesu be. De Saduki tena la aa yarada kɛɲɔ kerekere nera ee ir seo taa.
- 28**Ba baa boɔro ɲɔ, "Nomoa, Mosis fa chwere mmara bel te yaa ɲɔ, de baa sewɔ gel o haah de ba ta bii doe yaa, a che kɛɲɔ o nime kee o doo kpɔ haah la mo de logle bii, ase a ge bii la e lale la bii.
- 29**Hahbenkpony bibaala banuanee fa lole, ase binomoa la mo haah de sewe, de o ta bie doe.
- 30**Ase ono la waa teɲe binomoa la nee la kpɔ haah la mo de ba sewe, de o ge ne o ta bie lole.
- 31**Ase bitoro te la ge mo haah la de sewe, de o ta bie doe. Ge tentenee ba bwa mo haah la ka lo nyoa ta de ba serewe, de ba ta bii doe.
- 32**A haboo la, haah la ge baa sewe.
- 33**Aah taraken de nera bwa seo ta ira toɲere la baa tel ase bibaala la bwa iraa, ba bini umee dee ba haah la jaa ee yo?"
- 34**Anee Yeesu chan ba ɲɔ, "Fini no baala ne haahna ee mo doɲa no,
- 35**ke nera baa de ba seo ta ira de won do bor ja Korowii Kora la ta la te aa haahna moe ba, baa jaranar ge yala ba.
- 36**Baa sewe kpa bwa. Baa doo kɛɲɔ Korowii toroma baa lo nyundua la, de e Korowii bii, dekalkeɲɔ ba iro le seo ta.

<sup>37</sup>Mosis gba fa bol seo ta ira nɔ waa kaih ken. Hé nyiŋi bela waa chwere dawii fuih wa, de bol Korowii waa ŋɔ onee Abraham Korowii ne Aesek Korowii ne Jekɔb Korowii la.

<sup>38</sup>Lala laa dɛɛ tomɛ Korowii, weeraa dɛɛ tomɔ. Korowii te be, nomɛlbwa ɛ wee.”

<sup>39</sup>Ase Tɔn Jerema la bane ŋɔ, "Nomoa, he bola a ŋwɛnɛ ta!”

<sup>40</sup>Ba ta wone bɔɔro wobɛlbwa kpa.

<sup>41</sup>Yeesu bɔɔ ba ŋɔ, "Aah Devid gbabir bol waa Korowii Kpɛera Tɔn la bobɛl ŋɔ, 'N Naa Korowii ŋɔ n Dɔɔ be ŋɔ ó so nomombɔr o dig ta ka tel kɛŋɔ waa ba o dɔma ne hare ase o tigri ba nɛ.' Waa bol gɛ nɔ, de ɛɛ waa ba ŋɔ Devid naa de ɛ Kristo la nɔɔ?”

<sup>44</sup>Devid faa de yerɔ o Dɔɔ nɔ, aah de ɛɛɛ Kristo la berɛ ɛ de ɛ Devid naa ɔ?”

<sup>45</sup>Yeesu chege nera la bwa siwi ta de ŋɔ o habɔteŋra la be ŋɔ,

<sup>46</sup>"Hée nyiŋi Tɔn Jerema la kɛɛde. Ban yon do laalajena áse nera bwa na ba dɛɛ guŋ ba hare yawa ta la. Ba de nyin nomombɔra soga cheremi deene ne bela nera aa chema dɛɛ di tɔpejena.

<sup>47</sup>Ba sie begre kwa, de yon kpɔ Korowii soŋa wobojaŋa ne tɔ sie dɛɛ kam kwaa luhaahna deremi. Korowii ɛɛ ter ba deŋnee taeh.”

## Luk 21

<sup>1</sup>Yeesu aa lɔ Korowii Dea la, o nao kɛŋɔ dɔɔhna ta ba suugare dɛɛ do suuga log bini.

<sup>2</sup>Belaa luhaah nyaa bel ge ba do suuga bwejegre anɛ.

<sup>3</sup>Ase Yeesu ŋɔ, "Kasintenŋ, n de ŋɔ he be, luhaah nyaa nɔ do suugajena de gwaa nera nɔ bwa,

<sup>4</sup>dekalkɛŋɔ o dea suuga bwaa o kpɔ ba do log nɔ bini la. Kɛ dɔɔhna nɔ te suuga bini tama baa naa kɛŋɔ a waa aa ba nɛɛ we la, anee ba kpɔ ba do la.”

<sup>5</sup>Belaa Yeesu habɔteŋra la bane ɛɛ bol Korowii Dea la waa o be, gɛ bwea baa kpɔa mao, ne kondɛɛga nera aa ɛa tɛ Korowii ba kpɔ kwaa o danjwɛɛ la wer aa doa. Anee Yeesu ŋɔ,

<sup>6</sup>"Tɔpere bel ɛɛ bao ase anɔ haa naa nɔ, ba ta ɛɛ pagre a bwaa ase bwe beŋkpon belbwa aa wola lee do de chɔŋɛ o dɔŋ nɛɛ kpa.”

<sup>7</sup>Anee ba bɔɔro ŋɔ, "Nomoa, san besoo aa ba chiga ɔ? Bɔkwaa dɛɛ ba bagla kɛ gɛ waa nɔ de ba chiga ɔ?”

<sup>8</sup>Anee Yeesu ŋɔ ba be ŋɔ, "Hé nyiŋi kɛɛde ase nomɛlbwa be heyaa negre. Nera pirim ɛɛ kpɔ n sɔnee ba de ba ŋɔ banee men, de ŋɔ tɔpere la telo. He be ba nɛɛ teŋɛ.

<sup>9</sup>De he baa no laa yoi waa ne hare vuuga waa bobɛlbwa naa, he be ɔmɛ. A che kɛ gɛ waa nɔ bwa chig. Kɛ de wobɛlbwa jaga la ta tele mɔɔ.”

- 10 Yeesu bero ŋɔ, "Harere ne ba dɔŋa harere ɛɛ yo laalee, ase koranar ne ba dɔŋa koranar ge yo dɔŋa laa.
- 11 Hare ɛɛ jigri bobelaa taeh, ase lor ne weela bwa soosiwi ba bobela. Hɛɛ na ɔmewaa aa wola bale bwa nyunduaa.
- 12 "Mɔɔ ge waa nɔ bwa chig la, baa tɔ sie larawe heya, de ɛ heyaa hɔhɔrɔwa, de lawe heyaa la cheremi deene bini de ka bol he waa de do heyaa dea. Baa koh n waa de lawe heyaa ka che nomonome ne koranar siini.
- 13 Belaa hɛɛ ba ŋwɛnɛ dɔe de bol Amanesoma la bag ba.
- 14 Ba baa lawe heya aa, he be gel waa haa ka bol la hiah heya.
- 15 Menee dɛɛ ba n te heyaa waa haa ka bol la, de te heyaa wejema ase he dɔma be won di bɔ heyaa kɛɛ de tɔŋle heya.
- 16 He mɛɛnanar ne nyare, ne he dɔɔranar ne nimanar, ne he lolanar ne daamanar ɛɛ le heyaa te ɔse ba kpoo he bane.
- 17 N nomanta nera ɛɛ hah heyaa.
- 18 Mɛɛ cha heyaa ase he nyumpon benkpɔŋ kwara aa hareɛ le.
- 19 He lawe bambile aa, hɛɛ dɔ he nyuu.
- 20 "He baa na keŋɔ soojare bar Jerusalam cheme aa, amɔ te hɛ jeme keŋɔ o pagra telo.
- 21 Amɔ a che keŋɔ nera baa lɔ Judia hare ge saŋ la chwa kaa bwea dor de ka sɔh. Nera baa lɔ Jerusalam la che keŋɔ ba le warane, ase belbwa waa wola toole bwɛɛ la bini a ge saŋ la be o bini jo.
- 22 A ge saŋee Korowii ɛɛ ba o nera deŋne tera, ase waa Korowii Tɔn la aa bagla la bwa ɛ kpela.
- 23 Tekpɔŋra ne haahna baa dɔ bii baa ɔr la, bwɛɛ! Dekalkɛŋɔ nera ɛɛ na wahala hare nɔ ta kohonaa, ase Korowii baah di ba neɛ o ter ba deŋne.
- 24 Baa kpɔ kerii kpoo bane, ase de larawe bane de kpɔ ba kaa hare nɔ ta bobelbwa, ase nera baa wola Juda tena ɛɛ ɛ Jerusalam bwa posaposa ken ka tel keŋɔ ba ge saŋ aa ba kaa.
- 25 "Hɛɛ na nyokpowaa wee ne korobie ne weweela taa. Hare ta ge, mpo ɛɛ jigruu dɛɛ lɔ nehaŋma kohona, ase nera bwa ɔmɛ, ba bwara yɔr.
- 26 Nera bambile ee teŋoo kohona, ba lii waa aa de ba bala la wa, ba hwaahge, dekalke Korowii doa bwa ɛɛ yiiguu de chɔg.
- 27 Belaa baa ba n Nen Bie nae keŋɔ maa lɔ baama ta dɛɛ ba kpegri ne jirima a dɔŋ aa wola toole ne.
- 28 De ge waa nɔ baa pa mun dɛɛ ɛ aa, hɛ kpɔ he te dɛɛ kpa, dekalke he lɛɛ tɔpere la telo."



- <sup>29</sup>Yeesu berɔ kpɔ segla bol waa ba be ŋɔ, "Hé ta sie nyinɔ pur daa ne daa aa kaa nɔ de na.
- <sup>30</sup>O ba de fogre aa, hé jeme keɲɔ bɔwɔb saɲ telo.
- <sup>31</sup>Ge tentenee de he ba de na a ge waa nɔ naa, hé jeme keɲɔ Korowii Kora la dii telo.
- <sup>32</sup>"Hé jeme keɲɔ fini nɔ nera bwa laa deɛ ba serewa mɔɔ waa nɔ bwa chig.
- <sup>33</sup>Nyundua ne hare ɛɛ chɔgoo, ke n waa la te aa begre bwa. Aa che gee saɲ belbwa.
- <sup>34</sup>"Hé nyinɔ he te kerede! He be gel bodia kondikwaa dii ne sen nyɔe ne he weliira gwaa he ne, ase tɔpere la be heyaa ba pigri keɲɔ nen yon gbare bel la,
- <sup>35</sup>dekalkɛ o bala tɔpere la ɛɛ pigri nera baa lɔ hare nɔ ta bobelbwaa.
- <sup>36</sup>Hé gel he sie chɔ hare heɛ kpa deɛ soɲe Korowii tɔpere belbwa dé dɔ bokpega de le a ge waa aa chig la nyoa, ase de won che n Nen Bie sie."
- <sup>37</sup>De tɔpere belbwaa Yeesu bol waa deɛ bag ba Korowii Dea, ase bɔr baa jo aa, o yon kaa bwe bel baa de yerɔ Olevere Bwe la doa de ka chɔ.
- <sup>38</sup>Ase tɔɔ perɔ chɔmbibi aa, o yon fel ba Korowii Dea bela, ase nera yon la o be dé ka no o waa la.

## Luk 22

- <sup>1</sup>Aa ka tama ba tɔpejen baa de yerɔ Galekaa baa kpɔ paanoo baa wola iisi a ta do de kpɔ deɛ diu la tel la,
- <sup>2</sup>de Sɔfonomonome ne Tɔn Jerema la de nyin ŋwene bel dé che o ta kpo Yeesu, ke de ba de omɛ bela tena la.
- <sup>3</sup>Belaa Bɔnsam ba so Judas baa de yerɔ Eskareɔt la ne. De o ɛ Yeesu habɔteɲra fi de bane la bel.
- <sup>4</sup>O la Sɔfonomonome ne nera baa de daah Korowii Dea bela la nomonome be, o ne ba ka vɔrɔwe ge waa de ba ɛɛ dé le Yeesu tee ba.
- <sup>5</sup>Ba sie leo taeh, ba bagɔ nyoa ŋɔ de o wono gel ba dɔɔ waa, baa teo suugaa.
- <sup>6</sup>O seh deɛ nyin saɲ waa wera nenlaa la aa wola Yeesu be do áse o leo tee ba.
- <sup>7</sup>Ba tɔpere baa de kpo pebiiri de kpɔ di Galekaa la telo,
- <sup>8</sup>ase Yeesu tome Pita ne Jɔn de ŋɔ ba be ŋɔ, "Hé kaa de ka ɛ Galekaa kondikwaa áse ya ba di."
- <sup>9</sup>Anee ba bɔɔro ŋɔ, "Leperaa heɛ nyin keɲɔ ya ɛa chego?"
- <sup>10</sup>O ŋɔ ba be ŋɔ, "Haa deɛ jo bwɛe la ta la, heɛ nao keɲɔ baa bel chege vii ne ne. Hé teɲe o neɛ kaa dem waa de kaa o ta la ta,

- 11**ase de ka ño dem te la be ño, 'Ya nomoa ño dea haa de ba kpoe te o ne o haboŋra áse ba ba so o bini de di Galekaa kondikwaa la se?'
- 12**Wee bagle heyaa abrosane doa dea bel waa kwaa o bini de kpo kane ne teeburre cheg bela. Belaa hee ba kwaa la ee cheg."
- 13**Pita ne Jon laño de ka na wobelbwa ge tenten Yeesu aa ño ba be la, ase ba e kondikwaa la cheg bela.
- 14**Bor aa magra keño bá di Galekaa kondikwaa la, Yeesu ne o haboŋra la kaa so dee ba kwaa dii.
- 15**Belaa Yeesu ño o haboŋra la be ño, "A ge Galekaa kondikwaa no waa fa lo n bambile bini wubwa, ase mee nyin ke n ne he dia moo ba ee me hohorowa.
- 16**N gelo hee no keño maa a ge kondikwaa no anee di kpa, nemene waa Galekaa no aa chega te la aa ea Korowii Kora la ta."
- 17**Belaa Yeesu kpo numol ne sen de jam Korowii de kpo te o haboŋra la ño, "He nyo ka te doña."
- 18**Waa ño ge la, o ño ba be ño, "Fini haboo, maa sen no anee nyo kpa ka tel ge sañ Korowii aa ba di kora."
- 19**Ase o bere kpo paanoo de jam Korowii de mone tee ba, de ño ba be ño, "Ano chego te n bo-ol maa koh he waa de kpo te nera bá kpo me. Hee e ge de kpo dee lii me."
- 20**Ge tentenee baa di kwaa la tone la, o kpo numol ne sen la tee ba de ño, "Sen noo chega te n chal maa de ba he waa koeh de fuge ta. Aa e foofalee de cho Korowii ne newenyini baah ta."
- 21**O bero ño ba be ño, "He no! Naate waa lee me te la lo bono n ne o pe non dee di kwa.
- 22**Ge Korowii aa bagla la taa aa ba chega n Nen Bie la sewe, ke naate waa lee me te ba kpo me la, o bweele."
- 23**Ate de ba de boo doña ño, "Ya bini umee su baah dee ba o e ge waa no noo?"
- 24**Webegra bero ba chole o haboŋra la baah ta ke ba bini umee e ba nomoa o?
- 25**Anee Yeesu ño ba be ño, "Nenhohra baa wola Korowii tome la, ba koranaree yon dee nyin keño baa di kpegri ba nera ne, ba nomonjena gee nyin baa yer ba nomonjena.
- 26**He te ne ge waa la jañe. He bini nomoa la, o e o te ke bechala, ase ono la waa dee nyinji he nee la ge e o te keño somanji.
- 27**Nen waa sogá o doñ e bone kwaa ne naate waa de bone kwa, ba bini umee e nomoa o? Naate waa sogá la laa aa? Ke n te aa lo he bini no, n e n te ke somanji.
- 28**Heyaa ja n nee n wahala bwa bini.
- 29**Anomanta n de te heyaa kora he di, ge n Mee aa te me la.

**30**N ne hɛɛ pɛ nɔnɛɛ di kwaa n kora ta, asɛ he so kookane ta dɛ bol Israel deene fi dɛ bane la bwa waa dɛ pa bole.

**31**"Seemɔn, no! Bɔnsam soɲɛ Korowii ŋwɛnɛ dɛ daah heyaa dɛ fe vuugi heyaa sagasaga ken.

**32**Kɛ n soɲɛ Korowii tɛɛ asɛ he yarada nyoa bɛ sɔɔh. Dɛ he berɔ berɛ he liire ba n be naa, hɛ lawɛ he bala la b́a do wɔrɔbe."

**33**Anee Pita chaɲo ŋɔ, "N Dɔɔ, n chegɔ kɛ b́a do n nee dea. Seo kwaraa yaa, n ne hɛɛ sewɔɔ."

**34**Belaa Yeesu ŋɔ, "Ae, Pita! Jabal logle ne sii fini dɛ he tɔɔh kera atoro ŋɔ haa men jeme."

**35**Ase Yeesu bɔɔ o habɔteɲra la ŋɔ, "N faa tomɛ heyaa ŋɔ hɛ ka bol Amanesoma la, dɛ ŋɔ he bɛ suuga kpɔ, he bɛ bone ne nangawa kpɔ la, komɛl nya heya aa?" Ase ba ŋɔ, "Komɛlbwa sese ta yaa nyae."

**36**Anee Yeesu ŋɔ, "Name te nomɛlbwa waa dɔ suuga kɛɛ bone la, ó kpɔ, ase nómɛlbwa waa wola dɔmkon dɔɛ la ge yog o yal dɛ kpɔ yawɛ bɛl.

**37**Ba chwɛɛ Korowii Tɔn bini ŋɔ, 'Ba kuro ja wechɔg-ɛera bini.' N waa baa chwera la bwa dɛ ba chiga taraken."

**38**Belaa o habɔteɲra la ŋɔ, "Ya Dɔɔ, tokobie anɛɛ la." Anee Yeesu ŋɔ, "A magrɔ."

**39**O le bwɛɛ la ta dɛ kaa ɔlɛvere Bwe la ta, gɛ o yon dɛɛ ɛ la, ase o habɔteɲra la teɲɛ o nɛɛ kaa.

**40**Baa tel bela la, o ŋɔ ba be ŋɔ, "Hɛɛ soɲɛ Korowii asɛ Bɔnsam bɛ won negre heya."

**41**Waa ŋɔ gɛ la, o le ba jwɛɛh dɛ kaa sie tama, dɛ ka guɲi dɛɛ soɲɛ Korowii,

**42**dɛ ŋɔ, "N Mɛɛ, hɛɛ sɛɔh waa, bɛ gel n na a gɛ wahala haa ŋɔa n na nɔ. Kɛ ɛ he tetoora dɛ gel n tetoora."

**43**Ase nyundua torome den ba o be dɛ ba doo gbemba.

**44**O tea bini aa chɔga kohona la, o soɲɛ Korowii siswɛm ne, ase bɔwɔb le o nɛɛ dɛ kor dɛɛ lee kɛɲɔ chal ken.

**45**Waa soɲɛ Korowii tone dɛ berɛ la o habɔteɲra la be la, lokua kohona nomanta dɛ ba chɔɔge doromi.

**46**Anee o ŋɔ ba be ŋɔ, "Ɛɛɛ he chɔɔge nɔɔ? Hɛ ir dɛ soɲɛ Korowii asɛ Bɔnsam bɛ won negre heya."

**47**Yeesu nyoa taa lɔ waa ta wɛɛ bol la, dɛ Judas waa ɛ o habɔteɲra la bini bɛl la kaa tɔ nenlaa bane sie dɛ ba ba ne Yeesu be dɛ fe gbaaro pɛl o bambile dɛ mo o lwɛɛma.

**48**Anee Yeesu ŋɔ o be ŋɔ, "Lwɛɛma moe nee hɛɛ ba n Nɛn Bie la lee dɛ tɛ aa?"

- 49 O haboteŋra o ne baa lo bela la aa na waa aa de ba bala la, ba ŋo o be ŋo, "Nomoa, ya kpo ya tokobie no ya ne ba yo aa?"
- 50 Ase ba bini bel kpo o tokobi de ŋwene Sɔfore Nomoa bonoo dig deŋne de laa cha.
- 51 Anee Yeesu ŋo, "He gel," de kpo non ka lege bonoo la deŋne la bug la ta de chaoh.
- 52 Belaa Yeesu boo Sɔfonomonome ne nera baa de daah Korowii Dea nomoa ne ba bwee nomonome baa bala de ba lawo la ŋo, "Dweeree men he kpoŋe tokobie ne gule de ba lag me naa?"
- 53 N ne haa lo Korowii Dea topere belbwa la, eree haa wola men lawe bela o? Taraken no bor aa bira no he do ŋwene ke he ba lag me."
- 54 Ba lawo de kpo de kaa Sɔfore Nomoa dem, de Pita ne ba baah tero, ase o teŋe ba ne.
- 55 De ba mar nii dem baah bela, ase Pita ka pu ge nera la so a jweh.
- 56 Pita aa soge nii la jweh la, Sɔfore Nomoa la tolo bel nao, de nyiŋu jeiih ken, de ŋo, "Yeesu haboteŋree baa no."
- 57 Anee Pita toh pelepele ken de ŋo tolo la be ŋo, "Maa on jeme kwara!"
- 58 Aa bera la sie tama ken la, baa bel na Pita de ŋo o be ŋo, "Ba bini belee he gba!" Anee o ŋo, "Akai, n ta ba bini jae!"
- 59 A haboo de e doŋhwere benkpoŋ la, baa bel ge berɔ dalwe Pita jae waa ja Yeesu nee la ta ja, de ŋo, "Galilia tee baa no, anomanta toŋla belbwa toole keŋo o ta Yeesu nee jae!"
- 60 Belaa Pita ŋo baa la be ŋo, "Maa waa haa de bol no bini jeme!" O nyoa taa lo waa la ta wee bol la jabal den si.
- 61 Ase Yeesu ke nyiŋi Pita siwi ta, ase o lii waa Yeesu faa ŋo o be ŋo jabal logle ne sii de o tooh kera atoro ŋo waa on jeme la.
- 62 Ate Pita le buse de ka wi kerede.
- 63 Nera baa lawe Yeesu la mugli o baah de looro.
- 64 Ba kpo kon vowe o sie dee too kande de ŋo, "Dee jeme, umee loe noo?"
- 65 De bolo nenhelwaa kohona.
- 66 To aa pera la, ba kpo Yeesu ka cheme Juda tena nomonome baa de bol waa de pa bole ne Sɔfonomonome ne Ton Jerema sie,
- 67 de ŋo o be ŋo, "De henee Kristo Korowii aa bage nyoa ŋo wee tomoo o ba le yaa la aa, bol ya no!" Anee o ŋo ba be ŋo, "De n ŋo he be ge noo, haa men yarada,
- 68 n berɔ boo heyaa waane ge oo, haa men chaje.

<sup>69</sup>Le taraken dɛɛ kaa la, n Nen Bie la ɛɛ so nomombɔree Korowii waa dɔ kpegri bwa dig ta.”

<sup>70</sup>Ase ba bwa ɲɔ, "Amɔ he ɛ Korowii Bie kɛɛ?" Anee Yeesu ɲɔ, "Anee he bol la.”

<sup>71</sup>Belaa ba ɲɔ, "Amɔ o gbagba aa bola nɔ, dansee besoo yá bere dɛɛ nyin jaɔ?"

## Luk 23

<sup>1</sup>Nɛra la tage ba kane ta dɛ ir, ba kpɔɔ la hare nomoa Paelet be,

<sup>2</sup>dɛ ka hanɛ o nyoa ɲɔ, "Ya lawɛ baa nɔ kɛ waa dɛ chɔg ya hare. O dɛ do nɛra dochɔga ɲɔ ba be lampoo bɔ dɛɛ tɛ Room Koojen Siisa kpa, dɛ bere dɛɛ ɛ o te ya Juda tena kooro Kristo la Korowii aa bage yaa nyoa ɲɔ wɛɛ geloo o ba ba lɛ yaa la.”

<sup>3</sup>Anee Paelet bɔɔ Yeesu ɲɔ, "Henee Juda tena kooro ɛ?" O ɲɔ, "Anee he bol la.”

<sup>4</sup>Ase Paelet ɲɔ Sɔfonomonome ne nɛnlaa baa cheme o sie la be ɲɔ, "N ta wechɔga baa nɔ aa ɛa nae.”

<sup>5</sup>Dɛ nɛra la nyoa ta kpegri, ba bol ane dɛɛ dawɛ Yeesu ɲɔ, "O kpɔ o webagla dɛɛ chɔg nɛra liire Juda tena hare bwa ta taraken. Galilia hare taa o pa mun, dɛ kpɔ ba le bonɔ!”

<sup>6</sup>Paelet aa no gɛ la, o bɔɔ ba ɲɔ, "Galilia tee yaa?”

<sup>7</sup>Baa bola ɲɔ Galilia tee la, dɛ Herɔd waa ɛ Galilia kooro gɛ saɲ la ba Jerusalam, ase o gel ba kpɔɔ la o be.

<sup>8</sup>Waa na Yeesu la, dɛ o sie lɛɔ taeh. Waa no o waa dɛ fe ɛɛ nyinu o ɛ nyokpowaa ó na bigro, anomanta dɛ o dɛ nyinu dé na.

<sup>9</sup>Kooro Herɔd bɔɔro waa taeh, ase o mwaa o ne.

<sup>10</sup>Belaa Sɔfonomonome ne Tɔn Jerema la bol waa takpeg ne dɛɛ dawɛ o nɛ.

<sup>11</sup>Ase Kooro Herɔd ne o soojare ɛɛ mugli o baah dɛɛ mamɔ, dɛ ka kpɔ koowur ba doo dɛ bere kpɔɔ ka tɛ Paelet.

<sup>12</sup>Dɛ Kooro Herɔd ne Paelet faa some, kɛ le awola la, ba kpɔ darame.

<sup>13</sup>Paelet yerɛ bela tena ne Sɔfonomonome ne bwɛɛ nomonome ba cheme,

<sup>14</sup>dɛ ɲɔ ba be ɲɔ, "Heyaa lawɛ baa nɔ ba n be dɛ ɲɔ o dɛ do nɛra dochɔga ɲɔ bá lɛ gaeh hare nɔ ta. N bɔɔro a bini he bwa siwi ta bonɔ dɛ na kɛɲɔ o ta wechɔga ɛɛ. Kpɔɛ he kpɔ waa la dɛɛ dawɔ.

<sup>15</sup>Gɛɛ Kooro Herɔd ge aa wola wechɔga belbwa o nɛɛ nae dɛ bere kpɔɔ ba tɛ yaa. Wobelbwa ta baglɛ kɛɲɔ yá kpoo.

<sup>16</sup>Kɛ mɛɛ geloo ba lɔɔro bampɔɔ ɲwɛɛra ne dɛ kpɔɔ ta.”

<sup>17</sup>Dekalkɛɲɔ gɛ ba tɔpejen baa dɛ yerɔ Galekaa la we-ɛɛla aa doa la, o telaa, ba yon le wechɔg-ɛɛra baa do ba dea la beɲkpoɲ ta ó kaa.

- <sup>18</sup>Belaa nenlaa la bwa kpɔ takpeg ŋɔ, "Kpoo! Le Barabas ta ó kaa!"
- <sup>19</sup>Gɛ Barabas nɔ ɛ nomel waa ja waane ba faa ir a ne de vuugi Room Koojen nomonome ba faa de nyinji ba hare la ta, ase de kpoo nera ge ja, ase ba lawɔ ka do dea.
- <sup>20</sup>Paelet bambile bini la, de o de nyin ke o gel Yeesu o kaa, ase o bere bol waa bagle nenlaa la ja.
- <sup>21</sup>Ane a bwa ba ta noɛ, de kpɔ takpeg ŋɔ, "Kpaaro pel dagagre ta! Kpaaro pel dagagre ta!"
- <sup>22</sup>O boɔ ba tooro tena ŋɔ, "Wechɔga besoo o ɛɔ? N ta wechɔga waa ɛa a che ke ba kpoo nae! Mɛɛ geloo ba lɔro chweema ne de kpoo ta."
- <sup>23</sup>De ge baa de bol la taa ba ta do, de kpɔ takpeg deɛ ŋɔ o che kpaara pel dagagre ta. Ba nyoa baa gwaa Paelet ne,
- <sup>24</sup>ase o seh ge baa de nyin tee ba, de kpɔ waa la dawɛ Yeesu ne.
- <sup>25</sup>Paelet le baa la waa ja waane ba faa ir a ne de vuugi Room Koojen nomonome de kpoo nera ba doo dea la ta la o kaa, ase de kpɔ Yeesu tee ba ŋɔ bá ka ɛo ge bwa baa de nyin.
- <sup>26</sup>Soojare la aa kpoo deɛ kaa dé ka kpoo la, ba kaa cheme baa bel baa de yerɔ Seemɔn. Sairini tee. De o le koo deɛ ba, ase soojare la lawɔ de le dagagre Yeesu aa de chegɔ la, de gel Seemɔn cheo teŋɛ Yeesu ne.
- <sup>27</sup>De nenlaa tenten teŋɛ o ne, ba bini bane ɛ haahna de kpɔ nɔra dawɛ nyu deɛ dooge lɔŋɔre de wi deɛ teo.
- <sup>28</sup>Ase Yeesu bere o te de ŋɔ, "Jerusalem haahna, he be wi te me. He wi te he nyuune ne he bii,
- <sup>29</sup>dekalkɛŋɔ tɔpere bel de ba bala ase he ŋɔ, nera baa wola lolɛ bwa ne banɔ la baa wola bii ɔre bwa la na som.
- <sup>30</sup>A ge saŋee 'nera ɛɛ ba bwea ne denɔgarere be ŋɔɛ ŋɔ á ba tɔ ba neɛ bá soh a logre.'
- <sup>31</sup>Da-lweɛ de fuh aa, dahole te ta pɔeh yaa?"
- <sup>32</sup>Soojare la kpɔ wechɔg-ɛera bane bane ja o neɛ deɛ la ka kpoo ba.
- <sup>33</sup>Ba kaa tel bobel baa de yerɛ bela Nyuhog Bɔr. Belaa ba kpaɔ Yeesu pel dagagre ta, de kpaɔ wechɔg-ɛera la ge pel dagagra ta, de kpɔ bel pa Yeesu dig ta, bel ge pa o gal.
- <sup>34</sup>Yeesu ŋɔ, "N Mɛɛ, kpɔ ba wechɔga ke ba. Baa waa baa de ɛ nɔ jemɛ." Soojare la kpɔ o laala bil deɛ ta chacha ŋɔ naate waa di la, ó kpɔ onɔ la waa de nyin.
- <sup>35</sup>Nenlaa chege bela deɛ nyinju. Juda tena nomonome mugli o baah ŋɔ, "Ke he wono le bane oo? De he ŋɔ heneɛ Kristo la Korowii aa leo la aa, le he te yá na!"
- <sup>36</sup>Gɛɛ soojare la ge mamɔ de mugli o baah, de tuuh tel o jweh, de kpɔ sennyega teo ŋɔ ó nyɔ,



- 37De ηο, "De he ηο henee Juda tena kooro la aa, le he te!"
- 38O nyundua b̄or dagagre la ta la, ba chwero ka pel bela ηο, |scJUDA TENA KOORO LAANEE LA|d.
- 39Wechog-εera baa ja o nee la bel bol waa yago ηο, "He laa Kristo la kee? Le he te de le ya geo."
- 40Ase neete la aa jaa la kaoh ηο, "Jam̄o haa Korowii om̄e kee? Ge baa ε yaa no, gee ba ε o ge.
- 41O te kwara wechoga belbwa toole o ne. Ke ya te, waa yaa εa la, kenii a che ke ya na."
- 42De ηο Yeesu be ηο, "Yeesu, he baa di he kora aa, ase he lii n wa."
- 43Anee Yeesu chan̄o ηο, "Kasinten̄, hale fini, hee ja n nee nendeege silee bwee nyundua belaa."
- 44De wee gel loe de ka tel wekee san̄,
- 45ase yal baa kp̄oa teje Korowii Dea bini la baah pere ane.
- 46Yeesu kp̄o takpeg do lon̄o de ηο, "N Mee, he non taa n lileo do!" Waa bol ge tone la, o doma le, o sewe.
- 47Sooja nomoa waa lo bela de na waa aa chiga la, o ηο, "Kpelaa, wechoga toole baa no ne," de kpee Korowii.
- 48Nera baa bala de ba nyin̄i la loo kuu, ba kp̄o noora daw̄e nyu de kaa dem.
- 49Ke nera baa jem̄o kered̄e la ne haahna baa teje o nee de le Galilia hare la te ta chege bojan̄ de nyinu.
- 50De baa bel sone Josef, o ε Juda te de le bela bwee bel baa de yero Arimatea. De o ja nomonome baa bol Yeesu waa la ne, de o de om̄e Korowii de ε nendeege.
- 51O te fe ta seeh teje ba nee ke ba kpo Yeesu.
- 52Ge baa la la Paelet be de ka soje Yeesu lale,
- 53de lao kp̄o le dagagre la ta, de kp̄o yapon̄ baago de kp̄o ka bil bwe bōo baa komo keho dea bini. De ba ta lale kp̄o do o bini bwa.
- 54De awola ε Fiara, ase baa kp̄o ba te de di Ona T̄opere la.
- 55Haahna baa teje Yeesu nee le Galilia hare la la bwe bōo la ta ba ka na bela ne ge baa kp̄o lale la bil bōo la bini.
- 56Ase ba bere kaa dem de ka ε kwaane a sooh aa soma de ba kp̄o ka ε lale la. Ona T̄opere la, ba on̄o ge mmara la aa bagla la.

## Luk 24

- <sup>1</sup>Tɔɔ aa pera Kwasiɛ tomun aa dɛ kpɔ la, haahna la kpɔ kwaa a soɔh aa soma la la bwe bɔɔ la ta,
- <sup>2</sup>dɛ ka na kɛɲɔ nomɛl gbili bwe baa kpɔa tɔ bɔɔ la le o nyoa,
- <sup>3</sup>asɛ ba jo dɛ na kɛɲɔ ba Dɔɔ Yeesu lale la toole.
- <sup>4</sup>Ba nyoa aa kpɔa ba che bela la, dɛ baala banɛ bane baa do laalaponja aa nyɛgle al-al ken denɔ ba che ba jweh.
- <sup>5</sup>Ɔmee lag ba taeh, asɛ ba gure nyuune suugi hare. Anee baala la ɲɔ ba be ɲɔ, "Ɔrɛɛ he baa nyin nenwee lala bɔr ɔ?"
- <sup>6</sup>Waa o faa bol he be Galilia hare la, he soɔh kɛɛ? O toole bonɔ, o iro.
- <sup>7</sup>O fa ta ɲɔɛ ɲɔ a che kɛɲɔ ba le o Nɛn Bie tɛ nɛnchɔga, ba kpaaro pɛl dagagre ta asɛ a tɔpetooro wee la o ir seo ta naa?"
- <sup>8</sup>Belaa haahna la ta lii gɛ waa la,
- <sup>9</sup>dɛ laa berɛ kaa dem dɛ ka taa bagle Yeesu habɔtɛɲra fi dɛ bɛɲkponɲ la ne nɛra baa ja ba nɛɛ la.
- <sup>10</sup>Mɛere waa le Magdala la ne Joana ne Jems nya Mɛere ne haahna bane baa jaa laanee bol waa la bagle o habɔtɛɲra la.
- <sup>11</sup>Yeesu habɔtɛɲra la kpɔ waa la ɛ mola, ba ta kpɔɛ ɛ wobɛlbwa.
- <sup>12</sup>Belaa Pita tɛ kpɔ chwae dɛ la bwe bɔɔ la ta, dɛ ka bonɛ dɛ haah o bini dɛ na yapon baa kpɔa baage lale la gbo chɔɛ. Dɛ kpɔ nyokpoa kaa dem.
- <sup>13</sup>Awola tenten la, Yeesu habɔɔ nɛra la bini banɛ bane chig ɲwɛnɛ ta dɛ le Jerusalam dɛɛ kaa Emeyas. Bela ne Jerusalam ɛɛ ɛ kwansini anuanɛɛ.
- <sup>14</sup>Dɛ ba dɛ bol waa dɔɲa be, dɛɛ bagle dɔɲa waa aa chiga.
- <sup>15</sup>Baa dɛ bol waa sibegra ne dɛ bɔɔ dɔɲa dɛɛ kaa la, Yeesu gbagba kaa puu ba, ba ne wɛɛ kaa.
- <sup>16</sup>Ba nao, kɛ ba ta wone jemɔ.
- <sup>17</sup>Belaa Yeesu bɔɔ ba ɲɔ, "Bɔkwa waa he valɛ dɛɛ ba dɛɛ bol dɔɲa be nɔɔ?" Asɛ ba jagɛ che sum ne surumm ken.
- <sup>18</sup>Asɛ ba nɛra banɛ la bini bɛl baa dɛ yerɔ Kliopas la chaɲo ɲɔ, "He tɛ ta waa aa chig bonɔ tɔperaane nɔ noɛ kɛɛ? Jerusalam nɛnhɔɔhree hen kɛɛ?"
- <sup>19</sup>Anee Yeesu bɔɔ ba ɲɔ, "Bɔkwa waa yɔ?" Asɛ ba ɲɔ, "Waa aa pu Yeesu waa le Nasaret la waa yaa bol. O ɛ Korowii keame dɛ dɔ kpegri wobol ne we-ɛɛla ta, Korowii ne nɛra bwa jemɛ o wa.
- <sup>20</sup>Ya Sɔfonomonome ne ya bela nomonome kpɔɔ tɛ ɲɔ bá di o wa, dɛ kpaaro pɛl dagagre ta dɛ kpoo.

- 21Kε ya te, ya fa dɔ hwega kε onee naate o fe aa dε ba dε ba lε Israel tena la. Waa no aa chiga tɔpera atoroo la.
- 22Anɔ la ge aa jaa, haahna bane baa ε ya bini bane la gelɔ ya nyoa kpo. Ba felo dε la bela baa hugo,
- 23kε ba ta o lale nae. Ase ba ba dε ba ηɔ ba na nyundua toroma bela, ba chagle keηɔ Yeesu ir seo ta.
- 24Belaa yabala la bane baa ε o habɔtenra la bane la bela baa hugo la, dε ka na a ge waa la tenten, dε a ε kpela ge haahna la aa bola la. Kε Yeesu gbagba te, ba ta on nae.”
- 25Anee Yeesu ηɔ ba be ηɔ, "Nfere nyaara! Eree haa wola Korowii keamere waa baa bola la yarada nɔɔ?
- 26A ta chee keηɔ Kristo la Korowii aa ηɔa ηɔ weε tomɔɔ ɔ ba lε yaa la na ge wahala no bwa mɔɔ ase dε dɔ Korowii Kora la di kee?”
- 27Ase Yeesu bag ba o bwara waa aa lɔ Korowii Tɔn la bwa bini. O pa mun le anɔ la aa lɔ Mosis Tɔne la bini dε bagle kaa anɔ la aa lɔ Korowii keamere kwaa la ta.
- 28Baa tel bwεε la baa dε kaa o ta la, Yeesu εo keηɔ waa dε kaa sie,
- 29kε ba ta on ηwene tεε, dε soηo ηɔ, "Wee joɔ, bɔr dε bir, anomanta ba yá chɔ." Ase o seh o ne ba ka so.
- 30Kondiiga saη aa tela ba ka cheme tig ta la, o kpɔ paanoo dε jam Korowii dε kuugi do ba nɔɔra ta.
- 31Belaa ba sie ta chole o nεε keηɔ Yeesuu. Bug la ta o den nyogre ba siwi ta.
- 32Ase ba ηɔ, "A waa laa weε bagle Korowii Tɔn la waa ηwene ta ase a jo ya bini ge la aa?”
- 33Bug la taa ba ir dε bere kaa Jerusalem a wola jɔmɔra la ne, dε ka na Yeesu habɔtenra fi dε beηkpoη la.
- 34Dε ba ne nera baa jaa la pεo so dεε bol ηɔ, "Ya Dɔɔ la iro kpela! O kpɔ o te bagle Seemɔn!”
- 35Ge nera banε la bagle waa aa chig Emeyas ηwene ta ge saη baa dε kaa ase Yeesu ka puu ba la bini chag ba, dε bagle ge aa εa o kuugi paanoo tεε ba mɔɔ ba ta jemɔ.
- 36A ge saη nera banε la aa bol ge waa la dεε bag ba la, bug la ta dε Yeesu denɔ ba che ba baah ta dε ηɔ, "Kórowii te heyaa bosɔɔhna.”
- 37Ba jarɔ, ɔmee lag ba, ba lii keηɔ lalee ba ken na.
- 38Ase o bɔɔ ba ηɔ, "Bɔkwaa gela he bambile chɔg nɔɔ? Bɔkwa waa hεε ε aahna-aahna nɔɔ?
- 39Hé nyiηi n nɔɔra ne n napaala, ase dε jeme keηɔ menea. Hé lag mε dε na, dεkalkεηɔ lale ta bwadabii ne hoga dɔε ge haa na mε n che nɔ.”

- 40 Yeesu bol gɛ waa nɔ dɛ kpɔ o nɔɔra ne o napaala bag ba.
- 41 Ba sie lɛo, kɛ dɛ ba bwara hwaoh, asɛ ba taa tɔŋlɛ. O bɔɔ ba ŋɔ, "He dɔ kondikwaa ane bonɔ naa?"
- 42 Asɛ ba tɛo pɛŋɛ baa ŋwiiro pera,
- 43 asɛ o lɛ dɛ chwe ba siwi ta,
- 44 dɛ ŋɔ ba be ŋɔ, "Anɔ waa gɛ saŋ n ne haa lole la, n yon dɛɛ bol he be ŋɔ a chɛ kɛ n bwara wobɛlbwa baa chwera Mosis Mmara la bini ne Korowii keamere tone la bini ne Korowii Kpɛɛra Tɔn bini la ɛ kpɛla la."
- 45 Anee o kpɔ lii ba, ba no Korowii Tɔn la mun.
- 46 Dɛ berɛ ŋɔ ba be ŋɔ, "Ba chwɛrɔ ŋɔ Kristo la chɛ kɛŋɔ o na wahala nɛra nɔn ta ba kpoo, asɛ o seo habɔɔ tɔpɛra atoro la, o ir seo ta,
- 47 áse ba che o sɔn ta dɛ bol Amanesoma la dɛ ŋɔ nɛra chare ba liire dɛ le wechɔga ta áse Korowii kpɔ ba wechɔga kɛ ba, dɛ pa mun le Jerusalem dɛ bagle gɛ waa nɔ hare bobɛlbwa.
- 48 Heyaa waa nɔ dansee tena.
- 49 Kɛ hé no, n gbabir ɛ tomɛ kon n Mɛɛ aa bage heyaa nyoa laanee he be. Anomanta hé so bwɛɛ nɔ ta ka tel kɛŋɔ kpegri la aa le nyundua ba he be."
- 50 Belaa o kpɔ ba le Jerusalem kaa Bɛtani dahare dɛ ka laa o nɔɔra ir dɛ soŋɛ Korowii tɛɛ ba.
- 51 O Korowii soŋa dɛ tɛɛ ba ta la, o le ba jwɛh, asɛ Korowii kpɔɔ kaa nyundua.
- 52 Ba berɛ kpɔ silɛɛ kaa Jerusalem,
- 53 dɛ yon ka jo Korowii Dea dɛɛ jam Korowii tɔpɛrɛ bɛlbwa.

## Jn

## Jn 1

- <sup>1</sup>Wobelbwa mumpar Korowii aa wola nyundua ne hare tae mɔɔ la, de Korowii Nyoa Wobol la lole. De o ne Korowiirii lole, ase o ne o bwa e benjkpon.
- <sup>2</sup>De onee ja Korowii nee mumpar la.
- <sup>3</sup>O nee Korowii che de ta komelbwa. Kontaale belbwa toole waa wola o nee chege de tao.
- <sup>4</sup>Korowii Nyoa Wobol la bee Korowii mkpa do, ase ge mkpa no ge e kenjo nii dee chaah newenyini sie.
- <sup>5</sup>Nii no lole dee chaah biro ta, ke biro ta wone too hwene o chaah bor kahone bwa.
- <sup>6</sup>De baa bel lole baa yero Jon. Korowiirii tomɔ
- <sup>7</sup>no o ba bol nii la waa de chaah newenyini sie la waa nera be, ase ba no de yarada.
- <sup>8</sup>De Jon gbagba laa ge nii la. Balaa o ba de ba bol nen waa e nii tenten la waa ase nera jeme o wa.
- <sup>9</sup>Korowii Nyoa Wobol laanee nii kasintej waa de ba hare no ta de ba pili newenyini sie la.
- <sup>10</sup>O nee Korowii che de ta newenyini, ke waa ba hare ta bono la, newenyini ta on jeme.
- <sup>11</sup>O ba o gbagba hare ta, ase o gbagba nera veoh.
- <sup>12</sup>Ke nera la te bwa baa leo de yaradao la, o tee ba kpegri kenjo ba e Korowii bii.
- <sup>13</sup>Dwene newenyini aa chege o ta dee lole bii la, kee newenyini pela, kee newenyini tetoora ta laa ba lol ba ba e Korowii bii. Korowii kpegri taa a che ba bere o bii.
- <sup>14</sup>Korowii Nyoa Wobol la baa bere newenyini, de ba so ya be. Ya na o jirima waa doa, de jeme kenjo Korowii Bibenjkpon laanee on. De o wobelbwa wer, ase o do kasintej ge kohona.
- <sup>15</sup>O waa Jon faa bol kohona dee no, "Nen n faa de bol o waa de no men to sie o nee ke o gwaa me, dekalkenjo o lole mɔɔ ba lol me la, on la."
- <sup>16</sup>Korowii chao kohona ase o ge na ya sum dee te yaa andeega saŋ belbwa, waa wola gel bwa.
- <sup>17</sup>Mosis nee Korowii che de ba Mmara la ne. Yeesu Kristo ge nee nen nee suna ne kasintej bwa che de ba hare ta.
- <sup>18</sup>Nomelbwa ta Korowii nae bwa. O Bibenjkpon waa pelo la, on gela newenyini jemo.
- <sup>19</sup>A wola bel, Juda tena nomonome baa lo Jerusalem la tome ba Sofore ne Ton Jerema bane no ba ka bo Jon o nensoo. Waa waa bola de kpo di Yeesu dansee laanee no.

- 20**Baa bɔɔro gɛ la, o ta nyoa tɔe. O bol kasintɛn ɲɔ, "Kristo la Korowii aa bage nyoa ɲɔ wɛɛ tomɔɔ ɔ ba le yaa la laa men."
- 21**Anee ba bɔɔro ɲɔ, "Aah dɛ umee hen ɔ? Elaejaa hen kɛɛ?" Aɛɛ o ɲɔ, "O laa men." Anee ba ɲɔ, "Korowii keame laanee hen kɛɛ?" Aɛɛ o ɲɔ, "Akai."
- 22**Belaa ba ɲɔ, "Bagle he nɛnsɔɔ yá jeme, dɛ won dɔ wobɛl ka bol nɛra baa tomɛ yaa la be. Nɛn besoo hɛɛ lii he te nɔ?"
- 23**Belaa Jɔn kpɔ Korowii keame Aesaya waa o faa bola la chaɲ ba ɲɔ, "Menee naate waa dɛ bol waa takpeg ne pua waa ɛ hɛɲle gbo hare ta dɛɛ ɲɔ, 'Hé gel he we-ɛɛla togre, dɛ kpɔ he te dɛɛ kpa he Dɔɔ bala' la."
- 24**Anee nɛra Farisii tena la aa tom ba la
- 25**bɔɔ Jɔn ɲɔ, "He ɲɔ Kristo la laa hen, Elaeja ge laa hen, Korowii keame la ge laa hen, aah dɛ ɛɛɛ he ɛ dɛ won dɛɛ sɔ nɛra Korowii ne ɔ?"
- 26**Belaa Jɔn ɲɔ, "Nee n te kpɔ dɛɛ sɔ nɛra Korowii ne. Nomɛl lɔ he bini taraken haa wola on jeme.
- 27**Men bala mɔɔ o ba, kɛ o gwaa mɛ. Maa o napaa tee kwaraa dɔ."
- 28**Bwɛɛ baa dɛ yero Betani o do Jɔɔdan Moo la wee leebɔr pera la, belaa a gɛ waa nɔ chig. Dɛ belaa Jɔn ɛɛ sɔ nɛra Korowii ne.
- 29**Tɔ aa pera la, Jɔn na Yeesu kɛɲɔ waa dɛ ba o be. Belaa Jɔn ɲɔ nɛra o ne baa chega la be ɲɔ, "Hé na Korowii Pebie waa dɛ ba nɛra bwa wechɔga laa dɛ kpɔ ba nɛɛ la!"
- 30**O waa n faa bol ɲɔ, 'Nomɛl lɔ n habɔɔ dɛɛ ba, dɛ gwaa mɛ, dɛkalkɛ o lole mɔɔ ba lol mɛ' la.
- 31**Dɛ n gbabir faa on jeme, kɛ o waa n ba dɛ baa sɔ nɛra Korowii nee áse Israel tena jemɔ."
- 32**Jɔn bol Yeesu waa ja ɲɔ, "N na Korowii Domadɛɛge la aa le nyundua kɛɲɔ brɔnoma, dɛ ba so o nɛ.
- 33**N te fe aa jeme kɛ onee, kɛ Korowii waa lee mɛ ɲɔ n ba kpɔ nee dɛɛ sɔ nɛra Korowii nee laanee gela n jemɔ. O ɲɔ n be ɲɔ, 'Hɛɛ na n Domadɛɛge laanee o ba so naate nɛ. On dɛɛ ba n Domadɛɛge kpɔɛ dɛ sɔ nɛra la.'
- 34**A gɛ waa nɔ chigo n na, anomanta n dɛ ɲɔ he be ɲɔ Korowii Biee on."
- 35**Tɔ aa pera la, dɛ Jɔn ne o habɔɛɲra banɛ chegɛ bela ja.
- 36**O na Yeesu o baa kaa, aɛɛ dɛ ɲɔ, "Hé na Korowii Pebie la!"
- 37**Waa ɲɔ gɛ la, o habɔɛɲra banɛ la noɔ, dɛ ka tɛɲɛ Yeesu nɛ.
- 38**Belaa Yeesu ke nyiɲi dɛ na kɛ baa tɛɲɛ o nɛ, aɛɛ o bɔɔ ba ɲɔ, "Bɔkwaa hɛɛ nyin ɔ?" Aɛɛ ba bɔɔro ɲɔ, "Rabae, lee he dem dɔɔ?" (Rabae munii nɛn waa dɛ chagle wa.)



<sup>39</sup>Belaa o ɲɔ, "Hé ba na." Ase ba la de ka na o dem. De a bo jomɔra doŋ anaare, ase ba so o be bela wee ba jo.

<sup>40</sup>De Andriu e nera bane la Jon aa bol waa ba no de teŋe Yeesu nee la bini bel. Seemon Pita nimee on.

<sup>41</sup>Waa waa to sie e laanee keŋo o kaa nyin o doo Seemon bor, de ɲɔ o be ɲɔ, "Ya na Mesaya la." (Mesaya munii Kristo.)

<sup>42</sup>O la Seemon ne Yeesu be. Belaa Yeesu nyiŋu de ɲɔ, "He sone Seemon. Jon biece hen. Taraken baa dee yeree Sefas." (Grik tena ge de yere Sefas Pita. O munii Bwe.)

<sup>43</sup>To aa pera la, Yeesu eo keŋo wee la Galilia hare taa. O kaa na baa bel baa de yero Felep de ɲɔ o be ɲɔ, "Baa teŋe n ne!"

<sup>44</sup>De Felep bwee Betsaeda, belaa Andriu ne Pita ge le.

<sup>45</sup>Felep ge kaa na baa bel baa de yero Nataaneel, de ɲɔ o be ɲɔ, "Ya na naate Mosis aa chwere o waa Korowii Ton bini la. O waa Korowii keamere la ge chwere la. O sone Yeesu. Josef waa le Nasaret la biece."

<sup>46</sup>Belaa Nataaneel ɲɔ, "Nasaret ge, kondɛɛge besoo de won le bela o?" Anee Felep ɲɔ, "Ba ba na no!"

<sup>47</sup>Yeesu aa na Nataaneel wee ba o be la, o ɲɔ, "Israel te tentenee no. O waa do kasintɛŋ kerede!"

<sup>48</sup>Belaa Nataaneel booro ɲɔ, "Ere he e jem me no?" Ase Yeesu chaŋo ɲɔ, "Haa lo pur la mun la, n nae moo Felep ka yere la."

<sup>49</sup>Anee Nataaneel ɲɔ, "Nomoa, Korowii Biece hen. Henee Israel tena Kooro la."

<sup>50</sup>Ase Yeesu ɲɔ o be ɲɔ, "Maa ɲɔ he be ɲɔ n nae pur la mun la waa he den yarada me no naa? Hee na wejena a gwaa ano!"

<sup>51</sup>Yeesu ɲɔ ba be ɲɔ, "Kasintɛŋ, n de ɲɔ he be, hee nao nyundua aa pila, ase nyundua toroma che bela tu dee ba men Nen Bie be, de bere teeh dee kaa."

## **Jn 2**

<sup>1</sup>A haboo topetooro wee la, de ba de e hanfalewaa bwee bel baa de yero Keena o do Galilia hare ta la. De Yeesu nya Meere lo bela.

<sup>2</sup>Ba yere Yeesu ne o habotenra la bane ge hanfale waa la bor bela.

<sup>3</sup>De ba de te nera la aa cheme bela la sen, ase a bo. Belaa Yeesu nya ɲɔ o be ɲɔ, "Ba sen bwa tono."

<sup>4</sup>Anee Yeesu boo o nya ɲɔ, "N nya, aah ere waa he bere dee nyiŋi n te siwi ta noo? Ge saŋ maa de ba n toma ee la ta tele moo."

<sup>5</sup>O nya berɔ ɲɔ bonɔɔna baa de do sene la be ɲɔ, "De o baa ɲɔ hé e wobɛlbwa naa, hé e."

<sup>6</sup>De veehna anumel chege bela ase ba kpɔ dɛɛ ɛ ba nawee bel. Ba yon ɛ nee do a bini áse nera yon dɛɛ sarama ba sarama bel soo mɔɔ dɛɛ di kwa. De veehna la belbwa won nee han̄koro fah lee.

<sup>7</sup>Yeesu n̄ɔ ba be n̄ɔ bá do nee veehna la bini á su, ase ba do nee a su lan̄lan̄ ken.

<sup>8</sup>Baa do nee veehna la bini la, o n̄ɔ ba be n̄ɔ, "Hé ɛ ane la ka tɛ hanfale dea nomoa la." Waa n̄ɔ gɛ la, ba la nee la ne ka tɛo. Baa tɛo la, de senee.

<sup>9</sup>Nomoa la aa dage nee aa bere sen la na la, o ta wone jeme bela aa lea ba, ke de bon̄ɔna baa de do sen la te jemɔ.

<sup>10</sup>Anomanta o yere hanfale jaa la de n̄ɔ o be n̄ɔ, "Nomelbwa de ba nera sen tee yaa, andɛega nee o yon tɔ sie le, ase nera bwa aa baa nyɔ vage la, mɔɔ o yon le anɔ la aa wola some la ne ase baa nyɔ. Eree he te tɔ sendɛega cheg de ka mun dɛɛ ba a ne nɔɔ?"

<sup>11</sup>Yeesu nyokpowaa waa tɔ sie ɛa laanee la. Keena waa lo Galilia hare ta laanee o ɛa, de chagle o nensoo ne kpegri waa doa, ase o habɔten̄ra la na de yaradao.

<sup>12</sup>A habɔɔ la, Yeesu ne o nya ne o nimanar ne o habɔten̄ra la la Kapeeneom de ka so bela tɔpera anɛ.

<sup>13</sup>De Juda tena tɔpejen baa de yerɔ Galekaa la joɔ tone, anomanta Yeesu la Jerusalem.

<sup>14</sup>Bela la, o nao ken̄ɔ nera bane aa de yog nae ne peera ne bronomare Korowii Dea bobel. De nera baa de pegri suugare ge soge ba teeburre ta dɛɛ ɛ ba toma.

<sup>15</sup>Belaa Yeesu pere bampɔrɔ n̄wɛera de kpɔ don̄i peera ne nae ne kondɛera la bwa bela. O tage nera baa de pegri suugare la teeburre piigi, de lo ba suugare mere,

<sup>16</sup>de kɔr banɔ la baa de yog bronomare la n̄ɔ bá le a ne bela, de n̄ɔ ba be o Mɛɛ dem kpɔ bere bonadibɔr.

<sup>17</sup>Bela la, o habɔten̄ra la liiro ken̄ɔ baa chwere Korowii Tɔn bini bobel ken̄ɔ, "Korowii Dea waa swɛɛ n siwi taeh" la.

<sup>18</sup>Belaa Juda tena nomonome la n̄ɔ o be n̄ɔ, "Bɔkwa nyokpowaa hee ba wona ɛ de chagle ken̄ɔ he do n̄wene de won ɛ a ge waa nɔ nɔ?"

<sup>19</sup>Anee Yeesu n̄ɔ, "He kuugi Korowii Dea nɔ naa, n gee kpɔ tɔpera atoro doo."

<sup>20</sup>Belaa ba bɔro n̄ɔ, "Dea baa kpɔ bene fifraanaare de anumel mao la, hen de won kpɔ tɔpera atoro gbo doo waa?"

<sup>21</sup>De Yeesu gbagba bwadabii waa weɛ bol de kpɔ mage Korowii Dea la.

<sup>22</sup>Anomanta la, Korowii aa ir Yeesu seo ta la, belaa o habɔten̄ra la lii ken̄ɔ Yeesu fa bol a ge waa nɔ. A gelɔ ba yarada waa baa chwera Korowii Tɔn bini la, ne waa Yeesu aa bola la.

<sup>23</sup>Yeesu taa lo Jerusalem dɛɛ di Galekaa la la, nera warɔ de che o nyokpowaa waa ɛa ta de yaradao ken̄ɔ onee Kristo la Korowii aa bage nyoa n̄ɔ weɛ tomɔɔ ó ba le newenyina la.

<sup>24</sup>Ƙε Yeesu ta ban yaradae ƙεηɔ ó ƙƙɔ o te tεε ba, deƙalkεηɔ o jeme newenyini da ƙεreɗe.

<sup>25</sup>A ta hiaih ƙε nen baglo ge newenyini aa doa, deƙalkεηɔ o gbagba jeme waa aa lo nen bambile bini.

### **Jn 3**

<sup>1</sup>De Juda tena nomoa bel lole baa yero Nikodeemos. De o ε Farisii te.

<sup>2</sup>Awola bel jwaana, o ba Yeesu be de ba ηɔ o be ηɔ, "Nomoa, nomelbwa jemɔ ƙεηɔ Korowiirii tome ηɔ hé ba bagle nera wa, deƙalke de Korowii ta nen haboo chegaa, waa won ε nyokpowaa no haa de ε no."

<sup>3</sup>Belaa Yeesu chaηɔ ηɔ, "Ƙasinteη, n de ηɔ he be, nomelbwa waa de nyin Korowii Kora la ta de ja la, nemene ba bere lolɔ ja."

<sup>4</sup>Anee Nikodeemos peero ηɔ, "Nen waa kpega la, eεε ba ε de bere won lolɔ ja? Wεε wonoo bere jo o nya tea bini ja ase o lolɔ waa?"

<sup>5</sup>Ase Yeesu ηɔ, "Ƙasinteη, n de ηɔ he be, de ba ta nomelbwa lole nee ne Korowii Domadeεge ne naa, waa Korowii Kora ta jae ba.

<sup>6</sup>Newenyini lola lole, ase Korowii Domadeεge ge lola do le. Newenyini lola ε bwadabii wa, ase Korowii Domadeεge lola ge ε lileo wa.

<sup>7</sup>He be gel waa maa bola ηɔ a che ƙε ba bere lole heyaa la kpo he nyoa.

<sup>8</sup>Bela peu aa de nyin laanee o ta deε kaa. O de ta aa, he de no o gbɔga ƙε haa on na, haa won jeme bela waa lea ne bela waa de kaa. Gee nomelbwa Korowii Domadeεge aa lolɔ la do. De o we-eela laa aa, komelbwa toole deε bagle ƙε Korowii Domadeεge lolɔ."

<sup>9</sup>Belaa Nikodeemos peero ηɔ, "Eεε waa no εε ba εε de won magre o?"

<sup>10</sup>Anee Yeesu ηɔ, "Eεε he ε Juda tena nomonjen deε bagle Korowii Wa, haa wola ge waa no jeme noo?"

<sup>11</sup>Ƙasinteη, n de ηɔ he be, waa yaa jema la, ne waa ya sie aa naa la, anee yaa bol, ƙε haa ya be no.

<sup>12</sup>Aah de maa de bol waa aa lo hare ta bonoo haa wola men yarada no, de n bol waa aa lo Korowii doa aa, eεε heε ba εε de won yarada a te no?"

<sup>13</sup>De n Nen Bie laa aa, nomelbwa ta Korowii be nyundua laηε moo. N gboo le o be nyundua de tu ba hare.

<sup>14</sup>Ge saη ya naanar aa lo pua la, Korowii keame Mosis la fa ƙƙɔ buni de loge harekon de ƙƙɔ do daa ta de gooro ase nera nyiηu de be deε sewe. Gee a che ƙε ba goo n Nen Bie la.

- 15**De ba baa gɔɔ mɛ gɛ naa, nomɛlbwa waa yarada n waa la, wɛɛ dɔ Korowii mkpa aa wola jaga dɛɛ bwa laanee.
- 16**"Korowii dɛ nyin newenyini taeh. A waa o gel men maa ɛ o Bibɛŋkpoŋ gbo waa dɔɔ la ba hare nɔ ta, ase nomɛlbwa waa yarada n waa la bɛ sewɛ, kɛ ɔ dɔ o mkpa aa wola jaga dɛɛ bwa la.
- 17**Korowii aa tom mɛ hare la, o ta ŋɔɛ ŋɔ n ba bol he waa dɛ pa heyaa bolchɔge. Kɛ o tom mɛ ŋɔ n ba nyin ŋwɛnɛ tɛ heyaa áɛ o won lɛ heya.
- 18**Nomɛlbwa waa yarada n waa la, Korowii aa o waa bol a ba ɛ kɛ wɛɛ di bolchɔgee. Kɛ nomɛlbwa waa wola n waa yaradae la, Korowii pao bolchɔge tone, dɛkalkɛŋɔ o ta o Bibɛŋkpoŋ la waa yaradae.
- 19**Ba bolchɔge pae munii kɛŋɔ nii waa dɛ chaah bɔr la ba hare nɔ ta, kɛ newenyini bɛrɔ dɛɛ nyin biro gwaa nii la, dɛkalkɛŋɔ ba wobɛlbwa ɛ wechɔga.
- 20**Nomɛlbwa waa dɛ ɛ wechɔga la, waa bochaah nyin, dɛkalkɛŋɔ o le bochaah ta naa, nera ɛɛ na o wechɔga laanee.
- 21**Naate waa dɛ ɛ wedɛɛga la te, waa bochaah lee ɔmɛ. Wedɛg-ɛɛ bɛlbwa dɛ ɛ o waa bochaah ta áɛ nera bwa na dɛ jɛmɛ kɛ o jɛmɛ Korowii."
- 22**A habɔɔ la, Yeesu ne o habɔtɛŋra la la Judia hare ta, ase o ka di tɔpera anɛ ba bɛ dɛɛ sɔ nera Korowii nee bela.
- 23**De Jɔn ge dɛ sɔ nera Korowii nee bwɛɛ bɛl baa dɛ yɛrɔ Aenɔn o ne Salem aa wola janɛ la ta. De nee lɔ Aenɔn taeh, ase nera ɛɛ ba Jɔn bɛ wɛɛ sɔ ba Korowii ne.
- 24**A gɛ saŋ la dɛ ba ta Jɔn lawɛ do dea mɔɔ.
- 25**De nera baa tɛŋɛ Jɔn nɛɛ la ne Juda te bɛl dɛ tɔŋle dɔŋa ba bela Korowii toma waa aa ɛ nɔɔra ne naa sarama ne nee sɔɛ wa.
- 26**Ba la Jɔn bɛ dɛ ka pɛero ŋɔ, "Nomoa, he dɛ lii kɛ he ne baa bɛl faa chegɛ Jɔɔdan Moo la wee leebɔr pera la aa? O waa he faa bol la. O dɛ sɔ nera Korowii ne, ase nera bwa chwa dɛɛ kaa o bɛ."
- 27**Belaa Jɔn ŋɔ, "Nomɛlbwa toole dɛ won dɔ komɛl dɛ Korowii laa tɛo.
- 28**Maa ŋɔa ŋɔ n laa Kristo la, dɛ ŋɔ tomaa ba tom mɛ ŋɔ n tɔ o sie la, he ta noɛ yaa?
- 29**Hanfale jaaree dɔ o haah. Kɛ, dɛ hanfale jaa la dam lɔ hanfale la waa bɔr dɛ no o nyoa bela aa, dɛ o sie lɛo. Gɛɛ n ge bwara sɔɔh mɛ kohona.
- 30**A che kɛ o sɔn ɛɛ le kohona ase n te sɔn ɛɛ ba hare.
- 31**"Nɛn waa le nyundua la gwaa nomɛlbwa. Nɛn waa le hare bonɔ la, hare waa o jɛmɛ, a waa gee o won bola. Kɛ nɛn waa le Korowii bɛ nyundua la te gwaa nomɛlbwa.
- 32**Waa o siwi aa naa ne waa waa noa Korowii bɛ laanee wɛɛ bol, kɛ newenyini aa o bɛ no.

<sup>33</sup>Nomelbwa seh Korowii wa aa, o gbagba wono dɛɛ jeme ke Korowii waa do kasintɛɲ.

<sup>34</sup>Nɛn Korowii aa tomɔ la, Korowii wobolee wɛɛ bol, dekalke Korowii tɛo o Domadɛɛge la tɛɛ tenten.

<sup>35</sup>Korowii nyin o Bie la taeh, de kpɔ wobelbwa kpegri do o non ta.

<sup>36</sup>Nomelbwa waa yarada Korowii Bie la waa la, wɛɛ do mkpaa aa wola jaga dɔɛ bwaa. Nomelbwa waa wola Korowii Bie la waa yaradae la, waa mkpa dɔɛ ba. Korowii bandia ɛɛ do o nɛɛ saɲ belbwaa."

## **Jn 4**

<sup>1</sup>Farisii tena la noɔ keɲɔ Yeesu berɔ dɛɛ do nɛra kohona dɛɛ sɔ nɛra Korowii nee kohona dɛɛ gwaa Jɔn.

<sup>2</sup>Kasintɛɲ, de Yeesu gbagba aa nɛra Korowii nee sɔ. De o habɔtɛɲra laanee dɛɛ sɔ ba Korowii ne.

<sup>3</sup>Yeesu aa no ge baa de bol o waa la, o le Judia hare de kaa Galilia hare ta.

<sup>4</sup>De Samaria hare taa che ke o kpɔ de won kaa Galilia hare ta.

<sup>5</sup>O baa le Samaria bwɛɛ bel baa de yerɔ Seka la ta. De a ge bwɛɛ la ne hare la Jekɔb aa kpɔa tɛ o bie Josef la aa jaɲɛ.

<sup>6</sup>De Jekɔb kɔlɔɲ bel lo bela. Yeesu aa vala de koh la, o kaa so kɔlɔɲ la nyoa. De wee chege nyufala.

<sup>7</sup>Samaria haah bel balɔ ɲɔ ɔ ba do ne, ase Yeesu ɲɔ o be ɲɔ, "Tɛ me nee n nyɔ."

<sup>8</sup>De Yeesu habɔtɛɲra la kaa bwɛɛ la ta de ka nyin kondikwaa ba.

<sup>9</sup>Belaa haah la nyoa kpo, o chaɲɔ ɲɔ, "Fini te Juda te de soɲɛ Samaria haah ne aa?" De Juda tena de kɔge Samaria tena taeh, de baa seh ba ne baa pe numoli ne loga kwara.

<sup>10</sup>Anee Yeesu ɲɔ o be ɲɔ, "De he fe jeme kon Korowii aa de nyin he tɛɛ nɔ, de jeme naate waa de soɲɛ nee nɔ naa, he fe ɛɛ soɲoo áse o fee tɛɛ nee aa won tɛɛ mkpa."

<sup>11</sup>Belaa haah la ɲɔ, "Nomoa, bule nɔ aa luɲa, ase haa wola kon baa kpɔa dɛɛ ta kɔlɔɲ dɔɛ nɔ, lee hɛɛ ba a ge nee aa de tɛ mkpa nɔ dɔɛ yɔ?"

<sup>12</sup>He de lii ke he gwaa ya naa Jekɔb waa tɛ yaa a ge bule nɔ la keɛ? O ne o bii ne o kondɛera bwaa fa de nyɔ nee bule nɔ ta."

<sup>13</sup>Belaa Yeesu chaɲɔ ɲɔ, "Nomelbwa waa nyɔ nee nɔ la, nyɔgre ɛɛ kpoo ja.

<sup>14</sup>Ke nomelbwa waa nyɔ nee maa de tɛo la te, nyɔgre aa on kpo bwa. Nee maa tɛo la ɛɛ ɛo keɲɔ bule o bini dɛɛ bule nee aa de tɛ mkpa aa wola jaga dɔɛ bwa."

<sup>15</sup>Belaa haah la ɲɔ, "Nomoa, amɔ te, tɛ me a ge nee la ane ase nyɔgre be men kpo kpa, ase n be bonɔ ba ba do nee kpa."

- 16 Anee Yeesu ɲɔ o be ɲɔ ó ka yerε o jaa ba.
- 17 Ase o ɲɔ, "N ta jaa dœ." Belaa Yeesu ɲɔ, "Dε he ɲɔ he ta jaa dœ yaa, kpelaa he ɲɔ.
- 18 He yale baala banue bwa, ke onɔ la he ne waa lole taraken la, he jaa laa on, anomanta kpelaa he ɲɔ."
- 19 Ase haah la ɲɔ, "Nomoa, maa naa nɔ, Korowii keamee hen.
- 20 Bwe nɔ taa ya Samaria tena naanar faa tome Korowii saɲ la. Aah εre waa he Juda tena ɲɔ Jerusalamee che Korowii toma nɔ?"
- 21 Belaa Yeesu ɲɔ o be ɲɔ, "Kasintɛɲ, aa ba tel saɲ belee nera aa wola Korowii tome bwe nɔ ta, baa on tome Jerusalem ge.
- 22 He Samaria tena te, εε he gee ε te, ke haa kon haa dε tome jemε. Ke ya Juda tena te jemε kon yaa dε tome, dekalke ya nεε aa ba chega ase Korowii le newenyina bwa.
- 23 Korowii toma te lo bambile bini. Aa ba tel saɲ belee, ase nera baa de tome Korowii kpela kpela la che o Domadεεge la ta dεε tomɔ bambile bini, dεε tomɔ kasintɛɲ ne, dekalke gee weε nyin ke baa tomɔ. A ge tɔpere la telo tone.
- 24 Korowii ε lileo. Anomanta dε ya de tomɔ waa, yá che o Domadεεge kpegri ta de kpo kasintɛɲ dεε tomɔ bambile bini."
- 25 Anee haah la ɲɔ o be ɲɔ, "N jemɔ keɲɔ ya Lεε la baa de yerɔ Kristo la εε bao. O balaa, weε bagle yaa wobɛlbwaa."
- 26 Ase Yeesu ɲɔ, "Onee he ne weε bol waa la. Kristo laanee men."
- 27 Belaa Yeesu habɔtɛɲra la ba. Baa baa na o ne haah naa chega dεε bol waa la, a εε ba anɛɛlbwaa. Ke ba bɛlbwaa ge ta berε won bɔɔ haah la kon la waa de nyin Yeesu be. Bɛlbwaa ta wone bɔɔ Yeesu weε la aa bala o ne haah la εε bol waa la.
- 28 Haah la gel o vii waa dε ba o ne nee dœ la bela dε chwa la bwεε la ta ka ɲɔ bela tena be ɲɔ,
- 29 "Hé ba ba na noo! Baa bɛl wono bagle n waa maa dε ε bwa! Jamɔ Kristo laanee keε?"
- 30 Haah la aa ɲɔ ge la, bela tena chwao le ba bwεε la ta dεε ba Yeesu be.
- 31 Haah la aa kaa bwεε la ta la, Yeesu habɔtɛɲra la soɲo jande jande ɲɔ, "Nomoa, le kondikwaa di!"
- 32 Belaa Yeesu ɲɔ, "N dɔ kondikwaa ane haa wola a waa jemε."
- 33 Anee o habɔtɛɲra la εε pεε dɔɲa ɲɔ, "Nomɛl baa tɛo kondikwaa o di gbao?"
- 34 Belaa Yeesu ɲɔ, "N kondikwaa ke maa dε ε n Mεε waa tom mε la tetoora, ne ke maa ε o toma waa tε mε la bwa tone.
- 35 He laa yon ɲɔ ba du kwa aa, korobie anaareε aa di mɔɔ baa koma la aa? Kasintɛɲ, he be chɔ. Hé ta sie na koo kwaa bwa aa bea ne koma ge!



<sup>36</sup>Nen waa kome kwaa dɛɛ tɛ Korowii la dɛ dɔ o kembɔr. Nɛwenyinaa naate ɛɛ kome, dɛɛ lɛɛ ba áɛ ba dɔ Korowii mkpa aa wola jaga dɔɛ bwa la, áɛ naate ne nen waa dua la bwa sie le.

<sup>37</sup>Baa n̄ɔa, 'Bɛlee dɛɛ du, bɛl gee kome' la, kpɛlaa.

<sup>38</sup>N waa nɔ maa gela hɛɛ bagle nɔ, a do kɛn̄ɔ maa gela hɛɛ kome kwaa bela haa wola parɛ la. Bane tɔ sie koh mɔɔ he baa na som la.”

<sup>39</sup>Samaria tena baa lɔ bwɛɛ la ta kɛrɛde yarada Yeesu, dɛkalkɛn̄ɔ haah la n̄ɔ ba be n̄ɔ, "O bol waa maa dɛ ɛ bwa n be.”

<sup>40</sup>Anomanta Samaria tena la aa ba Yeesu be la, ba soŋo n̄ɔ ó so ba be. O soɛ ba be tɔpera anɛ dɛɛ bag ba Korowii Wa.

<sup>41</sup>Yeesu waa waa dɛ bol la gelɔ nera pirim berɛ yarada o waa la ja,

<sup>42</sup>dɛ n̄ɔ haah la be n̄ɔ, "A ta ɛɛ kɛn̄ɔ he waa haa bola la gboo gela ya yaradao. Ya gbagba ge aa kpɔ dɛn̄ɛ no o waa la name la, anɛ gela ya yarada dɛ jɛmɛ kɛn̄ɔ nera bwa Lɛɛrɛɛ nɔ kpɛla.”

<sup>43</sup>Yeesu aa di tɔperɛ anɛ bela la, o le bela dɛɛ kaa Galilia hare.

<sup>44</sup>O gbabir fa bolɔ n̄ɔ, "Korowii keame belbwa ta sɔn dɔɛ o gbagba bwɛɛ bwa.”

<sup>45</sup>Waa jo Galilia hare la, bela tena leo silɛɛ ne, dɛkalkɛn̄ɔ baa la Galekaa dii Jerusalem la, ba na waa waa ɛa Galekaa dii la ta bwa.

<sup>46</sup>Yeesu la Galilia bwɛɛ Keena. Belaa o faa kpɔ nee berɛ sen la. Waa la bela la, dɛ Abane nomoa bɛl bibaa bwara dɛ weo Kapeeneɔm.

<sup>47</sup>Nomoa la aa noa kɛn̄ɔ Yeesu le Judia hare ba Galilia hare la, o ba o be dɛ ba soŋo n̄ɔ ó la Kapeeneɔm dé ka chah o bie waa dɛ ba sewa la.

<sup>48</sup>Belaa Yeesu n̄ɔ o be n̄ɔ, "He belbwa ta nyokpowaa ne wekpega anɛ nae yaa, haa men yarada bwa.”

<sup>49</sup>Ase nomoa la soŋo n̄ɔ, "Nomoa, yá kaa. A waa laa aa, n bie la ɛɛ sewɔɔ.”

<sup>50</sup>Anɛ Yeesu n̄ɔ o be n̄ɔ, "Dɛɛ la he bwɛ, he bie la ɛɛ gban̄ɔro!" Baa la yarada Yeesu waa waa bola la, dɛ berɛ kaa o bwɛ.

<sup>51</sup>Waa dɛ kaa la, o bonɔɔna chemo n̄wɛnɛ ta, dɛ n̄ɔ o be n̄ɔ, "He bie la gban̄ɔro!”

<sup>52</sup>Belaa o bɔɔ ba san̄ la yiso o bie la weela la nyoa aa ba hare, asɛ ba n̄ɔ, "Dɛ ɛ weban̄a dɔn̄ bɛn̄kpon̄ san̄ɛɛ o bɔwɔrɔba la le o nɛ.”

<sup>53</sup>Belaa nomoa la lii kɛn̄ɔ a ge san̄ la tenteneɛ Yeesu n̄ɔ o be n̄ɔ, "He bie la ɛɛ gban̄ɔro" la. A taa a che o ne o dem tena bwa yarada Yeesu waa la, dɛ kpɔ ba te tɛo.

<sup>54</sup>Yeesu aa le Judia hare ba Galilia hare la, nyokpowaa nɔɔ jaa nɛɛ waa ɛa.

## Jn 5

- <sup>1</sup>A habɔɔ la, de Juda tena tɔpejen bel telo, ase Yeesu la Jerusalem.
- <sup>2</sup>De tam bel cho Jerusalem ase Juda tena ee yero Betsata. O choo bene doonyoa bel baa de yero Peera Doonyojen la. Tam la nyoa la, ba e soɔnibɔra bele anue de tɔa.
- <sup>3</sup>Soɔnibɔra bela la, weela tena keɲɔ nyɔɲa, boobie ne bano la ba peri aa serewa warɔ de cho bela.
- <sup>5</sup>De baa bel ja weela tena la nee o weela do o nee bene fifraatoro de anuatoro de o ta chaeh dɔe.
- <sup>6</sup>Yeesu aa baa na o choe la, o wono jeme keɲɔ weela la aa lo o nee bigro, anomanta o booro ŋɔ, "He de nyin ke he do bokpega aa?"
- <sup>7</sup>Anee o ŋɔ, "Ooh. Ke tam la poraa, maa nen do o kpo me kaa do o ta. Maa takapo ŋɔ n ka jo o ta, de n doɲ to n sie."
- <sup>8</sup>Ase Yeesu ŋɔ o be ŋɔ, "Ir che de kpo he kalaɲ de kaa!"
- <sup>9</sup>Yeesu aa ŋɔ ge la, baa la gbanro de ir che de kpo o kalaɲ de vale dee kaa. Ona Tɔpere taa a ge waa no chig.
- <sup>10</sup>Ase Juda tena nomonome ŋɔ weela te la Yeesu aa chaoh la be ŋɔ, "Fini e Ona Tɔpere, anomanta he jo ya kii nee keɲɔ haa kpo he kalaɲ che la!"
- <sup>11</sup>Ase o chaje ŋɔ, "Naate waa chaah me laanee ŋɔa ŋɔ n ir kpo n kalaɲ de kaa."
- <sup>12</sup>Anee ba booro ŋɔ, "Umee su baah ŋɔ he ir de kpo he kalaɲ che no?"
- <sup>13</sup>Baa la ta wone jeme naate la nensoo waa chaoh la, dekalke de nenlaa tentenee lo bela ase Yeesu koo ba bini kaa.
- <sup>14</sup>A habɔɔ la, Yeesu na baa la Korowii Dea ase de ŋɔ o be ŋɔ, "He nao kene, taraken haa do bokpega no, gel wechɔga ee, ase ano la aa gwaa logla kwaa la be he nee ba chig kpa."
- <sup>15</sup>Belaa baa la aa le bela la, o la Juda tena nomonome la be de ka chagle keɲɔ Yeesuu chaoh la.
- <sup>16</sup>Baa noa keɲɔ Yeesuu e a ge waa no Ona Tɔpere ta la, belaa ba pa mun haoh, dekalke de o choɲ ba Ona Tɔpere mmara.
- <sup>17</sup>Anee Yeesu chan ba ŋɔ, "N Mee te de e o toma san te belbwa, anomanta gee che keɲɔ n gee e."
- <sup>18</sup>Ge waa no Yeesu aa bola la ee ba bwaawee kohona de gel baa nyinu de kpo kwara, dekalkeɲɔ de Ona Tɔpere la gbo laa wee choɲ. O bero ŋɔ o Mee waa loloo Korowii, ase de kpo o te dee mago keɲɔ o ne o e kerede.
- <sup>19</sup>Belaa Yeesu chan ba ŋɔ, "Kasinteɲ, n de ŋɔ he be, toma Korowii aa de e laanee o Bie gee e, dekalke waa won kpo o gbo liire dee e ge waa de nyin. Ano la Korowii aa de e laanee o Bie ge nyiɲi dee e."

- <sup>20</sup>Dekalke Korowii de nyin o bie ase dee baglo waa wee e o we-eela dɔŋa. Anomanta wee bagloo wee e wejena aa gwaa anɔ kwara áse a e heyaa nyokpoa.
- <sup>21</sup>Ge Korowii aa de chum nera baa serewa ase de gel baa do mkpa la, ge tentenee o Bie la gee ba wona chum belbwa waa de nyin de teo mkpa.
- <sup>22</sup>Korowii gbagba aa nomelbwa waa bol de pa bole. O te o Bie la nywene nɔ ó bol nomelbwa waa de pa bole.
- <sup>23</sup>De nɔ nomelbwa te o Bie la jirima ge tenten baa de teo jirima la. Anomanta nomelbwa waa wola o Bie la jirima te la, de gee waa wola o Mee la waa tomɔ la jirima te.
- <sup>24</sup>"Kasintenɔ, n de nɔ he be, nomelbwa waa no n waa la dee teje a ta ase de yarada n Mee waa tom me la, onee do mkpa aa wola jaga doe la. Maa naate waa bol de pa bole kpa, dekalke o le seo non ta de bere do Korowii mkpa.
- <sup>25</sup>Kasintenɔ, n de nɔ he be ja kenɔ saɔ bel ee bao ase nera baa serewa no men Korowii Bie la taa, ase banɔ la baa de no la do Korowii mkpa. Tɔpere la doo tel kwara.
- <sup>26</sup>Ge Korowii aa do mkpa dee te la, gee o gel o Bie la ge do mkpa dee te,
- <sup>27</sup>ase de teo nywene ke ó won dee bol nera waa dee pa bole, dekalke o Bie laanee Nen Bie la.
- <sup>28</sup>He be gel anɔ e heyaa nyokpoa, dekalke tɔpere bel de ba ase nera baa serewa la no n taa,
- <sup>29</sup>ase belbwa le o boɔ bini. Banɔ la baa e wedeega la te ee berɔ do Korowii mkpa, ase banɔ la ge baa e wechɔg-eeera la, o bere chɔg ba.
- <sup>30</sup>"N gbo aa won e wobelbwa n bambile ta, nemene anɔ la Korowii aa chag me la. A taa n che de bol nera waa dee pa bole. An gela n bole pae togre nɔ, dekalke waa n Mee waa tom me la aa kpɔa te me la gboo mee e de gel n bambile wa.
- <sup>31</sup>De n nɔ mee di dansee te n gbagba aa, nera ee nɔo nyosonee mee teje.
- <sup>32</sup>Ke nomel lole de di dansee dee te me, ase n jeme kenɔ o dansee dii e kpela.
- <sup>33</sup>Jɔn bee he tome he toroma ase o di me kasintenɔ la dansee bagle heya.
- <sup>34</sup>Maa n te kpɔe dee dawɛ newenyini nee ó di me dansee. N de bol anɔ áse he yarada Korowii ó won le heya.
- <sup>35</sup>A ge Jɔn nɔ fa do ke kandeaa baa choɔu wee chaah bɔr kohona, ase hee nyin o bɔr chaahna la som de na tama mɔɔ.
- <sup>36</sup>"Ke n do dansee bel waa kpega de gwaa Jɔn dansee waa baa di te me la kwara. Anee ke toma n Mee Korowii aa kpɔa do n non ta nɔ n e la. Anee dee bagle ke onee tom me.
- <sup>37</sup>Ase n Mee la waa tom me laanee dee di me dansee. He ta o taa noe bwa a ba e kenɔ he na o sie bɔr ka,

<sup>38</sup>he ta o waa la ge kpøe do he bambile bini, ðekalke he ta nen waa tomø he be la yaradae.

<sup>39</sup>He swæe siwi ðæe kure Korowii Tøn la, ase ðæe lii keŋø hæe ðø mkpa aa wola jaga ðæe le a ta. Ase ge tøn nø bini waa gee di dansee ðæe te mæ.

<sup>40</sup>Ke haa nyin ke he ba n be ðé ba ðø mkpa la.

<sup>41</sup>Maa søn nyin nēwenyini be.

<sup>42</sup>He te, n jeme heyaa ðe jeme keŋø he bambile ta Korowii waa lawe.

<sup>43</sup>N Mæe Korowii søn nee n ba he væeh mæ, ke ðe nomelee fe bala o gbagba søn ta naa, he fe æe no o bee.

<sup>44</sup>He ðe nyin søn ðøŋa be, ke a ta wehiah æe te heyaa keŋø hé nyin søn Korowii te be. He do ken aa, æræe hæe ba wona ðe yarada mæ nø?

<sup>45</sup>"He be ðæe lii keŋø menea ðe che Korowii sie ðæe bagle he wechøga haa æa. Me laa. Mosis haa kpø he hwega bwa do o næe la, on ðæe bagla.

<sup>46</sup>He fe yaradao waa, he fe yarada n ge, ðekalke onee chwere n waa o tøn bini.

<sup>47</sup>Haa wola waa waa chwera yaradae nø, æræe hæe ba wona yarada n wao?"

## **Jn 6**

<sup>1</sup>A habøø la Yeesu le Galilia Moo baa ðe yerø Tibeerias Moo la.

<sup>2</sup>Belaa nenlaa tenten teŋe o nē, ðekalke ba nao ke waa ε nyokpowaa weela tena chaeh ta ka.

<sup>3</sup>Belaa Yeesu ne o habøteŋra la bwa deeh kaa bwe bel doa ðe ka so bela.

<sup>4</sup>De a ka tama Juda tena tøpejen bel baa ðe yerø Galekaa la tel.

<sup>5</sup>Yeesu baa ha sie ðe nyiŋi ðe na keŋø nenlaa bane ðe ba o be, ase ðe bøø o habøteŋra la bel baa ðe yerø Felep la ŋø, "Æræe yaa ba æe ðe ðø kondikwaa ðe te nendamanta nø bwa ðøŋa bá dio?"

<sup>6</sup>Yeesuu saahna bøø Felep ge waa nø ðe kpø ðæe daahno ðé na. Ke o te la, ðe o jeme ano la waa ðe ba æe.

<sup>7</sup>Ase Felep ge ŋø, "De yaa ðø suuga damanta keŋø denaarere lafraanæe ðe yawe paanoo kwaraa naa, belbwa aa won ðø tama tama kwaraa di."

<sup>8</sup>Anee Yeesu habøteŋra la bini bel waa ε Seemøn Pita nime baa yerø Andriu la ŋø Yeesu be ŋø,

<sup>9</sup>"Bibaa bel lø ya bini bonø ðe ðø paanoo anue ne peŋa anæ. Aah æræe a gee ba wona ε nendamanta nø bwa nø?"

<sup>10</sup>Anee Yeesu ŋø ba be ŋø, "Hé gel ba bwa so hare." De kpøglor ware bela, ase ba so a ta. De ba bini baala gbo æe ε kagboŋa banue.

- 11** Belaa Yeesu kpɔ paanoo la de jam Korowii de bone te nenlaa la. Ge tentenee o kpɔ penja la de jam Korowii de bone tee ba ja. Ase belbwa do ge aa magre o ne.
- 12** Baa dia tone de bwa vagre la, o njo o habotenra la be njo, "Hee too anla baa dia ka la pe ase a be chog ta."
- 13** Ase ba too paanoo anue la nenlaa la aa dia a ka la pe, ase a su wegrere fi de ane.
- 14** Nenlaa la aa na a ge nyokpowaa no Yeesu aa ea la, ba njo donja be njo, "Kpelaa! Onoo Korowii keame baa njo njo wee bao la."
- 15** Belaa Yeesu na kenjo nera la de nyin ke ba lawo de chego kora kpegri ne o di, ase o soh le ba bini de gbo ka so bwe la doa ja.
- 16** A jomora ne la, Yeesu habotenra la bwa berɔ tu ba moo la nyoa
- 17** ase de ba jo gbera bini, de bere gale moo la de fe ee kaa Kapeeneom. Bor baa jo de Yeesu ta ba be bale moo.
- 18** Ge sanj la ge, de peujen bel de ta dee begre nee la, ase nehanma to o bwa.
- 19** O habotenra la aa tawa de kaa de e kwansini atoro kee anaare la, ba nao kenjo Yeesu aa vale nee la sie dee ba ba be, ase ome lag ba taeh.
- 20** Belaa waa na ge la, o njo ba be njo, "Menee! He be ome!"
- 21** Baa naa ke Yeesu la, ba sie leo, ase ba gel o ba jo gbera la bini. A ta bigre belbwa ba tel bela baa de la.
- 22** To aa pera la, nenlaa la baa soge moo la nyoa la nao kenjo de gbera benkponj gboo fa chege legboo bela. Yeesu habotenra la gboo jo gbera la bini de kaa, o te ta ba nee jae.
- 23** Ase gbeni ane le bwee bel baa de yerɔ Tibeerias la ta de ba legboo la ta bela nera la aa soga Yeesu kpɔ paanoo de jam Korowii a waa de bone tee ba ba di la.
- 24** Anomanta nenlaa la aa naa kenjo Yeesu ne o habotenra la bini belbwa toole bela la, ba jo ge gbeni la bini de kaa o bor gaaga Kapeeneom.
- 25** Nera la aa tel bela la, ba kaa na Yeesu ke waa lo moo la banj bela, ase de booro njo, "Nomoa, sanj besoo he ba bono no?"
- 26** Belaa o chanj ba njo, "Kasintenj, paanoo la he de aa dia vage la waa hee gaage n bor la. Menekese he no nyokpowaa la belbwa mun.
- 27** He be kondikwaa aa won choga no ta dee koh. Hee koh kondikwaa aa wola chog dee te mkpa aa wola jaga doe la ta. Ge kondikwaa noo n Nen Bie la ee ba heyaa tee, dekalke menee Korowii te kpegri kenjo kooro aa tome o bie faahna ne la."
- 28** Anee ba peero njo, "Eree yaa ba ee ase de won e waa Korowii aa de nyin o?"
- 29** Ase Yeesu chanj ba njo, "Ge Korowii aa de nyin laanee ke nomelbwa yarada o Bibenkponj waa tomɔ la ase de kpɔ o te teo."

- 30 Ase ba bere bōro ja ɲɔ, "Aah bɔkwa nyokpowaa hɛɛ ba ɛɛ áse ya na de yaradae nɔ? E waane yá na.
- 31 Ya naanar fa di kondikwaa ane soo aa le nyundua baa yera maana ge saɲ baa de vale pua waa ɛ heɲle gbo hare ta la. Anee ba chwere Korowii Tɔn bini keɲɔ 'O tɛɛ ba kondikwaa aa le nyundua ba ase ba di la.' "
- 32 Ase Yeesu ɲɔ, "Kasintɛɲ, n de ɲɔ he be, Mosis laa te heyaa kondikwaa aa le nyundua la. N Mɛɛ gboo won kondikwaa tenten aa le nyundua la kpɔɛ de tɛ.
- 33 Kondikwaa la Korowii aa te yaa laanee nen waa le o gbagba be nyundua de ba mkpa ne ba te newenyini bwa la."
- 34 Anee nenlaa la ɲɔ, "Nomoa, te yaa ge kondikwaa nɔ tɔpere belbwa yaa di."
- 35 Ase Yeesu ɲɔ, "Menee kondikwaa aa de tɛ Korowii mkpa la. Nomelbwa waa ba n be la, lɔr aa on kpo. Ase nomelbwa ge waa yarada me de kpɔ o te tɛ me la, nyɔgre gba aa o kpoe ba bwa.
- 36 N ɲɔ he be ɲɔ he na mɛ, ke he ta men yaradae de kpɔ he te tɛ me mɔɔ.
- 37 Nomelbwa n Mɛɛ Korowii aa kpɔ tɛ me la ɛɛ ba n bee de ba teɲɛ n nɛ. Maa nomelbwa ge waa ba n be laanee doɲi ta bwa,
- 38 dekalkeɲɔ n gbagba tetoowaa waa laa n le nyundua ba. Naate waa tom me la tetoowaa waa n ba.
- 39 N Mɛɛ Korowii waa tom me la tetoowaa keɲɔ nomelbwa waa kpɔa tɛ me la be n non ta le, ase tɔpera bwa jaga wee la, n i ru seo ta.
- 40 Dekalke ge n Mɛɛ la aa de nyin laanee keɲɔ nomelbwa waa na men maa ɛ o Bie la de yarada me de kpɔ o te tɛ me la ɛɛ dɔ mkpa aa wola jaga dɔɛ, ase n i ru seo ta, tɔpera bwa jaga wee."
- 41 Belaa Juda tena la ɛɛ nagre o waa keɲɔ o ɲɔ onee kondikwaa tenten aa le nyundua ba la.
- 42 Ase ba ɲɔ, "Amɔ Josef bie Yeesu la laa keɛ? Ya jeme o nya ne o mɛɛ bwa. Aah ɛɛɛ o bere ɲɔ nyunduaa o te le ba nɔ?"
- 43 Ase Yeesu ɲɔ, "Hé gel n waa nagra dɔɲa be ge.
- 44 Nomelbwa aa won ba n be nemene n Mɛɛ la gbagba waa tom me la tɛro ba n be, ase tɔpera bwa jaga wee la, n i ru seo ta.
- 45 Ba chwere do Korowii keamere tɔne bini ɲɔ, 'Korowiirii deɛ ba nomelbwa waa bagla.' Anomanta nomelbwa Korowii aa de baglo o waa la ase wee hweli la, wee ba n bee.
- 46 A ta ɛɛ keɲɔ nomel na Korowii siwi ne ka, nemene men maa le o be nyundua de ba la gbo.
- 47 Kasintɛɲ, n de ɲɔ he be, nomelbwa waa yarada me la dɔ mkpa aa wola jaga dɔɛ.



- 48 Menee kondikwaa waa de te Korowii mkpa la.
- 49 He naanar fa di kondikwaa ane soo baa yera maana aa le nyundua, ke ba serewo.
- 50 Kondikwaa no maa de bol o waa no, nyunduaa o ge le, ke nomelbwa waa di a ge kondikwaa no soo la waa sewe.
- 51 Menee kondikwaa aa le nyundua ba de do mkpa la. Nomelbwa waa di ge kondikwaa no la ee do mkpa aa wola jaga doe. Ase kondikwaa maa kpo te newenyini bwa ba di de do mkpa laanee n bo-ol."
- 52 Belaa Juda tena la bere dee tɔŋle doŋa ŋo, "Aah eree wee ba wona te yaa o bo-ol yaa di o?"
- 53 Anee Yeesu ŋo, "Kasintɛŋ, n de ŋo he be, de nomelbwa ta n Nen Bie la bo-ol dii ase de nyo n chal aa, amo de o ta mkpa la doe.
- 54 Nomelbwa waa di n bo-ol ase de nyo n chal ge la do mkpa aa wola jaga doe, ase topera bwa jaga wee la, n iru seo ta.
- 55 N bo-olii kondikwaa tenten, ase n chal gee nee tenten.
- 56 Nomelbwa waa di n bo-ol ase de nyo n chal la, n ne wee e beŋkponjii, waa wola won dagre o te n nee kpa.
- 57 N Mee waa tom me laanee mkpa doo la, anomanta o gelo n ge do mkpa. Gee nomelbwa waa di n bo-ol la, mee ba gela o do mkpa.
- 58 Kondikwaa aa le nyundua ba dee te mkpa laanee no, o ta do keŋo he naanarwa kondikwaa baa dia mkpa aa wola toole a ta ba serewe la. Nomelbwa waa di kondikwaa no la ee do mkpa aa wola jaga doe."
- 59 Kapeeneom cheremi deaa Yeesu do dee bagle nera waa de bol a ge waa no.
- 60 O habotɛŋra la aa no ge la, ba kerede ŋo, "Waa no te kpegri kohona to, yaa won e ge."
- 61 Yeesu aa naa ke o habotɛŋra la de nagre waa la waa la, o pee ba ŋo, "Ge waa no kpegri te heyaa kee?"
- 62 De he fe na n Nen Bie la n bere dee kaa nyundua bela maa lea ba la ge seh?
- 63 He jeme keŋo Korowii Domadeege gbosoroo dee te mkpa. Newenyini bokpega te e pepee. Waa maa de bol he be no de ba Korowii Domadeege la ne ase dee te heyaa mkpa.
- 64 Ke he bini bane ta yaradae." Mumpar la bwa de Yeesu te jeme ba bini bano la baa wola yaradae de kpo ba te teo ne naate waa leo te ba kpo la.
- 65 Yeesu berɔ ŋo, "Ano waa n ŋo nomelbwa aa won ba n be nemene n Mee Korowii leo te me la."
- 66 A ge waa no taa a che nera ba faa teje o nee la kerede le mumur de gel o nee teja.

- <sup>67</sup>Anee o bɔɔ o habɔteŋra fi de banɛ la ŋɔ, "He ge de nyin kaala keɛ?"
- <sup>68</sup>Ase Seemon Pita ŋɔ, "N Dɔɔ, de ya le he be naa, ume bee yaa ba kaala ɔ? He wobol taa mkpa aa wola jaga dɔe do.
- <sup>69</sup>Ya de yaradae, de jeme keŋɔ henee Korowii Bidɛɛge la."
- <sup>70</sup>Belaa Yeesu change ŋɔ, "Menee le he nera fi de banɛ nɔ, ke he bini bel ε Bɔnsam nen."
- <sup>71</sup>De Seemon Eskareɔt bie Judas waa weɛ bol la. O habɔteŋra fi de banɛ la belee, ke onee de ba leo tɛ.

## **Jn 7**

- <sup>1</sup>Anɔ habɔɔ la, de Galilia hare ta gboo Yeesu do dɛɛ gaage. De waa nyin ke o la Judia hare te ta, dekalke de bela nomonome la de nyin o bɔr dɛ kpoo.
- <sup>2</sup>Ge san la de a ka tama Juda tena tɔpejen bel ba yon dɛɛ do kukure dɛɛ so a bini tɔpera anuatoro la tel bɔ di.
- <sup>3</sup>Anee Yeesu nimanar ŋɔ o be ŋɔ, "Le bonɔ de kaa Judia hare ta ase he habɔteŋra baa lɔ bela la ka na he nyokpowaa haa de ε nɔ.
- <sup>4</sup>Nomelbwa waa de nyin ke nera jeme o waa la, waa o waa εɛ dɛɛ sɔh. Anomanta gel nera bwa na he we-ɛɛla nɔ."
- <sup>5</sup>O nimanar la gbabir ta on yaradae.
- <sup>6</sup>Yeesu ŋɔ ba be ŋɔ, "He te, tɔpere belbwa wer tɛ heyaa ke he la bela, ke n te tɔpere ta tele mɔɔ.
- <sup>7</sup>Heyaa hare nɔ ta nera aa wola haeh, ke ba hah n te, dekalke san belbwaa mee bol ŋɔ ba we-ɛɛla aa were.
- <sup>8</sup>Hɛ kaa ka di tɔpejen la. Tɔpere n te aa ba bela la ta tele mɔɔ."
- <sup>9</sup>Waa bol ge la, o kwaarɔ so Galilia hare ta.
- <sup>10</sup>Yeesu nimanar la aa kaa ge tɔpejen la dii la, a habɔɔ o ge ir de la bela. O kpɔ o te sɔh, o ta nera baah vale.
- <sup>11</sup>De Juda tena nomonome la de gaage o bɔr tɔpejen la dii ta ase dɛɛ pɛɛ dɔŋa ŋɔ, "Leperaa baa la dɔɔ?"
- <sup>12</sup>De nenlaa la kerɛde de ŋwale o wa. Bane ŋɔ, "O ε nendɛɛge." Bane ge ŋɔ, "Akai, nera gboo weɛ negre."
- <sup>13</sup>Belbwa ta bole ase a le banɛ nera no, dekalke de ba de ɔme Juda tena nomonome la.
- <sup>14</sup>Baa di Kukure tɔpera la tel baah ta la, Yeesu kaa jo Korowii Dea de pa mun dɛɛ bagle nera Korowii Wa.

- 15 O webagla la ε Juda tena la nyokpoa kohona, ase baa bɔɔ dɔŋa ŋɔ, "Ereε ge baa nɔ won jeme anɔ bwa, de o ta tɔnjereme εε nɔɔ?"
- 16 Belaa o chaje ŋɔ, "Waa maa de bagle nɔ ta n gbagba be lee, a bwa le Korowii waa tom me la be.
- 17 De nomelbwa seoh ke weε ε Korowii tetoowaa te naa, weε won jeme keŋɔ kasintɛŋ waa aa le Korowii bee mee bol la. N gbagba webagla laa.
- 18 De nen kpɔ o kpegri deε bagle wa aa, o nyin sɔn deε te o gbagba. Nen waa nyin sɔn deε te nen waa tomɔ la te la, o waa dɔ kasintɛŋ, waa nera negre.
- 19 "Mosis ta heyaa Korowii mmara la tee yaa? Ase he bini belbwa toole de teŋe a ta. Aah de ereε he bere deε nyin me de kpo nɔɔ?"
- 20 Belaa nenlaa la bane ŋɔ, "De kpoe ne? Jamɔ komel gale he sie. Umee deε nyini de kpo ɔ?"
- 21 Anee Yeesu ŋɔ ba be ŋɔ, "Webenkpon gboo n ε ase he nyoa kpo ge la.
- 22 Mosis bee he dɔ penteŋa mmara la. O be laa penteŋa le te, he naanaree pa a mun. Anomanta he won bie pen teŋa Ona Tɔpere kwaraa ta.
- 23 De he lolε bie o yawanyoa chig Ona Tɔpere ta naa, he de teŋe o pen, dekalke haa nyin he chɔg Mosis Mmara la. De gee te naa, ereε he baah bere di n neε ke maa chah nen Ona Tɔpere ta nɔ?
- 24 Hεε pese wobelbwa kerede mɔɔ deε bola. He be ŋɔ waane aa were de he ta a bini nyiŋe."
- 25 Bela la de Jerusalem tena bane de bol ŋɔ, "Baa nɔ laa baa nyin o bɔr de kpo la keε?"
- 26 Na, onee chege nera baah ta deε bol waa ase ba bwa tɔ nyoa che la. Nomonome ken nao keŋɔ onee Kristo la Korowii aa bage nyoa ŋɔ weε tomɔɔ ɔ ba le yaa la.
- 27 Akai! Baa nɔ te, ya jemɔ de jeme o lee bɔr, ke Kristo la te, de o balaa, nomelbwa aa o leebɔree jeme."
- 28 De Yeesu chege Korowii Dea bela deε bol wa. Aa ba ge la o kpɔ takpeg ŋɔ, "He jem me de jeme bela maa lea. N gbagba kpegri ne laa n ba. Korowii waa ε kasintɛŋ te laanee tom me. Haa on jeme.
- 29 N te jemɔ, dekalke o bee n le, on tom me n ba nɔ."
- 30 Anɔ nomanta ba fe de lawɔ, ase ba ta wone, dekalke de o tɔpere ta tele mɔɔ.
- 31 Nenlaa la kerede bwa yaradao, ase deε bol ŋɔ, "Amɔ de Kristo la baa ba naa, weε won deε ε nyokpowaa kohona de gwaa anɔ baa nɔ aa de ε nɔ kenε?"
- 32 Farisii tena la aa noa keŋɔ nenlaa la de ŋwale Yeesu waa dɔŋa be la, ba ne Sɔfonomonome la tomε nera baa de daah Korowii Dea la ŋɔ bá ka lawɔ.

- 33 De Yeesu de bol ɲɔ, "Tɔpera ane belee mee ba he be bonɔ soga. Maa bigri ase de bere kaa naate waa tom me la be.
- 34 Hee baa nyin n boree, ke haa men na, dekalke bela maa do la, haa won ba bela."
- 35 Anee Juda tena nomonome la boɔ doɲa ɲɔ, "Amo leperaa baa no ee nyin kaala ase yaa wola on ba na kpa noɔ? O ken ee kaa Juda tena baa jo pua ka so Grik tena hare ta la bee, de kaa chagle Grik tena o waa la kee?"
- 36 O ɲɔ, yaa ba nyin o boree ke yaa on na, ase bela waa de kaa ge la, belbwa aa won ba o be. Aah de eree wee chagle noɔ?"
- 37 Ba Kukure topera la dii ta topera waa baa ka mun de e topejen tenten la, Yeesu iro che de kpo takpeg ɲɔ, "Nomelbwa nyogre aa de kpoo la, o ba n be n teo nee o nyo.
- 38 Nomelbwa waa de yarada me la, mee eo ge Korowii Ton aa bagla laanee. De, 'Nee waa do mkpa la ee dee le o nee saɲ belbwaa keɲɔ moo aa de pale la.' "
- 39 Nee no waa bol o waa no, Korowii Domadeege la waa ba kpo do nera baa yaradao la nee la waa o bol la. Ge saɲ la de Korowii Domadeege la ta bale moɔ, dekalke de Yeesu ta o jirima doe moɔ.
- 40 Nenlaa la bini bane no o waa waa bola la, de ɲɔ, "Korowii keame laanee baa no kpela."
- 41 Bane ɲɔ, "Kristo la Korowii aa bage nyoa ɲɔ wee tomoo o ba le yaa laanee." Ase bane ge toɲle ɲɔ, "Galilia hare taa Kristo la ee ba lee ba naa?"
- 42 Korowii Ton ta bagle keɲɔ Kristo la ee e Devid naanar la belee de le o bwee Betlehem aa?"
- 43 Anomanta nyopeo ta ba bini bale kpa, Yeesu gbosoro wa.
- 44 Ase bane ee nyin de lawo, ke nomelbwa ta wone kpo non lego.
- 45 Belaa nera baa de daah Korowii Dea la bere kaa Sofonomome ne Farisii tena la be de ka bol, ase ba ge boɔ ba ɲɔ, "Eree he ta on lawe ba no?"
- 46 Anee ba ɲɔ, "Baa la waa waa de bol la, nomelbwa ta o wobol doɲa bole bwa."
- 47 Ase Farisii tena la bere pee ba ɲɔ, "Jamo o wono negre he ge kee?"
- 48 He na ya nomonome no bini bel keɲɔ waa de yaradao waa? Kee he na Farisii tena la bel ke waa de yaradao?"
- 49 A ge nenlaa no te la, baa Mosis Mmara la jeme. De Korowii nyotaahna lag ba."
- 50 Belaa Nikodeemos waa e Farisii te de faa la Yeesu be ka la boɔ ba ɲɔ,
- 51 "Mosis Mmara ta, yaa wonoo pa nen bolchoge de ya ta on yere de booro de jeme waa waa ea moɔ naa?"
- 52 Anee ba booro ɲɔ, "Jamo he ge le Galilia hare kee? De he pese Korowii Ton la bini de na naa, hee nao keɲɔ Korowii keame aa Galilia hare taa le ba bwa."

<sup>53</sup>Belaa ba bwa ir kaa ba deremi.

## Jn 8

<sup>1</sup>Ase Yeesu kaa bwe baa de yero Olevere Bwe la ta.

<sup>2</sup>Bor aa de chaah chombibi la, o bere kaa Korowii Dea. Belaa nenlaa ba o be de ba baro cheme, ase o so hare dee chag ba Korowii Wa.

<sup>3</sup>Ase Ton Jerema ne Farisii tena lawe haah bel waa de bo jwamane de ba o ne Yeesu be, de gel o ba che ba bwa baah ta.

<sup>4</sup>Ase ba no Yeesu be no, "Nomoa, ya lawe haah no de o ne baa bel waa wola o jaa ee choo.

<sup>5</sup>Mosis Mmara de bagle kenjo haah waa do ken la che kenjo ba fogro bwea kpo. Amo taraken erere he ge no?"

<sup>6</sup>Ba peero ge waa no de kpo daahno de na kenjo wee bol waanee ase ba fee do o nyoa lawe. Belaa Yeesu joni ase de kpo o nonii dee chwere hare.

<sup>7</sup>Ba taa chega dee peero waa ge la, o iro che ase de no ba be no, "He bini belbwa waa wola wechoga ee bwa la to sie ta bwe foro."

<sup>8</sup>Ase de bere kwaa joni dee chwere hare ja.

<sup>9</sup>Waa no ge la, belbwa lii o wechoga waa ea. Belbwa ta wone kpo kon foro kpa, de bwa pegre. Ba nomonomee to sie de kaa benkpona benkpona a ba tel bechale nee de ba tone, a ba ka Yeesu ne haah la o ta che bela ge.

<sup>10</sup>Ase Yeesu ir che, de pee haah la no, "Leperaa ba kaalo? Ba bini belbwa toole de pae bolchoge kpa?"

<sup>11</sup>Anee o no, "Ooh, n Doo, belbwa toole." Ase Yeesu no, "Ate n ge aa hen bolchogee pa kpa. Kaa, ke be wechoga ka ee kpa."

<sup>12</sup>Yeesu bol waa bagle Farisii tena la ja, de no, "N ee kanda de chaah hare no ta nera. Nomelbwa waa de teje n nee la aa biro taa vale bwa, wee vale bochaah taa de do mkpa."

<sup>13</sup>Belaa Farisii tena la no o be no, "Henee bol he waa de gbagba bere di he te dansee, anomanta nyosonee hee teje."

<sup>14</sup>Anee o no, "Akai. A lole ke n de di n gbagba dansee te, ke kasintenii mee bol, dekalke n jeme bela maa lea ne bela maa de kaa. Haa n leebor ne n kaabor jeme.

<sup>15</sup>Hare no ta liiree he kpo nyini nen dee bol wa, ke n te aa bole pa.

<sup>16</sup>De mee ee ge kwaraa yaa, mee ea a togre, dekalke n gbo laa, n Mee waa tom me la ja n ne.

<sup>17</sup>He mmara la de bagle kenjo webenkpona nera banee bwa aa bol la ee kpela.

- 18N gbagbaa dɛɛ di n te dansee, ase n Mɛɛ la waa tom mɛ la ge ε dansee dɛ ja n nɛɛ wobɛlbwa maa dɛ ε ta.”
- 19Ase ba pɛero ŋɔ, "Leperaa he mɛɛ nɔ doo?" Anee o ŋɔ, "Gɛ haa wola men jeme nɔ, gɛɛ haa wola n Mɛɛ la ge jeme," dɛ bere ŋɔ, "Dɛ he fe jem mɛ naa, he fe jeme n Mɛɛ la ge.”
- 20Korowii Dea suuga tae dakare bɔr belaa Yeesu do dɛɛ bagle waa dɛ bol gɛ waa nɔ. Bɛlbwa ta wone lawɔ, dɛkalkɛ dɛ o tɔpere ta tele mɔɔ.
- 21Ase Yeesu bere bol waa bagle nera la ja ŋɔ, "Mɛɛ ba kaaloo he gaage dɛɛ nyin n bɔr, kɛ haa men na. He wechɔga taa hɛɛ ba sewa. Bela maa kaa la, haa won ba bela.”
- 22Anee Juda tena nomonome la bɔɔ dɔŋa ŋɔ, "O ŋɔ yaa won la bela waa dɛ kaa! Jamo wɛɛ kpo o teneɛ kɛɛ?”
- 23Belaa Yeesu chanj ba ŋɔ, "Hare nɔ ta neraa heya, ase n ge le nyundua. He le hare nɔ ta, kɛ n te, hare nɔ ta laa n le.
- 24A waa n ŋɔ he be ŋɔ, hɛɛ sewɛ he wechɔga taa la. Dɛ nomɛlbwa ta men yaradae keŋɔ meneɛ men te naa, hɛɛ sewɛ he wechɔga taa.”
- 25Belaa ba bɔɔro ja ŋɔ, "Heneɛ ume o?" Ase o chaje ŋɔ, "Anee n ŋɔ he be chɔɔ bwa la.
- 26N fe dɔ he waa dɛ bol kohona he di bolchɔge a ta, kɛ maa bol. Naate waa tom mɛ la waa dɔ kasintɛj nomanta n wobɛlbwa maa bol la ε waa aa le o be.”
- 27Waa ŋɔ gɛ la, ba ta o waa la mun noɛ keŋɔ o Mɛɛ Korowii la waa wɛɛ bol.
- 28Anomanta o ŋɔ ba be ŋɔ, "Awola haa gɔɔ n Nen Bie la nyundua la, belaa hɛɛ ba n nae keŋɔ meneɛ men kpela, ase dɛ jeme keŋɔ n gbagba kpegri ne laa mɛɛ ε wa, kɛ ano la n Mɛɛ la aa ŋɔ n be laanee mɛɛ bol.
- 29Naate waa tom mɛ la ja n nɛ, o ta men tae, dɛkalkɛ n dɛ ε ano la aa dɛ too o tea.”
- 30Nera baa no Yeesu waa la kerɛdɛ yaradao.
- 31Ase o ŋɔ Juda tena baa yaradao la be ŋɔ, "Dɛ he gelɔ n waa maa bagle heyaa la do he bambile bini hɛɛ tenɛ a ta te naa, dɛ he ε n habɔtenra kpela,
- 32dɛ won jeme kasintɛj la ase kasintɛj la gel he dɔ he te.”
- 33Anee ba ŋɔ, "Abraham naanareɛ ya te, nomɛlbwa nendɔɔla laa yan. Aah, erɛɛ hɛɛ bagle keŋɔ yaa dɔ ya teneɛ yaa wola nendɔɔlaa ε kpa nɔɔ?”
- 34Belaa Yeesu ŋɔ, "Kasintɛj, n dɛ ŋɔ he be, nomɛlbwa waa dɛ ε wechɔga la ε nendɔɔle. Wechɔga yawɔ yom.
- 35Nendɔɔle aa o dɔɔ deemii do ka tone, kɛ dem te bie te ɛɛ do dem belaa saŋ bɛlbwa.
- 36Anomanta dɛ men Korowii Bie la lɛ heyaa dɛ gel he dɔ he te naa, amɔ te dɛ he dɔ he te kerɛdɛ.



- 37 "N gbabir jemɔ kɛɲɔ he ε Abraham naanar, kɛ he berɔ dɛɛ nyin mɛ dɛ kpo, dɛkalke haa n webagla yarada.
- 38 Waa n Mɛɛ aa bag mɛɛ mɛɛ bol he be la, aɛ he gee ε anɔ la he mɛɛ aa bola he no."
- 39 Anee ba ηɔ, "Ya mɛɛɛ Abraham." Belaa Yeesu ηɔ, "Dɛ Abraham bii tentenee heya aa, he fe dɛ ε o we-ɛɛla siwi.
- 40 N waa maa dɛ bol sanj bɛlbwa la ε kasintɛɲ waa maa noa le Korowii be, kɛ he dɛ nyin mɛ dɛ kpo. Gɛɛ Abraham ε aa?
- 41 He ge mɛɛ toma siwii hɛɛ ε la." Anee ba ηɔ, "Nyoasem bii laa yan oo, Korowii gboo ya Mɛɛ."
- 42 Yeesu ηɔ ba be ηɔ, "Dɛ he mɛɛɛ Korowii kpela aa, he fe dɛ nyin n wa, dɛkalke o bee n le ba dɛ do bonɔ taraken nɔ. N gbagba kpegri ne laa n ba, onee tom mɛ.
- 43 Ɛrɛɛ haa wola n waa mun no nɔɔ? Haa wola nyin kɛ he tɛɲɛ a ta la waa.
- 44 Bɔnsam biirii heya. Waa waa dɛ nyin ɛ laanee he gee nyin ɛɛ. Chɔɔ bwaa o le nɛɲkpoa we-ɛɛla ne, waa kasintɛɲ ηwɛnɛ kpɔ nemɛnɛ nyosone gbo. O ηɔ o bol wa aa, nyosone gboo wɛɛ tɛɲɛ, dɛkalke o daa. O ε nyosontɛɲni, aɛɛ nyosone bwa kooro on.
- 45 Kɛ n te maa dɛ bol kasintɛɲ la waa haa wola men yarada la.
- 46 He bini umee dɛ won chagle kɛ n ε wechɔga ka ɔ? Aah dɛ n dɛ bol kasintɛɲ aa, ɛrɛɛ haa wola men yarada ɔ?
- 47 Nomɛlbwa waa ε Korowii bie la dɛ no o wa. Haa wola o bii ɛɛ la waa haa wola o waa nyin dɛ no la."
- 48 Belaa Juda tena la bɔɔro ηɔ, "Nyosonee yaa tɛɲɛ kɛ yaa ηɔa ηɔ, he ε Samaria te kwaa do he nɛɛ la aa?"
- 49 Anee o ηɔ, "Kwaa toole n nɛ, n Mɛɛ sɔnɛɛ mɛɛ kwaa, aɛ he te ɛɛ chɔg mɛ.
- 50 Sɔn laa mɛɛ nyin. Nɛn waa nyin sɔn dɛɛ tɛ mɛ la lole. Onee dɛ ba pa nomɛlbwa bole.
- 51 Kasintɛɲ, n dɛ ηɔ he be, nomɛlbwa waa no n waa nɔ dɛ tɛɲɛ a ta la aa sewɛ bwa."
- 52 Anee Juda tena la ηɔ, "Ya ta ηɔɛ yaa? Kwaa lɔ he nɛ. Ya nabaa Abraham ne Korowii keamere la gba serewɔ, gɛɛ he te ηɔ nomɛlbwa waa no he waa nɔ dɛ tɛɲɛ a ta la aa sewɛ bwa naa?
- 53 He gwaa ya nabaa Abraham waa sewa la kɛɛ? Korowii keamere la ge serewɔ. Aah dɛ ɛrɛɛ hɛɛ lii he te nɔ?"
- 54 Anee Yeesu ηɔ, "N gbagba dɛ nyin sɔn aa, a ε pɛɛpɛɛ, kɛ n Mɛɛ la haa dɛ bol o waa ηɔ onee he Korowii laanee dɛɛ tɛ mɛ sɔn.
- 55 Haa on jemɛ, kɛ n te jemɔ. Dɛ n ηɔ maa on jemaa, dɛ n ε nyosontɛɲni kɛ heya. N jemɔ aɛɛ dɛɛ no o dɛɲna wa.

<sup>56</sup>He nabaa Abraham sie leo wɛɛ tamane n bala wa. O nao o baah sɔɔhno.”

<sup>57</sup>Ase ba ɲɔ o be ɲɔ, "He ta bene fifraanue gba dii mɔɔ, gɛɛ he na Abraham aa?"

<sup>58</sup>Anee o ɲɔ, "Kasintɛɲ, n dɛ ɲɔ he be, baa wola Abraham lɔlɛ mɔɔ la dɛ n lɔlɛ.”

<sup>59</sup>Belaa ba pa bwea ɲɔ ba dɛ fogro, ase o sɔh dɛ le Korowii Dea bela kaa.

## Jn 9

<sup>1</sup>Yeesu ne o habɔtɛɲra aa dɛ valɛ la, o na baa bɛl baa lolɔ nyɔɲɛ.

<sup>2</sup>Belaa o habɔtɛɲra la bɔɔro ɲɔ, "Nomoa, baa nɔ ne o nya ne o mɛɛ, ba bini ume wechɔgaa ba nyɔɲa nɔ ne nɔɔ?"

<sup>3</sup>Anee Yeesu ɲɔ, "Baa nɔ ne o lolanar bini belbwa wechɔga be laa a le. Gɛ Korowii aa chagle o kpegri o nɛɛ waa a ba gɛ la.

<sup>4</sup>A wer kɛɲɔ bɔr aa chaahna nɔ, ya swɛɛ siwi dɛɛ ɛ Naate waa tom mɛ la toma, dɛkalkɛ bɔr dɛ ba bira nomɛlbwa aa wola won ɛ toma belbwa kpa.

<sup>5</sup>N taa lɔ hare nɔ ta bonɔ nɔ, menee kandeɛ dɛɛ chaah nera bwa.”

<sup>6</sup>Waa bol gɛ tonɛ la, o ta nentane ta hare dɛ tege a ne teera, dɛ kpɔ fɔge baa la sie.

<sup>7</sup>Ase dɛ ɲɔ, "La tam la baa dɛ yerɔ Siloam la ta dɛ ka same he sie." Gɛ sɔn Siloam la munii kɛɲɔ "Ba tomɔ." Waa laɲa dɛ ka same o sie la tonɛ la, dɛ o dɛ na, dɛ berɛ ba buse.

<sup>8</sup>Belaa o bala ne nera ba faa nao ka kɛ o fa nyɔɲɔ dɛɛ sɔɲɛ kwaa la ɲɔ, "Baa nɔ laa fa yon so dɛɛ sɔɲɛ kwaa la aa?"

<sup>9</sup>Bane ɲɔ, "Onɛɛ," ase bane ge ɲɔ, "Akai, o laa, lee wɛɛ leo." Ase baa la ge gbagba ɲɔ, "Menee!"

<sup>10</sup>Anee ba bɔɔro ɲɔ, "Ɛrɛɛ a ɛ he berɛ ɛɛ na nɔɔ?"

<sup>11</sup>Belaa o ɲɔ, "Baa la baa dɛ yerɔ Yeesu laanee ta nentane dɛ tege a ne teera pɛ dɛ kpɔ fɔge n sie, dɛ ɲɔ ɲ la Siloam ta dɛ ka same ta. Ase maa laɲa dɛ ka same la, bug la ta mɛɛ na la.”

<sup>12</sup>Anee ba pɛero ja ɲɔ, "Leperaa o dɔɔ?" Ase o ɲɔ, "Maa jeme bela waa lɔlɛ.”

<sup>13</sup>Belaa ba lawɛ baa la o faa nyɔɲa la dɛ kaa o ne Farisii tena sie.

<sup>14</sup>Dɛ tɔpɛre Yeesu aa tege nentane pɛ teera ta dɛ kpɔ chaoh la ɛ Ona Tɔpɛre.

<sup>15</sup>Belaa Farisii tena la berɛ pɛero gɛ aa ɛa ase o won dɛɛ na. Anee o ɲɔ, "Kpɛchɛgree o kpɔ maa n sie ase n same ta taraken dɛ won dɛɛ na la.”

<sup>16</sup>Ase Farisii tena la bane ɲɔ, "Baa nɔ ta Korowii be lee, dɛkalkɛ o chɔg Ona Tɔpɛre." Bane ge ɲɔ, "Ɛrɛɛ wechɔg-ɛɛ ɛɛ ba wona ɛ nyokpowaa nɔ dɔɲa baa nɔ aa ɛa nɔɔ?" A chege a ta ba nyɔa ta pɛɛ kpa.

- 17 Ase Farisii tena la bere pɛɛ baa la ja ŋɔ, "He ŋɔ o chaeh dɛ gel hɛɛ na bɔr, taraken nɔ, ɛrɛɛ he na o wa ɔ?" Anee o ŋɔ, "Korowii keamee on."
- 18 Dɛ Juda tena nomonome la te dɛ tɔŋle ŋɔ, ba fe aa yarada keŋɔ o fa nyonɔ ka ase dɛ bere dɛɛ na, nemene baa na o nya ne o mɛɛ mɔɔ.
- 19 Ba yer ba dɛ bɔɔ ba ŋɔ, "He bie nɔ naa? He ŋɔ haa lolɔ dɛ o nyonɔ ɛ? Aah ɛrɛɛ a ɛ ase o bere won dɛɛ na nɔ?"
- 20 Anee ba ŋɔ, "Ya jemɔ ke ya biee. Yaa lolɔ dɛ o nyonɔ.
- 21 Ke yaa ge aa ɛa ase wɛɛ na ne naate waa gela wɛɛ na te waa jeme. Amɔ hɛ pɛɛ o gbagba na nɔ, dɛkalke o kpego dɛ won bol wa."
- 22 Dɛ Juda tena nomonome laanee baa ɔmɛ waa ba ŋɔ ge. Nomonome la ɛ nyoa beŋkpon keŋɔ nomelbwa waa ŋɔ Yeesu ɛ Kristo la, baa donji naatee o be ba cheremi dea jo kpa.
- 23 A waa o nya ne o mɛɛ ŋɔ o kpego ŋɔ bá pɛero la.
- 24 Ba berɔ yere baa la o faa nyonɔ la nɛɛtena, ase dɛ ŋɔ o be ŋɔ, "Nyiŋi Korowii dɛ bol kasintɛ. Ya te jemɔ ke baa nɔ waa chaeh nɔ ɛ wechɔg-ɛɛ."
- 25 Belaa o ŋɔ, "Dɛ o ɛ wechɔg-ɛɛ ne o ta ɛɛ yoo, n te aa jeme. Webeŋkpon maa jema laanee ke, n fa nyonɔ ase taraken dɛ bere dɛɛ na."
- 26 Anee ba bere pɛero ŋɔ, "Aah ɛrɛɛ o ɛɛ nɔ? Bɔkwa waa o ɛ dɛ won pili he sie nɔɔ?"
- 27 Anee o ŋɔ, "N faa bol he be wubwa la, he veh noe. ɛrɛɛ hɛɛ nyin ke n bol ja ɔ? He ge dɛ nyin he ɛ o habɔtɛŋra keɛ?"
- 28 Belaa ba chegro kohona, ase dɛ ŋɔ, "Henee o habɔtɛŋre! Ya te, Mosis habɔtɛŋraa yan.
- 29 Ge yaa jema laanee ke Korowii bol waa dɛ bagle Mosis, ke baa nɔ te, yaa o leebɔr jeme."
- 30 Ase baa la chaje ŋɔ, "Bɔkwa waa nɔɔ? Heyaa ŋɔa haa o leebɔr jeme, ke o gelo n te won dɛɛ na.
- 31 Ya jemɔ keŋɔ Korowii deŋna toole wechɔg-ɛɛra be. O deŋna lo banɔ la baa dɛ duuru dɛɛ ɛ waa waa dɛ nyin la be.
- 32 Le hare mumpar bwa, umee noa keŋɔ nomel wono pili nen baa lolɔ dɛ o nyonɔ sie bwa nɔ?
- 33 Dɛ Korowii be laa baa nɔ le ba naa, o fe aa won ɛ waa nɔ donja."
- 34 Anee ba ŋɔ o be ŋɔ, "He ne he wechɔgaa ba lolɛ. Gɛɛ he ŋɔ hɛ chagle yaa wa aa?" Ase ba donju cheremi dea bela bala kwara.
- 35 Yeesu aa noa keŋɔ ba donju cheremi dea bala la, o nyin o bɔr ase dɛ pɛero ŋɔ, "He dɛ yarada Nen Bie la aa?"

- <sup>36</sup>Ase o pɛero ɲɔ, "Nomoa, umee naate la áse he chag me n jemo de yaradao wo?"
- <sup>37</sup>Anee o ɲɔ, "Naatee he den na ge la, o ne henee deɛ bol waa la."
- <sup>38</sup>Belaa baa la ɲɔ, "N Doo, n de yaradae!" Ase de gunji o sie de teo duure.
- <sup>39</sup>Ase Yeesu ɲɔ, "Nera waa bola de pa bole waa n ba hare no ta, áse nyonja bere deɛ na, áse bano la ge baa de na la bere nyonja."
- <sup>40</sup>De Farisii tena bane lo bela. Baa no ge la, ba booro ɲɔ, "Amo ya ge e nyonja kee?"
- <sup>41</sup>Anee Yeesu chaje ɲɔ, "De he fe seoh keɲɔ he e nyonja kwaraa naa, wechoga fe toole he ne, ke haa ɲɔa he de na nomanta, he ta lo wechoga ta."

## Jn 10

- <sup>1</sup>Yeesu ɲɔ, "Kasintɛ, n de ɲɔ he be, de nomelbwa jo peera leg bini, de o ta doonyoa chege jo de ka che baj bel de teeh jo a be naa, de ɲweere on.
- <sup>2</sup>Ke petegre waa e peera te la te, doonyoaa o che deɛ jo a be.
- <sup>3</sup>De o balaa, onee naate waa de daah doonyoa la ee ba pila te o do bor jo a be. Peera la ee no o taa ase o yere anla aa e o kwaa la sona a teɲe o nee o le a ne kaa.
- <sup>4</sup>O le o gbagba kwaa la ne naa, o de to a sie ase a teɲe o ne, dekalke a jeme o taa.
- <sup>5</sup>Aa nenhooch nee teɲe bwa. Aa chwao, dekalke aa nenhoohra taa jeme."
- <sup>6</sup>Seglaa o kpo de bag ba ge waa no, ke ba ta a mun noe.
- <sup>7</sup>Yeesu berɔ ɲɔ ba be ja ɲɔ, "Kasintɛ, n de ɲɔ he be, n do keɲɔ peera leg doonyoa la.
- <sup>8</sup>Nera baa to n sie de ba la bwa, peera la ta deɲne ba be doe, dekalke ba e ɲweera.
- <sup>9</sup>Menee doonyoa la, ge peera aa chege doonyoa de jo deɛ le, de do kwaa deɛ di la, gee nomelbwa waa yarada me la ee ba mkpa doe.
- <sup>10</sup>Dwee balaa, o balo de ba ɲwe de kpo de chog kwa. Wedeege waa laa wee ba. Ke n te balo de ba te heyaa mkpa áse he do kerede.
- <sup>11</sup>"Menee Petegredege la. De seo kwaraa yaa, mee kpo n nyu chare n peera.
- <sup>12</sup>Nen waa de nyiɲi peera ta deɛ le suuga la, o ta do ke petegre peera la aa e o kwa. Paa te la na gbolo bala aa, wee chwao gela, ase o jo a bini de lawe ane, de lo a kar pegre.
- <sup>13</sup>Wee chwao gela, dekalke o gbabir kwaa laa, o waane laa a wa. O kembor gbo waa wee e.
- <sup>14</sup>"Menee Petegredege la. Ge maa jeme n peera la, gee a ge jem me,
- <sup>15</sup>keɲɔ n Mee aa jem me ase n ge jemo la. De seo kwaraa yaa, mee kpo n nyuu chare de lea.
- <sup>16</sup>N peera ane ta lo lega ane bini. Mee nyin a ge boree de to a sie de kpoa ba ja ano ta, ase aa no n taa de bwa e beɲkpon, de pe deɛ teɲe n ne.

- 17Maa seah keḅo mee koh n peera waa de sewe de bere ir seo ta la nomanta n Mee la de nyin me taeh.
- 18Lao seo laa mee ba sewa no. N tetoosewee mee ba sewa. N do kpegri ke ni kpo n te te de sewe, de bere do kpegri keḅo ni ir seo ta. Gee n Mee ho ni ba e.”
- 19Yeesu aa bol ge la, de Juda tena la nyoa ta pee ba tonle donja ja.
- 20Ase ba bini kerede bwa ho, "Komelee gale o sie ta le! O nyu toole! Eree hee do denne onḅ ge be dee no o waa noo?"
- 21Ba bini bane ge ho, "De komel gale nen sie aa, wee won dee bol waa ken aa? Chogla te ee won chah nyonje wee na naa?"
- 22De alalawo saḅee, ase baa di topejen bel baa kpoa dee le Korowii Dea kwaara bini Jerusalem la.
- 23De Yeesu de vale Korowii Dea doonyoa bela baa de yero Solomon Doonyoa la,
- 24ase Juda tena ba baro cheme de peero ho, "Eree he ta gel yaa e he waa aahna-aahna ken noo? De henee Kristo la aa, den gel ya jeme.”
- 25Anee o chaje ho, "N ho he be wubwa, ke haa men yarada. N we-eela bwa maa ea la, n Mee la kpegri nee mee ea ase aa di me dansee.
- 26Haa wola n peera ee waa haa wola men yarada la.
- 27N peera de no n taa ase n jema aa teje n ne,
- 28ase mee tea mkpa aa wola jaga doe bwa. Aa sewe bwa ge. Nomelbwa ge aa won toa n non ta.
- 29N Mee la waa kpoa te me la kpegri gwaa komelbwa kpegri, anomanta nomelbwa aa won toa o non ta.
- 30N ne n Mee la bwa e benkponj.”
- 31Belaa Juda tena la pa bwea ja ho baa fogroo kpo.
- 32Ase o ho ba be ho, "N baa e wedeega kohona n Mee la kpegri ne he bwa siwi ta ase he na. Aah de wedeega no bini ame waa hee ba men bwea fogra noo?"
- 33Anee ba chaje ho, "He wedeega te ee waa laa yaa ba he kpoe no, ke he musu waa haa de bol la waa. Newenyinii hen, ke he berḅ dee bagle keḅo he e Korowii.”
- 34Yeesu chanj ba ho, "Korowii Ton baglo keḅo Korowii bolḅ ho, 'He belbwa e Korowii.' He ta kure de na kee?"
- 35De o yere nera waa kpo o waa la bagle la Korowii aa, de a e kasintej waa yaa wola won veh,
- 36de men n Mee Korowii aa lee me de tom me hare no ta la ho Korowii Biee men aa, erree he ho n de bol musu waa noo?

<sup>37</sup>Dε maa n Mεε la we-εela ε te naa, he be men yarada.

<sup>38</sup>Kε de n de ε o we-εela aa ε nyokpowaa te, de haa men yarada kwaraa naa, hé yarada o nyokpowaa la te ase de jeme ke n ne o ε benkpoy belbwa aa wola won dagre o te o doy ne.”

<sup>39</sup>Bela la, de ba fe de nyin Yeesu dé lawo ja, ase o laa o te kpo femm de kaa.

<sup>40</sup>Yeesu le Joodan Moo la ja de kaa o bay bela Jon faa de so nera Korowii nee la, de ka so bela.

<sup>41</sup>Nera ba o be pirim ase de baa bol doya be no, "Jon ta nyokpowaa belbwa ee, ke baa no bwara waa Jon aa bagla la bwa ε kpela.”

<sup>42</sup>Bela la, nera yarada Yeesu pirim.

## **Jn 11**

<sup>1</sup>Baa belee fa lole baa yerō Lasorōs. De o bwara de weo. Bweε waa lo o ta sone Betani. De ge bweε no taa Mεere ne o nahaah Maata ge do.

<sup>2</sup>A ge Mεere noo fa fuge nosoohsoma ε Yeesu nakpale de kpo o nyumpona feera la. O nimambiee Lasorōs o bwara aa de weo no.

<sup>3</sup>Ase o nimambii la tome nera ba ka no Yeesu be no, "N Doo, he dandeege la bwara de weo.”

<sup>4</sup>Yeesu aa no ge la, belaa o no, "Serewe weela laa weε we no. Ge aa ε Korowii do jirima ase a che a ta Korowii Bie la ge do jirima waa a ba ge.”

<sup>5</sup>De Yeesu de nyin Maata ne Mεere ne Lasorōs bwa taeh.

<sup>6</sup>Kε waa no Lasorōs weela waa la, o soge bela topera ane moo.

<sup>7</sup>A haboo la, o no o habotenra la be no, "Hé gel ya bere kaa Judia hare ta.”

<sup>8</sup>Anee ba no, "N Doo, he laa baah bel ta bela tena fe ee nyini dé fogre bwea kpo la kee, gee he bere dee nyin bela laja taraken ja aa?”

<sup>9</sup>Anee o chaje no, "Le choo wee aa le ka tel jomora wee aa jo la, dohwere fi de ane laa aa? De bor chaahnō nen ee valaa, waa naa lo bwa, dekalke wee leo bor chaah.

<sup>10</sup>Kε de nen de vale biro ta naa, anee weε lo na, dekalke o ta kon doe weε chaahno bor. Korowiirii wola o sie chaahne la.”

<sup>11</sup>Waa bol ge tone la, o berō no, "Domii ya dam Lasorōs cho, anomanta mee lao dé ka chumu.”

<sup>12</sup>Belaa o habotenra la chajo no, "N Doo, de domii o cho te naa, weε iruu de do bokpega.”

<sup>13</sup>De Lasorōs seo waa weε bol ba be, ase ba ge ta a mun noe dee lii o dom choe waa la.

<sup>14</sup>Belaa Yeesu pili a bini chasee no, "Lasorōs sewo.



- 15** Kε he nomanta la, a do n som kε maa wola toole bela o sewε, dekalkεηo an dε gel he yarada mε. Hε ir yά kaa o be bela!”
- 16** Belaa Tόmas baa dε yerό Kpar la ηo o bala Yeesu habόtenra la be ηo, "Hε gel ya pu nomoa άσε ya ne o bwa kaa, ase dε seo kwaraa yaa, yά ne o sewε.”
- 17** Baa tel bela la, Yeesu noo kεηo o sewo ba hugo o do topera anaare.
- 18** Betani ne Jerusalem baah nεε ε kwansini anεε.
- 19** Ase Juda tena ware dε ba Maata ne Mεere be dε baa bwεε ba ba nimambie la seo wa.
- 20** Maata aa noa kεηo Yeesu dε ba la, o leo dε ka chemo, ase Mεere te ta so dem.
- 21** Maata aa chemo la, o ηo o be ηo, "N Doo, he fe lo bono naa, n nimambie no fe ta sewε no.
- 22** Kε n jemo kεηo taraken kwara, komelbwa haa soηe Korowii la, wεε εo tεε.”
- 23** Belaa o chaηo ηo, "He nimambie la εε ir seo taa dε do mkpa.”
- 24** Anee Maata ηo, "N jemo kε topera bwa jaga wee la lala bwa aa ir seo ta la, o gee iruu.”
- 25** Ase Yeesu ηo o be ηo, "Menee dεε chum nera seo ta, menee dεε tεε ba mkpa. Nomelbwa waa yarada mε la, dε o sewo kwaraa naa, wεε do mkpaa.
- 26** Ase nomelbwa waa soηe le dεε yarada mε la, wεε do mkpaa, waa sewε bwa. He dε yarada γε waa no naa?”
- 27** Anee o seh ηo, "Ooh, n Doo, n yaradao kεηo henee Korowii Bie Kristo baa bola ηo wεε ba hare no taa la.”
- 28** Maata aa bol γε tone la, o bero la dem dε ka soh bol Mεere be ηo, "Nomoa la balo dεε pεε he wa.”
- 29** Mεere aa no γε la, o iro warane ase dεε kaa o be.
- 30** Dε Yeesu ta bwεε bini joε moo. Dε o ta lo bela Maata aa baa chemo la.
- 31** Juda tena bane baa lo Mεere be dem bela dεε larawe o bwara la aa naa kεηo o iro dε ε warane le buse la, ba γε iro teηe dεε lii kεηo o ken dε kaa bela baa bil o nimambie la ka wi.
- 32** Mεere aa tel bela Yeesu aa lole ase dε nao la, o kaa guηi o sie dε ηo, "Nomoa, he fe lo bono naa, n nimambie no fe ta sewε no.”
- 33** Yeesu aa na γε waa dε wi ase Juda tena baa teηe o nεε la gee wi la, o loo kuu ase chal vale o bwara bini.
- 34** Belaa o pεε ba ηo, "Leperaa he bilu wo?" Anee ba ηo, "N Doo, ba dε ba na.”
- 35** Yeesu wio.

- <sup>36</sup>Ase Juda tena la ɛɛ bol dɔŋa be ŋɔ, "Hé na nyina waa de nyinu deɛ wi ge!"
- <sup>37</sup>Bane ge ŋɔ, "Baa nɔ laa wona gel nyonɛ na la aa? De o lo bonɔ naa, o fe ta wone chah onɔ o fe be sewaa?"
- <sup>38</sup>Belaa Yeesu loo ku, chal vale o bwara bini ja, ase ba la bela Lasorɔs aa choa la. O boɔ la, bwee ba komɛ de gbili bwe to o nyoa.
- <sup>39</sup>Yeesu ŋɔ ba be ŋɔ, "Hé laa bwe la gbili le boɔ la nyoa." Belaa Maata waa ɛ Lasorɔs nimambie la ŋɔ o be ŋɔ. "N Dɔɔ, taraken o ken ka chɔgɔ de do sooh, dekalke o topera anaareɛ la."
- <sup>40</sup>Anee Yeesu ŋɔ o be ŋɔ, "N ta ŋɔe ŋɔ de he yarada me naa, heɛ na ge Korowii aa do jirimaa yaa?"
- <sup>41</sup>Ba laa bwe la gbili le boɔ la nyoa, ase Yeesu ha sie nyundua de ŋɔ, "N Mee, n de jaame ke haa de no n wa.
- <sup>42</sup>N te jemɔ ke toperɛ bwaa heɛ no n wa. Nera baa ja n neɛ bonɔ nɔ waa mee bol ge ase ba won jeme kenɔ heneɛ tom me la."
- <sup>43</sup>Waa bol ge tone la, o kpɔ takpeg de yere lale la ŋɔ, "Lasorɔs, le ba!"
- <sup>44</sup>Ase o ir de le boɔ la bini. De yal baa kpɔa vorɔwe o nakpale ne o noora la ta vorɔwe ge, ase botire ge vorɔwe o nyu. Anee Yeesu ŋɔ ba be ŋɔ, "Hé pur laala la bwa ase o kaa."
- <sup>45</sup>Juda tena la baa ba Meere be la aa na ge waa nɔ Yeesu aa ea la, ba kerɛde yaradao.
- <sup>46</sup>Ke ba bini bane te berɔ la Farisii tena la be ase de ka bol waa Yeesu aa ea la bwa.
- <sup>47</sup>Anomanta Sofonomome ne Farisii tena kaa cheme ba Juda tena nomonome baa de nyinɔ ba waa bini la, de ŋɔ, "Aah, ereɛ yaa ba ɛɛ taraken o? Na nyokpowe-eela nɔ bwa dɔŋa baa nɔ aa de ɛ.
- <sup>48</sup>De ya gelo waa, nera kerɛde bwa ɛɛ yaradao, ase a che a ta ya dooranar Room tena do bor de ba le ya Korowii Dea nɔ ne hare nɔ bwa kpegri deɛ di."
- <sup>49</sup>Belaa ba bini bel baa de yerɔ Kaefas o ɛ Sofore Nomoa a ge benanyoa la ta la ŋɔ, "He ta liire doe ken aa?"
- <sup>50</sup>Nembenkponɔ le nera bwa seo de sewaa, a ta bo ke harebir bwa aa pagraa?"
- <sup>51</sup>Kaefas gbagba liire laa o kpɔ bol ge waa nɔ. Waa ɛ Sofore Nomoa laanee Korowii teo ge liire la o bola ŋɔ Yeesu ɛɛ le Juda tena bwa sewee sewe la.
- <sup>52</sup>Juda tena gbo laa. Ba ne Korowii nera baa lo bobelbwa la bwa sewee weɛ ba lee sewe de lawe ba bwa pe ase ba ɛ benkponɔ.
- <sup>53</sup>Awolaa ba le pe nyoa deɛ nyin Yeesu de kpɔ.
- <sup>54</sup>Anomanta de waa o te kpɔe deɛ jo Juda tena la bini kpa. O joɔ kaa pua bwɛɛ bel baa de yerɔ Ifram ta, ase o ne o habotɛŋra la ka so bela.

<sup>55</sup>Juda tena Galekaa tɔpere la aa de tel la, nera kerede le ba bwere ta de kaa Jerusalem de kaa e we-eela ane de laa doŋa kpɔ ba nee de won di tɔpere la.

<sup>56</sup>Belaa nera baa ba Jerusalem la ee gaage Yeesu bɔr de che Korowii Dea dee pee doŋa ŋɔ, "Wee ba ya tɔpejen nɔ taa kee waa ba nɔ? Eree hee lii rɔ?"

<sup>57</sup>De Sofonomome la ne Farisii tena la te doɔ bol ŋɔ, de nomelbwa jeme bela waa lole naa, o bag ba ase ba ka lawɔ.

## **Jn 12**

<sup>1</sup>Aa baa ka tɔpera anumel ba di Galekaa tɔpere la la, Yeesu berɔ ba Betani de la Lasorɔs la waa chumu seo ta la dem.

<sup>2</sup>Ba hooŋro, o ne nera bane ne Lasorɔs so dee di kwaa la, ase Maata too dee tee ba.

<sup>3</sup>Anee Meere kpɔ nosoohsoma lonbir a yog aa kpega de do wer kohona ba fogle Yeesu napaala de kpɔ o nyumpona feera. Ase dea la bini bwa sooh do som ken.

<sup>4</sup>Belaa Yeesu habotenra la bini bel baa de yero Judas Eskareot o taa de ba Yeesu lee te la ŋɔ,

<sup>5</sup>"Ba fe yog nosoohsoma nɔ de le suugajena de bone te nyaara ta bo naa?"

<sup>6</sup>Menekese ŋɔ nyaara waa hiaoh waa o ŋɔ ge la. Waa e njwee waa o ŋɔ ge. De onee dee kpoŋe ba suuga, ase de yon njwe ane dee di.

<sup>7</sup>Ase Yeesu ŋɔ, "He gelo jeih ken. Noo o kpɔ dee hug me.

<sup>8</sup>He ne nyaara ee do lee saŋ belbwa. Ke n te, maa he bee so ka tone."

<sup>9</sup>Belaa Juda tena pirim aa noa keŋɔ Yeesu lo Betani la, ba ba bela dee nyinu de na. O gbo waa laa, Lasorɔs waa chumu seo ta la ge jao.

<sup>10</sup>Anomanta Sofonomome la vorowo keŋɔ ba kpɔ Lasorɔs gba,

<sup>11</sup>dekalkenɔ o waa Juda tena kerede veh ba nee tena dee yarada Yeesu de kpɔ ba te teo.

<sup>12</sup>To aa pera la, nenlaa baa ba Jerusalem dee ba ba di Galekaa la noo keŋɔ Yeesu de ba bela.

<sup>13</sup>Belaa ba nyin bambie papooni de kpɔ le bwee bini ka chemo njwene ta silae ne dee ŋɔ, "Woowo! Korowii jam! O swee Israel tena Kooro waa vale o son ta dee ba no andeega."

<sup>14</sup>De Yeesu nyin keego bie bel, de so o ta ge baa chwera Korowii Ton bini ŋɔ,

<sup>15</sup>"Saayon tena, he be omee! He nyini na! He Kooroo soge keego bie ta dee ba la."

<sup>16</sup>De o habotenra la ta o waa nɔ mun noe logla la, de ka tel ke Korowii aa teo jirima moɔ ba ta lii keŋɔ ba chwere o bwara waa Korowii Ton bini ge, ase ba eo ge kpela.

<sup>17</sup>De nenlaa Yeesu aa yere Lasorɔs lalbɔo bini o ir seo ta ba siwi ta la bol ge waa ea la bwa dee bagle nera.

- 18 Nɛnlaa baa noa kɛŋɔ o ɛ wejena nɔ la koh a waa dɛ ka chemo.
- 19 Belaa Farisii tena la bol dɔŋa be ŋɔ, "Hɛlaa yaa hɛlɛ la! Yaa won ɛo wobɛlbwa noo! Na nera bwa aa wura tɛŋɛ o nɛɛ gɛ!"
- 20 Dɛ Grik tena bane ja nera baa kaa Jerusalem dɛɛ la ká tome Korowii Galekaa tɔpɛrɛ la ta la nɛ.
- 21 Ba la Felep waa le Galilia hare bwɛɛ baa dɛ yɛɔ Betsaeda la be, dɛ ka soŋo ŋɔ, "Nomoa, ya dɛ nyin Yeesu dɛ nao."
- 22 Belaa Felep ka ŋɔ Andriu be, asɛ ba bwa la ka bol Yeesu be.
- 23 Anee o chaŋ ba ŋɔ, "N Nɛn Bie la tɔpɛrɛ telo kɛŋɔ Korowii tɛ mɛ jirima.
- 24 Kasintɛŋ, dɛ ba ta mepii kpɔɛ du o pɔh aa, waa won ya. O gboo dɛ do le. Dɛ he duu tɛ naa, o dɛ le dɛ ya kɛrɛdɛ.
- 25 Nomɛlbwa o siwi aa swɛɛ hare nɔ ta silɛɛ kwaa ta la, wɛɛ paŋɛ o nyuu. Asɛ nomɛlbwa gɛ o siwi aa wola hare nɔ ta silɛɛ kwaa ta lɛ la, wɛɛ dɔ o nyuu dɛ dɔ Korowii mkpa aa wola jaga dɔɛ la.
- 26 Nomɛlbwa waa seh dɛɛ tom mɛ la, wɛɛ tɛŋɛ n nɛ. Bobɛlbwa maa do la, belaa n toroma gee ba doe. N Mɛɛ la ɛ tɛ nomɛlbwa waa dɛ tom mɛ la sɔnɛɛ.
- 27 "Taraken n liire ta bobɛŋkpoŋ chegɛ. ɛrɛɛ n sɔŋɛ n Mɛɛ ŋɔɔ? N sɔŋo ŋɔ, 'N Mɛɛ, lɛɛ mɛ le waa nɔ nyoa' aa? Akai! A ta gɛ magrɛ, dɛkalkɛŋɔ gɛ waa nɔ waa n ba."
- 28 Asɛ o ŋɔ, "N Mɛɛ, gɛl he sɔn dɔ jirima!" Belaa ba no taa bɛl le nyundua kɛŋɔ, "N gɛlɔ n sɔn dɔ jirima, kɛ mɛɛ bɛrɔɔ gɛl o dɔ ja."
- 29 Nɛnlaa baa ja o nɛɛ belaa la aa no taa la la, bane ŋɔ bwaalaa kɔra, asɛ ba bane gɛ ŋɔ nyundua torome belee bol waa o be.
- 30 Asɛ Yeesu ŋɔ, "N waa laa ya no gɛ taa nɔ. He waa.
- 31 Tɔpɛrɛ Korowii aa bol hare nɔ ta nera bwa waa dɛ pa bole la telo, asɛ name gee mɛɛ ba n dɔŋi Bɔnsam waa ɛ hare nɔ ta kpegnɛn la ta.
- 32 Mɛn, baa sag mɛ nyunduaa. Ba baa sag mɛ naa, mɛɛ tɛr nera bwaa ba n be."
- 33 Anɔ waa bola nɔ dɛ bagle seo la soosiwi waa dɛ ba sewa.
- 34 Belaa nɛnlaa la chaŋɛ ŋɔ, "Ya nɔɔ Korowii Tɔn la ɛ bagle kɛŋɔ dɛ Kristo la balaa, waa sewɛ bwa. Aah, ɛrɛɛ he tɛ bɛrɛ ŋɔ Nɛn Bie la che kɛŋɔ ba sagɔ nyundua ɔ? Umɛɛ Nɛn Bie nɔ kwaraa tɛ nɔ?"
- 35 Anee Yeesu ŋɔ ba be ŋɔ, "Bɔr taa dɛ chaah he nɛɛ tɔpɛra anɛ nɔ, hɛɛ vale o ta. Dɛ gɛ laa aa, bɔr ɛ biruu he nɛ. Nomɛlbwa waa dɛ vale biro ta la aa belaa waa dɛ kaa jɛmɛ.
- 36 Bɔr taa dɛ chaah he nɛɛ nɔ, hɛ yarada bochaah la dɛ bɛrɛ bochaah nera." Yeesu aa bol gɛ waa nɔ tone la, o le ba baah asɛ dɛ ka sɔh.
- 37 O ɛ nyokpowaa kohona ba siwi ta, kɛ a ne a bwa ba ta on yaradaɛ.

<sup>38</sup>Ano de bagle ke Korowii keame Aesaya waa waa bola la e kpela. O bolɔ ŋɔ, "N Doo, ya faa bol he waa la, umee yarada yaa ɔ? Ba na he kpegri, ke umee wona jeme keŋɔ henee yɔ?"

<sup>39</sup>Gee a do ba ta waa la yaradae, ase Aesaya bere bol ja ŋɔ,

<sup>40</sup>"Korowii tɔge ba sie, de gel ba bambile do kpegri, ge aa e ba sibie be na, ase ba liiree bini be chaah ba no a mun, a ba e ke baa chare ba liire de ba o be o chaah ba."

<sup>41</sup>Yeesu jirimaa Aesaya na ase de bol o waa ge la.

<sup>42</sup>Juda tena nomonome kerede gba yarada Yeesu, ke baa de omɛ Farisii tena nomanta, ba ta bole nomelbwa no, dekalke de ba bolaa, aa geloo ba doŋ ba cheremi dea joe.

<sup>43</sup>Nera bee baa nyin son de gwaa ke Korowii aa tee ba son.

<sup>44</sup>Belaa Yeesu kpɔ takpeg de ŋɔ, "Nomelbwa waa yarada me la, n laa wee yarada. Naate waa tom me laanee wee yarada la.

<sup>45</sup>Nomelbwa waa na me la, de naate waa tom me laanee o na ge la.

<sup>46</sup>N ba hare no ta keŋɔ kande de baa chaah nera bwa, ase nomelbwa waa yarada me la be biro ta do kpa.

<sup>47</sup>De nen no n waa la de waa a ta tenaa, n laa de bol o waa de pa bole, dekalke nera waa bola de pa bole waa laa n ba hare no ta. Nera bwa lee waa n ba.

<sup>48</sup>Ke nen waa veh n ne n waa maa de bol la ee di bolchogee. N waa maa de bol noo de pao bolchoge toperere bwa jaga wee.

<sup>49</sup>Dekalke n gbabir kpegri ne laa mee bol waa no. N Mee waa tom me laanee do me de chag me ge maa bol o wa.

<sup>50</sup>N jemo keŋɔ o waa la de te mkpa aa wola jage doe, anomanta ano la waa bol n be laanee n gee bol."

## **Jn 13**

<sup>1</sup>Aa ka tama ba di topejen Galekaa la la, de Yeesu jemo keŋɔ toperere telo ke o le hare no ta de bere kaa o Mee be. De o de nyin o nera baa tenɛ o nee hare no ta la kerede de ka tone.

<sup>2</sup>O ne o habotenra aa lo tig ta jomora la, Bonsam to sie kpɔ liichoga ba do Seemon Eskareot bie Judas bini keŋɔ o le Yeesu te.

<sup>3</sup>De Yeesu te jemo keŋɔ wobelbwa kpegrii o Mee Korowii kpɔ teo, ase de bere jeme keŋɔ ge waa le o be ba la, gee o bere dee ba o be kaala.

<sup>4</sup>Belaa o ir kondikwaa la ta, de foo o batakaare, de kpɔ bwarabwaa mile chara,

<sup>5</sup>ase de fuge nee do kon bini de pa mun kpɔ dee sarame o habotenra la nakpale, ase de kpɔ bwarabwaa waa kpɔa mile chara la dee feera.

- <sup>6</sup>Waa baa tel Seemɔn Pita be la, anee Seemɔn Pita pɛero ŋɔ, "N Dɔɔ, n nakpalee hɛɛ ba sarama aa?"
- <sup>7</sup>Anee Yeesu chaŋo ŋɔ, "Haa n waa maa dɛ ɛ no mun jeme taraken mɔɔ. A habɔɔ hɛɛ ba jema."
- <sup>8</sup>Ase o bere ŋɔ, "Akai! Maa seh he sarame n nakpale bwa." Belaa Yeesu ŋɔ, "Dɛ he ta gele n sarame he nakpale aa, amɔ n ne he toole wobɛlbwa bini kpa."
- <sup>9</sup>Anee o bere ŋɔ, "N Dɔɔ, amɔ dɛ gɛɛ te naa, bɛ n nakpale gbo sarame ɔ. Den sarame n nɔɔra ne n nyu bwa ja."
- <sup>10</sup>Anee Yeesu ŋɔ, "Nɛn waa so nee la, dɛ nakpale laa o ba sarame aa, waa bere so nee kpa, dɛkalkɛ doŋa toole o nɛ. Anomanta doŋa toole he belbwa nɛ, nemene he bini beŋkpoŋ."
- <sup>11</sup>Dɛ Yeesu te jeme naate waa dɛ nyin o leo tɛ. A waa o tɔ sie ŋɔ doŋa toole ba belbwa nɛ, nemene ba bini beŋkpoŋ la.
- <sup>12</sup>Waa sarame ba bwa nakpale tone la, o berɔ kpɔ o batakaare la do dɛ bere ka so o soŋnibɔr, ase dɛ bɔɔ ba ŋɔ, "He jeme waa aa bala ase n ɛ heyaa gɛ no naa?"
- <sup>13</sup>He dɛ yer mɛ he dɔɔ kɛɛ he nomoa aa, a ŋwene taa, dɛkalkɛ gɛɛ a do.
- <sup>14</sup>Too, taraken he dɔɔ kɛɛ he nomoa aa sarame he nakpale no, gɛɛ a che keŋɔ he gee sarame doŋa kwa.
- <sup>15</sup>Anɔ maa ɛa no cho le dɛ tɛ heya, hɛ nyiŋa dɛ gee ɛ a doŋa.
- <sup>16</sup>Kasintɛŋ, n dɛ ŋɔ he be, yom ta o dɔɔ gwaale, torome ge ta nen waa tomɔ gwaale.
- <sup>17</sup>Dɛ he jeme gɛ waa no dɛɛ ɛa ge te naa, hɛɛ na somee.
- <sup>18</sup>"He bwa waa laa mɛɛ bol, dɛkalkɛŋɔ n jeme banɔ la maa lee ba. Anɔ gelo waa baa chwera Korowii Tɔn bini la ɛ kasintɛŋ keŋɔ 'N dansom n ne waa pɛ non di kondikwaa la, onee ɛɛ mɛ dɔm.'
- <sup>19</sup>N pu sie dɛɛ bagle heyaa mɔɔ ase dɛ ge waa no baa ba naa, he jeme dɛ yarada ke menee Kristo la.
- <sup>20</sup>Kasintɛŋ, n dɛ ŋɔ he be, nomɛlbwa maa tomɔ ase he leo la, dɛ menee he lɛ. Gɛɛ nomɛlbwa waa lɛɛ mɛ la ge, dɛ naate waa tom mɛ laanee o lɛ."
- <sup>21</sup>Yeesu aa bol gɛ waa no tone la, o bambile chɔgɔ kohona, o ta wobɛlbwa kpɔɛ sooh ba kpa, dɛ ŋɔ, "Kasintɛŋ, n dɛ ŋɔ he be, he bini belee dɛ lee mɛ tɛ."
- <sup>22</sup>O habɔtɛŋra la ta wone jeme naate waa dɛ bol o wa, dɛ nyiŋi doŋa sie.
- <sup>23</sup>Dɛ ba bini bel Yeesu aa dɛ nyinu kohona la sogo kpagɔ.
- <sup>24</sup>Belaa Seemɔn Pita lɔ sie o be ŋɔ ɔ bɔɔro ɔ bagle ba bini bel waa ŋɔa.
- <sup>25</sup>Anee o kpɔ o te pɛl Yeesu dɛ bɔɔro ŋɔ, "N Dɔɔ, ya bini umee yo?"



- <sup>26</sup>Ase o change ɲɔ, "Nen maa de ba paanoo kpɔe li dɔr tɛo la, onee de lee me tɛ." Belaa o kpɔ paanoo li dɔr de kpɔ do Seemon Eskareot bie Judas non ta.
- <sup>27</sup>Waa ter non de le paanoo la la, Bɔnsam den ba so o ne. Ase Yeesu ɲɔ o be ɲɔ, "Ir ka e waa haa de ba ee la warane."
- <sup>28</sup>Nera baa soga ja o nee tig ta bela la ta waa waa bola la mun noe.
- <sup>29</sup>De Judasee cho ba suuga bwa nyoa. Anomanta de ba bini bane de lii ke Yeesu ken de ɲɔ o be ɲɔ o ka nyin topejen la kondikwa. De ge laa ge aa, amo o ken ɲɔ o ka te nyaara suuga.
- <sup>30</sup>Judas aa le paanoo la de di tone la, o den le ba be bela kaa. De jwaanaa.
- <sup>31</sup>Waa kaala la, Yeesu ɲɔ ba be, "Korowii te n Nen Bie la jirima name, ase a che n nee o ge do jirima.
- <sup>32</sup>De a chege n nee Korowii do jirima aa, aa che o nee n ge do jirima, de doa taraken.
- <sup>33</sup>N bii, maa he be bonoo bigri belbwa. Hee baa nyin n boree. Ge maa bol Juda tena nomonome be laanee mee bol he be la. Anee keɲɔ haa won ba bela maa kaa la.
- <sup>34</sup>N de do heyaa wefala ta. Anee keɲɔ, hee nyin doɲa. Ge maa nyin heyaa la, gee che keɲɔ he gee nyin doɲa.
- <sup>35</sup>De he de nyin doɲa aa, aa geloo nera bwa jeme kpela keɲɔ he e n haboteɲra."
- <sup>36</sup>Anee Seemon Pita peero ɲɔ, "N Doo, leperaa hee kaalo?" Ase Yeesu change ɲɔ, "Taraken no, haa won teɲe n nee la bela maa de kaa no, ke he ta ee ba ti mee."
- <sup>37</sup>Belaa o peero ja ɲɔ, "N Doo, ere waa maa wola won teɲe he nee taraken o? De seo kwaraa yaa, mee koh he waa sewe."
- <sup>38</sup>Anee Yeesu bere boo ɲɔ, "Kpelaa keɲɔ hee won koh n waa sewaa? Kasinteɲ, n de ɲɔ he be, jabal-logle ne sii de he tooh kera atoro ɲɔ haa men jeme kwaraa."

## **Jn 14**

- <sup>1</sup>Yeesu berɔ ɲɔ, "He be gel he bambile choɲ! Hee yarada Korowii ase dee yarada n ge.
- <sup>2</sup>Deene lo n Mee Korowii dem taeh. De ge laa a do aa, n fe aa he bee ɲɔ n de la ka kwaa sobor cheg heyaa bela.
- <sup>3</sup>De n kaa kwaa bor cheg heyaa bela aa, mee beroo ba ase de ba kpɔ heyaa kaa bela maa lole, ase bela maa so la, he ge do bela.
- <sup>4</sup>He jeme bela maa de ba kaala la ɲwene."
- <sup>5</sup>Anee Tomas peero ɲɔ, "N Doo, aah yaa wola bela haa de kaa jeme no, eree yaa ba wona jeme ɲwene de ba he be bela o?"
- <sup>6</sup>Belaa o change ɲɔ, "Menee ɲwene, menee kasinteɲ, menee mkpa. De nomelbwa ee la n Mee la bee yaa, nemene o che n ne.

- <sup>7</sup>He fe jem me kerede naa, he fe jeme n Mee la ge. Taraken he jemo. Onee he na la.”
- <sup>8</sup>Anee Felep no, "N Doo, bagle yaa he Mee la, ase ya baah sooh yaa.”
- <sup>9</sup>Ase Yeesu chaje no, "N ne haa lole le saŋ la bwa no, amo he ta wone jem me mo naa, Felep? Nomelbwa waa na me la, de n Meee o na la. Eree he bere no ni bagle heyaa n Mee la no?”
- <sup>10</sup>Haa yarada kenjo n ne n Mee la peo de e benkpon, o joo me n ge joo kee? N waa maa bol la bwa ta n gbahir be lee. N Mee laanee joo me ase dee e o toma.
- <sup>11</sup>Hee yarada me ke maa noa no, n jo n Mee ase o ge joo me la. De ge laa ge aa, he yarada me n nyokpowe-ela la wa.
- <sup>12</sup>Kasintej, n de no he be no, nomelbwa waa yarada me la, wee e n we-ela donja bwa soosiwii. Wee won dee e ano la aa gwaa n kwaa no kwaraa, dekalke mee beroo kaa n Mee be.
- <sup>13</sup>Ase komelbwa haa che n son ta de soje la, mee eo. Ano taa aa ba chega ni le jirima te n Mee Korowii.
- <sup>14</sup>De he chege n son ta soje komelbwa naa, mee eo.
- <sup>15</sup>"He de nyin n wa aa, hee dee teje n waa maa kroa te heyaa la taa.
- <sup>16</sup>Mee soje n Mee Korowiirii o bere te heyaa Habochekpaa ja wee cha heya, de soje dee te heya, ase he ne o so saŋ belbwa.
- <sup>17</sup>Korowii Domadeege laanee. Wee geloo he jeme Korowii kasintej waa la. Nera baa do hare no ta gbo liire aa won yarada o Domadeege wa, dekalke baa won nao ase de jemo. Ke he te jemo, dekalke o ne heyaa lole, ase o so he ne.
- <sup>18</sup>N baa kaa laa, maa heyaa ta ke bilalpii, mee beroo ba he be.
- <sup>19</sup>A ka tama, nera baa do hare no ta gbo liire aa men na kpa, ke he te ee na mee. Maa do mkpa nomanta, he gee do mkpaa.
- <sup>20</sup>Topele la telaa, hee jemo kenjo n ne n Mee e benkpon, bel aa wola won dagre o te o don ne, ase n ne he ge e benkpon ge tenten.
- <sup>21</sup>Nomelbwa waa le n waa maa kroa te heyaa dee teje a ta la, onee dee nyin me. Nomelbwa waa de nyin me la, n Mee la ee nyinuu, ase n ge nyin naate, de kroa n te baglo.”
- <sup>22</sup>Belaa Judas (Judas Eskareot la laa) peero no, "N Doo, eree hee ba he te kroa bagle ya gbosoo, ase de gel nera baa do hare no ta gbo liire no?”
- <sup>23</sup>Ase Yeesu chajo no, "Nomelbwa waa de nyin me la, wee dee teje n webagla la taa. N Mee ee nyinuu, n ne o bwa ba o be ya ne o so.
- <sup>24</sup>Nomelbwa waa wola men nyin la, waa n webagla ta teje. Waa haa de no no ta n be lee, a bwa le n Mee waa tom me la be.

25"N taa lo he be noo mee bol ge waa no he be.

26Korowii Domadεεge waa ε Habochekpaa la, onee n Mee εε ba toma ó che n son ta ba de ba bagle heyaa wobelbwa, deε lii heyaa ano la bwa n faa bol he be la.

27Deɲnesooɲnaa n kpɔ deε te heya, n gbabir deɲnesooɲnaa. Hare no ta deɲnesooɲna laa, anomanta he be gel he bambile teɲe ase heε omε.

28"N bol he be he no keɲɔ 'Mee kaaloo ase de bere ba he be.' De he fe de nyin me naa, he sie fe εε leo keɲɔ maa kaa n Mee be, dekalke o gwaa me.

29N pu sie deε bol he be moa a ba ε ge, ase de a ε ge naa, he yarada me.

30N ne haa won bol waa kohona kpa, dekalke hare no ta kpegnen de ba. O ta kpegri belbwa doe n ne,

31ke a che keɲɔ hare no ta nera bwa jeme ke n de nyin n Mee la, a waa mee ε ano la bwa waa do me ɲɔ n ε la. Hé ir, yá le bono."

## Jn 15

1Yeesu berɔ seg ba ɲɔ, "Menee konuule tenten waa de nonε, ase n Mee gee paa la.

2N kpale belbwa waa wola nonε la, o teɲɔ deε ta, ke n kpale waa won nona la te, o de kuu o nyoo ó won nonε kerede.

3A chege waa maa bagle heyaa la ta he do kerede keɲɔ kpala baa kuu a nyoo a won nona kerede la.

4Hé kpɔ he te pel me ase n ge lawε heyaa pel n te. Konduule kpale aa won nonε de o ta o tenten ta choɲe. Ge tenteneε de he ta he te kpɔε pel me naa, haa wola won ε wobelbwa.

5"Menee konuule la, ase he gee o kpala. De he belbwa choɲi n neε kerede ase n ge lawɔ pel n te naa, anee o won nonε kerede. De he ta n neε chege te naa, haa won ε wobelbwa.

6De he belbwa ta o te kpɔε pel me naa, weε εo keɲɔ konuule kpale baa teɲɔ ta ase o hol la. Kpala aa do ken la, pae ba paa deε do nii ta, aa fuh.

7He kpɔ he te pel me ase n webagla ge do he liire bini naa, he de soɲe komelbwa haa de nyin aa, heε doo.

8De he wono deε ε n Mee tetoowaa keɲɔ kpale waa de nonε kerede naa, weε do jirimaa. Anee de bagle ke n haboteɲraa heyaa kpela.

9"Ge n Mee la aa de nyin me laanee n gee nyin heya. Anomanta he be he te laa kpɔ n nyina maa de nyin heyaa la ta bwa.

10He de teɲe waa maa kpɔa te heyaa la ta naa, haa he teneε laa kpɔ n nyina maa de nyin heyaa la ta, keɲɔ maa teɲe waa n Mee aa kpɔa te me la ta maa wola n te laa kpɔ o nyina ta la.

- <sup>11</sup>N bagle heyaa waa nõ áse he dõ n silæe dõn, ase he sie le ka tone.
- <sup>12</sup>Waa maa kpõa te heyaa laanee la: Hée nyin dõnã ge maa de nyin heyaa la.
- <sup>13</sup>Nyina belbwa toole de gwaa kenõ nen aa wona koh o daamanar waa de sewe.
- <sup>14</sup>He de tenje n waa maa kpõa te heyaa la ta te naa, amõ de n daamanaree heyaa.
- <sup>15</sup>Maa heyaa n bonõõna yere kpa, dekalke bonõõ naa won jeme o nomoa waa bini. N daamanaree mee yere heyaa name te, dekalke n gelo he jeme wobelbwa maa noa de le n Mee be.
- <sup>16</sup>He laa lee me, menea le heyaa. Ge kpaldæge aa de nõne la, gee mee nyin ke he do, de e n Mee tetoowa, de be an gel bwa. De he de e ge naa, komelbwa haa songe n son ta la, wee te heyaa.
- <sup>17</sup>Waa maa kpõa de te heyaa laanee kenõ, hée nyin dõnã.
- <sup>18</sup>"De nera baa dõ hare nõ ta liire gbo hah heyaa, hé jeme kenõ menea ba tõ sie hah.
- <sup>19</sup>De he fe e ba bini bane aa, ba fe ee nyin heyaa. Ke maa le heyaa le ba bini he e n nera la waa ba hah heyaa la.
- <sup>20</sup>Hée lii ge n faa bol he be nõ, yom ta o dõõ gwaale la. De ba ee me hõhõrõwa aa, gee baa ba he ge ee. De ba tenje n webagla ta naa, baa tenje he ge kwaa ta gee.
- <sup>21</sup>Anõ bwaa baa ba n waa koeh de e heyaa, dekalke kenõ baa naate waa tom me la jeme.
- <sup>22</sup>N fe ta bale de ba bol waa chag ba aa, ba fe aa bolchõgee di. Ke taraken baa noa de laa ba liire kpõ a ta nomanta, ba ta nyoa dõe dé bol le kpa.
- <sup>23</sup>Belbwa waa hah me la, de o hah n Mee la ge.
- <sup>24</sup>De n fe ta waa newenyini belbwa aa wola ee ka e ba siwi ta te naa, ba fe aa bolchõgee di. Ke ba na n nyokpowe-æla bwa, de gare hah n ne n Mee bwa.
- <sup>25</sup>Anõ e ge áse waa baa chwera Korowii Tõn bini la e kpela kenõ, 'Ba hah me pee.'
- <sup>26</sup>"Mee tome Habõchekpaa laanee o le n Mee be de ba he be. Onee Korowii Domadæge waa de bagle Korowii kasintej waa la. De o balaa, onee de e n dansee.
- <sup>27</sup>He gee bol n waa bagle nera, dekalke chõõ bwaa n ne he do le.

## **Jn 16**

- <sup>1</sup>"N bagle heyaa waa nõ bwa, ase wobelbwa be won gel he le habõõ.
- <sup>2</sup>Nera ee dõnã heyaa cheremi deene binii, ase a ba sanj bel kenõ bá kpoo heyaa, de ee lii kenõ Korowii tetoowaa baa e ge la.
- <sup>3</sup>Anõ bwaa baa ba heyaa ee, dekalke kenõ baa n ne n Mee jeme.
- <sup>4</sup>N bol waa nõ he be, áse de a baa ba ge naa, he won lii de jeme kenõ n fa bol he be. N faa lõ he be la waa maa wola he be bole chõõ bwa la.

- <sup>5</sup>"Taraken mɛɛ berɔ kaa Naate waa tom mɛ la be, kɛ he bini bɛlbwa ta men bɔɔre bela maa dɛ ba kaala.
- <sup>6</sup>Maa bol gɛ waa nɔ he be nomanta, he tea bini chɔgɔ.
- <sup>7</sup>Kasintɛnɛn mɛɛ bol he be la, a wer tɛ heyaa kɛ n kaa. Dɛ n ta kaalaa, Habɔchekpaa la aa he bee ba. Kɛ dɛ n baa kaalaa, mɛɛ tomɔ ɔ ba he be.
- <sup>8</sup>Dɛ o balaa, wɛɛ di nɛra kasintɛnɛn dɛ gel ba jɛmɛ waa aa ɛ wechɔga, ne waa aa dɛ su Korowii siwi, ne gɛ Korowii bole pae waa aa doa.
- <sup>9</sup>Wɛɛ di ba kasintɛnɛn ba wechɔga ɛɛ ta, dɛkalke baa men yarada,
- <sup>10</sup>dɛ di ba kasintɛnɛn waa aa dɛ su Korowii siwi la ta, kaala maa dɛ kaa n Mɛɛ be haa wola men na kpa la nomanta.
- <sup>11</sup>Wɛɛ di ba kasintɛnɛn Korowii bole pae la ta, dɛkalkɛnɔ Korowii bol hare nɔ ta kpegnɛn la waa dɛ pao bolchɔge.
- <sup>12</sup>"N fe dɔ waa kohona dɛ bol bagle heyaa, kɛ aa gwaa he nɛɛ kɛ he won no a mun bug nɔ ta.
- <sup>13</sup>Kɛ dɛ Korowii Domadɛɛge waa dɛ chagle Korowii kasintɛnɛn waa la balaa, wɛɛ pili wobɛlbwa binii tɛ heyaa hɛ no a mun. O gbabir nyu bini waa laa wɛɛ ba bola bagle heyaa. Anɔ la waa noa le Korowii be laanee wɛɛ ba bola, dɛ chagle heyaa waa a taa lɔ sie dɛɛ ba bala.
- <sup>14</sup>Onɛɛ dɛ tɛ mɛ jirima, dɛkalke on dɛ kpɔ n wobɛlbwa dɛ ba bol he be.
- <sup>15</sup>Komɛlbwa n Mɛɛ la aa dɔa la ɛ n kon. A waa n nɔ Korowii Domadɛɛge laanee dɛ kpɔ n wobɛlbwa dɛ bol he be la.
- <sup>16</sup>"A ka tamaa ken haa men na kpa, asɛ a berɔ ɛ tama ge aa, he na mɛ ja."
- <sup>17</sup>O habɔtɛnɛra la bane bɔɔ dɔnɔ nɔ, "O waa nɔ waa dɛ bol nɔ munii ɛrɔɔ? O nɔ, a ka tama yaa on na, asɛ a berɔ ɛ tama ge aa, ya nao ja, dɛ berɛ nɔ, o Mɛɛ la bee wɛɛ kaa waa yaa wola on na kpa la."
- <sup>18</sup>Asɛ ba nɔ, "Ɛrɛɛ 'a ka tama' nɔ waa bola nɔ ɛɛ bagle ɔ? Yaa a mun jɛmɛ!"
- <sup>19</sup>Belaa Yeesu aa jɛma kɛnɔ ba dɛ nyin ba bɔɔro gɛ wobol la mun la, o nɔ, "Amɔ maa nɔ nɔ a ka tama haa men na, asɛ a berɔ ɛ tama ge aa, he na mɛ ja nɔ, a waa hɛɛ bɔɔ dɔnɔ a mun nɔ naa?"
- <sup>20</sup>Kasintɛnɛn, n dɛ nɔ he be, he loo ɛɛ kuu he wi, asɛ nɛra baa dɔ hare nɔ ta gbo liire sie lɛ. He tea bini ɛɛ chɔgɔo, kɛ he tebinichɔg la ɛɛ berɛ heyaa silɛɛ.
- <sup>21</sup>Dɛ lol tea lɔ haah naa, o tea bini dɛ chɔg, dɛkalkɛnɔ o bonyɛga sanɛ telo. O baa lolɛ tonaa, o dɛ soh o bonyɛga la asɛ o sie berɛ lɛ kɛnɔ waa lolɛ bie do hare ta la.
- <sup>22</sup>Gɛɛ a do he ge be. Taraken tɛ, he tea bini chɔgɔ, kɛ maa berɛ ba na heyaa la taa he sie ɛɛ ba lɛɛ kohona. Gɛ silɛɛ la, nomɛlbwa aa won lɛ he be.

<sup>23</sup>Tɔpere la telaa, haa men wobɛlbwaa bɔɔ kpa. Kasintɛŋ, n dɛ ŋɔ he be, dɛ he soŋe komɛlbwa n Mɛɛ be naa, wɛɛ koh n waa dɛ tɛ heya.

<sup>24</sup>He ta n sɔn kpɔɛ dɛ soŋe komɛlbwa bwa. Kɛ taraken tɛ, hɛ kpɔ n sɔn soŋe, hɛɛ dɔɔ áse he sie lɛ kohona.

<sup>25</sup>"Anɔ maa bola bagle heyaa nɔ ɛ sɛgla, kɛ tɔpere bɛl dɛ ba bala maa wola heyaa sɛgle kpa. Mɛɛ bol n Mɛɛ la waa he bee dɛ pili a bini chasee ken.

<sup>26</sup>Tɔpere la telaa, hɛɛ kpɔ n sɔnee soŋe Korowii. N ta ŋɔɛ ŋɔ n dɛ che he naa ta dɛ soŋe tɛ heya.

<sup>27</sup>N Mɛɛ gbabir dɛ nyin heya, dɛkalkɛŋɔ he dɛ nyin mɛ, dɛ yarada kɛŋɔ o bee n le ba.

<sup>28</sup>O bee n le dɛ ba hare nɔ ta, taraken n berɔ dɛɛ le bonɔ dé kaa o be."

<sup>29</sup>Anee o habɔtɛŋra la ŋɔ, "Taraken tɛ haa yaa sɛgle kpa. He dɛ pili waa bini chasee.

<sup>30</sup>Ya nao name kɛŋɔ he jɛmɛ wobɛlbwa aa lɔ nen nyu bini mɔɔ wɛɛ pɛɛɛ. A ta che kɛŋɔ bɛlbwa pɛɛɛ waane kpa. A gɛlɔ ya yarada kɛŋɔ Korowii bee he le."

<sup>31</sup>Anee Yeesu bɔɔ ba ŋɔ, "He berɔ dɛɛ yarada mɛ taraken tɛ naa?

<sup>32</sup>Tɔpere bɛl dɛ ba, o joo tonɛ, he bwa dɛ ba chwae pegre kaa he deremi asɛ a ka n gbo. N ne n Mɛɛ aa lole saŋ bɛlbwa nomanta, aa n gbo kae ba.

<sup>33</sup>A waa mɛɛ bagle heyaa waa nɔ áse he dɔ dɛŋnesɔɔhna dɛ le pɛɛ n ne haa pɛa la ta la. Hɛɛ na hɔhɔɔwaa hare nɔ ta, kɛ hɛ lawɛ bambile, dɛkalke n fage hare nɔ ta komɛlbwa nɛ."

## **Jn 17**

<sup>1</sup>Yeesu aa bol waa nɔ tonɛ la, o ha sie dɛ nyiŋi nyundua asɛ dɛ jam Korowii ŋɔ, "N Mɛɛ, tɔpere la telo. Tɛ men maa ɛ he Bie jirima áse n ge won kpɔ jirima tɛɛ.

<sup>2</sup>He tɛ mɛ kpegri nera bwa nɛ, asɛ n won kpɔ mkpa aa wola jaga dɔɛ tɛ nera haa kpɔ ba tɛ mɛ la.

<sup>3</sup>Banɔ la baa jɛmɛ dɛ jɛmɛ kɛ he gboo Korowii kasintɛŋ la, dɛ berɛ jem mɛ kɛ mɛnee Yeesu Kristo haa tomɔ la, banɛɛ dɛ dɔ mkpa aa wola jaga dɔɛ la.

<sup>4</sup>N tɛɛ jirima hare nɔ ta kɛŋɔ maa tonɛ toma haa kpɔa do n non ta ŋɔ n ɛ la bwa.

<sup>5</sup>Anomanta, n Mɛɛ, maa chegɛ he sie taraken nɔ, tɛ mɛ jirima n ne haa dɔa wubwa mɔɔ dɛ ta hare nɔ la.

<sup>6</sup>"Nera haa lee ba le hare nɔ ta nera bini dɛ kpɔ ba tɛ mɛ la, n gɛlɔ ba jɛmɛ kɛɛdɛ. Hɛnɛɛ dɔɔ ba dɛ kpɔ ba tɛ mɛ, asɛ ba sɛh dɛɛ tɛŋɛ he waa la ta.

<sup>7</sup>Taraken ba jɛmɔ kɛŋɔ komɛlbwa haa tɛ mɛ la, he bee a le.

<sup>8</sup>N bol waa haa bag mɛ la bag ba, asɛ ba sɛh a ta. Ba jɛmɔ kɛɛdɛ kɛŋɔ he bee n le ba, dɛ yarada kɛ hɛnɛɛ tom mɛ.



<sup>9</sup>N de soṅe dɛɛ tɛɛ ba. Hare nɔ ta nera bwa laa n soṅe dɛɛ tɛ. Banɔ la haa kpɔ ba tɛ mɛ laanee n soṅe dɛɛ tɛ, dɛkalkɛ heneɛ dɔɔ ba.

<sup>10</sup>N komɛlbwa ɛ he kon, aɛɛ he ge komɛlbwa ɛ n kon. Ba waa n dɔ jirima.

<sup>11</sup>N de ba he be bela. Maa hare nɔ taa bigri, kɛ ba tɛ ɛɛ ka hare nɔ taa. Anomanta, n Mɛdɛɛge, kpɔ sɔn haa tɛ mɛ la kpegri tɔ ba nɛɛ kɛrɛdɛ áɛɛ ba ɛ beṅkpoṅ ge n ne haa ɛ beṅkpoṅ la.

<sup>12</sup>N faa lɔ ba be la, n kpɔ sɔn haa tɛ mɛ la kpegri tɔ ba nɛ, ba belbwa ta n nɔn ta nyogre, nemene onɔ la baa chwere o waa he Tɔn bini ṅɔ wɛɛ nyogroo la, o gbosoroo nyogra, áɛɛ he Tɔn bini waa la ɛ kpela.

<sup>13</sup>"Taraken n berɔ dɛɛ ba he be bela, kɛ n taa lɔ hare ta nɔ, n de bol waa nɔ áɛɛ ba won dɔ sileɛ maa dɔa la kɛrɛdɛ ka tone.

<sup>14</sup>Maa bol he Amanesoma la bag ba la, a gelɔ ba ta nera baa dɔ hare nɔ ta gbo liire nɛɛ jae kpa, ge maa wola ba nɛɛ jae la. Anomanta ba hah ba.

<sup>15</sup>Maa soṅe ṅɔ hé laa ba kpɔ le hare nɔ ta, kɛ n de soṅe ṅɔ héɛ kee ba Bɔnsam nɛ.

<sup>16</sup>Ge maa wola nera baa dɔ hare nɔ ta gbo liire nɛɛ jae la, geɛ ba ge aa wola ba nɛɛ jae.

<sup>17</sup>Che he kasinteṅ waa la ta de laa doṅa belbwa kpɔ ba nɛɛ bá won ɛ he gbo nera. He waa ɛ kasinteṅ.

<sup>18</sup>Ge haa tom mɛ hare nɔ ta la, ge tenteneɛ n gee tom ba.

<sup>19</sup>Ba nomanta n kpɔ n te tɛɛ de ɛ he gbosoroo nen áɛɛ ba ge gba won berɛ he gbosoroo nera, teṅa baa de teṅe he kasinteṅ la ta nomanta.

<sup>20</sup>"Ba gbo laa n soṅe dɛɛ tɛ. Nera baa ba che banɔ nɔ waa baa de bol ta de yarada mɛ la bwaa n soṅe dɛɛ tɛ.

<sup>21</sup>N de soṅe kɛ hé ɛ ba bwa beṅkpoṅ. N Mɛɛ, ge n ne haa ɛ beṅkpoṅ bel aa wola won dagre o te o doṅ nɛɛ la, geɛ mɛɛ soṅe kɛ ya ne ba won ɛ beṅkpoṅ áɛɛ nera baa dɔ hare nɔ ta gbo liire bwa won yarada keṅɔ heneɛ tom mɛ.

<sup>22</sup>Ge haa tɛ mɛ jirima laanee n ge tɛɛ ba áɛɛ ba won ɛ beṅkpoṅ ge n ne haa ɛ beṅkpoṅ la.

<sup>23</sup>N ne ba ɛ beṅkpoṅ, n ne he ge ɛ beṅkpoṅ, bel aa wola won dagre o te o doṅ nɛ aa, anee de gel ba beṅkpoṅri la won che kɛrɛdɛ áɛɛ nera baa dɔ hare nɔ ta gbo liire la jeme keṅɔ heneɛ tom mɛ dɛɛ nyin ba ge haa de nyin mɛ la.

<sup>24</sup>"N Mɛɛ, heneɛ kpɔ ba tɛ mɛ. N de nyin kɛ ba ja n nɛɛ bela maa lole áɛɛ de won na n jirima haa kpɔa tɛ mɛ. He tɔ sie nyin mɛ mɔɔ de ta hare, a waa he tɛ mɛ jirima la.

<sup>25</sup>N Mɛdɛɛge, nera baa dɔ hare nɔ ta gbo liire aa hen jeme, kɛ n te jeme, aɛɛ banɔ nɔ ge jeme keṅɔ heneɛ tom mɛ.

<sup>26</sup>N gelɔ ba jeme, mɛɛ geloo baa jeme, áɛɛ ba won dɛɛ nyin doṅa ge haa de nyin mɛ la, áɛɛ n ne ba won pɛ."

## Jn 18

- <sup>1</sup>Yeesu aa soje Korowii tone la, o ne o haboŋra la leo de ka le nenaboo bel baa de yero Kedron. De ba du daa ane bela, ase ba ka jo a baah.
- <sup>2</sup>De Judas waa leo te la jeme bela, dekalke Yeesu ne o haboŋra la de cheme bela warawara.
- <sup>3</sup>Anomanta Judas na Sofonomome ne Farisii tena, ase ba teo sojare ne nera baa de daah Korowii Dea la bane. Ase ba kpo kandere ne kapele ne domkwa, ase Judas kpo ba la daa la baah bela.
- <sup>4</sup>De Yeesu jeme waa aa de ba o nee chiga bwa, anomanta o leo ka chem ba, ase de boo ba ho, "Ume boree hee nyin o?"
- <sup>5</sup>Anee ba ho, "Yeesu waa le Nasaret la boree yaa nyin." Belaa Yeesu ho, "Menee no!" De Judas waa le Yeesu te la ja sojare la ne nera la nee ba che bela.
- <sup>6</sup>Yeesu aa ho men no la, ba le haboo de chogli.
- <sup>7</sup>Belaa o bere kwaa pee ba ho, "Ume boree hee nyin o?" Ase ba ho, "Yeesu waa le Nasaret la."
- <sup>8</sup>Anee o ho, "N ta hoe ho menee no naa? De n boree hee nyin aa, amo he gel nera baa ja n nee no te kaa."
- <sup>9</sup>Ge aa e ase waa o faa bola o Mee be la e kasinteh keho o faa ho ho, "N Mee, nera haa te me la belbwa ta n non ta nyogre" la, a waa o bol ge.
- <sup>10</sup>De Seemon Pita do kere o be bela. O pame kere la de hwene Sofore Nomoa bonoo dig deŋne de laa cha. Ge bonoo la sone Malkus.
- <sup>11</sup>Pita aa e ge la, Yeesu ho o be ho, "Kpo kere la su o too ta! N be wahala n Mee aa chega ho n na la na kee?"
- <sup>12</sup>Room sojare ne ba nomoa ne Juda tena baa de daah Korowii Dea lawe Yeesu de vorowo,
- <sup>13</sup>de to sie la o ne Anas be. De Kaefasee Sofore Nomoa a ge bena la ta. De o mo Anas bie.
- <sup>14</sup>A ge Kaefas noo fa ho Juda tena nomonome be ho nembenkpon le nera bwa seo sewaa, a bo harebir bwa aa pagra la.
- <sup>15</sup>Baa de kaa Yeesu ne la, Seemon Pita ne o donja haboŋra la bel teŋe o ne. De Sofore Nomoa la jeremea a ge haboŋre no, anomanta o teŋe Yeesu nee de jo Sofore Nomoa la dem bela.
- <sup>16</sup>Baa jo dem bela la, Pita te kaa jage che dem la doonyoa. De tolo belee dee daah doonyoa la. Ase Yeesu haboŋre la Sofore Nomoa la aa jemo la bere le buse de ba bol waa tolo la be de kpo Pita jo dem bela.

- 17Belaa tolo la bɔɔ Pita ŋɔ, "Baa nɔ habɔtenre laa hen aa?" Anee o chaŋo ŋɔ, "Ɖɔh, o habɔtenre laa men."
- 18De waa lole, anomanta de Sɔfore Nomoa bonɔɔna ne nera baa de daah Korowii Dea la do nii hɔla ta de cheg dɛɛ ŋwee, ase Pita ka ja ba neɛ de gee ŋwee.
- 19Sɔfore Nomoa la bɔɔ Yeesu o habɔtenra ne o webagla la wa.
- 20Anee o ŋɔ, "Tɔpere belbwaa mee bagla nera baah ta ba bwa ɛɛ no. Korowii Dea ne cheremi deene ya Juda tena bwa aa de cheme a bini la, belaa mee bagla. N ta sɔeh de bagle wobelbwa ge bwa.
- 21Amɔ ɛɛɛ hɛɛ bɔɔ mɛ ge nɔɔ? Bɔɔ nera baa noa la, banee de jeme waa maa bag ba de bagle."
- 22Yeesu aa chaje waa la ge la, de Sɔfore Nomoa la bonɔɔ bel chege o jweeh ase de kpaa o lwɛɛma, de koro ŋɔ, "Kenii che ke he chaje Sɔfore Nomoa aa?"
- 23Belaa Yeesu ŋɔ, "Waa maa bola a ta magre la, bagle nera bwa no. De ge laa ge aa, n lɛ nɔ munii ɛɔɔ?"
- 24Ase Anas gel ba la Yeesu ne Sɔfore Nomoa Kaefas be, de o nɔɔra ta vɔrɔwɔ ge.
- 25De Seemon Pita ta chegɔ dɛɛ ŋwee nii la, ase ba bɔɔro ŋɔ, "Baa la habɔtenra la bel laa hen aa?" Ase o tɔh pelepele ŋɔ, "Bel laa men!"
- 26De Sɔfore Nomoa la bonɔɔ Pita aa ŋwene o deŋne de laa cha la lole bel lo dem bela. O bɔɔro ŋɔ, "Ke de he ja baa la nera la neɛ daa la baah bela laɔ?"
- 27Anee o tɔh ja ŋɔ, "Akai!" Bug la taa jabal si.
- 28Tomun aa de kpɔ la, Juda tena nomonome la kpɔ Yeesu la Kaefas be de ba o ne Room nomoa waa de nyiŋi ba hare ta la be koodem. De Galekaa tɔpere telo, anomanta Juda tena nomonome la te ta dem bela joe, dekalke de ba jo bela aa, baa kah doŋaa baa wola won di Galekaa kondikwaa la.
- 29Baa veh bela joe la, ba hare nomoa Paelet leɔ ba ba be, de ba bɔɔ ba ŋɔ, "Bɔkwa waa o ɛ aa wola magre hɛɛ bɔɔro wɔ?"
- 30Anee ba chaje ŋɔ, "De wechɔg-ɛɛ laa aa, ya fe ta o ne he be bale."
- 31Ase Paelet ŋɔ ba be ŋɔ, "Hɛ gbabir kpɔɔ kaa ka bol o waa ge he mmara aa de chagle." Anee ba ge chaŋo ŋɔ, "Ya ta ŋwene dɔɛ keŋɔ yá bol nen waa de pao bolchɔge bá kpoo."
- 32Ge waa nɔ chigo áse nera jeme ke Yeesu waa waa bola de bagle seo la soo waa de ba sewa la ɛ kpela.
- 33Ase Paelet bere jo o koodem bela, de yere Yeesu ba o be, de bɔɔro ŋɔ, "Heneɛ Juda tena koro ɛ?"
- 34Belaa o chaŋo ŋɔ, "He gbagbaa na waa nɔ dɛɛ bɔɔ mɛ keɛ nera banee bol n waa he be nɔ?"

<sup>35</sup>Anee Paelet ɲɔ, "Haa na mɛ nɔ, Juda tee men aa? He gbagba bwɛɛ tena ne he Sɔfonomonomee ba he ne n be. Bɔkwa wechɔgaa he ɛɔ?"

<sup>36</sup>Ase Yeesu chaɲo ɲɔ, "Hare ta bonɔ laa mɛɛ di kora. Dɛ hare ta bonɔ mɛɛ di kora aa, n nera fe aa seh bá kpɔ mɛ tɛ Juda tena, ba fe ɛɛ yoo lɛɛ mɛ. Kɛ hare ta bonɔ kora laa mɛɛ di."

<sup>37</sup>Yeesu aa ɲɔ gɛ la, anee Paelet bɔɔro ɲɔ, "Amɔ kooroo hen kpela kenɛ?" Ase o chaɲo ɲɔ, "Hencee ɲɔa kooroo men. Kasintɛɲ bola waa ba lol mɛ. A waa n ba hare nɔ ta dé ba bol kasintɛɲ la nera bwa be. Nomelbwa waa dɛ nyin kasintɛɲ la, on dɛɛ no n be."

<sup>38</sup>Anee Paelet ɲɔ, "Bɔkwa gee kasintɛɲ nɔɔ?" Waa bol gɛ la, o berɔ le dɛ ka ɲɔ Juda tena la be ɲɔ, "N ta waa maa che a ta pao bolchɔge nae,

<sup>39</sup>kɛ gɛ he Juda tena yon gel n foo wechɔg-ɛɛ benkpɔɲ dɛɛ ta he Galekaa kondikwaa tɔpere ta la, n̄ foo Juda tena kooro nɔ ta gɛ kɛɛ?"

<sup>40</sup>Belaa ba bwa nyɛg kohona ɲɔ, "Bɛ on foo! Foo Barabas!" Dɛ gɛ Barabas nɔ, ɲwɛɛree.

## **Jn 19**

<sup>1</sup>Belaa Paelet gel o soojare ka lawɛ Yeesu, dɛ lɔɔro bampɔɔ ɲwɛera ne.

<sup>2</sup>Ba koh o baah mugla waa dɛ kpɔ sɔhne sɔh koogberɛ piu, dɛ kpɔ yaswɛm bel o do kenɔ ba bela koranar wur ken dɛ doo.

<sup>3</sup>Dɛ ba dɛ ba o be dɛɛ si, "Woowo, Juda tena kooro!" dɛɛ kpaa o lwerɛme.

<sup>4</sup>Baa ɛo gɛ la, Paelet le buse ja dɛ ba ɲɔ Juda tena la be ɲɔ, "Hɛɛ no bonɔ, mɛɛ le o ne busee tɛ heya, áse he jemɛ kɛ n ta wobɛlbwa o nɛɛ nae dé che a ta dɛ pao bolchɔge."

<sup>5</sup>Anomanta o gelɔ Yeesu le buse, dɛ sɔhne koogberɛ piu, ase o do wurswɛm la. Ase Paelet ɲɔ ba be ɲɔ, "Onee la."

<sup>6</sup>Sɔfonomonome ne nera baa dɛ daah Korowii Dea la aa nao la, ba kpɔ takpeg ɲɔ, "Gel ba kpoo! Gel ba kpaaro pɛl dagagre ta!" Anee Paelet chaɲ ba ɲɔ, "Hé gbagba ba kpɔ ka kpaa pɛl dagagre ta. N te ta wobɛlbwa o nɛɛ nae dé che a ta dɛ gel ba kpoo."

<sup>7</sup>Belaa Juda tena la berɛ chaɲo ɲɔ, "Ya dɔ mmara bel waa dɛ bagle kɛ o che kpoe, dɛkalkɛ o dɛ yerɛ o te Korowii Bie."

<sup>8</sup>Paelet aa no gɛ waa nɔ la, a taa o berɛ ɔmɛ kohona kwara.

<sup>9</sup>Anomanta o berɔ jo koodem bela, ase dɛ ka bɔɔ Yeesu ɲɔ, "Lepetenee he leɔ?" Kɛ o ta on chaɲɛ.

<sup>10</sup>Anee o berɛ bɔɔro ɲɔ, "Haa men chaɲɛ kɛɛ? Haa jemɛ kenɔ n dɔ kpegri dɛ won gel ba foori ta, dɛ berɛ won gel ba kpaare pɛl dagagre ta kɛɛ?"

<sup>11</sup>Ase Yeesu ɲɔ, "Korowiirii seah dɛ gel he dɔ kpegri n nɛ. O fe ta seeh yaa, he fe ta kpegri dɔɛ n nɛ. Nɛn waa lee mɛ tɛ dɛ gel he dɔɔ mɛ la wechɔga gwaa he kwa."

- 12**Paelet aa no ge la, de o de nyin nwere bel de fee kpọ Yeesu ta ó kaa. Ate nenlaa la kpọ takpeg dee nọ, "Nomelbwa waa de yere o te koro la e Room Koojen Siisa dom! Anomanta de he kpọ baa nọ ta aa, amọ de Room Koojen la domee hen!"
- 13**Paelet aa no ge la, o kpọ Yeesu le buse de ba so bela waa soga dee bol waa dee pa bole la. Bwea nee ba mao o ir nyundua. Juda tena de yere bela Gabata.
- 14**Awola la e topere Juda tena bwa aa de kpọ ba te de daa kondikwaa dee cheg de won di Ona Topere waa lo ba Galekaa la ta la. De wee tel nyufala tone, ase Paelet nọ ba be nọ, "He koro laanee la!"
- 15**Anee ba nyeg kohona nọ, "Gel ba kpoo! Gel ba kpaaro pel dagagre ta!" Ase Paelet boọ ba nọ, "He koro gbabirii he nọ n gel ba kpaaro pel dagagre ta naa?" Anee Sofonomome la chano nọ, "Ya ta koro belbwa doe ka ja Koojen Siisa ne!"
- 16**Ate Paelet kpọ Yeesu tee ba nọ ba ka kpaaro pel dagagre ta. Ase soojare la kpoo kaa.
- 17**Ba kpoo le koodem bela de gel o che dagagre baa de ba o kpaara pel o ta la de ba tel bobel baa de yere bela Nyuhog Bor, ase Juda tena gee yere bela Gologota.
- 18**Baa tel bela la, ba kpaaro pel dagagre la ta. Ba kpaara nera bane ja o ne, bel do o dig ta, ase bel ge do o gal ta, ase o do ba bwa baah ta.
- 19**Belaa Paelet gel ba chwere waane ka pel Yeesu dagagre la nyundua. Waa baa chwera laanee ke, |scJUDA TENA KOORO YEESU WAA LE NASARET LAANEE LA|d.
- 20**De bela ne Jerusalem aa janye, anomanta Juda tena kerede bwa na ge waa la de kura. Ba chwera Juda tena wobol ne Room tena wobol ne Grik tena wobol ta.
- 21**Anomanta Juda tena Sofonomome la nọ Paelet be nọ, "Ge haa chwera nọ, 'Juda tena koro on' nọ aa were. Chwere nọ 'Onee nọa Juda tena koro on.' "
- 22**Anee Paelet chane nọ, "N te doo chwere tone."
- 23**Soojare la aa kpaara Yeesu pel dagagre ta tone la, ba bone o laala bini bore anaare, ase belbwa kpọ benkpon. Ke o batakaare waa doo luga la te, ba sooh kombir, ba ta bobelbwa nyare pe.
- 24**Anomanta soojare la nọ donja be nọ, "He be gel ya keero. He gel ya ta chacha, naate waa di la ó kpọ." Ba chwere Korowii Ton bini nọ, "Baa kpọ n laalaa bone donja, de ta chacha de na naate waa di n batakaare." Ge baa chwera laanee soojare la e, de gel a e kpela.
- 25**De Yeesu nya ne Yeesu nyajen ne Kliopas haah Meere ne Meere waa le Magdala la chege Yeesu dagagre la jweeh bela.
- 26**Yeesu aa na o nya ne o habotere waa de nyinu kohona la kenọ baa chege donja jweh, ase o nọ o nya be nọ, "N nya, he biee la,"
- 27**de nọ o habotere la ge be nọ, "He nyaa la." Le awola la, o habotere la lawe Meere kaa o dem o ka so o be.

<sup>28</sup>A haboo Yeesu aa naa kenjo o wobolbwa tono la, o no, "Nyogre de kpo me," ase waa aa lo Korowii Ton bini la e kpela.

<sup>29</sup>De vii bel ne sennyega chege bela, ase ba kpo komel kenjo yabii vowe daa bel baa de yero hesop dajan ta, de kpo li sennyega la de kpo su o nyoa o nyo.

<sup>30</sup>Yeesu aa nyoa tone la, o no, "A ton," ase de gure o nyu de gel o doma le, o sewe.

<sup>31</sup>De awola topere la e topere Juda tena aa de kpo ba te, dekalke too peraa de ba jo Ona Topere waa e ba topejen tenten la ta. De baa nyin kenjo Yeesu ne nera la sage ka tel topejen la ta. Anomanta ba kaa soje Paelet no o gel sojare kuugi ba nakpale ba sewe warane, ase ba do bor laa ba kpo dagagre la ta.

<sup>32</sup>Baa soje nyene la, sojare la kaa kuugi nera la baa kpa ba ne Yeesu pel dagagre ta la, nakpale.

<sup>33</sup>Baa tel Yeesu be la, ba nao kenjo o te doo sewe, anomanta ba ta o te nakpale kuuge.

<sup>34</sup>Ke sojare la bel kpo lampea de yage Yeesu lonji ta. Bug la ta, chal ne nee le.

<sup>35</sup>Naate waa di waa no dansee la naa siwi ne, de jeme kenjo kasintenji, dee bola ase he ge no de yarada.

<sup>36</sup>Ano gelo waa baa chwera Korowii Ton bini no, "Baa o hog benkpon kwaraa ku" la e kpela.

<sup>37</sup>Ba chwere Korowii Ton la bobel ge no, "Baa nyin nen baa yago lampea ne laanee."

<sup>38</sup>Ano bwa haboo la, baa bel waa le Arimatea baa yero Josef la Paelet be de ka sojo Yeesu lale. De a ge Josef no de teje Yeesu ne, ke o koh Juda tena oma waa dee soh o te a ge bor. Paelet teo nyene no o ka kpo lale la kaa, ase o ka kpo kaa.

<sup>39</sup>Nikodeemos waa la Yeesu be jwaana bel la, o ne Josefo la Yeesu hugribor bela. Nikodeemos la konsoshsoma baa kpoa dee fogle ba lala ne bela. A kan de do togre de e men baa kpoa de e paanoo la baage del.

<sup>40</sup>Ba nera banee la kpo Yeesu lale la de kpo konsoshsoma la fogle, de kpo yapon vorowo, ge Juda tena aa de e ba lala dee hug ba la.

<sup>41</sup>Bela baa kpo Yeesu la, de ba du daa ane bela, ase ba fore laloo bwe bel ta kenjo dea ken. De ba ta nomelbwa o bini huge bwa.

<sup>42</sup>De laloo la bene bela, ase ba Ona Topere ge telo tone, anomanta ba deno kpo Yeesu ka huge o bini.

## **Jn 20**

<sup>1</sup>Tomun aa de kpo Kwasiara la, Meere waa le Magdala la la bela baa huge Yeesu la, de ka na kenjo bwe baa kpoa to boo la nyoa la le o nyoa.

<sup>2</sup>Waa na ge la, o chwao la Seemon Pita ne o don Yeesu aa de nyinu kohona la be de ka no ba be no, "Ba laa ya Doo kpo laloo la bini, yaa jeme bela baa kpo bil."



- <sup>3</sup>Pita ne o dɔŋ habɔtenjre la iro de la bela baa huge Yeesu la.
- <sup>4</sup>De chwae baa chwa, ase Pita dɔŋ la chwa warane de felu tel bɔɔ la ta.
- <sup>5</sup>O boŋɔ haah de na yaponj la chɔe, ke o ta lalbɔɔ la bini tenten joe.
- <sup>6</sup>Belaa Pita waa ka mun la ba de ba jo bɔɔ la bini, de na yaponj la bela,
- <sup>7</sup>de na yaponj baa kpɔa vɔwe o nyu la keŋɔ waa gula cho pera.
- <sup>8</sup>Belaa Yeesu habɔtenjre waa to sie tel bela la ge bere jo lalbɔɔ la bini, de na a bwa. Waa naa la, o den yarada.
- <sup>9</sup>De ba ta waa aa lo Korowii Ton bini bobel de bagle keŋɔ a che ke Yeesu ir seo ta la mun noe moɔ.
- <sup>10</sup>Yeesu habɔtenjra la bere kaa ba deremi.
- <sup>11</sup>Ke de Mɛere te ta chege bɔɔ la nyoa dee wi. Waa de wi la, o boŋɔ de haah lalbɔɔ la bini,
- <sup>12</sup>ase de na nyundua toroma banɛ. Ba do komponja so bela baa kpɔ Yeesu lale bil la. Bel soge o nyu bor, ase bel so o nakpale bor.
- <sup>13</sup>Belaa nyundua toroma la bɔɔro ŋɔ, "N nya, bokwa waa hee wi ken no?" Ase o ŋɔ, "Ba kpɔ n Doo kaa. Maa jeme bela baa kpɔɔ ka bil."
- <sup>14</sup>Waa bol ge tone de bere o te, de Yeesuu chega, ke o ta jeme ke onee.
- <sup>15</sup>Belaa Yeesu ŋɔ, "N nya, bokwa waa bala hee wi ken no? Ume boree hee nyin o?" De Mɛere de lii keŋɔ nen waa de nyinji daa baa dua bela la ta laanee, anomanta o chɔŋo ŋɔ, "Nomoa, de henee ba kpɔ n Doo kaa laa, he gel n jeme bela haa kpɔɔ ka bil, ase de la ka kpɔɔ."
- <sup>16</sup>Anee Yeesu yero ŋɔ, "Mɛere." Ase o bere sie o be de kpɔ Juda tena wobol ŋɔ, "Raboni!" (o munii Nomoa), de ka lawo kponje.
- <sup>17</sup>Belaa Yeesu ŋɔ, "Kpɔ me ta, n ta n Mee be laje moɔ. Kaa ka ŋɔ n nimanar be ŋɔ, 'N berɔ dee kaa nyundua n ne he bwa Mee waa e ya bwa Korowii la be.' "
- <sup>18</sup>Ase Mɛere waa le Magdala la la Yeesu habɔtenjra la be de ka ŋɔ, "N na ya Doo la!" O bol waa Yeesu aa bola la ba be.
- <sup>19</sup>Awola Kwasiara la jwaana la, Yeesu habɔtenjra la cheme dea bel bini. De ba de ome Juda tena, anomanta ba tooge gbeni la de laa kare ba ne. Belaa ba ŋɔ ba nyinji, de Yeesu baa che ba baah de ŋɔ, "Korowii te heyaa bambisɔhna."
- <sup>20</sup>Waa bol ge la, o kpɔ o noora ne o loŋi bag ba, ase ba sie le kohona keŋɔ baa na ba Doo la.
- <sup>21</sup>Yeesu berɔ bol ja ŋɔ, "Korowii te heyaa bambisɔhna. Ge n Mee aa tom me la, gee n gee tome heya."
- <sup>22</sup>Waa bol ge tone la, o hweero ta ba nee de ŋɔ, "He le Korowii Domadeege la.



<sup>23</sup>De he ɲo Korowii kpɔ ɲera wechɔga ke ba aa, wee kpɔ ke ba, ke de he ɲo Korowii be ɲera wechɔga kpɔ ke ba aa, aa do ba ɲee.”

<sup>24</sup>De Tɔmas baa de yero Kpar o ε Yeesu habɔteɲra la bini bel la toole o bala la be ge saɲ Yeesu aa ba bela la.

<sup>25</sup>Anomanta de ba de bol o be ɲo, "Ya na ya Doo la." Ase o chaɲ ba ɲo, "De n te ta dadowere la buge aa lo o noora ta la nae, de kpɔ n nonii do bela, de bere kpɔ n non do o loɲi bela baa kpɔ lampea yage la aa, maa waa noo yarada.”

<sup>26</sup>A yawanyoa la, Yeesu habɔteɲra la berɔ ba cheme dea la bini ja, de Tɔmas ja ba ne. Ba kagre dea la gbeni, ke Yeesu baa jo che ba baah, de ɲo, "Kórowii te heyaa bambisooɲna!”

<sup>27</sup>Ase de ɲo Tɔmas be ɲo, "Kpɔ he nonii ba do n noora boone la ta, de kpɔ he non do n loɲi boo la ge ta, dee yarada me, de gel aahna-aahna la haa de ε la.”

<sup>28</sup>Ase Tɔmas ɲo, "N Doo, n Korowii!”

<sup>29</sup>Belaa Yeesu ɲo o be ɲo, "Haa na me no waa he yarada me no kee? Nera baa wola men nae de yarada me la, ba na som.”

<sup>30</sup>Nyokpowaa Yeesu aa ea o habɔteɲra la siwi ta warɔ taeh. A bwa laa n chwere do ton no bini.

<sup>31</sup>Ke n chwere ano ase he che a ta de yarada keɲo Yeesuu Kristo Korowii aa bage nyoa ɲo wee bao la, onee Korowii Bie la, ase a che he yarada haa de yaradao la ta he do Korowii mkpa.

## **Jn 21**

<sup>1</sup>A haboo la, Yeesu kpɔ o te ba bagle o habɔteɲra la Tibeerias Moo la ta ja. Kenii a ε ba nao.

<sup>2</sup>De o habɔteɲra Seemon Pita ne Tɔmas baa de yero Kpar la, ne Nataaneel waa le Keena waa lo Galilia hare ta, ne Sebedii bii, ne ba bini banε peo so.

<sup>3</sup>Ase Seemon Pita ɲo o bala la be ɲo, "N de la n ka ta asau." Anee ba ɲo, "Amo te ya ne hee lao." Ase ba bwa ka jo gbera bini de ka ε toma aaa too ba per, de ba ta komelbwa doe.

<sup>4</sup>To aa pera la, de Yeesu chege nee nyoa bela, ke o habɔteɲra la aa nao la, ba ta jeme ke onee.

<sup>5</sup>Belaa o yer ba ɲo, "Bweela, he ta peɲa doe yaa?" Anee ba ɲo, "Ooh, ya ta komelbwa doe.”

<sup>6</sup>Ase o ɲo, "He ta asau la ta gbera la dig bor, hee do anee." Belaa ba ta do bela, ase asau la lawe peɲa kohona, ba ta wone tero do gbera la bini.

- <sup>7</sup>Anee Yeesu haboŋre waa de nyinu kohona la ŋo Pita be ŋo, "Ya Dooŋree." De Seemɔn Pita foo o batakaare bil. Waa noa keŋo ba Dooŋree la, o bere kpo do, de le nee la ta.
- <sup>8</sup>Ase Yeesu haboŋra la kar la tawe gbera la de ter asau la ne peŋa la teŋe de ba ta baŋ, dekalke de ba ne baŋ aa jaŋe kohona. Wee e nagale lafaa.
- <sup>9</sup>Baa baa chuge la, ba na hola nii ase peŋe dawɛ a doa, ase paanoo cho bela.
- <sup>10</sup>Ase Yeesu ŋo ba be ŋo, "He kpo peŋa haa lawa la ane ba."
- <sup>11</sup>Belaa Seemɔn Pita ka jo gbera la bini de ter asau la le baŋ, de peŋejena su o bwa. A lo lafa fifraanue de atoro, ke a ne a wara bwa, asau la bobelbwa ta keere.
- <sup>12</sup>Ase Yeesu ŋo, "He ba choo nyoa." O haboŋra la belbwa ta wone lo bambile de peero o nensoo, dekalke de ba jemo keŋo ba Dooŋree.
- <sup>13</sup>Ase Yeesu ka kpo paanoo la tee ba, de kpo peŋe la tee ba ge tenten.
- <sup>14</sup>Korowii aa iru seo ta la, ano jaa tooro waa kpo o te bagle o haboŋra la.
- <sup>15</sup>Belaa baa di kwaa tone la, o boo Seemɔn Pita ŋo, "Jon bie Seemɔn, he de nyin me de gwaa bano no naa?" Anee Pita ŋo, "Ooh, n Doo, he jemo keŋo n de nyin he wa." Anee Yeesu bere ŋo, "Dee nyini n pebiiri ne."
- <sup>16</sup>O bero peero neetena ŋo, "Jon bie Seemɔn, he de nyin me naa?" Anee o ŋo, "Ooh, n Doo, he jemo keŋo n de nyin he wa." Anee Yeesu ŋo, "Dee nyini n peera ne."
- <sup>17</sup>Yeesu bero kwaa peero tooro tena ŋo, "Jon bie Seemɔn, he de nyin n waa aa?" Waa no gelo Seemɔn Pita bambile choŋ kohona ke waa bera booro tooro tena ŋo, "He de nyin n waa" la. Ase o ŋo, "N Doo, he jeme wobelbwa, he gbabir jemo ke n de nyin he wa." Anee Yeesu ŋo o be ŋo, "Dee dee n peera.
- <sup>18</sup>Kasinteŋ, n de ŋo he be, he faa e bonoo la, he won kriso vowa de kaa bela bwa haa de nyin. Ke de he baa hwæhraa, hee ter noora aase nomel vorowe de kaa he ne bela haa wola nyin laŋa."
- <sup>19</sup>O bol ano de kpo ee bagle seo la soo Pita aa de ba sewa, a che a ta Korowii do jirima. Waa bol ge tone la, o ŋo Pita be ŋo, "Dee teŋe n ne."
- <sup>20</sup>Baa de kaa la, Pita keo nyini de na keŋo o doŋ haboŋre Yeesu aa de nyinu kohona la teŋe ba ne. Onee fa soga kpage Yeesu ge saŋ o ne o haboŋra la aa chema tig ta, ase de booro naate waa de ba o lee te la.
- <sup>21</sup>Pita aa nao la, o boo Yeesu ŋo, "N Doo, aah baa no ge seh?"
- <sup>22</sup>Belaa o chaŋo ŋo, "De n de nyin ke o so le de ka tel saŋ maa ba kwaraa naa, he waanee yaa? He te dee teŋe n ne!"
- <sup>23</sup>Yeesu aa bol ge la, de o haboŋra la de bol bobelbwa ŋo, amo ba doŋ haboŋre la aa sewe bwa. Ke ge laa Yeesu ŋo. Waa waa bolaa keŋo, de o de nyin o haboŋre la so ka tel ge saŋ waa ba naa, Pita waane laa.

<sup>24</sup>A ge haboteŋre nɔɔ bagle ge waa nɔ de chwere a bwa bil. Ya jemɔ keŋɔ a ε kpela.

<sup>25</sup>Waa Yeesu aa εa warɔ taeh. A bwa laa ba chwere do tɔne ta. De ba fe wono chwere a bwa do tɔne ta naa, a ge tɔne la fe aa bɔr dɔe ba de jo hare nɔ ta.

## We-la

### We-la 1

- <sup>1</sup>Nomoa Teofelɔs, n tɔn la maa tɔ sie chwere la, n le Yeesu toma la mumpar de bagle o we-εela ne o webagla waa bwa
- <sup>2</sup>ka tel awola Korowii aa kpɔɔ kaa nyundua la. O chege Korowii Domadεεge la kpegri ta de bagle baala la waa kpɔa ηɔ b́a ε o toroma la waa baa de ba εε la, ase Korowii kpɔɔ kaa nyundua.
- <sup>3</sup>Waa sewa de ir la, o kpɔ o te bagle o toroma la kera anjwene bwa tɔpera fifraanaare baah ta, dεε bol Korowii Kora waa ba be. Ge baa nao la gelɔ ba jeme kpelakpela keηɔ o ir seo ta.
- <sup>4</sup>Ba ne waa bera ba cheme ja la, o ηɔ ba be ηɔ, "He be Jerusalem le mɔɔ. Hε so kpa konkεele la maa ηɔa n Mεε bage nyoa ηɔ wεε te heyaa la.
- <sup>5</sup>Nee nee Jɔn sɔ nera Korowii ne, ke aa tɔpere belee di ase Korowii kpɔ o Domadεεge la sɔ heyaa. Anomanta hε so kpao."
- <sup>6</sup>Ba ne waa baa cheme la, ba bɔɔro ηɔ, "Ya Dɔɔ, taraken te hεε geloo ya Israel tena bere di ya kora la gbao?"
- <sup>7</sup>Belaa Yeesu ηɔ, "N Mεε nɔn taa wobεlbwa ne a tɔpere bwa do. He ta ηjwene dɔe keηɔ he jeme tɔpere la waane aa de ba chiga.
- <sup>8</sup>Ke de Korowii Domadεεge la baa so he ne aa, wεε te heyaa kpegrii ase he di dansee te me Jerusalem fɔgbaah, ne Judia hare kabora bwa ta, ne Samaria hare ta, ne hare jaga bwa."
- <sup>9</sup>Waa bol a ge waa nɔ tone ba ta che dεε nyinju la, de Korowii baa kpɔɔ dεε kaa nyundua, ase baamare ba tɔ o nee nyundua bela, ba ta on nae kpa.
- <sup>10</sup>Waa de kaa, de ba sie ta pa nyundua haah ken. Bug la ta baala bane bane baa do laalaponja baa che ba jweh,
- <sup>11</sup>de bɔɔ ba ηɔ, "Galilia tena, ερεε he che bonɔ dεε nyinji nyundua haah ge nɔɔ? Yeesu nɔ Korowii aa baa kpɔɔ le he be kaa nɔ, wεε berɔɔ ba ge tenten haa nao wεε kaa nyundua nɔ."
- <sup>12</sup>Ase Yeesu toroma la le Olevere Bwe la ta baa chega o kaa nyundua gel ba la ta dεε kaa Jerusalem. A ka tama bwe la ne Jerusalem ε kwansini benjkon.
- <sup>13</sup>De ba dɔ dea abrosane bel doa Jerusalem. Ba la Jerusalem de ka jo o bini. Ba nera baa jo dea la bini laanee: Pita ne Jɔn, ne Jems ne Andriu, ne Felep ne Tɔmas, ne Batolomeo ne Maatiu, ne Alfeɔs bie Jems, ne Seemɔn Selɔt, ne Jems bie Judas.
- <sup>14</sup>De ba ne haahna la ne Yeesu nya Mεere ne Yeesu nimanar la pεo cheme de yon dεε sonje Korowii warawara.

<sup>15</sup>Aa baa di tɔpera anɛ la, ba bala la bwa chemo. Baa tel nera lafa fifraanɛɛ. Ase Pita ir che ba baah ta de ŋɔ,

<sup>16</sup>"Yabala, Korowii Domadɛɛge chege Devid nɛɛ de pu sie bagle Judas waa tɔ nera sie de bag ba Yeesu ba lawɔ la wa. Ge waa bagla laanee che ke a ɛ. A waa a ɛ ge la.

<sup>17</sup>O fa ja ya nɛ. Ya ne o bwaa fa de ɛ Korowii toma nɔ."

<sup>18</sup>(Waa yog Yeesu la, o kpɔ o tonchɔga la suuga de ka yawɛ hare bel. A ge hare nɔ taa o chole, o tea pere, o looni le, ase o sewɛ.

<sup>19</sup>Jerusalem tena bwa no o seo la wa. Anomanta ba pa a ge hare la sɔn ba wobol ta Akeldama. O munii Chal Hare.)

<sup>20</sup>Pita ŋɔ, "Ba chwerɛ Korowii Kpɛera Tɔn la bini ŋɔ, 'Hɛ gel o dem chɔ pɛɛ, nomɛlbwa bɛ o ta do.' De berɛ chwerɛ ŋɔ, 'Hɛ berɛ o toma tɛ nomɛl.'

<sup>21</sup>Anomanta a che keŋɔ nomɛl ba ja ya nɛɛ de di ya Dɔɔ Yeesu seo ta ira la dansee. Nera ya ne ba faa teŋɛ ya Dɔɔ Yeesu nɛɛ dɛɛ gaage la,

<sup>22</sup>de kponje le ge saŋ la Jɔn faa de sɔ nera Korowii nee la de ba le saŋ la Korowii aa baa kpɔ ya Dɔɔ le ya be kaa nyundua la, a ge nera nɔ beleɛ de won ja ya nɛɛ de di o seo ta ira la dansee."

<sup>23</sup>Ase ba kpɔ nera banɛ de ŋɔ bá ta bie tɛɛ ba dé won jeme naate aa che ke o ja ba nɛɛ la. Josef baa de yerɔ Baasabas (de berɛ dɛɛ yerɔ Jastos la) ne Matayasee ba kpɔ,

<sup>24</sup>de soŋɛ Korowii ŋɔ, "Ya Dɔɔ, hen jeme nomɛlbwa nyu bini. Anomanta bagle yaa nera banɛ nɔ bini onɔ la haa de nyin

<sup>25</sup>keŋɔ o chig Judas naa ta dɛɛ ɛ he toma Judas aa vɛah de kaa bela aa che ke o do la."

<sup>26</sup>Baa ta bie la, Matayasee dia, ase ba kpɔɔ ja Yeesu toroma fi de beŋkponj la nɛ.

## We-la 2

<sup>1</sup>Ba tɔpejen baa de yerɔ Pentekɔs la telo, ase ba bwa cheme bobɛŋkponj.

<sup>2</sup>Kerabɛŋkponj de komɛl de gbɔgre nyundua dɛɛ si keŋɔ peujen bɛl aa de ta ken. Ase a ge gbɔga la tɔ dem la baa lɔ o ta la bwa.

<sup>3</sup>Ase ba na kwaane keŋɔ ninlao ken, ase a pegri de ba so ba nera baa lɔ bela la te belbwa nɛ.

<sup>4</sup>Ate de Korowii Domadɛɛge baa so ba bwa nɛɛ kpegri ne de ir ba nɛ, ase baa bol wobofala. Korowii Domadɛɛge laanee gela ba won dɛɛ bol a ge wobofala la la.

<sup>5</sup>De nera baa de ɔmɛ Korowii dɛɛ tomɔ ge Juda tena aa de tomɔ la le hare ta bobelbwa de ba su Jerusalem bwa.

<sup>6</sup>Baa no gbɔga la la, ba bwa baa cheme bela, ase a ɛ ba anebelbwa keŋɔ nera la aa de bol waa ba belbwa bwɛɛ wobol ta la.

- <sup>7</sup>Belaa ba nyoa aa kpoa kohona la, baa bɔɔ dɔŋa ŋɔ, "Galilia tena laa nera nɔ kɛɛ?"
- <sup>8</sup>Aah ɛrɛɛ ba ɛ dɛ won dɛɛ bol ya bɛlbwa wobol nɔɔ?
- <sup>9</sup>Ya bwa harere kokogɔ. Ya bane le Paatea, bane le Midia ne Elam, bane ge le Mesopoteemea ne Judia, ne Kapadoosia. Ya bane ge le Pɔntos ne Eesia,
- <sup>10</sup>bane le Frejea ne Pamfiilia, bane le Ijpt ne Lebya hare, Sairini jwɛɛh bela. Ya bane le Room.
- <sup>11</sup>Ba lɔle ya bane Juda tena hare, bane ge ɛ hɔɔhra, kɛ ya bwa ge dɛ tomɛ Korowii ge Juda tena aa dɛ tomɔ la. Ya bane ge le Kret ne Arebia. Kɛ ya bwa dɛ no kɛŋɔ baa dɛ bol waa ya gbagba wobol ta dɛɛ bagle wejɛna Korowii aa ɛa!"
- <sup>12</sup>Ase ba nyoa kpo kohona, baa bɔɔ dɔŋa ŋɔ, "Aah bɔkwa soo waa nɔɔ?"
- <sup>13</sup>Ase bane gee mameɛ Yeesu habɔteŋra la ŋɔ seneɛ ba nyɔ.
- <sup>14</sup>Belaa Pita ne o bala Yeesu toroma fi dɛ beŋkpoŋ la ir che, ase Pita ɛɛ bol waa takpeg ne dɛ ŋɔ, "Yabala Juda tena ne he nera haa cheme Jerusalem bwa, hɛ cheg deŋne dɛ no waa nɔ aa dɛ ɛ nɔ mun.
- <sup>15</sup>Gɛ haa dɛ lii ŋɔ seneɛ nera nɔ nyɔ nɔ, sen laa ba nyɔ. Chɔɔ laa ta naa?
- <sup>16</sup>Waa Korowii keame Joel faa bola laanee hɛɛ na chɔɔ nɔ ne la. O bolɔ ŋɔ,
- <sup>17</sup>Korowii ŋɔ, "Hare chɔga tɔpera aa ka mun la ta la, mɛɛ tɛ nera bwa soosiwii n Domadɛɛge la kohona, ase ba bibaala ne bihaahna bwa bol n waa la, ase ba bonɔɔna na chaahna, ase ba banjeni dee deera.
- <sup>18</sup>Gɛ saŋ la, mɛɛ geloo n Doma la ir n yombaala ne yomhaahna gba kwaraa nɛɛ áse ba bol n waa la.
- <sup>19</sup>Mɛɛ ɛ nyokpowaa nyundua ne hare ta, ase nera na chal ne nii ne ninchuu kohona.
- <sup>20</sup>Wee dɛ ba bira, ase korobie swɛɛ kɛŋɔ chal ken mɔɔ n tɔpejen la ba.
- <sup>21</sup>A ge saŋ la, nomɛlbwa waa yere men Korowii sɔn la, mɛɛ leo." ‘
- <sup>22</sup>"N bala Israel tena, hɛ no waa nɔ. Yeesu waa le Nasaret la fa ɛ nen bɛl Korowii aa gela o won dɛɛ ɛ nyokpowaa, ase he na dɛ won jeme kɛŋɔ Korowii kpegri nee wɛɛ ɛ o toma kpela. A ge waa nɔ ta heyaa wehɔɔhra ɛɛ.
- <sup>23</sup>Korowii jeme Yeesu waa bwa wubwa dɛ chega ken mɔɔ a tel nɔ. O ɛa kɛŋɔ wɛɛ kpɔɔ do he nɔn ta, ase he gel wechɔg-ɛera kpaaro pel dagagre ta dɛ kpoo.
- <sup>24</sup>Ase Korowii leo seo nɔn ta dɛ iru seo ta, dɛkalkɛŋɔ seo ta kpegri dɔɛ o nɛɛ dɛ lawɔ o be won ir.
- <sup>25</sup>O waa Devid bol ŋɔ, 'N ne Korowii lɔle saŋ bɛlbwa. Maa ɔmɛ bwa, dɛkalkɛŋɔ o chege n habɔɔ.
- <sup>26</sup>Anomanta n sie leo, n wobol ge bwa ɛ bansɔɔhna wobol. Maa n bwadabii waa jar, dɛkalkɛŋɔ n sie dawɛ Korowii nɛ.



- 27N Naa Korowii, haa he bidεεge waa soeh ba lala bwε. Haa gel o chɔ bɔɔ bini pɔh.
- 28He bag mε ηwene maa kpɔ dε dɔ bokpega. Saη belbwa maa na he siwi la, n bwara εε sɔɔh mεε.’
- 29"Yabala, mεε wonoo bol n naa Devid wa, dekalkeηɔ ya bwa jeme o waa kerεdε. O sewɔ, ba hugo, hale o ηwam ta lole fini nɔ.
- 30Kε o ε Korowii keame, dε bere jeme nyoa Korowii aa ηwεε ntam bage ηɔ wεε geloo Devid naa bel ba di o kara la.
- 31Devid na chaahna dε won jeme waa Korowii aa dε ba εε kerekere. Anomanta Kristo la Korowii aa bage nyoa ηɔ wεε tomɔɔ áse o ba le yaa la seo ta ira waa o faa bol ηɔ Korowii ta o waa soeh lala bwε, o ta bɔɔ bini chɔε pɔh la.
- 32A ge Yeesu nɔɔ Korowii ir seo ta la. Ya bwa kpɔ ya sie nao dεε diu dansee.
- 33O Mεε Korowii aa kpɔɔ kaa nyundua dε gel o so nomombɔr o dig ta la, o tεo o Domadεεge la ge o faa bage nyoa la, ase Yeesu ge bere kpɔ te yaa. O tomaa hεε na dεε no la.
- 34He jemɔ keηɔ Devid gbagba laa ira kaa nyundua, kε waa waa bola laanee nɔ. O ηɔ, 'N Naa Korowii ηɔ n Dɔɔ be ηɔ ó so nomombɔr o dig ta bela
- 35áse o ba o dɔma ne hare áse o tigrɔ ba ne.’
- 36"Anomanta a che keηɔ Israel tena bwa jeme keηɔ Yeesu laanee Korowii ε newenyini bwa dɔɔ la. Onee Kristo la. Kε o laa he kpa pel dagagre ta dε kpoo la aa?"
- 37Nera la aa no a ge waa nɔ la, ba nao keηɔ ba ε wechɔga, ase ba tea bini chɔg, ba bɔɔ Pitawa ηɔ, "Aah εrεε yaa ba εε yɔ, yabala?"
- 38Anee Pita ηɔ ba be ηɔ, "A che keηɔ he bini belbwa chare o liire dε le wechɔga ta, dε gel ba sɔɔ Korowii nee áse o teηε Yeesu Kristo ne, áse Korowii kpɔ o wechɔga keo. He ε ge naa, Korowii εε te heyaa o Domadεεge laanee,
- 39dekalkeηɔ he ne he naanar ne bojaη tena Korowii aa dε yer ba ηɔ bá ba o be la bwa waa o bage nyoa la la.”
- 40O bol waa kohona dε ja ba dε gbegeba ba ηɔ, "Fini nera wechɔga kan ga. Hé takapɔ dε laa he te le nenchɔga la Korowii aa dε ba ba wechɔga kpɔε dε bɔ ba kem la bini.”
- 41Nera la kerεdε yarada Pita wobol la, ase ba sɔ ba Korowii ne. Ba nera kagboηa batoroo yarada Yeesu waa dε kpɔ ba te tεo awola tɔpere la ta dε ba ja ba ne.
- 42A ge nera la balɔ dε baa hweli Korowii waa Yeesu toroma la be warawara. Dε ba ne Yeesu toroma laanee pea dεε ε wobelbwa, dεε di kwaa dεε tome Korowii.
- 43Dε Korowii chege Yeesu toroma la neε dεε ε tomkpega, ase nera bwa nyoa kpo baa omε.
- 44Dε nera baa yarada Yeesu waa dε ε asɔre tena la bwa peo dεε ε wobelbwa, dεε bɔne komelbwa baa dɔa.

<sup>45</sup>Dε ba dε yog ba koŋkwaare ne harere dε kpɔ a suuga la dεε bɔne dɔŋa gε belbwa aa hiah, ase belbwa won yawε o konnyina.

<sup>46</sup>Tɔpɛbii te belbwaa baa cheme Korowii Dea, dε pε dεε di kwaa ba deremi silεε ne tepɔŋ ne.

<sup>47</sup>Dε ba dε jam Korowii, dε nera dε kpεε ba taeh. Ase Korowii lε nenfala tɔpɛbii te belbwa ba ba baa ja o nera la nε.

### We-la 3

<sup>1</sup>Awola bel Pita ne Jɔn la Korowii Dea wekee saŋ. A gε saŋ nɔɔ nera la bwa cheme dεε soŋe Korowii webaŋa.

<sup>2</sup>Baa kaa tel dea la doonyoa la baa dε yerɔ Doonyodεεge la ta la, dε baa bel sogε bela. Dε a gε baa la sogε boobi o bechale saŋ bwa. Ase tɔpere bwa ba yon cheo ka so a gε doonyoa bela o kaa soŋe suuga nera baa dε jo Korowii Dea bela la be.

<sup>3</sup>Pita ne Jɔn aa dε ba dea bela joe la, o soŋ ba ŋɔ b́a tεo komel.

<sup>4</sup>Belaa ba pa sie o be, ase Pita ŋɔ, "Nyiŋi yaa!"

<sup>5</sup>Anee o nyiŋ ba dεε lii keŋɔ baa tεo komelee.

<sup>6</sup>Belaa Pita ŋɔ, "N ta suuga dɔe dε tεε, ke mεε tεε kon n ge aa dɔa laanee. Yeesu Kristo waa le Nasaret la sɔn ta, ir dε vale!"

<sup>7</sup>Ase Pita lawε boobi la nɔndig dε gɔɔro ir. Bug la ta dε baa la nakpale ne o nalurumi denɔ do kpegri,

<sup>8</sup>o chugri ir che o naa anε la ta dεε vale, ase o ne ba jo Korowii Dea bela. O kpɔ silεε dεε vale dεε sa, dεε kpεε Korowii.

<sup>9</sup>Nera baa lɔ bela la bwa nao keŋɔ waa dε vale dεε kpεε Korowii.

<sup>10</sup>Baa naa keŋɔ boobi la o faa dε soŋe kwaa Doonyodεεge la ta laanee dεε vale la, ba nyoa kpoo ba chara jegre keŋɔ waa bera won ir che dεε vale la.

<sup>11</sup>Baa la toɔh pεl Pita ne Jɔn, ase ba ne o ka tel Korowii Dea la bobel baa dε yere bela Solomɔn Pato la, ase nera la aa nao la, ba nyoa kpoo, ase ba bwa chwa biribiri ken dε ba Pita ne Jɔn ne baa la be bela.

<sup>12</sup>Pita aa na nera la la, o bɔɔ ba ŋɔ, "Yabala Israel tena, εrεε waa nɔ kpɔ he nyoa hεε nyiŋi yaa gε nɔɔ? He dε lii ŋɔ ya gbagba kpegri ta keε ya nendεεga εε kohona waa baa nɔ won ir che dεε vale nɔ keε?"

<sup>13</sup>Gε laa. Korowii la ya naanar faa dε tome la, Abraham ne Aesek ne Jekɔbwa Korowii la, on tε o bonɔɔ Yeesu sɔn gε la. Onεe he kpɔ tε nomonome ŋɔ b́a bol o waa dε kpoo la. Hare nomoa Paelet aa ŋɔa ó tao la, he ta ŋɔe ŋɔ haa seah?

<sup>14</sup>Wechɔga belbwa toole o nε, wedεεga gboo o ε. Ke he ŋɔ haa on nyin, dε ŋɔ nen waa dε kpɔ nera laanee hεε nyin keŋɔ Paelet foo ta dε gelo.

- <sup>15</sup>Korowii nen newenyini aa che o n̄e de do mkpa la, onee he kpo la, ase Korowii lawo ir seo ta. Ya na a ge waa no. A dansee yaa di la.
- <sup>16</sup>O sonee ya yere ase baa no gbanre la. Yarada yaa de yarada Yeesu la, a taa a che waa no haa naa no won e la. O waa la yaa de yarada la, a gbosoro chah baa no he bwa aa jem̄o no la. He bwa gee naa ken̄o o gbanro.
- <sup>17</sup>"Yabala, n jem̄o ken̄o be jemaa gela he ne he nomonome e Yeesu waa haa eo la.
- <sup>18</sup>Korowii to sie gel o keamere la bwa bagle no o Kristo la waa bage nyoa no wee tomoo ase o ba le yaa la de ba waa nae. A ge waa la, kenii Korowii chega a ba e.
- <sup>19</sup>Anomanta he chare he liire le he wechoga ta de kpo he te te Korowii ase o kpo he wechoga ke heya, dee te heyaa bambisohna, dee do heyaa gbemba.
- <sup>20</sup>Wee beroo tome Yeesu waa e Kristo la he be. Onee o le no o ba le heyaa la.
- <sup>21</sup>A che ken̄o Yeesu do nyundua de ka tel too la wee Korowii aa e wobelbwa kerede ken, ge waa gela o keamedeega la bagle la.
- <sup>22</sup>Mosis baglo no, 'N Naa Korowii ee tome o keamee o ba bol o waa dee te heyaa ge waa tom me la. He gbagba dwee binii wee ba o lee. A che ken̄o he cheg denne de no o wobol, de e ge bwa waa de bagle.
- <sup>23</sup>Nomelbwa waa wola o wobol noe la, baa pero le Korowii nera binii de kpoo!'
- <sup>24</sup>Korowii keamere baa de bagle Korowii waa la, le Samoel bere san ne bano la baa ten̄e o n̄e bwa, ba bwaa bagle waa aa de e fini no wa.
- <sup>25</sup>Korowii nyoa la waa baga de gel o keamere bol la, heyaa o bage te. Foo la Korowii ne he naanar aa fowa la laworomee hee di la. O no Abraham be no, 'He naanar n̄e aa ba chega n e wedeega te hare ta nera bwa.'
- <sup>26</sup>A waa Korowii le o torome la de to sie tom̄o he be ase o ba e heyaa wedeega de gel belbwa chare o liire de le o wechoga ta la."

#### We-la 4

- <sup>1</sup>Pita ne Jon aa chega dee bol waa nera la be la, Sofore bane ne nera baa de daah Korowii Dea la nomoa ne Saduki tena bane balo. De Saduki tena la aa yarada ken̄o nera bwa ee ir seo taa topebel.
- <sup>2</sup>Ba baah diu ken̄o Pita ne Jon aa de bol nera la be no Yeesu ir seo ta la. A ge la baglo ken̄o serewa ee ba ir seo taa.
- <sup>3</sup>Anomanta ba lawe Pita ne Jon ka do dea ase bor chaah moo, dekalken̄o ge san baa lag ba la de jomora.
- <sup>4</sup>Nera baa lo bela dee no waa la de yaradaa waro. De baala baa yarada waa la ba nera kagbona banue.

- <sup>5</sup>To aa pera la, Juda tena nomonome, ne bwεε nomonome, ne Tɔn Jerema bwa cheme Jerusalam.
- <sup>6</sup>Ba ne Sɔfore Nomoa Anas ne Kaefas, ne Jɔn, ne Aleksanda ne Sɔfore Nomoa dea nera la bwaa chema.
- <sup>7</sup>Ase ba kpɔ Pita ne Jɔn ba che nera la baah ta, de bɔɔ ba ɲɔ, "Ɔwene besoo taa a che he ε ge nɔɔ? Ume sɔn taa he che ε ge waa nɔɔ?"
- <sup>8</sup>Belaa Korowii Domadεεge la ir Pita neε kpegri ne, ase o ɲɔ ba be ɲɔ, "Bwεela sitɔra ne nomonome,
- <sup>9</sup>de bɔɔraa hεε bɔɔ yaa dε jeme ɲwene la ta aa chega ya won ε boobi nɔ wedεεge nɔ de won chaoh weela aa,
- <sup>10</sup>amɔ te hε no, ase Ɔsrael tena bwa no, keɲɔ Yeesu Kristo waa le Nasaret, haa kpoo dagagre ta ase Korowii iru seo ta la, o sɔn kpegri taa a che baa nɔ waa chega nɔ dɔ bokpega la.
- <sup>11</sup>Yeesu nɔ bwara waa ba bagle Korowii Tɔn bini ɲɔ, 'Bwe la he mamaala aa vεah de liiru konsala la, on baa lawε dea la kpoɲe la.'
- <sup>12</sup>De Yeesu laa aa, nomεlbwa toole de won le yaa. Nomεlbwa toole hare nɔ ta bobelbwa yá yerɔ o won le yaa ka ja Yeesu ne."
- <sup>13</sup>De Pita ne Jɔn aa tɔn jeme kohona belbwa, de ε nempεene baa wola Korowii waa hwele kohona belbwa. Nomonome la aa na bambile la soo baa wona kpoɲe dεε bol waa la, de a εε ba anebelbwa. Belaa ba sie chaah ba neε keɲɔ ba fa teɲε Yeesu neε dεε hwelu. An gela ba jeme waa de dɔ bambile ge la.
- <sup>14</sup>Nomonome la ta bere won bol wobelbwa kpa, dekalkεɲɔ de ba gbabir na baa la baa chaoh la. De o chege Pita ne Jɔn be.
- <sup>15</sup>Ase ba ɲɔ Pita ne Jɔn le dea la bini ka che dahara. De ba de bɔɔ dɔɲa ɲɔ,
- <sup>16</sup>"Aah εre teneε yaa ba baala nɔ εε yɔ? Jerusalam tena bwa nao de jeme keɲɔ nyokpowaa ba ε ge nɔ. A te ta tɔɲla dɔε.
- <sup>17</sup>Hε gel ya aah ba ɲɔ ba be wobelbwa bol Yeesu sɔn ta bobelbwa kpa, ase waa nɔ be won kaa boɲaɲ kpa."
- <sup>18</sup>Ase ba bere yer ba jo dea de aah ba ɲɔ ba be too bol wobelbwa bobelbwa Yeesu sɔn ta kpa!
- <sup>19</sup>Anee Pita ne Jɔn chaje ɲɔ, "Hε gbabir di kasinteɲ. He ɔma ne Korowii ɔma, amee magra Korowii be nɔ?"
- <sup>20</sup>Waa ya gbagba aa naa de no la, yaa won gel a bola bwa!"
- <sup>21</sup>Belaa nomonome la kwaa aah ba kohona gwaa logla la, de gel ba. Ba nao keɲɔ ba ɲɔ bá ham ba ɲwene belbwa ta naa, nera la aa ban seh,

<sup>22</sup>dɛkalkɛŋɔ baa la baa chaoh la gwaa bene fifraanaare o weela la ta, ase nera la bwa na ge baa chaoh la dɛɛ kooga dɛɛ jam Korowii.

<sup>23</sup>Baa gel Pita ne Jɔn la, ba la ba bala la be dɛ ka bagle ge Sɔfore Nomoa ne nomonome la aa bola la.

<sup>24</sup>Ba bala la aa no waa la la, ba bwa pɛo soŋe Korowii ŋɔ, "Ya Dɔɔ haa ɛ komelbwa dɔɔ, hen ta nyundua ne hare ne mpo ne kwaa aa lɔ a ta bwa!

<sup>25</sup>He chege he Domadɛge ta dɛ gel ya naa Devid waa ɛ he bonɔɔ la ŋɔ, 'Ɛrɛɛ nenhɔhra baa wola Juda tena ɛɛ la lɛ gaeh, dɛɛ le jina dɛɛ koh ba te pɛɛ nɔɔ?

<sup>26</sup>Hare ta koranar kpɔ ba te dɛ cheme, dɛ yo N Naa Korowii ne o Kristo la.'

<sup>27</sup>Kpela ge, Hɛrɔd, ne Pɔnteɔs Paelet ne nenhɔhra baa wola Juda tena ɛɛ, ne Israel tena bwa cheme bwɛɛ nɔ ta. Ba yo Yeesu, he gbagba bonɔɔ waa wola wechɔge belbwa dɔe la. Onɛɛ he ɛ he Kristo la.

<sup>28</sup>Ba bwa chemo dɛ ɛ waa he gbagba aa kpɔ he kpegri ne he tetoora vɔrɔwe ŋɔ aa ɛo la.

<sup>29</sup>N Naa Korowii, berɛ na ge baa dɔa aah he bonɔɔna, dɛ tɛɛ ba kpegri ba won bol he waa bansua bwa ne.

<sup>30</sup>Tɛɛ ba kpegri ba won dɛɛ chah weela, dɛ gel ba che he gbagba bonɔndɛge Yeesu nɛɛ dɛ ɛ wekpega ne nyokpowa."

<sup>31</sup>Baa soŋe Korowii tonɛ la, dea baa lɔ o bini la jigro. Korowii Domadɛge la baa so ba nɛ, ase baa bol Korowii Waa la bansua bwa ne.

<sup>32</sup>Dɛ nera baa yarada Yeesu waa la dɛ ɛ asɔre tena la bwa dɔ nyopɛo, ba liire bwa ge ɛ benkpɔŋ. Belbwa ta o gbagba kondɔla kpɔɛ ɛ o gbo kwa. Dɛ belbwa dɔ kon aa, o dɔŋ konee.

<sup>33</sup>Kpegri tenten nee Yeesu toroma la di o seo ta ira la danseɛ. Ase Korowii cha ba, dɛ gel ba won dɛɛ bonyen nera.

<sup>34</sup>Dɛ ba belbwa toole aa noo, dɛkalkɛŋɔ dɛ banɔ la baa dɔ deene ne harere la dɛ yoga,

<sup>35</sup>dɛ kpɔ a suuga dɛɛ ba Yeesu toroma la be, ase baa bɔna ge aa che kɛ belbwa dɔ.

<sup>36</sup>Dɛ ba bini bel le Lewi dea, ba lolɔ Saepros, ase baa yerɔ Josef. Dɛ Yeesu toroma la dɛ yerɔ Banabas. O sɔn la munii "Nɛn waa dɛ do nera gbemba."

<sup>37</sup>O kaa yog o hare bel dɛ kpɔ a suuga ba te Yeesu toroma la.

## We-la 5

<sup>1</sup>Dɛ baa bel sɔne Ananias, o haah ge sɔne Safaera. O ne o haah yog ba hare bel,

<sup>2</sup>ase ba nyoa pɛ, ase o kpɔ suuga la ane sɔh, dɛ kpɔ a kabora ba te Yeesu toroma la.

- <sup>3</sup>Belaa Pita bōoro ŋɔ, "Ananias, ɛrɛɛ he gel Bōnsam won negre dɛ gel he ba negre Korowii Domadɛɛge la, dɛ kwaa he suuga la pera sɔh nɔɔ?"
- <sup>4</sup>Haa wola hare la yoge mɔɔ la, dɛ hen dɔ he kon. Haa yogu tonɛ la ge la, dɛ suuga la ge ɛ he kwa. Aah dɛ bɔkwaa gela he ɛ ge nɔɔ? Nɛwɛnyini laa he negre nɔ. Korowiirii he negre la!"
- <sup>5</sup>Ananias aa dena no waa nɔ la, o den chole, dɛ sewɛ ge. Nɛra baa no a ge waa nɔ la bwa ɔmɔ kɛrɛdɛ.
- <sup>6</sup>Belaa bonɔɔna bane ir dɛ ba vɔrɔwo, dɛ cheo le buse, dɛ ka hugo.
- <sup>7</sup>Tama, dɛ o haah ge balɔ, dɛ waa jeme kɛŋɔ waane ɛ o jaa.
- <sup>8</sup>Anee Pita bōoro ŋɔ, "He ne he jaa hare la haa yoga la, o suuga bwaa nɔ naa?" Ase haah la seh ŋɔ, "Ɔɔh, a bwaa."
- <sup>9</sup>Belaa Pita pɛero ŋɔ, "Ɛrɛɛ he ne he jaa nyoa pɛ ase he daah Korowii Domadɛɛge dɛ na nɔɔ? Bonɔɔna baa kaa huge he jaa laanee tel doonyoa la. Baa che he gee le buse."
- <sup>10</sup>Bug la ta dɛ o ge cholo chɔ Pita sie bela, dɛ ge sewɛ. Bonɔɔna la aa bala dɛ o ge sewɔ, ase ba cheo le buse dɛ ka hugo o jaa jwɛh.
- <sup>11</sup>A gelɔ asɔre tena la bwa ne nomɛlbwa waa no a waa ɔmɛ taeh.
- <sup>12</sup>Dɛ Yeesu toroma la dɛ ɛ wekpega ne nyokpowaa nɛra la bini. Dɛ asɔre tena la dɛ cheme Korowii Dea la dahara bobel baa dɛ yerɛ bela Solomɔn Pato la ta.
- <sup>13</sup>Dɛ nɛra baa wola Yeesu waa yarada la dɛ kpɛɛ ba kɛrɛdɛ. Kɛ dɛ ba dɛ ɔmɛ kɛŋɔ bɔ ba puu ba dɛɛ so Solomɔn Pato ta bela.
- <sup>14</sup>Dɛ balaa nɛra ge den na dɛɛ ba dɛ baa ja ba nɛ. Dɛ ba bini baala ne haahna bwaa dɛɛ ba dɛ kpɔ ba te tɛ Yeesu.
- <sup>15</sup>Nɛra koh Yeesu toroma la toma baa dɛ ɛ la waa dɛ che weela tena ne ba mpare ne ba kalaŋre ba bil ŋwɛnɛ nyoa, áse dɛ Pita ba dɛ kaa laa, o lileo dawɛ bane nɛɛ ase ba gbaŋre.
- <sup>16</sup>Ase nɛra le Jerusalem bwɛjegre la ta dɛ ba pirim, dɛ che weela tena ne nɛra kwaa aa dɛ ir ba nɛɛ bwa ba, ase ba bwa dɔ bokpega.
- <sup>17</sup>Kɛ Sɔfore Nomoa la ne o nɛra baa ɛ Saduki tena la bwa aa na toma Yeesu toroma la aa dɛ tomɛ la, a ɛɛ ba bɔweela kohona,
- <sup>18</sup>ase ba ir kpɔ ŋwɛnɛ bel dɛ lawɛ Yeesu toroma la do dea, bela baa dɛ do nɛra bwa la.
- <sup>19</sup>Awola jwaana la, nyundua torome bel baa ya dea la gbera dɛ le Yeesu toroma la ne buse, dɛ ŋɔ ba be ŋɔ,
- <sup>20</sup>"Hé la ka che Korowii Dea la bini dɛ ka bol Yeesu ŋwɛnɛfale nɔ waa bwa nɛra be."
- <sup>21</sup>Yeesu toroma la no nyundua torome la waa la, ase tɔ aa pera chɔmbibi ne la, ba ka jo Korowii Dea la bini dɛɛ bol Yeesu waa la. Awola chɔɔ ne la, Sɔfore Nomoa la ne o

nera yere Juda tena nomonome la bwa de ba cheme, de tome nera no ba la dea la baa lawe Yeesu toroma la do la bini de ka lee ba ba.

**22**Toroma la aa la dea la bini la, ba ta Yeesu toroma la ka nae, de bere ba nomonome la be de ba no,

**23**"Yaa la bela de konkare baa kpoa kare gbeni la ta lo a ta, de nera baa de nyin doonyoone la ta la ge chege bela. Ke yaa ya gbeni la la, ya ta nomelbwa nae dea la bini!"

**24**Sofonomome la ne nomoa waa cho nera baa de nyin Korowii Dea doonyoo la nyoa la aa no a ge waa no la, a ee ba anebelbwa. Ba ta wone jeme waa la mun.

**25**Belaa baa bel ba de ba no. "He no bono! Nera la haa do ba dea laanee lo Korowii Dea dee bagle nera Korowii Waa la!"

**26**Ase nomoa waa cho nera baa de nyin Korowii Dea doonyoo nyoa la ne o nera la de ka lawe Yeesu toroma la ba. De ba de ome kejo de ba kpo kpegri lag ba aa, ba bwee tena la baah nee diu, ba ta bwea fog ba. Anomanta ba lag ba kaa jeih ken.

**27**Ba ba Yeesu toroma la ne de ba gel ba che Juda tena nomonome la baah ta, ase Sofore Nomoa la bo ba no,

**28**"Yaa kah heyaa no he be too gel ya na heyaa hee bol baa no waa la, eree he bere dee e ja no? He nyin na kejo haa bol o waa a pere Jerusalem bwa ge! Eree he chaa o seo waa dee chog yaa no yan gela ba kpoo no?"

**29**Belaa Pitawa no, "Korowii che kejo ya ome gwaa newenyini.

**30**Korowii la ya naanar aa de tomo laanee ir Yeesu la haa kpaaro pel dagagre ta de kpoo la.

**31**Korowii iru seo ta de kpo ka so nomombor o dig ta, de eo nera bwa Sitoo ne ba Lee, ase de koh o waa de kpo Israel tena baa chare ba liire le ba wechoga ta la wechoga ke ba.

**32**Nae yaa na waa no la waa yaa di a dansee la. Korowii Domadeege waa kpoa te nera baa de teje o nwene ta la ge chege ya nee dee di waa no dansee."

**33**Nomonome la aa no Yeesu toroma la waa no la, ba bwaawee iro kohona, ba fe ee nyin kejo ba kpoo ba.

**34**De Farisii te bel lo bela baa yero Gamaleel. De o de bagle nera Mosis Mmara, nera bwa gee teo duure. O iro che ba baah de no ba le Yeesu toroma la ne buse tama.

**35**Anee o no nomonome la be no, "Yabala Israel tena, hee do nera no deego keredee.

**36**Baa la ba faa yero Teodas faa bala de ba kpo o te e nenjen la, nera de e lafraanaare fa ta o nee tejaa? Baa kpoo la, o haboo tena la bwa ta loe pegre, ase o waa waa kpona dee gaage la bwa sooh naa?



<sup>37</sup>A haboo la, Galilia te ba faa yero Judas la fa ta lee a ge san baa de kure nera la, de ge ba yo Abane nomonome de do nenlaa kohona naa? Ba ta o ge kpoe ase o nera la ge bwa pegre aa?

<sup>38</sup>Anomanta n poo heya, he be nera no wobelbwa e. He gel ba jeiih ken. De ba gbagba liire ne ba bokpega binii baa e ba waa no naa, ba waa no ee sohnnoo.

<sup>39</sup>Ke de Korowii be gee a le aa, eree he e won na kenjo hee wonoo sooh ba waa no no? He ta kerede nyiṅaa, Korowiirii hee yo laa la oo!" Ase nomonome la teṅe Gamaleel waa la ta.

<sup>40</sup>Ba yere Yeesu toroma la jo dea, de loo ba chweremi ne, de kwaa aah ba ḡo ba be too kpo Yeesu son bol waa kpa, de kpo ba ta.

<sup>41</sup>Baa le nomonome la be, de ba sie leo kohona kenjo Korowii aa tee ba son de gel ba ge maga no doṅ won koh Yeesu waa de di sihih ne weweele la.

<sup>42</sup>Anomanta toṅere te belbwaa baa bol Amanesoma la Korowii Dea la bini ne nera deremi kenjo Yeesuu Kristo la Korowii aa bage nyoa ḡo wee tomoo ase o ba le o nera la.

## We-la 6

<sup>1</sup>A haboo la, asore tena aa ba de ware la, nagra baa chole Juda tena baa e hoohra dee bol Grik wobol la, ne bano la baa de bol Juda wobol la baah ta. De ba de bone suuga dee te asore tena la toṅere belbwa. Ase Juda tena baa de bol Grik wobol la ḡo baa ba te luhaahna te.

<sup>2</sup>Bela Yeesu toroma fi de bane la yere asore tena la bwa cheme, de ḡo ba be ḡo, "A ta magre kenjo ya gel Korowii Waa bagla dee nyiṅi suuga waa ta.

<sup>3</sup>Anomanta, yabala, he nyiṅi de le he bini nera banuane nera bwa aa jema kenjo ba e nendeege ase ba we-eela ee bagle kenjo Korowii Domadeege la soḡe ba nee kpegri nee de gel ba e wejerema la, ase ya kpo suuga waa no do ba non ta,

<sup>4</sup>ase ya te won do bor de kpo Korowii soṅa ne o Waa bola gbo e ya toma."

<sup>5</sup>Nera la bwa sie le waa la Yeesu toroma la aa bola la ta, de le baa bel Korowii Domadeege aa soḡe o nee kpegri nee wee yarada Korowii dee tomoo kasintey ne baa yero Steeven la. Nera baa jaa la ge sonaa Felep, ne Prokoroos, ne Nikeno, ne Taemon, ne Paamenas, ne Nikolas. De Anteok tee Nikolas no, ase wee tome Korowii Juda tena ḡwene baa de tome Korowii la ta.

<sup>6</sup>Nera la kpo a ge nera no bagle Yeesu toroma la, ase ba kpo ba noora darawe ba nee de soṅe Korowii tee ba.

<sup>7</sup>Korowii waa la pere bela. De nera baa yarada waa la de baa ja asore tena la nee Jerusalem la de ware tenten. Hale Sofore la kerede bwaa yaradaa de baa teṅe Yeesu ḡwene la ta.

<sup>8</sup>De Korowii cha Steeven kohona, de tɛo kpegri o won dɛɛ ɛ nyokpowaa ne waa aa kpega nera baah ta.

<sup>9</sup>Belaa Juda tena baa de cheme cheremi dea bel baa de yero Libetines la ta la ir dɛɛ tɔŋle Steeven. De Juda tena nɔ le Sairini ne Aleksandrea, bane ge le Silisia hare ne Eesia hare ta.

<sup>10</sup>Baa de tɔŋlo la, Korowii Domadɛɛge la tɛ Steeven wejema kohona de gel wobɛlbwa waa bola la, baa wechɔge belbwa na a ta. O bol waa la bwa bɔ ba.

<sup>11</sup>Ase ba soh kpɔ suuga tɛ nera bane de do ba ŋɔ, "Hɛ ŋɔ he na baa nɔ keŋɔ waa de bol Mosis ne Korowii nenhelwobol."

<sup>12</sup>Kenii a ge nera nɔ ɛ de won bere ba bwɛɛ tena ne Juda tena nomonome ne Tɔn Jerema la bwa liire de gel ba baah di Steeven nɛ. Ase ba lawɔ la ba nomonome baa de bol waa dɛɛ pa bole sie.

<sup>13</sup>Ba gelɔ nera bane ge ba teŋe nyosone de bol waa baa wola nae bwa dawɛ Steeven nɛɛ ŋɔ, "Tɔpere belbwaa baa nɔ bol waa dɛɛ yage ya Korowii Dea nɔ ne Mosis Mmara la.

<sup>14</sup>Ya noɔ waa ŋɔa ŋɔ Yeesu waa le Nasaret la ɛɛ pagre Korowii Dea noɔ, de begre ya mmarare ne ya waa Mosis aa bagle ya naanar la bwa."

<sup>15</sup>Nomonome la ne nera baa lɔ bela la bwa kpɔ sie pa Steeven nɛ. De o sie bɔr de nyegle al-al keŋɔ nyundua torome sie bɔr ken.

## We-la 7

<sup>1</sup>Belaa Sɔfore Nomoa la bɔɔ Steeven ŋɔ, "Kpelaa ba ŋɔ nɔ naa?"

<sup>2</sup>Anee Steeven chaje ŋɔ, "N mɛɛwa ne n dɔɔranar, hɛɛ no waa nɔ maa de ba bola nɔ! A ge saŋ la ya naa Abraham aa wola Haran kaale mɔɔ la, Korowii waa ɛ jirima bwa dɔɔ la ba o be Mɛsopoteemea hare ta,

<sup>3</sup>de ba ŋɔ o be ŋɔ, 'Gel he lolanar de le he hare haa lɔ o ta nɔ ta de ka so hare maa de ba he bagla la ta.'

<sup>4</sup>Ase Abraham ir le o hare ta de ka so Haran. O mɛɛ aa sewa habɔɔ laanee Korowii gel o ba so hare nɔ haa soge o ta fini nɔ ta.

<sup>5</sup>A ge saŋ la, Korowii ta hare la pera teŋe tɛ Abraham keŋɔ o ɛ o ge kon nɔ. O ta nagale beŋkpoŋ del kwaraa teŋe tɛo. Ke Korowii bagɔ nyoa ŋɔ wɛɛ kpɔɔ tɛo, ase hare la ɛ o ne o naanar kon. A ge saŋ la Korowii aa bage Abraham nyoa nɔ la, de o ta bii dɔe mɔɔ.

<sup>6</sup>Waa Korowii aa bol Abraham be laanee keŋɔ o naanar ɛɛ ka bere hɔɔhraa hare bel taa, ase bela tena kpɔ ba ɛ yoma de fig ba kohona bene lafraanaare.

<sup>7</sup>De ŋɔ wɛɛ bol a ge hare la tena waa de pa ba bole, de bɔ ba a kem, ase a habɔɔ la o nera ba bonɔ de baa tomɔ.

- <sup>8</sup>Ase Korowii bagle Abraham ḡ wée teje o bii pena áse a ge waa la ε nawee de che te o ne Abraham fɔo la baa fɔwa la wa. A waa Abraham aa lolε o bie Aesek o do yawanyoa benkpɔŋ la, ba teje o pen. Aesek ge aa baa lolε o bie Jekɔb la, o teje o pen. Ase Jekɔb ge teje o bii fi de banε baa ε ya deene nomonome la bwa pena.
- <sup>9</sup>"De Jekɔb bii la aa ba nime Josef la waa nyin, de kpɔ bɔweela yogu te Ijpt tena, ase ba ka kpɔ ε ba yom. De Korowii teje Josef ne,
- <sup>10</sup>anomanta wobεlbwa ta on εε o wahala waa naa la bwa ta. A balɔ keḡ Josef la Ijpt hare koro be, Korowii teo jirima ne liire, ase o waa too koro la tea kohona. Anomanta o ε Josef o hare la bwa ne o dem tena bwa nomoa.
- <sup>11</sup>"Belaa lor ba chole Ijpt ne Keenan hare bwa ta, ase baa na wahala kohona. De ya naanar ta kondikwaa dεe de di.
- <sup>12</sup>Belaa Jekɔb ba no keḡ kondikwaa lo Ijpt hare, de tome o bii la ḡ ba la bela ka yawε ane ba. De ba logla laḡa baa de la bela bwaa la.
- <sup>13</sup>Baa bera ba la bela neetena la, Josef kpɔ o te bag ba, ase ba jeme keḡ ba nime Josef laanee on. Ijpt hare koro la ge baa jeme ba wa.
- <sup>14</sup>Belaa Josef kal o mee Jekɔb ḡ o ne o bii ne o naanar la bwa ba so o be Ijpt hare. De ba bwa lo nera fifraanuane de nera banue.
- <sup>15</sup>Ase Jekɔb ir kaa Ijpt hare de ka so bela. Belaa o ne o bii la bwa ka serewe.
- <sup>16</sup>Baa serewa la, ba cheg ba la Sekem, de ka hug ba lalbɔo la Abraham faa yawa Hamo dea tena be la ta.
- <sup>17</sup>"Korowii nyobaga waa bage Abraham ke weε lee ba Ijpt hare taa de tee ba harefale la aa tela la, de ya naanar baa lo Ijpt hare la warɔ kohona.
- <sup>18</sup>Koofale waa wola Josef waa jeme baa di Ijpt kora.
- <sup>19</sup>De o de neg ba deε εε ba nyubinikpeg, deε fig ba, de gel ba kpɔ ba bechasɔhne kaa ta baa serewe.
- <sup>20</sup>"A ge saḡ nɔo ba lolε Mosis. De o wer bonɔo kerede. O nya nyiḡi o neε korobie atoro mɔo de kpɔo ka ta.
- <sup>21</sup>Baa tao la, a ge koro la bihaahnee nao de kpɔo de nyiḡu keḡ o gbagba bie.
- <sup>22</sup>Mosis hweli Ijpt tena waa bwa de do ba wejema bwa. De o wobol de jo deḡne, o bere won wejema ge εε ja.
- <sup>23</sup>"Waa baa do bene fifraanaare la, a ba o nyu bini keḡ o nyiḡi de na ge baa de ε o bala Israel tena la.
- <sup>24</sup>Waa baa na Ijpt tena la bel weε fiḡi o bwεε te awola bel la, o le o bwεε te la nyoa de kpɔ Ijpt te la bɔ kem.
- <sup>25</sup>De o de lii keḡ o bwεε tena la εε jemɔo keḡ Korowiiri deε nyin o kpɔo lee ba ta, ke ba ta ge jeme.

- 26 Tɔ aa pera la, o na Israel tena bane baa yo, de la ɲo ó ka larawe ba yoi la. O ɲo ba be ɲo, 'Nembenkponjii heya. Bɔkwaa dɔ heyaa hee yo ken ɔ?'
- 27 Ase ba bini onɔ la waa de wegre o dɔɲ nyoa la tage Mosis de bɔɔro ɲo, 'Umee chege kora ta ɲo hé baa nyiɲi ya nee dee bol ya waa dee pa bole ɔ?'
- 28 He de nyin he kpo me ge haa kpo Ijpt te la de la kee?'
- 29 Mosis aa no a ge waa nɔ la, o ɔmɔ, de chwa le Ijpt hare de ka so Midian hare ta. O lole bibaala bane bela.
- 30 "Bene fifraanaare aa baa gale Mosis nyu ta bela la, o la pua bel waa e henje gbo ta, Sinai bwejen la bɔr, de ka na nyundua torome bela. De dawii ane aa de lawe baahnee nyundua torome la che.
- 31 De dawii la de lawe, ke de aa fuh. Anomanta a e Mosis anebelbwa, ase o tuuh tel ninlao la bɔr dé won na kerede. Waa tuuhna de tel bela la, o noo keɲo Korowii aa de bol ɲo,
- 32 'Menee Korowii la he naanar Abraham ne Asek ne Jekɔb aa de tome la.' Mosis ɔmɔ dee chel, o ta bere dɔ bambile dé nyiɲu.
- 33 Ase Korowii ɲo o be ɲo, 'Foo he nangawa, dekalkɲo n siee he che la.
- 34 N na fiiga Ijpt tena aa de fiigi n nera Ijpt hare la, de no ba wii baa de wi la bwa ge. A balaa n ba ɲo n ba lee ba ta la. Anomanta n de ba he toma Ijpt hare.'
- 35 "Mosis la Israel tena faa veoh de ɲo ó bagle naate waa chego kora ta ɲo ó baa nyiɲi ba nee dee bol ba waa la, onee Korowii tome ɲo ó ba tɔ ba sie de lee ba ta la. Nyundua torome la Mosis aa nao dawii nii ta la nee Korowii che de tomɔ.
- 36 Mosis e nyokpowaa Ijpt hare ta mɔɔ de kpo o nera le bela, de e nyokpowaa Mposwem la ta ne bene fifraanaare baa dia pua waa e henje gbo ta la bwa ta.
- 37 Mosisii ɲo nera la be ɲo Korowii ee tome o keame belee ba be ge waa tomɔ la, de ɲo wee le ba dwee taa.
- 38 A ge Mosis nɔ ne ya naanar ne nyundua torome waa bol waa o be Sinai bwe ta laanee fa de cheme pua waa e henje gbo la ta. Belaa Korowii kpo o waa aa wola gare, aa wola tone ge la, teo ɲo ó ba ɲo ya be.
- 39 "Ke ya naanar ɲo baa o waa no, de veh o nee teɲa dee wi Ijpt hare wa.
- 40 Ba ɲo Aaron be ɲo ó kwaa voga tee ba áse a tɔ ba sie. De ɲo ba ta wone jeme kon la aa e Mosis la waa tɔ ba sie le Ijpt hare ta la.
- 41 Belaa ba ma vog bel keɲo nabii ken de kpoo kwaa dee teo, de koh kon la ba gbagba aa maa la waa di kwa, de sa dee le ba sie.
- 42 Ase Korowii bere habɔɔ kpo ba, de gel baa e ba tetoowaa dee tome wee ne korobie ne weweela aa lɔ nyundua la. Gee ba chwere Korowii Keamere Tɔn ta la ɲo, 'Israel

tena, he faa lo pua waa e henle gbo ta bene lafraanaare la, menea he fa kpoo kondæera dæe te la aa?

<sup>43</sup>Vog Molok la dea ne wewee la haa mao dæe tomɔ dæe yero Refan la laa he che dæe gaage la aa? He gbagbaa fa ma a ge voga no dæe toma. Anomanta mæe donji heyaa kaa Babilon hare ta de kaa he ne bojanj.'

<sup>44</sup>"Ya naanar aa lo pua waa e henle gbo ta la, de ba do tone ane baa de banra kenjo dea ken, ase a ge dea la e Korowii dobɔr. Ge Korowii aa bagle Mosis laanee ba kwaaro.

<sup>45</sup>A ge Korowii Dea no baa kpo tone banro no baa di ya naanar non ta sanj bel. Ba ge naanaree serewa de kpo tee ba. Ba ne Josua aa de vale la bwa, de ba chege a ge debanjre la tone. Baa de kaa la bwa de Korowii de donji nera baa lo ba sie bwæere la ta la ase baa so a ta. Gæe dea la do ba be ka tel sanj la Devid aa baa di kora la.

<sup>46</sup>De Korowii de nyin Devid wa. De Devid de nyin o ma dea ase o e Korowii o naa Jekob faa de tome la dea. Belaa o soje Korowii no o teo njwene ase o ma a ge dea la.

<sup>47</sup>Korowii ta on a ge njwene tee. Devid bie Solomonee bera ba ma Korowii Dea la.

<sup>48</sup>"Ge Korowii keame la aa bagla la, Korowii waa kana gwaa komelbwa la aa deene newenyini aa maa la ta so. Korowii keame bagle ge Korowii aa noa no,

<sup>49</sup>'Nyunduaa n kara, ase hare gee n nakpajagrebɔr. Debesoo siwii hee ba wona ma ni jo o ta no? Debesoo taa ni won jo de cho onoo?

<sup>50</sup>N gbagba laa ta kwaa no bwa kee?' "

<sup>51</sup>Ase Steeven ee bol waa de no, "Denjekpeg tena, eræe he bambili do kpegri kenjo nera baa wola Juda tena ee noo? Eræe haa wola Korowii Waa no ken? He ne he naanar bwa benjkonj, haa Korowii Domadæege la waa nyin de no sanj te belbwa.

<sup>52</sup>Korowii keamere la bini ume nee he naanar aa wola chege de eo sagasaga no? Ba ta nera Korowii aa toma no ba ba bol o nenkaih la bala waa la kpoora? Waa bala la, he ge ta on yoge de kpoo waa?

<sup>53</sup>He non taa nyundua toroma kpo Korowii mmarare la ba do, ke he ta a ta tenje!"

<sup>54</sup>Nomonome la aa no ge Steeven aa bola la, de ba baah diu, baa pwee dæe chwee bobelbwa.

<sup>55</sup>Korowii Domadæege aa soge Steeven nee kpegri nee nomanta, o nyinji nyundua de na kenjo bɔr aa chaahna werwer ken Korowii be. Ase o na Yeesu chega nomombɔr Korowii dig ta bela,

<sup>56</sup>ase o no, "He na! N na nyundua aa pila ase Nen Bie la che nomombɔr Korowii dig ta bela!"

<sup>57</sup>Belaa nomonome la nyeg o nee bab! de kpo noora tooge ba denja de be o wobol la no kpa. Bug la ta de ba bwa loo ba to o ne,

<sup>58</sup>de tuugu le bwεε la dahara. Nεra baa no o wobol la foo ba laala bil bonoo bel baa de yero Sool sie moo, de la ka fogre Steeven bwea.

<sup>59</sup>Baa de fogro bwea la, de o yere Yeesu, dεε ηo, "N Doo Yeesu, n kpo n lileo dεε do he non ta de sewe!"

<sup>60</sup>Belaa o guni hare de bol waa takpeg ne ηo, "N Doo, be gel a ge wechoga no gure ba ne." Waa ηo ge tone, o den sewe.

## We-la 8

<sup>1</sup>Baa kpo Steeven la, Sool seoh ηo o che kpoε. Awola topere la ba fiigi asore tena baa lo Jerusalem la, ase ba chwa pegre Judia hare ne Samaria hare bwεere la ta. Yeesu toroma la gboo wola chwae.

<sup>2</sup>Nεra baa de ome Korowiiri kaa huge Steeven de wiu kerede.

<sup>3</sup>Sool ge ε wobelbwa waa won de chog asore tena la waa bwa, de jo bela deremi bwa ta de tεgre ba bini baala ne haahna bwa kaa do dea.

<sup>4</sup>Bobelbwa asore tena la aa pegra de la la, ba bol Amanesoma la dεε gaage.

<sup>5</sup>Felep iro la Samaria hare bwεε bel ta, de ka bol Kristo la Korowii aa ηoa ηo weε tomoo o ba le yaa la waa bela tena be, de ka bag ba ηo Yeesuu Kristo la.

<sup>6</sup>Nenlaa la aa na nyokpowaa waa de ε, de no o wobol la, ba cheg deηne no o be,

<sup>7</sup>dekalkεηo o wono doηi kwaa aa de ir nera la kerede neε ta. Aa de le la, de a de dooge loηore. Felep chah nera ba bobela aa serewa ne boobie ge ja,

<sup>8</sup>ase bwεε la tena sie le kerede.

<sup>9</sup>De baa bel lo bwεε la ta de ε o te bebee bel baa yero Seemon. O bebeewaa la kpo Samaria tena bwa nyoa. De o de mankura o te dεε yere o te nenjen bel.

<sup>10</sup>Anomanta bela bechale ne ba nomonjena bwaa cheg deηne de yon dεε no o be, de ta kane so dεε nyiηi o we-εela. Ba nyoa kpo o waa de ηo, "Jamoo Korowii kpegnen baa de yero Kpegri Tenten Doo laanee no?"

<sup>11</sup>Seemon soge bela bigri. O bela soga la saη bebeewaa waa εa la ta wekokori εε, anomanta ba ta kane so de cheg deηne no o be kerede.

<sup>12</sup>Baa bera ba no Amanesoma waa Felep aa de bol dεε bagle Korowii Kora ne Yeesu Kristo waa la, ba yaradao. De ba ne ba haahna bwa de ba baa so ba Korowii ne.

<sup>13</sup>Seemon Bebee la gba beroo ba yarada Korowii waa la, ase ba soo a ne. Baa soo nee la, o kpo o te pel Felep. Bobelbwa Felep aa de la la, o ne onee dεε la. Seemon aa na nyokpoa tomkpega Felep aa de ε la, a εo anebelbwa.

<sup>14</sup>Yeesu toroma baa lo Jerusalem aa noa keηo Samaria tena yarada Korowii waa la la,

<sup>15</sup>ba tome Pita ne Jon ba be. Baa la bela la, ba kaa soηe Korowii tee ba, ase Korowii tee ba o Domadεεge la.



- 16**De Korowii ta gele o Domadæege la so ba belbwa nêe mɔɔ. De nee gboo ba so ba baa teje ya Doo Yeesu ne.
- 17**Pita ne Jon kpɔ ba noora darawe ba ne, ase Korowii gel o Domadæege la ba so ba ne.
- 18**Seemon aa naa keɲɔ darawa Pita ne Jon aa kpɔ noora darawe nera la nêe laanee gela Korowii Domadæege la ba so ba nêe la, o kpɔ suuga ba ba be,
- 19**de ɲɔ ba be ɲɔ, "Hé le de te n ge a ge kpegri nɔ bel áse nomelbwa maa kpɔ noora dawɛ o nêe la, Korowii Domadæege la ee so o nêe."
- 20**Belaa Pita ɲɔ o be ɲɔ, "He ne he suuga bwa ee pɔɔh! Eree he e na keɲɔ hêe wonoo yawɛ Korowii Domadæege waa kpɔa ke o nera nɔɔ?"
- 21**He ta ya toma nɔ ta jae, he ta dibɔr ge dɔe a ta, dekalkɛɲɔ he bambile ta chaahne Korowii be.
- 22**Chare he liire de le he wechɔga nɔ haa de lii nɔ ta, de soɲe Korowii ase de aa magroo waa, ó kpɔ he wechɔga haa liira nɔ kee.
- 23**He boweela gene kohona, he wechɔga ge kan kohona to."
- 24**Anee Seemon ɲɔ Pita ne Jon be ɲɔ, "N poo heya, hé soɲe Korowii te me ase waa haa de bol nɔ belbwa be men e."
- 25**Pita ne Jon babagle waa Korowii aa ea bwa, de bol Korowii Waa bwêe la tena be. Baa tona de bere de kaa Jerusalem la, ba chege Samaria hare bwêere la kerede ta de bol Amanesoma la ba be.
- 26**Belaa nyundua torome bel ɲɔ Felep be ɲɔ, "Ir kaa wekanje hare bɔr le, bela ɲwene bel aa le Jerusalem kaa Gasa la." Pua waa e heɲle gboo a ge bɔr nɔ.
- 27**Felep iro chig ɲwene ta de la, de ka na Itiopia hare hankeero Kandase nomoa waa de cheg o suuga de nyini o kondɔɔh bwa la. De ba fɔge a ge baa nɔ lur.
- 28**O la Jerusalem ka tome Korowii de bere de kaa o bwêe. De o soge kwaa ba yon vɔwe pel jagre de so a bini aa tegra la bel ta de kure Korowii keame Aesaya tɔn bobel.
- 29**Belaa Korowii Domadæege ɲɔ Felep be ɲɔ, "La jagre kon la jweh."
- 30**Ase Felep chwa la o be de ka no keɲɔ waa de kure Korowii keame Aesaya tɔn bobel. O bɔro ɲɔ, "He de no waa haa de kure nɔ mun aa?"
- 31**Anee nomoa la ɲɔ, "De nomel ta men a mun baglaa, mee wonoo no a mun aa?" Belaa o ɲɔ Felep be ɲɔ ó teeh ba so o be jagre kon la ta.
- 32**De Korowii Tɔn waa nomoa la aa de kure laanee la: "O helɔ keɲɔ baa lawe pee kaa kpobɔr o yon hel la. O tɔ nyoa keɲɔ baa de fone pebie pona o yon tɔ nyoa la. O ta nyoa pile bol wobelbwa sese.
- 33**Ba doo sihih de veh o waa bola de teo a ɲwene ta, de kpoo. Waa dɔa sewe la, umee de won bagle o naanar waa kpa ɔ?"



<sup>34</sup>Belaa nomoa la ηῶ Felep be ηῶ, "Bag mē nen la nensoo Korowii keame nῶ aa dē bol o waa nῶ. O gbagba waa wēē bol, kēē nomel waa wēē bol ᵛ?"

<sup>35</sup>Ase Felep le a gē waa la baa la aa kura Korowii Tῶn ta la ta dē bagle Yeesu bwara waa aa ε Amanesoma la.

<sup>36</sup>Baa kpῶ ηwene la ta dēē kaa la, ba kaa le nee bēl ta, anee nomoa la ηῶ Felep be ηῶ, "Nee la. Den sῶ mē Korowii ne. Kε waane lole ja?"

<sup>37</sup>(Ase Felep ηῶ, "Dε he yarada Yeesu Kristo waa bambile bwa ne naa, mēē sῶe a nee." Anee nomoa la ηῶ, "N yaradao. N yaradao kēῶ Korowii Biee Yeesu Kristo.")

<sup>38</sup>Belaa o gel o jagre kon la che, ase ba nera banε la bwa tu dē jo nee la ta, ase Felep sῶo Korowii ne.

<sup>39</sup>Baa le nee la ta la, Korowii Domadεεge baa kpῶ Felep kaa bug la ta. Nomoa la ta on nae kpa, dε chig ηwene ta kaa silεε ne.

<sup>40</sup>Felep ne nyiῆa dε o lῶ Asotas. O le bela bol Amanesoma la baah bela bwεere la bwa ta ka tel Sisaaria.

## We-la 9

<sup>1</sup>Dε Sῶl ta swēē siwi dēē aah asῶre tena la ηῶ wēē kpῶ baa. O la Sofore Nomoa be <sup>2</sup>dε ka soῆo ηῶ ó tεo o nῶn bini tῶn áse o kpῶ gaage bwēē la baa dε yerῶ Damaskῶs la cheremi deene ta, ase dε o na Yeesu ηwenefale tena la bēlbwa naa, baalee yoo, haahnee yoo, ó lag ba dε vῶg ba, dε kpῶ ba ba Jerusalam.

<sup>3</sup>Sῶl aa dε kaa dε ka tel Damaskῶs la, kerabenkpoῆ dε nii le nyundua dε chaah o nε.

<sup>4</sup>Belaa o chole hare dε no kēῶ nomel aa dε yerῶ dēē ηῶ, "Oo, Sῶl! Eεε he che n nēē gε nῶo?"

<sup>5</sup>Ase Sῶl ηῶ, "Henee umeo, n Dῶo?" Ase naate ηῶ, "Menee Yeesu la haa dε yoo mē la.

<sup>6</sup>Kε ir dε kaa Damaskῶs bwēē bini. Belaa hēē ba gε aa chε kε he ε jema."

<sup>7</sup>Nera ba ne Sῶl aa dε kaa la no wobol ane, kε ba ta nen nae. Ase ba jagε che, ba ta jeme waa baa bol.

<sup>8</sup>Sῶl iro che dε pili sie, kε dε waa na, ase ba lawῶ daa ba Damaskῶs.

<sup>9</sup>A di tῶpera atoro, dε waa na. Dε waa kwaa di, waa nee ge nyῶ.

<sup>10</sup>Dε asῶre te bēl lῶ Damaskῶs baa yerῶ Ananias. O nῶo kēῶ Yeesu aa dε yerῶ chaahna ta ηῶ, "Ananias!" Ase o sēh ηῶ, "N Dῶo, menee la."

<sup>11</sup>Ase Yeesu ηῶ, "Ir la fῶgbaah la baa dε yerε bela 'Fῶgtogre' la ta, dε ka jo Judas dem dε bῶo Taasos baa bēl baa dε yerῶ Sῶl la wa. O dε soῆe Korowii,

<sup>12</sup>dε na chaahna bini kε baa bēl baa dε yerῶ Ananias aa baa jo dea dε kpῶ nῶora dawε o nēē ase o berε dēē na ja."

- 13**Belaa Ananias ɲɔ, "N Dɔɔ, nera baa bol baa nɔ waa n be warɔ. O wechɔgdamanta waa ε he nera baa lɔ Jerusalem la bwa waa ba bol n be.
- 14**O taraken bala waa ba Damaskɔs nɔ, Sɔfonomonomee tɛo kpegri ɲɔ ó ba ba larawe ya nera yaa de tomɛ la bwa la."
- 15**Anee Yeesu ɲɔ o be ɲɔ "Kaa! Menee leo dɛɛ nyin n tomɔ áse nera baa wola Juda tena εε ne ba koranar ne Israel tena bwa ba che o nɛɛ de jem mɛ.
- 16**Mɛɛ geloo o jeme wahala bwa waa de ba n waa koeh de na."
- 17**Anomanta Ananias kaa jo dem Sɔɔl aa lɔ o ta la ta, de kpɔ o nɔɔra dawɛ o nɛɛ de ɲɔ, "N dɔɲ Sɔɔl, ya Dɔɔ Yeesu gbagbaa tom mɛ he be. Onee kpɔ o te bagle gɛ san haa de ba bonɔ la. O tom mɛ ɲɔ n ba áse he bere won dɛɛ na ja, áse Korowii Domadɛɛge la ge so he nɛ."
- 18**Bug la ta de kwaane le Sɔɔl sie lee hare keɲɔ pɛɲɛ pɛga ken, ase o bere won dɛɛ na ja. Anee o ir, ase ba sɔɔ Korowii ne,
- 19**ase o di kwa, o bwara do kpegri. O soge asɔre tena baa lɔ Damaskɔs la be tɔpera anɛ,
- 20**ase o den la bela cheremi deene bini de kaa bol Yeesu waa dɛɛ bagle nera dɛɛ ɲɔ Korowii Biee Yeesu.
- 21**Nera baa no o wobol la bwa nyoa kpoo, ba ɲɔ, "Baa nɔ laa fa de ε nera baa lɔ Jerusalem dɛɛ tomɛ Yeesu la sagasaga dɛɛ nyin o kpoo ba la aa? Aah a gɛ asɔre tena nɔ lawa sɔn laa o yere de ba bonɔ dé fe ba lag ba ka te Sɔfonomonome la aa?"
- 22**Sɔɔl aa de bol Korowii Waa la, de name kwaraa o wobol la bini εε do kpegri. O baglɔ le Korowii wobol la ta keɲɔ Yeesuu Kristo la kasinteɲ, anomanta Juda tena baa soge Damaskɔs la ta wone tɔɲlɔ kpa.
- 23**Aa bigra tama la, Juda tena la chemo de vɔrɔwe ɲɔ bá fe kpo Sɔɔl,
- 24**ase o no ba waa baa vɔrɔwa la. (De ba ma danjwɛɛ bar ba bwɛɛ la, ase o do doonyoone.) De ba de daah bwɛɛ la doonyoone chɔɔ ne jwaana bwa dɛɛ nyin bɔr dé kpoo.
- 25**Belaa o habɔteɲra la doo wɛgre bini jwaana de che danjwɛɛ la tokoro bel ta kpɔɔ tu bwɛɛ la dahara, o kaa Jerusalem.
- 26**Sɔɔl aa la Jerusalem la, o laɲɔ ɲɔ ó fe ka ja asɔre tena baa lɔ bela la nɛ, ke de ba bwa de ɔmɔ, ba ta on yaradae ke asɔre tena la belee on.
- 27**Belaa Banabas tɔ o sie de kpɔɔ ba Yeesu toroma la be, de bagle gɛ Sɔɔl aa de ba ɲwɛnɛ ta de ba na Yeesu ase o bol waa o be. Banabas bagle gɛ Sɔɔl aa wona bol waa Damaskɔs bambile ne Yeesu sɔn ta.
- 28**Ate de Sɔɔl ne asɔre tena laanee dɛɛ ε wobɛlbwa Jerusalem bela. O bol waa bambile ne Yeesu sɔn ta.

<sup>29</sup>O ne Juda tena baa de bol Grik wobol la bol waa de toŋle waa kerede, ase baa nyin bor de kpoo.

<sup>30</sup>Sool bala asore tena la aa baa na ge la, ba kpoo kaa Sisaaria, de ka doo nwenε bela o kaa Taasos.

<sup>31</sup>A haboo la, asore tena baa lo Judia ne Galilia ne Samaria harere la bwara sooh ba, ase Korowii Domadeεge la cha ba, nera baa ja ba ne, baa de ome Korowii dee teŋe o nwenε ta nomanta.

<sup>32</sup>De Pita de vale bwere ta taeh. Awola bel o ba Korowii nera baa lo bwεε bel baa de yero Leda la be.

<sup>33</sup>Belaa o ka na baa bel baa de yero Aeneas. De o kuugo so hare bene anuatoro.

<sup>34</sup>Pita no o be no, "Aeneas, Yeesu Kristo chaeh. Ir che de gugri he kalaŋ bug no ta." Bug la ta de Aeneas iro che.

<sup>35</sup>Nera baa lo Leda ne Saron bwa na baa la de chare ba liire, de teŋe Yeesu ne.

<sup>36</sup>De haah bel lo Jopa de ε asore te baa yero Tabita. Grik tena ge de yero Dookas. De haah la de ε wedεεga taeh dee cha nyaara.

<sup>37</sup>A ge saŋ Pita aa lo Leda la, Tabita bwara weo o sewε, ase ba soo ne de kpoo bil abrosane bel doa.

<sup>38</sup>De Jopa ne Leda aa jaŋε, anomanta asore tena baa lo Jopa la aa noa keŋo Pita lo Leda la, ba tome baala bane o be de no ba ka no o be no ba de soŋo ke o gel wobelbwa de ba ba be warane.

<sup>39</sup>Toroma la aa laŋa la, Pita kpo o te de puu ba kaa. Waa laŋa la, ba kpoo deeh abrosane la. De luhaahna baa lo bela la bwa baa chwa baro dee wi, de kpo batakaani ne yale Tabita aa soah ge saŋ waa wola sewε mo la dee bagle Pita.

<sup>40</sup>Pita doŋi ba bwa le buse de guŋi hare, de soŋe Korowii, de bere sie lale la be de no, "Tabita, ir!" Haah la pili o sie. Waa na Pita la, o iro so.

<sup>41</sup>Belaa Pita tel o be de lawo ir che, de ka yere asore tena ne ba bini luhaahna la bwa de kpo haah la waa iru la tee ba.

<sup>42</sup>A ge waa no pere Jopa bwa, ase nera kerede che a ta de yarada Yeesu waa la.

<sup>43</sup>A haboo la, Pita soge Jopa bela bigri. De gbansaba bel baa de yero Seemon la deaa o do.

## **We-la 10**

<sup>1</sup>De baa bel lo Sisaaria baa yero Konεεleos. Itali hare soojare bane nomoaa on.

<sup>2</sup>O ne o dem tena bwa de tome Korowii. De o de cha Juda tena baa ε nyaara la taeh, dee soŋe Korowii saŋ belbwa.

- <sup>3</sup>Awola bel o na waane kenjo deera ken wekee san. O nao kenjo nyundua torome bel aa baa jo o be de yero ho, "Konēlees!"
- <sup>4</sup>Ase o ha sie nyinjo omee ne de ho, "Ere yoo? A som aa, n Doo?" Ase nyundua torome la ho, "He soja haa de soje Korowii, ne he chae haa de cha nera la le o sie, o de ba he chae.
- <sup>5</sup>Tome nera ba la Jopa de ka yere baa bel baa de yero Seemon Pita la ba.
- <sup>6</sup>O e hoo de do gbansaba bel waa soge mpo nyoa baa yero Seemon la dem."
- <sup>7</sup>Nyundua torome la aa bol waa tone la, o kaalo, ase Konēlees yere o bonona bane ne sooja bel waa de tome Korowii kohona dee teje o Konēlees nee san belbwa la,
- <sup>8</sup>de bol waa la bwa chag ba, de tom ba Jopa.
- <sup>9</sup>To aa pera baa la de ka tel Jopa la, Pita deeh sal dea webanja ne dee ba Korowii soja. De wee chege nyufala.
- <sup>10</sup>De lor lawo, ase wee nyin kwaa de di, ke de ba ta de e o kondikwa. Belaa o na waane kenjo deera ken.
- <sup>11</sup>O nao kenjo nyundua aa pera, ase ba lawe komel kenjo yajen o nyoo bore anaare la bwa, kwaane do o ta a sage jeehjeh de le nyundua dee ba hare.
- <sup>12</sup>De naa anaare tena ne ola aa de tuugi hare ne ano la aa de huuh ne jumbii bwa lo yal la ta.
- <sup>13</sup>Belaa Pita no kenjo nomel aa ho o be ho, "Pita! Ir de kpo chwe!"
- <sup>14</sup>Ase Pita ho, "Ei! N Doo, ge aa won magre. N ta konkiila dii bwa."
- <sup>15</sup>Anee naate bere ho o be neetena ho, "Kon Korowii aa laa o donja kro o nee la, be on kondon yere kpa."
- <sup>16</sup>A ge waa no eo kera atoro moo kon la bere kaa nyundua.
- <sup>17</sup>Pita aa wola waa la mun jeme de so sakaa la, kerabenkpon de nera Konēlees aa tom ba la balo. Ba boo Seemon dem de ka che dem la doonyoa,
- <sup>18</sup>de yere nomel de booro ho, "Seemon la baa de yero Pita la lo dem no ta kee?"
- <sup>19</sup>Pita liire aa lo waa la ta o taa lii la, Korowii Domadeege ho o be ho, "Nera batoro bane de nyin he bor,
- <sup>20</sup>anomanta be ome. La ba be, dekalkenjo menea tom ba."
- <sup>21</sup>Anee Pita ir la nera la be de ka ho ba be ho, "Men no, a som aa?"
- <sup>22</sup>Ase ba ho, "Soojare nomoa Konēlees laanee tome yaa. O e nendeege waa de tome Korowii, ase Juda tena bwa ee duuru. Nyundua torome belee ho o be ho o yere ba o dem de no waa haa de ba o be bola."

- 23 Belaa Pita ɲɔ ba be ɲɔ bá chɔ o be áse tɔɔ per ba kaa. Tɔ aa pera la, Pita bala asɔre tena baa lɔ Jopa la bane ja o nɛɛ ase ba ne toroma la kaa.
- 24 Baa lea la, tɔɔ perɔ mɔɔ ba tel Sisaaria. De Kɔnɛɛleɔs yere o lolanar ne o daamanar cheme de so deɛ kpa Pita.
- 25 Waa tel Kɔnɛɛleɔs dem bela deɛ ba dem la bini joe la, Kɔnɛɛleɔs baa chemo de guɲi hare.
- 26 Anee Pita lawɔ ir de ɲɔ, "Ir hare, he nɛwenyini dɔɲee men."
- 27 Pita ne o bol waa ka jo dem bela. Belaa Pita na keɲɔ nera cheme bela pirim,
- 28 ase o ɲɔ ba be ɲɔ, "He gbabir jemɔ keɲɔ ya Juda tena aa nera baa wola Juda tena ɛɛ bini jo. Ke Korowii berɔ ɲɔ n be ɲɔ n be nomɛlbwa nendoɲ yere.
- 29 A waa he yer me n ba warane la. N de bɔɔ heyaa ɲɔ ɛreɛ he ɲɔ n ba ɛɔ?"
- 30 Belaa Kɔnɛɛleɔs ɲɔ, "Tɔpera anaareɛ nɔ, maa lɔ n dem saɲ nɔ bɔr tenten deɛ soɲe Korowii wekee saɲ la, kerabenɲkpoɲ de baa bel waa do laalapoɲa kpelkpel chege n sie
- 31 de ɲɔ, 'Kɔnɛɛleɔs! Korowii no he soɲa haa de soɲa de na he chae haa de cha nyaara la bwa.
- 32 Tome nomɛl Jopa baa bel baa de yero Seemɔn Pita la be ó ka yero ba. O ɛ hooh de do gbansaba bel waa soge mpo nyoa baa yero Seemɔn la dem.'
- 33 A waa n tome nera he be warane la. He ge ɛ waa keɲɔ haa bala nɔ. A waa ya bwa cheme Korowii sie bonɔ la. Ya de nyin waa Korowii aa ɲɔa hé ba bol ya be la dé no."
- 34 Belaa Pita pa o wobol mun de ɲɔ, "Taraken te n nao keɲɔ kpela, nɛwenyini belbwa ta o dɔɲ gwaale Korowii be.
- 35 Ke hare belbwa ta la, nomɛlbwa waa de ɔme Korowii de jemɔ la, Korowii sie de le o ne.
- 36 He jeme waa waa ɲɔa bá ka bol Israel tena be de bagle Yeesu Amanesoma aa de te bosɔɔhna la. Yeesuu komɛlbwa Dɔɔ.
- 37 Jɔn o faa de sɔ nera Korowii nee la toma la habɔɔ Yeesu waa che de pere Judia hare bwa la. Galilia hareɛ a pa mun.
- 38 He jeme ge Korowii aa kpɔ o Domadɛge ne o kpegri te Yeesu waa le Nasaret la wa. De Korowii teɲe Yeesu ne, ase o vale deɛ ɛ wedɛega deɛ chah nera Bɔnsam aa lɔ ba bil la.
- 39 O waa waa ɛa Judia hare ta ne Jerusalem la bwaa ya na deɛ di a dansee. Ba kpaaro pel dagagre ta de kpoo.
- 40 Ase o seo habɔɔ tɔpetooro wee la ta la, Korowii iru seo ta, de gel o kpɔ o te ba chagle yaa.

- <sup>41</sup>Korowii ta gele o kpɔ o te chagle nomelbwa ka ja ya nera waa le yaa nɔ yá di o dansee nɔ ne. Ya ge nera nɔ ne o pe nɔn di kwaa o seo ta ira la haboo.
- <sup>42</sup>Onee le yaa de ja yaa nɔ yá bol o waa bagle nera bwa, dé di dansee kenɔ onee Korowii le nɔ ó ba di weera ne lala bwa wa.
- <sup>43</sup>Korowii keamere la bwa bol Yeesu waa nɔ nomelbwa waa yarada o waa la, o nomanta Korowii e kpɔ naate wechogaa keo.”
- <sup>44</sup>Pita taa de bol waa la, de Korowii Domadeege baa so nera baa de no o wobol la bwa ne.
- <sup>45</sup>De Juda tena baa e asore tena ba ne Pita aa le Jopa ba la, baa na ge la, ba nyoa kpoo kenɔ Korowii aa gela o Domadeege la ba so nera baa wola Juda tena e gba ne,
- <sup>46</sup>de gel baa bol wobofala dee jam Korowii la. Belaa Pita nɔ,
- <sup>47</sup>“Ge tenten Korowii aa te yaa o Domadeege laanee o te nera nɔ ge la. Aah aa do ge nɔ, umee de won vom ba Korowii nee soe yo?”
- <sup>48</sup>Belaa Pita nɔ bá so ba nee Yeesu Kristo sɔn ta. Baa so nera la nee tone la, ba gelo Pita so ba be topera ane.

## We-la 11

- <sup>1</sup>Yeesu toroma la ne ba bala asore tena baa lo Judia hare ta la noo kenɔ nera baa wola Juda tena e la bwa no waa la de yarada.
- <sup>2</sup>Pita aa la Jerusalem la, ba bala Juda tena baa de mankura penten waa la pwaoh nɔ,
- <sup>3</sup>“Ere waa he ka chog nera baa wola Juda tena e baa wola ba pena teje dem de saah di kwaa bela noo?”
- <sup>4</sup>Baa nɔ ge la, anee Pita le waa la mun ta de bagle waa la bwa aa bala o di ba kondikwaa la.
- <sup>5</sup>O nɔ ba be nɔ, “Jopaa n do dee soje Korowii, de na waane a do kenɔ deera ken. N nao kenɔ baa lawe komel kenɔ yajen nyoo bore anaare la bwa, kwaane do o ta, a sage jeehjeh de le nyundua dee ba hare.
- <sup>6</sup>Maa nyinji o ta la, n na ola, a bini anɔ la aa de di ol ne anɔ la aa de chwe kpoga bwa, ne anɔ la aa de tuugi hare ne anɔ la aa de huuh bwa, ne jumbii bwa.
- <sup>7</sup>Ase n no kenɔ nomel aa nɔ n be nɔ, ‘Pita, ir de kpɔ, de chwe.’
- <sup>8</sup>Belaa n nɔ, ‘Aa magre, n Doo! N ta konkiila dii bwa. A e doja te me keredé.’
- <sup>9</sup>Ase naate bere kwaa nɔ n be nyundua bela nɔ, ‘Kon Korowii aa laa o doja kpɔ o nee la, be on kondon lii kpa.’
- <sup>10</sup>A ge waa no eo kera atoro, ase kon la bere kaa nyundua kwaraa.

- 11"Bug la ta de baala batoro bane baa le Sisaaria ba tom ba n be deno ba jo dem maa lo o ta la ta.
- 12Belaa Korowii Domadεege la ηo n be ηo n be omε, ke n teηe ba neε kaa. Yabala banumel no baa le Jopa no ge teηe n neε la Sisaaria, ase ya bwa ka jo Konεeεos dem.
- 13Belaa o ge bagle ge o ge aa na nyundua torome o dem, ase o ηo o be ηo, "Tome nen Jopa, ase o la baa bel baa de yero Seemon Pita la be.
- 14Wεε bol waa he bee ase he ne he dem tena bwa che a ta de do he nyu.'
- 15Maa la o be la, maa pa mun deε bol waa la, de Korowii Domadεege la baa so o ne o dem tena neε keηo waa baa so ya neε logla la.
- 16Belaa n lii ge ya Doo faa ηoa ηo, 'Nee nee Jon faa so nera Korowii ne, ke he te, Korowii Domadεege nee baa ba he soe la.'
- 17Yaa baa yarada Yeesu la, kon Korowii aa kpaa te yaa laanee o te nera no la. Aah de n gee umeo de taje Korowii o?"
- 18Baa no ge la, ba nyoa soohno, ase ba jam Korowii de ηo, "Amo te Korowiirii te nera baa wola Juda tena ee la ge ηwene ase ba chare ba liire de le ba wechoga ta de do ba nyu!"
- 19Steeven seo la haboo fiiga baa fiigi asore tena ase ba pegre la gelo bane kaa bojana tenten. Hale bane la Finiisia ne Saepros ne Anteokwa bwa. Baa de vale a ge harere no ta la, ba ta Yeesu waa la bole nomelbwa be ka ja Juda tena ne.
- 20Ke Saepros ne Sairini baala bane ba ge aa e asore tena la te iro de la Anteok de ka bol ya Doo Yeesu Amanesoma la waa nera baa wola Juda tena ee be.
- 21De Korowii de cha ba o kpegri ne, ase nera no Yeesu waa la de yaradaa de chare ba liire de kpoo ba te te Yeesu. De a ge nera no waro kerede.
- 22Asore tena baa lo Jerusalem la baa no a ge waa no, de tome Banabas ηo o la Anteok asore tena la be de ka na ge ba Korowii toma aa doa.
- 23Waa la bela de ka na ge Korowii aa nyin ba deε cha ba la, o sie leo. Anomanta o ja ba de do ba gbemba ηo baa teηe Yeesu ηwene ta ba bambile bwa ne.
- 24De Banabas e nendεege ase Korowii Domadεege ge so o neε kpegri ne. De o de yarada Yeesu taeh de kpoo o te teo. Anomanta nera chare ba liire pirim de ba tome Yeesu.
- 25Banabas la Taasos de ka gaage Sool bor.
- 26Waa nao la, o kpoo kaa Anteok. Baa lo bela la, ba benanyobir bwa de ba ne bela asore tena de cheme. Ba bagle nera pirim Yeesu waa bela. Anteok belaa ba to sie yere nera baa yarada Yeesu la Kristo tena.
- 27A ge saη la, Korowii keamere bane le Jerusalem la Anteok.



<sup>28</sup>Dε ba bini bel sone Agabus. Korowii Domadεεge la ir o nε, ase o ir che de na chaahna de ηο lorchoge bel de ba ba hare la ta bala. (Kpela, a balo Klodeos kara dii saη).

<sup>29</sup>Belaa asore tena la ηο baa pu siee ta suuga γε ba belbwa aa wona laanee de ka te ba bala asore tena baa lo Judia hare la moo lor la ba.

<sup>30</sup>Ba ta a γε suuga la de kpο te Banabas ne Sool ba ka te Judia hare asore tena la nomonome.

## We-la 12

<sup>1</sup>A γε saη la, de Juda tena kooro bel baa de yerο Herod la larawe asore tena bane dee fig ba.

<sup>2</sup>O gelo ba teηe Jon doo Jems nyu.

<sup>3</sup>Waa ε γε de na keηο a le Juda tena sie la, belaa o gel ba lawe Pita γε. Paanoo baa wola iisi a ta do la benanyoa dii taa a γε waa no chig.

<sup>4</sup>Kooro Herod aa lawe Pita la, o doo dea de gel soojare bananaare bele banaare ee daahno. De o fe de lii ke de ba di Galekaa benanyoa la tonaa, o fee bol Pita waa nenfuuh baah ta de pa bole ase nomelbwa na.

<sup>5</sup>Gee a do ba do Pita dea. Ke de o bala asore tena la pepeo de soηe Korowii dee teo tenten.

<sup>6</sup>Kooro Herod fe lawe toperε bel de fe bol Pita waa la de pa bole. Jwaana la to aa per ase toperε la tel la, de Pita cho soojare baa de daahno la bane baah ta dee cho dom, ase jogrore ane do o noora. De soojare bane lo dea la doonyoa dee daah bela.

<sup>7</sup>Kerabenkpon de nyundua torome chege dea la bini, ase bela chaah. O baa lo Pita de chumu, de ηο o be ηο, "Ir warane!" Bug la ta de Pita noora jogrore la foo le.

<sup>8</sup>Ase nyundua torome la ηο, "Do he laala ne he nangawa." Pita aa ε γε nyundua torome la aa ηoa la, o berο kwaa ηο o be ηο, "Kpo he yal to de teηe n ne."

<sup>9</sup>Belaa Pita teηe o nee le dea la bini. Waa teηe o nee dee le la bwa, de o ta jeme keηο wekpelaa o na la. De o de lii ke deeraa wee dee.

<sup>10</sup>Ba baa gare bologle soojare aa de daah la, de ba gare neete ge ja, de ba tel doonyoa o gbera aa ε buni ase ba che o ta le buse dee jo bwεε la bini la. Baa de tel gbera la bor, de o gbo yao, ase ba le de kpο ηwene bel ta dee kaa. Bug la ta de nyundua torome la nyogro.

<sup>11</sup>Belaa Pita ta na waa aa εo la, de ηο, "Namee n ta jeme ke N Naa Korowiirii gela o nyundua torome no ba lee me le Kooro Herod non ta, de lee me waa Juda tena bwa fe aa de lii ke mee nao la ta."

<sup>12</sup>Waa na γε la, o la haah bel baa de yerο Meere la dem. A γε Meere no biee Jon Maak. De nera cheme bela pirim dee soηe Korowii.

- <sup>13</sup>Pita lo dem la gbera, ase tolo bel baa de yero Roda ba de fe ba yao.
- <sup>14</sup>Waa no taa la kenjo Pitaa la, silae kohona gelo o ta bere ya gbera la, de bere chwa la ka no asore tena la be no Pita chege buse.
- <sup>15</sup>Ate de ba no, "Choglaa hee we kee?" Baa de tonjo la bwa, de o nyoa kpegri kerede wee bagle ke kpelaa wee bol la. Anee ba no, "Amo te o lalee."
- <sup>16</sup>Ate de Pita de lo gbera la tenten. Baa yaa de nao la, ba nyoa kpoo.
- <sup>17</sup>Anee Pita kpo non eg ba no ba bwa to nyoa, ase de bagle ge Korowii aa leo o dea doe la ta bwa. O no ba be no ba no Jems ne ba bala la kar la be, de le kaa bobel.
- <sup>18</sup>To aa pera la, sibegra chole soojare baa de daah bela la nee taeh, ase baa nyin Pita bor yalayala ken, dekalkeno ba ta wone jeme bela waa kpoa.
- <sup>19</sup>Kooro Herod aa baa no kenjo Pita nyogro la, o gelo ba nyin o bor, ke ba ta on nae. Anomanta o gelo ba bo soojare la waa kerede, de no ba kpo ba. A haboo la, Kooro Herod le Judia hare de ka so Sisaaria tama.
- <sup>20</sup>De o baah di bwere baa de yera Taaya ne Sidon la tena nee taeh. Belaa ge bwere no tena nyoa peo, ase ba ba de ba na Kooro bonona nomoa bel baa de yero Blastus la no o cha ba de larawe Kooro ase ba ne o pe, dekalkeno de Kooro Herod hare taa a ge nera no ee yawe ba kondikwa.
- <sup>21</sup>Kooro Herod tee ba topere baa bere kpo ba o be ja. A ge topere la aa tela la, o do o koolaala de so o kookara ta de bol waa bagle nera la.
- <sup>22</sup>Waa bol waa la, nera la koogoo, dee no, "Newenyini laa bol waa no. Vogege bere nen de bol waa la."
- <sup>23</sup>Kooro Herod aa wola gele ba kpee Korowii, de le kpeera la te o te la, kerabenkpon de nyundua torome baa lo bil, ase kpaloglare diu o sewe.
- <sup>24</sup>Ano bwa aa de e la, de nera de yarada Korowii waa la, ase aa pere ge tenten.
- <sup>25</sup>Banabas ne Sool aa e toma baa tom ba no ba la Jerusalem ka e tone la, ba ne Jon Maak kaa Anteok.

### We-la 13

- <sup>1</sup>De Korowii keamere ne nera baa de chagle nera Korowii waa ge lo Anteok asore tena la bini. Bane Banabas ne Seemon baa de yero Nembini la, ne Lusias waa le Sairini la, ne Maneeyan la baa deero Kooro Herod mee dem la, ne Sool.
- <sup>2</sup>Awola bel a ge nera no aa vowe nyoa dee tome Korowii la, Korowii Domadeege baa no ba be no, "He le Banabas ne Sool te me ase ba e toma maa lee ba no ba e la."
- <sup>3</sup>Anomanta ba vowe nyoa de soje Korowii de kpo noora darawe nera bane la nee de kpo ba do Korowii non ta, de gel ba kaa.

- <sup>4</sup>Korowii Domadæge la aa tom ba la, ba la Seluusia, de ka che bela kpɔ gbera kaa Saepros hare ta. De ekwii a ge hare no.
- <sup>5</sup>Baa tel Saepros bwæe bel baa de yerɔ Salamis ta la, ba bol Korowii Waa bagle nera bela Juda tena cheremi deene bini. De ba do Jɔn Maak wee cha ba ba toma ta.
- <sup>6</sup>Ba gaage Saepros hare la bwa ta de bol Korowii Waa bagle nera de ka le o nyoa bwæe bel baa de yerɔ Pafɔs la ta. Baa tel Pafɔs la, ba kaa na Juda te dobodobo te bel. De o sone Baajeses. De Grik tena ge de yerɔ Elemas. O koh o dobodobo la waa dee yere o te Korowii keame.
- <sup>7</sup>De ekwi la nomoa baa de yerɔ Seejos Pɔolos la bee o do. A ge nomoa no jeme waa taeh, dee nyin Korowii Waa de no. Anomanta o yere Banabas ne Sool ba o be.
- <sup>8</sup>De dobodobo te la aa nyin keɲo nomoa la no Yeesu wa, dee to Banabas ne Sool ηwene, dee toɲ ba.
- <sup>9</sup>Ase Korowii Domadæge ir Sool Grik tena aa de yerɔ Pɔol la ne, ase o pa sie baa la nee de nyiɲu de ηɔ,
- <sup>10</sup>"Bɔnsam nen kohona, he hah wedæega bwa kerede! He lambaara kan ga. Be he wechɔga la kpɔ to Korowii ηwene.
- <sup>11</sup>Dee no bonɔ. Korowii ee bagle o kpegri he nee ase he nyone, ase a bigri tama moɔ he bere won dee na bor." Kerabenkpon de o sie eo jumaa keɲo koɔla ken, o den nyone, dee lagre bor dee nyin nen o lawo da.
- <sup>12</sup>Nomoa la aa na a ge waa no la, o yarada Yeesu waa de kpɔ o te teo, dekalkenɔ Yeesu waa la baa de chagle la kpo o nyoa.
- <sup>13</sup>Pɔol ne nera o ne baa de vale la jo gbera ta le Pafɔs bela de ba Pæga waa lo Pamfiilia hare ta la. Jɔn Maak gel ba bela de bere kaa Jerusalem.
- <sup>14</sup>Pɔol ne o nera la le Pæga de la Anteok waa lo Pisidia hare ta la. Ona Tɔpere la aa baa tel la, ba kaa jo bela Juda tena cheremi dea bini de so.
- <sup>15</sup>Baa soge bela la, nera bane kure waane le Mosis Mmara Tɔn bini ne Korowii Keamere Tɔn bini, ase nomonome baa de nyiɲi cheremi dea la bini waa ta la ηɔ Pɔolwa be ηɔ, "Yabala, de he do waane de bol de ja yaa aa, ηwene cho le."
- <sup>16</sup>Belaa Pɔol ir che de kpɔ non eg ba ηɔ ba to nyoa, de ηɔ, "N bala Israel tena ne he nera haa baa ja ya nee dee tome Korowii, he no n be.
- <sup>17</sup>Korowii la ya Israel tena no aa de tome la fa le ya naanar ηɔ ba e o nera newenyini bwa bini. A ge saɲ baa lo Ijpt hare la, o gelo ba ware, ase ba son ge le kohona. Belaa o ba kpɔ ba le Ijpt hare o kpegri ne,
- <sup>18</sup>de nyiɲi ba nee ba bene fifraanaare baa dia pua waa e henle gbo hare la bwa ta.
- <sup>19</sup>Wobol bele anuane bwa neraa o doɲi ba harere ta Keenan hare ta, de gel a ge harere la e ba kwaa bene lafraanaare fifraanue.

- 20"Ano bwa haboo la Korowii tee ba nomonome baa nyinji ba nee de ka tel Korowii keame Samoel bere saŋ.
- 21A ge saŋ la ba soŋe Korowii ŋo ó tee ba kooro, ase o tee ba Kes bie Sool ŋo ó ε ba kooro. De Benjamen dea biee on. Bene fifraanaareε Sool di kora la moo,
- 22Korowii leo kora la ta, de kpo Devid so. Korowii bol Devid waa ŋo, 'Jese bie Devid waa too n tea, dekalke onee n na keŋo wee ε n tetoowaa maa de nyin ke o ε bwa.'
- 23Ge Devid no dea taa Korowii le Yeesu waa bage Israel tena nyoa ŋo wee geloo o ba lee ba la.
- 24Yeesu aa wola bale moo la, de Jon de bagle Israel tena bwa ŋo ba chare ba liire de le ba wechoga ta, ase o so ba Korowii ne.
- 25Jon toma aa de tone la, o boo nera bane ŋo, 'Nen besoo hee lii me no? Nen haa de kpao la laa men. O ta lo haboo. Maa o napaa tee kwaraa do.'
- 26"Yabala, Abraham naanar ne he nera haa wola Juda tena ee dee tome Korowii bwa, ya bee waa aa de ba newenyini lee no ba.
- 27Jerusalam tena ne ba nomonome ta jeme ke Yeesuu newenyini Lee la. Korowii waa o keamere aa chwera ase ba kure dee bag ba Ona Topera bwa ta la, de baa a mun no. A waa ba bol o waa de pao bolchoge de kpoo ge Korowii keamere aa bagla ŋo baa eo la.
- 28De ba ta wobelbwaa doe de kpo dawo keŋo o che kpoe, ke de ge soŋe ba hare nomoa Paelet ŋo ó pao bolchoge de kpoo.
- 29Baa eo ge Korowii Ton aa bagla ŋo baa eo bwa tone la, ba kpo le dagagre la doa de ka hugo.
- 30Ase Korowii bere iru seo ta.
- 31O kpo o te bagle nera o ne baa le Galilia hare kaa Jerusalam la kera anwene bwa. A ge nera noo dee diu dansee Juda tena bwa be.
- 32"Amanesoma nee ya ba he be. Ge Korowii aa bage ya naanar nyoa la,
- 33gee o ε te ya nera yaa ε ba naanar la. Anee ke o ir Yeesu seo ta. Ba chwere o waa Korowii Kpeera Ton yel neete la bini ŋo, 'N biee hen. Finii n lole.'
- 34Ge Korowii aa bagle o waa o Ton bini ŋo wee iru seo taa ase o be boo bini cho poh laanee no: 'Mee ee wedeega maa bage Devid nyoa kasinterj bwa ne laanee.'
- 35A waa ba bere chwere a ge ton la bobel ŋo, 'Haa gel he bidenge cho boo bini poh' la.
- 36"Ge saŋ Devid aa lole la, o ε Korowii tetoowaa kerede moo de sewe, ase ba hugo, o bwadabii poh.
- 37Ke nen la Korowii aa iru seo ta la te ta poeh.

<sup>38</sup>Yabala, ya de nyin ke he jeme kenjo Yeesu waa waa ea la waa ya won dee bol he be no Korowii ee kpo he wechogaa ke heyaa la.

<sup>39</sup>Wubwa la, haa de nyin ge haa e ase Korowii kpo he wechoga ke heyaa la, Mmara la Korowii aa kpoa do Mosis non ta la ta wone cha heyaa. Ke taraken te, nomelbwa waa yarada Yeesu la, Korowii de leo ke nendeege o waa su o siwi.

<sup>40</sup>Anomanta hée do deego ase waa Korowii keamere la aa bola la be heyaa e. Ba baglo no,

<sup>41</sup>'He nera haa nyinji nera dee vah dee mame nera la, hé nyinji waa maa de e no kerede. Aa ba kpo he nyoa he serewe. Waa maa de e fini no e waane, de nen bagle a bini te heyaa kwara naa, haa wola yarada!' "

<sup>42</sup>Pool aa bol waa tone la, o ne Banabas iro dee le cheremi dea la bini. Belaa nera baa bol waa bag ba la no Poolwa bere ba Ona Topere waa ba ja la ta de ba bol waa la bag ba ja.

<sup>43</sup>Nera la aa le cheremi bor bela la, Juda tena ne nera baa wola Juda tena ee de baa ja Juda tena nee dee tome Korowii ge Juda tena aa de tomo la teje Pool ne Banabas nee pirim. Poolwa bol waa bag ba, de ja ba no baa teje Korowii nwene ta ase wee cha ba.

<sup>44</sup>Ona Topere la aa bala ja la, bwere la tena kerede bwa la cheremi dea bela de ka no Korowii Wa.

<sup>45</sup>Juda tena la aa na nera baa wola Juda tena ee la aa wara kohona la, a ee ba boweela taeh, ase baa tonje Pool ne Banabas dee ee ba nenhela.

<sup>46</sup>Baa de e Pool ne Banabas nenhela la, ate ta kwaraa baa bol waa bansua ne dee no, "A nwene taa ya to sie bol Korowii Amanesoma waa la he be la. Ke he gbagba aa veah de bagle kenjo he te ta Korowii mkpa la chee no te naa, yaa gel heyaa de la nera baa wola Juda tena ee la be,

<sup>47</sup>dekalkenjo gee ya Doo no ya be no, 'N le heyaa no hé e nii dee chaah nera baa wola Juda tena ee la bwa, ase nera baa lo hare jaga bwa la che he nee de no Korowii Waa aa de ba ba lee la he be.' "

<sup>48</sup>Nera baa wola Juda tena ee la aa no waa no la, ba sie leo taeh. Anomanta ba jam Korowii kenjo waa gela ba no o waa la. Ase nera Korowii aa noa baa do o mkpa laanee la yarada Yeesu waa la de kpo ba te teo.

<sup>49</sup>O waa la pere bela bwere la bwa ta.

<sup>50</sup>Ano bwa aa de e la, de bela Juda tena la ir bela nomonjena ne haahna bane baa e nenjena dee tome Korowii la bwaawe, ase ba baah di Pool ne Banabas ne, ba hah ba de donj ba ba bela bwere la ta.

<sup>51</sup>Pool ne Banabas pee ba napaala teera ta bela de bagle kenjo ba kpo Korowii Waa ba ba be ase ba veah, de kaa Ikooniam.

<sup>52</sup>Ano bwa aa de ε la, bohwaah ta asore tena baa lo bela la lawe. De ba sie leo kerede, ase Korowii Domadεεge la ge so ba nee taeh.

## We-la 14

<sup>1</sup>Pool ne Banabas aa la Icooniam la, ba kaa bol Korowii Waa bela Juda tena cheremi dea ta ge ba yon deε ε la. Korowii Domadεεge la cha ba ase baa bola kerede, ase bela Juda tena kerede ne nera baa wola Juda tena εε la bwa yarada Yeesu waa la de kpɔ ba te teo.

<sup>2</sup>Ke bela Juda tena baa wola Yeesu waa yarada la te chog Pool ne Banabas son, de ir nera baa wola Juda tena εε la bwaawee, ase ba baah di nera baa yarada Yeesu waa la ne.

<sup>3</sup>Pool ne Banabas soge bela bigri. Baa lo bela la, de ba de bol Yeesu waa bansua ne, deε bagle ge waa de sune newenyini nee deε cha ba. O cha ba ase ba won deε ε nyokpowaa ne wekpega, ase nera na de jeme ke o waa baa de bol la ε kpela.

<sup>4</sup>Bwee la tena baah pegro, bane teje Juda tena la ne, bane ge teje Yeesu toroma la ne.

<sup>5</sup>Juda tena la bane ne nera baa wola Juda tena εε la ne ba bela nomonome fe vorowo no ba ε Yeesu toroma la hohorowa de fog ba bwea ge.

<sup>6</sup>Ke Yeesu toroma la no a ge waa no de chwa kaa bwere ane baa de yera Lestra ne Deεbe ne baah bela bwere la ta. De Laikoonia hare taa ge bwere la do.

<sup>7</sup>Baa lo bela la, de ba de bol Yeesu Amanesoma la bela.

<sup>8</sup>De baa bel lo Lestra de so boobi le o bechale san bwa, waa wola wone vale bwa.

<sup>9</sup>Pool aa de bol waa la bwa de boobi la soge bela de cheg dejne deε no o be. Pool nao ke boobi la yarada waa waa de bol la, de na ke weε wonoo che o yarada la ta de chaoh. Belaa o pa sie boobi la be,

<sup>10</sup>de kpɔ takpeg no, "Ir che!" Ase boobi la fugri ir che chin, deε vale.

<sup>11</sup>Nera aa na waa no la, ba bol waa ba Laikoonia wobol la ne kpegri nee deε no, "Ya vogaa bere nera de ba ya be la!"

<sup>12</sup>Ba no ba vogjen baa de yero Seus laanee Banabas, de no ba voga bini keame baa de yero Heemes laanee Pool, de kpɔ a sona pa ba. Ba no Poollee voga keame la, dekalke de on deε bol waa san belbwa.

<sup>13</sup>De Seus vog dea chege bweε la njwene ta, dahara nyoa tenten. Seus vog te kpɔ nae ne kwaa ba ge aa kpɔa deε ε nera woowo le bweε la njwene ta, dahara nyoa tenten, de fe εε nyin ke o ne o bweε tena kpo te Yeesu toroma la ke voga ken.

<sup>14</sup>Banabas ne Pool aa no ge waa no la, a εε ba anebelbwa, ase ba kpɔ tebinichog pee ba gbagba batakaani, ge ba bweε tena yon deε ε la, de lo jo nera la bini sibegra ne, deε bol waa takpeg ne deε no,

**15**"Bwēla, ɛrɛ hɛɛ ɛ ken nɔɔ? Nɛraa yan kɛ heyaa ken. Amanesoma nee ya ba he be, áse he no de gel konsale nɔ ne komelbwa toma, dɛɛ tome Korowii o gbo aa ɛ Korowii de do le saɲ belbwa de ta nyundua ne hare ne mpo ne kwaa aa lo a ta bwa la.

**16**A saɲ la, de Korowii gelɔ he nera haa wola Juda tena ɛɛ la ɛɛ ɛ he tetoowa.

**17**Kɛ de o chege wedɛɛga waa de ɛ la ta de gel he jeme kɛ o lole. De o de tɛ heyaa bwaala ne, de gel kondikwaa gee ɛ, ase he di dɛɛ vage he bwara ɛɛ sooh heya."

**18**De nera la nae kpoora de tɛ Yeesu toroma la swɛɛ ba siwi taeh. Wedamanta Yeesu toroma la aa bola la bwa habɔɔ la, de ba siwi ta swɛɛ kwaa kpoora de tɛɛ ba la ta. Gee ba ɛ aaa, mɔɔ de ta ba gel.

**19**A habɔɔ la Juda tena bane baa le Ikooniam ne Anteok waa lo Pisidia hare ta la ba bela de ba bol waa de bere Lestra tena la liire ase ba baah di Pɔɔl nɛ. Ba fogro bwea de tuugu le bwɛɛ la ta. De ba de lii kɛ o sewɔ.

**20**Nera baa yarada Yeesu waa la ba Pɔɔl be de ba baro cheme, ase o ir de bere jo bwɛɛ la bini. To aa pera la, o ne Banabas la Dɛɛbe.

**21**Baa lo Dɛɛbe la, ba bol Amanesoma la bela. Bela tena baa no Pɔɔlwa waa la de chare ba liire de yarada Yeesu waa de kpɔ ba te tɛo la warɔ. Ba le bela de laa bere ba Lestra, de la Ikooniam, de ka che bela kaa Anteok waa lo Pisidia hare ta la.

**22**Pɔɔlwa do ge bwɛɛre nɔ asɔre tena la gbemba ŋɔ báa teŋɛ Yeesu ŋwene la ta kerɛde de be ba nyogre, de ŋɔ a che kɛ nomelbwa na wahala kohona mɔɔ de do Korowii Kora la bini jo.

**23**Bwɛɛre nɔ belbwa ta asɔre tena aa lole la, Pɔɔl ne Banabas le ba bini bane ba ɛ ba nomonome. Nyoa vɔwa ne Korowii soŋa nee ba yon kpɔ nomoa la do Korowii baa kpɔ ba yarada bwa do o nɛɛ la nɔn ta.

**24**Ba gaage Pisidia hare kerɛde, de che bela ba Pamfiilia hare ta.

**25**Ba bol Korowii waa Pɛɛga, de che bela la Ataalía.

**26**Belaa ba che kpɔ gbera de laa bere ba Anteok. Anteokee ba fa kpɔ Pɔɔl ne Banabas do Korowii nɔn ta keŋɔ ó cha ba ase ba ɛ toma baa tona taraken nɔ la.

**27**Baa ba Anteok la, ba yere asɔre tena la bwa cheme de bag ba ge Korowii aa kpɔ ba ɛ toma bwa, ne ge waa pili ŋwene tɛ nera baa wola Juda tena ɛɛ la ba ge jeme Yeesu waa de yaradao la bwa.

**28**Ba ne asɔre tena la sogo bigri.

## We-la 15

**1**Baala bane le Judia hare ba Anteok de baa bagle nera baa yarada Yeesu waa la dɛɛ ŋɔ, "De he ta he pena teŋɛ ge Mosis Mmara la aa bagla la aa, haa Korowii mkpa dɔɛ ba."



<sup>2</sup>Pool ne Banabas ne ge nera la tɔŋle dɔŋa kerede. Anomanta ba tome o ne Banabas ne Anteok asore tena la bane Jerusalem ŋɔ bá ka na Yeesu toroma la ne asore tena nomonome la a ge waa la wa.

<sup>3</sup>Baa tom ba la, ba kaalo. Baa de kaa la, ba kaa kpɔ harere ane baa de yera Finiisia ne Samaria ta dee la, dee bol bela asore tena be ge nera baa wola Juda tena ee la aa bera dee yarada Yeesu de kpɔ ba te teo. Ba ge aa no ge la, ba sie leo taeh.

<sup>4</sup>Baa tel Jerusalem la, Yeesu toroma la ne bela asore tena ne ba nomonome lee ba kerede. Poolwa bagle toma Korowii aa chege ba nee de e bwa.

<sup>5</sup>De asore tena la bane e Farisii tena. Ba iro de ŋɔ, "A che ke nera baa wola Juda tena ee de baa yarada Yeesu taraken la ee teje ba pena dee di Mosis Mmara ge ta."

<sup>6</sup>Belaa Yeesu toroma la ne asore tena nomonome la cheme de nyinji waa la ta.

<sup>7</sup>Ba bol waa de tɔŋle dɔŋa la sie, ase Pita ir che de ŋɔ, "Yabala, he jemɔ ke Korowiirii fa lee me he bini ŋɔ n bol o Amanesoma la bagle banɔ la baa wola Juda tena ee la, ase ba ge no o waa de yarada.

<sup>8</sup>Korowiirii jeme nomelbwa nyu bini, de tee ba o Domadeege ge waa te yaa la, de bagle ke o neraa ba ge.

<sup>9</sup>O ta bagle keŋɔ ba korɔ ya korɔ. Baa yarada Yeesu waa la waa Korowii laa ba wechɔga kpɔ ba ne.

<sup>10</sup>Aah de ere waa hee nyin ke he daah Korowii de na noo? De bontɔga ya ne ya naanar bwa faa wola wone che la laa hee nyin he kpɔ chog ba no naa?

<sup>11</sup>Aa magre! Yarada yaa yarada ya Doo Yeesu la waa o na ya sum de cha yaa, de le yaa. Ge tentenee ba ge yaradao o lee ba."

<sup>12</sup>Nera baa cheme bela la belbwa ta bere tɔŋle kpa, de to nyoa dee no Pool ne Banabas be. Pool ne Banabas bagle nyokpowaa ne wekpega Korowii aa kpɔ ba e nera baa wola Juda tena ee la bini.

<sup>13</sup>Baa bol waa tone la, Jems ge bol waa ŋɔ, "Yabala, he no n be!

<sup>14</sup>Seemon Pita bagle ge Korowii aa to sie e de bagle ke o de nyin nera baa wola Juda tena ee la taeh. O baglo ŋɔ Korowii le ba bini bane ŋɔ ba e o nera.

<sup>15</sup>Korowii keamere la bwaa fa bol a ge waa no de chwere Korowii Ton bini ŋɔ,

<sup>16</sup>A haboo la, mee beroo ba nyinji Devid kora waa gua keŋɔ dea waa kua chole la ta. Mee beroo ir ba kora la keŋɔ dea waa chola ba kwaa mao la, de te ba naa bel kpegri ase o di kora ja,

<sup>17</sup>ase hare ta nera baa kaa baa wola Juda tena ee la bwa ba nyin n bor de tom me. Men lee ba ŋɔ ba e n nera. N Naa Korowiirii ŋɔ ge.

<sup>18</sup>A saŋ la bwaa o gel nera na ge waa no.'

- <sup>19</sup>Ge n te aa naa laanee ke, ya be Mosis Mmara no kpɔ deɛ ha nera baa wola Juda tena ee de chare ba liire deɛ teɲe Korowii ɲwene ta la,
- <sup>20</sup>ke ya chwer ba tɔn ɲɔ ba be voga kwaa deɛ di, de laa ba te kpɔ jwamane waa ta, de be kon baa wola o baɲa teɲe o sewe la deɛ di, de be chal deɛ di,
- <sup>21</sup>dekalkenɔ Mosis Mmara no yaa bagle a waa no, bweere belbwa taa nera baa de bagla la do. Ona Tɔpere te belbwa taa baa kure Mosis Mmara waa no cheremi deene ta de le saɲ la bwa ba le fini.”
- <sup>22</sup>Belaa Yeesu toroma la ne asɔre tena la ne ba nomonome bwa e ba liire kenɔ baa le ba bini banee ase de tome ba ne Pɔɔl ne Banabas Anteok. Judas baa bera deɛ yero Baasabas la ne Silasee ba le. De a ge nera no e asɔre tena la nomonome baa de tɔ ba sie la bane.
- <sup>23</sup>Ase ba chwere tɔn tee ba ɲɔ ba kpɔ kaa. Waa baa chwera laanee no: "Yabala haa lo Anteok ne Siiria hare ne Silisia hare haa wola Juda tena ee la, Yeesu toroma la ne ya asɔre tena ne ya nomonome yaa e he bala Jerusalem la bwa de na heya.
- <sup>24</sup>"Ya noo ke ya bini bane ba de bagle heyaa waane, ase he liire e heyaa sakaa ken. Ya laa tom ba.
- <sup>25</sup>Anomanta ya chemo ya nyoa pe, ase ya ɲɔ yaa tome neraa ase ba ne Banabas ne Pɔɔl ba wa aa too ya tea kohona la la he be.
- <sup>26</sup>Bambile bwa nee Pɔɔl ne Banabas ee e ya Doo Yeesu Kristo toma no. De baa do sewee toma no ee ta noo, ba waane laa.
- <sup>27</sup>Ya ɲɔ Júdas ne Silas ge ja ba nee de e de bol tɔn no bini waa tenten hé no.
- <sup>28</sup>Waa ya ne Korowii Domadeege la aa naa laanee ke aa were ke ya gel hee ki komelbwa ka ja anɔ aa de ba wona cha heyaa no ne.
- <sup>29</sup>Anee ke he be voga kwaa deɛ di, he be chal deɛ di, he be ol baa wola o baɲa teɲe o sewe deɛ di, hé laa he te kpɔ jwamane waa ta. De he wono deɛ ki anɔ bwa naa, he wobelbwa ee magroo te heya. Kórowii cha heya.”
- <sup>30</sup>Ba kpɔ tɔn la do Pɔɔl ne Banabaswa non ta de ta ba ɲwene, ase ba kaa Anteok. Ba kaa yere bela asɔre tena bwa cheme, de kpɔ tɔn la tee ba.
- <sup>31</sup>Baa kure tɔn la la, ba sie leo, dekalkeɲɔ tɔn la do ba gbemba.
- <sup>32</sup>De Korowii keameree Judas ne Silas. Ba bol waa taeh de kpɔ do ba gbemba, de ja ba.
- <sup>33</sup>Ba soge Anteok tama, ase ba bala la ɲɔ ba bere la nera baa tom ba la be, de ɲɔ Kórowii la ba ne sɔnɔnɔ.
- <sup>35</sup>Pɔɔl ne Banabas te soge Anteok tama, ase ba ne ba bala bane ee bol Amanesoma la deɛ bagle ya Doo Yeesu waa nera be.

<sup>36</sup>A haboo la, Pɔɔl ŋɔ Banabas be ŋɔ ó gel ba bere la bwɛere baa bagle nera Yeesu waa a ta la bwa ta de ka na ge ba bala baa bag ba Yeesu waa la aa doa.

<sup>37</sup>De Banabas de nyin ke Jɔn Maak ja ba nee de la.

<sup>38</sup>De Pɔɔl ge be naa, a ta magre ke Jɔn Maak la bel, dekalkeŋɔ o fa teŋe ba nee toma la ta de ka tel baah ta de chwa gel ba Pamfiilia.

<sup>39</sup>Pɔɔl ne Banabas begre wa, de a nyoa kpegri, ase ba pegri. Banabas kpɔ Jɔn Maak ja o nee ba jo gbera ta kaa Saepros,

<sup>40</sup>ase Pɔɔl ge kpɔ Silas. Baa de ba kaala la, asɔre tena la kpɔ ba do Korowii non ta ŋɔ wɛe nyinji ba ne.

<sup>41</sup>Baa de kaa la, ba kpɔ Siiria ne Silisia hare ta dee ja bela asɔre tena, dee do ba gbemba.

## We-la 16

<sup>1</sup>Pɔɔl baa le Dɛebe ne Lestra de ba na asɔre te bel baa de yero Timoti la bela. De o nya e Juda te dee yarada Yeesu wa. Ase o mee te e Grik te.

<sup>2</sup>De asɔre tena baa lo Lestra ne Icooniam la bwa de yere Timoti sɔndege taeh.

<sup>3</sup>Pɔɔl sie le Timoti ne, ase wee nyin ke o teŋe o ne, de koh Juda tena baa lo bela la waa de teje Timoti pen, dekalkeŋɔ de ba jemɔ ke Grik tee o mee.

<sup>4</sup>Baa vale bwɛere la ta dee kaa la, ba bol konkiila Yeesu toroma la ne Jerusalem asɔre tena nomonome la aa bagla ke nera e ki la waa bela asɔre tena be.

<sup>5</sup>Gee ba e de won cha bela asɔre tena ba do kpegri Yeesu waa baa de yarada la ta, ase nenfala ge baa ja ba nee toperre belbwa.

<sup>6</sup>Ba valo de ka kpɔ hare baa de yera Frejea ne Galaasia la ta, dekalke Korowii Domadegge la ta ban ŋwene tee ba bol Yeesu waa la Eesia hare.

<sup>7</sup>Baa de kaa de ka tel Maesea hare jaga la, ba fe ŋɔ ba jo Bitiinia hare ta, ke Yeesu Domadegge ta ban ŋwene tee,

<sup>8</sup>ase ba bere kpɔ Maesea hare ta kaa Troas.

<sup>9</sup>Awola jwaana ne la, Pɔɔl na chaahna. O nao ke Makidonia hare te bel aa chega dee soŋo dee ŋɔ, "Ba Makidonia de ba le yaa."

<sup>10</sup>Pɔɔl aa na chaahna la la, men maa de chwere ton no ne o kpɔ ya te de kaa Makidonia hare, dekalkeŋɔ ya jemɔ ke Korowiirii dee nyin ke ya la ka bol Amanesoma la bela tena be.

<sup>11</sup>Anomanta ya chege Troas jo gbera ta de pa sie kaa Samotres. To aa pera la, ya la Neapolis,

<sup>12</sup>de ka che bela kpɔ hare kaa Felepae. De Felepae no e Makidonia be pera bwɛere la bwa bwejen. De koojen waa de nyinji Room hare laanee do bela. Ya bigri bela tama.

- 13**Ona Tɔpere la ta la, ya le dem de la bwɛɛ la moo nyoa. De ya de lii ke Juda tena ɛ deɛ cheme belaa deɛ soɲe Korowii. De haahna bane cheme bela, ase ya so hare de bol waa ba be.
- 14**De nera baa lo bela de no waa yaa bola la bel sone Liidia. De yale aa kolaa weɛ yog, de do Tiatra deɛ tome Korowii. Waa de no waa Pɔl aa de bol la, Korowii pili o liire ase o noa kerede de yarada Yeesu de kpɔ o te tɛo.
- 15**Ya so o ne o dem tena bwa Korowii ne, ase o soɲe yaa ɲɔ, "De he jemo ɲɔ n de tome Korowii kerede naa, amɔ he ba so n be." O soɲe yaa, ase ya kaa o dem.
- 16**Awola bel ya de la Korowii soɲebɔr moo nyoa bela de ka na bitolo bel. De nera bane yomii, ase kwaa gee ir o nɛɛ ase o won deɛ voge. De o voga la gelo o tena ɛ do suuga taeh.
- 17**A ge bitolo la do loɲɔre teɲe ya ne Pɔl nɛɛ deɛ ɲɔ, "Korowiijenii tome nera no he be la! Waa haa ɛ ase Korowii le heyaa laanee baa bol la!"
- 18**Tɔpera aɲwene bwa de gee weɛ ɛ, anomanta a baa pe Pɔl, ase o bere haboo de kpɔ bandia ɲɔ kwaa la aa de ir yomhaah la nɛɛ la be ɲɔ, "Yeesu Kristo son ta, he le o ne!" Bug la ta de kwaa la le o nɛ.
- 19**Kwaa la aa lea la, de yomhaah la aa wone deɛ voge kpa. O tena aa naa keɲɔ o be won voga la to ba suuga doe ɲwene la, ba lawe Pɔl ne Silas de teg ba kaa ba bela Room nomonome be bombaah ta.
- 20**De a ge nomonome noo deɛ bol nera waa deɛ pa bole. Yom la dooranar la ɲɔ ba be ɲɔ, "Juda tenaa nera no. Ba hae baa de ha ya bwɛɛ no tena la aa were.
- 21**Wefala aa wola were ke ya Room tena teɲe a ta laanee baa bagle."
- 22**De nenlaa bane lo bela deɛ chegre Pɔl ne Silas, ase Room nomonome la wur Pɔl ne Silas laala de gel ba loo ba chweremi ne.
- 23**Ba gelo ba loo ba kohona de to ba dea, de ɲɔ nen waa de nyinji nera baa to ba dea nɛɛ la be ɲɔ o nyinji ba nɛɛ ba be ba chwa.
- 24**Room nomonome la aa bol ge la, nomoa waa de nyinji nera baa to ba dea nɛɛ la kpɔ Pɔl ne Silas ka do loɲ ta, de do daa ba nakpale ta.
- 25**Harambaɲa la, de Pɔl ne Silas de soɲe Korowii de go yela deɛ kpee Korowii, ase nera baa do ba dea ja ba nɛɛ la ɛ no ba be.
- 26**Kerabenkpɔɲ de hare jigro kohona, ase deene la jigri le mun ta ka le nyundua. Kerabenkpɔɲ de deene la gbeni bwa pilo, ase joɲɔre baa do nera la bwa cha le ba noora ta.
- 27**Nomoa waa de nyinji nera baa do ba dea la iro, de na ke gbeni la aa pila. Waa na ge la, o te ɲɔ nera la bwa chwao, de laa o kere kpɔ ɲɔ o kpɔ o te.
- 28**Ase Pɔl do loɲɔ kpegri nɛɛ ɲɔ, "Be he te kpɔ! Ya bwa lole!"

- <sup>29</sup>Belaa nomoa la ηῶ bá t̄eo kandeaa. Baa ba kandeaa ne la, o chwao jo P̄ool ne Silas be. De o de ɔme ɔma tenten, ase o bwara ee sa, ase o ba gunji ba sie.
- <sup>30</sup>O lag ba le buse de b̄oo ba ηῶ, "Nomonome, er̄ee m̄ee ba ee áse Korowii lee me n̄o?"
- <sup>31</sup>Belaa ba ηῶ, "Yarada ya D̄oo Yeesu de kp̄o he te t̄eo. De he e ge naa, wee le he ne he dem tena bwaa."
- <sup>32</sup>Ba bol Yeesu waa la bagle o ne nera baa lo o dem la bwa.
- <sup>33</sup>Awola harambaja la ne la, nomoa la yagle chal la aa e P̄oolwa bwara la. De loora Room nomonome baa de bol nera waa de pa bole la gel ba loo ba ase chal e ba bwara. O ne o dem tena bwaa ba so Korowii nee awola,
- <sup>34</sup>ase o kp̄o ba ba o dem de ba tee ba kondikwaa ba di. Awola la, o ne o dem tena bwa sie leo keṅṅo baa yarada Korowii de kp̄o ba te t̄eo la.
- <sup>35</sup>T̄o aa pera ch̄oo ne la, Room nomonome la tome nera ηῶ bá ba ηῶ nomoa la be ηῶ ó gel P̄ool ne Silas kaa.
- <sup>36</sup>Belaa o ηῶ P̄ool be ηῶ, "Room nomonome tome nera ηῶ bá ba le he ne Silas dea. Anomanta hé le, de kaa. Kórowii ka do heya."
- <sup>37</sup>Anee P̄ool ηῶ toroma la be ηῶ, "Room tenaa ya bwa, ke ba loo yaa p̄eepee bombaah ta de t̄o yaa dea, de ba ta ya waa bole de na wech̄oga belbwa ya ne. Aah taraken n̄o soeh ba bere dee nyin de soh ta yaa n̄o naa? Aa magre! Hé gel Room nomonome la gbagba ba ba lawe yaa le!"
- <sup>38</sup>Toroma la kaa bol P̄ool waa waa bola la Room nomonome la be. Nomonome la aa noa keṅṅo P̄ool ne Silas e Room tena la, ba ɔm̄o.
- <sup>39</sup>Anomanta ba baa do ba jangbare, de lag ba le bela baa t̄o ba dea la, de soṅ ba ηῶ bá le bw̄ee la ta.
- <sup>40</sup>P̄ool ne Silas aa le bela la, ba la Liidia dem. Ba kaa na bw̄ee la as̄ore tena la bela, de bol waa bag ba, de do ba gbemba, de kaa.

## We-la 17

- <sup>1</sup>Baa de kaa la, ba kaa kp̄o bw̄ere ane baa de yera Amfepoles ne Apoloonia la ta de ka le Tesalonika. De Tesalonika Juda tena do cheremi dea bela.
- <sup>2</sup>P̄ool la cheremi dea bela ge o yon dee e bw̄ere bwa ta la. Waa lo bela la, o yawanyoa atoro bwa de o ne Juda tena la de bol waa dee t̄onle d̄oṅa Korowii waa baa chwera la ta.
- <sup>3</sup>De o de bag ba Kristo la Korowii aa bage nyoa ηῶ wee tom̄oo ó ba le newenyina la waa Korowii T̄on bini, áse ba jeme ke Korowii keamere fa baglo keṅṅo Kristo la ee na wahalaa, de sewe, de ir seo ta. Ge baa chwera la che ke a e. Waa bol ge tone la, o ηῶ ba be ηῶ, "Yeesu n̄o n yon dee bol o waa n̄o, onee Kristo la."

- <sup>4</sup>Bane yarada Pɔɔl waa la, de ba ja o ne Silas ne. Bela haahna baa e nenjena la galga ne bela Grik tena baa de tome Korowii la galga ge baa ja ba ne.
- <sup>5</sup>Nera baa yarada Pɔɔlwa waa la de baa ja asore tena la nee la aa de ware la, de aa some Juda tena la be, ase ba ka nyin nenkasale baa wola toma doe de yon do dem baah dee gaage gbo la, de ir ba bwaawee ase ba ne ba vale dee do gboga bwee la bwa. Ba la Jasen dem no ba fe ka lawe Pɔɔl ne Silas ba te bwela la.
- <sup>6</sup>Baa wola ban doe lawe la, ba tegre Jasen ne asore tena la bane ka te bwee la nomonome, de nyeg dee no, "Nera no, ban chog nera liire bobelbwa dee vale de gel bobelbwa ee e yenyen la. Taraken ba ba ya bwee no ta,
- <sup>7</sup>ase Jasen ge lee ba do o dem. Waa ya Koojen Siisa aa wola nyin laanee baa e. Ba no Koojen bel ge bero do le ja ya Koojen no ne. De o sone Yeesu."
- <sup>8</sup>Bwee la tena ne ba nomonome aa no waa no la, a gelo ba liire e sakaa.
- <sup>9</sup>Nomonome la gelo Jasen ne asore tena la kpo suuga cheg ajinamuu kenjo baa wobelbwa e kpa. Jasenwa waa baa ea laanee ba nyini de lee ba suuga de ta ba.
- <sup>10</sup>Bor aa baa jo la, asore tena la kpo Pɔɔl ne Silas kaa Beria. Baa la bela la, ba kaa jo bela cheremi dea bini.
- <sup>11</sup>De bela Juda tena la waa do kerede gwaa Tesalonika Juda tena, dekalkenjo ba le Yeesu waa la silee ne, de won dee nyini Korowii Ton bini topere belbwa dee na, de jeme ke waa Pɔɔl aa de bol la, kpelaa ke nyosonee yo.
- <sup>12</sup>Nera la kerede yarada Yeesu de kpo ba te teo. Grik haahna baa e nenjena la kerede ne ba baala bwa yarada Yeesu.
- <sup>13</sup>Juda tena baa lo Tesalonika aa noa kenjo Pɔɔl kaa bol Korowii Waa Beria ge la, ba ba bela de ba do ba, ase ba bwaawee ir Pɔɔlwa ne.
- <sup>14</sup>Belaa asore tena la gel Pɔɔl kaa mpo nyoa bug ta, ase Silas ne Timoti te so Beria.
- <sup>15</sup>Nera la baa to Pɔɔl sie dee la o ne la la o ne ka tel Athens, de bere kaa Beria. Baa de kaa la, Pɔɔl no ba be no ba ka no Silas ne Timoti be ase ba ba o be warane.
- <sup>16</sup>Pɔɔl aa soge Athens bela dee kpa Silas ne Timoti la, o nao ke voga su bwee la bwa. Waa na ge la, o tea bini chogo.
- <sup>17</sup>Anomanta de o de la bela cheremi dea o ne Juda tena ne Grik tena baa de tome Korowii ge Juda tena aa de tomɔ la kaa nyini Korowii waa la bini. De topere belbwa wee so bwee la fogbaah, ase dee bol waa nera baa de ba bela la be, ase o ne baa nyini Korowii waa la bini.
- <sup>18</sup>De nera bane hweli bela wejema baa de yera Epikuria ne Stoik la, de ge e ge wejema la chachagla bela. De a ge nera no ge de tojlo dee no, "Ere wobobala te no gee bol no?" Ase bane ge no, "Jamɔ hare bel voga waa wee bol no." Pɔɔl aa de bol Yeesu ne seo ta ira waa ba lii ge la.

- <sup>19</sup>Anomanta ba kpɔ Pɔɔl kaa bela nomonome baa de yer ba Areopagos tena la, de ka nɔ o be nɔ, "Bagle he wefala haa kpona de gaage la bini ya no.
- <sup>20</sup>Ya ta he waa nɔ te donja noe bwa, anomanta ya de nyin ke he bagle yaa a mun."
- <sup>21</sup>De Atens tena ne ba hoohra tomaa wefala bola ne wefala peera de no.
- <sup>22</sup>Pɔɔl aa chege nomonome la sie la, o nɔ ba be nɔ, "N nao kenɔ he Atens tena de tome voga kerede,
- <sup>23</sup>dekalkenɔ maa de gaage he bwee nɔ ta de na bora haa kpoo kwaa de kwaa he konkwaare la, n nao kenɔ baa chwere bobel nɔ, 'Ya de tomɔ, ke yaa on jeme.' Kon haa wola on jeme de gee tomɔ la, o waa mee bol he be la. O sone Korowii.
- <sup>24</sup>"Korowiiri ta hare ne kwaa aa lo o ta bwa. On do nyundua ne hare bwa. O waane laa choobora newenyini aa maa teo la wa.
- <sup>25</sup>Newenyini kondikwaa waa laa o do le, waa newenyini komelbwa nyin, dekalkenɔ on de te yaa bokpega ne hweera ne komelbwa.
- <sup>26</sup>Nembenkponji o ta, ase a ge nen la lolɛ hare belbwa nera, ase ba ya pere hare bwa. Waa ta newenyini la, o do belbwa topera ne ya doborɔ.
- <sup>27</sup>On saahna ea ge, ase newenyini ee lagre de nyin o bor ke nyonja ken, ase o bor nyina bini la, ba nao. Ke kasintɛ, Korowii toole bojan. O ne ya belbwa baah naa janɛ.
- <sup>28</sup>Nomɛ te kompe: 'Korowii alaworome ya bwa do le, de hwee, de e ya tomare.' He nera baa de chwere wobobeela la gba di ge waa nɔ dansee de nɔ, 'O biiri ya gbabir.'
- <sup>29</sup>"Korowii biiri yan, anomanta ya be on kpɔ mage suugaswem ne suugapon ne bwea konkwaare newenyini gbagba aa kpɔ ba liire maa la.
- <sup>30</sup>Saɔ la newenyini faa wola Korowii nwenɛ jeme kerede la, o laa sie kpɔ ba wechoɔga ta. Ke taraken te, o nɔ hare ta bobelbwa nera chare ba liire de le ba wechoɔga ta,
- <sup>31</sup>dekalkenɔ o do topera waa de ba newenyini bwa waa bola kasintɛ ne la. O le nen wee ba waa la bola. O ir naate seo ta ase nera jeme kenɔ kpelaa o waa la."
- <sup>32</sup>Pɔɔl aa bol seo ta ira waa la, de ba de mamɔ, ase bane ge nɔ, "Ya de nyin ke he bol he waa la ya no ja."
- <sup>33</sup>Belaa o le ba bini, de kaa.
- <sup>34</sup>Nera la bane te yarada Yeesu waa la de ba ja o ne. Nera baa yaradaa la bini bel sone Daneseos. De Areopagos nomonome la belee on. Haah bel baa de yerɔ Damaris ne nera bane yarada Yeesu waa la.

## We-la 18

- <sup>1</sup>A haboo la, Pɔɔl le Atens de kaa Korent.



<sup>2</sup>Belaa o ka na Juda te bel, de o sone Akwela. De Pōntos tee on, ase o ka so Room, de bere le bela ba Kōrent, dekalkeṅɔ de Room Koojen Klōdeos donji Juda tena bwa Room. De Akwela haah sone Presela. Pōl la ba be de ka na ba,

<sup>3</sup>de so ba be de ε toma, dekalkeṅɔ de gbansaba toma o faa de ε wubwa laanee baa ε.

<sup>4</sup>De o de la ba cheremi dea Ona Tōpere belbwa de kaa bol wa, ase o ne nera baa wola Juda tena εε ne Juda tena bwa yon deε nyiṅi Korowii waa bini. De o de tōṅ ba áse ba fe teṅe o kon ta.

<sup>5</sup>Silas ne Timoti aa le Makidoonia hare ba la, a taa Pōl do kpegri name de gel wobelbwa εε deε bol Yeesu waa la, deε di dansee deε bagle Juda tena keṅɔ Yeesuu Kristo la Korowii aa bage nyoa ṅɔ weε tomɔ́ ó ba le yaa la.

<sup>6</sup>De nera la de nyin Pōl toma chōga, deε εo nenhela. Anomanta o jwii o laala donja ta deε bagle ke o bag ba Korowii waa ase ba veah, de ṅɔ ba be ṅɔ, "De he nyograa, nen laa ε heya, he gbagbaa ε he nyu. Le fini deε kaa, nera baa wola Juda tena εε mee ba Korowii waa bagla. Maa he bee ba kpa."

<sup>7</sup>Waa le ba be la, o kaa chog baa bel waa de tome Korowii ge Juda tena aa de tome Korowii baa yero Titeos Jastos la. De o dem lo bela cheremi dea jweeh tenten.

<sup>8</sup>De nomoa waa de nyiṅi cheremi dea la ta la sone Krispus. De o ne o dem tena bwa yarada Yeesu waa la. Kōrent tena kerede no Yeesu waa la de yaradaa, ase ba so ba Korowii ne.

<sup>9</sup>Awola bel Pōl na chaahna jwaana. O nao keṅɔ Korowii aa de ṅɔ o be ṅɔ, "Be deε omε, deε bol n waa la nera be. Be nyoa to,

<sup>10</sup>dekalkeṅɔ n chege he haboo. N nera ware bwεε no ta. Anomanta mee che he mun taa, ase nomelbwa be won εε wobelbwa."

<sup>11</sup>Anomanta Pōl sogε bwεε la ta deε bagle nera Korowii waa benanyoa deε korobie anumel.

<sup>12</sup>Ge sanj baa te baa bel baa deε yero Galio nomonome ase o nyiṅi Akaaya hare deε te Room Koojen laanee Juda tena pe nyoa deε lawε Pōl la o be.

<sup>13</sup>Baa la o ne la, ba kaa ṅɔ, "Baa no jo ya kii ne. O deε bagle nera ṅɔ báa tome Korowii ṅwene bel ta aa wola were."

<sup>14</sup>Pōl te ne ṅɔ o bol waa deε Galio ṅɔ Juda tena la be ṅɔ, "Juda tena, deε tonchōga anee baa no fe tome no naa, ṅwene fe lole ke n lawε bambile deε no he be.

<sup>15</sup>Ke aa ε waa waa bola ne he bwεε tena sōna ne he bwεε waa gbo waa no te, hé gbagba ka nyiṅi a ta. Maa a ge waa noo bol."

<sup>16</sup>Galio donj ba o kōoto bela.

<sup>17</sup>Belaa ba lawε cheremi dea nomoa baa deε yero Sōostenes la deε looro Galio kōoto dea la sie tenten, ke Galio ta ban chanje kwara.

<sup>18</sup>A haboo la, Pool soge Korent asore tena la be bigri, ase de kal ba de le bela kaa Kenkrea. De o bage nyoa bel, anomanta o fone o nyu moo de le Kenkrea, ase o ne Akwela ne Presela kpo stiimae dee kaa Siiria hare.

<sup>19</sup>Ba kpo ka tel Efesos, ase Pool gel ba de te kaa bela cheremi dea, ase o ne bela Juda tena kaa bol Korowii wa.

<sup>20</sup>Nera la fe ngo o so ba be tama, ke o ta seeh.

<sup>21</sup>Ke waa de ba ba be lee de kaa la, o ngo ba be ngo, "De Korowii seoh te naa, mee beroo ba he be," de che Efesos kpo stiimae kaa.

<sup>22</sup>Waa tel Sisaaria la, o la Jerusalem de ka choo bela asore tena, de le bela kaa Anteok.

<sup>23</sup>Waa soge bela tama la, o le bela de vale Galaasia hare ne Frejea hare bwere ta dee ja nera baa de teje Yeesu nee de do bela la, dee do ba gbemba.

<sup>24</sup>De Juda te bel e bwee bel baa de yero Aleksandrea la bie, de ba Efesos, ase baa yero Apolos. De o jeme wobol taeh, de jeme Korowii Ton bini waa ge kerede.

<sup>25</sup>Ba fa bagle Apolos Yeesu bwara waa ne o nwenere bwa, ase o jema, de gee bagla o bokpega bwa ne. Ke, de Jon o faa de so nera Korowii nee la waa waa bagle nera Yeesu waa la gboo o no.

<sup>26</sup>O lo bambile de baa bol Korowii Waa cheremi dea. Presela ne Akwela no waa waa de bol la, de kpo la ba dem de ka baglo Korowii Waa la kerede.

<sup>27</sup>Belaa Apolos ngo wee la Akaaya hare taa. Anomanta Efesos asore tena la doo gbemba de chwere Akaaya hare asore tena ton ngo o ba ba be naa, ba nyinu kerede. Waa la bela la, o kaa cha nera Korowii aa sune ba nee de gel ba yarada o waa la taeh.

<sup>28</sup>O wono bagle Korowii Waa bini bombaah kpegri ne, Juda te belbwa aa wola wone tnglo, de won bagle waa Korowii Ton bini kengo Yeesu Kristo la waa e newenyina bwa Lee la.

## We-la 19

<sup>1</sup>Apolos aa lo Korent la, Pool kpo hare la bwe doa bor de ka le Efesos. Waa la bela la, o kaa pu nera baa de teje Yeesu nee la bane bela,

<sup>2</sup>de pee ba ngo, "Haa kpo he te te Yeesu la, Korowii te heyaa o Domadeege la aa?" Ase ba ngo, "Oho, ya te ta Korowii Domadeege la waa noe kwaraa bwa."

<sup>3</sup>Anee Pool bere kwaa pee ba ngo, "Aah de bokwa waa he seh ngo hee eo moo ba so heyaa Korowii nee la?" Ase ba ngo, "Jon waa o faa de chagle laanee ya seh."

<sup>4</sup>Belaa o ngo ba be ngo, "Nera baa chare ba liire de le ba wechoga ta laanee Jon so Korowii ne. Jon faa de bagle nera waa la, o ngo ba be ngo naate o taa lo sie dee ba bala la baa ba naa, ba yaradao de kpo ba te teo. De Yeesu waa wee bol la."

<sup>5</sup>Baa no ge waa no la, ba gelo ba so ba Korowii nee de bagle ke ba e ya Doo Yeesu nera.

<sup>6</sup>Pɔɔl kpɔ o nɔɔra dawɛ ba nɛ, asɛ Korowii Domadɛɛge ba so ba nɛ, asɛ baa bol wobofala, dɛɛ bol Korowii Wa.

<sup>7</sup>Dɛ baa tel baala fi dɛ banɛɛ.

<sup>8</sup>Pɔɔl di korobie atoro bwa bela, dɛɛ bol Korowii Waa bela tena be bansua ne ba cheremi dea bini. Dɛ o lag ba dɛɛ so, o ne baa bol Korowii Kora la wa. O takapɔ kɛ wɛɛ berɛ ba liiree áse ba fe teɲɛ o kon ta.

<sup>9</sup>Dɛ ba bini bane deɲne kpegri baa waa la yarada kwara, dɛɛ bol Yeesu nɛɛ teɲa la waa aa wola were kwara nɛnlaa la bwa baah ta. Anomanta Pɔɔl gel ba, dɛ lawɛ nɛra baa yarada Yeesu waa la, asɛ tɔperɛ belbwa o ne ba kaa cheme bobel baa dɛ yerɛ bela Teraanɔs Sukuu la ta.

<sup>10</sup>Gɛ Sukuu la ta laɲa dɛ kaa hweli Korowii waa tɔperɛ belbwa la, ba ɛ gɛ bene anɛ. Anomanta Juda tena ne nɛra baa wola Juda tena ɛɛ dɛ do Eesia hare ta bela bwaa no Yeesu waa la.

<sup>11</sup>Dɛ Korowii chegɛ Pɔɔl nɛɛ dɛɛ ɛ nyokpowaa aa do kpegri dɛ berɛ gwaa logla kwaa la.

<sup>12</sup>Dɛ nɛra kpɔ dukure ne yakwane waa lega dɛɛ la weela tena be, asɛ ba weelare ɛ le ba nɛ, asɛ ba bini banɔ la kwaa aa dɛ ir ba nɛɛ la ge kwaa la ɛ le ba nɛ.

<sup>13</sup>Dɛ Juda tena bane lɔ bela dɛ yon gaage dɛɛ doɲi kwaa aa dɛ ir nɛra nɛ. Ba ge fe dɛ nyin dɛ kpɔ ya Dɔɔ Yeesu sɔn dɛɛ doɲi a gɛ kwaa nɔ dɛ yon dɛɛ kɔgra ɲɔ, "Yeesu Pɔɔl aa dɛ bol o waa la sɔn ta, hé le kɛ yaa dɛ ɲɔ he be nɔ!"

<sup>14</sup>Dɛ Juda tena Sɔfonomoa bel baa dɛ yerɔ Skiiva la bibaala banuanɛɛ dɛɛ ɛ gɛ.

<sup>15</sup>Awola bel baa ɲɔa ba kpɔ Yeesu sɔn doɲi kwaa nomɛl nɛɛ la, a gɛlɔ o ɲɔ ba be ɲɔ, "N jemɛ Yeesu, dɛ jemɛ Pɔɔl ge. Asɛ he ge, heyaa bamewaa?"

<sup>16</sup>Ate dɛ baa la kwaa aa dɛ ir o nɛɛ la gug ba dɛ lɔɔ ba, dɛ a ɔma. O pira ba dɛ kɛɛ ba laala dɛ wur ba, asɛ ba chwa le o dem bela.

<sup>17</sup>Juda tena ne nɛra baa wola Juda tena ɛɛ dɛ do Efesos la bwa no gɛ waa nɔ, asɛ ɔmee lag ba kɛɛdɛ. Gɛ waa nɔ aa chiga la, bela tena ta Yeesu waa la wesale liire kpa. Ba ɔmɔ kɛɛdɛ.

<sup>18</sup>Name dɛ bela asɔre tena la kɛɛdɛ le bombaah dɛɛ bol wechɔga baa ɛa, dɛɛ seh ba chɔgre.

<sup>19</sup>Asɛ ba bini bane baa ɛ dobodobo ka mɔɔ dɛ ɛ asɔre tena la le ba tone baa nyinji a bini dɛɛ ɛ dobodobo la ne, dɛ kpaa nii do a ta bombaah bela. Baa kari tone la suuga la, aa do kanee. Aa tel suugapɔɲa kagbɔɲa fifraanuee.

<sup>20</sup>Gɛ ɲwenɛkpeg nɔ taa a che Korowii waa la pere dɛ won do kpegri kohona.

<sup>21</sup>Gɛ waa nɔ habɔɔ la, Pɔɔl ɛ o liire keɲɔ wɛɛ la Makidoonia hare ne Akaaya hare taa, dé ka kaa Jerusalem, dɛ ɲɔ dɛ o la a bwa ta naa, a che kɛ o la Room gba.

22O tome o bonɔna bane baa de yer ba Timoti ne Erastos la, ase ba to o sie kaa Makidoonia hare. Ke o te soqe Eesia hare ta tama.

23A ge sanj la, de Efesos tena baa wola asore tena ee la le gaeh nera baa de teje nwenefale la ta la ne.

24De jwini te bel lo bela baa yero Demetros. De o kpo suugaponja dee kwaa bela vog bel baa de yero Aatemes la dea chaa, ase ge toma la ee te o ne o bala tom-ɛera ton tenten.

25O yere o tom-ɛera la bwa ne nera o ne baa de e tonsiwi benjkonj la bwa, de njo ba be njo, "Yabala, he jemɔ ke toma no taa a che ya do wer la.

26Ke taraken, he gbabir na waa Pɔɔl no aa de e, de no waa waa de bol. Efesos bonɔ gbo laa wee e o waa no. Eesia hare kerede bwaa wee ea. O wono bere nendamanta bwa liire baa teje waa waa de bagle la ta. O waa waa de bol laanee ke voga newenyini gbagba aa kpo non dee ea la ta kasintej doe.

27Waa de e ge no, n de omɛ kejo ya toma no son be ba chog. Ya toma no gbo son laa dee ba choga. Ya vogjen Aatemes dea no nera aa de manjurao no, baa on komelbwa yera ba kpa, ase o son sewe, ase de kpo vog baa de tomɔ Eesia hare ne bobelbwa la son kwaraa! Baa on omɛ kpa."

28Nera la aa no ge waa no la, ba bwaawee iro, ase baa dooge lonjore dee njo, "Ya Efesos tena vog Aatemes no donj toole!"

29Ate de gbɔga to bwee la bwa, ase nenlaa la aa de do gbɔga la lawe nera bane baa de yer ba Gayos ne Aristakus la. De Makidoonia hare tenaa ban, ase ba ne Pɔɔl ee vale. Nera la teg ba la bela ba bwee tena aa chema dee bol waa dee pa bole la.

30De Pɔɔl fe de nyin nera la be bela laja, ke nera baa de teje Yeesu nee la ta on nwenete.

31De o daamanaree Eesia hare nomonome la bane. Ba tome nera njo ba ka kaoh njo o be lii kejo wee tire nera la baah belaa.

32De nenlaa la kerede aa jeme wee la waa baa cheme bela. De ba bwa aa wesiwi benjkonj bol. Bane nyega to ba bol waa chage bonɔ, de bane ge bol ba kwaa chage le. De ba bwa de bol waa sagasaga ken, ase gbɔga to bela bwa.

33Bela Juda tena fe gelo ba bini bel baa de yero Aleksanda la ir che, de fe toh ba nyoa njo ba laa ba waa la ne. Anee o kpo non eg ba njo ba to nyoa, ase o fe toh o bwee tena nyoa.

34Nera la te ne o nae ke Juda tee on, de ba pɛo dee bol kohona njo, "Ya vog Aatemes te donj toole!" Ba si ge naaa donjhwere ane bwa.

35Belaa ba krache nomoa waa cho ba nyoa la le de gel ba to nyoa. Baa to nyoa la, o njo ba be njo, "Yabala Efesos tena, nomelbwa jemɔ kejo ya bwee noo do ya vogjen Aatemes vog dea dee nyinji o ta. Yanee do Aatemes bwe la aa le Korowii doa ba le hare la ge.

<sup>36</sup>Tɔŋla toole gɛ waa nɔ te ta. Aa do gɛ nɔ, a che kɛ he tɔ nyoa dɛɛ nyinji. A ta che kɛ he ɛ waane dɛ ba le waa nɛ.

<sup>37</sup>Nera nɔ ta ya vog nɔ komɛlbwa ŋwɛɛ, ba ta on sisa wobol ge bolɛ. Aah dɛ bala haa ba ba ne bonɔ nɔ mun ɔ?

<sup>38</sup>Dɛ nomɛl ɛ Demetros ne o bala waane aa, kɔɔto deene lole, nomonome baa dɛ bol waa a ta la ge lole. Bá ka samane dɔŋa bela.

<sup>39</sup>Dɛ gɛ ge laa aa, dɛ waane ta lole naa, tɔɔ la wee bwɛɛ nɔ nomonome aa cheme la, bá kpɔ bil ba sie.

<sup>40</sup>Yaa dɛ do gbɔga ken nɔ, ya ta kerɛde nyinɔaa, baa koh a waa lawɛ yaa. Ba lawɛ yaa ge aa, yaa wobɛlbwaa dɔ bol dɛ bagle gbɔga nɔ mun.”

<sup>41</sup>Waa bol waa nɔ gɛ la, o gelɔ nera la pegre.

## We-la 20

<sup>1</sup>Gbɔga la nyoa aa sɔɔhna la, Pɔɔl yerɛ bela asɔre tena la cheme, dɛ do ba gbemba, dɛ kal ba, dɛ kaa Makidoonia hare.

<sup>2</sup>O kpɔ baah bela bwɛere la ta dɛ bol waa bag ba taeh dɛ ja ba, dɛ le bela ba Grik tena hare ta.

<sup>3</sup>O di korobie atoro bela mɔɔ dɛ kpɔ o te dé fe kpɔ stiimae kaa Siiria hare. Waa dɛ kpɔ o te dé kaa la taa o na kenɔ bela Juda tena dɛ vorɔwe dé lawɔ. Belaa o berɛ laa bere kpɔ Makidoonia hare dɛ kaa.

<sup>4</sup>Perɔs bie Sopata waa le Beria la teŋɛ Pɔɔl nɛɛ kaa. Aristakus ne Sɛkondos baa le Tesalonika la ge la bɛl. Gɛɛ Gayos waa le Dɛɛbe la, ne Tichikos ne Trɔfemos baa le Eesia hare la ge la bɛl. Timoti ge la bɛl.

<sup>5</sup>Gɛ nera nɔ tɔ sie dɛ ka so kpa Pɔɔl ne men maa dɛ chwerɛ waa nɔ Troas.

<sup>6</sup>Ya tɔpejena yaa dɛ di paanoo yaa wola iisi a ta do la garɔ mɔɔ ya che Felepae jo stiimae bini. Yaa le Felepae la, a tɔpera anuee ya ba puu ba Troas. Ya di yawanyoa Troas bela.

<sup>7</sup>Memene wee jɔmɔra ne la, ya asɔre tena la chemo dɛ di kondikwaa ya Dɔɔ aa kpɔa ja yaa ŋɔ yá kpɔ dɛɛ lii o waa la, ase Pɔɔl bol Korowii Waa dɛɛ bagle yaa. Dɛ o fe dɛ nyin kenɔ tɔɔ peraa ó kaa, anomanta o bol waa ka tel harambaŋa.

<sup>8</sup>Dɛ abrɔsane bɛl doaa ya cheme, ase kandere do bela pirim.

<sup>9</sup>Dɛ bonɔɔ bɛl soge tokoro ta baa yerɔ Yutekɔs. Pɔɔl aa bol waa bigri la, dom lawɛ Yutekɔs kerɛde. Waa dɛ chɔ la, o le tokoro la ta abrɔsane la doa le hare. Dɛ gɛ dea laanee chɔŋa tooro abrɔsane la deene aa chɔŋra la ta. Baa gɔɔro, dɛ o sewɔ.

<sup>10</sup>Anee Pɔɔl tu hare dɛ ka pi o nɛ, dɛ gbaaro pɛl o bambile, o berɛ wee. Ase Pɔɔl ŋɔ ba be ŋɔ, "He bɛ ɔmɛ, o siwi lole.”

- 11** Ase Pɔɔl bere deeh abrosane la de ka di kwa, ase o ne ba bol waa la sie ka tel ke to aa pera moɔ o kaa.
- 12** Ate nera la sie leo kohona kenɔ bie la aa ira la, de kpɔɔ kaa dem.
- 13** Ya kaa kpɔ ya stiimae la kaa bwɛɛ bel baa de yero Asos la ta. De ya fe de lii ke yaa ka kpɔ Pɔɔlee Asos bela, dekalke de ya ne o vorɔwɔ ase o nɔ weɛ kpɔ hareɛ deɛ cheme yaa bela.
- 14** Waa baa pu yaa Asos la, ya kpɔɔ ya stiimae la ta, ase ya ne o ba Mitiliini.
- 15** Tɔ aa pera la, ya berɔ kpɔ stiimae la le bela de ba cho ekwi bel baa de yero Keos la jweh. Tɔ aa pera ja la, ya ba bwɛɛ bel baa de yero Samos la ta. Ase tɔ aa bera per ja la, ya ba bwɛɛ bel baa de yero Maeletus la ta.
- 16** Yaa de ba la, ya ta Efesos chege, dekalke de Pɔɔl aa nyin ke o ba bigri Eesia hare ta. De o de nyin ke o won tel Jerusalem warane de ba topejen baa de yero Pentekos la ta gare moɔ.
- 17** Pɔɔl chege Maeletus kal Efesos asore tena nomonome nɔ ba ba o be Maeletus.
- 18** Baa bala la, o nɔ ba be nɔ, "Le awola maa ba he be Eesia hare bono la ba le fini, he na n da maa kpona bwa.
- 19** De n kpɔ n te ke n Doo Yeesu bonoo deɛ e o toma nɔ sipwera ne. N koh he nyogra haa nyogre Korowii nwere waa de yon deɛ wi. Juda tena aa de vorowe n vorowa la, a noo me tenten.
- 20** N ta wobɛlbwa kpɔe soh heya. Wobɛlbwa aa le tonɔ te heyaa la, n ta a ta toe. N bagle nera Korowii Waa cheremi bora, de bagle o waa he deremi.
- 21** Juda tena ne nera baa wola Juda tena ee bwa bee n bol, de ja ba nɔ ba chare ba liire de le ba wechoga ta, de ba Korowii be, de yarada Yeesu de kpɔ ba te teo.
- 22** "Taraken nɔ, Jerusalamee mee kaa la, dekalke nɔ Korowii Domadeege kpɔ bela laja do n bambile ta maa wola won veh. De waane ee puu mee bela yaa, maa jeme.
- 23** Waa maa jema bwaa kenɔ bela bwa maa la la, ge Korowii Domadeege che nera neɛ de nɔ wahala ne dea choe cho n sie deɛ kpaa me.
- 24** N waane laa n gbagba hweera wa. Waa aa swɛɛ n siwi laanee ke ge maa e de tone toma n Doo Yeesu aa te me nɔ e la. N tomaa ke n bol Amanesoma la nera be ba jeme kenɔ Korowii de sune nera neɛ deɛ nyin ba chae.
- 25** "Taraken nɔ, n jemo ke he nera maa vale he neɛ de bol Korowii Kora nɔ waa he be nɔ, haa men na kpa bwa.
- 26** Mee di heyaa kasinteni fini. De he belbwa baa nyogre Korowii nwere aa, n laa e waane,
- 27** dekalke n ta waa Korowii aa de nyin la wobɛlbwa kpɔe soh heya.



<sup>28</sup>Hée nyiŋi he te kerede, dee nyiŋi nera Korowii Domadeege aa kpo ba do he non ta no hée nyiŋi ba nee la kerede. Korowii Bie gbagba chalee o kpo yawe o nera ase ba e o kwaa no, anomanta hée nyiŋi ba ne.

<sup>29</sup>N jemo keŋo maa de kaa no, nenchoga ee jo he binii keŋo petegre toole naa, gbolore yon jo peera baah dee larawa la.

<sup>30</sup>N jemo keŋo he gbagba bini bane ee dee bol waa aa wola weree, de negre nera ase ba gel Yeesu nee teŋa dee teŋe ba ne.

<sup>31</sup>A waa n no hée nyiŋi kerede no he be ba soh ke n faa lo he be bene atoro bwa de yon dee ja heyaa Korowii waa ta topebii te belbwa, de koh he waa dee wi la.

<sup>32</sup>"N kpo heyaa do Korowii non ta ase o kpoŋe heya, ase o nera nee suna waa la won do he bambile bini ase he do kpegri, de won di kaperesom la waa ea cheg nera waa laa ba doŋa bwa kpo ba nee ase ba e o gbo nera la.

<sup>33</sup>N sie ta nomelbwa suuga kee o yal ta begre.

<sup>34</sup>He gbabir jemo keŋo ge san maa lo he be la, bowobee n kwee mo n ne nera baa teŋe n nee la ee do ya komelbwa.

<sup>35</sup>N chege n we-eela ta de bagle heyaa keŋo a che ke ya swee siwi e toma ken, ase de won dee cha nera baa wola kpege la. A che ke yaa lii waa ya Do Yeesu gbagba aa bola no, 'Nen waa de ke nera kwaa la, o bwara de soohno de gwaa nen baa de keo kwaa' la."

<sup>36</sup>Pool aa bol waa tone la, o guni hare, ase o ne ba soŋe Korowii.

<sup>37</sup>Baa ira la, ba lawo gbaa ba bambili, de kpo wiile de kalo.

<sup>38</sup>Wee la aa gela ba loo ku kohona laanee keŋo waa noa baa on na kpa bwa la. Baa gwao tone la, ba doo nwene la stiimae la bor.

## We-la 21

<sup>1</sup>Yaa le ba be la, ya jo stiimae bini de pa sie kaa Kos, ase to aa pera la, ya la Roods, de ka che bela kaa Patara.

<sup>2</sup>Bela ya na keŋo stiimae bel aa ba de kaa Finiisia hare ta, ase ya jo o bini de kaa,

<sup>3</sup>de ba le bobel de na ekwi bel baa de yero Saepros la, de bere pa sie weekanle hare bor pera de ka le Siiria hare ta, de ka tu Taaya, dekalkeŋo de belaa stiimae la ee ba bone aa lo o bini la ne.

<sup>4</sup>Ya nyin asore tena baa lo bela la bor, de so ba be yawanyoa. Bela la Korowii Domadeege la gelo ba no Pool be no o be Jerusalem la.

<sup>5</sup>Ya kaala aa tela la, ya le bela de chig nwene ta dee kaa. Ba ne ba haahna ne bii bwaa baa do yaa nwene de le bwee la ta, de ka tel nee nyoa, ase ya guni hare nee nyoa bela de soŋe Korowii de kal doŋa.



- <sup>6</sup>Yaa kal dɔŋa tone la, ya jo stiimae bini, ase ba kaa dem.
- <sup>7</sup>Ya le Taaya ba Tolemaes de ba choo bela asore tena, de so ba be topebenkpon.
- <sup>8</sup>To aa pera la, ya le bela de ba Sisaaria, de ba chog Felep. De o e nera banuane ba faa lee ba Jerusalem no baa nyin suuga waa ta la bel. De o de gaage dee bol Korowii Wa.
- <sup>9</sup>De o do bihaahna banaare baa wola yale bwa ase Korowii Domadeege la cha ba ba yon dee bol Korowii Wa.
- <sup>10</sup>Ya bigri bela tama, ase Korowii keame bel baa de yero Agabus la le Judia hare ba.
- <sup>11</sup>Waa ba ya be la, o baa kro Poo kriso, de vorowe o gbagba noora ne nakpale de no ya be no, "Kenii Korowii Domadeege no: Juda tena ee vorowe kriso no te kenii Jerusalem, de kro do nera baa wola Juda tena ee non ta."
- <sup>12</sup>Yaa no ge waa no la, ya ne asore tena baa lo bela la soŋe Poo no o be Jerusalem la.
- <sup>13</sup>Belaa o no, "Ere hee wi ken dee nyin ken he do me bohwaah no? De baa vor mee Jerusalem yaa, n seh ge. De baa kro mee ge kwaraa naa, n seh ge. De baa koh n Doo Yeesu waa de ee me ano belbwa naa, n waane laa. N seh ge waa no wubwa bambile bwa ne."
- <sup>14</sup>Ya bol hare bini waa no bwa o be, o ta noe. Anomanta ya gelo de no, "Ge Korowii aa de nyin a e la, a e ge."
- <sup>15</sup>A haboo la, ya kro ya bone de kaa Jerusalem.
- <sup>16</sup>Sisaaria asore tena la bane ge teŋe ya nee la, de to ya sie la ya ne baa la ya fe aa de ba o dea choga la dem. De o le Saepros, de e nenlogla baa le Yeesu waa la bel, ase baa yero Meesan.
- <sup>17</sup>Yaa ba Jerusalem la, asore tena la le yaa silae ne.
- <sup>18</sup>To aa pera la, Poo kro yaa la Jems be, de asore tena nomonome la bwa lo bela.
- <sup>19</sup>Poo ne ba lea dɔŋa, ase o bagle waa bwa Korowii aa chao o won e nera baa wola Juda tena ee la hare ta.
- <sup>20</sup>Baa no Poo waa la la, ba jam Korowii taeh. Belaa ba ge no o be no, "Nomoa, taraken no, yaa won jeme Juda tena baa yarada ya Doo Yeesu no nyoa bagle. Ba waro kohona. Ba sie begre Mosis Mmara la ge ta taeh.
- <sup>21</sup>Ge nera no bwa noo ken haa de gaage la, he ka de bagle Juda tena baa lo hare aa wola Juda tena hare ee ta la no ba gel Mosis Mmara la ta teŋa. Hale ba no he no ba gel ba bii pena teŋa, de no ba be Juda tena kii te belbwa ta dee teŋe. Mosis Mmara ge ta nwen ge tee.
- <sup>22</sup>Ge nera no ee noo ken he balo. Anomanta ere hee ba ee yo?
- <sup>23</sup>Yaa baglee ge aa che ke he e. Baala banaare bane bage Korowii nyoa bono.

<sup>24</sup>Kpɔ ba la Korowii Dea, ase hé ne ba ka pe e we-eela haa de ba ee áse de laa doŋa kpɔ he nee la. He laŋaa, hé bɔ ba kem aa che ke ba bɔ waa la ta la tee ba, áse ba won fone ba nyuune. He e ken aa, nera bwa ee jemoo keŋɔ haŋaa ba haŋe he nyoa. Baa nao keŋɔ he gbabir de teŋe Mosis Mmara la ta.

<sup>25</sup>Ase nera baa wola Juda tena ee de yarada Yeesu waa la ge la, ya chwer ba ŋɔ ba be vog kwaa ne chal ne ol baa wola o baŋa teŋe o sewe la dee di, de ŋɔ bá laa ba te dee kpɔ jwamane waa ta.”

<sup>26</sup>Baa ŋɔ ge la, Pɔɔl le nera banaare la, ase to aa pera la, o ne ba ka e we-eela la áse ba doŋa le ba ne. Baa tona la, Pɔɔl kaa jo Korowii Dea bini dee bagle topera aa di moo ba kpoo ba belbwa koŋkwaare, áse ba we-eela la tone. De a lo topera anuane.

<sup>27</sup>Topera anuane la aa ba de tel a jaga la, Juda tena bane baa le Eesia hare pera la na Pɔɔl Korowii Dea, de bol waa de ir nera bwaawee, de lawɔ,

<sup>28</sup>de kpɔ takpeg dee ŋɔ, "Israel tena, hé ba cha yaa oo! Baa noo vala dee bol waa bobelbwa dee yage ya Israel tena ne Mosis Mmara ne Korowii Dea no la. Name te kwaraa doŋaa o kpɔ baa jo ya Korowii Dea no bini. Nera baa wola Juda tena ee, aa wola chee keŋɔ ba jo Korowii Dea la, bane o lawe baa jo o bini!”

<sup>29</sup>De ba na o ne baa bel waa le Efesos baa yero Trofemos la Jerusalem bela. A waa ba ŋɔ ge la, dekalke de ba de lii keŋɔ Pɔɔl jo o ne ba Korowii Dea la bini.

<sup>30</sup>Ate de bwee la tena bwa le gaeh, de chwa le bobelbwa de lawe Pɔɔl de tuugu le Korowii Dea la bini. Bug la ta de ba tooge Korowii Dea la gbeni bwa.

<sup>31</sup>Nera la aa chege Pɔɔl kpoe naa ta la, nera kaa ŋɔ Room soojanomongen waa de nyinji bela soojare nee la be ŋɔ Jerusalem tena bwa le gaeh.

<sup>32</sup>Ate nomoa la gel wobelbwa ee de kpɔ soojanomome bane baa lo o loga ne soojare bane de chwa la bela baa de loo Pɔɔl la. Nera la aa na nomoa la wee ba soojare ne la, ba gel Pɔɔl loora.

<sup>33</sup>Nomoa la baa lawe Pɔɔl de gel ba do kwaa o noora, de boo nera la ŋɔ, "Nen besoo baa no no? Webesoo o eo?”

<sup>34</sup>Ate de ba de nyeg bobelbwa, bane ee bol ano, bane gee bol ane soosiwi. Baa de do gboga ge la, o ta wone jeme waa la kasintey, de ŋɔ bá lawe Pɔɔl ka do soojare dejen bini.

<sup>35</sup>Ba de la de ka tel dea la sanjol baa chege o ta dee jo o bini la ta, ase nera la ee nyin ba kpoo Pɔɔl. Anee soojare la leo ba be de gooro dawɛ ba vaama ta.

<sup>36</sup>De nera teŋɔ de kpɔ takpeg dee ŋɔ, "Hé kpoo! Hé kpoo!”

<sup>37</sup>Soojare la aa de ba Pɔɔl ne dea la bini joe la, o bol waa ba nomongen la be de ŋɔ, "Nomoa, n de nyin n bol waane he be tama." Belaa nomoa la ŋɔ, "He de no Grik wobol aa?”

<sup>38</sup>Jamɔ Ijɪpt te la waa bala baah bel ta de ba wetɔŋla ne de yo Abane nomonome ase de jo neŋkpoora kagboŋa banaare baa kpoŋe dɔmkwaa la ne kpɔg bini laanee hen kee?"

<sup>39</sup>Anee Pɔɔl ŋɔ, "Juda tee men. Silisia hare bwejen baa de yero Taasos la biee men. N poori, te me ŋwene n bol waa nera no be."

<sup>40</sup>Waa ŋɔ ge la, nomoa la teo ŋwene, ase o che dea la sanjol ta de kpɔ non ege nera la ŋɔ ba to nyoa. Ba to nyoa surumm ken, ase Pɔɔl kpɔ Israel wobol dee bol waa ba be, de ŋɔ:

## We-la 22

<sup>1</sup>"N meewa ne n dooranarwa, he do dena n be ase n bol n kon he no."

<sup>2</sup>Baa noa keŋɔ ba gbagba wobolee wee bol ba be la, ba to nyoa jeihi ken, ase Pɔɔl ee bol o wa, de ŋɔ,

<sup>3</sup>"Juda tee men. Silisia hare bwee baa de yero Taasos la taa ba lol me. Ke Jerusalem bonoo ba dee me, ase Gamaleel chag me kwa, de bag me ya naanar kii bwa, ase mee teŋe a ta. N sie begro mee tome Korowii ge he belbwa aa de tomɔ fini no.

<sup>4</sup>De n fa chege nera baa teŋe ge ŋwenefale no ta no nee dee nyin ba de kpo, de lawe ba baala ne haahna bwa do deene.

<sup>5</sup>Sɔfore Nomoa ne ya Juda tena nomonome bwa ee wonoo di dansee keŋɔ kpelaa n ŋɔ. Banee fa chwere tone te me ase n kpɔ la yabala Juda tena baa lo Damaskos la be ase ba te me ŋwene n won lawe ŋwenefale la tena baa lo bela de kpɔ ba ba Jerusalem ase ba ka ee ba wahala la.

<sup>6</sup>"Maa de la de ka tel Damaskos la, kerabenkpoŋ de nii le nyundua de chaah n nee kohona de bar me cheme. De wee chege nyufala.

<sup>7</sup>Belaa n chole hare. Maa chola la, n no taa bel o ŋɔ n be ŋɔ, 'Oo, Sɔɔ! Eree he che n nee ge noo?'

<sup>8</sup>Bela n ŋɔ, 'Henee umeo, n Doo?' Ase o ŋɔ, 'Menee Yeesu waa le Nasaret la. Menee hee yo la.'

<sup>9</sup>De n ne nera banee dee kaa. Ba na nii la te, ke ba ta naate waa de bol waa n be la wobol te noe.

<sup>10</sup>Belaa n peero ŋɔ, 'N Doo, erree mee ba ee yo?' Ase o ŋɔ n be ŋɔ, 'Ir la Damaskos ase Korowii ka bagle waa waa de nyin ke he e.'

<sup>11</sup>Nii la aa chaah n sie kohona la, a gelo n nyoŋe. Anomanta nera n ne baa de kaa laanee bera lag me da de ba n ne Damaskos.

<sup>12</sup>"Damaskos bela la, de baa bel lole baa yero Ananias. De o e nen waa de tome Korowii kerede dee teŋe Mosis Mmara la ge ta kerede, ase Juda tena baa lo bela la bwa ee teo duure kohona.

- 13**Ananias baa che n be de ηο, 'N dɔɔ Sɔɔl, Korowii gel he sie pili.' Bug la ta de n deno bere de na, de nao.
- 14**Ase o ηο, 'Korowii ya naanar faa de tomɔ la, onee lee te o te ηο hé jeme waa waa de nyin, de won no o Bidεεge la gbagba wobol, de nao ge.
- 15**O ε ge áse he won di dansee teo nera bwa be waa haa naa bwa ta, ne waa haa noa bwa ta.
- 16**Anomanta be bere so kpa. Gel ba sɔe Korowii ne, ase he yere Yeesu sɔn de soηo ó kpɔ he wechɔga kεε.'
- 17**"A habɔɔ la, n berɔ kaa Jerusalem. Belaa n kaa soηe Korowii o dea bini de na chaahna.
- 18**N na n Dɔɔ Yeesu, ase o ηο n be ηο, 'Le Jerusalem warane. N waa nɔ haa de di a dansee nɔ, Jerusalem tena aa a noe ba.'
- 19**Belaa n ηο, 'N Dɔɔ, ba gbabir na ge n faa la cheremi deene bini de kaa lɔɔ nera baa yarada he waa nɔ, deε do ba deene.
- 20**Ge saη baa kpo Steeven o faa de di he waa nɔ dansee la, de n lɔ bela de seh ηο o che kpoe. Hale baala la aa de kaa bá ka kpoo de wur ba yale la, men lea kpoηe.'
- 21**Anee o ηο n be ηο, 'Kaa! Mεε geloo he kaa bojaη, de la nera baa wola Juda tena εε be.' "
- 22**Pɔɔl aa de bol o waa la bwa de nera la bwa cheg deηne deε no o be. Kε waa ba de bol nera baa wola Juda tena εε be laηa waa la, ba baah diu baa nyeg kohona deε ηο, "Hé le o ne! Bɔkwaa he gel o che deε εo?"
- 23**Ba baah diu, ase baa nyeg, deε viwe ba yale, de ε teera deε ta nyundua.
- 24**Anomanta soojanomɔnjen la gelɔ ba kpɔ Pɔɔl jo dea. De o ta wone jeme wee la aa bala nera la εε nyeg ge la. Anomanta o ηο bá lɔɔ Pɔɔl bampɔɔ ηwεera ne, de εo hɔhɔɔwa áse o fe seh chɔgre de bol kasinteη.
- 25**Baa ηɔa ba lɔɔro la, o pεε ba bini nomoa la ηο, "Dwene lole keηo he lɔɔ Room te de ba ta o waa bole de na wechɔga waa εa aa?"
- 26**Pɔɔl aa ηο ge la, sooja la kaa ηο ba nomɔnjen la be ηο, "Deε do baa nɔ deεgo de be on wechɔga belbwa ε. Room tee on."
- 27**Belaa nomoa la ba pεε Pɔɔl ηο, "Room tee hen aa?" Ase Pɔɔl seh ηο Room tee on.
- 28**Anee nomoa la ηο, "Belee n gba, ke n bɔ kem taeh mɔɔ de won ε Room te nɔ." Belaa Pɔɔl ηο, "Room tee lole n te n ε Room te."
- 29**Bug la ta de nera ba fe aa de ba Pɔɔl lɔɔra la le habɔɔ. Nomoa la ge aa naa ke Room tee Pɔɔl ase o gel ba do kwaa o nɔɔra la, o ɔmɔ.

<sup>30</sup>De nomoa la de nyin o jeme waa Pɔɔl aa ea ase Juda tena la baah di o nee la. Anomanta to aa pera la, o gelo ba le Pɔɔl dea, de gel Sofonomome ne Juda tena nomonome baa de bol waa la bwa cheme. Baa chema la, o gelo Pɔɔl ba che ba sie.

## We-la 23

<sup>1</sup>Waa baa che nomonome la bwa sie la, o nyin ba, de no, "Yabala, n bambile bwa nee n tome Korowii le san la bwa ba le fini. N liire ta men ee ke n e wechoga bwa."

<sup>2</sup>Ase Ananias waa e Sofore Nomoa la no nera baa chege Pɔɔl jweeh la kpa o nyoa ta.

<sup>3</sup>Belaa Pɔɔl no, "Korowii ee loe bo kem, nera sie ta gboo he e nendeege keho dekooh baa loo fula. Haa chema no, ge Mmara aa chagla laa hee ba nyin de bol n wa aa? Aah de haa no ba loo me no, de Mmara te nyene ge naa?"

<sup>4</sup>Anee nera baa chege Pɔɔl jweeh la no, "Sofore Nomoa hee chegre naa?"

<sup>5</sup>Ase Pɔɔl no, "Yabala, n ta jeme ke Sofore Nomoa on. Korowii Ton baglo keho nyene toole ke nomelbwa chege nomoa waa de nyin o bwee tena ne."

<sup>6</sup>Pɔɔl nyin nera baa cheme bela la de na keho bane e Saduki tena, ase bane ge e Farisii tena. Belaa o kpo takpeg no, "Yabala, Farisii tee men noo! Farisii tena biee men. N de hwega ke nera ee ir seo taa. Ge hwega no maa doa no waa ba ba n ne no he bol n waa de pa bole la!"

<sup>7</sup>Waa dena no ge la, wetonla chole Saduki tena la ne Farisii tena la baah. Ba nyoa ta bere pe kpa,

<sup>8</sup>dekalk de Farisii tena la te no nera bwa ee ba ir seo taa, de no lala ge lole, de no nyundua toroma ge lole. Ke de Saduki tena la te aa ge waa no belbwa yarada.

<sup>9</sup>Ba nyega la nyoa baa do kpegri, ase Farisii tena Ton Jerema la ir che de no, "Ya ta wechoga belbwa baa no nee nae. Bel lole komel kee nyundua torome belee bol waa o be!"

<sup>10</sup>Ba wetonla la nyoa baa do kpegri kohona, ase ome bere lawe soojanomjen la, ase wee lii ke baa tigre Pɔɔlee kpo. Anomanta o gelo o bechale jo nera la baah ta de le Pɔɔl ba non ta de kpo kaa sojare dejen baa doo o bini la ta.

<sup>11</sup>Awola jwaana ne la, ya Doo Yeesu baa che Pɔɔl jweh de no o be no, "Be ome. Hee di dansee te me Room ge haa dia te me Jerusalem no."

<sup>12</sup>To aa pera la, Juda tena la bane chemo de vorowe waane. Ba nyee ntam no de ba ta Pɔɔl kpoe yaa, ba belbwa be kwaa di, o be nee no. Ba no nomelbwa waa to ntam la la, Korowii kpo.

<sup>13</sup>Ba nera ba nyoa aa pea ba vorowe ge waa no la gwaa nera fifraanaare.

<sup>14</sup>Ba la Sofonomome ne bwee nomonome be de ka no ba be no, "Ya nyee ntam no de ya ta Pɔɔl kpoe yaa, yaa kwaa di.

- 15 Anomanta hé ne Juda tena nomonome baa de bol waa la tome nen soojanomongen la be ηο ó le Pòol te heya, á do keηο haa de nyin he kwaa nyinji o waa bini kerede la. De ba de ba o ne naa, waa bonoo tel ya te kpoo.”
- 16 Jaah Pòol nimambie bel bibaa no ge waa la. Anomanta o la soojare dejen baa kpò Pòol ka do o bini la ta de ka ηο o be.
- 17 Belaa Pòol yere soojanomome la bel de ηο o be ηο, "La bonoo nò ne he nomongen la be. O dò waane dé bol o be.”
- 18 Sooja la la o ne ba nomoa la be de ka ηο o be ηο, "Pòol la baa doo dea laanee yer me de ηο n be ηο n ba bonoo nò ne he be. O dò waane dé bol he be.”
- 19 Belaa nomoa la lawe bonoo la non de le o ne bokere de pèero ηο, "Bòkwa waa he dò dæ nyin he bol n be nò?”
- 20 Anee bonoo la ηο, "Juda tena vorowo ηο baa ba sojee ase hé kere kpò Pòol tee ba bá la o ne ba nomonome baa de bol waa la sie, á do keηο baa de nyin ba ka kwaa nyinji o waa bini kerede la.
- 21 Ke be Pòol kpò tee ba, dekalke ba nera de gwaa fifraanaare soh ηwene ta dé kpoo. Ge nera la ηwee ntam ηο ba ta Pòol kpoe yaa, baa kwaa di, baa nee gee nyò. Ba e wobelbwa tone. He siwi taa baa nyinji.”
- 22 Belaa nomoa la ηο o be ηο, "Be gel nomelbwa no keηο he bol ge waa nò n be." O ta bonoo la ηwene o kaa.
- 23 Soojanomongen la yere o soojanomome la bane de ηο ba be ηο, "Hé nyin soojare lafraane, de nyin soojare baa soje jagre ta dæ yo la ge fifraanuanæ, ne soojare baa de yo lampea ne la lafraane áse ba la Sisaaria fini jwaana don anuanaare sanj.
- 24 Nyin konteehna te Pòol áse o so bel ta, de la o ne sònonoo ka te hare nomoa Felekse.”
- 25 Nomoa la chwere ton tee ba ηο bá kpò ka te hare nomoa la. Kenii o chwero:
- 26 Men Klodeos Lisiasii chwere ton nò dæ te n nomoa Felekse. He le aa?
- 27 Juda tenaa lawe baa nò de fe ee nyin o kpoe, ase n ka le ba ne, de no ke o e Room te, de kpò soojare ka leo.
- 28 Maa leo dæ nyin n jeme wee la waa baa de nyin o kpoe la, n kpò la Juda tena nomonome baa de bol waa dæ pa bole la sie.
- 29 Belaa n na keηο ba kii waa ba lawò. Waa baa kpò dawò la ta che keηο ba kpoo. A ta che ke ba doo dea gba.
- 30 A haboo la, n berò ba no keηο ba vorowe o vorowa dæ nyin o kpoe, ase n ηò a che ke n ba o ne he be bug ta. N ηò néra o ne baa dò la ge ba he be de ba bagle waa la aa lò o ne ba baah ta. N jage bonoo.

<sup>31</sup>Gɛ nomoa la aa bagle soojare la la, gɛɛ ba ɛ. Ba kpɔ Pɔɔl le jwaana dɛ ka tel o ne bwɛɛ bel baa dɛ yɛrɔ Antepatres la.

<sup>32</sup>Ase tɔ aa pera la, ba bini banɔ la baa kpɔ naa ta la berɔ ba Jerusalem, dɛ gel konteehna tena la, ase ba ne Pɔɔl kaa.

<sup>33</sup>Baa kaa tel Sisaaria dɛ kpɔ tɔn la tɛ nomoa waa dɛ nyinji hare la ta la, ba kpɔ Pɔɔl ge do o nɔn ta.

<sup>34</sup>O kure tɔn la, dɛ pɛɛ Pɔɔl hare la ta waa lea. Pɔɔl aa nɔa Silisiaa o le la,

<sup>35</sup>nomoa la nɔ o be nɔ, "Nɛra he ne baa dɔa la balaa, mɛɛ bol he waa laanee dɛ pa bole." Dɛ o lɔ Herɔd koodem bel ta. O nɔ bɔ kpɔ Pɔɔl do bela, dɛ nɔ bɔ nyinju kerɛdɛ.

## We-la 24

<sup>1</sup>Tɔpera anue aa baa gale la, Sɔfore Nomoa Ananias ne nomonome bane ne mmara jereme bel baa dɛ yɛrɔ Tetolɔs la la Sisaaria. Ba la ba hare nomoa Felekse be bela baa dɛ ba waa bola la, dɛ ka bagle waa Pɔɔl aa ɛa ba ne o dɔ la.

<sup>2</sup>Ba yɛrɛ Pɔɔl ba, ase Tetolɔs den pa mun dɛɛ bɔ nkoro dɛ nɔ, "Nomoa, he laworome taraken ya dɔ dɛnnesɔɔhna la sie. He wono kpɔ nɔwɛnɛfale ta dɛɛ nyinji ya hare nɔ, ase o do som.

<sup>3</sup>Dwɛnɛ belbwa ta la, ya ne nera baa lɔ bojan bobelbwa dɛ jaame kohona.

<sup>4</sup>Maa nyin kɛ n kpɔ wobobala lawɛ so bigri. Kɛ n poori, lawɛ bambile dɛ no ya wetamaa nɔ.

<sup>5</sup>"Nɛnchɔge belbwa ta baa nɔ tele! O ne bɔpɛo aa somɛ! O toma bwaa kɛ ɔ vale bol waa dɛɛ ir Juda tena bwaawee ase baa lɛ gaeh hare belbwa waa la o ta la ta. Nɛra bane baa dɛ tɛjɛ Korowii toma nɔwɛnɛfale bel waa wola were la ta ase baa yɛr ba Nasaret tena la, ba nomoaa on.

<sup>6</sup>O fe dɛ nyin dɛ lawɛ nɛra baa wola Israel tena ɛɛ kwaraa ba jo ya Korowii Dea bini. Dɛ ya ge kii gɛ kɔkɔkɔkɔ. A waa ya lawɔ.

<sup>8</sup>Dɛ he gbabir pɛero waa, o gbagba ɛɛ bagle wee la aa bala ya lawɔ laanee."

<sup>9</sup>Ate dɛ Juda tena baa lɔ bela la bwa denɔ pɛ dɛ seh nɔ kasintɛnii waa ba nen la aa bola la bwa.

<sup>10</sup>Belaa ba hare nomoa la kpɔ nɔn ɛ Pɔɔl nɔ ɔ bol wa, ase Pɔɔl nɔ, "N jɛmɔ kɛnɔ haa lea di nomonome dɛ bol waa dɛɛ pa bole hare nɔ ta bigro. Anomanta a som n be kɛ haa dɛ ba n waa nɔ ta nyinɔ nɔ.

<sup>11</sup>Maa la Korowii sɔnjɛbɔr Jerusalem la, a ta tɔpera fi dɛ anɛ kwaraa gwaalɛ. He dɛ nyin hɛ pɛɛ no.

<sup>12</sup>Maa la bela la, n ne nomelbwa ta wobelbwa tɔnɔlɛ. N ta nɛra ge doe nɔ bɔ ɛ wobelbwa. Korowii Dea oo, cheremi dea oo, bwɛɛ bini noo, n ta nɛra doe a belbwa bini nɔ bɔ ɛ wobelbwa.



- 13** Ba ta dansee belbwa dɔe dé chagle ke n ε waa nɔ belbwa baa kpɔa dɛɛ dag me nɔ.
- 14** Ba waa nɔ bini benkpɔŋ waa ε kasintɛŋ laanee ke baa ŋɔa ŋɔ ŋwene la baa de yero ŋwenefale la, o taa mee teŋe, de kpɔ o ta dɛɛ tome Korowii ya naanar faa de tomɔ la. N de teŋe wobɛlbwa aa lɔ Mosis Mmara bini ne Korowii Keamere Tɔne bini la ta.
- 15** N de hwegɛ keŋɔ nendɛɛga ne nenchɔga bwa εε berɔɔ ir seo ta. Nera nɔ gba dɔ ge hwega nɔ.
- 16** N jemɔ keŋɔ Korowii εε ba bol newenyina bwa waa de pa bole. Anomanta n de ε n wobɛlbwa naa, n de εa kerede de be bolchoge di Korowii ne newenyina bwa be.
- 17** "Maa le Jerusalem bigro, ase n la bela ŋɔ n kpɔ suuga ane ka te n bala Juda tena ba sogɔ bini aa kpega tɛɛ ba, ase de ε n saraha ane.
- 18** Baa na me Korowii Dea la, de ge saraha nɔɔ mee ε. De n dɔɔ laa n doŋa kpɔ n nɛɛ tone de fone n nyu tone. De nenlaa belbwa ta n nɛɛ jae a ba ε ke ba le gaeh.
- 19** De Juda tena bane baa le Eesia hare lɔ bela. De n εε ba waane aa, a che ke ba gbagba fe aa lɔ bonɔ de fe bagle.
- 20** Ge laa ge aa, hé gel nera nɔ baa lɔ bonɔ nɔ bagle, de ge sanj baa lag me ka cheme Juda tena nomonome sie la, de ba na n wechɔge bel aa?
- 21** Webenkpɔŋ gbo waa n jemɛ. Onee ke awola baa chem me la, n kpɔ takpeg ŋɔ, 'Maa de yarada ke nera bwa εε ir seo taa la, a waa he lag me cheme bonɔ nɔ.' "
- 22** De Felekse jeme ŋwenefale la waa taeh. Anomanta o teŋe wobol la ta, de ŋɔ ba be ŋɔ, "De soojanomɔŋen Lisias balaa, mee nyiŋi he waa nɔ taa."
- 23** Waa teŋe waa la ta la, o ŋɔ nomoa waa de nyiŋi Pɔɔl nɛɛ la be ŋɔ ó bere kaa Pɔɔl ne dea, de ŋɔ wée nyiŋu kerede keŋɔ o be on tɔ do dea, ase de Pɔɔl daamanar ba o be naa, ó tɛɛ ba ŋwene ba baa chao.
- 24** Aa baa di tɔpera ane la, Felekse ne o haah Drusila ba Sisaaria. De Juda tee o haah la. Felekse gelo ba ka yere Pɔɔl, ase o baa baglo ge baa teŋe Yeesu Kristo nɛɛ de yaradao.
- 25** Pɔɔl aa ba de bol ŋɔ a che ke nomɛlbwa gel o waa do kaih, de ŋɔ a che ke nomɛlbwa εε nyiŋi o te kerede wechɔga εε ta, de ŋɔ Korowii εε ba bol nera bwa waa de pa bole la, Felekse berɔ ɔme de ŋɔ o be ŋɔ, "Gel mɔɔ. Dɛɛ la. N baa dɔ bɔr ja aa, mee yereɛ."
- 26** De o de lii ke Pɔɔl εε tɛo suugaa, anomanta tama de o yero ŋɔ ó ba ase baa bol wa.
- 27** Bene ane baa gale, ase Felekse le kara ta, ase Pɔɔkeɔs Festos ba di kara. De Felekse de nyin ke Juda tena sie le o nɛ, anomanta o gelo Pɔɔl ta do dea.

## We-la 25

- 1** Festos ba Sisaaria de ba di tɔpera atoro, de le bela la Jerusalem.
- 2** Waa la bela la, Sɔfonomonome ne Juda tena nomonome kpɔ waa ba ne Pɔɔl aa dɔa bil o sie de soŋo ŋɔ

<sup>3</sup>Ó cha ba de ba Pɔɔl ne Jerusalem ba tee ba. De ba doo vorowe cheg ke de ba de ba Pɔɔl ne naa, nera ba soh nwenε ta de kpoo.

<sup>4</sup>Belaa Festos ηo Pɔɔl cho dea Sisaaria, de ηo aa bigri o gba la Sisaaria bela.

<sup>5</sup>Ke ba gel ba nomonome puu la bela, ase de Pɔɔl ε waane aa, ba bagla bela.

<sup>6</sup>Festos berɔ di topera anuatoro kee topera fi ba be Jerusalem moo de ba Sisaaria. To aa pera la, o kaa so bela baa de bol waa dee pa bole la de ηo ba Pɔɔl ne.

<sup>7</sup>Pɔɔl aa bala la, Juda tena baa le Jerusalem la baa che o jweeh de bol waa aa wola were dawε o ne. Ke ane a bwa, ba ta wone do wobelbwa de chagle ke ba waa la ε kasintεη.

<sup>8</sup>Pɔɔl wono bol waa de bagle ke o ta wechoga εε. O baglo ke o ta wobelbwa εε de jo Juda tena kii belbwa ne, de bagle ke o ta wobelbwa εε de jo ba Korowii Dea kii belbwa ne, de ηo o ta Room Koojen la ge neε joε.

<sup>9</sup>De Festos de nyin keηo o kpo Juda tena la darame, anomanta o boo Pɔɔl ηo, "Heε la Jerusalemε ase ba ka bol he waa baa kpɔa dawε he neε no n siwi ta de pa bole n ge na naa?"

<sup>10</sup>Belaa Pɔɔl ηo, "Akai! Room Koojen gbagba nera sie n che taraken no. Bonoo che ke ba bol n waa no de pa bole. He gbabir jemɔ ke n ta Israel tena no wechoge belbwa εε.

<sup>11</sup>De n fe jo ya kii bel neε ase a ε ke a che ke ba kpo me naa, n fe aa won ηo mee chwa sewee. Ke de ba waa baa kpɔa de dag me no ta kasintεη εε te naa, nomelbwa aa won kpo me do ba non ta. N de nyin ke he la n ne Room Koojen Siisa sie ase o ka bol n waa no de pa bole."

<sup>12</sup>Belaa Festos ne o nomonome le jina. Baa bala la, Festos ηo Pɔɔl be ηo, "De he ηo heε la Room Koojen bee o ka bol waa no de pa bole te naa, heε la o bee."

<sup>13</sup>Aa baa ε toperaane la, kooro bel baa de yerɔ Agrepa ne haah bel baa de yerɔ Benes ba Sisaaria de ba choo Festos.

<sup>14</sup>Baa di Sisaaria toperaane la, Festos taa Pɔɔl waa la bagle Kooro Agrepa, de ηo, "Felekse fa to a ge baa no dea, ke o ta lole.

<sup>15</sup>N la Jerusalem, ase Juda tena Sofonomonome ne ba bwεε nomonome kaa bol o wa, de kpɔ waa dee dawɔ, de ηo n bol o waa de pao bolchoge.

<sup>16</sup>Baa ηo ge la, n ηo ba be ηo ya Room tena te aa ge ε. Ya te bwε, de nen ne o don doo, de ya ta on nwenε tee o ne nen waa kpɔ waa dawɔ la cheme o bol o kon, o ge bol, ase a boo waa, yaa on bolchoge pa ge.

<sup>17</sup>Anomanta Juda tena la aa lawε donja ba bono la, n ta heε kwaraa. To aa pera la, n baa so n kara ta bela maa sogε de bol waa dee pa bole la, de gel ba ba Pɔɔl ne bela.

<sup>18</sup>De n te de lii keηo o ken ε wechoga ane kohona. Ke nera la waa baa kpɔa dee dawɔ la ta wechoga belbwa εε.

<sup>19</sup>De ba Korowii toma waa ne baa bel waa sewa baa yero Yeesu la waa baa bol. Ba ɲo Pɔol te ɲo ge Yeesu la waa sewa la ir seo ta.

<sup>20</sup>De maa jeme ge maa ε de boɔ ge waa no bini jeme de won bola kerede. Anomanta n boɔ Pɔol ɲo, 'Yá la Jerusalem bá ka bol he waa no de pa bole bela kee?'

<sup>21</sup>Maa ɲo ge la, o soɲo ɲo wee cho dea ka tel ke Room Koojen Siisa gbagba aa bol o waa la de pa bole. A waa n toɔ do dea la áse n baa do ɲwene aa, n gel o la bela."

<sup>22</sup>Belaa Kooro Agrepa ɲo Festos be ɲo, "N gbagba de nyin n na baa no de no o waa no." Ase Festos ɲo, "To kere peraa, hee noo."

<sup>23</sup>To aa pera la, Kooro Agrepa ne Benes do ba koolaala, ase ba waa do nyel kohona, ase ba ne bela soojanomome ne bela nomonjena ba jo lamu ta. Baa chema la, Festos gelo ba ba Pɔol ne.

<sup>24</sup>Belaa Festos ɲo, "Kooro Agrepa, ne nera haa cheme bono no, n de lii ke he bwa na baa no. Juda tena baa lo Jerusalem ne bano la baa lo Sisaaria bono bwa kpo bandia dee nyeg ɲo o waa aa were, ɲo o do kpo.

<sup>25</sup>Ke n ta wone na waa waa ea a ε keɲo o do kpo. Anomanta o gbagba aa baa ɲo ya te ɲwene ase Room Koojen Siisa gbagba ka bol o waa la de pa bole la, n ε n liire keɲo mee geloo o la o be.

<sup>26</sup>Ke waa maa bagle do ton bini keɲo ken ne kenii o ε waa n ɲo Room Koojen gbagba nyiɲi o waa bini la, an kpega te me no. Amo a waa n ba o ne he bwa sie, ne Kooro Agrepa gbagba sie, áse he nyiɲi o waa no bini la. Bel lole he ken ee wonoo cha me n do o waane de chwere Room Koojen,

<sup>27</sup>dekalkenɲo de n la o ne o be de n ta wechoga waa ea baglaa, a ta magre."

## We-la 26

<sup>1</sup>Anee Kooro Agrepa ɲo Pɔol be ɲo, "N tee ɲwene, ir de bol he kon." Waa ɲo ge la, Pɔol ir non de bagle keɲo o de ba o kon bola bá no, de ɲo,

<sup>2</sup>"Kooro Agrepa, n sie leo kohona ke maa de ba n kon bola he siwi ta, de bagle waa bwa Juda tena aa kpoa dee dag me no.

<sup>3</sup>N sie leo kohona, dekalkε he jeme ya Juda tena nawee waa bwa. Anomanta n poori, lawe bambile de no n kon.

<sup>4</sup>Juda tena bwa jeme ge maa doa n bechale saɲ bwa ba le fini. Ge saɲ maa lo n bwεε ne Jerusalem la, waa n faa de ε bwa, ba jeme a bwa.

<sup>5</sup>De ba seoh ɲo bá bol kasintεɲ aa, ba fe ee wonoo di dansee keɲo ya Juda tena Korowii toma ɲwene o ta teɲa aa kpega kohona baa yere o nera Farisii tena la, o taa n gee teɲε.

<sup>6</sup>Korowii bage ya naanar nyoa bel. N de hwεge ge nyobaga la ta. Ge hwεga no waa ba koh lag me ase n che he sie hee ba n waa bola la.

<sup>7</sup>Ya Juda tena deene fi de ane tena la bwaa dɛɛ yarada Korowii keɲɔ weɛ ɛ ge waa bage yaa nyoa laanee, de koh a waa dɛɛ tomɔ sibegra ne chɔɔ ne jwaana bwa. N Naa Kooro, webɛɲkpoɲ nɔ ya bwa aa de hwɛge o ta nɔ, onee ba kpɔ dawɛ n nɛɛ ɲɔ n ɛ wechɔga la. Na nɔ!

<sup>8</sup>Ya waa yaa de hwɛge a ta laanee keɲɔ Korowii ɛɛ ir yaa seo taa. Bɔkwaa ɛa he nera haa lɔ bonɔ nɔ aa wola won yarada keɲɔ Korowii won nera seo ta ira ɔɔ?

<sup>9</sup>"N gba fa hah Yeesu waa le Nasaret la waa la. N fa liiro keɲɔ ɲwɛɛɛ bɛlbwa maa dɔa la, a che ke n kpɔ o ta de chɔg o waa la.

<sup>10</sup>Maa lɔ Jerusalem la, de ge toma nɔɔ mɛɛ ɛ. N soɲe Sɔfonomonome ba tɛ mɛ ɲwɛɛɛ aɛ n larawe Korowii nera do deene pirim. Ge saɲ la, de ba bol ba waa de pa ba bolchɔge ɲɔ bɔ kpoo ba aa, gee n ge seh teɲɛ ba kpoora la ta.

<sup>11</sup>De n de la cheremi deene bini saɲ bɛlbwa de kaa ɛɛ ba hɔhɔrɔwa taeh, de fe ɛɛ nyin keɲɔ ba bol Korowii nenhelwaa ɔse n lag ba. Ba waa aa de di n baah kohona nomanta, de n ti ba dɛɛ la bwɛere aa wola Juda tena bwɛere ɛɛ kwaraa ta, de kaa ɛɛ ba hɔhɔrɔwa.

<sup>12</sup>"Ge ɲwɛɛɛ nɔ belee n soɲe Sɔfonomonome be, aɛ ba tɛ mɛ kpegri ɲɔ n la Damaskɔs.

<sup>13</sup>N Naa Kooro, yaa lɔ ɲwɛɛɛ ta dɛɛ kaa la, ge saɲ wee aa chege nyufala la, n ne nyiɲa de nii le nyundua de chaah bɔr gwaa wee, de chaah bɔr bar n ne nera yaa de vale la.

<sup>14</sup>Belaa ya bwa chogli hare, aɛ n no keɲɔ nomɛl aa kpɔ ya bwɛɛ wobol dɛɛ bol waa n be, de ɲɔ, 'Oo, Sɔɔl! ɛrɛɛ he che n nɛɛ ge nɔɔ? He gbagbaa hɛɛ ɛ la. He ne nao baa doo ɲwɛɛɛ dɛɛ tegɔ o ta naa dɛɛ yagre o dɔɔ daa bwa bɛɲkpoɲ.'

<sup>15</sup>Anee n ɲɔ, 'Henɛɛ umeo, n Dɔɔ?' Aɛ o ɲɔ, 'Meneɛ Yeesu haa chege n nɛɛ la.

<sup>16</sup>Ir che! N de nyin n lee ɔse he ɛ n bonɔɔ de vale dɛɛ bol waa haa naa fini nɔ, ne ano la haa naa kerekere la nera be. A waa n kpɔ n te chagle la.

<sup>17</sup>Mɛɛ tomɛɛ Juda tena ne nera baa wola Juda tena ɛɛ bwa bee, de kisi wechɔge ba be.

<sup>18</sup>Hen de ka pili ba sie ɔse ba le biro ta de ba bochaah ta bela nii aa lɛɛ, de le Bɔnsam nɔn ta de ba Korowii be, ɔse o kpɔ ba wechɔga ke ba, ɔse ba ba ja nera baa yarada mɛ n sɔ ba doɲa bwa ta ba ɛ n bii la nɛ.'

<sup>19</sup>"N Naa Kooro, maa na ge waa nɔ la, n ta vɛɛh. Ge bwa Yeesu aa le nyundua ba ɲɔ n be la, n ɛo.

<sup>20</sup>N tɔ sie la Damaskɔs, de la Jerusalem, de gaage Judia hare la te bwa, de la harere a nera aa wola Juda tena ɛɛ ge ta. Maa de gaage la bwa, de n de ɲɔ ba be ɲɔ bɔ chare ba liire de le ba wechɔga ta, de ba Korowii be, aɛ de gel ba we-eɛla chagle ke ba chare ba liire de le ba wechɔga ta.

<sup>21</sup>Ge waa nɔ waa Juda tena lag mɛ ge saɲ maa lɔ Korowii Dea la, de fe ɛɛ nyin n kpoe.

<sup>22</sup>De le ge saŋ nɔ bwa ba le fini nɔ, n de lii keŋɔ Korowii alaworomɛɛ n ta do le de won che he sie dɛɛ di waa nɔ dansee nomonjena ne bechale bwa be nɔ. Waa Korowii keamere ne Mosis faa de bol ŋɔ aa ɛo laanee n gee bol.

<sup>23</sup>Anee keŋɔ a che ke Kristo la Korowii aa bage nyoa ŋɔ weɛ tomɔɔ ɔ ba le yaa la na wahala, de tɔ sie ir seo ta lala bwa nɛ, dɛ won che o seo ta ira la ta bagle Juda tena ne nera baa wola Juda tena ɛɛ la keŋɔ ya toole seo non ta ne biro ta kpa, dekalke nii chaah ya nɛ.”

<sup>24</sup>Pɔɔl aa de bol waa ken la, nomoa Festos kɔro ŋɔ, "Pɔɔl, choglaa dɛɛ wee keɛ? He tɔn jema kohona laanee dɛɛ wee chogla la!"

<sup>25</sup>Anee Pɔɔl ŋɔ, "Nomoa, chogla laa mɛɛ we! Kasintɛŋ torodoo mɛɛ bol la.

<sup>26</sup>N Naa Kooro Agrepa te jeme waa maa de bol nɔ bwa. A waa maa wola waa bola o sie ɔmɛ la. N jemo keŋɔ a belbwa ta o habɔɔ lee, dekalkeŋɔ a belbwa ta waa baa soah ɛ ɛɛ.

<sup>27</sup>N Naa Kooro, he yarada waa Korowii aa gela o keamere la bol la aa? N jemo keŋɔ he yaradaa.”

<sup>28</sup>Belaa Kooro Agrepa ŋɔ, "He de lii ke hɛɛ wonoo gel n bere asɔre te bug nɔ ta keɛ?"

<sup>29</sup>Anee Pɔɔl ŋɔ, "De bug nɔ taa yoo, de kerekeree yoo, n te waa maa de soŋe laanee keŋɔ he ne nera nɔ baa de no n waa nɔ fini nɔ do keŋɔ maa doa nɔ. Ke maa soŋe ke ba do kwaa he nɔɔra ke baa do mɛ nɔ te.”

<sup>30</sup>Belaa Kooro Agrepa ne Nomoa Festos ne Benes, ne nera baa lo bela la bwa ir,

<sup>31</sup>ase baa le bela la, baa ŋɔ doŋa be ŋɔ, "Baa nɔ wobebwa ta bagle ke o che kpoe, keɛ ba doo dea.”

<sup>32</sup>Kooro Agrepa ŋɔ Nomoa Festos be ŋɔ, "De ken laa o soŋe ŋɔ hɛ la o ne Room Koojen Siisa be ɔ ka bol o waa de pa bole nɔ naa, n fe ɛɛ ŋɔ hɛ kpɔɔ ta wee la.”

## We-la 27

<sup>1</sup>Ba vɔrɔwɔ ŋɔ yá kpɔ nee ta kaa Itali hare bela Room Koojen aa soja la. Anomanta ba kpɔ Pɔɔl ne nera bane baa do ba ge dea ja o nɛɛ la te Room Koojen soojanomoa bel baa de yero Juleɔs la.

<sup>2</sup>Stiimae bel le Adramitiam ba, ase ya jo o ta dɛɛ kaa. De o de kaa Eesia hare mpo nyoa bwɛere ta. De baa bel baa de yero Aristakus ja ya nɛ. Makidoonia hare bwɛɛ bel baa de yero Tesalonika la taa o le.

<sup>3</sup>Tɔ aa pera laanee ya jo Sidon. Juleɔs kpɔŋe Pɔɔl kerɛde, de teo ŋwene ɔ ka na o daamanar áse ba teo kwaa aa che ke o do o ŋwene la ta.

<sup>4</sup>Ya chege bela dɛɛ kaa, ase peu ka ta dɛɛ cheme yaa. Anomanta ya berɔ kaa Saepros waa ɛ ekwi la baŋ bobel peu la aa wola bela te ta la de kaa.

- <sup>5</sup>Ya kpɔ mpo ta gɛ dɛɛ la dɛ ka fɛrɛ Silisia ne Pamfiilia jwɛh, dɛ ka chuge Maera waa lɔ Lisia hare ta la.
- <sup>6</sup>Belaa sooja nomoa la na Aleksandrea tena stiimae bɛl waa dɛ kaa Itali hare, dɛ kpɔ yaa do o ta.
- <sup>7</sup>Ya kaalo tama tama ken tɔpera anɛ, mɔɔ dɛ ta ba tel Kenaedes, dɛkalke dɛ peu aa yaa nɔwɛnɛ tɛ. Peu la aa wola nɔwɛnɛ tɛ la, ya pa sie Kret ne Salmon a bwa aa ɛ ekwie la baah ta dɛ fɛrɛ Kret banj bela peu la aa wola bela te ta la dɛɛ kaa.
- <sup>8</sup>Yaa fɛrɛ Kret hare banj pera bela kaa la, a no yaa kɛrɛdɛ, asɛ ya ba le legbɔɔ bɛl o ne Lasea aa wola janj baa yɛrɛ bela Legbɔdɛɛge la.
- <sup>9</sup>Yaa bigri nɔwɛnɛ ta kohona la nomanta, ya ne Legbɔdɛɛge tela dɛ ya Juda tena tɔpejen yaa dɛ vɔwɛ nyoa o ta la garɔ. Gɛ tɔpere nɔ ge garaa, dɛ gɛ mpo la ta vala aa were. Anomanta Pɔɔl ja ba nɔ,
- <sup>10</sup>"Bwɛela, n nao kɛ le bonɔ dɛɛ la la, ya nɔwɛnɛ nɔ aa werii do tɛ yaa. Ya dɛ la naa, yaa ka na siswɛmɛɛ, asɛ ya ne ya stiimae nɔ ne ya bone nɔ ka nee ta."
- <sup>11</sup>Pɔɔl aa bol gɛ la, sooja nomoa la ta o be nɔɛ. O tɛnjɛ nɛn waa dɛ valɛ stiimae la ne la ne stiimae te la nyoa wobol ta.
- <sup>12</sup>Legbɔdɛɛge legbɔɔ bela aa were ne stiimae la chɛga peujɛna la sanj. Ba nɔ stiimae legbɔdɛɛge lɔ Kret hare bwɛɛ bɛl baa dɛ yɛrɔ Finiks la ta, anomanta ba kɛrɛdɛ nɔ bɔ takapɔ so stiimae la bini tama tama dɛɛ la bela dɛ ka so bela, ɛsɛ peujɛna la sanj kaa mɔɔ. Dɛ Finiks legbɔɔ la chɔɔ kɛ korobifale guri aa do gɛ la, asɛ o hare la nyoa bɛl sie chagɛ weɛ cholibɔr dig pera, asɛ bɛl gɛ chagɛ weɛ cholibɔr gal pera.
- <sup>13</sup>A ta bigre dɛ peujɛga bɛl tao le wekanjɛ hare bɔr dɛɛ ba, asɛ ba lii kɛ baa wonoo kaa gɛ ba fɛ aa liira wubwa la. Ba laa ba stiimae la buni baa kpɔa do nee bini dɛ gel stiimae la ɛɛ che la kpɔ dɛ fɛrɛ Kret hare dɛɛ kaa.
- <sup>14</sup>A ta bigre bɛlbwa asɛ bela peuchɔge bɛl o yon le weɛ leebɔr gal pera dɛɛ ba la ir kpegri nɛ, dɛ le Kret hare dɛ ta dɛɛ ba mpo ta.
- <sup>15</sup>Peu la aa taa dɛ ba lɔ yaa la, ya lawɛ ya stiimae la nyoa kahonɛ. Dɛ stiimae la aa wonɛ dɛɛ kaa sie kpa, dɛ den dɛɛ kaa bela peu la aa taa chagɛ la.
- <sup>16</sup>Ya baa tel ekwi bɛl baa dɛ yɛrɔ Kaoda la wekanjɛ hare bɔr, asɛ o tɔ yaa bɔr peu la be tama, kɛ dɛ o ta dɛ vuugi yaa te. Ya bwara nyɛgɔ mɔɔ ba ta won gɔɔ gberjɛga waa pɛl ya stiimae la dɛ do ya stiimae la bini, dɛ kwaa stiimae la vɔrɔwɛ kɛrɛdɛ. Ba chweeh stiimae la nɔwɛra aa lɔ o kɛnkɛjni la, asɛ a hamɛ kinjin. Dɛ kechɛ bɛl lɔ bela baa yɛrɔ Siritis, asɛ baa ɔmɛ kɛnɔ peu la ɛɛ tag baa kaa bela asɛ ba ka bela. Anomanta ba ba stiimae la yajɛn la aa lɔ o doa la ne hare, asɛ peu la tag ba dɛɛ kaa.
- <sup>18</sup>Tɔ aa pera la, dɛ peu la ta dɛ ta kohona. Anomanta ba pa stiimae la bini bone anɛ vigri ɛsɛ o fɛgre.
- <sup>19</sup>Tɔ aa pera ja la, ba gbagba pa stiimae la laala anɛ ta.



- 20**Tɔpera aɲwɛnɛ bwa dɛ yaa wee na, yaa weweela ge na, aɛɛ pɛu la ge na dɛɛ ta kpegri nɛɛ gɛ. Ate dɛ yaa ya nyuune te waa lii kɛɲɔ yaa ɛ nɛraa kpa.
- 21**Baa lɔ gbera la bini bigri baa wola kondikwaa dii la, Pɔɔl iro che dɛ ɲɔ ba be ɲɔ, "Yabala, maa ɲɔa ya bɛ Kret le la, a che kɛ he fe no n kon ta. Laala aa chɔga ne anɔ la haa paa ta nɔ, a fe ta gɛ bale.
- 22**Kɛ he bɛ ɔmɛ. He belbwa aa sewa ba. Stiimae nɔ gboo dɛɛ ba chɔga.
- 23**Wee la aa gela n ɲɔ gɛ laanee kɛ, dɛ jwaana ne la, Korowii waa dɔɔ mɛ dɛ gel mɛɛ ɛ o toma la, o torome ba n be,
- 24**dɛ ba ɲɔ n be ɲɔ, 'Pɔɔl, bɛ ɔmɛ! Hɛɛ la Koojen Siisa bee. Nɛra la bwa he ne baa dɛ vale nɔ, Korowii noɔ tɛɛ. Wɛɛ lɛɛ baa.' "
- 25**Pɔɔl aa bol gɛ la, o ɲɔ ba be ɲɔ, "Anomanta he bɛ ɔmɛ, dɛkalkɛ n dɛ yarada Korowii. N jemɔ kɛɲɔ gɛ waa bola la, gɛɛ aa ba ɛɛ.
- 26**Kɛ pɛu nɔ ɛɛ tage yaa ka ta ekwi hare bel ta."
- 27**Tɔpere waa tɛɲa fi dɛ anaare la harambaɲa ne la, dɛ pɛu la ta dɛ tage yaa gɛ. Dɛ ya lɔ mpo la baa dɛ yerɔ Medetɛreenia la ta. Dɛ stiimae la tom-ɛera la liire ɛɛ ba kɛɲɔ ya ken dɛ tel hare bel ta.
- 28**Anomanta ba mage nee la dɛ na kɛɲɔ o luɲri tel nagale fifraanaare. Aa ɛ tama la, ba berɔ mage na ja, dɛ na kɛɲɔ o luɲri tel nagale fifraatoro.
- 29**Dɛ ba dɛ ɔmɛ kɛɲɔ ya stiimae la ɛɛ chuge bwea anee dɛ pegri, dɛ koh a waa gɔɔ o bune anaare bwa do nee ta stiimae la mun ta. Dɛ ba dɛ soɲɛ Korowii ɲɔ bɔr chaah warane.
- 30**Ate dɛ stiimae tom-ɛera la fe dɛ nyin bɔr dɛ le o bini dɛ chwa. Ba pur o gberjega la do nee ta, dɛ tɛɲɛ nyosone ɲɔ ba fe dɛ la ka kpɔ stiimae la sie dɛ ka tɛr o bune ɲwɛera ane do nee ta.
- 31**Belaa Pɔɔl ɲɔ soojanomoa la ne soojare la be ɲɔ, "Dɛ stiimae tom-ɛera nɔ ta o bini sogaa, he belbwa aa he nyuu dɔ."
- 32**Aɛɛ soojare la chaa ɲwɛera aa vɔwɛ gberjega la pɛl stiimae la, dɛ gel o kaa.
- 33**Tomun aa ba dɛ kpɔ la, Pɔɔl soɲ ba ɲɔ bɔ bwa di kwa, dɛ ɲɔ, "He tɔpera fi dɛ anaareɛ nɔ he tea bini aa chɔga he so dɛɛ kpa waa aa dɛ ba chiga, haa wola kwaa dii.
- 34**N poo heya, hɛ di kwaa tama, dɛ won yo lɛ he nyuune. Haa waa nɔ nyoa kae ba. Wobelbwa aa he belbwa ɛɛ ba."
- 35**Waa ɲɔ gɛ la, o kpɔ paanoo dɛ jam Korowii ba bwa siwi ta, dɛ mɔn dɛ di.
- 36**Waa ɛ gɛ la, ba bambile ba hare, aɛɛ ba dɔ gbemba dɛ won di kwa.
- 37**Dɛ ya bwa lɔ nera lafraane fifraanuane dɛ nera banumel.



<sup>38</sup>Yaa di kwaa vagre ge yaa de nyin la, ba gɔɔ kwaa baa kpɔa deɛ ε paanoo la ta nee ta, ase stiimae la do fegre.

<sup>39</sup>Tɔ aa pera la, stiimae tom-ɛera ta wone jeme hare la yiso baa tel o ta. Ba na legbojen bel, de na o nyoa bwea ne henle, de ε ba liire kenɔ de aa magroo waa, baa kpɔ stiimae laanee chage legboɔ la ta.

<sup>40</sup>Ba chaa stiimae la bune la do nee bini. De ba fa vɔwe stiimae la ηwandaa ge deɛ pelo, ke ba pur o ge de pagri stiimae la sie yatɔg waa sage nyundua la, ase peu tage stiimae la deɛ la bela o sie aa chaga la, de tago ka chuge.

<sup>41</sup>Stiimae la kaa chuge henle ane ta ase o sie la kare che a ta de kaa kahone. Waa chege bobenkpɔn ge la, de nehanma de lo o haboo la kohona. Nehanma la pagre o haboo la bwa.

<sup>42</sup>Soojare la fe vorɔwɔ ηɔ baa kpoo nera baa do ba dea deɛ kaa ba ne laanee, de ηɔ a waa laa aa, baa wa nee le de chwa kaa.

<sup>43</sup>De ba nomoa la aa Pɔɔl kpoe nyin de koh o waa ηɔ ba gel ba. O gelo nera baa jeme nee la to sie le nee de wa kaa ban,

<sup>44</sup>ase ba kar la dawɛ dapegre ne stiimae la pugrere ta de wa le. Kenii ya bwa ε de le.

## We-la 28

<sup>1</sup>Ya le nee la ban, de le ya siswem la nyoa mɔɔ de ta no kenɔ ge ekwi hare la sone Mɔlta.

<sup>2</sup>Bela tena nyinji yaa keredɛ. Yaa dena jo bela de bwaala de ne ase waa do le kohona, ase ba mar nii te yaa ya ηwee.

<sup>3</sup>Pɔɔl nyin daa ane ηɔ o kpɔ ba do nii la ta. Jaah harekon lo daa la ta. Waa doa nii ta bowɔb lawɛ harekon la la, o leo de chogo, de ka sage o non ta.

<sup>4</sup>Bela tena la aa na harekon la Pɔɔl non ta saga la, de ba de bol donja be ηɔ, "Baa no magaa kpo nen! Na waa le seo nyoa mpo ta ase o wechoga taa ti o luge ge!"

<sup>5</sup>Pɔɔl mer harekon la ta nii la ta. O choga la ta on wobelbwa εε.

<sup>6</sup>De bela tena la te sogo deɛ nyinji kenɔ Pɔɔl non la εε ɔɔɔ, de ηɔ ge laa ge aa, weɛ choloo bug ta de sewɛ. Baa soga deɛ nyinju kenɔ weɛ sewɔɔ waa wola sewɛ wobelbwa aa wola on εε la, ba berɔ ηɔ vog belee ken berɛ nen ba ba be la.

<sup>7</sup>De nomoa waa de nyinji bela hare la ta sone Publius. De on do harere aa lo ba jweɛh bela la te bwa. O le yaa de nyinji yaa keredɛ topera atoro.

<sup>8</sup>De Publius mɛɛ bwara worɔbɔ ase o cho. De o de feege ge. Pɔɔl jo o be dea de kpɔ noɔra dawɛ o ne, de soje Korowii teo, ase o gbanre.

<sup>9</sup>Ge waa no aa εa la, bela tena ba bwara aa de wee ba la ba Pɔɔl be, ase o soje Korowii teɛ ba ba gbanre.

- 10** Ba ke yaa kwaa pirim. Yaa de ba stiimae ta joe de kaa la, ba te yaa laala aa che ke ya do moo de le la bwa.
- 11** Ya di korobie atoro bela moo de do Aleksandrea tena stiimae bel baa de yero Vogkpara la bini jo. Peujen san aa tela la, stiimae la tena baa so Molta ase peujena tone moo ba le.
- 12** Yaa lea la, ya kaa chog bwee bel baa de yero Serakius la, de di topera atoro.
- 13** Ya le bela de la bwee bel baa de yero Regeom la. To aa pera la, de peu bel tao le wekanle hare bor dee ba. Topera anee ya di nwenen ta de tel bwee bel baa de yero Puteoli la.
- 14** De asore tena bane lo bela de no ya di yawanyoa ba be moo de kaa. Belaa ya le de ba Room.
- 15** Room asore tena aa no ya waa la, ba baa cheme yaa Apius Yawa ta ne bela baa de yere Deene Atoro la bor. Pool aa na ba la, o bambile ba hare, ase o jam Korowii.
- 16** Waa ba Room la, ba teo o gbo dea, de gel sooja benkpon ee daahno.
- 17** Pool aa di topera atoro Room la, o yere bela Juda tena nomonome bwa cheme de no ba be no, "Yabala, n ta ya bwee tena wobelbwa ee, n ta ya naanar waa baa de e la belbwa nee joe, ase ba lag me Jerusalem de kpo me te Room tena ba to me dea la.
- 18** Ba ge aa nyini n waa bini la, de ba fe de nyin n tae, dekalke de wobelbwa ta chagle kenjo ba kpo me ge ya bwee tena aa chagla la.
- 19** Baa noa ba ta me la, ya bwee tena ta seeh kwaraa, ase n koh a waa no amo te ba tel n ne Room Koojen Siisa sie o ka nyini a ta. Kasinter, de ano laa aa, n ne ya bwee tena ta wobelbwa doe.
- 20** A waa n no a che ke n na heya, ase de kpo bil he sie, dekalke nen Juda tena bwa aa de hwege o nee kenjo wee ba le yaa la waa ba lag me de do kwaa n noora no."
- 21** Anee Juda tena la no, "Ya bwee Judia hare tena ta yaa ton belbwa chwere de bagle he wobelbwa ya be. Yabala baa le ya bwee dee ba bono no ge belbwa ta he wechoge belbwa bole ya no.
- 22** Yaa no he nyoa wobolee, dekalkenjo ya jemo kenjo he nwenefale no haa kpo o ta dee tome Korowii no te, baa o waa nyin bobelbwa."
- 23** Ba teo topere baa kpo ba no o nyoa wobol. Topere la aa tela la, ba ba o be pirim o dea bela. Pool le choo de bag ba Korowii Kora waa ka tel jwaana. O bol Yeesu wa, de lii ba waa Mosis ne Korowii keamere faa chwera Korowii Ton bini la bwa, de fe ee nyin ke ba seh no Yeesu waa ba faa chwere la.
- 24** Nera la bane yarada o waa la, bane ge ta an yaradae.
- 25** Pool bol waa tone ase baa ba pegra. De ba bwa liire ta benkpon ee, baa tonle donja. O bero bol webenkpon ja, moo ba bwa pegre. O waa waa bola laanee kenjo, "Korowii

Domadεεge chege o keame Aesaya neε bol waa ya naanar be, de kpelaa o ηο. O bolo ηο,

**26**'Ka ηο nera la be ηο: Heε noo kohona, ke haa a mun noe ba. Heε nyiηuu kohona, ke haa a jema ba.

**27**Dεkalkεηο nera nο bambile kpegri, ba kpο nοοra tοοge deηna, de tοοge ba sibiε ge. De a waa laa aa, ba sie fe εε nao, ase ba deηna no, ase ba jeme a mun, de charε ba liire ase n lεε ba.' “

**28**Pοοl berο ηο, "Anomanta, hε no. Korowii waa aa de ba newenyini lεε la, o berο kpοa te nera baa wola Juda tena εε la, δεkalkε ban δεε ba o be noe.”

**29**Pοοl aa bol waa tone la, ba leο δεε kaa δεε tοηle dοηa kohona.

**30**Pοοl hane dea de so o bini bene anε. De nera de ba o be. O ta ba belbwa berε.

**31**De o de bagle nera Korowii Kora wa, de kpο bansua δεε bagle ya Dοο Yeesu wa. Nomelbwa ta on ηwene tε.

## Room

### Room 1

- <sup>1</sup>Men Pɔɔl maa ε Yeesu Kristo bonɔɔ la, men chwereɛ tɔn nɔ. Korowiirii lee mε de gel n ε Yeesu torome, de kpɔ o Amanesoma tε mε nɔ mée bol nera be.
- <sup>2</sup>A ge Amanesoma nɔ waa o che o keamere waa lee ba nεε de bage newenyini nyoa a saɲ la la. A waa ba chwereɛ Korowii Tɔn bini la.
- <sup>3</sup>Korowii Bie Yeesu Kristo waa ε ya Dɔɔ la, o waa Amanesoma la εε bagle. O newenyini εε be pera la, Kooro Devid deaa o le,
- <sup>4</sup>ase o Korowii εε ge be pera la, Korowii chege o seo ta ira la ta de bagle kpegri ne keɲɔ o Korowii Biee on.
- <sup>5</sup>O nεε Korowii che de sune n nε, de cha mε, de gel mεε ε Yeesu toma dεε bagle newenyini te bwa o waa áse ba yaradaa dεε εa, áse o dɔ sɔn.
- <sup>6</sup>He Room tena ge ja a ge nera nɔ Korowii aa lee ba nɔ bá ba ε Yeesu Kristo nera nɔ nε.
- <sup>7</sup>He Room tena Korowii aa de nyin heyaa de le heyaa nɔ hé ba ε o nera la, he bwaa mεε chwereɛ tɔn nɔ. N Naa Korowii ne ya Dɔɔ Yeesu Kristo bwa na he sum de cha heya, de tε heyaa bosɔɔhna.
- <sup>8</sup>Mεε tɔ sie che Yeesu Kristo nεε de jam N Naa Korowii he waa keɲɔ haa yarada Yeesu Kristo waa nɔ kohona, ase nera bwa εε bol he waa nɔ.
- <sup>9</sup>Korowii maa de tomɔ n bambile bwa ne, dεε bol o Bie la Amanesoma waa la, o jemo ke saɲ belbwaa n soɲo dεε tε heya. Onee n dansee te.
- <sup>10</sup>N de soɲo keɲɔ de o seoh waa, n fe won ba na heyaa taraken te.
- <sup>11</sup>N sie chege chij mεε nyin ke n na heyaa de cha heyaa waane Korowii Domadεεge la aa tε mε ne, áse he do kpegri he teɲa haa de teɲε Yeesu nεε la ta.
- <sup>12</sup>Ya bwaa dεε ba dɔɲa chae. Ge maa yarada Yeesu Kristo la, aa do heyaa gbembaa, ase ge he ge aa yaradao la do n ge gbemba.
- <sup>13</sup>Yabalawa, n de nyin ke he jeme keɲɔ saɲ belbwaa n fe εε nyin ke n ba he be, ase waa yon dεε tɔ mε nɔwene. N de nyin n dɔ he bane de tε Yeesu Kristo keɲɔ maa do bane le nera ba ge aa wola Juda tena εε bini la.
- <sup>14</sup>A che ke n bol Yeesu Amanesoma la nera bwa be, nera baa kaa sie ne banɔ la baa ka mun, nera ba sie aa pila ne banɔ la ba sie aa wola pile bwa be.
- <sup>15</sup>Anomanta n siwi swεero mεε nyin ke n bol Yeesu Amanesoma la he Room tena ge be.

**16**Sihiih aa men kpo Yeesu Amanesoma nɔ bola ta. A taa Korowii che dɛɛ bagle o kpegri, dɛɛ le nera bwa baa yarada o waa la. Juda tenaa ɔ tɔ sie ɛ, nera baa wola Juda tena ɛɛ ge jao.

**17**Yeesu Amanesoma laanee dɛɛ bagle ge Korowii aa de nyin kenɔ newenyini do áse ya waa su o siwi. Le waa la mumpar ka tel a jaga bwa, o waa yaradae waa gboo a bwa. Korowii Tɔn baglɔ kenɔ, "Naate o wa aa togra de su Korowii siwi la, wɛɛ yaradao de do o nyu."

**18**Korowii baah di nera ba wechɔga aa tɔ o kasintɛj waa la ɲwene ase a sooh ba la ne. O baah de di ba wechɔga la ta kerɛde.

**19**Korowii wobɛlbwa newenyini aa wona jeme la, o gelɔ ba naa chasee ken. O gbagbaa pili a bini bag ba.

**20**De le ge san Korowii aa ta hare la, o bwara waa newenyini aa wola wone dɛɛ na siwi ne, kenɔ o kpegri aa wola jaga doe ne o dor bwa, o gelɔ newenyini na a bwa. Newenyini wono che Korowii kwaa waa taa ta de na o kpegri ne ge waa doa. Anomanta newenyini aa won ɲɔ baa jeme ke Korowii lole.

**21**Newenyini jemɔ kenɔ Korowii lole, ke baa on duu ge aa che ke baa duuru. Baa jam kpɔe dɛɛ tɛo. Newenyini wechɔga gelɔ ba wili, ba ta liire doe kpa.

**22**Ba de yere ba te wejerema, ke gena gee ban.

**23**Korowii te aa sewe bwa. Ke ba veh o toma, dɛɛ tome kwaa ba gbagba aa kwaara a do kenɔ newenyini, kee jumbii, kee konaatena, kee kontuuga la.

**24**Anomanta Korowii ta ba waa tee ba, ase baa ɛ wedɔɲa ba bambile aa lawa, dɛɛ cho baala ne haahna aa wola Korowii ɲwene ta ɛɛ.

**25**Ba gel Korowii kasintɛj la toma dɛɛ tome kwaa aa wola kasintɛj doe. Kwaa Korowii aa taa la, anee baa tome, de gel Korowii gbagba. On che ke yaa duuru san belbwa. Amen.

**26**Ba ken ɛɛ nomanta, Korowii ta ba waa tee ba, ase baa ɛ ba pela waa aa ɛ sihih kohona. Ba haahna kwaraa ne baala aa cho kpa, ba ne ba dɔɲa haahnaa dɛɛ cho baa ne haah.

**27**Gɛɛ ba baala ge ne haahna aa wola cho kpa, de bere dɛɛ pele ba bandɔɲa nee kenɔ haahna ken. Ba ne ba dɔɲa baalaa dɛɛ cho baa ne haah. Ba wechɔga baa de ɛ la nomanta, ba de do a kembɔr aa chɔg ba nendaa.

**28**Baa wola seeh kenɔ bá jeme Korowii waa nomanta, o ta ba waa tee ba, ase ba liire bwa ɛ anchɔga, ase baa ɛ waa aa wola chee ke baa ɛ.

**29**Hare bini wechɔga nɔ bwaa baa ɛ: mur, sibegra, meesooh, bɔweela, nenkpoa, nagra, dɔɲa negra, dɔɲa haeh, ne nera ɲwala.

<sup>30</sup>Baa dɔŋa wedɛɛga bol, ba hah Korowii, ba siwi aa nen tɔge, ba jenu, ba mbarafo. Saŋ belbwaa baa nyin ŋwenɛfala dɛ ɛ wechɔga. Ba siwi aa ba mɛɛnana ne ba nyare su.

<sup>31</sup>Ba nya nɛre, ba waa ta kasintɛn dɔe, ba chal toole dɔŋa nɛ, ba tea aa nen nɛɛ dome.

<sup>32</sup>Ba jemɔ kɛŋɔ Korowii ŋɔ nera baa dɛ ɛ ken la, ba che kpoe, kɛ dɛ ge ta na dɛɛ ɛa, dɛ gare dɛɛ kpɛɛ nera baa dɛ ɛa la.

## Room 2

<sup>1</sup>He naate haa dɛ pwah he dɔŋ, he ta wobɛlbwa dɔe dɛ bol dɛ le he te kpa. Heneɛ ume noo, haa dɛ pwah he dɔŋ dɛ bere dɛɛ ɛ o wechɔga waa dɛ ɛ la dɔŋa la, dɛ he gbagbaa hɛɛ pa bolchɔge la.

<sup>2</sup>Nen ɛ wechɔga nɔ dɔŋa aa, Korowii dɛ pao bolchɔge. O te, a ŋwene taa wɛɛ pa nɛwenyini bolchɔge.

<sup>3</sup>Kɛ he te, waa haa dɛ pwah nera a waa la, anee he gee ɛ. He dɛ lii kɛŋɔ Korowii aa he te waa bola ba dɛ pa bole kɛɛ?

<sup>4</sup>Waa nɔ bwaa Korowii ta tea dɛɛ ɛ heya, dɛɛ te heyaa sisona dɛɛ lawɛ bambile nɔ bwa ɛɛ he chare he liire dɛ le he wechɔga ta. Kɛ haa o wedɛɛga nɔ bu, dɛɛ nyiŋa pɛɛ.

<sup>5</sup>He deŋne kpegri. Haa gele he tea bini ɛ chɔg he wechɔga wa. He gelɔ Korowii bwaawee ɛɛ do kan he nɛɛ tɔpere belbwa. Awola waa ba pa bole kasintɛn ne la, o baah nɛɛ di he nɛɛ taeh.

<sup>6</sup>Gɛ nomɛlbwa we-ɛɛla aa doa la, anee wɛɛ ba nyiŋa dɛ bol o waa dɛ pa bole.

<sup>7</sup>Nera baa dɛ nyin jirima Korowii be, dɛɛ nyin kɛ Korowii kpɛɛ ba, dɛɛ nyin mkpa aa wola jaga dɔe, dɛ koh a waa dɛ lawɛ bambile dɛɛ ɛ wedɛɛga saŋ belbwa la, Korowii ɛɛ tɛɛ baa mkpa aa wola jaga dɔe bwa.

<sup>8</sup>Nera baa dɛ ɛ ba tetoowa, baa wola Korowii waa aa ɛ kasintɛn ta teŋe, dɛɛ ɛ wechɔga la, Korowii bwaawee ɛɛ ir ba nɛɛ taeh.

<sup>9</sup>Nera baa dɛ ɛ wechɔga la, ba bwara ɛɛ nyɛgoo taeh, aa noo baa taeh. Juda tenaa dɛ tɔ sie na bonyega a noo ba, nera baa wola Juda tena ɛɛ la ge jao.

<sup>10</sup>Aɛɛ nera baa dɛ ɛ wedɛɛga la, Korowii ɛɛ geloo ba dɔ jirima, dɛ kpɛɛ ba, dɛ tɛɛ ba bambisɔɔhna. Juda tenaa dɛ tɔ sie na anɔ bwa, nera baa wola Juda tena ɛɛ la ge jao.

<sup>11</sup>Korowii aa nomɛlbwa waa nyin gwaa bel.

<sup>12</sup>Nera baa wola Mmara Korowii aa kpɔa te Mosis la jeme dɛɛ ɛ wechɔga la, baa sewɔɔ. Kɛ Mosis Mmara la ta laa Korowii ɛɛ ba nyiŋa dɛ bol ba waa dɛ pa bole. Bana la baa jeme Mmara la la, Mmara la taa Korowii ɛɛ ba nyiŋa dɛ bol ba waa dɛ pa bole.

<sup>13</sup>Maa dɛ bol nɔ, Mmara nɔ noe laa gela nen ɛɛ ɛ nɛndɛɛge o wa ɛɛ su Korowii siwi. Mmara la ta teŋaa gela nen ɛɛ ɛ nɛndɛɛge o wa ɛɛ su Korowii siwi.

- 14 Nera baa wola Juda tena ɛ la, baa Mosis Mmara la jeme. Ke saɲ belbwa ba gbagba aa kpɔ ba nyu bini nferɛ de ɛ ge Mmara la aa de bagle la, de ba nyu bini nferɛ la ɛ mmara tɛɛ ba. Ke a fe lole keɲɔ baa Mosis Mmara la jeme te.
- 15 Ba we-ɛɛla chaglo keɲɔ waa Mosis Mmara la aa de bagle la lo ba bambile bini. Ba liire gba de di dansee ge waa no ta, dekalkeɲɔ a tel ane ta naa, ba gbagba liire yon ɛɛ ba keɲɔ ba ɛ wechɔga, ane ge ta ba gbagba liire yon ɛɛ ba keɲɔ ba ɛ wedɛɛga.
- 16 Waa no bwaa dɛɛ ba ɛɛ awola Korowii aa de ba nera wechɔga baa ɛa dɛɛ soɲ la ne bochaah lee ase Yeesu Kristo pa bole la ta. Gee me Amanesoma la ɛɛ bagle.
- 17 Ase he naate haa de yere he te Juda te, de kpɔ he sie dawɛ Mosis Mmara la ta de kpɔ Korowii dɛɛ ta nyoa la ge seɲ?
- 18 He jeme ge Korowii aa de nyin ke hee ɛ, de jeme Mmara la, de jeme waa aa wera bwa.
- 19 Ke he de yere he te nen waa jeme waa dɛɛ bagle nera baa wola wobɛlbwa jemoo? Ke he ɲɔ heneɛ ɛ nii dɛɛ chaah nera baa lo biro ta laa?
- 20 Wejema bwa ne Korowii wobɛlbwa lo Mmara la bini, anomanta he kpɔ he te ke wejereme dɛɛ bagle gena ne bamuge wa.
- 21 Haa de bagle he doɲa waa no, ɛɛɛ haa wola won bagle he te gbagba o? Haa de ɲɔ nera be ɲɔ ba be dɛɛ ɲwe ase de te dɛɛ ɲwe no seɲ?
- 22 He tenten no, he ɲɔ nera be ba bala haahna ne ba bala jaranar dɛɛ nyin. He gbagba, haa ge ɛa? He ɲɔ he kii voga, heyaa gee bera dɛɛ ɲwe kwaa a deene bini.
- 23 Heyaa kpɔ Mmara la dɛɛ ta nyoa, heyaa gee wola a ta teɲɛ, ase nera koh he we-ɛɛla waa dɛɛ ɛ Korowii nenhela.
- 24 Korowii Ton baglo ɲɔ, "He Juda tenaa gela nera baa wola Juda tena ɛ la siwi sa Korowii la."
- 25 He de teɲɛ Mmara la ta naa, de he pena teɲa no do mun. Ke de haa Mmara la ta teɲaa, ate he fe gel he pena teɲa bo.
- 26 Nera baa wola Juda tena ɛɛ baa wola ba pena teɲe la, ba de teɲɛ Mmara la ta naa, haa jeme keɲɔ Korowii ɛɛ lee baa keɲɔ nera baa teɲe ba pena aa?
- 27 He Juda tena te jeme Mmara no dɛɛ teɲe he pena, ke he bane aa Mmara la ta teɲɛ. Ase nera baa wola Juda tena ɛɛ la ge, baa ba pena teɲe, ke ba bini bane de teɲɛ Mmara la ta. Ba we-ɛɛla ɛɛ geloo Korowii pa heyaa bolchoge.
- 28 Nen waa ɛ Juda te, wobɛlbwa aa wola toole dɛɛ bagle ke o ɛ Juda te de ja o pen teɲa gbo ta la, Juda te tenten laa on. Pentɛɲa do mun.
- 29 Waa aa de bagle keɲɔ nen ɛ Juda te tenten la, bambile binii a do. Korowii Domadɛɛge laanee dɛɛ ba toma ɛɛ he bambile bini ase he won ɛ Juda te tenten. Mmara belbwa aa ge bambile no te. Nen Korowii Domadɛɛge la aa chao ase o bambile bini



waa ɛ bagle keɲɔ o ɛ Korowii nen la, newenyini laa dɛɛ ba o kpɛera, Korowiirii dɛɛ ba o kpɛera.

### Room 3

<sup>1</sup>Dɛ kenii a do aa, dɛ ɛrɛ gwaalaa ya Juda tena gwaa he nɛra haa wola Juda tena ɛɛ yɔ? Dɛ bɔkwa tɔnɔɔ lɔ ya pentɛɲa ta nɔ?

<sup>2</sup>Ya Juda tena na som taeh dɛ gwaa nɛra baa kaa la ɲwɛnɛ belbwa ta. Anɔ la aa tɔ sie laanee keɲɔ yanee Korowii tɔ sie kpɔ o waa bagle.

<sup>3</sup>Amɔ dɛ ya bini bane ta Korowii yaradae yaa, wɛɛ koh a waa asɛ o waa aa yaradaa dɔa?

<sup>4</sup>Akai! Dɛ newenyini bwa ɛ nyosontɛɲna kwara naa, Korowii te wa ɛɛ dɔ kasintɛɲii saɲ belbwa. Anee Korowii Tɔn la bol la. O bagle Korowii waa ɲɔ, "He wobol ɛɛ bagloo keɲɔ he dɔ kasintɛɲ. Hɛɛ dɛɛ di bole he waa taa."

<sup>5</sup>Newenyini te ɛɛ ɲɔɔ, "Dɛ a chege ya wechɔga ta asɛ nɛra na keɲɔ Korowii ɛ nendɛɛge aa, amɔ ya ta wedɛɛga ɛɛ kɛɛ? Dɛ Korowii ter ya deɲne aa, dɛ o waa tograa?" Newenyini liiree nɔ!

<sup>6</sup>Kɛ gɛ laa a do. Dɛ Korowii waa ta tograa, ɛrɛɛ wɛɛ ba ɛɛ dɛ te won bol newenyini waa dɛ pa bole ɔ?

<sup>7</sup>Nomɛl gee pɛeroo ɲɔ, "Aah dɛ a chege n nyosone ta asɛ nɛra na keɲɔ Korowii dɔ kasintɛɲ, o dɔ sɔn aa, dɛ n nyosone la ɛ wechɔga ja aa?"

<sup>8</sup>Amɔ yaa ɛ wechɔga áse wedɛɛga le a ta kɛɛ? Nɛra bane chɔg n sɔn, ba hanɛ n nyoa ɲɔ n dɛ ɲɔ a gɛ waa nɔ ɛɛ ta wechɔga ɛɛ. Korowii ɛɛ ter ba deɲnee, dɛ a ɲwɛnɛ ta gee.

<sup>9</sup>Taraken nɔ, ɲwɛnɛ besoo taa ya Juda tena gwaa he nɛra haa wola Juda tena ɛɛ yɔ? Ya ta heyaa gwaale. N fa baglɔ keɲɔ ya Juda tena ne he nɛra haa wola Juda tena ɛɛ la, ya bwa ɛ wechɔg-ɛera.

<sup>10</sup>Anee Korowii Tɔn la ɲɔ la. O baglɔ ɲɔ, "Nomɛlbwa toole dɛ ɛ nendɛɛge o wa ɛɛ su Korowii siwi. Nɛmbɛɲkpoɲ kwaraa toole.

<sup>11</sup>Nomɛlbwa toole dɛ jɛmɛ wa, nomɛlbwa toole dɛɛ nyin Korowii bɔr dé tomɔ.

<sup>12</sup>Ba bwa berɛ habɔɔ kpɔ Korowii, dɛ bwa berɛ nensale. Ba belbwa aa wedɛɛga ɛ. Nɛmbɛɲkpoɲ kwaraa toole.

<sup>13</sup>Ba nyoa wobol doɲɔ, a sɔɔh. Nyosone gboo ba bwa. Gɛ domkpule domɛ nen dɛ o kpoo bug ta la, gɛɛ a gɛ nɛra nɔ ge kpɔ ba nyoa wobol dɛɛ chɔg nɛra.

<sup>14</sup>Wobochɔga gboo su ba nyoo.

<sup>15</sup>Ba gbanɲre nɛɲkpoa waa ta.

<sup>16</sup>Bobɛlbwa baa dɛ la la, waa gboo baa chɔg, dɛɛ ɛ nɛra hɔhɔrɔwa.

<sup>17</sup>Waa aa gela nen bambile ɛɛ sɔɔhno la te, baa an jɛmɛ.

<sup>18</sup>Baa Korowii ge ɔmɛ.”

<sup>19</sup>Ya jemɔ kenɔ waa Mmara la aa de bagle la, nera baa de tenɛ Mmara la ta laanee Mmara la ɛ bagle, ase nomelbwa be won do wobelbwa de bol Korowii sie, áse o won bol nomelbwa waa de pa bole.

<sup>20</sup>Maa de nɔ nɔ, Mmara ta tena aa won gel nomelbwa we-ɛla su Korowii siwi bwa. Mmara la toma bwaa kenɔ ó gel newenyini jeme kenɔ ya ɛ wechɔga.

<sup>21</sup>Korowii gelo ya jeme nwenɛ la ta aa chega ya wa ɛ su o siwi. Mmara ta tena ta laa a che. Mosis Mmara la ne Korowii keamere tone di dansee ge nwenɛ nɔ ta.

<sup>22</sup>Yeesu Kristo yaradae taa a che nera wa ɛ su Korowii siwi. Nomelbwa waa de yarada Yeesu waa la, o waa de su Korowii siwi, dekalkenɔ newenyini bwa benkpon Korowii be.

<sup>23</sup>Newenyini bwa ɛ wechɔga, ya belbwa ta ge Korowii fe aa de nyin o mankura yaa la cheɛ.

<sup>24</sup>Yeesu Kristo yawɛ yaa o chal ne. A waa ya wa ɛ su Korowii siwi. O nen sum nae kohona waa o ɛ ge te yaa pepee la.

<sup>25</sup>Korowiirii le Yeesu Kristo nɔ ó ba fuge o chal ta de soje ya wechɔga áse o bandia le nera baa yarada Yeesu Kristo seo waa la ne. Korowiirii fa saahna ɛ ge de bagle ke o waa togrɔ, dekalkenɔ a saɲ la, nera aa de ɛ wechɔga la, o laa sie kpɔ ba be. A fe che ke o ter newenyini denne, ke o lawɛ bambile.

<sup>26</sup>Taraken waa gela Yeesu Kristo koh ya wechɔga waa de sewɛ nɔ, o baglo kenɔ o waa togrɔ. Nomelbwa waa de yarada Yeesu de kpɔ o te teo la, Korowii gelo o ɛ nendeege o wa ɛ su o siwi.

<sup>27</sup>Aa do ge nɔ, ya do nwenɛ kenɔ ya ta nyoa aa? Ya ta nwenɛ doe. Ere taa a che yaa wola won ta nyoa nɔ? Mmara ta tena ta laa a che. Yeesu Kristo yaradae laanee to ge waa nɔ bwa nwenɛ,

<sup>28</sup>dekalkenɔ ya seoh kenɔ Yeesu Kristo yaradae taa a che Korowii gel nen ɛ nendeege o wa ɛ su o siwi. Mmara ta tena aa gele nen ɛ ɛ nendeege o wa ɛ su Korowii siwi bwa.

<sup>29</sup>Juda tena gbo laa Korowii che te. Nera baa wola Juda tena ɛ la, ba bwa waa o do le.

<sup>30</sup>Korowii benkpon gboo lole. Yeesu Kristo yaradae taa aa ba chega o gel Juda tena ɛ nendeege ba waa su o siwi. O yaradae taa aa ba chega o gel nera baa wola Juda tena ɛ ge ɛ nendeege ba waa su o siwi.

<sup>31</sup>Aa do ge nɔ, de ya de yarada Yeesu aa, de ya to Mmara la nwenɛ kee? Akai! Yeesu yaradae nɔ te kwaraa dee ba gela ya won tenɛ Mmara la ta.

## Room 4

- <sup>1</sup>He ta sie nyinji ya Juda tena nabaa Abraham na. Ge saɲ la, bɔkwaa o na yarada waa nɔ bini nɔ?
- <sup>2</sup>Dɛ o we-ɛɛla taa a che o waa su Korowii siwi aa, ate o fe dɔ waa dɛ kpɔ ta nyoa. Ke de he nyinji Korowii Tɔn bini na naa, waa won ta nyoa Korowii sie.
- <sup>3</sup>Korowii Tɔn baglɔ kɛɲɔ Abraham yarada taa a che Korowii leo ke nendɛɛge o waa su o siwi.
- <sup>4</sup>Nɛn ɛ toma ba bɔɔ kem aa, de kemee ba bɔɔ. Dɛ kɛɛ laa ba kɛo.
- <sup>5</sup>Kɛ nɛn waa wola wobɛlbwa ɛɛ de kpɔ o yarada do Korowii gbo nɛɛ kɛɲɔ o won wechɔg-ɛɛra nendɛɛga ɛɛ la, a chege o yarada la ta ase Korowii leo ke nendɛɛge o wa ɛɛ su o siwi.
- <sup>6</sup>Gɛɛ ya Juda tena nabaa Devid faa bagle nomɛlbwa Korowii aa wola o we-ɛɛla nyinje ase de leo ke nendɛɛge o waa su o siwi la waa kɛɲɔ o na som la.
- <sup>7</sup>O bolɔ ɲɔ, "Naatena Korowii aa kpɔ ba wechɔga ke ba, waa wola a waa lii kpa la, ba na som.
- <sup>8</sup>Nyusom tee naate Korowii aa wola o wechɔga waa lii kpa bwa la."
- <sup>9</sup>A ge som nae nɔ Devid aa bol o waa nɔ, de Juda tena aa de teje pena nɔ, ba gboo dɛɛ ba som nae yaa, ke nera baa wola pena teje bwaa o ɲɔ? Too, baa bagla Korowii Tɔn bini ɲɔ, "Abraham yarada taa a che ase o waa su Korowii siwi" nɔ,
- <sup>10</sup>a ge waa nɔ chigo mɔɔ Korowii gel Abraham teje o pen kɛɛ o tejo mɔɔ nɔ? A chigo mɔɔ Abraham teje.
- <sup>11</sup>O pen teja la ɛ we-ɛɛle bel waa de bagle kɛɲɔ o yarada waa o won ɛ nendɛɛge o waa su Korowii siwi, de bagle kɛɲɔ waa wola teje mɔɔ la, de o waa su Korowii siwi. Nera baa wola Juda tena ɛɛ baa wola pen teje dɛɛ yarada Korowii ase o lɛɛ ba ke nendɛɛga ba waa su o siwi la, ba mɛɛɛ Abraham.
- <sup>12</sup>Nera baa teje ba pena la, Abraham biirii ba ge. Ba pena waa laa ba ɛ o bii. Dɛ ba do yarada Abraham aa dɔa mɔɔ ba teje o pen la aa, anee ba ɛ o bii.
- <sup>13</sup>Korowii nyoa la o faa bage Abraham ne o naanar ɲɔ hare nɔ bwa ɛɛ ba ɛ ba konee la, Mmara ta teja waa laa o bagɔ ge nyoa la. Dɛ Abraham de yarada Korowii, ase a che a ta o ɛ nendɛɛge o waa su Korowii siwi, a waa Korowii bagɔ nyoa.
- <sup>14</sup>Nyoa Korowii aa bage Abraham ne o naanar la, de nera baa teje Mmara ta laanee weɛ ba ɛɛ de tɛ aa, ate de yarada nɛwenyini aa de yarada Korowii nɔ ta mun dɔɛ. Dɛ Korowii nyobaga la ge fe ɛ pɛɛ.
- <sup>15</sup>Mmara laanee dɛɛ ba Korowii bandia ne nera nɛ. On lole nera gee too waa Korowii baah nɛɛ di nera nɛ. Dɛ mmara fe toole naa, nera fe aa on to.
- <sup>16</sup>Nyoa Korowii aa bage la, yarada taa a che. A che ke a ɛ ge áse kon Korowii aa bage nyoa la, o ɛ kon waa kpɔa tɛ pɛpɛɛ. O ɛ kon Korowii aa kpɔa tɛ Abraham naanar bwa pɛpɛɛ waa wola nsana lee ba. Nera baa de teje Mosis Mmara la ta la, ba gbo laa

Korowii bage ge nyoa la. Nomelbwa waa de yarada Yeesu waa la kenjo Abraham aa yarada Korowii la, wee di nyobaga la tonoo, dekalkejo ya bwa meee Abraham.

<sup>17</sup>Anee Korowii waa baa chwera jo, "N gelo he e nenfuuh bwa mee" la bagle la. A ge waa no e kasintejo Korowii be. Onee Abraham faa yarada la. On won nera baa serewa kwaraa chuma, de won dee bol waa aa wola chige bwa kenjo aa chiga ka la.

<sup>18</sup>De Abraham de yarada Korowii dee hwega o nee ge. De waa nen aa wola Korowii yarada a ta la, de o te de yaradao. A taa a che o e nenfuuh bwa mee ge Korowii aa jo o be jo, "He naanar ee waroo" la.

<sup>19</sup>De Abraham di bene lafa tone, de waa kpege kpa. Ke Korowii aa joa o naanar ee waroo la, o ne o hweehra bwa, ne o haah hambara ee bwa, o ta toje.

<sup>20</sup>O ta toje tamaa belbwa kenjo Korowii aa won e waa waa bago nyoa laanee. O ta Korowii yaradae gele bwa. De name kwaraa o ta do yarada kohona, dee jam Korowii.

<sup>21</sup>De Abraham jemo kenjo Korowii ee wonoo e ge waa bago nyoa la.

<sup>22</sup>A waa Korowii che Abraham yarada ta ase de leo ke nendeege o waa su o siwi la.

<sup>23</sup>A ge waa la baa chwera do Korowii Ton bini jo, "Korowii leo ke nendeege o waa su o siwi" la, Abraham gbo laa ba chwere te.

<sup>24</sup>Ya nera yaa de yarada Korowii waa ir ya Doo Yeesu seo ta la, ya bwaa ba chwera te. Ya bwaa Korowii ee ba lee ke nendeege, ya waa su o siwi.

<sup>25</sup>Ya wechoga waa Korowii leo jo o ba sewe, ase Korowii bere iru seo ta, ase a che o nee Korowii le yaa ke nendeege ya waa su o siwi.

## Room 5

<sup>1</sup>Taraken no, ya yarada aa gela Korowii le yaa ke nendeege ya waa su o siwi no, ya Doo Yeesu Kristo nee a che ase ya ne Korowii pe.

<sup>2</sup>Yaa yarada Yeesu de kpo ya te teo la, a taa a che o gel Korowii ee na ya sum dee cha yaa ge waa de cha yaa no. Anomanta ya sie leo, dekalkejo ya jemo kenjo bela Korowii aa lole o waa do jirima kohona la, ya gee do belaa.

<sup>3</sup>A gbo ta laa ya do silee. Ya sie de le ya wahala yaa de na no ta, dekalkejo ya jemo kenjo anee dee ba gela ya do bambile.

<sup>4</sup>Bambile doe no taa aa ba chega ase de Korowii daah yaa na naa, ya waa won do kasintejo. Ya waa do kasintejo Korowii be naa, an dee ba gela ya do hwega.

<sup>5</sup>Hwega yaa doa no, aa pee e, dekalkejo Korowii te yaa o Domadeege la ase ya jeme o nyina waa de nyin yaa kohona.

<sup>6</sup>Maa de jo no, ya fa toole ane belbwa bini Korowii nwenedege la be pera. De ya faa Korowii nvene ta teje. Ke topere Korowii aa doa la aa tela la, Yeesu le ya wechog-eera seo de sewe.

- <sup>7</sup>A kpegri kenɔ nɛn lɛ nendɛɛge kwaraa seo dɛ sewɛ. Nɛn waa dɛ nyin nɛn la te, bɛl lɛlɛ nomɛl ken ɛɛ wonoo lɔ bambile lɛ o seo dɛ sewɛ.
- <sup>8</sup>Maa dɛ nɔ nɔ, hɛ na gɛ Korowii tea aa dɛ domɛ nɛwɛnyini nɛ. Gɛ saɲ ya taa ɛ wechɔg-ɛɛra la, a taa Yeesu Kristo lɛ ya seo dɛ sewɛ.
- <sup>9</sup>Yeesu Kristo seo taa a che asɛ Korowii gel ya ɛ nendɛɛga ya waa su o siwi. Aah dɛ Korowii bwaawee baa ir nɛra nɛ aa, a te taa Yeesu Kristo aa wola won lɛ yaa aa?
- <sup>10</sup>Dɛ ya ne Korowii fa dɔmɔ, asɛ o che o Bie Yeesu seo la ta dɛ gel ya ne o pɛ aa, ya ne Korowii aa pɛa taraken nɔ, a te ta kwaraa laa wɛɛ ba o Bie Yeesu seo ta ira ne o lɛ doe nɔ waa koeh dɛ lɛ yaa aa?
- <sup>11</sup>A gbo laa. Ya sie lɛ Korowii nɛɛ kohona ya Dɔɔ Yeesu Kristo nomanta. O nɛɛ a che ya ne Korowii pɛ.
- <sup>12</sup>Nɛmbɛɲkpon nɛɛ a che wechɔga ba hare nɔ ta, asɛ a che o wechɔga ta seo ba hare ta. A waa seo bu nɛwɛnyini bwa la, dɛkalkɛɲɔ nɛwɛnyini bwa ɛ wechɔga.
- <sup>13</sup>Korowii aa wola Mosis Mmara la ne bale mɔɔ la, dɛ wechɔga lɛlɛ. Kɛ bela mmara aa wola toole la, baa wechɔga nkontaah bu.
- <sup>14</sup>Kɛ lɛ Adam bere saɲ la ba lɛ Mosis bere saɲ la, dɛ seo chɔ lɛ tɛ nomɛlbwa. Hale nɛra ba faa wola Korowii nyɔa vɛɛh kɛ Adam la bwaa fa dɛ serewe. Adam chaaree naate ba faa nɔa o dɛ ba bala la. Onɛɛ Yeesu Kristo.
- <sup>15</sup>Kɛ Adam ne Yeesu waa ta bɛɲkpon ɛɛ, dɛkalkɛɲɔ chae Korowii aa na ya sum dɛ cha yaa la, a ne Adam wechɔga ta bɛɲkpon ɛɛ. A gwaala kohona. Nɛmbɛɲkpon wechɔga taa a che seo ba nomɛlbwa nɛ. Nɛmbɛɲkpon alaworome gee nɛra bwa di. Onɛɛ Yeesu Kristo. O nɛɛ Korowii che dɛ sune nomɛlbwa nɛ, dɛ cha yaa kohona a gwaa Adam wechɔga la.
- <sup>16</sup>A bɛrɔ dɔ kɛɲɔ chae Korowii aa cha yaa la ne waa aa lɛ nɛmbɛɲkpon la wechɔga ta la ta bɛɲkpon ɛɛ. Wechɔge bɛɲkpon taa a che Korowii pa ya bwa bolchɔge. Asɛ wechɔga aa wara la, Korowii na ya bwa sum dɛ cha yaa dɛ lɛ yaa kɛɲɔ nendɛɛga ya waa su o siwi.
- <sup>17</sup>Nɛmbɛɲkpon wechɔga taa seo che dɛɛ di kora nɛwɛnyina nɛ. Gee a che nɛmbɛɲkpon nɛɛ asɛ Korowii na nɛwɛnyina sum kohona kwaraa dɛ cha yaa ya won ɛ nendɛɛga ya waa su o siwi pɛɛpɛɛ dɛ di kora mkpa aa wola jaga dɔɛ la ta. Onɛɛ Yeesu Kristo.
- <sup>18</sup>Gɛ Adam wechɔge bɛɲkpon aa lɛ chɔgre tɛ nɛwɛnyini bwa la, gɛɛ Yeesu Kristo wedɛɛge bɛɲkpon waa ɛa gel Korowii lɛ yaa kɛɲɔ nendɛɛga ya waa su o siwi, asɛ nɛwɛnyini bwa won dɔ mkpa aa wola jaga dɔɛ bwa.
- <sup>19</sup>Dɛkalkɛɲɔ gɛ nɛmbɛɲkpon dɛɲɛkpeg aa gela nɛra bwa ɛ wechɔg-ɛɛra la, gɛɛ a che nɛmbɛɲkpon pwere waa doa ta asɛ Korowii lɛ nɛra kɛrɛdɛ kɛ nendɛɛga ba waa su o siwi.
- <sup>20</sup>Mmara balɔ dɛ gel wechɔga warɛ. Kɛ, wechɔga aa dɛ dawɛ la, a taa Korowii na nɛwɛnyini sum dɛ cha yaa kohona.

<sup>21</sup>Ge wechōga aa chege seo nēe dēe di kpegri la, gēe Korowii suna waa de sune newenyini nēe la ge che ge Korowii aa ε yaa nendēega ya waa su o siwi la ta dēe di kpegri, ase ya won dō Korowii mkpa aa wola jaga dōe bwa la, dēkalkēṅo ya Dōo Yeesu Kristo gelo nera ε nendēega ba waa su Korowii siwi.

## Room 6

<sup>1</sup>Taraken nō, erēe yaa ba ḡe yō? A che ke ya na dēe ε wechōga tōpere belbwa áse Korowii εe na ya sum de kpō dēe ke yaa tōpere belbwa kēe?

<sup>2</sup>Akai! Ge nen sewaa, waa wola toole wobēlbwa bini kpa la, gēe ya ne wechōga baah do. Aah de ya ne wechōga aa wola toole wobēlbwa bini nō, ḡwene besoo taa yaa ba wona dēe ε wechōga jaō?

<sup>3</sup>He sooh kēṅo baa sō yaa Korowii nee yáa teḡe Yeesu Kristo nēe la, ya ne onee pēa sewe kēe?

<sup>4</sup>Baa sō yaa Korowii nee la nomanta, a kaa ε kēṅo ya ne Yeesuu ba pē huge. Ya ne waa pēa sewe la nomanta, ge Korowii aa chege o kpegri a dōḡ aa wola toole la ta de iru seo ta la, gēe wēe ba ya ge chae ya kwaa so sofale waa wera, de chare dofale waa wera.

<sup>5</sup>De ya ne o pēo de sewaa, ya ne wēe pēo ir seo ta.

<sup>6</sup>Ya jemō kēṅo ya dobene la ne Yeesuu ba pē sage o dagagre ta. Ya dobene la ne o wechōga bwaa ba kpō ase o bē won di kpegri ya nēe kpa, ase wechōga bē won yawe yaa yoma kpa.

<sup>7</sup>Nomēlbwa waa sewa la, o fooro de le wechōga kpegri aa de di la be pera.

<sup>8</sup>Ya ne Yeesu Kristo aa pēa sewe la nomanta, ya dō yarada kēṅo yaa dō mkpa waa dōa laanee.

<sup>9</sup>Ya jemō kēṅo Yeesu Kristo ir seo ta waa wola sewe kpa bwa, seo ta kpegri dōe o nēe kpa.

<sup>10</sup>O seo waa sewa la, kerabēḡkponḡii o sewe de pō kpegri wechōga aa dōa la nē. Taraken sogā waa sogā nō, o lole de tē Korowii.

<sup>11</sup>Gēe a che ke he kpō he te kēṅo he ne wechōga toole wobēlbwa bini kpa ke nen aa sewa la. He ne Yeesu Kristo aa pēa la nomanta, a che ke he jemē kēṅo Korowiirii he do le tē.

<sup>12</sup>A ta che kēṅo he gel wechōga εe di kpegri he nē, ase hēe ε he bwadabii waa wola lee do saḡ belbwa nō tetoowa.

<sup>13</sup>He bē he bwadabii bobēlbwa kpō dēe ε wechōga. A che kēṅo he kpō he te tē Korowii kēṅo nera baa sewa de ir, de chare ba sogā ne ba dor. Hé kpō he bwadabii bobēlbwa tē Korowii, de kpōa dēe ε waa aa togra.



<sup>14</sup>Wechōga aa kpegri dōe ba he nē, dēkalkējō Korowii suna waa dē sune nera nēe la lōga he do. He toole Mmara lōga kpa.

<sup>15</sup>Yaa lō Korowii suna waa sune ya nēe lōga yaa wola toole Mmara lōga nō, a che ke yaa ε wechōga kēe? Akai!

<sup>16</sup>Kē he jemō kējō dē he kpō he te do nomel nōn ta njō on dō heya aa, dē on dō heyaa kene? He kpō he te te wechōga aa, hēe dēe ε wechōgaa ase dē sewe. He kpō he te te Korowii dēe no o be naa, wēe le heyaa kē nendēega ase he waa su o siwi.

<sup>17</sup>Korowii jam! Wechōga faa yawe heyaa yom, ase taraken nō he no o waa baa chagle heyaa dē kpō he te tēo he bambile bwa ne nō,

<sup>18</sup>Korowii le heyaa wechōga yawa a faa yawe heyaa yom la ta. Taraken nō, he bere yoma dē te wedēega εε.

<sup>19</sup>He waa mun noe jaņne, a waa n kpō waa haa dē noa tōpere bēlbwa dēe bagle heyaa waa la. Gē he faa teņa dē kpō he te do wedōņa ta wubwa dēe ε wechōga la, gēe a che kējō he bere kpō he te do wedēega ta, áse he waa do gorōņ.

<sup>20</sup>Wubwa la, dē wechōga yawe heyaa yoma. Dē he ne wedēega toole wobēlbwa bini.

<sup>21</sup>Dē wechōga gboo hēe ε. Taraken nō, a waa dē ε heyaa sihih. A gē waa nō, dē tōnō besoo a dō te heya o? Waa aa lō gē wechōga nō habōō laanee seo.

<sup>22</sup>Kē taraken nō, Korowii le heyaa wechōga ta. On dō heya. He tōnō haa dōa laanee kējō he sogā bini aa togra Korowii be. A taa aa ba chega ase he dō mkpa aa wola jaga dōe.

<sup>23</sup>Wechōga dō a kembōr. A kembōree seo. Ase kon Korowii ge aa dē te laanee mkpa aa wola jaga dōe bwa. Ya Dōō Yeesu Kristo nēe o che dēe te a gē mkpa nō.

## Room 7

<sup>1</sup>Yabalawa, he jemē mmara wa, anomanta he jemō kē hare ta gboo mmara dō kpegri nera nē.

<sup>2</sup>Haah waa yala la, dē o jaa ta sewaa, hahmor mmara vōrōwo, o ε o jaa la gbo haah. O jaa sewō te naa, dē hahmor mmara ta on vōrōwe kpa.

<sup>3</sup>Kē dē o jaa ta sogē le, ase o ne banfale ge bere do le ja aa, baa yerō hanjwamanee. Dē o jaa sewō te naa, dē hahmor mmara ta on vōrōwe kpa. O yalē banfale aa, dē o ta jwamane bōe.

<sup>4</sup>Yabalawa, Yeesu Kristo seo waa sewa la, a εo kējō he ne onee pēa sewe. Anomanta he toole Mmara lōga. Mmara la aa kpegri di he nēe kpa kējō haah jaa sewaa, waa wola toole hahmor mmara lōga kpa la. He berō ε Yeesu Kristo waa ir seo ta la nera, ase dē won ε Korowii toma, he waa dō tōnō o be.



- <sup>5</sup>Sanj la yaa lo wechoga ya newenyini mar no wechoga aa suu no aa de nyin la ta dee e la, de Mmara la de ir ya bambile wechoga ee ta, ase wobelbwa yaa de e la, aa kaa ya ne seo ta.
- <sup>6</sup>Taraken te ya fooro, Mmara la ta yaa doe kpa, dekalkenjo ya ne a ge Mmara no o faa kpo yaa bere yoma la toole wobelbwa bini kpa. Ya eo ke yaa serewa. Yaa Mmara nwenen ta kpoee dee tome Korowii kpa. Korowii Domadeege laanee dee bagle yaa nwenefale yaa tome Korowii taraken.
- <sup>7</sup>Aa do ge no, de Mmara la aa were kee? O wer, ke on gela n jeme kenjo komel lole baa yero wechoga. De Mmara la fe ta njo njo newenyini be gel o sie begre o donj kon aa, n fe aa jeme kenjo sibegra aa were.
- <sup>8</sup>Liichoga nao kenjo aa wonoo che mmara Korowii aa doa la ta de gel n e wechoga. Liichoga aa na ge la, a chege mmara la ta de gel n sie ee begre komelbwa ta. De mmara toole naa, wechoga ta kpegri doe.
- <sup>9</sup>Mmara aa wola toole la, de wobelbwa toole n banja n so. Ke mmara aa bala la, belaa liichoga ge ir, ase n na kenjo n sewo.
- <sup>10</sup>Mmara o fe aa che ke o ba mkpa ne la, seo nee o ba.
- <sup>11</sup>Liichoga nao kenjo a do bor name. Mmara taa a che de neg me, de tag me do seo ta.
- <sup>12</sup>Ya jemo kenjo Mmara la e kondeege, ase o bini wobelbwa ge togre de do wer.
- <sup>13</sup>Aah de kon waa wera no, o taa a bere che mee ba seo doe yaa? O ta laa. Liichogaa chege kon waa wera ta de gel n do seo, de bagle o dor asee n jemo kerede. Mmara la taa a che ase ya jeme kenjo liichoga donjo, aa wola were kwaraa.
- <sup>14</sup>Ya jemo kenjo Korowii Domadeege bee Mmara la le de do wer. Ke n te, newenyinii men, anomanta wechoga yag me.
- <sup>15</sup>Waa maa de e kwaraa la no, n ta wone jeme wee la aa gela mee ea, dekalkenjo maa waa n fe aa de nyin ee la e. Waa maa wola nyin laanee mee e.
- <sup>16</sup>Maa wola waa maa de e nyin de gee ea la no, a baglo kenjo n seoh kenjo Mmara la wer.
- <sup>17</sup>Anomanta la no, n gbagba laa dee e a ge wechoga no. Liichoga aa lo n bini la, an gela mee ea.
- <sup>18</sup>N jemo kenjo liideega belbwa toole n bini. N newenyini mar no wechoga aa suu noo n njo no. Maa de njo no, n de nyin wedeege ee, ke maa won an e.
- <sup>19</sup>Wedeege maa de nyin ee la, a laa mee e. Wechoga maa wola a ee nyin la, anee mee e.
- <sup>20</sup>De waa maa wola ee nyin la, de anee mee e aa, a baglo kenjo n gbagba laa dee ea kpa, de liichoga aa lo n bini laanee dee ea.
- <sup>21</sup>Waa maa naa laanee kenjo n de nyin wedeege ee yaa, de komel njo n be e.

<sup>22</sup>N bambile fe lawe Korowii mmara la ta teja,

<sup>23</sup>ke n bwadabii ge berɔ do dor bel. O de vuugi n bambile. N bwadabii aa Korowii mmara la aa lo n bambile bini la ta teja nyin. Liichogaa gela n bwadabii aa wola Korowii mmara la ta teja nyin no. A ge liire no yag me yom.

<sup>24</sup>Akwe! Bokwa waa na me kenɔ? Umee de lee me bwadabii no waa de kaa n ne seo ta no non ta no?

<sup>25</sup>Korowii jam. Ya Doo Yeesu Kristo alaworome, Korowiirii de lee me. Anomanta n bambile bini te, Korowii mmara taa mee teje. Ke n newenyini mar wechoga aa suu no be pera te, wechoga taa mee teje.

## Room 8

<sup>1</sup>Taraken no nera ba ne Yeesu Kristo aa pea la te aa bolchoge dii ba ba ter ba deɲe.

<sup>2</sup>Maa de no no, Korowii Domadeege loga maa lole de do mkpa no taa Yeesu Kristo che de lee me le wechoga ne seo loga n faa lole la ta.

<sup>3</sup>Newenyini mar aa do ge, waa wola kpege dee to Mmara nwenɛ, ase Mmara le newenyini kahone la, Korowii te wono le newenyini. O gelo o Bie tenten kpo newenyini mar wechoga aa suu no don de ba chog liichoga kpegri o faa doa newenyini nee la de laa wechoga kpo,

<sup>4</sup>ase ya waa do sweih keɲo Mmara la aa bagla no ya do la. Yaa newenyini mar liichoga aa suu no waa ta teje, Korowii Domadeege waa taa yaa teje.

<sup>5</sup>Nera baa de teje newenyini mar liichoga aa suu no tetoowaa ta la, a taa ba ge liire do. Nera ba ge aa de teje Korowii Domadeege waa ta la, a taa ba liire do.

<sup>6</sup>He kpo liire do newenyini mar no liichoga waa ta naa, he ne sewee. Ke he kpo liire do Korowii Domadeege tetoowaa ta naa, he do mkpa de do deɲesohna.

<sup>7</sup>Nomelbwa waa kpo o liire do bwadabii waa ta de gwaa wobelbwa la, o som laa Korowii, waa Korowii mmara ta teje. Waa won teje Korowii mmara ta ge bwa.

<sup>8</sup>Nera baa kpo ba liire do newenyini mar wechoga aa suu no de gwaa wobelbwa la, ba waa aa won too Korowii tea bwa.

<sup>9</sup>He te la, he ta he newenyini mar no wechoga aa suu no som kpo gwaa wobelbwa. De Korowii Domadeege lo he ne aa, ge waa de bagle heyaa laanee hee ba dee e. Nomelbwa waa wola Domadeege Yeesu Kristo aa de te la doe la, de Yeesu nen laa on.

<sup>10</sup>De Yeesu Kristo Domadeege la lo he ne aa, wechoga nomanta he bwadabii ee sewoo te. Ke Korowii aa le heyaa ke nendeege he waa su o siwi nomanta, he lileore ee do mkpaa.

<sup>11</sup>Korowii waa ir Yeesu seo ta la, de o Domadeege lo he ne aa, ge Korowii aa iru seo ta la, wee che o Domadeege la taa de te he bwadabii aa de ba poeh kerekere no mkpa.

- <sup>12</sup>Anomanta yabalawa, waa dawε ya nε, ya di kem, ke ya newenyini mar nō wechōga aa suu nō kem laa ya di á ε kenō yaa tenε o nε,
- <sup>13</sup>dekalkenō de nen tenε newenyini mar wechōga aa suu nō pela waa ta naa, waa mkpa dōe ba. Ke de nen chege Korowii Domadεge la nεe de veh o bwadabii pela wobelbwa naa, wεε dō mkpaa.
- <sup>14</sup>Nera baa kpō ba te tε Korowii Domadεge wεε bag ba ηwene la, Korowii biirii ban.
- <sup>15</sup>Korowii Domadεge la waa kpōa tε heyaa la, o ta gele he ne Korowii baah do kenō nen ne o yom ase hεε omō. O gelo he ε Korowii bii. O alaworomε ya won wii de yere Korowii "n Mεε," kenō bie aa de yere o mεε ge la.
- <sup>16</sup>Korowii Domadεge yon gel ya jeme ya bambile bini kenō Korowii biirii yaa.
- <sup>17</sup>Yaa ε Korowii bii nomanta, de ya seoh de na wahala Yeesu Kristo aa naa la aa, ya gee di o kapereε kenō Yeesu Kristo aa de di la, ase Korowii kpεε yaa ge waa kpεε Yeesu Kristo la.
- <sup>18</sup>Wahala nō yaa de na taraken nō, he nyiŋi som yaa de ba nae kerekere la aa, a ta wahala εε kwaraa.
- <sup>19</sup>Korowii kontaala bwa siwi swεero aa kpa tōo la wee Korowii aa bagle nera baa ε o bii la.
- <sup>20</sup>A de yo de yo kaahone, dekalkenō a ta a te dōe. Korowiirii taa o tetoora ta kenō a be kpegri dō. Ke a de hwεge
- <sup>21</sup>kenō tōpebel Korowii εε geloo a foo de le kpegri be dōe nō ta, aa wola pōh kpa, de ja Korowii bii nεe de ge na som kenō baa foora la.
- <sup>22</sup>Ya jemō kenō ba le fini, Korowii kontaala bwa bwara de nyeg, aa pemε kenō lol tea lō haah o yon dεε pemε la.
- <sup>23</sup>Maa de ηō nō, Korowii kontaala gbo bwara laa dεε nyeg. Ya nera yaa dō Korowii Domadεge kenō kwaa Korowii aa ba te yaa la bini konlogle la, ya gba bwara de nyeg. Ya de nyiŋi Korowii ηwene kenō wεε ba ε yaa o biirii, de le ya bwadabii wechōga ne seo nōn ta.
- <sup>24</sup>Korowii aa le yaa la, de ge hwεga nōo ya dō. Kon nen aa dōa la, waa bere dεε hwεge o waa kenō wεε dōo kpa, dekalkenō kon waa wola nen nōn ta joε la, o waa baa hwεge.
- <sup>25</sup>Ya te la, kon waa wola ya nōn ta joε mōo la, o waa yaa hwεge. Yaa too.
- <sup>26</sup>Ge ya hwεga yaa dōa la aa lawε yaa ya wahala bwa bini la, gee Korowii Domadεge gee cha yaa, dekalkenō ya yarada aa kanε. Yaa jeme ge aa che ke yaa soŋe Korowii kwara. Korowii Domadεge soŋo dεε te yaa mmōbōrō ne nen aa wola won bagle kwara.
- <sup>27</sup>Korowii te jeme nen bambile bini waa bwa, de jeme o Domadεge la nyu bini, dekalkenō ge Korowii aa de nyin la, gee o Domadεge la soŋo dεε tε o nera.

<sup>28</sup>Ya jemɔ kɛɲɔ nɛra baa dɛ nyin Korowii la, wobɛlbwa aa puu ba la, o gɛlɔ a ɛ wedɛɛga dɛɛ tɛɛ ba. O tɛtoora a o lee ba ba ɛ o bii.

<sup>29</sup>Nɛra Korowii aa jemɛ ba waa chɛg wubwa la, waa wola ban tae mɔɔ la, dɛ o tɔ sie lee ba ɲɔ b́a ba do kɛɲɔ o Bie la ken, áɛ ba bwa ɛ o Bie la nimanar, aɛ o ge ɛ ba Dɔɔ.

<sup>30</sup>Anomanta nɛra Korowii aa tɔ sie lee ba gɛ la, o lee ba ɲɔ b́a ɛ o toma. Waa lee ba ɲɔ b́a ɛ o toma la, o lɛɛ ba kɛ nɛndɛɛga ba waa su o siwi, aɛ o tɛɛ ba ɲwɛnɛ kɛɲɔ ba ba so o jweh dɛ dɔ jirima.

<sup>31</sup>Ya ta sie nyinji anɔ bwa na naa, ɛrɛɛ yaa ba ɲɔɛ yɔ? Dɛ Korowii tɛɲɛ ya nɛ aa, umɛɛ dɛ won ɛ yaa waane ɔ?

<sup>32</sup>Nɛn waa wola yaa o Bie kwaraa vɔmɛ, dɛ koh ya bwa waa kpɔɔ do newenyini nɔn ta ba kpoo la, bɔkwaa bala waa wola tea ta dɛ tɛ yaa komɛlbwa dɛ ja o Bie la nɛɔ?<sup>33</sup>Umɛɛ dɛ won na Korowii bii waa lee ba nɔ bwara wechɔge bɛl dɛ bolɔ? Korowii kwara waa dɛ pa bole la, o ɲɔ ba waa wer dɛɛ su o siwi.

<sup>34</sup>Aah dɛ umɛɛ dɛ won pa ba bolchɔge ɔ? Yeesu Kristo kɛɛ? Sewaa o te koh ya waa sewɛ, kɛ a gbo laa. O bɛrɔ ir seo ta dɛ ka so nomombɔr Korowii dig ta, dɛ soɲɔ dɛɛ tɛ yaa.

<sup>35</sup>Bɔkwaa dɛ won pere ya nɛ Yeesu Kristo baah waa wola yaa nyina ba kpɔɔ? Noe aa dɛ no yaa kɛɛ wahala yaa dɛ na, kɛɛ chɛga nɛra aa chɛge ya nɛ, kɛɛ lɔr, kɛɛ nyaa, kɛɛ dɛ ya chɛge seo nyoaɔ, kɛɛ sewɔ?

<sup>36</sup>Gɛ Korowii Tɔn aa dɛ bagle la, "He nomanta ya chɛge seo nyoa sanj bɛlbwa. Sanj bɛlbwaa baa ɛ yaa kɛɲɔ peera baa dɛ la ka kpoo la ken."

<sup>37</sup>Anɔ bwa sekwaraa ta la, ya jemɔ kɛɲɔ yaa yoo le. Yeesu Kristo waa nyin yaa la nɛɛ yaa ba chɛga dɛ le.

<sup>38</sup>N jemɔ kɛɲɔ wobɛlbwa toole dɛ tɔ yaa ɲwɛnɛ waa wola ya waa nyina ba. Seo kɛɛ mkpa aa won tɔ yaa ɲwɛnɛ. Nyundua toroma kɛɛ Bɔnsam toroma aa bea yaa wola an na aa won tɔ yaa ɲwɛnɛ. Waa aa dɛ ɛ fini nɔ kɛɛ anɔ la aa dɛ ba ɛ kerekere ge aa won tɔ yaa ɲwɛnɛ. Kwaa aa dɔ kɛgri bɛlbwa sɛsɛ ge aa won tɔ yaa ɲwɛnɛ.

<sup>39</sup>Komɛlbwa toole dɛ do nyundua kɛɛ hare bobɛlbwa dɛ won tɔ yaa ɲwɛnɛ. Korowii kontaala bini komɛlbwa toole dɛ won pere yaa le Korowii nyina aa chɛge ya Dɔɔ Yeesu Kristo nɛɛ wɛɛ nyin yaa la ta.

## Room 9

<sup>1</sup>Kasintɛɲii mɛɛ ba bola la. Maa ɛ Yeesu Kristo nɛn la nomanta, maa nyosone tɛɲɛ. Korowii Domadɛɛge la gɛlɔ n jemɛ n bambile bini kɛɲɔ maa nyosone tɛɲɛ.

<sup>2</sup>N tea bini chɔgɔ, n bambile ge aa n weɛ gel bwa.

<sup>3</sup>N gbagba bwɛɛ tena baa ɛ n nɛraa gela n bambile bwa weɛ mɛ ge nɔ. Dɛ Korowii taah mɛ aɛ n nɛ Yeesu Kristo baah pere kwaraa áɛ o lɛɛ ba aa, n dɛ nyin gɛ.

- <sup>4</sup>Israel tena maa de bol ba waa no, Korowii e ya o bii de bagle yaa o jirima. O ne ya fowe fwo, ase o te yaa o mmara, de bagle yaa ge aa che ke yaa tomoo, de bage yaa nyoa bele ajwene bwa.
- <sup>5</sup>Ya nabaala la nera bwa aa jeme ba waa la naanaree yan. Kristo la Korowii aa bage nyoa no wee tomoo o ba le yaa la, o newenyini ee be pera la, ya dwee on. Korowiirii dee nyiji newenyini bwa nee san belbwa. Onee che jam. Aamen.
- <sup>6</sup>N ta noe no Korowii veh o nyobaga la ta teja, ke Israel tena bwa laa Korowii le ke o nera.
- <sup>7</sup>Abraham naanar bwa ge laa Korowii bii. Korowii aa no Abraham be no, "Asek luge taa hee ba he naanar maa bage nyoa doe" la,
- <sup>8</sup>a baglo keho Abraham dwee la te bwa waa lol ba ge nera bwa aa de lole la, Korowii nera laa ban. Abraham bie la Korowii aa bagoo nyoa la, o dwee Korowii jeme keho Abraham naanaree ban,
- <sup>9</sup>dekalkeho Korowii aa bage Abraham nyoa la, waa waa bola laanee keho, "Benanyoa san no mee beroo ba. N ne bala de Saara lole bibaa."
- <sup>10</sup>Ano gbo laa. Rebeeka aa kpohe o kpara la tea la, ba bwa mee e benkpon. Ya naba Aesekee ba mee.
- <sup>11</sup>Baa wola ban lole moo, a e keho ba e wechoga kee wedeega la, de Korowii doo no ba nya be no, "Bii no, bechala la ee le nomonome o doo bee ase o doo la bere dee tomoo." A ge waa no baglo keho lee Korowii aa le Jekob la, o tetoora o leo. Jekob we-ela laa o nyiji de leo.
- <sup>13</sup>Anee Korowii Ton la bagle no, "N nyin Jekob de hah Eso" la.
- <sup>14</sup>Amo yaa wonoo no Korowii waa ta togre kee? O waa togro.
- <sup>15</sup>O no Mosis be no, "Naate n tea aa toora keho ni sune o nee la, mee sune o nee. Naate n tea aa toora keho ni tea dome o nee la, n tea ee dome o nee."
- <sup>16</sup>Waa newenyini aa de nyin ne ano la yaa de e la, Korowii te aa an nyiji. O te suna waa sune newenyini nee la, anee wee nyiji.
- <sup>17</sup>Ba chwere Korowii Ton bini ge Korowii faa no Ijpt koro be la. Anee keho, "N gelo he e koro ase newenyini bwa che he nee de na ge maa do kpegri, ase de yere n son hare ta bobelbwa."
- <sup>18</sup>Naate Korowii tea aa toora keho o sune o nee la, o nee wee sune. Naate ge o tea aa toora keho o gel o denne do kpegri la, onee o gel o denne ee do kpegri.
- <sup>19</sup>Nomel ee noo, "De kenii a do aa, Korowii ee wonoo no nomel denne kpegri nomanta o e wechoga aa? Dekalkeho Korowii dawe waa no a e ge naa, a che ke a e ge."
- <sup>20</sup>De henee ume keho Korowii bol waa he chaje bel oo? Vii gee wonoo boo mamaa wee la aa bala o mao ge waa mao waa?

<sup>21</sup>Naate waa de ma la, o ta n̄wene d̄oe ke o kp̄o choh waa de ma a ne la ma kwaa aa too o tea aa? A too o tea aa, w̄ee kp̄o a ge choh laanee ma viine an̄e, de kp̄o bel d̄ee e kwaa t̄opejena gbo, de kp̄o bel ge d̄ee e kwaa t̄opere belbwa.

<sup>22</sup>Ḡee a do Korowii be. N̄ewenyini e o viine waa maa. Bane che ch̄oga. O ma bane ge áse ba ba na som o be. De o fe de nyin o bagle o bandia nera baa che ch̄oga la n̄ee d̄e gel nera na o kpegri, ke o lawe bambile,

<sup>23</sup>áse nera waa sune ba n̄ee de cheg ba keṅṅo bá ba na som la won jeme ge o som la aa doa de d̄o jirima kohona.

<sup>24</sup>Yanee o sune ya n̄ee la. Yanee o le ṅṅo ya e o nera la. Israel tena gbo bini laa o le nera ṅṅo ba e o nera n̄o. O le bane nera baa wola Israel tena ee ge bini.

<sup>25</sup>Kenii o ṅṅo o keame Hosia t̄on bini: "Nera ba faa wola n nera ee n faa wola ban nyin la, mee yer baa n nera ne n nennyina."

<sup>26</sup>Ba chwere t̄on la bobel ge ṅṅo, "Nera Korowii faa ṅṅo ba be ṅṅo, 'N nera laa heyaa' la, bane ba bere d̄ee ba Korowijen bii yera."

<sup>27</sup>Aesaya bol Israel tena waa ṅṅo: "De Israel tena waro keṅṅo mpo nyoa henle kwaraa naa, ba bini tamaa kenii Korowii ee ba lee.

<sup>28</sup>W̄ee bol n̄ewenyini bwa waa w̄orobe n̄ee de pa bole."

<sup>29</sup>Anee Aesaya fa bol la, "De Nemene Korowii fe ta o nera dwee tama bane gelaa, ya fe ee tonoo kwaraa keṅṅo Sodom ne Gomoora tena."

<sup>30</sup>Ere ee yaa ba ṅṅe yo? Nera baa wola Israel tena ee la, ba siwi aa wola sw̄ere keṅṅo Korowii lee ba ke nend̄ega ba waa su o siwi la, ba yarada nomanta, Korowii siwi su ba.

<sup>31</sup>Ke Israel tena te aa sw̄ee siwi de kp̄o ba sie do Mmara ta teṅa ta, de ṅṅo an de gel Korowii lee ba ke nend̄ega ba waa su o siwi la, o siwi ta ba te kwaraa sui.

<sup>32</sup>Aah de bokwaa gela a ba ge n̄o? Baa wola sie kp̄oe daw̄e Korowii yaradae ta, de kp̄o sie daw̄e ba we-eela ta keṅṅo an de gel Korowii siwi su ba la, a waa. Anomanta ba lo naa Bwe nera aa lo naa o ta d̄ee chole la ta.

<sup>33</sup>O waa ba chwere Korowii T̄on bini la. Ba chwere ṅṅo, "Mee kp̄o Bwee cheg Saayon, ase nera ee lo naa o ta d̄ee chogli. Ke nomelbwa waa yaradao la, sihih aa o kp̄oe ba."

## Room 10

<sup>1</sup>Yabala, Korowii fe le Israel tena aa, a fe som n be noo! N soṅe Korowii d̄ee t̄ee ba ga.

<sup>2</sup>Kasinten̄, n wono bol ba waa keṅṅo ba Korowii toma sw̄ee ba siwi te, ke baa on tome a ṅwene ta.



<sup>3</sup>Baa ge Korowii aa ɛa dɛɛ lɛ nɛra kɛ nɛndɛɛga ba wa ɛɛ su o siwi jɛmɛ, anomanta ba gbagba ɲwɛnɛɛ baa kpɔ, dɛ vɛh Korowii ɲwɛnɛ waa chege o ta dɛ gel nɛra wa ɛɛ su o siwi la ta tɛɲa.

<sup>4</sup>Yeesu Kristo bala la tɛɲɛ Mosis Mmara ta tɛɲa ta kɛɲɔ a taa nɛn che Korowii lɛo kɛ nɛndɛɛge o waa su o siwi la. Taraken nomɛlbwa waa yarada Yeesu Kristo waa la, Korowii ɛɛ lɛo kɛ nɛndɛɛgeɛ aɛɛ o waa su o siwi.

<sup>5</sup>Kenii Mosis bol nɛra baa dɛ nyin ba che Mmara ta tɛɲa ta ʼsɛ ba waa su Korowii siwi la wa. O ɲɔ, "Nomɛlbwa waa dɛ tɛɲɛ waa aa lɔ Mmara la bwa ta la, wɛɛ dɔ mkpaa lɛ Mmara la ta tɛɲa ta."

<sup>6</sup>Kenii Korowii Tɔn baglɛ nɛra baa che yarada ta aɛɛ ba waa su o siwi ge wa: "Bɛ he nyu bini lii ɲɔ, 'Umɛɛ dɛ la nyundua, kɛɛ dɛ tu bɔluɲ bini dɛ ka nyinu ba nɔ?' " Yeesu Kristo ta do kɛ hɛ kpɔ tu hare, kɛɛ hɛ nyinu lala bini ba.

<sup>8</sup>Waa Korowii Tɔn aa dɛ bol laanee kɛɲɔ, "Korowii waa la pu heyaa tonɛ. A lɔ he nyoo nɛ he bambili ta kwara." Yeesu Kristo yaradaɛ waa yaa dɛ bol he be laanee Korowii waa nɔ.

<sup>9</sup>Dɛ he nɛn kpɔ nyoa ɲɔ komɛlbwa Dɔɔrɛɛ Yeesu, dɛ yarada he bambile bini kɛɲɔ Korowii iru seo ta naa, Korowii ɛɛ lɛɛ,

<sup>10</sup>dɛkalkɛɲɔ Yeesu Kristo waa la yaradaɛ bambile bwa nɛ taa a che Korowii ɛɛ lɛ nɛwɛnyini kɛ nɛndɛɛga ba wa ɛɛ su o siwi, aɛɛ a bola nyoa nɛ dɔɲa be taa a che Korowii lɛ yaa.

<sup>11</sup>Korowii Tɔn baglɔ ɲɔ, "Nomɛlbwa waa yaradao la, sihih aa o kpɔɛ ba."

<sup>12</sup>Israel tena nɛ nɛra baa wola Israel tena ɛɛ la, ba bwa kɛrɛdɛ Korowii be. Komɛlbwa Dɔɔrɛɛ Korowii. Nomɛlbwa waa wia dɛɛ yɛrɔ la, o dɛ chao kohona.

<sup>13</sup>Anee Korowii Tɔn bol la, "Nomɛlbwa waa wi yɛrɛ ya Dɔɔ la, wɛɛ lɛo."

<sup>14</sup>Aah dɛ nɛn ta on yaradaɛ dɛ kpɔ o tɛ tɛo waa, ɛrɛɛ wɛɛ ba ɛɛ dɛ won yɛrɛ o sɔn ɔ lɛo wɔ? Dɛ nɛn ta o waa noɛ yaa, ɛrɛɛ wɛɛ ba ɛɛ dɛ won yaradao dɛ kpɔ o tɛ tɛo wɔ? Dɛ nɛn ta o waa la bolɛ nɛn be naa, ɛrɛɛ wɛɛ ba ɛɛ dɛ noɔ?

<sup>15</sup>Dɛ Korowii ta nɛn tomaa, ɛrɛɛ wɛɛ ba ɛɛ dɛ bol o waa laɔ? Anee kɛɲɔ Korowii Tɔn aa ɲɔa la. O bolɔ ɲɔ, "Nɛra baa kpɔɲɛ amanesoma dɛɛ valɛ la, he no ba bala waa aa, he bambile dɛ sɔɔhne taɛh!"

<sup>16</sup>Amanesoma la balɔ, kɛ Israel tena bwa laa seh a ta tɛɲa. Korowii keame Aesaya gbagba fa bolɔ ɲɔ, "N Naa Korowii, umɛɛ yarada waa yaa bol ba be laɔ?"

<sup>17</sup>He nyiɲo na naa, Yeesu Kristo waa la noɛ taa a che nɛra ɛɛ yaradaa, aɛɛ a bola ge taa a che nɛra ɛɛ noa.

<sup>18</sup>Mɛɛ bɔɔ heyaa wɛbɛɲkpɔɲii: Kpɛlaa kɛɲɔ ba ta noɛ yaa? Ba noɔ, dɛkalkɛɲɔ Korowii Tɔn bolɔ ɲɔ, "Ba waa baa dɛ bol la la hare ta bobɛlbwa nɛra aa lɛlɛ, a tel hare jaga bwa."



<sup>19</sup>N bero dɛɛ bɔɔ ja: Israel tena fa ta noɛ yaa? Mosis tɔ sie chwɛrɛ waa Korowii aa bola, dɛ ŋɔ, "Mɛɛ geloo he dɔ bɔwɛɛla nɛra baa wola ban kure dɛɛ ja n nɛra nɛɛ la nɛ, dɛ gel hare o nɛra aa gena ɛ heyaa he bwaawee ir."

<sup>20</sup>Korowii keame Aesaya te kwaraa chwɛrɛ Korowii wobol ane a gwaa gɛ. O chwɛrɔ ŋɔ, "Nɛra ba faa wola n bɔr gaage la, ban na mɛ. Nɛra ba faa wola n waa bɔɔ la, banee n kpɔ n te chagle."

<sup>21</sup>Kenii o bagle gɛ Korowii aa bol Israel tena ge wa: "Sanj bɛlbwaa n pagri n nɔɔra kɛŋɔ n le n nɛra. Kɛ baa men yarada. Ba deŋne kpegri, baa waa ge no."

## Room 11

<sup>1</sup>N dɛ bɔɔ heyaa ŋɔ: Korowii vɛh o nɛra Israel tena kɛɛ? Akai! N gbabir nɔ, Israel tee men. N ɛ Abraham naa dɛ le Benjamin dea.

<sup>2</sup>Korowii ta nɛra o faa lee ba cheg wubwa ba ɛ o nɛra la vɛɛh. Kɛ he jemɛ gɛ Korowii Tɔn aa bol Korowii keame Elaeja waa ŋɔ o chɔg Israel tena tɛ Korowii laɔ?

<sup>3</sup>O bolɔ ŋɔ, "N Naa Korowii, ba kpoo he keamere dɛ hugri bela baa kpoo kwaa dɛɛ tɛɛ bwa. N gboo kaa, dɛ ba dɛ nyin n gba kpoe."

<sup>4</sup>Ɛrɛɛ Korowii chɛŋɛ Elaeja ɔ? O chɛŋɔ ŋɔ, "N ta dɔ nɛra kagboŋa banuanɛ bane ba do le dɛ ɛ n nɛra baa wola vog Baal guŋɛ bwa."

<sup>5</sup>Gɛɛ a do taraken. Nɛra tama bane ta lole Korowii aa na ba sum dɛ lee ba ba ɛ o nɛra.

<sup>6</sup>Ba we-ɛɛla ta laa a che o lee ba. Ba sumii o na dɛ lee ba ba ɛ o nɛra. Dɛ ba we-ɛɛla taa a fe che o lee ba ba ɛ o nɛra aa, dɛ suna baa ŋɔa Korowii dɛ sune nɛwenyini nɛɛ dɛɛ cha ba la ta mun dɔɛ.

<sup>7</sup>Ɛrɛɛ yaa ba ŋɔɛ yɔ? Gɛ Israel tena aa dɛ nyin kɛ ba waa su Korowii siwi la, ba ta gɛ dɔɛ. Nɛra tama Korowii aa lee ba ba ɛ o nɛra la, ba waa su o siwi. Ba kar tanj deŋne Korowii be.

<sup>8</sup>Anee ba chwɛrɛ Korowii Tɔn bini ŋɔ, "Korowii saa ba liire, dɛ tɛɛ ba sie aa wola kasintɛŋ laanee na, ne deŋna aa wola kasintɛŋ laanee no, dɛ kpoŋɛ ba le fini tɔpɛrɛ nɔ" la.

<sup>9</sup>Ya nabaa Devid bolɔ ŋɔ, "Korowii, gɛ sanj baa dɛɛ di kwaa dɛɛ lɛ ba sie la, gel siswɛm pig ba. Gel waa ba sie aa dɛ lɛ a ta la ɛ kon baa lɔ naa o ta dɛɛ chogli, dɛ ɛ bel dɛɛ lag ba, ase ba wa ɛɛ gure ba nɛ.

<sup>10</sup>Gel ba sie tɔɔge ba bɛ kasintɛŋ la dɛɛ na, ase dɛɛ na wahala sanj bɛlbwa."

<sup>11</sup>Mɛɛ bɔɔ webenkponjii ja: Israel tena aa lɔ naa dɛ chole la, ba denɔ chole baa wola won ir kpa aa? Akai! Baa iruu, kɛ ba wechɔga la taa a che Korowii lee waa le nɛwenyini la maa nɛra baa wola Israel tena ɛɛ ɛsɛ Israel tena na ba bwara wee ba.

<sup>12</sup>Israel tena wechɔga baa ɛa la ba wedɛɛga ne ba tɛ nɛwenyini, ase ba chola baa chola dɛ paŋɛ kwaa Korowii be la ge ba wedɛɛga tenten ne dɛ ba tɛ nɛra baa wola Israel tena

εε. Israel tena chola la kwaraa aa ba wedεεga ne ba tε newenyini nɔ, dε ba bwa le Korowii wa aa, ερεε aa ba doe yɔ?

**13**He nera haa wola Israel tena εε la, he bee mεε bol waa nɔ: Korowii aa lee mε ηɔ n̄ ε Yeesu torome he be nɔ, mεε maŋkura n toma nɔɔ.

**14**Bel lole n bwεε tena na gε naa, aa we ba nεε, ase a che a ta ba bane le Yeesu waa nɔ.

**15**Aa chegε Israel tena ne Korowii baah chɔga ta ase newenyini kabora ne Korowii baah kwaa nɔ, dε Korowii berɔ le Israel tena dε kpɔ ba ε o bii aa, bɔkwa nee aa ba balaa? Aa ba silεε nee kohona, keηɔ lala bwa aa ir seo ta.

**16**Dε kon pera wer dε che Korowii aa, dε o kar la bwa ge wer. Dε daa lune wer dε che Korowii aa, dε o ne o kpala bwaa.

**17**Moo laa pala dεε kaa nyundua la aa? Israel tena do ke kobaah ɔleve da. Ba teηe o kpala ane ta, dε kpɔ hen haa wola Israel te εε dε do ke kpɔg baah ɔleve daa kpale, dε ba vɔrɔwe mare kobaah kon la bel bug ta, ase hεε nyɔ o nedεεga dε di, dε dεg.

**18**Anomanta bε kena dεε kpagri daa kpala la baa kea ta la nε. He mbarafo mun ɔ? Daa kpale laa hen kεε? Hen gela daa la lune do le kεε an gela he do le nɔ?

**19**He te εε ηɔɔ he waa ba ke daa la kpala la ta ase dε vɔrɔwe mare.

**20**He ηɔ gε naa, kpelaa he ηɔ. Baa wola Yeesu waa la yaradae waa ba teη ba ta. He ge aa yarada Yeesu waa la, a waa he ta che la. Anomanta bε mbarafo dεε ε. Pwer he te dεε nyiηi kerεdε.

**21**Israel tena kwaraa baa ε daa la tenten pera la, Korowii ke ba ta. He tenee dε ε deηnekpeg, waa wola heyaa ke ta aa?

**22**He nyiηo na naa, dε he jεmɔ keηɔ Korowii tea som, ke o waa ge kpegri taeh. Nera ba deηne aa kpega baa wola o ηwene ta teηe la, o dε nyiη ba sinyega ne. Ke dε hεε dεε teηe o ηwene taa te naa, wεε ta tea tε he te. Ke dε he ta o ηwene ta teηaa, wεε ke he gee ta.

**23**Dε Israel tena berɔ yarada Yeesu waa la te naa, Korowii εε berɔ lεε ba do ba bug ta, dekalkεηɔ aa kpege o be.

**24**Korowii laa gela ba teηe he nera haa do ke kpɔg baah ɔleve daa kpala dε ba vɔrɔwe mare kobaah ɔleve daa kpul ta nɔ naa, ba fe aa an gε ε wubwa. Aah dε Korowii won he nera haa do ke kpɔg baah ɔleve daa kpala kwara kεε dε vɔrɔwe mare kobaah kwaa kwaraa ta a magre aa, Israel tena baa do ke kobaah ɔleve daa kpala waa kea ta la, ερεε waa o berɔ kpɔ ba vɔrɔwe mare ba bug ta aa wola magre ɔ?

**25**Yabalawa, wesɔhla anee mεε nyin ke he jεmε, áse dε jεmε keηɔ wobεlbwa laa he den jεmε. Anee keηɔ Israel tena nɔ bane deηnekpeg baa dε ε nɔ, ken laa aa ba kae. Nera baa wola Israel tena εε Korowii εε nyin ke o lεε ba la, ba tel gε del waa dε nyin la aa, Israel tena εε gel ba deηnekpeg nɔɔ.

<sup>26</sup>Anomanta, Korowii ɛ le Israel tena bwaa de ɛ o bii, keɲo Korowii Tɔn aa bagla la. O baglo ɲo, "Nɛwenyini Lɛɛ la ɛ le Saayɔnee ba, de ba le Israel tena waa aa gela baa wola Korowii waa ta teɲe bwa la ta.

<sup>27</sup>Fɔo n ne baa fɔwe laanee keɲo mɛɛ lee baa ba wechɔga ta."

<sup>28</sup>Israel tena aa veh Yeesu Amanesoma la nomanta, ba bere Korowii doma, ase a le wedɛɛga te heya. Ke baa ɛ nera Korowii aa chal ba la nomanta, o ta de nyin ba taeh. Nyoa waa bage ba naanar la, a waa o taa nyin ba la.

<sup>29</sup>Korowii te doo ɲo o nene nɛn, de ɲo weɛ ɛo wedɛɛgaa yaa, waa nsana le.

<sup>30</sup>Gɛ he nera haa wola Israel tena ɛ faa wola Korowii waa ta teɲe ase o koh ke Israel tena veh o waa ta teɲa ase de sune he nɛɛ la,

<sup>31</sup>ge tentenee Israel tena aa veh Korowii waa ta teɲa la, weɛ koh suna waa sune he nɛɛ la waa de sune ba ge nɛ.

<sup>32</sup>Nɛwenyini bwa taɲ deɲne Korowii be, ase o koh a waa de pa nera bwa bolchɔge. Dweɛ belbwa toole yá che o ta de le a ge bolchɔge no ta. A ɛ ge áse Korowii na ya bwa sum.

<sup>33</sup>Ei! Korowii liire ne o wejema kan te! Umeɛ de won jeme Korowii waa mun o? Umeɛ de won jeme o waa bini bwa no?

<sup>34</sup>Anee Korowii Tɔn bagle la. O bolɔ ɲo, "Umeɛ jeme Korowii nyu bini no? Umeɛ de won baglo waɔ?

<sup>35</sup>Ume komelee Korowii keme ka a ɛ keɲo Korowii di o kem de ba boɔ waɔ?"

<sup>36</sup>O ta nomelbwa kem dii, dekalkɛɲo on ta kon te belbwa. O nɛɛ komelbwa che de do le, o waa gee a do le. O che jirima saɲ belbwa wee. Aamen.

## Room 12

<sup>1</sup>Anomanta yabalawa, n de soɲe heya. Hé nyiɲi Korowii suna waa sune ya nɛɛ la de kpɔ he te teo. Gɛ baa kpɔ kondɛɛga aa che Korowii deɛ su o siwi de kpɔ de ɛ saraha teo deɛ tomɔ la, hé ge kpɔ he te keɲo ge saraha la, de laa doɲa belbwa kpɔ he nɛɛ deɛ tomɔ he bokpega ne. Gee a che ke hɛɛ tomɛ Korowii.

<sup>2</sup>He be nera baa do hare no ta liire la da kpɔ. Hé gel Korowii te heyaa liifala de bere heyaa ase he won jeme waa waa de nyin, de jeme waa aa wera o be deɛ too o tea, ne waa aa togra.

<sup>3</sup>N chege suna Korowii aa sune n nɛɛ de kpɔ o toma do n non ta no ta deɛ ja heyaa ke ge belbwa haa doa la, gel ba nae ge. Bɛlbwa pwer o te de won jeme waa Korowii aa teo yarada ɲo ó kpɔ ɛ.

<sup>4</sup>Ya bwadabii ɛ kombɛɲkpoɲ, de do nyu, ne noɔra, ne nakpale, ne amesoore bwa. A bwa ge ne a tomaree.

<sup>5</sup>Gee ya gba do. Ya waro te, ke ya ne Yeesu Kristo aa pea no, ya bwa e benkpom, ya belbwa ge lole te ya donja.

<sup>6</sup>Kpegri Korowii aa cha ya bwa ya do kokogro. A che ke ya belbwa kpo kpegri Korowii aa sune o nee de teo la e toma. De Korowii Waa bola kpegri o kpo tee naa, a che ke hee bola ge del he yarada aa doa.

<sup>7</sup>De he donja toma kpegri Korowii tee naa, a che ke hee e ge. De waa bagla kpegri gee o tee naa, a che ke hee bagle.

<sup>8</sup>De nera gbemba doe kpegri Korowii tee naa, a che ke hee e ge. De donja kwaa kee kpegri o tee naa, a che ke hee ea bambile bwa ne. De waa sie toe kpegri o tee naa, a che ke hee ea tea bwa ne. De wedeega ee kpegri o tee naa, a che ke hee ea tepom ne.

<sup>9</sup>Hee nyin donja bambile bwa ne. He hah wechoga te belbwa, de lawe wedeega te belbwa bini kponje kinjin.

<sup>10</sup>He lawe donja ke nyabii, dee te donja duure gwaa ge haa de lii he te gbagba.

<sup>11</sup>He laa bohwaah kpo he waa bini, de do gbemba dee tome ya Doo Yeesu Kristo.

<sup>12</sup>Haa do hwega nomanta, he gel he sie le. Wobelbwa pu heya aa, he lawe bambile. He swee siwi dee soje Korowii san belbwa.

<sup>13</sup>Hee te he donja asore tena ba soga bini aa kpega tee ba he kwaa haa doa la ane. He be hohra dee donji he deremi.

<sup>14</sup>He soje wedeega Korowii be dee te nera baa chege he ne. He soje andeega dee tee ba, he be wechoga soje dee tee ba.

<sup>15</sup>Nera lo silee bini naa, he puu ba he ne ba le sie. Ba de wi ge aa, he ne baa wi.

<sup>16</sup>He ne he donja so sodeega. He be jenu dee e, he be he te pere dee le nyaara ne nenngwega bini. He be he te wejerema kohona dee lii.

<sup>17</sup>He be wechoga kpo dee bo wechoga kem. Hee e waa aa wera nomelbwa be.

<sup>18</sup>De aa magroo waa, hee wonoo waa, he takapo ase wechoga belbwa be he ne nomelbwa baah do.

<sup>19</sup>Yabala, nera e heyaa wechoga aa, he be ane e dee bo kem. He kpo te Korowii. O baah de di ba nee taeh. On de bo ba kem, dekalkejo ba chwere Korowii Ton bini jo, "Korowii bol jo, 'Mee to a pegee, mee bo ba a keme.'" "

<sup>20</sup>He be waa kem dee bo. Hee e ge Korowii Ton aa joa hee e la. "He dom cho lor aa, teo kondikwaa o di. O ta nee doe de nyo aa, teo ane. He e ken aa, sihih de ba o kpoe o bano gole."

<sup>21</sup>He be gel liichoga le he lem. He kpo wedeega dee to wechoga njwene.

## Room 13

- <sup>1</sup>A che ke nomelbwa siwi su o hare nomonome dee teje ba mmara ge ta, dekalkenjo Korowii ta njwene tee yaa, nomonome aa lee do. Korowiirii cheg ba.
- <sup>2</sup>Nomelbwa waa veh o hare nomonome mmara ta teja la, de waa Korowii aa chegaa o veh. Wee di bolchogee.
- <sup>3</sup>Nera baa de e wedeega la, baa nomonome om̄e. Wechog-eeraa dee om ba. Haa nyin ke hee om̄e nomonome sie chega aa, am̄o dee e wedeega. He de e wedeega aa, baa kpeeree,
- <sup>4</sup>dekalkenjo Korowii bononaa ban. He kerede waa baa e ba toma la. De he de e wechoga te naa, dee om̄e nomonome, dekalkenjo p̄ep̄ee laa ba do kpegri baa kpona la. Korowiirii tee ba kpegri ase ba ter wechog-eera dejne dee teo.
- <sup>5</sup>Anomanta he gel he siwi ee su he nomonome. Korowii bala waa de ba bala de ba ter he dejne la gbo waa laa a che ke he siwi ee su ba. De he siwi aa ban su aa, de he gbabir liire aa gel he bambile soohne.
- <sup>6</sup>A waa a do wer kenjo hee bo lampoo ge la, dekalkenjo nomonome baa do lampoo lee mmara no la, Korowii tomaa baa e ge la.
- <sup>7</sup>Anomanta komelbwa aa che ke he te nen la, teo. De he nyu lampoo yaa, bo. De he kondoo belbwa ge lampoo yaa, bo. De duuree a che ke he te nen aa, teo, de jirimaa a che ke he te nen aa, teo.
- <sup>8</sup>He be kem di wobelbwa ta a cho le kpa heyaa ka ja donja nyina ta. A gboo e kem aa che ke he di. Nomelbwa waa wona dee nyin o donj la, o tone Korowii mmara la bwa.
- <sup>9</sup>Korowii mmara aa chagla kenjo, "Be jwamane bo, be nen kpo, be njwe, be gel he sie begre he donj kon la," a ne ano la aa kaa la bwa lo a ge mmara benkponj no waa de bagle ke, "Nyin he donj ke he gbagba" no ta.
- <sup>10</sup>Nen haa de nyinu la, haa on wechogaa e bwa. Naate waa de nyin o donj la, de o de teje Korowii mmara la bwa ta.
- <sup>11</sup>Hee nyin donja, dekalkenjo he jem̄o kenjo topere la telo. He jem̄o kenjo a telo kenjo de choe he cho a, he ir! Ya lee topere la joo tone taraken de gwaa ge sanj yaa kpo ya te te Yeesu de pa mun dee teje o nee la.
- <sup>12</sup>Topere waa kaa bor chaah la aa kane kpa. Too pero tone. He gel ya gel waa aa e biro bini waa ee, de kpo bochaah laala do de won yo biro bini wa.
- <sup>13</sup>He gel ya lawe ya te kerede, de do ke nera bor aa chaah ba ne, de ware de vale dee do gboga ne sennyodee waa toole kpa, hahnyin ne banyin ne wedonja toole kpa, nagrenyin ne boweela toole kpa.
- <sup>14</sup>He kpo ya Doo Yeesu Kristo waa e domkwa de laa sie kpo he newenyini mar wechoga aa suu no tetoowaa ta.

## Room 14

- <sup>1</sup>De Kristo te bel lole, o yarada aa wola kanε wεε nyin o jo he bini naa, hε leo do he bini. He bε o we-εela aa kore he kwaa ta la dεε tɔŋle.
- <sup>2</sup>Bel yarada gelɔ o won komelbwa dii, ase naate o yarada aa wola kanε la, o gee di papooni ne taŋna gbo, waa ol di.
- <sup>3</sup>Naate waa dε di komelbwa la, a ta cheε keŋɔ wεε lii naate waa wola ol di la nendoŋ. Naate waa wola ol di la, o bε naate waa dε di komelbwa wechɔg-εε dεε lii, dekalkεŋɔ Korowii leo dε εo o bie.
- <sup>4</sup>Henee umeo he won pwah nomel bonɔɔ nɔ? O dɔɔ gbagbaa dɔ ŋwene keŋɔ o won bagle kε o bonɔɔ dε ε waa kεε waa waa ε. Waa ε ya Dɔɔ Yeesu Kristo bonɔɔ la nomanta, wεε ε waa, dekalkεŋɔ wεε wonoo chao o ε wa.
- <sup>5</sup>Nomel εε dεε liiruu keŋɔ tɔpere bel ε onjen gwaa bel, ase bel gee lii keŋɔ tɔpere bwa kerεdε. A che kε belbwa jeme anɔ la aa wera keŋɔ o ε ne anɔ la aa wola were o nyu bini.
- <sup>6</sup>Nomelbwa waa dε lii keŋɔ tɔpere bel ε onjen dε gwaa bel la, o dε tε Korowii duure, a waa wεε ε ge. Nomelbwa waa dε di komelbwa la, o dε tε Korowii duure, a waa wεε ε ge, dekalkεŋɔ o dε jam Korowii kondikwaa la wa. Nomelbwa waa dε ki kondikwaa ane soo dii la, o ge dε tε Korowii duure, a waa wεε ε ge. O gba dε jam Korowii.
- <sup>7</sup>Ya bini belbwa toole dε so le dε tε o gbo, belbwa ge toole o seo ε o gbo wa.
- <sup>8</sup>Yaa lɔ mkpa ta nɔ, dε ya Dɔɔ Yeesu waa ya do le. Dε ya baa sewε ge aa, dε onee ya sewε tε. Anomanta, ya lɔ mkpa ta noo, sewaa ya sewoo, ya Dɔɔ Yeesuu dɔ yaa.
- <sup>9</sup>Yeesu Kristo seo waa sewa dε ir la, o ε ge dε ε weera ne lala bwa dɔɔ.
- <sup>10</sup>Aah dε bɔkwaa gela he nera haa wola ol di εε pwah he bala baa dε di komelbwa nɔɔ? He banɔ la haa dε di komelbwa ge la, bɔkwaa gela hεε lii he bala baa wola ol di nendoŋa nɔɔ? Ya bwa εε che Korowii siee, ase o bol ya waa dε pa bole.
- <sup>11</sup>Korowii Tɔn baglɔ keŋɔ, "N Naa Korowii bolɔ ŋɔ, 'N ŋwεero keŋɔ nera bwa εε guŋ mε hareε, ase nomelbwa di kasinteŋ keŋɔ Korowiirii men.' "
- <sup>12</sup>Anomanta la nɔ, ya belbwa εε bagle o toma waa εa Korowii siee.
- <sup>13</sup>Aa do ge nɔ, yá gel dɔŋa pwaeh la. Waa aa che kε yaa ε laanee keŋɔ ya ε ya liire keŋɔ waa aa gel ya dɔŋa lɔ naa dε chole kεε ba ε wechɔga la, yaa gel a εε.
- <sup>14</sup>Pεε n ne n Dɔɔ Yeesu aa pεa nɔ gelɔ n jeme kaih keŋɔ kondikwaa belbwa toole dε ε kondikondoŋa. Kε dε nomel lii o nyu bini keŋɔ kondikwaa ane ε kondikondoŋa aa, dε a ε dɔŋa dε teo.
- <sup>15</sup>Dε he koh he kondikwaa waa dε gel he dɔŋ ε wechɔga o tea bini chɔg aa, dε he dε nyinu waa? O waa Yeesu Kristo koh dε sewε, anomanta bε gel he kondikwaa haa dε di la chɔgo.
- <sup>16</sup>Be gel nera dɔ ŋwene dε yere waa haa dε liira wedεega la wedoŋa.



<sup>17</sup>Kondikwaa yaa de di ne ano la yaa de ki la ta wejena belbwa ee Korowii Kora waa bini. Waa aa e wehiah laanee kenjo ge yaa e ya waa su Korowii siwi, ne waa aa de ba dennesoohna ne ya ne ya dɔŋa baah ta, ne silee aa le Korowii Domadeege be.

<sup>18</sup>Nen a ge waa no aa hiaoh Yeesu Kristo toma bini la, Korowii sie de le o ne, ase o wa ee su newenyini ge siwi.

<sup>19</sup>Anomanta la, a che ke ya gel ya siwi swee waa aa de ba dennesoohna ne, ne waa aa de ba gela ya dɔŋa che kinjin ta.

<sup>20</sup>Be kondikwaa waa koh de chog waa Korowii aa ea. Ya won kondikwaa belbwa dii, ke aa were kenjo ya di kondikwaa aa de ba nen ne wechoga ta laja.

<sup>21</sup>Waa aa togra ke hee e laanee kenjo ol dii ne sen nyoe, ne wobelbwa aa de ba wona gel he dɔŋ lo naa chole la, a che ke he laa he te kpo a ta.

<sup>22</sup>Ge he liire aa de ee kondikwaa dii be pera la, kpoŋe a bini ge ase a do he ne Korowii gbo baah ta. Nomelbwa waa de e wobelbwa de jeme kenjo a nywene taa wee ea, aa wola o liire bini aahna-aahna e la, o na som!

<sup>23</sup>Ke de o de di komel dee e aahna-aahna kenjo o e kondonj kee o ta kondonj ee yaa, Korowii ee pao bolchogee kenjo waa de diu, dekalkenjo o waa waa de e la, waa an e yarada ne. Wobelbwa ge nen aa de e waa wola an e yarada ne, o liire aa wola on kerede do a ta la, a e wechoga.

## Room 15

<sup>1</sup>Ya nera ya yarada aa kana la, a che ke yaa lawe bambile banɔ la ba yarada aa wola kane la nee dee cha ba. A ta chee ke yaa e ya gbo tetoowa.

<sup>2</sup>A che ke ya belbwa ee e waa aa wera dee te ya dɔŋa ase a cha ba ase ba won che kinjin.

<sup>3</sup>Yeesu Kristo aa lo hare ta la, de o tetoowaa laa wee e. Korowii Ton bolɔ ŋɔ, "Korowii, chega baa chege la, anee ba kpo te me."

<sup>4</sup>Wobelbwa ba faa chwera la, de yanee ba chwera te kenjo ya hweli waa le a ta. A ge waa noo dee ja yaa bambile doe ta, dee do yaa gbemba, ase a che a ta ya do hwega.

<sup>5</sup>Korowii waa de te nen bambile dee do gbemba la, on de te heyaa nyopeo tenja haa de tenje Yeesu Kristo nee la ta,

<sup>6</sup>ase he pe de kpo nyopeo kpee ya Doo Yeesu Kristo Mee Korowii.

<sup>7</sup>Anomanta la no, he le nera dee ja he nee ge Yeesu Kristo aa le heyaa la, ase nera na de te Korowii jirima,

<sup>8</sup>dekalkenjo Yeesu Kristo wono e toma Israel tena bini ase de chagle ke Korowii waa do kasintenj. Anee Korowii e de chugri o nyobaga waa bage Israel tena naanar la,



<sup>9</sup>Áse a che a ta nera baa wola Israel tena ɛ la ge kpɛ Korowii keɲɔ waa de sune nera nɛɛ kohona. Ba chwere Korowii Tɔn bobel keɲɔ, "Anomanta mee yere he sɔn nera baa wola Israel tena ɛ baahnee, de go yela kpɛere."

<sup>10</sup>de bere chagle bobel ge ɲɔ, "He nera haa wola Israel tena ɛɛ, hé pu Israel tena hegre,"

<sup>11</sup>de bere chwere ɲɔ, "Nera haa wola Israel tena ɛɛ, hé bwa jam N Naa Korowii, de go yela kpɛero."

<sup>12</sup>Ase Aesaya ge bol ja, de ɲɔ, "Jese naa bel ɛ bao. On de ir de di kora nera baa wola Israel tena ɛɛ nɛ. O nɛɛ baa ba hwɛga dɔɛ."

<sup>13</sup>Korowii waa gela ya dɔ hwɛga Yeesu nɛɛ la, ó tɛ heyaa silɛɛ ne bansɔɔhna he yarada haa de yarada Korowii la ta, ase Kórowii Domadɛɛge ge cha heyaa ase he won dɛɛ hwɛge Yeesu nɛɛ kohona.

<sup>14</sup>Yabalawa, n gbabir jemɔ kerɛde keɲɔ he de ɛ wedɛɛga taeh. He jeme waa kohona, de won dɔɲa waa bagla ge.

<sup>15</sup>He nyiɲo na naa, n tɔn nɔ maa chwerɔ nɔ, n di heyaa kasintɛɲ waane ta dɛɛ lii heya. Korowii aa sune n nɛɛ de kpɔ o toma nɔ do n nɔn ta ɲɔ mɛɛ bagle nera baa wola Israel tena ɛ la, a waa n won di heyaa kasintɛɲ ge la. Maa de bol Yeesu Amanesoma la dɛɛ bagle he nera haa wola Israel tena ɛ la, n kpɔ n te ɛ keɲɔ Sɔfo waa le nera kwaa ɛ saraha dɛɛ tɛɛ ba Korowii Dea bini la. N de nyin he no a waa de yaradaa áse Korowii Domadɛɛge won laa he dɔɲa kpɔ he nɛɛ ase he ɛ Korowii nera. Belaa n won kpɔ heyaa tɛ Korowii keɲɔ baa ɛ saraha dɛɛ tɛo la, ase he waa su o siwi o le heya.

<sup>17</sup>N ne Yeesu Kristo aa pea nomanta, n won n te mankurɛ toma maa ɛa dɛɛ tɛ Korowii nɔ ta.

<sup>18</sup>Waa Yeesu Kristo aa chege n nɛɛ de ɛ he nera haa wola Israel tena ɛ bini la, maa lii keɲɔ mee won bol anfala ane ja a ta. A gbo waa n jeme. Anee keɲɔ taraken haa yarada Korowii waa nɔ. Waa Yeesu aa cha mɛ mee bol dɛɛ bagle heya, ne waa waa cha mɛ mee ɛ,

<sup>19</sup>ne wekpega ne nyokpowaa Korowii Domadɛɛge la kpegri aa gela mee ɛ la bwa gelo he yarada Korowii waa nɔ. Taraken nɔ, le Jerusalem ka le Ilirikumwa le bwa, n bol Yeesu Kristo Amanesoma nɔ bela.

<sup>20</sup>N ɛ n liire wubwa keɲɔ mee bol Yeesu Amanesoma nɔɔ. Ke harere baa bol o waa a ta la, a ta laa mee bola. A waa laa aa, de nomel toma waa pa a mun cheg la taa n kpɔ dɛɛ choɲi la.

<sup>21</sup>Ba chwere Korowii Tɔn bini ɲɔ, "Nera nomɛlbwa aa wola o waa bole ba be ka la, baa no o waa, de jemɔ."

<sup>22</sup>Anɔ waa maa wola bɔr dɔɛ de ba he be kera aɲwɛɛ bwa la.

<sup>23</sup>Ke taraken nɔ maa tone n toma bonɔ nɔ, ase n sie che chiɲ bene aɲwɛɛ nɔ bwa keɲɔ n ba na heyaa nɔ,

<sup>24</sup>n de nyin keḅo n ba de kaa Speen hare ta naa, í na heya. N jemo keḅo n baa so he be tōpera ane, de le bela de kaa Speen hare ta naa, hee cha mee.

<sup>25</sup>Taraken nō, kwaane nee mee ba í ba kaa Jerusalem de ka te Korowii nera baa lo bela la.

<sup>26</sup>Ba bala baa lo Makidonia hare ne Akaaya hare tata konkwaare ane ḅo í kpo ka te Jerusalem Korowii nera ba sogá bini aa kpega tee ba la.

<sup>27</sup>Ba sie leo keḅo baa ta kwaa la la. Kasintey, baa won jam Jerusalem Korowii nera la ka tone, dekalkeyo ge Korowii aa cha Israel tena ase nera baa wola Israel tena ee di ba tōno la, gee a che ke de nera baa wola Israel tena ee la ge do hare bono kwaa aa, Israel tena ge di ba tōno.

<sup>28</sup>De n kpo ba suuga bwa ka do ba non ta tonaa, mee ba kaa Speen hare taa. Ke mee che he bee.

<sup>29</sup>N jemo keḅo de n ba he be naa, Yeesu Kristo ee cha mee kerede ase n ge ba cha heyaa kohona.

<sup>30</sup>Yabalawa, n kpo ya Doo Yeesu Kristo ne nyina Korowii Domadeege la aa gela yaa nyin doḅa la dee soje heyaa keḅo he cha me de swee siwi soje Korowii te me.

<sup>31</sup>Hé soje Korowii te me ase o kpo non to n nee Judia hare tena baa wola Yeesu yarada la bini, ase waa maa de la ka e Jerusalem Korowii nera bini la, bá sie le a ta,

<sup>32</sup>ase de Korowii seoh waa, í ba he be silee ne, de ba one tama.

<sup>33</sup>Korowii waa de te yaa deḅnesoḅhna la, ó cha he bwa. Aamen.

## Room 16

<sup>1</sup>Yoo. Ya nimambie nō sone Fiibi. Asore tena baa lo Keḅkrea la binii o do dee e toma.

<sup>2</sup>Hé leo ja he nee ge aa che ke Korowii nera le ba doḅ la ya Doo Yeesu nomanta. Komelbwa waa dee nyin de le he be la, hé chao, dekalkeyo o gba cha Korowii nera taeh. N gbabir nō, o cha me ka.

<sup>3</sup>N de na Presela ne Akwela n ne ba bwa aa de e Yeesu Kristo toma nō la.

<sup>4</sup>Ba fa koh n waa de kpo ba nyuune chare seo. N ne asore tena baa wola Juda tena ee la bwaa dee jam ba.

<sup>5</sup>N de na asore tena baa cheme ba dem dee tomē Korowii la bwa. N de na n chamenate Epiniitus waa to sie yarada Yeesu Kristo waa nō Eesia hare ta bwa la.

<sup>6</sup>N de na Meere waa de e toma he bini ga la.

<sup>7</sup>Hé ḅo n bwee tena Andronikus ne Junias ba faa do n ne ba dea ka la be ḅo n de na ba. Ba e nera bane ba son aa lea Yeesu toroma bini. Ba to sie e asore tena n ne.

<sup>8</sup>N de na Ampelatos waa e n chamenate ya Doo Yeesu nee teḅa ta la.

- <sup>9</sup>N de na Orbanus ya ne o bwa aa de e Yeesu Kristo toma no la, ne n chamena Stakes.
- <sup>10</sup>N de na Apeles wekpega aa puu o ta che kinjin Yeesu Kristo waa no ta la. N de na Aristobulus dem tena bwa.
- <sup>11</sup>N de na n bwee te Herodion. N de na Nasesos dem tena la baa e asore tena la bwa.
- <sup>12</sup>N de na n nimambii Trefiina ne Trefosa ba bwa aa de e ya Doo Yeesu toma no la. He no n nimambie Peeses nomelbwa aa de nyin o waa la be no n de nao. O ge koh ya Doo Yeesu toma no ta ga.
- <sup>13</sup>N de na Rufus o son aa lea ya Doo Yeesu toma no ta la, ne o nya waa nyin me ke n gbagba nya la.
- <sup>14</sup>N de na Asinikritus, ne Flegon, ne Heemes ne Patroba, ne Heemas, ne yabala baa jaa la bwa.
- <sup>15</sup>N de na Faelologos, ne Julia, ne Neereos ne o nimambihaah, ne Olemphas, ne Korowii nera ba ne baa lo bela la bwa.
- <sup>16</sup>Hee lea donja kerede kenjo nyabii. Nera baa de teje Yeesu Kristo nee la bwa de na heya.
- <sup>17</sup>Yabala, n de soje heyaa kenjo hee nyinji nera baa gela he baah nee pegri dee bagle waa a ne Yeesu Kristo waa baa bagle heyaa no aa wola jo ase dee vuugi heyaa la. He jem ba dee ke he te ba ne.
- <sup>18</sup>A ge nera no, ya Doo Yeesu Kristo laa baa tome. Waa ba sie aa de le a ta la, anee baa e. Nyotor ne nyosone nee baa negre nera baa wola wobelbwa jeme la.
- <sup>19</sup>Nera bwa de bol he tena haa de teje Yeesu waa la ta waa bobelbwa, anomanta n sie le he nee kerede. Ke n de nyin kenjo he e wejerema wedeega ee bor, ase de e nera haa wola wobelbwa jeme wechoga ee be pera.
- <sup>20</sup>Korowii waa de te yaa deynesohna la aa bigri chog Bonsam ne o toma ase he tigi o ne. Ya Doo Yeesu Kristo cha heya.
- <sup>21</sup>Timoti n ne waa de e toma la de na heya. Lusias ne Jasen, ne Sosipata ba bwa aa e n bwee tena la de na heya.
- <sup>22</sup>Men Teeseos Pool aa gela n chwere ton no teo la, n ge de na heyaa ya Doo Yeesu Kristo son ta.
- <sup>23</sup>N Pool dea te Gayos de na heya. O deemii bono asore tena ee cheme. Erastos waa de cheg bwee no suuga la, o ne ya donj Kwaatos bwa de na heya.
- <sup>25</sup>He gel ya jam Korowii. Wee wonoo gel he che kinjin Yeesu Kristo Amanesoma maa de bol he be la ta. Korowii pili a ge waa no bini. Anee fa e wesohla sanj la bwa la,

<sup>26</sup>ke taraken te, o chege o keamere waa baa chwera la ta de le a bwa ne ban. Korowii waa lole san belbwa la te nwen taraken no nera bol o waa la. O e ge ase ba bola dee bagle nera bwa ase ba yaradaa de teje a ta.

<sup>27</sup>Hé gel ya che Yeesu Kristo nee de jam Korowii o gbo aa e Korowii, de gbo jeme wobebwa la. O jirima aa tone bwa! Amen.

## 1 Krent

### 1 Krent 1

- <sup>1</sup>Menee Pɔɔl aa too Korowii tea ase o lee me ŋɔ́ n̄ ba ε Yeesu torome la. N ne n dɔŋ Sɔɔstenes bwaa chwere tɔn nɔ dɛɛ tɛ he asɔre tena haa lɔ Kɔrent dɛɛ tome Korowii la.
- <sup>2</sup>Korowiirii le heya, dɛ koh pɛɛ he ne Yeesu Kristo aa pɛa la waa dɛ laa dɔŋa belbwa kpɔ he nɛɛ dɛ gel he ε o nera. Ya dɛ chwere he ne nera baa lɔ bobelbwa dɛɛ tome ya ne ba bwa Dɔɔ Yeesu Kristo la.
- <sup>3</sup>N̄ Naa Korowii ne ya Dɔɔ Yeesu Kristo cha heya, dɛ tɛ heyaa bosɔɔhna.
- <sup>4</sup>N dɛ jam Korowii tɔpere belbwa ke waa koh pɛɛ he ne Yeesu Kristo aa pɛa la waa dɛ sune he nɛɛ dɛɛ cha heyaa nɔ.
- <sup>5</sup>He ne waa pɛa la nomanta, o ja heyaa kpegri ŋwene belbwa ta. O gelo he jeme wobol, dɛ tɛ heyaa wejema, ase a bagle keŋɔ
- <sup>6</sup>Yeesu Kristo waa la ya faa bol he be la jo he bambile bini kerɛɛ.
- <sup>7</sup>Anomanta taraken haa kpɔ hwega dɛɛ kpa ya Dɔɔ Yeesu Kristo bala nɔ, wobelbwa kpegri ta heyaa nyae le Korowii be.
- <sup>8</sup>Ya Dɔɔ Yeesu Kristo nɔɔ dɛɛ ba gela he che kin̄kin̄ ka tel he serewe bena ase awola tɔpere waa ba la, wechɔga belbwa bɛ he nɛɛ do.
- <sup>9</sup>Korowii ε kasintɛŋ te. Onee le heyaa ŋɔ́ hɛ ne o Bie la do som. O Bie laanee ya Dɔɔ Yeesu Kristo la.
- <sup>10</sup>Yabala, n kpɔ ya Dɔɔ Yeesu Kristo dɛɛ soŋe heyaa ke hɛ bwa ε beŋkpon̄. He be dɔŋa baahna pegri, hɛ gel he nyoa pɛ he we-ɛɛla ne he liire ta.
- <sup>11</sup>Yabala, nera bane le Kloï dem dɛ ba ŋɔ́ n be ŋɔ́, webegra chole he bini bane baah ta, a waa n bol a gɛ waa nɔ la.
- <sup>12</sup>N nɔɔ ke bane ŋɔ́ ba teŋɛ n Pɔɔl nɛ, bane ge ŋɔ́ ba teŋɛ Apolos nɛ, ase bane ge ŋɔ́ Pita nɛɛ ba te teŋɛ, bane ge ŋɔ́ ba teŋɛ Yeesu Kristo nɛ.
- <sup>13</sup>Hɛ na! Yeesu Kristo binii he bɔne la! N Pɔɔlee ba koh he waa kpaa pɛl dagagre ta la aa? Kɛɛ n sɔn nee ba sɔ heyaa Korowii nee ŋɔ́ hɛɛ teŋɛ n nɛɛ la? Akai!
- <sup>14</sup>N dɛ jam Korowii ke ge saŋ n faa lɔ he be la, n ta nomelbwa Korowii nee sɔɛ ka ja Krispus ne Gayos nɛ.
- <sup>15</sup>Anomanta nomelbwa toole dɛ won ŋɔ́ n sɔ heyaa Korowii nee ŋɔ́ hɛɛ teŋɛ n nɛɛ.
- <sup>16</sup>Dɛ Steeven ne o dem tena ge laa n bere sɔ Korowii ne aa, maa lii keŋɔ́ n sɔ nomel nee kpa.
- <sup>17</sup>Yeesu Kristo fe ta men tome ŋɔ́ n̄ baa sɔ nera Korowii ne. O ŋɔ́ n̄ ba bol Amanesoma la nera be, ke n bɛ n gbagba wejema ne nyotor kpɔ dɛɛ bol waa la, áse Yeesu sewa waa sewɛ dagagre ta la bɛ pɛɛpɛɛ ε.

<sup>18</sup>O dagagre la ta seo la yaa de bol a waa la e wesale te nera baa de nyogre. Ke ya bano la Korowii aa de le yaa la te, ya jemo kejo Korowii kpegri lo a ta.

<sup>19</sup>Ba chwere Korowii Ton bini no Korowii no, "Me geloo nera wejema ne ton jema e pɛpɛɛ."'

<sup>20</sup>A ba ge naa, de lee wejerema ne ton jerema wejema doo ja? Nera baa do wbol wejema ge, de lee ba doo? Korowii gelo newenyini wejema e pɛpɛɛ.

<sup>21</sup>Ba gbagba wejema gelo baa Korowii jeme. Korowii kpo o wejema ea ge, de no a eo silee ke wee le nera baa yarada Amanesoma yaa bola dee bagle nera ase baa liira wesale la.

<sup>22</sup>Juda tena de nyin ya e nyokpowaa bag ba, Grik tena gee nyin ke ya bag ba wejema mo ba yarada.

<sup>23</sup>Ya te, Yeesu Kristo sewa dagagre ta la waa yaa bol. A e waa Juda tena aa de lo naa a ta dee veah, ase nera baa wola Juda tena ee ge la, a e wesale ba be.

<sup>24</sup>Ke Juda tena ne Grik tena Korowii aa lee ba no ba ba e o nera la, Yeesu Kristo waa la e Korowii kpegri ne o wejema ba te be.

<sup>25</sup>Korowii wesale gwaa newenyini wejema, o gwegra ge gwaa newenyini kpegri.

<sup>26</sup>Yabala, hee lii ge haa doa ase Korowii le heyaa no hee teje o nee la. He galga ta wejerema ee nera be. He galga ge ta nenjena ee nera be. He bwa ge laa e koobii.

<sup>27</sup>Korowirii saahna le waa nera aa de liira wesale de gel sihih kpo wejerema, ase de saah le gwegra ge de gel sihih kpo kpegnera,

<sup>28</sup>de kpo waa nera siwi aa wola an su ne ano la baa de liira wepuu, ne ano la baa wola a waa jeme no a ba chog ano la nera aa de mankura la,

<sup>29</sup>ase nen be won goo o te Korowii sie.

<sup>30</sup>Korowirii gela he ne Yeesu Kristo pe, ase ya che o nee de do Korowii wejema. O nee a che Korowii na yaa ke nendega de bere kpo yaa e o kwa. Onee kpo seo de yawe yaa le ya wenaale ta.

<sup>31</sup>Anomanta ge Korowii Ton la aa no la: "Nomelbwa waa de nyin o te mankurae la, wee mankura o te waa Korowii aa ea ta."

## 1 Krent 2

<sup>1</sup>Yabala, a ge san n faa ba he be de ba di Korowii waa danse he be la, nyotor ne newenyini wejema laa n kpo bol waa bagle heyaa.

<sup>2</sup>Maa lo he be la, de maa nyin ke n kpo wejema ane ja n wbol ta, nemene Yeesu Kristo seo waa sewa dagagre la ta la wa.

<sup>3</sup>N faa lo he be la, n ta kpegri dii he ne. Omee ne bochela nee n e toma he bini.

<sup>4</sup>N webagla bini la, n ta wejema kpɔe bol waa bagle heyaa áse he sie læ. Kε Korowii Domadεεge laanee di n wobol la dansee dε gel a do kpegri.

<sup>5</sup>Anomanta nen wejema ta laa a che hεe yarada Yeesu Kristo dεe teŋe o nε. Korowii kpegri la taa a che.

<sup>6</sup>Ya dε bol wejema waa te dεe bagle nera ba sie aa chaah Korowii waa ta kerεdε. Wejema yaa dε bagle a waa nɔ ta hare nɔ ta nera ne ba nenjena wejema εε. Ba te εε ba ε pεεpεε.

<sup>7</sup>Korowii wejema waa yaa bagle. A fa sɔɔh, newenyini faa wola a waa jeme. A ε waa Korowii aa εa cheg yaa mɔɔ de ta hare nɔ, áse a ba cha yaa ya dɔ jirima.

<sup>8</sup>Hare nɔ ta nomonjena fa ta a ge wejema nɔ mun noε. Dε ba fe no a mun aa, ba fe ta gele ba kpo ya Dɔɔ la waa dɔ jirima la dagagre ta.

<sup>9</sup>A ge waa nɔ waa ba faa chwerε dε ŋɔ, "Waa nomelbwa aa wola a dɔŋa nae, nomelbwa aa wola a waa noε, nomelbwa ge aa wola an liire laanee Korowii ε cheg nera baa de nyin o wa."

<sup>10</sup>Kε Korowii chege o Domadεεge la ta dεe bagle yaa a waa áse ya won no a mun. O Domadεεge la dε na wobelbwa bini kerεdε, hale dε jeme Korowii wesɔɔhla gba.

<sup>11</sup>Nomelbwa aa o dɔŋ nyu bini jeme, nemene naate gbagba. Gεε a do newenyini aa wola waa aa lɔ Korowii be jeme. O Domadεεge gbosoroɔ jeme o nyu bini.

<sup>12</sup>Ya te, liire yaa dɔa ta hare nɔ ta liire εε. Korowiirii kpɔa te yaa. O kpɔ o Domadεεge te yaa o do ya nε. Anee gela ya jeme kwaa waa te yaa la.

<sup>13</sup>Yaa dε bol waa nɔ, yaa newenyini wejema ta chege dεe bola. Korowii Domadεεge laanee dεe bagle yaa waa yaa bol. Anɔ la waa bol la, anee ya ge kpɔ dεe bagle o wa.

<sup>14</sup>Nomelbwa Korowii Domadεεge aa wola toole o nεε la, o dε veh o Domadεεge la wa. A ε wesale te naate, waa a mun no, dekalkεŋɔ Korowii Domadεεge gboo gela nen εε no Korowii waa mun.

<sup>15</sup>Nen Korowii Domadεεge aa lɔ o nεε la jeme wobelbwa ŋwenere. Kε nen waa wola toole o nεε la aa won jeme naate waa lɔ o nεε la ŋwenere.

<sup>16</sup>Korowii Tɔn bini ba pεεrɔ ŋɔ, "Nen besoo dε won jeme Korowii liire o? Umee dε won baglo waɔ?" Kε ya te dɔ Yeesu Kristo liire.

### **1 Krent 3**

<sup>1</sup>Yabala, n fa ta wone bol waa bagle heyaa kerεdε ge maa dε bagle nera Korowii Domadεεge aa chaah ba sie la. N bola te heyaa ke nera ba taa dε teŋe ba newenyini mar waa ta, dekalkεŋɔ he do kεŋɔ bechale ken Yeesu Kristo waa la ta.

<sup>2</sup>Wobopwera nee n faa bagle heyaa waa kεŋɔ baa dε ɔr bechala waa wola tele ne kondikwaa dii la. Hale taraken kwara he ta tele mɔɔ,



<sup>3</sup>dɛkalkɛŋɔ he ta dɛ tɛŋɛ nɛwɛnyini mar ta. Boweela ne nagra aa lɔ he baah ta nɔ, nɛwɛnyini mar nɛɛ laa hɛɛ tɛŋɛ nɔ naa? Haa jɛmɛ kɛŋɔ dɛ he dɔ gɛ da nɔ naa, he ja nɛra baa dɔ hare nɔ ta liire nɛɛ kɛɛ?

<sup>4</sup>Dɛ he bane ŋɔ he dɛ tɛŋɛ n Pɔɔl nɛ, asɛ he bane gɛ ŋɔ ba dɛ tɛŋɛ Apolos nɛ aa, amɔ dɛ he ne nɛra baa dɛ tɛŋɛ ba nɛwɛnyini mar ta la da bɛŋkɔŋ.

<sup>5</sup>Bamewaa Apolos ne Pɔɔl hɛɛ maŋkura ba gɛ nɔɔ? Tom-ɛɛra gboo yaa. Korowii tome yaa he be, asɛ he no Yeesu waa dɛ yaradaa dɛ kpɔ he te tɛo. Toma Korowii aa kpɔa te ya bini belbwa laanee yaa ɛ.

<sup>6</sup>Ya fa do kɛŋɔ nɛra baa dɛ du kwaa dɛ do he bini. Meneɛ dua, asɛ Apolos gɛ ka ba dɛ ba do nee a ta. Korowiirii gela kwaa la le dɛ kpeg.

<sup>7</sup>Anomanta nen waa dɛ du kwaa ne onɔ la waa dɛ do nee a ta la te belbwa aa won waane ɛ. Korowii gbosoroɔ won waa ɛɛ, dɛkalkɛŋɔ onɛɛ gela kwaa won lee, dɛɛ kpeg.

<sup>8</sup>Nen waa dɛ du kwaa ne onɔ la waa dɛ do nee a ta la te belbwa ta korɛ. Korowii dɛ bɔ belbwa kem gɛ aa chɛa.

<sup>9</sup>Korowiirii dɔ yaa, ya ne o pɛ dɛɛ ɛ toma. Asɛ he gɛ do kɛŋɔ o koo waa dɛ paɛ ne o dea waa dɛ do.

<sup>10</sup>Korowiirii cha mɛ n won ɛ toma kɛŋɔ nen waa jɛmɛ dea mae kɛɛdɛ la, dɛ pa dea la mun, asɛ nomɛl gɛ ba ma dɛɛ chɔŋɛ. Kɛ bɛlbwa nyiŋi kɛɛdɛ gɛ waa maa dɛɛ chɔŋɛ.

<sup>11</sup>Yeesu Kristo gboo Korowii den kpɔ chɛg kɛ dea mumpar. Dɛ Yeesu laa aa, nomɛlbwa toole yá chɛ o nɛɛ o le yaa.

<sup>12</sup>A do kɛŋɔ bane aa kpɔ suugaswɛm, bane kpɔ suugapɔŋ, bane kpɔ bwɛdɛɛga dɛ ma chɔŋɛ dea la mumpar la ta, asɛ bane gɛ kpɔ daa ne kpɔga ne jaage sɛɛh dɛ ma chɔŋɛ.

<sup>13</sup>Dɛ Korowii tɔpɛre waa dɛ ba nɛra bwa waa bola dɛ pa bole la telaa, belaa baa ba nae gɛ belbwa toma aa doa. Awola tɔpɛre la, niinii dɛɛ ba toma nomɛlbwa aa ɛa la wer bini bagla.

<sup>14</sup>Dɛ nii la jo toma haa ɛa chɔŋɛ dea la mumpar la ta dɛ a ta fueh yaa, Korowii ɛɛ bɔɛ a kemee.

<sup>15</sup>Kɛ dɛ nomɛl toma fuoh waa, Korowii ɛɛ le naatee, kɛ wɛɛ paŋɛ komɛlbwaa. Wɛɛ ɛo kɛŋɔ kon baa keeru le nii ta ken.

<sup>16</sup>Haa jɛmɛ kɛŋɔ he chɛgɔ tɛ Korowii Dea asɛ o Domadɛɛge la so he bini kɛɛ?

<sup>17</sup>Anomanta nomɛlbwa waa chɔg Korowii Dea la, Korowii ɛɛ chɔg naatee, dɛkalkɛŋɔ o Dea la waa doa la ɛ dea doŋa belbwa aa wola toole o ta. Heyaa o Dea la.

<sup>18</sup>He bɛ he te dɛɛ negre. Dɛ he bini bel lɔle dɛɛ lii kɛŋɔ o dɔ hare nɔ ta wejema aa, ó ɛ o te gene áɛɛ dɛ dɔ Korowii wejema tenten.

<sup>19</sup>Hare nɔ ta wejema ɛ wesale Korowii be. Ba chwɛɛ Korowii Tɔn bini dɛ ŋɔ, "Nɛra kpɔ wejema ŋwɛnɛ ta dɛɛ ɛ wechɔga, kɛ Korowii dɛ lag ba."

- <sup>20</sup>Ba chwere o bobel ge ɲɔ, "Korowii jeme hare nɔ ta wejerema liire keɲɔ a ε wepuu."
- <sup>21</sup>Anomanta he be bane kpɔ dɛɛ ta nyoa. Komelbwa chɔ le dɛ tɛ heya.
- <sup>22</sup>Pɔɔl ne Apolos ne Pita, nyundua ne hare, mkpa ne seo, kwaa aa lole fini ne kerekere oo, heyaa dɔ a bwa.
- <sup>23</sup>Yeesu Kristo gee dɔ heya, ase Korowii ge dɔ Yeesu Kristo.

## 1 Krent 4

- <sup>1</sup>A wer ke hɛɛ yere yaa Yeesu Kristo bonɔɔna. Korowii bagle yaa o wesɔɔhla dɛ kpɔ do ya nɔn ta ɲɔ yaa bagle nera.
- <sup>2</sup>Waa aa che nen baa kpɔ waa do o nɔn ta laanee keɲɔ o gel o waa dɔ kasintɛɲ.
- <sup>3</sup>Dɛ he dɛ kpɛɛ mɛ keɛ he dɛ chɔg mɛ noo, n waane laa. Newenyini laa dɛ won bol n waa dɛ pa mɛ bole. N gbabir aa won kpɛɛ n te dɛ chɔg n te.
- <sup>4</sup>N ta wechɔga belbwa nae n waa bini te, ke a ta bagle ke mɛɛ di bolee. N Dɔɔ Yeesu Kristoo dɛɛ ba n waa bola dɛ pa bole.
- <sup>5</sup>Anomanta he be nomelbwa kpɛɛ keɛ dɛ chɔgo ka tel keɲɔ Yeesu Kristo aa ba. Dɛ o balaa, wobɛlbwa aa sɔah la ε le bochaahnee, wedɛɛga oo, wechɔga oo, a bwa ε leo, ase wobɛlbwa aa sɔah dɛ do newenyini bambile bini la chɔ ban, ase Korowii kpɛɛ nomelbwa gɛ aa cheo.
- <sup>6</sup>Yabala, n kpɔ toma n ne Apolos aa εa la dɛ che a ta dɛ bagle waa nɔ, ase he no a mun dɛ jeme waa aa wera keɲɔ he ε. Ba chwere Korowii Tɔn bini ɲɔ: He be ε gare gɛ baa chwera Korowii Tɔn bini la. He be bane kpɔ gwaa bane dɛɛ mankura he te.
- <sup>7</sup>Umee ɲɔ he be ɲɔ he gwaa bane ɔ? Wobɛlbwa haa jema la, Korowiirii tɛɛ. Be nyoa dɛɛ ta a do keɲɔ Korowii laa kpɔ waa haa jema la keɛ.
- <sup>8</sup>He dɛ lii keɲɔ he dɔ komelbwa a magre he ne, he ε dɔɔhna. He berɔ gare yaa dɛɛ di kora. Dɛ he fe dɛ di kora kpela te naa, a fe bɔ. Ya ne he bwa fe ε koranar.
- <sup>9</sup>N te be, Korowii gelɔ ya banɔ nɔ yaa ε Yeesu toroma nɔ ka mun, dɛ do keɲɔ nera baa lag ba dɛɛ la ka kpoo ba, ase nera bwa ε nyiɲ ba, dekalkɛɲɔ nyundua toroma ne nera bwa dɛ nyiɲi yaa.
- <sup>10</sup>Yeesu Kristo nomanta ya ε gena nera be, ke he dɛ yere he te wejerema o waa ta. Ya ε nɛɲgwɛgra nera be, ke he ε he te o kpegnɛra. Ba dɛ duu heya, dɛ lawɛ ya te sie dɛɛ tege hare.
- <sup>11</sup>Lɔr ne nyɔgre dɛ kpɔ yaa, yakwanee yaa tɔ, nera ε lɔɔ yaa, ya ta sobɔr dɔɛ dɛ kpoɲɛ ba le fini.
- <sup>12</sup>Ya bokpega taa yaa di. Nera hah yaa dɛɛ chegre yaa, ke ya te soɲɛ wedɛɛga dɛɛ tɛɛ ba. Ba dɛ ε yaa hɔhɔrɔwa, ke ya te sɔɔh bwara dɛɛ tɛɛ ba.

<sup>13</sup>Nera de chog ya son, ke ya te de kwaa ba son. Ya do kenjo puldoa haahra nera be, hale ba le fini.

<sup>14</sup>N ta ge waa no chwere ba te heyaa de gel sihih kpo heya, ke jae mee ja heya, haa e n bidεega maa de nyin heyaa la nomanta.

<sup>15</sup>De he do nera ba ware pirim de won cha heyaa Yeesu Kristo njwene ta naa, n gboo ta he mee. Menee to sie bol Amanesoma la he be. A taa n che e he mee Yeesu Kristo waa ta.

<sup>16</sup>Anomanta n de soje heya, he kpo n da.

<sup>17</sup>A waa gela n tome Timoti he be la. O e n bie maa de nyinu, wee no n dena waa Yeesu Kristo toma no ta. Wee lii heyaa ge maa de teje Yeesu Kristo waa la ta. Ge maa de bagle asoreta ta bobelbwa laanee wee ba heyaa liira.

<sup>18</sup>He bane de bagle he te dee lii kenjo maa ba de ba na heyaa kpa.

<sup>19</sup>De Korowii seoh waa, aa bigri mee ba he bee de gbagba ba na kpegri nera baa de bagle ba te la aa da. Ba wobol gbo ta laa n jo.

<sup>20</sup>Korowii Kora bini doe ta nyoa wobol pepee ee. O kpegri doe waa.

<sup>21</sup>Ere balaa hee nyin ke n ba he be no? Hee chare he daa ase n nyin he waa de ba bambison ne kee n kpo chweema ba de ba ter he denne o?

## 1 Krent 5

<sup>1</sup>N de no ke he bini bane de bo jwamane aa wola were, hale nera baa wola Korowii tome kwara aa wola gee e. Ba jo he bini bel lawe o mee haah kwaraa dee cho.

<sup>2</sup>A fe che kenjo he gel he teene bini chog waa no wa, ase hee mankura he te la. Aa were kenjo ge nen la ta ja he bini kpa!

<sup>3</sup>N gbabir toole he be bela, ke n liire te lo he be. N doo pa naate waa e ge waa no bolchoge kenjo n gbagba aa lo bela ken.

<sup>4</sup>De he baa cheme ya Doo Yeesu son ta, o kpegri do he ne, n ge liire do he bini naa,

<sup>5</sup>he kpo naate bwadabii do Bonsam non ta o chogo, ase awola ya Doo aa ba la, o ge ba le o doma te.

<sup>6</sup>Aa were kenjo hee mankura he te. Haa jeme kenjo iisi tama wono gel men damanta ee uгаа?

<sup>7</sup>Anomanta he laa ge wechog-ee la kpo he bini ase o wechoga aa do kenjo iisi la be heyaa bu, ase he do wer kenjo paanoo baa wola iisi a ta doe, de di topejen Galekaa la. He do ge kpela. Yeesu Kristo koh ya waa de sewe kenjo baa kpo peera Galekaa topere la.

<sup>8</sup>Anomanta hé gel ya kpɔ ya te keɲɔ yaa dɛ ba Galekaa kondikwaa dii ken, anee keɲɔ yá laa meesɔɔh ne wechɔga belbwa soosiwi kpɔ ya bini ge baa laa iisi kpɔ paanoo baa kpɔa dɛɛ di Galekaa ta la. Hé gel ya kpɔ kasintɛɲ ne tepɔɲ dɛ teɲɛ Korowii nɛ.

<sup>9</sup>N tɔn n faa chwere heyaa la, n baglɔ kɛ he ne nera jwamane aa lɔ ba sie ta la bɛ pɛ.

<sup>10</sup>Bano la baa wola yabala asɔre tena ɛɛ dɛɛ bɔ jwamane, ba sie ɛɛ begre kwa, baa tome voga la, ba te laa n ɲɔ hé laa he te kpɔ ba nɛɛ nɔ, dekalke ba te lɔ bobelbwa. Haa lɔ hare nɔ ta nɔ, haa won laa he te kpɔ ba nɛ!

<sup>11</sup>Nera la maa dɛ bol ba waa laanee nera baa ɲɔa ba ja yabala asɔre tena nɛ, kɛ dɛɛ bɔ jwamane, dɛ kpɔ suuga gwaa komelbwa, dɛɛ tome voga, dɛɛ bol nera bwara wechɔga, dɛ nyɔ sen dɛɛ dɛɛ, dɛɛ ɲwɛ la. Ba ɲɔ ba ɛ asɔre tena dɛ bere dɛɛ ɛ waa aa do ken nɔ la, he ne ge nera nɔ te belbwa bɛ pɛ a ba ɛ kɛ hɛɛ pɛ nɔnee di kwa.

<sup>12</sup>Nera baa wola asɔre tena ɛɛ la te, n ta ɲwɛnɛ dɔɛ kɛ n bol ba waa dɛ pa bole. Korowiirii dɛ bol ba waa dɛ pa bole.

<sup>13</sup>Nera baa ɛ asɔre tena la te, heyaa che keɲɔ he bol ba waa dɛ pa bole. Korowii Tɔn baglɔ keɲɔ "Hé donɲi wechɔg-ɛɛ le he bini."

## 1 Krent 6

<sup>1</sup>Umee ɲɔ he be ɲɔ dɛ he bini bel ne o dɔɲ asɔre te dɔ waane aa, ó gel Korowii nera, dɛ kpɔ la nera baa wola Korowii tome be bá ka bola ɔ? Korowii nera laa dɛ bola aa?

<sup>2</sup>Haa jeme keɲɔ kerekere Korowii neraa dɛɛ ba hare nɔ ta nera waa bola dɛ pa bole kɛɛ? Dɛ heyaa dɛ ba bol ba waa te naa, ɛɛɛ haa wola won bol wejegrɛ aa do ken nɔɔ?

<sup>3</sup>Haa jeme keɲɔ yan dɛ ba bol nyundua toroma waa dɛ pa bole kɛɛ? Hare nɔ ta nera waa yaa wola won bol aa?

<sup>4</sup>Dɛ he ne he dɔɲ dɔ waane aa, ɛɛɛ he kpɔ dɛɛ do nera asɔre tena aa wola ban kpɔɛ dɛɛ ɛ wobelbwa la nɔn ta ɲɔ bá bola ɔ?

<sup>5</sup>A dɔ sihih tɛ heya. Amɔ wejereme benkpɔɲ kwaraa toole he bini dɛ won bol he baah wa,

<sup>6</sup>ase hɛɛ samane dɔɲa dɛ gel nera baa wola asɔre tena ɛɛ kaa bol he waa nɔ naa? A ta ge cheɛ.

<sup>7</sup>Haa dɛ samane dɔɲa nɔ gba kwara baglɔ keɲɔ he dɔɔ di bolchɔge. Dɛ he ne he dɔɲ dɔ waane aa, lawɛ bambile. Dɛ o ɲwɛɛ kwaraa naa, kpɔ keo. A wer gwaa keɲɔ haa samano.

<sup>8</sup>Kɛ haa ge ɛ. Heyaa dɛɛ ɛ dɔɲa wechɔga, dɛɛ faah dɔɲa, hale he bala asɔre tena.

<sup>9</sup>Haa jeme keɲɔ wechɔg-ɛɛra aa Korowii Kora la taa ja kɛɛ? He bɛ he nyu negre. Nera baa dɛ ɛ senwaa, ne vog toroma, ne nera baa dɛ bɔ jwamane, ne baala ba ne ba bandɔɲa aa dɛ chɔ haah ne baa,

<sup>10</sup>ne ɲwɛɛra, ne nera ba sie aa de begre ba dɔŋa kwa, ne sennyɔdɛɛra, ne nera baa de bol dɔŋa wobochɔga, ne nera baa de faah nera, nen waa de ε a ge waa nɔ te belbwa la aa Korowii Kora la taa ja.

<sup>11</sup>He bini bane fa kpoŋe ge da nɔ. Ke taraken Korowii koh ya Dɔɔ Yeesu Kristo ne Korowii Domadɛɛge la toma la waa de sɔ he wechɔga bwa ta, de gel he ε nendɛɛga he waa su o siwi.

<sup>12</sup>Nomel te kompɛɛ, "N dɔ ɲwɛnɛ ke n ε wobɛlbwa." Kpelaa, ke a bwa laa wera te yaa. N fe jemɔ ke maa komɛlbwa ki, ke maa gel komɛlbwa gwaa n nɛ.

<sup>13</sup>Bel gee ɲɔɔ, "Tea waa kondikwaa do le, ase kondikwaa ge che de te tea." Kpelaa, ke Korowii gelɔ a bwa dɔ jaga dɛ chɔg. O ta nen bwadabii ε teo ɲɔ ó kpɔ ε jwamanwa, ke o εo teo keɲɔ ó kpɔ tomɔ. Anomanta nen bwadabii ε Korowii kon, wɛɛ teo komɛlbwa.

<sup>14</sup>Ge Korowii aa kpɔ o kpegri ir ya Dɔɔ Yeesu Kristo seo ta la, gee wɛɛ ba o kpegri la kpɔe de ir ya ge seo ta.

<sup>15</sup>Haa jeme keɲɔ he bwadabii ε Yeesu Kristo bwadabii pera keɛ? De gee a do te naa, amɔ a che keɲɔ n kpɔ n bwadabii waa ε Yeesu bwadabii pera la ka bɔ jwamane aa? Akai! He be gel a ba ge.

<sup>16</sup>Haa jeme keɲɔ nomɛlbwa waa bɔ jwamane la, o ne haah la pɛo de ε bwadabii beɲkpoŋ aa? Korowii Tɔnee bagla ɲɔ, "Nera bane la ε beɲkpoŋ."

<sup>17</sup>Nomɛlbwa waa kpɔ o te pel ya Dɔɔ la ge, o ne o bwa dɔ Doma beɲkpoŋ.

<sup>18</sup>Anomanta hé laa he te dɛɛ kpɔ jwamane ta. Wechɔga belbwa nen aa de ε la, aa o bwara bini so. Ke nen waa de bɔ jwamane la, o gbagba bwadabii wɛɛ do wechɔga ta.

<sup>19</sup>Haa jeme keɲɔ he bwadabii ε Korowii Domadɛɛge la sobɔr keɛ? Korowii kpɔɔ te heya, o so he nɛ. Anomanta he laa dɔ he te. Korowiirii dɔ heya,

<sup>20</sup>dɛkalkɛɲɔ o kpɔ Yeesu Kristo chal yawɛ heya. Anomanta hé nyiɲi he bwadabii ta kerɛde de kpɔ tomɛ Korowii de teo sɔn.

## 1 Krent 7

<sup>1</sup>He fa chwere tɔn de ba bɔɔ mɛ ɲɔ, de baa ɲɔ waa haahnee mo aa, a wer aa? Baa ɲɔ waa haahnee mo aa, a wer.

<sup>2</sup>Ke jwamane aa wara la nomanta, a che keɲɔ baa belbwa dɔ o haah, ase haah belbwa ge dɔ o jaa.

<sup>3</sup>Baa belbwa be ɲɔ o ne o haah naa chɔ, gee haah ge be ɲɔ waa seh o ne o jaa chɔ.

<sup>4</sup>Haah ta o bwadabii kpegri dɔe chɔe bɔr, o jaaree dɔ. Gee baa ge aa wola o bwadabii kpegri dɔe, o haahnee dɔ.

<sup>5</sup>Anomanta belbwa be o te kpɔ sɔh o dɔŋ chɔe be pera, atane keɲɔ he bwa seoh keɲɔ he de nyin ke he kpɔ bambibeɲkpoŋ soŋe Korowii tɔpere bel tama mɔɔ. Ge te wer. Ke

dε he ε γε tonaa, hé berε pε ja. Dε he ta pεε yaa, haa wola won lawε he te la, Bɔnsam εε geloo he ε wechɔga.

<sup>6</sup>Waa nɔ maa bagla nɔ ta denε dεε do heyaa ηɔ a che keηɔ he mo haahna. Ke n de bagle keηɔ dε he mo haah naa, a ta wechɔga εε.

<sup>7</sup>N te fe dε nyin keηɔ nomelbwa fee bε haah mo, dε so γε maa sogaa nɔ. Ke nomelbwa laa Korowii ta ηɔ ó gbo so dε bε haah mo. O dε te nomelbwa o we-εela waa dε ε la kpegri, bel yon do kpegri anɔ ta, bel ge do kpegri anɔ ta.

<sup>8</sup>Waa maa dɔa dε te nera baa wola haahna dɔe, ne haahna baa wola jaranar dɔe, ne nera ba jaranar aa serewa laanee ke bá fee so γε n gbo aa sogaa nɔ.

<sup>9</sup>Dε belbwa nao keηɔ waa won hanre dε gbo so te naa, amɔ ó mo haah keε ó yalε. A bɔ keηɔ haah keε baa pela aa dɔe aa we he nεε kohona.

<sup>10</sup>Anɔ la maa bera dɔ dεε te hahmoola ne jadɔɔhnaa nɔ. N gbagba laa dεε bol. Ya Dɔɔree ηɔa ηɔ haah bε o jaa veh.

<sup>11</sup>Ke dε o veh o jaa raa, o bε baa belbwa yalε kpa, atane keηɔ o berε la o jaa la be ase ba ka pε dε so ja. Baa ge bε o haah veh.

<sup>12</sup>N gbagbaa dεε bol anɔ te dεε te he kar la. Ya Dɔɔ laa bola. Dε he ε asɔre te dε mo haah waa wola asɔre te εε, a too o tea o ηɔ wεε soo waa, bε on veh.

<sup>13</sup>Dε haah ge ε asɔre te dε yalε baa waa wola asɔre te εε, dε o tea toorɔ keηɔ o ne wεε soo waa, haah la bε on veh.

<sup>14</sup>Baa waa wola asɔre te εε la, o mo haah waa ε asɔre te aa, pεε o ne haah la aa pεa la nomanta, Korowii kpɔ baa la dεε ε o nen. Gεε a do, haah ge ta asɔre te εε dε yalε baa waa ε asɔre te aa, pεε o ne waa pεa la nomanta, Korowii kpɔ haah la ge dεε ε o nen. Dε ge laa aa, he bii fe ta Korowii bii εε, ke taraken ba ε o kwa.

<sup>15</sup>Dε onɔ la waa wola asɔre te εε ηɔ wεε veh o dɔη waa ε asɔre tee yaa, tεo ηwene wεε la. A ba γε naa, a ta wechɔga εε. Korowii dε nyin keηɔ ya so deηnesɔhna ta.

<sup>16</sup>Dε Korowii εε che haah haa ε asɔre te nεε dε le he jaa raa, he jemaa? Gεε a do baa haa ε asɔre te la nεε keηɔ Korowii ken εε che he nεε dε le he haah naa, he jemaa?

<sup>17</sup>Korowiirii te belbwa o we-εela wεε ε. Anomanta a che keηɔ belbwa ε γε Korowii aa leo dε tεo ηɔ wεε ε la. Gεε mεε bol asɔre tena baa lɔ bobelbwa la be.

<sup>18</sup>Dε ba kpɔ kere chɔge nomel mɔɔ Korowii leo o ba ε asɔre te aa, o bε kpɔ sɔh. Korowii le nomel ge, dε ba ta kere kpɔe chɔgɔ waa, o bε gel ba kpɔ kere chɔgɔ.

<sup>19</sup>Ba kpɔ kere chɔge noo, a ta waane εε, ba ta kere kpɔe chɔge noo, a ta waane εε. Ke Korowii Waa la ta teηaa ε kasinteη.

<sup>20</sup>Anomanta do γε haa doa mɔɔ Korowii lee he ba ε asɔre te la.

<sup>21</sup>Dε he ε yom dε ba ε asɔre te aa, bε gel a we he nε. Ke dε ba tεε ηwene ηɔ hé le he yom εε la ta naa, bε veh.

- <sup>22</sup>Nomelbwa waa ε yom de ε asore te la, o do o te Korowii be. Gee a do, nomelbwa waa do o te de ba ε asore te la, o ε Yeesu Kristo yom.
- <sup>23</sup>Korowiirii kpɔ Yeesu Kristo chal la yawε heya, anomanta he be lii keɲɔ neraa do heya.
- <sup>24</sup>Yabala, ge he faa doa mɔɔ Korowii le heyaa he ba ε asore tena la, hé ta do ge, ase he ne Korowii do le.
- <sup>25</sup>Korowii ta men nera baa wola yale la waa bagle, ke o de cha me ase mee ε o toma kerede. Anomanta mee bagle ge maa jema.
- <sup>26</sup>Waa lole de dawε ya neε kerede, anomanta n te be te, a wer ke ge haa soga la, hé ta so ge.
- <sup>27</sup>De he do haah naa, be ɲɔ heε veoh. De he ta bel doe ge aa, be ɲɔ heε nyin bele.
- <sup>28</sup>He mo haah naa, a ta wechɔga εε. De haah ge yalaa, a ta wechɔga εε. Ke waa lo a ta he soga bini, a waa mee nyin n le heyaa le a ta la.
- <sup>29</sup>Maa ɲɔ ge nɔ, yabala, yaa hare nɔ taa bigri belbwa. Anomanta le fini deε kaa, a che keɲɔ he banɔ la haa do haahna la ε keɲɔ he ta haahna doe ken,
- <sup>30</sup>he banɔ la haa de wi ε keɲɔ he waa aa sume ken, he banɔ la ge haa de mame ε keɲɔ he sie ta lee ken, he banɔ la ge aa de yawε la ε keɲɔ kwaa haa yawa la ta he kwaa εε ken.
- <sup>31</sup>Ase he banɔ la ge haa de ε wobelbwa hare nɔ ta la be ε a gwaa kohona, dekalkεɲɔ hare nɔ ne o waa do jaga. Waa bigri belbwa.
- <sup>32</sup>N de nyin keɲɔ hare nɔ ta waa be heyaa ha kohona. Baa waa wola haah doe la, o siwi de swεε Korowii toma ta, weε nyin keɲɔ Korowii sie le o ne.
- <sup>33</sup>Ke baa waa do haah la te sie de begre hare nɔ ta kwaa ta, áse o haah sie εε le o ne. Webele anεε yon do o baɲa.
- <sup>34</sup>Haah waa wola yale, keε tolo, o sie de begre Korowii toma ta, o kpɔ o te ne o liire bwa deε te Korowii toma. Ase haah waa yala la ge sie εε begre hare nɔ ta kwaa ta áse o jaa sie le o ne.
- <sup>35</sup>N de nyin ke n cha heya, a waa gela mee bol waa ge la. Maa nyin keɲɔ he ɲwene tɔ. N de nyin keɲɔ he ε anɔ la aa wera áse he liire bwa won do Korowii toma ta.
- <sup>36</sup>De baa belbwa do o bihaah waa kpega ne yala, o ɲɔ waa gel o yale, de bere na keɲɔ a wer keɲɔ bie la yalaa, ó ε ge bwa waa de nyin. Ó gel o yale. A ta wechɔga εε.
- <sup>37</sup>De baa belbwa nyiɲi ge waa nɔ kerede de ɲɔ waa o bihaahnee kpɔ te baa belbwa ó mo aa, de nomel laa heo, de o gbagba bambile binii a le, ase o ta on kpɔe te baa laa, o ε wa.
- <sup>38</sup>Anomanta, de nomel lawε o bihaah te baa o mo aa, o ε kerede. Ke naate waa wola o bihaah lawε te baa ó mo la εa kerede gwaa o doɲ waa lawε o bihaah te yal la.



<sup>39</sup>Dε haah yalɔ, o jaa ta do le naa, baa laanee dɔ haah la kpegri. Kε dε baa la sewaa, o ta haah la kpegri dɔe kpa. Haah la won kaala dε ka yale baa waa dε nyinu ja. Kε o be baa waa wola asɔre te εε yalε.

<sup>40</sup>A ka n waa aa, dε o fe ta yalε kpa kwaraa fe wer tεo gwaa kεɲɔ waa yala. N gbagba liire te, kε Korowii Domadεεge la soge n nε.

## 1 Krent 8

<sup>1</sup>A ka kwaa baa kpoora dεε tε voga wa. A waa jema te, ya bwa jeme a wa. Kε newenyini wejema gelɔ wεε nyin sɔn. Ase nennyin ge ε chae.

<sup>2</sup>Nomelbwa waa dε lii kεɲɔ o ε wejereme la, o ta wejema aa che kε o jeme la dɔe mɔɔ.

<sup>3</sup>Naate waa dε nyin Korowii la te, Korowii gba jemo.

<sup>4</sup>Anomanta vog kwaa dii maa dε bol a waa nɔ, ya jemo kε voga ta komelbwa εε hare nɔ ta, Korowii beɲkponjii lole.

<sup>5</sup>Kwaa nera aa kpɔa ε Korowii dεε yera ba dɔranar la warɔ dε do nyundua ne hare.

<sup>6</sup>Kε ya te be, Korowii lɔ beɲkponj. Onee N Naa Korowii waa ta komelbwa, ase ya do le dεε tomɔ la. Ya Dɔɔ ge lɔ beɲkponj. Onee ya Dɔɔ Yeesu Kristo. O nεε Korowii che dε ta komelbwa, ase ya ge che o nεε dε dɔ mkpa.

<sup>7</sup>Nomelbwa laa jeme gε. Bane duu gε voga nɔ bigri a man ba. Hale ba le fini, dε ba di kwaa baa kpoora tε voga nɔ naa, dε ba liire dε εε ba kεɲɔ voga laanee dɔ kwaa la. Ba yarada aa wola kanε Yeesu waa la ta nomanta, dε ba dε lii kεɲɔ ba ε wechɔga.

<sup>8</sup>Ya kondikwaa yaa dε dia laa dε gel ya ε nendεεga Korowii be. Dε ya dε dia oo, ya dε kia oo, aa wobelbwa bagle.

<sup>9</sup>Kε a ne a bwa hεε nyinji kerεdε kε dε he ta an kie, he dε dia aa, he bε gel he we-εεla negre nera ba yarada aa wola kanε Yeesu waa ta ba kia la.

<sup>10</sup>Nen o yarada aa wola kanε Yeesu waa ta la, o na he nen haa jeme Yeesu waa la kerεdε soge vog mun dεε di kwa aa, aa geloo o ge di.

<sup>11</sup>He gelɔ he dɔɲ waa wola kinjinj chegε, Yeesu Kristo aa koh o waa sewε, εε ba he wejema ne danra dε nyogre aa?

<sup>12</sup>Dε he dε ε he bala ba yarada aa wola kanε Yeesu waa ta la wechɔga ken ase ba tea bini chɔg aa, Yeesu Kristoo hεε ε wechɔga la.

<sup>13</sup>Dε n nao kε kondikwaa maa dε di la εε geloo n dɔɲ ge di a kaa o ne wechɔga ta naa, amɔ te mεε gel a dii ase n dɔɲ ge bε di dε ba kaa wechɔga ta.

## 1 Krent 9

<sup>1</sup>N ta n te dɔe dεε di n nyu aa? N ta Yeesu torome εε yaa? N ta ya Dɔɔ Yeesu nae yaa? He teɲa haa dε teɲε Yeesu nεε nɔ le toma maa εa he bini ya Dɔɔ kpegri ta la.

- <sup>2</sup>De bane ta seeh kenjo Yeesu toromee men aa, he te jemɔ kerede kenjo n ε o torome, dekalkenjo pee he ne waa pea la de bagle kenjo n ε o torome kpela.
- <sup>3</sup>De nera de pwaah me naa, kenii mee ho:
- <sup>4</sup>Nera de cha yaa kondikwaa ta naa, de a hwene ta laa aa?
- <sup>5</sup>Yeesu Kristo nimanar ne Pita ne Yeesu toroma la bwa mo haahna ba ne baa vale. Ya te ta ge hwene doe ke ya mo haahna baa ε asore tena ya ne baa valaa?
- <sup>6</sup>Ke n ne Banabas gboo che ke ya koh mo doe di?
- <sup>7</sup>De he ε sooja dee kaa laa laa, toma la ta laa hē di aa? He pare koo aa, haa koo la kondikwaa di aa? Nategre besoo wola o nae elnee nyoo?
- <sup>8</sup>Newenyini waa gbo laa dee bagle ge. Mosis Mmara gba bagle ge.
- <sup>9</sup>Mosis chwero ho, "He be nae aa de ε toma he koo ta la nyoa vowe de ho a be kwaa di." Korowii ho ken aa, kondera gboo o ho aa?
- <sup>10</sup>Newenyini waa o koh ho ge, ge aa cha yaa la waa o chwera, ase nomelbwa waa de pare, ne nomelbwa waa de kome kwaa la do hwega kenjo wee do kwaa la anee.
- <sup>11</sup>De ya bol Korowii Waa he be ase he do Korowii mkpa aa, de a ta magre ke ya le kondikwaa le he be de won do hare no ta bokpega aa?
- <sup>12</sup>He de te bane ge. De ge nera la do ge hwene aa, amo de ya te ta poeh yaa? Ke ya te aa ge kpegri la bagle he ne, de do bambile wobelbwa ta de be Yeesu Kristo Amanesoma la hwene to.
- <sup>13</sup>Haa jeme kenjo nera baa de ε toma Korowii Dea la, a taa ba do kwaa dee di, ase bano la ge baa de kpoo kwaa baa kpoa baa te Korowii o Dea bini la, a taa ba gee di kee?
- <sup>14</sup>Ge tentenee ya Doo ε te nera baa de bol Amanesoma la de ho baa di a ta.
- <sup>15</sup>N do hwene ke n ε a bwa, ke n ta nomelbwa be hoo ho o te me komelbwa bwa. Maa chwere dee nyin ke he te me a ge kwaa no. N sewo bo n be kenjo waa maa koh a waa mankura n te la le n non ta.
- <sup>16</sup>Maa won koh Amanesoma no bola waa dee bagle n te, dekalkenjo Korowiirii dee do me ase mee bol. De n ta bolaa, mee do waa.
- <sup>17</sup>De n tetoora nee mee ea aa, a fe magro ke n fe ee le a kembor. Ke Korowiirii kpo o Amanesoma la do n non ta ho n bol nera be. Anomanta n gbagba tetoora laa mee ea.
- <sup>18</sup>Kembor besoo mee doo? N kemboree kenjo n won bol Amanesoma la bagle nera peepe de be kpegri maa doa la bagle ba ne.
- <sup>19</sup>N fe de di n nyu, nomelbwa laa doo me, ke n ε n te nendoole dee ε toma dee te nomelbwa de fee do nera kerede te Korowii.
- <sup>20</sup>Maa de ε toma Juda tena bini la, n ε n te kenjo Juda te ase de doo ba te Korowii. N ta Mosis Mmara la ta jae te, ke de n koo nera baa de teje a ta la ne aa, n de ε n te ke ba

bini bel, ase de yon dɛɛ teŋɛ ba mmarare la ta gɛ ba yon dɛɛ ɛ la, áse de dɔɔ ba te Korowii.

<sup>21</sup>Gɛ tentenee de n koo nɛnhɔɔhra baa wola Mosis Mmara la ta teŋɛ nɛ aa, n yon ɛ n te kɛ ban, áse de dɔɔ ba te Korowii. Kɛ aa bagle kɛ n de vɛh Korowii nyoa wobol. N de teŋɛ gɛ Yeesu Kristo aa ŋɔa yá teŋɛ la ta.

<sup>22</sup>Dɛ n kaa koo nɛra bini, de ba yarada aa kanɛ Yeesu Kristo waa ta naa, n ge de ɛ n te keŋɔ ba bini bel áse de won dɔɔ ba. Gɛ nomɛlbwa aa doa la, gɛɛ mɛɛ ɛ n te áse de che ŋwɛnɛ bel ta de won dɔ bane áse Korowii lɛɛ ba.

<sup>23</sup>Amanesoma nɔ waa mɛɛ teŋɛ anɔ bwa ta la, áse de won na som maa de bol a waa la ane.

<sup>24</sup>Dɛ nɛra de ba chwae dé le komɛl aa, ba bwa de chwa te, kɛ ba bini beŋkponjii dɛɛ do kon la. Anomanta hé chwa kɛɛdɛ dé do kon la.

<sup>25</sup>Nomɛlbwa waa jeme chwae dɛɛ tɛgre o te dé chwa le komɛl la, o de do haŋra kwaa bwa ta dé ka chwa de tɔ sie áse ba kpɔ gbɛrɛ piu. Kpɔga nɛɛ ba sɔh gɛ gbɛrɛ la, waa bigri de o chɔgɔ. Kɛ ya te chwae yaa de chwa la, ya de nyin gbɛrɛ waa wola chɔg bwa.

<sup>26</sup>Anomanta n de chwa n sie dawɛ komɛl ta. Maa chwa pɛɛ. N do keŋɔ nɛn waa de yo, maa nɔɔra ta pɛɛpɛɛ.

<sup>27</sup>N de lawɛ n te, dɛɛ haŋre kɛɛdɛ kɛ, n gbagba maa de bol Amanesoma nɔ dɛɛ bagle nɛra nɔ, n bɛ ba koni de horeɛ.

## 1 Krent 10

<sup>1</sup>Yabala, n de nyin kɛ n lii heya, ya naanar bwa nɛɛ Korowii bam la faa tɔ. Moo la aa teŋa la, ba bwaa kpɔ o baah kaa.

<sup>2</sup>A kaa ɛ keŋɔ ba faa sɔ ba bwa nɛɛ bam la ne moo la ta áse ba ne Mosis pɛ.

<sup>3</sup>Ba bwa dɔ kondikwaa le Korowii kpegri ta de di.

<sup>4</sup>A berɔ che Korowii kpegri ta ba dɔ nɛɛ de nyɔ. Bwe taa ba dɔ nɛɛ la le. Kristoo bwe la, de faa teŋɛ ba nɛɛ ba kaa.

<sup>5</sup>Kɛ Korowii sie ta ba galga nɛɛ lɛɛ, ase ba serewe perɛ kpɔg la baah bobɛla.

<sup>6</sup>A gɛ waa nɔ bwa ɛɔ dé gel ya jeme wa, ase wechɔga pɛla be yaa dɔ gɛ a pɛla faa dɔɔ ba la.

<sup>7</sup>Ya be voga dɛɛ tome gɛ ba bini bane faa de ɛ la. Mosis chwɛrɔ ŋɔ, "Nɛra la sogo de kwaa ba voga, de di kwa, de nyɔ sen, de ir sa sachɔga."

<sup>8</sup>Ya be jwamane bɔ gɛ nɛra la bane faa ɛa ase Korowii kpoo ba bini kagboŋa fifraane de batoro tɔpebeŋkponj la.

<sup>9</sup>Ya be Korowii daah dɛɛ na ge bane faa daahno na ase o gel hare kpɔkpɔ ba ba serewe la.

- 10 Ya be waa nagre ge bane faa nagre waa ase nyundua torome ba kpoo ba la.
- 11 Waa aa pu a ge nera la eo de gel ba jeme wa. Mosis chwere a wa, de gel ya nera yaa lo hare no aa ka topere tamaa o chog no ta no jeme wa.
- 12 Anomanta nomelbwa waa de lii kenjo o chege kinjin Yeesu Kristo waa no ta la, wee nyinji keredede de be naa ba lo.
- 13 Nomelbwa de na wekpega. Anomanta de he de na wekpega aa, he laa bo bere. Korowii waa do yarada. Waa gel wekpega belbwa gwaa he nee ase he hore. Wee bagle heyaa nwenen haa kpo de won lawe bambile ka tel kenjo haa le a nyoa.
- 14 Anomanta, n daamanar, he laa he te kpo voga waa ta.
- 15 He e wejerema, anomanta he nyinji waa no maa bola no bini de na.
- 16 Saŋ belbwa yaa pe so dee di kwaa dee lii Yeesu Kristo seo la la, sen la yaa de jam Korowii dee nyo la gelo ya ne Yeesu Kristo pe o chal la waa ta. Paanoo yaa mona dee di la gelo ya ne o pe o bwadabii waa ta.
- 17 Ya waro, ke paanoo benkponj la yaa pea di la nomanta ya e benkponj.
- 18 He ta sie de na Juda tena wa. Nera baa de di kwaa baa kpoora dee te Korowii la, ba ta ge we-ela la ta jae yaa?
- 19 N de bagle ke kwaa baa kpoora dee te voga la, a ne voga gbagba e kwaane kee? Akai!
- 20 N de bagle kenjo nera baa wola Juda tena ee dee kpoo kwaa la, ba kpooro dee te Bonsam toroma yaa wola an na la. Korowii laa ba e dee te. Maa nyin kenjo he ne Bonsam toroma pe komelbwa.
- 21 Haa won nyo sen la yaa de nyo dee lii ya Doo waa la, de bere ka nyo Bonsam toroma la kwa. He ne ya Doo aa won pe non di kwa, ase he ne Bonsam toroma la ge bere pe non di kwa. Aa gee magre!
- 22 Hei! He de nyin he mugli ya Doo baah o mee raa? Ya kpegri gwaalo waa?
- 23 Nomel te kompee: "N do nwenen ke n e wobelbwa," ke a bwa laa wera te me, a bwa ge laa dee cha me.
- 24 Aa were kenjo nen gel o gbo waa hiaoh. A che ke o gel o donj ge keredede doe hiaoh.
- 25 De ba de yog ola ol yogribor aa, yawe de di. Be dee lii kenjo ane ken aa were. He yawe di,
- 26 dekalkenjo "Korowiirii do hare ne komelbwa aa lo o ta."
- 27 De nen waa wola asore te ee yere no he ba di kwaa he seh aa, kondikwaa belbwa waa tee la, be dee lii no a ken aa were kenjo he di. Le de di.
- 28 Ke de nomel no he be no vogee ba kwaa, a kondikwaa yaa, naate waa bagle ge waa no no he be di la nyu bini liire nomanta be di, ase o be ba lii kenjo he e wechoga.

<sup>29</sup>A ta wechōga εε tεε. Naate la waa n n̄o he bε di la, ase o liire bε on aahna-aahna ε. Eree mee ba nomel nyu bini liire waa koeh dε gel waa maa dε εo?

<sup>30</sup>Dε n jam Korowii kondikwaa maa dε ba dii wa aa, nomelbwa bε men pwah kε maa di a gε kwaa la.

<sup>31</sup>Anomanta wobelbwaa hεε ε oo, kwaa hεε di oo, komelbwa hεε nyo oo, hε ε dε kpō jirima dεε tε Korowii.

<sup>32</sup>He bε gel nomelbwa danre he ne dε ba nyogre. Juda tee yoo, nenhōoh waa wola Juda te εε yoo, asore tee yoo, he bε ba bini belbwa gε ε.

<sup>33</sup>Gεε mee ε, áse n waa le nomelbwa sie. N gbo waa laa hiah mε. Nomelbwa ge waa hiah mε, gε maa ε dε won dōo ba tε Korowii ó lεε ba.

## 1 Krent 11

<sup>1</sup>Anomanta hε kpō n da gε maa kpō Yeesu da la.

<sup>2</sup>N dε kpεε heyaa liira haa dε lii n waa bwa wobelbwa ta, dεε tenje waa Korowii aa bag mε ase n ge bagle heyaa la ta.

<sup>3</sup>N dε nyin kε he jeme kenjo Yeesu Kristoo baa belbwa nomoa, ase baa ε haah nomoa, Korowii ge ε Yeesu Kristo nomoa.

<sup>4</sup>Baa belbwa waa dε soje Korowii kεε dε che Korowii Domadεεge la kpegri ta dεε bol Korowii Wa, kε dε kpō kon bōle o nyu la, waa duure kpōe dεε tε Yeesu Kristo.

<sup>5</sup>Dε haah ge dε soje Korowii kεε dε che Korowii Domadεεge la kpegri ta dεε bol waa o ta kon kpōe bōle o nyu aa, waa duure kpōe dεε tε baa. O do kenjo nen baa fone o nyu ken.

<sup>6</sup>Dε waa seh dε kpō kon bōle o nyu ta naa, amō te bá fone o nyu ta. A ta magre kε ba fone o nyu ta ge aa, amō te ó kpō kon dεε bōle o nyu ta.

<sup>7</sup>Aa were kenjo baa ge kpō kon bōle o nyu, dekalkenjo o do gε Korowii aa doa dεε bagle Korowii jirima. Kε haah te dε bagle baa jirima.

<sup>8</sup>Haah bini laa baa le, haahnee le baa bini.

<sup>9</sup>Haah waa laa Korowii ta baa, kε baa waa Korowii ta haah.

<sup>10</sup>A gε waa nō ne nyundua toroma nyiŋa baa dε nyiŋi heyaa nomanta, a che kenjo haah kpō kon dεε bōle o nyu á bagle kenjo baa dō kpegri o nε.

<sup>11</sup>Asore tena waa bini te, baa ne haah bwa sie dawε dōŋa nε.

<sup>12</sup>Baa binii haah le mumpar la, kε taraken te haahnee dεε lolε baa, ase Korowii ge ta komelbwa.

<sup>13</sup>Hé bwa nyiŋi gε waa nō kerεdε. A wer kenjo haah nεε soje Korowii dε o ta kon kpōe bōle o nyu ta naa?

- 14Gε Korowii aa ta baa la, o nyu mogɔ kohona naa, aa were. A ε sihih.
- 15Kε de haah nyu mogɔ de kpeg aa, a de teo jirima weε do wer, dekalkeɲo Korowiirii teε ba nympona ηɔ á tɔ ba nyuune ta.
- 16De nomel de tɔɲle gε waa nɔ naa, ó jeme keɲo gεε ya ne asɔre tena bwa εε ε.
- 17Waane ge lole maa wola heyaa kpeε deε ba he be bola. He chemaa, he de chɔg dɔɲa, haa dɔɲa cha.
- 18Waa aa tɔ sie laanee keɲo, n noɔ keɲo de he chemo deε soɲe Korowii aa, haa nyopeo do. N de lii keɲo kpelaa ba ηɔ.
- 19Aa ba gεε. De a ta gε balaa, nera aa won jeme bano la baa ε nendεega he bini.
- 20Gε he yon cheme deε di kwaa ya Doo Yeesu sɔn ta deε lii o waa la, o waa laa hεε lii gε la.
- 21He bini bane de di gε kondikwaare la warane, haa chegε deε kpa he bala. Bane yon do di de nyɔ kohona de bere deε deε, de bane ta komelbwa dɔe dε di.
- 22Ere waa yɔ? He ta deremi dɔe dε so bela di kwaa keε? He de fεgre Korowii nera, de gel sihih εε kpo he bala baa nyaa. Ereε n ε heya ɔ? N kpeε heya aa? Akai.
- 23Ya Doo Yeesu bag me waa nɔ n ge bagle heyaa keɲo o fa ε waane jwaana baa leo te la. O kpɔ paanoo,
- 24ase de soɲe Korowii do o ta, de kuugi o bini de ηɔ, "N bo-olii nɔ, n koh he waa de kpɔ te nera bá kpo mε. Hεε di gε paanoo nɔ de kpɔ deε lii mε."
- 25Baa dia tome la, o laa numol ne sen ane kpɔ, de ηɔ, "Sen nɔɔ chega de te n chal. Aa ε foofalee de chɔ Korowii ne newenyini baah ta. Hεε nyɔ de kpɔ deε lii mε."
- 26Ya Doo wobol nɔ de bagle keɲo saɲ belbwa haa di paanoo nɔ de kpɔ numol nɔ nyɔ sen nɔ la, ya Doo seo waa hεε bagle gε la, ka tel saɲ waa bere ba ja.
- 27Anomanta nomelbwa waa di gε paanoo nɔ, de kpɔ numol nɔ nyɔ sen nɔ, waa wola an a ηwene ta εε la, de Yeesu bo-ol ne o chalee o kpɔ dɔɲa deε lege la.
- 28Nomelbwa che keɲo o nyiɲi o waa bini kerεde mɔɔ de di a gε kwaa nɔ.
- 29De nomelbwa de di gε kwaa nɔ o ta liire keɲo ya Doo bo-olii yaa, amɔ de o de mugli Korowii baah deε do o te wahala ta.
- 30A waa he galga εε we weela deε gwεgre, ase bane gee serewe la.
- 31De ya fe εε nyiɲi ya waa bini kerεde yaa, Korowii fe aa yaa bolchɔgee pa de tεr ya deɲne.
- 32Ya Doo raa de nyiɲi ya waa bini taraken nɔ, o de tεr ya deɲne áse ya gel wechɔga εε, ase ya be nera baa dɔ hare nɔ ta liire waa de ba ban bolchɔge pae la nεε ja.
- 33Anomanta, yabala, he peo deε di a gε kwaa nɔ naa, he be a dii deε too. Hé so deε kpa dɔɲa de bwa cheme mɔɔ deε di.

<sup>34</sup>De lor de kpo bel aa, ó di kwaa dem mɔɔ de ba. He be ya Doo kwaa la di ge aa wola chee kenjo he dia. Ge laa, Korowii baah nee di he nee. Anɔ la aa kaa la, n balaa, mee bagle heyaa.

## 1 Krent 12

<sup>1</sup>Yabala, n de nyin kenjo he jeme kpegri Korowii Domadeege aa de cha yaa ya do la bini kerede.

<sup>2</sup>He na kenjo ge saɲ he faa wola Korowii tome la, de he nyogro dee tome voga aa wola waa bol, ke de a do kpegri he nee hee toma.

<sup>3</sup>Anomanta n de nyin kenjo he jeme ge waa no kerede, de jeme kenjo nomelbwa waa de bol waa Korowii Domadeege la kpegri ne la, waa won taah Yeesu. Nomelbwa ge waa de bol no Yeesuu ya Doo la, de Korowii Domadeege la kpegrii gela wee no ge la.

<sup>4</sup>Kpegri Korowii Domadeege la aa cha nera ba do la kogro, ke Doma benkpon laanee te a bwa.

<sup>5</sup>Toma ya Doo aa bona te yaa la kogro, ke Doo benkpon tomaa yaa e.

<sup>6</sup>Wejema Korowii aa bona te yaa la kogro, ke Korowii benkponii chege ya bwa nee dee e wobelbwa.

<sup>7</sup>Korowii Domadeegee te nomelbwa kpegri no o kpo dee cha o bala.

<sup>8</sup>O te nera bane wejema, de te bane ge sipila. O Doma benkpon laanee te ba bwa a ge kpegri la, ba won bol waa dee bagle nera,

<sup>9</sup>de gel bane che o kpegri la ta de do yarada kerede, ase de te bane ge kpegri weela chaeh ta.

<sup>10</sup>O te bane kpegri ba won nyokpowaa ee, ase bane ge won che o kpegri la ta de won bol Korowii Wa. O gelo bane won jeme kon la soo waa de ir nera nee ba che o ta dee e wa, de gel bane ge won bol wobofala, ase de gel bane ge won wobofala mun bagla dee bagle nera.

<sup>11</sup>A ge waa no bwa, Korowii Domadeege benkpon laanee te nomelbwa kpegri o kpo dee e ge la. Ge aa too o teaa o te nomelbwa.

<sup>12</sup>Hé ta sie nyin he bwadabii na, o e kombir, ke o do pegra, ase a bwa pe de e bwadabii benkpon. Gee Yeesu Kristo do.

<sup>13</sup>Juda tena o, Grik tena o, yoma o, nera baa do ba te noo, Korowii kpo o Domadeege la so ya bwa ne, ase ya e benkpon. O tentenee o gel ya bwa do de nyo do ya bini.

<sup>14</sup>Newenyini bwadabii ta konsiwi benkpon ee. O pegra waro.

<sup>15</sup>De he nakpala no o ta non ee nomanta o ta bwara ta jae yaa, de nyosonee. O ta non ee te, ke o ge ja bwadabii ta.



<sup>16</sup>Dε deŋne ge η̄o o ta siwi εε nomanta o ta bwadabii ta jae yaa, de nyosonee. O ta siwi εε, ke o ja bwadabii ta.

<sup>17</sup>Dε bwadabii fe d̄o siwi gbo, deŋne ta jae yaa, εεε o fe εε ba waa noe ȳo? Dε bwadabii fe ε deŋne gbo o ta mee d̄oe yaa, εεε o fe εε ba s̄ooh noe ȳo?

<sup>18</sup>Gε laa Korowii ta yaa. O do bwadabii pegra n̄o bwa, belbwa ne o dobor. Onee saahna εa ge.

<sup>19</sup>Dε bwadabii fe ε konsiwi beŋkpoŋ gbo, pegra belbwa toole o ta naa, o fe ε bwadabii aa? Akai.

<sup>20</sup>Ya bwadabii pegra la kogro, ke bwadabii la te ε komben̄kpoŋ.

<sup>21</sup>Siwi aa won η̄o n̄on be η̄o, "He ta n n̄ee jae yaa, n gbo εε wonoo ε toma." Gεε nyu ge aa wola won η̄o nakpala be η̄o, "He ta n n̄ee jae yaa, n gbo εε wonoo ε toma."

<sup>22</sup>Bwadabii bobela yaa wola lii keŋo a kpegri la d̄o t̄ono.

<sup>23</sup>Bwadabii bobela yaa wola lii keŋo a wer laanee yaa nyin̄i kerede. An̄o la sihih aa de kpo yaa a waa yaa wola nyin̄ keŋo nen na la, anee yaa t̄o a ta kerede.

<sup>24</sup>An̄o la aa wera te, a ta hiaih keŋo ya nyin̄i a ta kpa. Gεε Korowii ε ya bwadabii ase yaa heeh a ge b̄ora yaa wola lii keŋo a waa hiaoh la.

<sup>25</sup>Korowii εa ge ase bwadabii la bini be pegri, ase a bwa εε cha d̄oŋa.

<sup>26</sup>Dε bwadabii bobel d̄o weela aa, de bwadabii bwaa weela lawe la. Dε ba kpee bwadabii bobel aa, a de do bwadabii la bwa som.

<sup>27</sup>He bwa ε beŋkpoŋ Yeesu Kristo bwadabii ta. He bwa p̄eo de ε o bwadabi.

<sup>28</sup>Korowii te he belbwa toma waa d̄ee ε as̄ore tena bini. An̄o la aa t̄o sie, o η̄o bane ε Yeesu toroma; n̄ee, de η̄o b̄ane che Korowii kpegri ta d̄ee bol waa waa kp̄oa bag ba; tooro, de kp̄o bane η̄o b̄aa bagle nera o wa, de bere kp̄o bane ge η̄o b̄aa ε nyokpowa, de te bane ge kpegri η̄o b̄aa chah weela tena. Dε η̄o b̄ane εε cha nera, b̄ane ε nomonome d̄ee t̄o nera sie, de gel bane ge won wobofala bola.

<sup>29</sup>He bwaa ε Yeesu toroma aa? He bwaa won Korowii kpegri la ta chega de bol wa aa? He bwaa won Korowii waa la bagla aa? He bwaa won nyokpowaa εε yaa?

<sup>30</sup>He bwaa won weela tena chaeh yaa? He bwaa won wobofala bola aa? He bwaa won wobofala mun bagla aa?

<sup>31</sup>H̄e gel he sie begre ase h̄ee nyin̄ kpegri Korowii Domad̄eege be ase de won cha nera η̄wenere aa wera kohona la ta. M̄ee bagle heyaa η̄wene waa wera gwaa a bwa.

## 1 Krent 13

<sup>1</sup>Dε n wono d̄ee bol nera bwa ne nyundua toroma wobol, ke de maa nen nyin̄ aa, de gb̄ogaa m̄ee do keŋo baa de lo dawuro waa pera wee do gb̄oga la.

<sup>2</sup>Hale n wono che Korowii kpegri la ta dɛɛ bol o waa la kerɛdɛ, dɛ jɛmɛ o wesɔɔhla bwa, dɛ dɔ sipila kerɛdɛ, dɛ che o kpegri la ta dɛ dɔ yarada dɛ won ɲɔ bwejen be ɔ chugri le o bug ta dɛ kaa bofale asɛ o chugri, dɛ maa nen nyin aa, dɛ n ta nen ɛɛ.

<sup>3</sup>Dɛ n wono kpɔ n komɛlbwa kɛ nyaara bá lɛ di, asɛ n berɛ koh Yeesu waa la waa dɛ seh ɲɔ mɛɛ geloo ba kpɔ nii fuuh mɛ, dɛ maa nen nyin aa, dɛ a ɛ pɛɛpɛɛ.

<sup>4</sup>Dɛ nen dɛ nyin nen aa, o dɔ bambile dɛɛ tɛ o bala, dɛɛ ɛɛ ba kerɛdɛ. Waa bɔweela ɛ. Waa o te nenjen yerɛ. Waa o te bagle.

<sup>5</sup>Waa waa sagasaga ɛ o bala be. Waa o gbo nyin, o dɛ nyin nomɛlbwa. O baah naa nera nɛɛ di warawara. Waa nen waa lɛɛ dɛɛ do o bini.

<sup>6</sup>Kasintɛnii dɛɛ lɛ o sie. O sie aa wechɔga ta lɛ.

<sup>7</sup>Dɛ nen dɛ nyin nen aa, wɛɛ pwer o teneɛ tɛo wobɛlbwa ta. O dɛ yaradao wobɛlbwa waa dɛ ɛ ta, dɛ dɔ hwɛga ne bambile wobɛlbwa ta.

<sup>8</sup>Nennyin ta jaga dɔɛ. Korowii waa baa chegɛ o kpegri ta dɛɛ bol bwa ɛɛ tonɔɔ tɔpɛbel wee. Wobofala baa chegɛ Korowii kpegri ta dɛɛ bol bwa ɛɛ tɛɲoo tɔpɛbel wee. Wejema gee ba tonɔɔ.

<sup>9</sup>Ya waa yaa jema la ta jema bel ɛɛ, waa yaa chegɛ Korowii Domadɛɛge ta dɛɛ bol la gba ta bola bel ɛɛ.

<sup>10</sup>Anɔ la aa wera ka tonɛ la saɲ telaa, tama yaa dɔa taraken nɔ bwa ɛɛ tonɔɔ.

<sup>11</sup>Gɛ saɲ n faa ɛ bechala la, dɛ n dɛ bol bechawobol, dɛɛ ɛ bechawa, dɛɛ lii bechaliire. Kɛ maa baa kpegri dɛ ɛ nomoa la, n gel n bechawaa la bwa.

<sup>12</sup>Gɛ tenteneɛ ya waa do taraken. A do kɛɲɔ yaa dɛ nyinji digi waa wola na kerɛdɛ ta ken. Dɛ tɔpɛre bel telaa, yaa naa kerɛdɛɛ kɛɲɔ a chɔ ya sie. Anɔ la bwa yaa jema taraken nɔ, anjena ta lɔ mun ta. Kɛ tɔpɛre la telaa, mɛɛ jɛmɛ wobɛlbwa gɛ Korowii aa jem mɛ la.

<sup>13</sup>Anomanta webele atoroole, yarada, hwɛga ne nennyin. Kɛ nennyinii gwaa a bwa.

## 1 Krent 14

<sup>1</sup>Hé gel he sie begre nennyin ta, asɛ dɛɛ nyin kpegri waa lɔ Korowii Domadɛɛge la be dɛ kpɔ dɛɛ cha nera. Kɛ kpegri háa swɛɛ siwi dɛ nyin kohona laanee kɛɲɔ he won che Korowii Domadɛɛge kpegri ta dɛɛ bol o wa,

<sup>2</sup>dɛkalkɛɲɔ naate waa dɛ bol wobofala la, nera laa o bol dɛɛ tɛ. Korowiirii o bol dɛɛ tɛ. O chegɛ Korowii kpegri ta dɛɛ bol waa aa sɔah. Nera aa a waa no.

<sup>3</sup>Naate waa chegɛ Korowii Domadɛɛge la ta dɛɛ bol waa la te bolɔ dɛɛ bagle nera dɛɛ cha ba bá jɛmɛ Korowii Wa. O dɛ do ba gbemba dɛɛ larawe ba bwara.

<sup>4</sup>Nen waa dɛ bol wobofala la, o bolɔ dɛɛ tɛ o gbagba. Naate waa chegɛ Korowii Domadɛɛge kpegri ta dɛɛ bol Korowii Waa la ge, asɔre tena la bwaa wɛɛ cha.

<sup>5</sup>De he bwa won wobofala bola aa, n de nyin ge. Ke de he won Korowii Domadæge kpegri ta chega de bol wa aa, gee de do n som kohona. Naate waa de bol Korowii Waa la gwaa nen waa de bol wobofala, atane ke nomel won a mun bagla dee te asore tena á cha ba.

<sup>6</sup>Yabala, de n ba he be de baa bol wobofala de haa a mun no aa, tɔnɔ besoo he do le n be no? De n ta Korowii Domadæge kpegri la ta chege de do waa aa soah de bagle heyaa, kee de n ta wejema ane doe, kee maa Korowii nyoa wobol kee o nwenere bagla jema, tɔnɔ besoo hé do le n be no?

<sup>7</sup>Hé ta sie na kwaa baa de hele a ne. De a sii aa cho keredé naa, eré nera ee ba ee de no a bini no?

<sup>8</sup>De ba de hoh laa bela áse nera no de ka yo, de baa on hoh keredé naa, umee de won jeme de kpɔ o te no?

<sup>9</sup>Gee a do, de he wobol bini noe kpegri aa, eré baa ba ee de no a mun o? A do kenɔ he gbo aa sogá dee do gbɔga.

<sup>10</sup>Hare no ta wobol warɔ, a bwa ge e nera bane wobol de do mun.

<sup>11</sup>Anomanta nen de bol waa maa a mun no aa, de n bere deɲnebire te naate be. De o ge aa n kon no aa, o ge bere deɲnebire te n be.

<sup>12</sup>He siwi aa begra hee nyin kpegri Korowii Domadæge be ó cha heyaa Korowii toma ta no, hee nyin anɔ la aa won cha asore tena kohona.

<sup>13</sup>Naate waa chege Korowii Domadæge kpegri ta dee bol wobofala la, ó soɲe Korowii áse o chao o won dee bagle a mun.

<sup>14</sup>De n de soɲe Korowii wobofale ne naa, de n lilewee dee soɲo la, ke n liire te aa wobelbwa e.

<sup>15</sup>Ameé jaɔ? Mee soɲe Korowii n lileo nee, ase dee soɲo n liire ge ne. Mee kpɔ n lilewee go yela, de kpɔ n liire ge go ja.

<sup>16</sup>De ge laa aa, he de jam Korowii he lileo ne naa, eré naate waa wola yarada de e nempée la ee ba ee de no a mun de seh he nyoa nɔ "Aamen" de teɲe waa haa jaamo a waa la ta no? Waa won no waa haa de bol la mun.

<sup>17</sup>He te jam Korowii keredé kwaraa gba aa, a ta tɔnɔ doe teo.

<sup>18</sup>N de jam Korowii keredé kenɔ waa gela n ge won wobofala bola, hale de won a bola gwaa heyaa no.

<sup>19</sup>Ke de n lo asore ta, de bol n bwée wobol tama ase nera won no aa, a bɔ kenɔ maa kpɔ wobofala bol waa kohona nera ta a mun noe.

<sup>20</sup>Yabala, hé gel bechaliire. A che kenɔ he do nomonliire. Wechɔga ee te, hé e he te bechasɔhne a bɔr. He be gel he liire kpeg wechɔga ee ta.

- 21** Ba chwerɔ do Korowii Tɔn bini ŋɔ, "Mɛɛ geloo nera nɔ no n waa wobofala ta. Hɔɔhraa mɛɛ ba gela ba bol bag ba, kɛ baa no. Korowiirii ŋɔa."
- 22** Anomanta Korowii gelɔ nera ɛɛ bol wobofala dɛɛ bagle o kpegri dɛɛ tɛ nera baa wola on yarada. Nera baa de yaradao la waa laa. O waa bagla Korowii Domadɛɛge la kpegri ta la, banɔ la baa de yaradao la waa.
- 23** Dɛ asɔre tena chemo, asɛ belbwa ɛɛ bol wobofale, asɛ nera baa wola yarada de ɛ nempɛene ba ja he nɛ aa, baa ŋɔ he de we chogla aa?
- 24** Kɛ de he bwa chemo de che Korowii Domadɛɛge kpegri la ta dɛɛ bol o wa, asɛ nen waa wola yarada de ɛ nempɛɛ ba ja aa, wɛɛ noo de jeme kenɔ o de ɛ wechɔga. Waa haa de bol la bwa ɛɛ jo o nyu binii asɛ o nyoa kpo.
- 25** O tea bini waa bwa ɛɛ chɔ bajeɛ, asɛ o guɲi Korowii hare de soŋo, asɛ de ŋɔ nera be ŋɔ Korowii ja he nɛɛ kpela.
- 26** Yabala, amee jaɔ? Saɲ belbwa haa cheme la, bel de tɛ yel, bel dɔ sipila waa haa de hwela, bel ge dɔ waane Korowii aa baglo, bel gee bol wobofala, bel gee bagle a mune. Hɛ gel waa haa de ɛ la dɔ tɔnɔ tɛ nomɛlbwa.
- 27** Nera baa de bol wobofala la, hɛ gel ba ɛ nera banɛ kɛɛ batoro gbo. A che kɛ ba bol kaa te dɔŋa, asɛ bel gee bagle a mun áse nera no ge waa bola.
- 28** Dɛ nomɛlbwa toole de won bagle wobofale la mun aa, amɔ te náate waa ira de fee bol waa la tɔ nyoa de so. Kɛ o ne Korowii ɛɛ bol waa o bambile bini.
- 29** Nera baa de ba Korowii Domadɛɛge kpegri ta chega de bol o waa la, hɛ gel ba ɛ banɛ ne batoro gbo, asɛ ba kar la so dɛɛ no ba be, dɛɛ pese waa la kɛɛdɛ.
- 30** Dɛ bel sogo Korowii Domadɛɛge baglo waane aa, a che kɛ naate waa de bol waa la tɛo bɔr ó bol.
- 31** Hɛ bwa ɛɛ bol Korowii waa beɲkpoɲa beɲkpoɲa áse a dɔ tɔnɔ tɛ he bwa, de do heyaa gbemba.
- 32** Nera Korowii Domadɛɛge aa tee ba kpegri bá bol o waa la, ba won ba te lawa,
- 33** dɛkalkɛɲɔ Korowii aa wesagasagare nyin. Deɲnesɔɔhnaa wɛɛ nyin. Gɛ baa de ɛ asɔrere ta bobelbwa laanee.
- 34** He de ɛ asɔre aa, hɛ gel haahna hel. A ta magɛ kenɔ baa bol waa bela. Gɛ Korowii Tɔn aa bagla la, hɛ ŋɔ ba be ŋɔ báa no he baala la be.
- 35** Dɛ haahna la de nyin waane bɔɔra aa, bá la dem mɔɔ de ka bɔɔ ba jaranar. A ta magɛ kenɔ haah bol waa asɔre dea bela.
- 36** He bee Korowii waa la che de ba naa? He gboo no waa la aa?
- 37** He banɔ la haa de bol ŋɔ he won Korowii kpegri ta chega de bol o waa la, kɛɛ he dɔ Korowii Domadɛɛge la la, hɛ jeme kenɔ waa maa chwera ba tɛ heyaa la ɛ Korowii mmara.

<sup>38</sup>Nomelbwa waa wola nyin keɲo o no la, hé gelo.

<sup>39</sup>Yabala, hé gel he sie begre hɛɛ nyin kpegri Korowii be áse de won kpɔ bol o wa, de be bano la baa de bol wobofala la ηwene tɔ.

<sup>40</sup>Hɛɛ ε wobelbwa ηwene aa magra ta de be wesagasagare deε ε.

## 1 Krent 15

<sup>1</sup>Yabala, hé gel n lii heyaa Amanesoma la n faa bola bagle heyaa ase he no de taa teɲe a ta,

<sup>2</sup>ase a le heyaa la wa. De yarada haa doo Amanesoma la ta la ε kpela, he ta an vɛɛh de kpoɲe a bini kerede ge maa bagle heyaa la te naa, amɔ te a le heyaa. De ge laa te naa, amɔ de he yarada la ε pɛɛpɛɛ.

<sup>3</sup>Ge Korowii aa bag me laanee n bagle heyaa la. O bagle waane aa ε wejena keɲo ge Yeesu aa koh ya wechɔga waa de sewe ge Korowii Tɔn aa bagle o waa mɔɔ a ε la.

<sup>4</sup>Ba hugo, ase a tɔpetooro wee la Korowii iru seo ta. Gee Korowii Tɔn bagle mɔɔ a ε.

<sup>5</sup>Pitaa tɔ sie nao, mɔɔ o habɔtenra fi de bane la bwa nao,

<sup>6</sup>mɔɔ o habɔɔ nera lafraanue la ge nao kerabenkpoɲ. Ba galga ta lole ba le fini, bane ge serewe.

<sup>7</sup>A habɔɔ la Jems nao, ase Yeesu toroma bwa nao.

<sup>8</sup>Menee ka mun nao. N do keɲo bechala o nya aa kpoɲe o tea o ta bee kerede mɔɔ ba lolɔ la.

<sup>9</sup>Menee Yeesu toroma la bwa bechala n waa aa wola hiaih. N ta cheε kwaraa ke ba yer me o torome, dekalke ge n faa hah asɔre tena de εε ba hɔhɔrɔwa la aa were.

<sup>10</sup>Ke Korowii sune n ne, de cha me. Chae waa cha me laanee gela n do ge maa doa no la. O suna waa sune n neε la ta pɛε εε. N iro, ase deε ε o toma la kohona hale de gwaa n bala kwara. N gbagba kpegri ne laa mee ε toma no. Korowiirii sune n neε de cha me, ase mee εa ge la.

<sup>11</sup>De menee bol Amanesoma la bagle heyaa o, nera baneε yoo, webenkpɔɲii ya bwa εε bagle, anee he gee yarada.

<sup>12</sup>De ya bagle Yeesu Kristo waa ηɔ Korowiirii iru seo ta naa, ereε he bini bane bere deε ηɔ Korowii aa neraa ir seo ta noɔ?

<sup>13</sup>De Korowii aa neraa ir seo ta naa, amɔ te Yeesu gba ta seo ta ire.

<sup>14</sup>De Korowii ta Yeesu Kristo ire seo ta te naa, amɔ te waa yaa de bagle heyaa la, ne yarada haa de yarada Yeesu Kristo la bwa ε pɛɛpɛɛ.

<sup>15</sup>De gee te naa, amɔ te Korowii dansee yaa de di la ta kasintenε εε, dekalkeɲo ya de bagle heyaa ηɔ Korowiirii ir Yeesu le seo ta. De nera aa seo taa ir te naa, amɔ ya teɲe nyosone.

- <sup>16</sup>De nera aa seo taa ir aa, amò te Korowii ta on ire seo ta.
- <sup>17</sup>De Korowii ta Yeesu Kristo ire seo ta naa, amò te he de yaradao pèpèè, de he wechòga ta lò he nè.
- <sup>18</sup>A berò dèè bagle kèṅò nera ba faa de yarada Yeesu Kristo mòò de serewe la, Korowii aa ban le.
- <sup>19</sup>De ya soga yaa soga nò gbo taa ya dò hwèga Yeesu Kristo be naa, amò te ya waa sum gwaa nera bwa wa.
- <sup>20</sup>Ke ge laa a do. Korowiirii ir Yeesu Kristo seo ta. Onee tò sie ir seo ta nera baa serewa la nèè mòò ba ge baa ir.
- <sup>21</sup>Nembenkponjii ba seo ne. Nembenkponj gee ba seo ta ira ne.
- <sup>22</sup>Ya ne Adam bwa aa è benkponj la waa yaa serewe la. Gee a do ya banò la ge ne Yeesu Kristo aa è benkponj la èè ir seo taa de dò mkpa.
- <sup>23</sup>Ke ya bwa ne ya tòperaa ya ir. Yeesu Kristoo tò sie ir mòò, áse ya banò la ya ne waa è benkponj la ge ir ge saṅ waa ba ja la,
- <sup>24</sup>ase mòò wobelbwa ba a jaga. A taa Yeesu Kristo dò kpegri de pò konchòga aa bea yaa wola an na bwa soosiwi nè, de kpò kora la do o Mèè Korowii nòn ta ó di.
- <sup>25</sup>Yeesu Kristo che kèṅò o di kpegri komelbwa waa lò hare nò ta nèè ka tel kèṅò waa pò o dòma bwa nè.
- <sup>26</sup>De o baa pò ba bwa nèè tonaa, o dòm muṅkaa waa pò o nèè laanee seo.
- <sup>27</sup>Ba chwere Korowii Tòn bini ṅò, "Korowii gelò o dò komelbwa kpegri." De ba ṅò, "O gelò o dò komelbwa kpegri" aa, a ta bagle kèṅò o dò o Korowii waa dò kpegri la de kpò tèo o di la ge kpegri.
- <sup>28</sup>De Korowii baa è ge tonaa, o Bie gee kpò o tenee do o Mèè Korowii waa kpò komelbwa kpegri tèo la lòga, ase Korowii gbo è kpegri bwa dòò.
- <sup>29</sup>Nera bane chege lala naa ta de gel baa sò ba Korowii ne. Bòkwa waa baa è ge nòò? De lala aa seo taa ir aa, bòkwa waa gela ba gel ba è ge dèè tèè baò?
- <sup>30</sup>Bòkwa waa ya gee jo siswem waa ta saṅ belbwa nòò?
- <sup>31</sup>Yabala, kpelaa mèè ṅò, de maa siswem ta jo tòpere belbwa naa, amò te de n laa yon dèè kpèè heyaa ya Dòò Yeesu Kristo nèè teṅa ta la.
- <sup>32</sup>Ge nera faa èè mè Èfesos la do kèṅò n ne kpòg bini olchòga aa yoa ken. De hare nò ta waa gbo waa n ne ba yo aa, bòkwa tònòò n dò a ta nò? De nera aa seo taa iraa, ya fe èè ṅòò hé gel ya ir de di kwaa de le sie, dekalkèṅò tòpebel yaa sewòò.
- <sup>33</sup>He be gel nera èè negre heya. Danchòge kpòè de chòg dadèège.
- <sup>34</sup>Anomanta hé ir de gel he sie chò hare hèè è kerèdè, de be wechòga dèè è. He bini bane aa Korowii waa jeme kerèdè. A ta sihih èè tè heya aa?

- 35 He bini bel ɛ bɔ̄roo ŋɔ, "Ɛrɛ lala ɛ ba wona ir seo ta nɔ? Ɛrɛ ba bwara ɛ ba doe yɔ?"
- 36 Gene! Komelbwa haa du la, o de pɔh mɔɔ de le.
- 37 Komelbwa haa du la, de mea yoo, kon waa dɔ bii yoo, o papooni laa hɛɛ du. O bii hɛɛ du, ase o yon ɛ papooni de le baŋ.
- 38 Korowiirii deɛ begra ge a bwa soosiwi aa doa ge waa de nyin.
- 39 Bwadabii bwa ta beŋkpoŋ ɛɛ. A bwa ne a soosiwii. Nɛwenyini bwadabii kore ola kwaa ta. Ase peŋa ge kwaa kore jumbii kwaa ta.
- 40 Korowii doa kwaa lole, ase hare ta ge kwaa do le, ke a wer kore dɔŋa ta.
- 41 Wee wer kore korobie wer ta. Weweela ge wer korɔ. Hale weweela bini kwara, ane de chaah gwaa ane.
- 42 Gɛɛ nera seo ta ira ɛ ba doe. Bwadabii yaa dɔa nɔ, de ya baa serewe aa, o bwa ɛ chɔgoo, ke bwadabii yaa dɔ de ir seo ta la, o te aa chɔg bwa.
- 43 Bwadabii yaa dɔa mɔɔ de serewe la ɛ chɔgoo. O ɛ kompeɛ baa hugo, ke Korowii ɛ leo seo taa ase o ɛ kondɛge. Kon baa hugo la aa kpegri belbwa dɔ, ke Korowii ɛ iruu ase o do kpegri.
- 44 Bwadabii yaa dɔɔ hare nɔ ta laanee baa ba huga, ke onɔ la Korowii aa de ba ira seo ta la te ɛ korɔɔ. Ge hare nɔ ta bwadabii aa lole la, gɛɛ Korowii doa kon ge do le.
- 45 Ba chwero do Korowii Tɔn bini ŋɔ, "Korowii ta nenlogle, de yero Adam, ase o do mkpa de do le." Ke muŋkaa Adam la te ɛ Korowii doa nen deɛ te mkpa. Onee Yeesu Kristo.
- 46 Korowii doa bwadabii laa ya tɔ sie dɔ. Hare nɔ ta konee ya tɔ sie dɔ mɔɔ de do Korowii doa kon la.
- 47 Nenlogle la, ba mao tee ne o ɛ hare nen. Ase nɛte la ge le nyundua.
- 48 Ge onɔ la baa mao tee ne faa doa la, gɛɛ o nera ge do. Ase ge onɔ la waa le nyundua aa doa la, gɛɛ o ge nera do.
- 49 Ge yaa le onɔ la waa le hare nɔ ta la, gɛɛ yaa ba onɔ la waa le nyundua la ge lee.
- 50 Yabala, hɛ gel n ŋɔ he be, hare nɔ ta bwadabii aa won la Korowii be. Kon waa de pɔh la ne onɔ la waa wola pɔh aa won pe.
- 51 Hɛɛ no, mɛɛ bagle heyaa wesɔhle belee. Ya bwa laa deɛ ba serewa. Hale de ya serewɔ oo, ya ta serewoo, Korowii ɛ begre ya bwa bwadabii kerabenkpoŋii.
- 52 Aa ɛo wɔrobe nɛɛ kilo, ge saŋ Korowii bela aa ba si de bagle waa bwa jaga la. De o sio waa, Korowii ɛ ir serewa laanee seo ta ase ba dɔ bwadabii waa wola pɔh, de begre ya banɔ la yaa wola sewe de ta so le la bwara,



<sup>53</sup>dekalkenɔ a ɛ kpela kenɔ bwadabii waa wola pɔh la che kenɔ o chig onɔ la waa de pɔh la naa ta. A che kenɔ bwadabii waa wola sewe la chig onɔ la waa de sewe la naa ta.

<sup>54</sup>De onɔ la waa wola sewe, waa wola pɔh la baa chig onɔ la waa de sewe de pɔh la naa ta naa, belaa waa baa chwera do Korowii Tɔn bini la ɛɛ ba kpela ɛɛ. Ba chwero ŋɔ, "O kpɔ kpegri pɔ seo ne."

<sup>55</sup>"Seo, lee he kpegri dɔɔ jaɔ? Eɛɛ hɛɛ ba ɛɛ de won de do yaa weweele ta nɔ?"

<sup>56</sup>Wechɔgaa gela seo ɛɛ do yaa weweele ta. Mmara yaa wola o ta teŋe la ge gelo seo do kpegri ya ne.

<sup>57</sup>Korowii che jam kohona. O te yaa kpegri de le ya Dɔɔ Yeesu Kristo be áse ya pɔ seo ne.

<sup>58</sup>Anomanta, yabala maa de nyin he wa, hé lawe waa la bini kinɔɔ de be gel wobelbwa ha heyaa ase he bere habɔɔ. Hé lawe ya Dɔɔ toma bini bambile bwa ne, dekalkenɔ he koeh aa pɛɛ ɛɛ ba.

## 1 Krent 16

<sup>1</sup>A ka suuga yaa de nyin ya ta te Korowii nera la. Héɛ ɛ ge n faa ŋɔ asɔre tena baa lo Galaasia hare ta be ŋɔ báa ɛ la.

<sup>2</sup>Kwasiara belbwa, hé bini belbwa ɛɛ kpɔ suuga, ge belbwa waa wona de le anɔ la Korowii aa chao o do la ta, de kpɔ cheg. Héɛ ɛ ge, ase n balaa, he be suuga de ta kpa.

<sup>3</sup>De n balaa, mee chwere tɔnee de kpɔ te nera haa de yarada ba, de tom ba bá kpɔ a ne kwaa haa te Korowii nera la la Jerusalem.

<sup>4</sup>De a che ke n ne ba la naa, mee tɔ ba siee ya la.

<sup>5</sup>N de nyin kenɔ n la Makidoonia hare ta. De n baa le bela aa, mee ba he bee,

<sup>6</sup>de ba so he be de bigri tama. N ken ɛɛ so he bee alalawo saŋ, áse alalawo saŋ kaa mɔɔ he ta me ŋwene n kaa bela bwa maa de nyin.

<sup>7</sup>De n ŋɔ mee ba na heyaa tarakenii yaa, maa won bigri he be. Ke de Korowii seoh n ba won ba naa, mee bigri he bee.

<sup>8</sup>Mee so Efesos bonɔɔ ka tel kenɔ tɔpejen Pentekɔs la aa tel,

<sup>9</sup>dekalkenɔ n do bɔr bonɔ de won ɛ Korowii toma kohona ase a le tɔnɔ de teo. Nera baa de nyin ba tɔ n toma ŋwene la warɔ te.

<sup>10</sup>Timoti ba he be naa, hé leo kerede áse o sie le. Korowii toma maa de ɛ la, anee o gee ɛ.

<sup>11</sup>Anomanta he be o sie lawe tege hare. Hé doo ŋwene áse o kpɔ bambisɔhna de bere ba n be. N de nyini o ne yabala la ŋwene.

- 12**N soje ya dɔŋ Apolos ŋɔ o ja yabala la nɛɛ ba ba he be, kɛ a ta o som doe kɛ ɔ la bela taraken. Dɛ o baa dɔ bɔr aa, wɛɛ bao.
- 13**Hɛɛ nyɛŋi he te kɛrɛdɛ ase dɛ ta lawɛ waa la bini kiŋkiŋ. Hɛ dɔ bambile ase dɛ gel lawa haa lawɛ waa la bini la do kpegri.
- 14**Hɛ kpɔ nennyin dɛɛ ɛ wobɛlbwa dɛɛ tɛ nɛra.
- 15**Yabala, he jemɔ kɛŋɔ Stɛfanas ne o dem tenaa tɔ sie yarada Yeesu waa la Akaaya hare nera la bwa bini dɛ kpɔ ba te tɛo dɛ swɛɛ siwi dɛ ɛ toma dɛɛ tɛ Korowii nera.
- 16**Anomanta n dɛ soje heya, hɛɛ no nomɛlbwa waa do ken ne nera baa ja ba nɛɛ dɛɛ koh toma nɔ ta la deŋna wa.
- 17**Stɛfanas ne Fɔtonaatos ne Akaikus balɔ, ase a do n som taeh, dekalkeŋɔ he gbabir ta wone ba áse n na heya, kɛ ba chig he naa ta dɛ ba,
- 18**dɛ ba do mɛ gbemba taeh, dɛ do he ge gbemba. Hɛɛ duu nera baa do ken nɔ.
- 19**Asɔre tena baa lɔ Eesia hare la dɛ na heyaa taeh. Akwela ne Presela ne asɔre tena baa dɛ cheme ba dem la ge dɛ na heyaa Yeesu sɔn ta.
- 20**Yabala bwa baa lɔ bonɔ dɛ na heya. Hɛɛ lea dɔŋa kɛrɛdɛ kɛŋɔ nyabii.
- 21**Men Pɔɔl gbagbaa bol waa nɔ ba chwerɛ, ase n gbabir ge chwerɛ anɔ aa kaa nɔ. N dɛ na heya.
- 22**Nomɛlbwa waa wola ya Dɔɔ nyin la, Korowii nyotaahna lɔ o nɛ. Ya Dɔɔ, ba!
- 23**Yá Dɔɔ Yeesu Kristo cha heya.
- 24**He nera he ne Yeesu Kristo aa pɛa la, n dɛ na heyaa n bambile bwa ne. Amen.

## 2 Krent

### 2 Krent 1

<sup>1</sup>Men Pɔɔl aa too Korowii tea ase o lee me ɲɔ́ n̄ ε Yeesu Kristo torome la, n ne ya dɔɲ Timotii chwere tɔn nɔ. Ya chwere dɛɛ tɛ asɔre tena baa dɛ tome Korowii Kɔrent, ne Korowii nera bwa baa lo Akaaya hare ta.

<sup>2</sup>Ŋ Naa Korowii ne ya Doo Yeesu Kristo cha heya, dɛ tɛ heyaa bosooɲna.

<sup>3</sup>Hé gel ya jam ya Doo Yeesu Kristo Mɛɛ Korowii. Onee ya Mɛɛ waa dɛ sune ya nɛɛ kohona, dɛ ε Korowii waa wona dɛɛ larawe nen bwara.

<sup>4</sup>On dɛɛ larawe ya bwara ya wenaale bwa ta, áse ya ge won che bambisooɲna waa tɛ yaa la ta dɛɛ larawe yabala baa lo wenaale belbwa soosiwi ta la bwara.

<sup>5</sup>Ge yaa ja Yeesu nɛɛ dɛ na wahala kohona la, ge tentenee a che o nɛɛ ya do bolarawa ge kohona.

<sup>6</sup>Dɛ ya dɛ na wahala aa, he chae waa yaa naa áse dɛ won larawe he bwara, ase Korowii won le heya. Dɛ Korowii berɔ larawe ya bwara ge aa, dɛ he chae waa o ε ge, áse ya won cha heya, he won lawɛ bambile ge san̄ haa ba na ya wahala yaa naa la dɔɲ la.

<sup>7</sup>Anomanta, ya hwega yaa doa he nɛɛ la aa pɛɛ ɛ ba, dekalkeɲɔ ge haa dɛ na ya wahala la dɔɲ nɔ, geɛ hɛɛ ba ya bolarawa Korowii aa ba tɛ yaa la ane dɔɛ.

<sup>8</sup>Yabalawa, ya dɛ nyin he jeme wahala yaa naa Eesia hare la wa. Dɛ a kan dɛ gwaa ya nɛɛ kohona. Dɛ yaa lii keɲɔ yaa le a nyoa bokpega binii.

<sup>9</sup>Ya te fe jemɔ keɲɔ yaa sewoo, ke ya ta sewɛ. Korowiirii ɛa ge ase ya be ya gbagba bokpega ta dɛɛ hwegɛ, ase dɛ kpɔ hwega do on waa dɛ ir nera seo ta la nɛ.

<sup>10</sup>O le yaa le siswem a fe aa che ke ya sewɛ a ta la ta. O ta dɛ le yaa. Ya kpɔ ya sie dawɛ o nɛɛ keɲɔ wɛɛ teɲɔ dɛɛ le yaa.

<sup>11</sup>Hé cha yaa dɛɛ soɲɛ Korowii, ase dɛ o baa no he wesɔɲa dɛ cha yaa aa, nera won kpɔ jam teo pirim dɛ tɛ yaa keɲɔ waa no nendamanta wesɔɲa baa soɲa tɛ yaa la.

<sup>12</sup>Webenkponii gela ya baɲa pa. Anee keɲɔ yaa wonoo ɲɔ bambile bwa ne keɲɔ wobɛlbwa yaa ɛa hare bonɔ la, tepon̄ ne bambile bwa nee ya ɛa Korowii ɲwene ta, a laa ke waa yaa ɛa he be la. Korowiirii sune ya nɛɛ dɛ cha yaa ya ɛa. Hare bonɔ wejema ne laa ya ɛa.

<sup>13</sup>Waa yaa chwere heyaa ase he kure dɛ no a mun la, anee ya chwere. Wobɛlbwa toole a bini he no a mun kahone.

<sup>14</sup>Taraken haa jeme ya waa tama nɔ, n dɛ lii keɲɔ hɛɛ jeme ya waa bwaa, áse awola ya Doo Yeesu Kristo aa ba la, he baɲa pa ya waa keɲɔ ya baɲa aa pa he waa la.

<sup>15</sup>Maa jeme he waa ken la, a waa n faa ε ke mɛɛ ba cha heyaa kera anɛ bwaa la.

<sup>16</sup>N fa εo ke n Makidoonia hare kaala ta la, n kpɔ he be, ase n le bela dεe ba ge aa, n ba so he be tama, ase he ta me nwenε n kaa Judia hare.

<sup>17</sup>Maa lii ken la, dε n le nen o liire aa dε εo aahna-aahna keε? N dε magle magla aa, n gbo kerεdεe mee nyiŋi keŋɔ newenyina aa dε ε, ase a wer te me naa, n nɔ ɔɔh, ase bug ta n berɔ na ke aa were te me naa, n nɔ ɔɔh keε?

<sup>18</sup>N nyoa maa bage heyaa la, aahna-aahna toole a ta. A ε kasintεŋ keŋɔ Korowii wa aa ε kasintεŋ nyosone aa wola toole a ta la.

<sup>19</sup>Korowii Bie Yeesu Kristo la n ne Silvanos ne Timoti aa bagle o waa he be la do kasintεŋ. O ta dɔe keŋɔ o nɔ ɔɔh, dε berε le habɔɔ dε nɔ ɔɔhɔ. O te bol wa aa, dε o bolɔ.

<sup>20</sup>Nyoo bwa Korowii aa бага la, Yeesu neε ya che dε jeme ke a ε kasintεŋ. O waa ya won Aamen la sii, ase Korowii won do son.

<sup>21</sup>Korowiirii gela ya ne he bwa won lawε Yeesu Kristo neε teŋa la kpoŋe kerεdε, dε le yaa te o toma,

<sup>22</sup>dε do yaa nso aa bagle ke onee do yaa, dε te yaa o Domadεεge la weε so ya ne, ase ya che a ta dε jeme waa bwa waa εa cheg yaa.

<sup>23</sup>Korowii waa jeme n nyu bini bwa la, onee n dansee te waa nɔ ta. N faa wola Kɔrent bale la, maa nyin ke n ba chegre heyaa he wechɔga waa ase he bambile chɔg, a waa n ta bale.

<sup>24</sup>Kpegri laa yaa bagle heyaa he Korowii yaradae ta. Yaa ge lii kwaraa. Ya jemo ke he chegɔ kiŋkiŋ he yarada ta. Ya dε nyin ke ya cha heyaa ase he sie le.

## 2 Krent 2

<sup>1</sup>Anomanta, n ε n liire keŋɔ maa he bee ba ase dε ba gel he tea bini chɔg kpa.

<sup>2</sup>N gelɔ he tea bini chɔg aa, umee dε lar me bwara jaɔ? Nen toole, nemene he tenten maa chɔg he tea bini la.

<sup>3</sup>A waa n chwere heyaa tɔn la la. Dε maa nyin ke he nera haa che ke he gel n sie le la, n ba he be ase he berε ba εε me tebinichɔg wa, dekalkεŋɔ n jeme he bwa waa ke n silεε he silεε.

<sup>4</sup>Tɔn la n faa chwere heyaa la, dε a dε we n neε taeh, ase n tea bini chɔg mee wi siniire dεε chwero. N fa ta on chwere dε gel he tea bini chɔg, ke n chwero ase he na ge del maa dε nyin he bwa.

<sup>5</sup>Nen o faa ba tebinichɔg ne la, n gbo tea bini laa o chɔg. He bwa tea binii o chɔg nwenε bel ta. Maa nyin ke n do naate siswem, a waa n bola ken la.

<sup>6</sup>Ge he kerεdε nyoa aa peε he ter naate deŋne nɔ, a magrɔ. He be ane ε ja kpa.

<sup>7</sup>A che ke he kpɔ o wechɔga keo name, dεε doo gbemba. Ge laa, o tea bini chɔgɔ kohona aa, weε horɔɔ.

- <sup>8</sup>Anomanta, n de soŋe heyaa keŋo he gel o jeme keŋo he de nyinu kohona.
- <sup>9</sup>Maa de nyin keŋo n ε heyaa de na keŋo hee no n waa ta wobelbwa taa kee haa no la, a waa n chwere heyaa ton la la.
- <sup>10</sup>Nomelbwa haa kpɔ o wechɔga keo la, n ge kpɔ keo. Nomel ee me waane a che ke n kpɔ keo waa, n koh he waa de kpɔ keo Yeesu Kristo siwi ta,
- <sup>11</sup>ase Bonsam be nwenε ba do de chɔg ya wa, dekalkenɔ ya jeme o nwenere waa kpɔa dee negre nen.
- <sup>12</sup>Maa baa tel Troas nɔ n bol Yeesu Kristo Amanesoma la la, n nao keŋo ya Doo pili nwenε te me ke n ε toma bela.
- <sup>13</sup>Ke maa wola ya doŋ Taetos ka pue bela la, n baah ta men soohne. Anomanta n kal bela tena de kaa Makidoonia hare.
- <sup>14</sup>Korowii jam ke waa chege ya Doo Yeesu Kristo nee de gel ya yo dee le no. Korowii chege ya nee de gel nera ee no Yeesu Kristo waa la bobelbwa keŋo konsɔhsoma sooh aa de le nomelbwa ee no la.
- <sup>15</sup>Yeesu Kristo gelo ya ε konsɔhsoma Korowii be, ase nera Korowii aa de lee ba, ne bano la baa nyogre nwenε dee ba chɔga ta bwa ee no ya sooh.
- <sup>16</sup>Bano la baa de nyogre la ee no sooh laanee de serewe, ase bano la Korowii aa de lee ba la ge no de do mkpa. Umee de won ε ge toma no no?
- <sup>17</sup>Nera keredε kpɔ Korowii waa la bere bona dii de yog dee di. Ba laa yan. Korowiirii te yaa waa no nɔ yaa bola, ase yaa bola o siwi ta bambile bwa ne, pee ya ne Yeesu Kristo aa pea la nomanta.

## 2 Krent 3

- <sup>1</sup>Yaa de nɔ ken no, kpεeraa yaa kpεe ya te ja kee? A hiaoh keŋo ya kpoŋe tone aa bagle ya nensoo ne ge ya toma aa doa moɔ he le yaa aa? Kee a hiaoh ke ya do ane le he be ase nera won yarada yaa aa?
- <sup>2</sup>He gbagbaa ya ton waa de bagle tondεga yaa εa. Ya bambile taa Korowii chwere, ase nomelbwa na heyaa dee pese heyaa keŋo nen aa de kure ton la.
- <sup>3</sup>He we-εela de bagle keŋo he ε Yeesu Kristo ton waa chege ya nee de chwere. Inki ne laa o chwerɔ, Korowii waa lole san belbwa la Domadεgee o kpɔ chwerɔ. Bwe ta laa o chwerɔ, bambile taa o chwerɔ.
- <sup>4</sup>Ya won ge bola, dekalkenɔ ya chege Yeesu Kristo nee dee yarada Korowii a ge waa no ta.
- <sup>5</sup>A ta ee keŋo ya de lii keŋo ya won waane ee ya gbagba kpegri ta. Korowii bee ya do kpegri dee ε ano la bwa yaa de ε.

<sup>6</sup>Korowii gelɔ ya won dɛɛ ɛ o fɔofale la toma. A gɛ fɔofale nɔ ta mmara baa chwera waa ɛɛ, Korowii Domadɛɛge waa. Mmara baa chwera la dɛ ba seo ne, kɛ Korowii Domadɛɛge la te dɛ ba mkpa ne.

<sup>7</sup>Bwe taa Korowii faa chwere Mosis Mmara la dawɛ. Bela Korowii aa kpɔ Mmara la tɛ Mosis la, Korowii jirima ba bela, bela bwa chaah, dɛ chaah Mosis nɛɛ o sie bɔr ɛɛ nyegle. Mosis aa la Israel tena be la, dɛ nyegla o sie bɔr aa dɛ nyegle la nyoa sɔɔhɔ tone. Kɛ Israel tena aa nao la, ba nɔ o sie bɔr dɛ nyegle kohona to, ba ta wone nyiɲu. Mosis Mmara kwara waa dɛ la nen ne seo ta la wono ba jirima nɔ dɔɲ ne naa,

<sup>8</sup>dɛ ɛrɛɛ Korowii Domadɛɛge la wa ɛɛ ba doe yɔ? Aa gɛɛ gwaa laa?

<sup>9</sup>Waa aa gela nera ɛɛ di bolchɔge Korowii sie la dɔ jirima ken aa, dɛ anɔ la aa gela nera ɛ nendɛɛga ba wa ɛɛ su o siwi la, ɛrɛɛ a jirima ɛɛ ba doe yɔ?

<sup>10</sup>Waa a faa dɔ jirima kohona la, taraken a ta jirima dɔɛ kpa, dekalkɛɲɔ anfala jirima tɔɔge a nɛ.

<sup>11</sup>Waa aa ɛa tɔpera anɛ dɛ tone la, dɛ a dɔ jirima aa, dɛ anɔ la aa wola jaga dɔɛ bwa la, a jirima ta gwaalaa?

<sup>12</sup>Ya dɔ hwega gɛ waa nɔ ta, anomanta yaa ɔmɛ.

<sup>13</sup>Ya ta do kɛ Mosis o faa wola nyin kɛ Israel tena na kɛɲɔ o sie bɔr nyegla nyoa dɛ sɔɔh, dɛ koh a waa kpɔ yachaahne tɔ sie la.

<sup>14</sup>Israel tena faa waa la mun no. Taraken gba, gɛɛ ba ta do. Baa dɛ kure fɔobene la waa la, a ta do kɛ baa kpɔ yachaahne tɔ ba sie. Ba ta Yeesu Kristo waa lɛɛ yaa, yachaahne la aa ba sie lee ba.

<sup>15</sup>Hale fini gba, saɲ belbwa ba dɛ kure Mosis Mmara Tɔn aa, a ta do kɛ yachaahne aa tɔ ba liire, dɛ gel baa a mun no.

<sup>16</sup>Kɛ, saɲ belbwa newenyini aa chare o liire dɛ bere ba Yeesu be la, yachaahne la ɛɛ leo.

<sup>17</sup>Ya Dɔɔ Yeesuu Domadɛɛge la. Bobelbwa ge o Domadɛɛge la aa lole la, nomelbwa dɔ o te, o toole Mmara lɔga.

<sup>18</sup>Anomanta, komelbwa ta ya te sie tɔɛ. Ya Dɔɔ Yeesu jirima chaah ya nɛ, dɛɛ begre yaa ase yaa do gɛ waa doa, jirima yaa dɔa la ɛɛ ja. Ya Dɔɔ Yeesu waa ɛ Domadɛɛge la bee a bwa le.

## 2 Krent 4

<sup>1</sup>Korowiirii sune ya nɛɛ dɛ te yaa toma nɔ, anomanta ya bwara aa yaa hwah.

<sup>2</sup>Ya gel waa baa ɛa dɛɛ sɔh ne sihihwaa belbwa. Yaa nera negre, yaa Korowii waa yaa dɛ bagle la sie bere. Kasintɛɲ torodoo yaa di Korowii sie. A taa ya che dɛ gel nera ɛɛ jeme ya da.

- <sup>3</sup>Yeesu Kristo Amanesoma nɔ yaa dɛ bol nɔ, dɛ a sɔh kwaraa naa, dɛ nera baa dɛ nyogre la bee a sɔh.
- <sup>4</sup>Bɔnsam baa dɛ maŋkuraɔ hare nɔ ta keŋɔ Korowii la, o chɔg nera baa wola Yeesu yarada la liire. Waa nyin keŋɔ Amanesoma nii aa le Yeesu Kristo o wa aa dɔ jirima kohona be la chaah ba. Yeesu do gɛ Korowii aa doa.
- <sup>5</sup>Ya gbagba waa laa yaa bagle nera nɔ. Yeesu Kristo waa yaa bagle keŋɔ onee komɛlbwa Dɔɔ, dɛɛ bagle keŋɔ o nomanta, he bonɔnaa yan.
- <sup>6</sup>Korowii waa pere bochaah le biro ta, dɛ gel bɔr chaah la, onee gela o nii chaah ya bambile ne ya sie, aɛɛ ya won jeme gɛ o jirima yaa naa Yeesu be la aa doa.
- <sup>7</sup>Waa nɔ bwa yaa jema nɔ do keŋɔ baa kpɔ kondɛɛga do viine bini la. Yanee viine la. Yaa kpege, kɛ Korowii kpɔ o toma tɛ yaa aɛɛ yaa ɛ. O ɛ gɛ dɛ won bagle keŋɔ kpegri aa gwaa kpegri bwa la le o be. Ya be laa a le.
- <sup>8</sup>Nera dɛ ha yaa kohona, kɛ baa ya nɛɛ pɔ. Waa dɛ hiah yaa ya nyinji gɛ yaa ɛ kahonɛ, kɛ ya bwara aa yɔr, yaa gel.
- <sup>9</sup>Nera chege ya nɛ, kɛ Korowii te ta ya habɔɔ leɛ. Ba go yaa bil te, kɛ ba ta wone kpo yaa.
- <sup>10</sup>Wenaale nɔ yaa dɛ na nɔ dɛ bagle kɛ ya sɔh kɛ yaa sewɛ Yeesu seo la dɔŋɛ, áɛɛ nera na dɛ jeme kɛ ya dɔ o mkpa la.
- <sup>11</sup>Yaa soge le nɔ, Yeesu nomanta saŋ belbwaa ya so seo nyoa, áɛɛ nera na o mkpa ya bwadabii waa won sewa nɔ aa dɔa.
- <sup>12</sup>Anomanta a kaa ɛ kɛ ya te dɛ sewɛ, aɛɛ he te ɛɛ dɔ mkpa dɛ le ya seo la ta.
- <sup>13</sup>Ba chwero do Korowii Tɔn bini ŋɔ, "Maa yaradaa waa n bol." Gɛɛ ya gee yarada. Yaa yaradaa waa yaa bol.
- <sup>14</sup>Ya jemɔ keŋɔ Korowii waa ir ya Dɔɔ Yeesu seo ta la, onee dɛɛ ba ya banɔ la ya ne Yeesu aa pɛa la seo ta ira, dɛ kpɔ ya ne heyaa kaa o be.
- <sup>15</sup>He waa Korowii ɛ anɔ bwa. Waraa nera Korowii aa na ba sum den na dɛɛ ware. Baa kpɔ jam kohonaa tɛ Korowii áɛɛ o dɔ jirima.
- <sup>16</sup>Ken nɔ nomanta, bɔhwaah aa yaa lawɛ. Tɔ aa dɛ per nɔ bwaa ya bwadabii gwɛgre dɛɛ la. Kɛ ya bini te la, kpegrii ya yarada do dɛɛ la.
- <sup>17</sup>Wahala tama nɔ yaa dɛ na tɔpera anɛ bel nɔ ɛɛ geloo ya dɔ jirima aa wola jaga dɔɛ, aɛɛ a gwaa wahala nɔ kwaraa ken.
- <sup>18</sup>Kwaa baa dɛ naa siwi ne la ta laa ya te sie dawɛ. Anɔ la baa wola an na la taa ya sie dawɛ. Kwaa baa dɛ naa la te, tɔpera anɛ beleɛ aa di. Aɛɛ anɔ la baa wola an na ge la, a ta jaga dɔɛ bwa.

## 2 Krent 5



- <sup>1</sup>Ya hare nɔ ta bwadabii nɔ do ke pata ya do o ta. Ya jemɔ ke de o chɔgaa, Korowii eε te yaa defale o gbagba aa doa waa wola chɔg bwa nyunduaa.
- <sup>2</sup>Ya bwadabii nɔ te pe yaa. Ya sie chege chij yaa hime, deε nyin keɲo Korowii kpɔ ya Korowii doa bwadabii la do yaa,
- <sup>3</sup>ase ya be bwadabii nya.
- <sup>4</sup>Ya taa lo ya bwadabii aa do ke patare ta nɔ, ya bwara de nyeg, yaa hime. Ya bwadabii nɔ kpɔe de le ya nee waa laa dena swεε ya siwi. Ya Korowii doa bwadabii la doe waa swεε ya siwi kohona, ase o chig bwadabii waa won sewa nɔ naa ta ya do mkpa.
- <sup>5</sup>Korowiirii cheg ge waa nɔ te yaa, de kpɔ o Domadeεge te yaa a bagle keɲo weε ba te yaa o mkpa laanee.
- <sup>6</sup>Anomanta ya bwara aa yaa hwah bwa. Ya jemɔ ke ya lo ya bwadabii nɔ bini naa, ya toole ya Doo be,
- <sup>7</sup>dekalkεɲo waa yaa de na la ne laa ya so. Waa yaa de yarada a waa la nee ya so.
- <sup>8</sup>Ya bwara aa yaa hwah tamaa belbwa. De ya gel ya bwadabii nɔ waa do ke dea nɔ de ka do ya Doo be naa, gee yaa nyin.
- <sup>9</sup>Anomanta, ya bwadabii nɔ binii ya do oo, ya Doo bee ya do oo, ya de nyin ya waa bwa won su o siwi,
- <sup>10</sup>dekalkεɲo ya bwa eε ba che Yeesu Kristo sie o bol ya waa de pa bole, ase belbwa do waa o faa lo mkpa ta deε e la kembɔr. De belbwa we-eela wer oo, aa were oo, weε do a kembɔree.
- <sup>11</sup>Yaa jeme ge Korowii aa do oma la waa ya bol waa deε bagle nera ase ba jeme kasintεɲ la la. Korowii jeme ya bambile bini bwa. N de lii keɲo he ge jeme ya nensoore he bambile bini.
- <sup>12</sup>Anɔ de bagle ke kpεeraa ya kpεε ya te deε bagle heyaa ja keε? Akai! Ya de nyin ya bagle heyaa waa ase he che a ta de won deε maɲkura yaa nera baa de chɔg yaa la be. Waa newenyina aa de naa laanee baa maɲkura. Baa nen bambile bini waa nyiɲi.
- <sup>13</sup>De ya nyu toole naa, Korowii waa a ba ge. Ya sie cho hare ge aa, he wesomee a ba ge.
- <sup>14</sup>Yeesu Kristo nyina waa de nyin yaa laanee deε do yaa ya we-eela bwa ta. Ge yaa naa laanee keɲo de nembεɲkpoɲ le nera bwa seo sewaa, a kaa chaa ke nera la bwa sewo.
- <sup>15</sup>O sewo te nera bwa. Anomanta nera baa soge le la ta che ke ba so ba gbagba soga kpa. Ba so te naate waa sewa tee ba ase Korowii iru seo ta la.
- <sup>16</sup>Anomanta, fini haboo, yaa nera nyiɲi ge newenyina aa de nyiɲ ba la. Ya fa de nyiɲi Yeesu Kristo gba ge, ke yaa on ge nyiɲi kpa.

<sup>17</sup>Nomelbwa o ne Yeesu Kristo aa pɛa la, o bere nenfale. O gel o webena o faa de ε la, de chare dafale.

<sup>18</sup>Korowiirii ε a bwa. Yeesu Kristo nɛɛ o che de kwaa ya ne o baah ya ne o pɛ, de te yaa toma nɔ ɲɔ yá nyin nera dɛɛ teo áse ba ne o baah kwaa bá won pɛ.

<sup>19</sup>Korowii chege Yeesu Kristo nɛɛ de kwaa o ne nɛwenyina baah de lag ba dɛɛ pel o te, waa wola ba wechɔga nyiɲe. Yanee o kpɔ o waa te ɲɔ yá bagle ge waa kwaa o ne ba baah de lag ba áse o ne ba pɛ.

<sup>20</sup>Taraken nɔ, Yeesu Kristoo tome yaa ɲɔ yá bol waa dɛɛ teo la. A kaa ε keɲɔ Korowiirii chege ya nɛɛ dɛɛ bol waa nera be la. Ya chege Yeesu Kristo naa ta dɛɛ soɲe heyaa keɲɔ hé gel he ne Korowii baah kwaa he pɛ.

<sup>21</sup>De wechɔga belbwa toole Yeesu Kristo nɛ, ke ya kerɛde nomanta, Korowii gelɔ o le ya wechɔga che, ase de ya ne o pɛo waa, ya waa won su Korowii siwi o le yaa ke nendeegaa yan.

## 2 Krent 6

<sup>1</sup>Ya ne Korowii bwa aa pɛa dɛɛ ε toma nɔ nɔ, ya de soɲe heyaa keɲɔ Korowii aa na he sum de cha heyaa nɔ, he be gel a ε pɛɛ.

<sup>2</sup>Korowii bolɔ ɲɔ, "Tɔpere aa tela keɲɔ n na he sum la, n no he be. N ta he chae vɛɛh awola la, n le heya." Hé no! Tɔpere telo keɲɔ he no Korowii be ó na he sum. Finii he lɛɛ tɔpere.

<sup>3</sup>Yaa nyin ke nomelbwa dɔ ya toma wechɔge belbwa de bol, anomanta waa aa gel nera lɔ naa la, yaa an kpɔɛ dɛɛ ε ba.

<sup>4</sup>Ya de ε ya wobɛlbwa ge aa che ke nera Korowii aa tom ba ε ε. Wekpega de pu yaa, ya lawɛ bambile dɛɛ so a ne. Ya de na bambiwɔrɔbe wa, a won yaa hiaih kohona. Ya de na sibegrewaa ge kerɛde.

<sup>5</sup>Ba de lɔɔ yaa, dɛɛ do yaa deene, de le gaeh ya nɛɛ dɛɛ ε yaa sagasaga. Ya de ε tomkpega dɛɛ koh. Tɔpɛbel yaa dom dɔɛ dɛɛ chɔ. Tɔpɛbel yaa kondikwaa dɔɛ dɛɛ di.

<sup>6</sup>Ya chege ya goron yaa doa la ta, ne Yeesu Kristo ɲwene la waa yaa jema, ne bambile yaa dɔa, ne ya tesom ta de bagle ke Korowii bonɔnaa yan. Ya chege Korowii Domadɛɛge la yaa dɔa, ne ge yaa nyin nera tea bwa ne,

<sup>7</sup>ne kasintɛɲ bola ta, ne Korowii kpegri waa kpɔa cha yaa ta dɛɛ bagle ke Korowii bonɔnaa yan. Waa aa de su Korowii siwi laanee ya dɔmkwa. A nee yaa yo dig ne gal ne, a nee yaa tɔ ya te gbemgbe.

<sup>8</sup>Bane de pena yaa, bane ε yoo yaa. Bane de chegre yaa, bane ε kpɛɛ yaa. Ba de yere yaa nyosontɛɲa, ke kasintɛɲ gee yaa bol.

<sup>9</sup>Baa yaa komelbwa yere, ke nera bwa ge jeme yaa. A fe che ke ya sewɛ, ke yan soge le la. Ba ε yaa hɔhɔrɔwa, ke ba ta yaa kpɔɛ.

<sup>10</sup>Ba de ε yaa tebinichog wa, ke san belbwa de ya lo silεε ta. Ya ε nyaara, ke ya won nera chae kohona. Ya ta komelbwa dεe, ke yan gee komelbwa.

<sup>11</sup>Yabala Korent tena, bambile bwa nee ya bol waa he be. Ya de nyin he waa taeh.

<sup>12</sup>Ya laa wola heyaa nyin, heyaa wola yaa nyin. Ya waa toole he bambile ta.

<sup>13</sup>N de bol waa no dεε bagle heyaa keηo n ne n bii ken. Ya de nyin heya, anomanta he ge ta tea dεε nyin yaa!

<sup>14</sup>He be gel he ne nera baa wola Korowii waa lee la pe de ε benkpon, dekalke darame belbwa toole wedεεga ne wechoga baah. Eεε bochaah ne biro εε ba wona pe a magre o?

<sup>15</sup>Yeesu Kristo ne Bonsam εε wonoo pe a magre aa? Nera baa yarada Yeesu Kristo ne banε la baa wola on yaradae aa won pe a magre!

<sup>16</sup>Voga εε wonoo che Korowii Dea a magre aa? Ya bwadabii noo Korowii waa lole san belbwa la dea. Anee Korowii gbabir bol la. O bolε ηo, "Mεε ba so n nera bee de do ba baah. Baa yer me ba Korowiirii, ase n ge yer ba n nera.

<sup>17</sup>Anomanta n bolε ηo, 'He le ba bini! He pere he te le ba neε kwara! He laa he te kpo waa te belbwa aa ε doηa waa ta, ase n le heya,

<sup>18</sup>de ε he Mεε, ase he ε n bii.' Men Nemene Korowiirii bola."

## 2 Krent 7

<sup>1</sup>N dandεεga, yanee Korowii bage a ge nyoa no bwa. Anomanta he gel ya do kai. Ya laa ya bwadabii ne ya bambile kpo wechoga belbwa ta. He gel ya swεε siwi de do goron, oma yaa de ome Korowii nomanta.

<sup>2</sup>He kpo he bambile te yaa dεε no ya wa. Ya ta he belbwa wechoga εε. Ya ta belbwa choge, ya ta belbwa negre di ge bwa.

<sup>3</sup>Waa maa bola no, pwaeh laa mεε pwah heya. Anee n faa bol la, ya de nyin heyaa taeh. Seo taa yoo, bokpega taa yoo, ya ne heyaa.

<sup>4</sup>He waa do kasinten n be. He gelo n banε εε pa taeh. Ya wenaale yaa de na bwa haboo la, n bwara ta hwaeh. N sie ta de le taeh.

<sup>5</sup>Yaa ba Makidonia hare ta haboo kwaraa la, ya bwara ta yaa soohne. Bobelbwa yaa kpo la, ya ne wahalaa. De yoi laa nera εε yo yaa kwara naa, de ya ne bambiworobaa.

<sup>6</sup>Ke Korowii aa de larawe tebinichog te bwara la nomanta, Taetos bala la gelo ya do bolarawa.

<sup>7</sup>O bala la gbo laa larawe ya bwara. O baa bagle ge waa baa na heyaa o gbabir bambile soohne he wa. O bolε ηo n waa de ε heya, de ηo waa n faa bola la gelo he tea bini chog. O bagle ge haa chege n haboo de yo dεε te me. Anomanta name kwaraa n sie le kohona.

<sup>8</sup>N faa chwere heyaa ton he tea bini chog la, a we n ne. Ke aa bere dee we n ne, dekalkenjo he tea bini ta choge la sie.

<sup>9</sup>Ke taraken te n sie leo. He tea bini aa choga waa laa n sie le. He tebinichog la aa gela he chare da la, a waa n sie le. Gee Korowii ee nyin ke newenyini tea bini ee chog. Anomanta, ya ta heyaa wechoge belbwa ee.

<sup>10</sup>Newenyini tea bini chogo ge Korowii aa de nyin ke wee e aa, a gelo wee chare o liire. A ge waa noo dee ba Korowii mkpa ne. Anomanta a ta che ke ya gel ya tea bini chog a ta. Ke hare bono tebinichog te, seo nee aa ba.

<sup>11</sup>Tebinichog Korowii aa de nyin he do laanee he do la. He na waa aa lea te heya. He na ge haa de takapo, ase he siwi swee hae nyin he bagle ke he ta wechoga ee. He na ge he bwaawee aa ir wechoga ta, he na ge haa de ome. A gelo he pela lawe yaa, ase he siwi swee waa aa togra ta. A gelo he siwi swee nera baa wola wedeega ee nee he ter ba dejne. He wono bagle ke he ta wechoga belbwa ee waa la ta.

<sup>12</sup>Maa chwere heyaa ton la la, a ta ee ke naate waa e o donj wechoga, kee naate o donj aa eo wechoga waa n chwero. Korowii gba nao ke n chwero ase he won jeme ge haa de nyin yaa.

<sup>13</sup>Anee larawe ya bwara. A gbo laa. Yaa na ge haa cha Taetos o do silae la, a gelo ya sie le.

<sup>14</sup>N fa bol he waa Taetos be, de kpee heya. He ta gele sihih kpo me. Waa yaa bol he be la bwa e kasintej. Gee waa yaa bol Taetos be de kpee heyaa la bwa e kasintej.

<sup>15</sup>O lii ge he bwa faa de no o waa ne ge he faa de teo duure dee e yalayala la aa, de o nyina waa de nyin heyaa la, de jae a na dee ja.

<sup>16</sup>N sie leo kohona kenjo maa do heyaa de won kpo hwega do he nee wobelbwa ta no.

## 2 Krent 8

<sup>1</sup>Yabalawa, ya de nyin he jeme ge Korowii aa sune Makidoonia asore tena nee de cha ba ba do bonya kohona.

<sup>2</sup>Ba na wahala kerede. A lole ke nyaaraa ban kohona, ke ba sie aa le Yeesu lee waa lee ba la ta kohona nomanta, ba wono ta suuga kohona ase ba kpo cha nera.

<sup>3</sup>Mee wonoo no ba ta tea te yaa kwaa ge ba bokpega aa tela, hale ba teo gwaa ba bokpega del kwara. Ba gbagba tetoora ba e ge, nen laa do ba.

<sup>4</sup>Ba gbagbaa soje yaa sibegra ne no ya gel ba ja nera baa de cha Korowii nera la ne.

<sup>5</sup>Ba e waa de gwaa ge ya te fe aa de lii. Ba to sie kpo ba te do N Naa Korowii non ta, mo de kpo ba te do ya ge non ta ge Korowii aa de nyin.

<sup>6</sup>Anomanta ya no Taetos be no tondæga no soo waa pa a mun la, o den ba choji a ta, ase de cha heyaa he e wedeega haa de e kwaa kee bor la ka tone.

<sup>7</sup>He de ε waa Yeesu waa bwa ta, yarada ta, waa bola ta, wejema ta, ne nyina haa de nyin nera chae ta, ne nyina haa de nyin yaa la ta. Anomanta ya de nyin ke hεε ε waa kwaa keε ge ta.

<sup>8</sup>N ta bole dεε bil a ε lao keɲo hεε ke. N de nyin n jeme keɲo he nennyin la ε nennyin kasintεɲ. A waa n bagle ge bane siwi aa swεε kwaa keε ta la.

<sup>9</sup>Ke he na ge ya Doo Yeesu Kristo aa sune ya nεε de cha yaa keε? He nao keɲo o fa do kwaa no bwa, de koh he waa de bere nya, ase a che o nyae ta he bere doɲna.

<sup>10</sup>Ge n te aa naa keɲo hε den tone waa haa pa a mun bena ken la. Heyaa to sie de bagle keɲo he de nyin nera chae.

<sup>11</sup>Hε swεε siwi de tone warane. Hε swεε siwi de tono ge haa vorowa la. Hε te ano la haa doa.

<sup>12</sup>De he bambile lawo ke hεε te suugaa yaa, ge bwa haa doa de te la, aa su Korowii siwii. Waa ɲo hε te gwaa ge haa doa.

<sup>13</sup>Koeh laa n laa dεε kpɔ bane nεε de kpɔ baa dawε he nε. Haa doa kohona taraken no, a wer keɲo he cha bano la aa kpega tεε ba. He ε ge naa, a baa do kpegri te heyaa ase ba ge do aa, baa cha heyaa. De he bwa kerεde.

<sup>15</sup>Anee ba chwεε Korowii Ton bini la: "Naate waa pa kondikwaa kohona la, kondikwaa ta o nεε gwaale. Naate waa wola kondikwaa pae kohona la, o ta kondikwaa nyae."

<sup>16</sup>Ya de jam Korowii kohona keɲo waa gela Taetos siwi swεε wεε cha heyaa keɲo ya siwi aa swεε he nεε la.

<sup>17</sup>Waa yaa ɲaa Tāetos ε la, o seoh ɲo wεε εo. De o siwi swεεro keɲo o cha heyaa, anomanta o tetoora a ba he be la.

<sup>18</sup>Ya doɲ la asore tena bwa aa de kpεero Amanesoma la bola ta la, o ne Taetosee yaa tome he be la.

<sup>19</sup>A gbo laa, asore tena la bwaa leo ɲo o ja ya nεε ya kpɔ koɲkeela no kaa Jerusalem ge aa ε ase ya Doo Yeesu do son. Ya de ε toma no de kpɔ dεε bagle keɲo ya de nyin Korowii nera chae.

<sup>20</sup>Ya de nyiɲi kerεde ase nomelbwa be waane ba do bol de le ge yaa de nyiɲi koɲkeela damanta no ta.

<sup>21</sup>Waa aa swεε ya siwi keɲo yaa ε laanee waa aa togra. Waa aa togra Korowii be gbo laa yaa ba εε. Yaa ε waa aa tograa newenyini ge be.

<sup>22</sup>A waa ya tome ya doɲ ɲo o ne ba ba la. Ya daahno na kera anwene bwa, de na keɲo san belbwa la, o siwi swεεro keɲo o cha toma no. Taraken te kwaraa la, o siwi begro keɲo o cha heyaa kohona, dekalkεɲo o de yarada heyaa kohona.

<sup>23</sup>Taetos te la, n ne onee dεε ε toma no dεε cha heyaa. Yabala baa ja o nεε la ge la, asore tenaa lee ba. Ba nεε Yeesu Kristo che do son.

<sup>24</sup>Anomanta hé gel ba na ge haa de nyin nen áse asore tena bwa no, de jeme kenjo yaa koh he waa dee mankura ya te la, pee laa.

## 2 Krent 9

<sup>1</sup>A ta hiah kwaraa kenjo n chwere heyaa chae asore tena aa de cha Korowii nera baa lo Judia hare la wa.

<sup>2</sup>N jemo kenjo he te de nyin ba chae. Anomanta n kpo heyaa mankura n te Makidoonia tena be taeh. N jo ba be jo, "Bena ken bwaa yabala baa lo Akaaya hare la swee siwi dee nyin nera chae." He siwi aa sweera hee nyin nera chae la, a gelo ba kerede gee nyin nera chae.

<sup>3</sup>N de tome yabala no he be. N de nyin ke he kpo he te de ta suuga ge maa joa he de e la, áse nera maa kpo heyaa dee mankura n te ba be la jeme kenjo pee laa mee mankura n te.

<sup>4</sup>De Makidoonia hare tena teje n nee ba de ba na kenjo he ta he te kpoe mo naa, de sihih ta he te kpoe yaa, sihih ee kpo ya tenee, de le ge yaa de mankura heyaa la nomanta.

<sup>5</sup>A waa n na kenjo a che ke n soje yabala no áse ba to sie n nee de ba he be, de ba le konkeela la haa joa hee teo la bwa cheg, ase ya ne bala la, de a bwa chemo, áse a bagle ke nyinaa hee nyin de te, lao laa.

<sup>6</sup>Hé jeme kenjo he du tama aa, tamaa hee ba koma, he du kohona ge aa, kohonaa hee ba koma.

<sup>7</sup>Anomanta, belbwa te ge aa magra o bambile ta. Belbwa nao kenjo o teo aa we o nee yaa, o gel tee. Bel de lii ke doe ba doo jo o te aa, o gel, dekalkenjo nomelbwa waa de te kwaa bambile bwa ne la, Korowii sie de le o ne.

<sup>8</sup>Korowiirii de won te heyaa kwaa a gwaa ge haa de nyin, ase he do kohona sanj belbwa, de won kpo dee e wedeega kohona.

<sup>9</sup>Anee ba chwere Korowii Ton bini la: "Waa non nyore, o de te nyaara tee tenten. O wedeega ee ta jaga doe."

<sup>10</sup>Korowiirii dee te newenyini kondwee baa du, dee te kondikwa. On de te heyaa kondwee haa de nyin bwa, de gel a le de none kohona, de gel he wedeega ee ge won dee ja.

<sup>11</sup>Wee geloo he do sanj belbwa de won ta tea dee te Korowii nera sanj belbwa, áse nera ware pirim de jam Korowii he konkeela la yaa kpoa tee ba la wa.

<sup>12</sup>De ya kpo he konkeela no dee te Korowii nera aa hiah ba aa, de chae gbo laa hee cha ba. De a chege a ta nera kpo sil ee gee jam Korowii kohona.

<sup>13</sup>He we-ela no ee geloo nera na he yarada haa doa, de jam Korowii a wa. Baa jam Korowiirii kenjo haa de teje Yeesu Kristo Amanesoma la haa joa he yaradaa la ta.

Nera ɛ jam Korowiirii keɲo nomelbwa aa wola heyaa doe, ase he gbagba ta tea de te ba ne nomelbwa kwaa haa doa no.

<sup>14</sup>He waa ɛ deɛ ɛ a ge nera laanee, ase ba de soɲe Korowii aa, ba soɲe deɛ te heya, he bonya Korowii aa gela he do la nomanta.

<sup>15</sup>Ya de jam Korowii kohona. Yaa won jeme bagle o konkeele damanta waa ke yaa la wa.

## 2 Krent 10

<sup>1</sup>Men Pɔɔl, n de soɲe heya. Ba ɲo n lo he be naa, n pwere, ke n le he be te naa, n waa kpegri. N de soɲe heyaa keɲo he nyiɲi ge Yeesu Kristo aa pwera o tea do som la,

<sup>2</sup>ase de no n be. Mee bagle kpegri nera baa de lii keɲo hare bono waa ɲwenere taa ya teɲe deɛ ɛ ya waa la nee. Maa nyin ke n bagle a ge kpegri la he ne.

<sup>3</sup>A ɛ kasintɛɲ keɲo hare bono ya so. Ke hare bono laa laa yaa yo.

<sup>4</sup>Domkwaa yaa de yo a ne la, newenyina kwaa laa. A ɛ Korowii domkwaa o kpegri aa lo a ta, ase ya kpo de pagre dekpega.

<sup>5</sup>Newenyina wejema baa de mankuraa deɛ tonle waa la, a ne webagla baa de mankuraa kohona deɛ tonle waa ase nera jeme Korowii kahone la do ke dekpega yaa de ba wona pagre la. Ya berɔ do kpegri de won berɛ nomelbwa liire, ase ba no Yeesu Kristo be.

<sup>6</sup>N kpo n te de so deɛ kpa, ase he te doo ba no n be ka tonaa, n ter nera baa veah la deɲe.

<sup>7</sup>Haa waa kari kee? Nomelbwa de lii ke o ɛ Yeesu Kristo nen aa, o jeme keɲo ge waa ɛ Yeesu Kristo nen la, gee ya ge ɛ Yeesu nera.

<sup>8</sup>De n de mankura kpegri ya Doo aa te yaa ɲo ya kpo deɛ cha heyaa la aa, sihih aa men kpo. O te me kpegri n won cha heya. O ta men kpegri tee n kpo chog heya.

<sup>9</sup>Maa nyin ke a ɛ keɲo aahraa n kpo tone deɛ aah heya.

<sup>10</sup>Bane ɛ ɲoo, "Pɔɔl tone nyoa kpegri to. Ke he na o gbagba aa, waa kpege. O wobol gba ta wale doe."

<sup>11</sup>A ge tena no, a che ke ba jeme keɲo ya toole he be naa, waa yaa chwera deɛ ha heyaa ta kore, ase waa yaa lo he be deɛ ɛ ge kore.

<sup>12</sup>Yanee bamewa ya kpo ya te mage nera baa de lii ba te nenjena o? Yaa ya nyu kpoe deɛ lo ba. Ba yon nyiɲi ba bala we-ɛela de kpo mage ba kwaa de ɲo ba kwaa togro. Ba geno te!

<sup>13</sup>Waa aa wola toole ano la Korowii aa gela yaa ɛ ta la, ya te aa anee kpo mankura ya te. Ano la bwa waa maga te yaa la, a gbo taa yaa ba ya te mankurae. Toma yaa de ɛ he be la gba ja ano la waa te yaa la ta.



<sup>14</sup>He be bala ja ya toma ta. Yaa ba he be la, de ya ta ee ka gare. Yaa kpɔ Yeesu Kristo Amanesoma la ba he be la, de ya ta ee ka gare ya toma jaga.

<sup>15</sup>Yaa nyin ke ya gare bela Korowii aa maga te yaa. Toma yaa ea la, anee ya kpɔ deɛ maŋkura ya te. Toma nera bane aa ea la, yaa an kpɔe deɛ maŋkura ya te. Ya do hwega ke he yarada ee kaa siee, ase toma yaa de e he bini la ee ja de kaa sie.

<sup>16</sup>A taa yaa ba wona bol Amanesoma la harere aa lo sie la ta, ase de be waa nera bane aa ea kpɔ maŋkura ya te.

<sup>17</sup>Anee ba chwere Korowii Ton bini la: "Nomelbwa waa de nyin o te maŋkurae la, weɛ maŋkura o te waa Korowii aa ea ta."

<sup>18</sup>Naate waa de kpɛe o te la, o laa nendeege. Naate Korowii aa de kpɛero la, onee nendeege.

## 2 Krent 11

<sup>1</sup>N de nyin he lawe bambile de no n gene waa no tama. Soŋaa mee soŋe heya.

<sup>2</sup>He waa de we n bwara keŋɔ he wa aa de we Korowii nee la. He do ke haah waa wola baa jeme bwa, ase n kpɔo te baa bel yal ken. Yeesu Kristo gbagbaa a ge baa no, o gboo che ke o e he jaa.

<sup>3</sup>Ke n de omɛ keŋɔ Bonsam be bor ba do che de bere he liire ase he be Yeesu Kristo deɛ nyin tepon ne kpa, keŋɔ waa bere harekon de kpɔ nyosone negre Hawa la.

<sup>4</sup>Ke he de lawe bambile deɛ no nera baa ba he be de baa bagle Yeesu waa a kore waa ya faa bagle heyaa la ta no? Ke ba de bagle kwaa aa de ir nera nee waa a kore Korowii Domadeege waa soge he nee la ta, kee ba de bagle heyaa amanesoma a kore ano la ya faa bagle heyaa la ta naa, he de lawe bambile deɛ no ba be no?

<sup>5</sup>Maa lii ke nera baa de maŋkura ba te ke ba gwaa Yeesu Kristo toroma la gwaa me njwene belbwa ta.

<sup>6</sup>Bel lole n nyoa ken ta chaahne wobol ta, ke wejema te, n doo. Wobelbwa yaa jema ge la, ya gelo a bini chaah he jeme a bwa njwene belbwa ta.

<sup>7</sup>N faa bagle heyaa Korowii Amanesoma la la, n ta heyaa komelbwa sese lee. Maa pwer n te ge ase nera siwi ee su heyaa la, de wechogaa n e aa?

<sup>8</sup>Maa de e toma he be la, de bobel asore tenaa deɛ bo me kem. He nyiŋo na naa, de a kaa e ke maa njwee ba de kpɔ deɛ cha heya.

<sup>9</sup>Ge saŋ maa lo he be la, suuga waa hiah me naa, maa n te kpɔe deɛ dawɛ he ne. Yabala baa le Makidoonia hare ba laanee baa te me kwaa maa de nyin bwa. Ge n faa wola n te kpɔe dawɛ he nee wubwa la, gee maa wola n tenee kpɔ dawɛ he nee saŋ belbwa bwa.

- 10**N chege Yeesu Kristo kasintɛ la waa gela n dɔ la ta dɛɛ nɔ he be nɔ, nomɛlbwa toole Akaaya hare bobelbwa dɛ tɔ me nɔwɛnɛ maa wola won maɔkura n te a ge waa nɔ ta.
- 11**Maa dɛ nɔ ken nɔ, a ta ɛɛ kɛnɔ maa heyaa nyin. Korowii gbabir jemɔ kɛnɔ n dɛ nyin heyaa.
- 12**Waa maa dɛ ɛ nɔ, maa a ɛɛ gela ba. Mɛɛ dɛɛ ɛ geɛ, áse nera baa dɛ maɔkura ba te nɔ tombɛnkponjii ya ne baa ɛ la be won dɔ nɔwɛnɛ dɛɛ maɔkura ba te.
- 13**A ge nera la, Yeesu Kristo toroma gbagba laa ban. Negraa baa negre nera dɛ ɛ ba te kɛ Yeesu Kristo toromaa ban la.
- 14**A ta nyokpowaa ɛɛ, dekalke Bɔnsam gbabir won o te begra dɛ do kɛ Korowii nyundua torome tenten ken.
- 15**Anomanta dɛ Bɔnsam bonɔɔna ge begre ba te kɛnɔ banee dɛɛ chagle nɔwɛnɛ yaa kpɔ o ta dɛ ɛ nendɛɛga ya waa ɛɛ su Korowii siwi aa, de a ta nyokpowaa ɛɛ. Korowii ɛɛ bo ba kemee ge ba toma aa doa.
- 16**N dɛ nɔ he be ja: Nomɛlbwa be lii kɛnɔ genee men. N genɔ gba kwara naa, hɛɛ no n be áse n ge won maɔkura n te tama.
- 17**N jemɔ kɛ waa maa dɛ bol taraken nɔ, ya Dɔɔ Yeesu laa nɔa n bola. Maɔkurae nɔ maa dɛ maɔkura n te nɔ, gene waa mɛɛ ɛ la.
- 18**Bane aa koh hare bonɔ kwara waa dɛɛ maɔkura ba te nomanta, n gee maɔkura n tenee.
- 19**Haa jeme waa kohona nomanta, he dɛ lawɛ bambile, dɛ kpɔ silɛɛ dɛɛ no gena be.
- 20**Nera kpɔ heyaa bere yoma, dɛ negre heyaa dɛɛ di, dɛɛ faah heyaa, dɛɛ nyinji he nyu baahna, dɛɛ kpaa he lwereme, kɛ he waane laa.
- 21**A dɛ ɛɛ mɛ sihih kɛ n bol waa nɔ. N ta jeme kɛ ya berɔ do pwere te heyaa to. Ya ta an kerɛɛ ɛɛ. Dɛ nomel dɔ wobol dɛ won koh a waa maɔkura o te naa, n gba ɛɛ wonoo maɔkura n te a ge waa la ta. Genewaa mɛɛ bol nɔ te.
- 22**Dɛ Hibru tenaa ban aa, belee n ge. Israel tena gee ban aa, belee n gba. Abraham naanaree ban aa, belee n ge.
- 23**Yeesu Kristo bonɔɔnaa ban kɛɛ? N dɛ bol chogla wobol te, kɛ dɛ ba ɛ Yeesu Kristo bonɔɔna aa, n ɛ o bonɔɔ gwaa ba! N ɛ toma gwaa ba. Ba do me dea gwaa ba, dɛ cha mɛ chweremi gwaa ba. Waa maa naa a yon ka jɛɛ n sewɛ warɔ.
- 24**Kera anue bwaa Juda tena cha mɛ ba chweremi fifraatoro dɛ anuanaare la.
- 25**Kera atoro Room tena lɔɔ mɛ chweremi ne, dɛ fog mɛ bwea kera bɛnkponj. Kera atoro stiimae more n ne. N lɔ nɛe sie bɔr bir dɛ chaah, dɛ kwaa bir a ge stiimae mora nɔ bel ta.

<sup>26</sup>N gaagebala nɔ ta la, neerare suugo de tɔ me do, n do siswem ta ka, ase ŋweera baa de kpo nera de kpo ba laala ge fe ee nyin n kpo. N bala Juda tena ne nera baa wola Juda tena ee bwa ge chege n nee de fe ee nyin n kpo. Bweere ta ne kpo baah ne mpo ta bwa n na sibegrewa. N na sibegrewa nera baa wola asore tena kpelakpela ee be.

<sup>27</sup>N e toma de koh kerede. A kerede ta, de maa dom cho. Lor ne nyogre ge kpo me kerede. N vala kerede ta, de telogaa mee cho, de busee mee cho, dee cho waa.

<sup>28</sup>Ano te bwa cho kenken. Maa won bagle a bwa. Waa aa lo n bini dee swee n siwi laanee kenjo asore tena baa lo bobel bwa la waa de ha me toperree bwa.

<sup>29</sup>De asore tena la belbwa soohnaa, de n gbabir bwara yoro. De Bonsam negre belbwa kaa wechoga ta naa, de a ee me bandia.

<sup>30</sup>De mee mankura n tenee yaa, waa aa de chagle ke n e nengwegre la taa mee ba n te mankurae.

<sup>31</sup>Ya Doo Yeesu Mee Korowii jemɔ ke nyosone laa mee teje. O che jam toperree bwa.

<sup>32</sup>Maa lo Damaskos la, bwee la nomoa waa lo Kooro Aretas loga le nera no baa daah doonyoone aa lo danjwee waa bar bwee la bwa cheme ta la ase de lag me.

<sup>33</sup>Aa ba ge la, n daamanar bane do me wegremen bini de do nwen o ta kenjo baa de ta kolon ken, de che danjwee la tokoro bel ta de kpo me tu dahara, ase n le o non ta.

## 2 Krent 12

<sup>1</sup>A che ke n mankura n te. N jemɔ ke aa wobolbwa kwaa te. Mee bagle chaahna Korowii aa gela n na, ne waa waa pila bag me.

<sup>2</sup>N jeme asore te baa bel. De e bene fi de anaaree no Korowii aa keuru kaa o be nyundujagla. De o nendaa gbabirii kaa nyundua oo, de o lileo gboo kaa bela oo, maa jeme. Korowii gboo jema.

<sup>3</sup>N jemɔ ke ba lawo kaa nyundua, ke anee n bol la, o nendaa gbabirii kaa bela oo, de o lileo gboo kaa bela oo, Korowii gboo jema.

<sup>4</sup>Korowii la o ne o be, o ka no waane newenyini aa wola won bola. Korowii ta nwen tae ke newenyini bola.

<sup>5</sup>De n no n mankura n te naa, ge nen noo mee ba kpo mankura n te. Maa n gbagba we-ee laa kpo mankura n te, nemene n nengwegre ee gbo ta.

<sup>6</sup>De n no n kpo n gbagba we-ee la mankura n te kwaraa naa, genewaa laa te, dekalkenjo a e kasinten. Menee ge nen la, ke maa nyin n kpo ge waa la mankura n te. De n waa maa de e nera ee na, ne ano la baa de no ta laa aa, maa nyin ke nera kpee me wobolbwa ta.

<sup>7</sup>Korowii aa nyin ke n kpo wejena maa naa chaahna ta la dee mankura n te. Anomanta o gelo Bonsam kpo waane do n nee aa ha me, dee tog me kenjo sooh, n be won dee e mbarafo.

- <sup>8</sup>Kera atoro bwaa n soje Korowii keṅo o laa a ge waa no kpɔ n ne,
- <sup>9</sup>ase o ṅo, "Chae maa sune he nee de chae no gbo magre he ne. Bela nen aa gwegra la, belaa baa na n kpegri kohona." Anomanta a do n som kohona ke maa de mankura n te n gwegra ta, dekalkenjo a taa mee na Yeesu Kristo kpegri n ne.
- <sup>10</sup>N sie de le n gwegra maa gwegra, ne chega baa de cheg me, ne kpegri bor yon do te me, ne chega nera aa chege n ne, ne ge maa koh Yeesu Kristo waa aa noo me bwa ta, dekalkenjo ge san maa gwegre la, a taa mee do kpegri.
- <sup>11</sup>N bol waa ke gene, ke heyaa gela n e ge. Heyaa che ke he fe ee te me son. A lole ke n waa aa bobelbwa tel te, ke nera baa de mankura ba te gwaa Yeesu Kristo toroma la, ba belbwa ta men gwaale wobelbwa ta.
- <sup>12</sup>N faa lo he be la, n lawe bambile kerede dee e waa aa chagla kenjo Yeesu toroma la bele men. Wekpega ne nyokpowaa bwaa n e.
- <sup>13</sup>Bokwaa n e te asore tena baa kaa la maa wola ee te heyao? Ano la maa wola heyaa ee laanee kenjo, n ta heyaa hae suuga waa ta. He kpɔ n wechoga ke me!
- <sup>14</sup>N tooro tenaa no maa kpɔ n te dee ba he be bala de ba choo heya. Maa heyaa komelbwa boora ba. He waa hiah me, he suuga laa hiah me. Bechale ne ba mee, umee dee nyinji o donjo?
- <sup>15</sup>N sie ee leo kenjo n chog n komelbwa he ne. N chog n bokpega he nee kwara de won cha heya aa, a som n be. Maa de nyin heyaa kohona waa he te laa n waa kpɔ he bambile ta kee?
- <sup>16</sup>He nao kenjo n ta n te kpoe dawe he nee kene? Ke nomel gee ṅoo n sie pilo to mee negre heya.
- <sup>17</sup>Nera n faa toma he be la, n chege ba bini bane nee de negre heyaa di aa?
- <sup>18</sup>Men soje Taetos de tome o ne ya donjo asore te la he be. Hae wonoo ṅo Taetos baa negre heyaa di aa? Dabenkponj laa n ne o kponjaa? Ya bwa we-εla ta benkponj ee yaa?
- <sup>19</sup>Yaa de ṅo ken no, he de lii kenjo ya sonee yaa kwaa he be kee? Akai! Korowii siee yaa bola, pee ya ne Yeesu Kristo aa pea la nomanta. Yabala, wobelbwa yaa bol la, he wer waa yaa bola, ase he won che kinjinj.
- <sup>20</sup>N de omē ke n balaa, ge maa de nyin ke he do la, maa heyaa gee na, ge he ge aa de nyin ke n do la, haa men gee na. N de omē ke mee ba na nagra, ne boweela, ne bandisale, ne n gbo do, ne donja chegra, donja ṅwala, mbarafo, ne wesagasagare ee he baahnee.
- <sup>21</sup>Maa nyin ke n ba ba he be ase N Naa Korowii koh he wechoga waa de gel n fegre. N balo de wechog-εera ta waro he bini ba tea bini ta choge ba chare ba liire ba wedonja ne ba jwamane ne ba pelchoga we-εla baa dee e ta naa, n tea bini ee chogoo.

## 2 Krent 13

- <sup>1</sup>N tooro tenaa nɔ maa dɛ ba ń ba chɔɔ heya. N balaa, wobɛlbwa nɛra banɛ kɛɛ nɛra batoro aa di dansee a ta la, anee mɛɛ ba noe kɛ a ɛ kasintɛŋ, gɛ Korowii Tɔn aa bagla la.
- <sup>2</sup>N dɛ nyin n ɲɔ he banɔ la he faa ɛ wechɔga la ne banɔ la baa kaa la be ɲɔ, n balɔ dɛ he ta gelaa, maa he gela ba, mɛɛ tɛr he deŋnee. N faa ba he be nɛɛtena la, n bolɔ, n kwaarɔ dɛɛ bol.
- <sup>3</sup>He fa dɛ nyin he na waane dɛ jeme kɛŋɔ Yeesu Kristoo soge n nɛɛ dɛɛ bol waa la. Too, hɛɛ nao. Kpegri ta on nyae. Wɛɛ bagle o kpegri he nɛɛ.
- <sup>4</sup>Ba faa kpaaro pɛl dagagre ta o sewɛ la, a baglɔ kɛŋɔ o gwɛgrɔ, kɛ Korowii kpegri nomanta o iro. Ya ne o bwa fa pɛo gwɛgre. Kɛ taraken, ya chegɛ Korowii kpegri ta dɛ do mkpa, asɛ ya won do he be o kpegri la ta.
- <sup>5</sup>Hé nyinji he te dɛ na kɛŋɔ he yaradao kɛrɛdɛ kɛɛ he ta on yaradae yɔ? Hé pese he te dɛ na. He jeme kɛŋɔ he ne Yeesu Kristo pɛo kɛɛ? He nao kɛŋɔ he ne o ta pɛɛ te naa, ate dɛ he hore o waa yaradae ta.
- <sup>6</sup>N dɛ lii kɛŋɔ he nyinji yaa na naa, hɛɛ jemɔɔ kɛŋɔ yaa o waa yaradae ta hore.
- <sup>7</sup>Kɛ, ya dɛ soŋɛ Korowii kɛŋɔ he bɛ wechɔga dɛɛ ɛ. Nɛra nao kɛŋɔ ya ta horaa, a wer, kɛ a laa hiah. Waa aa hiah kɛŋɔ he ɛ waa aa wera. Dɛ a gɛlɔ a do kɛŋɔ ya te horaa, a ta waane ɛɛ.
- <sup>8</sup>Yaa won ɛ wobɛlbwa dɛ jo kasintɛŋ la nɛ, chae a chɛ kɛ yaa chao.
- <sup>9</sup>Ya gwɛgrɔ hé do kpegri aa, dɛ ya sie lɛo. Ya dɛ soŋɛ Korowii kɛŋɔ he waa togre ka tonɛ.
- <sup>10</sup>A waa n chwɛrɛ heyaa tɔn nɔ dɛ n ta he be balɛ mɔɔ la. N dɛ ɛ gɛ asɛ dɛ bɛ sinyɛga ba kpɔ dɛɛ bol waa he be kpegri ya Dɔɔ la aa tɛ mɛ la ne. Korowii ɲɔ ń kpɔ a gɛ kpegri nɔ cha heya, o ta ɲɔɛ ɲɔ ń kpɔ chɔg heya.
- <sup>11</sup>Too, yabala, n nyoa jagɛ bonɔ. Hé so kɛrɛdɛ. Hé swɛɛ siwi kɛ hɛɛ geloo he wobɛlbwa togre ka tonɛ. Hé no n waa maa bola dɛ kpɔ ja heyaa la. Hé gel he nyoa pɛ, he bɛ dɛɛ yo. Korowii waa dɛ nyin newenyini kohona dɛɛ tɛ bosɔɔhna la, ó cha heya.
- <sup>12</sup>Héɛ lea dɔŋa kɛrɛdɛ kɛŋɔ nyabii.
- <sup>13</sup>Korowii nɛra baa lɔ bonɔ bwa dɛ na heya.
- <sup>14</sup>Yá Dɔɔ Yeesu Kristo na he sum dɛɛ cha heya, Kórowii bagle o nyina he nɛ, asɛ Kórowii Domadɛɛge la ne he bwa pɛ.

## Galaasia

### Galaasia 1

- <sup>1</sup>Men Pɔɔl maa ε Yeesu torome la, men chwere tɔn nɔ. Newenyini laa lee mε dε te me toma nɔ. Yeesu Kristo ne o Mεε Korowii waa iru seo ta laanee lee mε.
- <sup>2</sup>N ne yabala baa lɔ n be bonɔ nɔ bwaa chwera dεε tε asɔre tena haa lɔ Galaasia hare ta bwa.
- <sup>3</sup>N Naa Korowii ne ya Dɔɔ Yeesu Kristo cha heya, dε tε heyaa bosɔɔhna.
- <sup>4</sup>Ya Dɔɔ ε N Naa Korowii tetoowa kenɔ waa koh ya wechɔga waa dε sewε dε lε yaa le taraken nera baa dɔ liichɔga bini nɔ.
- <sup>5</sup>Korowii che jirima saɲ te belbwa. Amen.
- <sup>6</sup>He waa εε mε anebelbwa. Korowiirii le heya. Yeesu Kristo aa sune he nεε dε le heyaa la waa Korowii le heya. Kε he denɔ dεε veh Yeesu Kristo Amanesoma la dεε tenε wefale ta.
- <sup>7</sup>Yeesu Kristo Amanesoma belbwa toole dε ε kasintεɲ dε ja anɔ la yaa dε bagle heyaa la ta. Nera bane dε wili heya, dεε nyin dε berε Yeesu Kristo Amanesoma la, a waa n nɔ gε la.
- <sup>8</sup>Dε ya bini bel kεε Korowii nyundua torome le nyundua dε ba bol Yeesu Kristo bwara wobelbwa a berε kore anɔ la yaa dε bagle heyaa la ta naa, Kɔrowii fuuh!
- <sup>9</sup>Gε ya faa bola la, gεε mεε bol he be ja la. Dε nomelbwa bol Yeesu Kristo Amanesoma belbwa a kore anɔ la he faa noa dε yarada la ta naa, Kɔrowii fuuh!
- <sup>10</sup>Maa nɔ ken nɔ, dε newenyini bee mεε nyin sɔn kεε Korowii be nɔ? Maa sɔn nyin newenyini be, Korowii bee mεε nyin sɔn. Dε newenyini bee mεε nyin sɔn te naa, n fe ta Yeesu Kristo bonɔɔ εε.
- <sup>11</sup>Yabalawa, hε gel n nɔ he be nɔ Yeesu Kristo Amanesoma nɔ maa dε bol he be nɔ, newenyini be laa a le.
- <sup>12</sup>Newenyini laa tε mε gε wejema nɔ. Newenyini laa bag mε. Yeesu Kristo gbagbaa pili a bini bag mε dε gel n jeme a wa.
- <sup>13</sup>Gε saɲ n faa dε tome Korowii gε Juda tena aa dε tomɔ la, he noɔ gε n faa dε tenε gε nwenε la ta dε che Korowii nera baa dε tomɔ nε, dεε εε ba hɔhɔrɔwa tenten, dεε nyin dε chɔg ba toma bwa.
- <sup>14</sup>Dε n dε tenε ya Juda tena Korowii toma nwenε la ta gwaa n nyudɔɲa baa ε Juda tena kerede, dεε tenε ya Juda tena nawee waa ge ta gwaa nomelbwa.
- <sup>15</sup>Kε Korowii te lee mε kwaraa mɔɔ ba lol mε, ase dε sune n nεε dε cha mε dε kpɔ me do toma nɔ ta.

<sup>16</sup>A ɛo silɛɛ kɛŋɔ o gel n jeme o Bie la dɛ won bagle o Amanesoma nenhɔɔhra baa wola Juda tena ɛɛ la be. Waa lee mɛ ge la, n ta taare bagle nomɛlbwa ŋɔ ɔ bag mɛ ge maa ɛ mɔɔ dɛ jo o toma la ta.

<sup>17</sup>N ta Jerusalem laɲɛ dɛ ka na nera baa tɔ sie ɛ Yeesu toroma n nɛɛ la mɔɔ. Pae n den pa sie kaa Arebia hare. Maa le bela la, n baa kaa Damaskɔs.

<sup>18</sup>A habɔɔ bene atoroo mɔɔ n la Pita be Jerusalem dɛ ka chɔɔro dɛ jemɔ. Maa la Pita chɔɔra la, n kaa so o be tɔpera fi dɛ anue.

<sup>19</sup>N ta Yeesu toroma la belbwa nae bela ka ja Pita nɛ. Jems waa ɛ ya Dɔɔ la nime la gee n bere na ja Pita nɛ.

<sup>20</sup>Kasintɛŋii mɛɛ chwɛrɛ la. Korowii gba jemɔ kɛ nyosone laa.

<sup>21</sup>A habɔɔ la, n la Siiria hare ne Silisia hare bweere ane ta.

<sup>22</sup>A gɛ saɲ la, dɛ Judia hare asɔre tena la ta men nae siwi ne mɔɔ.

<sup>23</sup>Dɛ n waa nera aa dɛ bol la gboo baa no. N waa baa dɛ bol laanee kɛŋɔ, nen o faa dɛ ɛɛ ba hɔhɔrɔwa laanee bera lɛ Yeesu Amanesoma ba faa yaradaa o koh a waa hah ba dɛɛ nyin ba kpoe la dɛɛ bol la.

<sup>24</sup>Ba chege a ta dɛ jam Korowii a wa.

## Galaasia 2

<sup>1</sup>A habɔɔ bene fi dɛ anaare la, n berɔ la Jerusalem ja. N kpɔ Taetos ja n nɛ, ase ya ne Banabas la.

<sup>2</sup>Korowiirii gela n jeme dɛ la ba be. N tɔ sie la asɔre tena nomonome be n ne ba gbo so, n bagle Yeesu Amanesoma maa dɛ bol nera baa wola Juda tena ɛɛ be la bwa áɛɛ ba jeme n wa, áɛɛ n toma maa ɛa ne anɔ la n taa dɛ ba ɛɛ la be pɛɛ ɛ.

<sup>3</sup>Dɛ Grik tee Taetos anomanta o ta pen teje. Kɛ nomɛlbwa ta on hɛɛ ŋɔ bá teje o pen.

<sup>4</sup>Dɛ nera la bane tea bini laa gɛ baa gel Taetos la. Dɛ a gɛ nera nɔ dɛ ɛ ba te kɛŋɔ asɔre tenaa ban ken dɛ sɔh jo ya bini, dɛ baa nyiɲi dɛ jeme ya asɔre tena dɔɛ yaa dɔ ya te Mosis Mmara aa wola yaa vɔrɔwe la bini. Dɛ ba dɛ nyin ba hɛ yaa yá bere dɛɛ ɛ waa yaa veah la.

<sup>5</sup>Yaa wola nyin kɛ ba won bere Amanesoma la sie áɛɛ kasintɛŋ la do le te heyaa la, ya ta ban sie tɛɛ kwaraa.

<sup>6</sup>Nera la bini banɔ la baa dɛ lii ba nenjena la ta wone dɔ wobɛlbwa bol dɛ ja Amanesoma maa dɛ bol la ta. N te kwaraa waane laa ba nenjena ɛɛ wa, dɛkalkɛŋɔ nenjena o, nenjegre o, a laa Korowii te ɛɛ nyiɲi.

<sup>7</sup>Ba gbabir nao kɛŋɔ Korowiirii kpɔ o waa la tɛ mɛ ŋɔ n bol nera baa wola Juda tena ɛɛ la be, gɛ waa kpɔ o waa tɛ Pita ŋɔ ɔ bol Juda tena be la.



<sup>8</sup>Dekalkenjo ge Korowii aa bagle o kpegri Yeesu torome Pita nee wee tome Juda tena bini la, gee o bagle o kpegri men maa e Yeesu torome no nee mee tome nera baa wola Juda tena ee bini.

<sup>9</sup>Jems ne Pita ne Jon nomelbwa aa de yer ba asore tena nomonome la gbabir seoh kenjo Korowiirii kpo ge toma no do n non ta de cha me a ta. Anomanta ba do noora n non ta de bagle kenjo nembenkponjii ya bwa Korowii toma no bini. Ya nyoa peo, ase ba seh kenjo n ne Banabas ee bol Yeesu waa dee bagle nera baa wola Juda tena ee, ase ba gee bagle Juda tena.

<sup>10</sup>Waa baa bola ja bwaa kenjo yaa lii nyaara waa dee cha ba. De ge waa no e waa n ge aa swee siwi dee ea wubwa.

<sup>11</sup>Pita aa ba Anteok la, n diu kasintej, dekalkenjo de o de e waa aa wola a njwene ta ee.

<sup>12</sup>Jems fa tome nera bane Anteok. Ge nera no aa wola Anteok bale moo la, de Pita ne asore tena la bini bane baa wola Juda tena ee la peo dee di kwa. Ke Jems toroma la aa baa jo Anteok la, Pita chwa a ge nera la be kwaa dii, dekalkenjo de o de ome kenjo hoohra la be ba no waa Juda tena nawee waa de bagle kenjo ba ne nera baa wola pena teje aa kwaa di la ta teje.

<sup>13</sup>Pita koh nera sie bor oma waa de nyogre njwene. Yabala Juda tena baa e asore tena la kar la ge koh nera sie bor oma waa de e ge Pita aa ea la. Banabas gba nyogre njwene, de teje ba ne.

<sup>14</sup>Maa naa kenjo ba nyogre Yeesu Kristo Amanesoma la njwene la, n di Pita kasintej yabala la bwa siwi ta no, "Nwene besoo taa a che he e Juda te haa wola Juda tena nawee waa la ta teje de no he hame nera baa wola Juda tena ee no baa teje a ta no?"

<sup>15</sup>Ya te no, Juda tenaa ya nyare ne ya meenanar, ba lole yaa, ase ya ge e Juda tena. Nera baa wola Juda tena ee ase Juda tena ee yer ba 'wechog-eeera' la laa yaa.

<sup>16</sup>Ke, ya jemoo kenjo Mosis Mmara ta teja laa gela nen ee e nendeege o wa ee su Korowii siwi, nemene kenjo haa de yarada Yeesu Kristo waa la de kpo he te teo. Yeesu Kristo nee ya ge kpo ya yarada do, ase Korowii koh o waa de le yaa ke nendeege ya waa su o siwi. Mmara ta teja laa dee ba yaa nendeege ee Korowii be, dekalkenjo Mmara ta teja aa won gel nomelbwa waa su Korowii siwi.

<sup>17</sup>"Yaa de nyin ya che Yeesu Kristo nee de e nendeege ya waa su Korowii siwi la, an gela ya veh Mmara ta teja de bere wechog-eeera la. De a do ge naa, de Yeesu Kristoo dee cha de gel wechoga ee won dee kaa sie naa? Akai!"

<sup>18</sup>Mosis Mmara n gbagba faa noa o ta teja ta tonoo doe la, de n beroo bere haboo de baa teje o ta naa, n ta wechoga ee yaa?"

<sup>19</sup>A ge Mmara laanee pili n sie de gel n jeme waa de chwa o ta teja. Mosis Mmara la te be pera te naa, n do kenjo nen waa sewa. N ne Mmara la toole wobolbwa bini kpa, ase n won do le te Korowii.

<sup>20</sup>Baa kpaá Yeesu Kristo pɛl o dagagre ta la, a kaa ɛ kɛ n ne onee sewa. Anomanta n sogá nɔ́ maa sogá nɔ́, n gbagba laa dɛɛ hwee nɔ́. Korowii Bie Yeesu Kristoo soge n nɛɛ dɛɛ hwee la. N hweera nɔ́ maa dɛ hwee nɔ́, yarada maa yaradao la, anee gela n do le la. Korowii Bie nɔ́ nyin mɛ kohona dɛ kpɔ́ o hweera chare n nyu.

<sup>21</sup>Maa seh gel Korowii nera nɛɛ suna la ɛ pɛɛ. Dɛ Mosis Mmara ta teɲa taa a che nen ɛ nendɛɛge o waa su Korowii siwi aa, amɔ́ te dɛ pɛpɛɛ Yeesu Kristo sewɛ."

### Galaasia 3

<sup>1</sup>Ee, Galaasia tena, he genoo! Ya ta heyaa baglɛ gɛ aa ɛa Yeesu Kristo sewɛ dagagre ta bwa naa? Aah bɔkwaa bera negre heyaa jaɔ́?

<sup>2</sup>Hé gel n bɔɔ heyaa webɛɲkponɲ. Mosis Mmara ta teɲa taa a che he dɔ́ Korowii Domadɛɛge la aa, kɛɛ haa no Yeesu Kristo waa la dɛ yaradaa taa a che nɔ́?

<sup>3</sup>He genɔ́ ga! Korowii Domadɛɛgee gela he won pa mun Yeesu nɛɛ teɲa ta. Ɛrɛɛ he bere dɛɛ nyin kɛɲɔ́ he kpɔ́ he gbagba kpegri ɛ ka tone nɔ́?

<sup>4</sup>Amɔ́ waa he sie aa naa ne anɔ́ la haa noa la bwa ɛ pɛɛ aa? Dɛ a ɛ pɛɛ te naa, dɛ aa were kwaraa!

<sup>5</sup>Korowii Domadɛɛge nɔ́ waa tɛ heya, dɛɛ ɛ nyokpowaa he bini nɔ́, dɛ Mosis Mmara ta teɲa waa o ɛ a bwa kɛɛ haa dɛ no o waa dɛ yaradaa la waa yɔ́?

<sup>6</sup>Hé nyinɲi Abraham na. Korowii Tɔ́n baglɔ́ ɲɔ́, "O yarada Korowii, ase Korowii che o yarada la ta dɛ leo kɛ nendɛɛge o waa su o siwi."

<sup>7</sup>A che kɛ he jeme kɛɲɔ́ nera baa dɛ yarada Korowii la, banee Abraham naanar.

<sup>8</sup>Korowii Tɔ́n baglɔ́ kɛɲɔ́ yarada taa aa ba chega ase Korowii lɛ nera baa wola Juda tena ɛɛ la kɛ nendɛɛga ba waa su o siwi. Korowii bol Amanesoma la waa Abraham be dɛ ɲɔ́, "He nɛɛ aa ba chega Korowii swee newenyini bwa andɛɛga."

<sup>9</sup>Yaradaa Abraham yarada Korowii ase o swee andɛɛga tɛo. Anomanta nomɛlbwa waa yarada Korowii la, Korowii ɛɛ sweero andɛɛgaa.

<sup>10</sup>Nera baa kpɔ́ sie dawɛ Mosis Mmara gbo ta kɛɲɔ́ a taa ba che Kórowii lɛɛ ba la, bá bwɛɛɛ, dɛkalkɛɲɔ́ a lɔ́ Korowii Tɔ́n bini kɛɲɔ́, "Nomɛlbwa waa to Mosis Mmara la belbwa saɲ belbwa wee la, ó bwɛɛɛ."

<sup>11</sup>Taraken nɔ́, ya nao kɛɲɔ́ nomɛlbwa aa won che Mosis Mmara la ta dɛ ɛ nendɛɛge o waa su Korowii siwi, dɛkalkɛɲɔ́ nomɛlbwa aa won teɲɛ a bwa ta. Korowii Tɔ́n baglɔ́ ɲɔ́, "Naate o waa aa togra dɛ su Korowii siwi la, weɛ yaradao dɛ dɔ́ o nyu."

<sup>12</sup>Nen waa dɛ teɲɛ Mosis Mmara ta la, yarada laa dɛɛ ba o lɛɛ. Korowii Tɔ́n baglɔ́ ɲɔ́, "Nomɛlbwa waa wona dɛɛ teɲɛ Mosis Mmara la bwa ta la, on dɛɛ ba o nyu dɔ́ɛ."

<sup>13</sup>Yeesu Kristo lɛ nyotaahna aa lɔ́ Mosis Mmara la ta bɛ won teɲa la dawɛ o nɛɛ dɛ le yaa le a ta. Korowii Tɔ́n baglɔ́ ɲɔ́, "Nomɛlbwa baa sagɔ́ daa ta la, Korowii nyotaahna lɔ́ o nɛ."

- 14**Korowii fa bage Abraham nyoa ño wée ɛo wedɛɛgee. Ge aa ɛ ase nera baa wola Juda tena ɛ che Yeesu Kristo nɛɛ dɛ dɔ a ge wedɛɛge nɔ la waa o lɛ nyotaahna la dawɛ o nɛɛ dɛ lɛ yaa le a ta la, áse a che yarada ta Korowii tɛ yaa o Domadɛɛge la waa bage nyoa ño wée tɛ yaa la.
- 15**Yabalawa, hé gel n kpɔ hare bonɔ waane mage waa nɔ maa dɛ bol nɔ. Dɛ nera bane fɔwɛ fɔo o do kpegri aa, nɛmpɛɛ aa won puru ba habɔɔ, nomɛlbwa ge aa bere won berɔ ba habɔɔ.
- 16**Korowii Tɔn la baglɔ kɛɲɔ Korowii bage Abraham ne o naa nyoa. Korowii Tɔn la ta ñɔɛ ñɔ Korowii bage Abraham ne o naanar nyoa. Dé Abraham ne o naa. O baglɔ kɛɲɔ Abraham naa bɛɲkpoɲ, onee kɛ Kristo.
- 17**Waa maa dɛ nyin n bagle laanee kɛɲɔ Korowii ne Abraham fɔwɛ fɔo bɛl, ase Korowii bage Abraham nyoa kɛɲɔ wée di fɔo la taa. Mosis Mmara nɔ ge la, fɔo nɔ habɔɔ bene lafraanaare dɛ fifraatoroo a ge ba. Dɛ ɛrɛɛ Mosis Mmara nɔ won ɛ dɛɛ chɔg ge fɔo nɔ dɛ tɛɲɛ Korowii nyobaga la ta nɔ?
- 18**Dɛ Mosis Mmara la ta tɛɲɛ taa aa ba chega Korowii ɛ yaa o wedɛɛge la te naa, ate dɛ o nyoa waa bage Abraham la ɛ pɛɛ. Kɛ ge laa a do. Nyoa Korowii aa bage Abraham la waa o sune o nɛɛ dɛ chao, dɛ ño wée ɛo wedɛɛgee la.
- 19**Aah dɛ bɔkwa waa Korowii tɛ yaa Mosis Mmara laɔ? Wechɔga jema waa o kpɔa ja yaa. Korowii ɛo kɛɲɔ Mmara la do le dɛ ka tel kɛɲɔ Abraham naa la aa bala. Abraham naa nɔɔ Korowii bage nyoa la la. Nyundua toromaa Korowii gel ba ba Mosis Mmara la ne ba tɛ yaa. Nen nɛɛ nyundua toroma la ba chig dɛ kpɔ Mmara la tɛo, ase o ge kpɔ tɛ ya naanar.
- 20**Korowii aa bage nyoa la ge la, o gbo waaa, nɛmbɛɲkpoɲ waa ta keame hiaih.
- 21**Amɔ dɛ Mosis Mmara nɔ ne nyoo Korowii aa bage yaa la aa jo kɛɛ? A dɛ jo. Dɛ newenyini fe dɔ mmara bɛl waa dɛ ba wona togre nera áse ba dɔ ba nyu aa, ate nomɛlbwa waa dɛ tɛɲɛ ge mmara la ta la, o waa fe ɛɛ su Korowii siwii kɛɲɔ o ɛ nɛndɛɛge.
- 22**Korowii Tɔn la baglɔ kɛɲɔ wechɔga vɔrɔwe newenyini bwa, áse Korowii nyobaga waa bage yaa la ɛ nera baa yarada Yeesu Kristo la gbo kwa. Anomanta nera baa dɛ yarada Yeesu Kristo laanee Korowii ɛɛ ba o nyobaga kwaa la kpɔɛ tɛ.
- 23**Yeesu Kristo yaradae waa nɔ aa wola bale mɔɔ la, dɛ Mosis Mmara la vɔrɔwe yaa kɛɲɔ nera baa do ba dea ken. Yeesu Kristo yaradae waa nɔɔ bala mɔɔ ya ta dɔ ya te.
- 24**Dɛ Mosis Mmara nɔɔ dɛɛ nyiɲi yaa mɔɔ Yeesu Kristo ba. Waa bala la, o yaradae taa aa ba chega ase ya waa su Korowii siwi, ase o lɛ yaa kɛɲɔ nɛndɛɛga.
- 25**Yeesu Kristo yarada waa nɔ aa tel ya be nɔ, Mosis Mmara la laa dɔ yaa kpa.
- 26**Haa yarada Yeesu Kristo la nomanta, he bwa ɛ Korowii bii.
- 27**He banɔ la ba faa sɔ heyaa Korowii nɛɛ áse he ne Yeesu Kristo ɛ bɛɲkpoɲ la, Yeesu Kristo daa he kpɔ ge la.

<sup>28</sup>Anomanta pegra belbwa toole he baah kpa. Juda tena oo, nera baa wola Juda tena ee yoo, yoma oo, deheere oo, haahna oo, baala oo, he bwa e benkpon Yeesu Kristo be pera.

<sup>29</sup>De he e Yeesu Kristo nera te naa, ate Abraham naanaree heya. Kon Korowii aa bage Abraham nyoa la, he gee doo.

## Galaasia 4

<sup>1</sup>N waa maa de nyin n bol laanee keɲo nenjen biee dee so o mee bug ta dee di o kwaa bwa te, ke o taa e bechala la te, o ne ba dem nendoola gba waa benkpon. Ke on gee do o mee kwaa bwa.

<sup>2</sup>O ta e bechala aa, o lo nera lɔga. Ban dee nyiɲi o komelbwa ta, de ka tel topere o mee aa doa la mo ba kpo komelbwa do o non ta.

<sup>3</sup>Gee a fa do ya gba ne. De ya do ke bechale ken, ase konkwaa aa de di kpegri hare bono la ee di kpegri ya ne.

<sup>4</sup>Korowii topere la aa sua la, o tome o gbagba Bie, ase nenhaah lolɔ hare no ta, ase o e nera baa de teɲe Mosis Mmara ta la bel.

<sup>5</sup>Ge Korowii aa e de won le ya nera Mosis Mmara la faa vorowe yaa la waa o e ge, ase de won kpo yaa e o bii.

<sup>6</sup>Korowii aa de nyin keɲo o bagle keɲo o biirii yaa la nomanta, o te yaa o Bie la Domadeege la o so ya ne, ase ya won dee yero "n Mee" keɲo bie aa de yere o mee ge la.

<sup>7</sup>Taraken no, nendoola laa heyaa kpa, Korowii biirii heya. Haa e Korowii bii la nomanta, wee te heyaa kwaa waa de te o bii bwa laanee.

<sup>8</sup>Wubwa la, de haa Korowii jeme, anomanta de konkwaa aa wola Korowii gbagba ee la oma vorowe heya.

<sup>9</sup>Taraken no haa jeme Korowii no, ge laa ge aa, taraken no Korowii aa jeme heyaa no, erere a e ase he bere dee nyin he bere haboo de kpo he te te kwaa aa wola kpegri belbwa doe, ne waa aa do wesoma noo? Eree he bere dee nyin he kpo he te tea ase a vorowe heyaa ja noo?

<sup>10</sup>Ke he ta de teɲe Mosis Mmara ta dee mankura topejena ne korobie ane ne bene ane kene?

<sup>11</sup>He waa de we n ne. Amo toma maa ea he be la bwa e pee aa?

<sup>12</sup>N poo heya, yabala, n fa de teɲe Mosis Mmara ta de gel, de bere do ge haa doa no. Anomanta he ta che kiɲkiɲ de gel a ta teɲa de do ge maa doa no. N faa lo he be la, he ta men wechoge belbwa ee.

<sup>13</sup>Ke he de lii wee waa gela n ba he be logla la de ba bol Yeesu Kristo Amanesoma la lao? De n bwara de wee me.

- 14**De n weela la gelɔ n kponɔ do kpegri, ke he ta men haih-haih ee de veeh me. Ge he fe aa le nyundua torome Korowii aa tomɔ la, gee he lee me. Ge he fe aa le Yeesu Kristo gbagba la, gee he lee me.
- 15**He sie faa le n nee kohona la, taraken te bokwa waa bera ba no? Mee wonoo no ge san la he fe wonaa, he fe foromi he sibir kwaraa te me.
- 16**Aah n kasintɛn maa de di heyaa noo gela n bere e he dom taraken no kee?
- 17**Nera maa bol ba waa no ba de wili heyaa la, ba swee siwi dee e kenɔ baa de nyin he waa la, ke waa aa lo ba nyu bini la aa were. Ba waa baa de nyin ee laanee kenɔ ba pere n ne he baah ase de fe bere he sie kaa ba be.
- 18**Nen waa nyina wer te, ke waa aa che a ta ase nen ee nyin o don waa la, a taa kasintɛn do. A ge waa no e kasintɛn san belbwa. N lo he be noo, a e kasintɛn, n toole he be noo, a e kasintɛn.
- 19**N bii maa lolɛ heyaa Yeesu Kristo waa ta, he ta he da chare de do ke Yeesu Kristo aa, he gelɔ n tea bere dee wee me ke lol tea aa de we haah la.
- 20**N fe de nyin kenɔ n fe aa lo he be taraken, de fe bere n nyoa. He waa ee me anebelbwa
- 21**He banɔ la haa de nyin ke hee teje Mosis Mmara la ta la, he ta noe ge Mosis Mmara la aa de bagle aa?
- 22**Korowii Ton ta bagle kenɔ bibaala banee Abraham do aa? De bibaala banɛ no bel nya e yom, ase neete la te nya ta yom ee.
- 23**Ge baa ne haah naa de lolɛ bie laanee Abraham ne o yomhaah la lolɛ o bilogle la. Ke o bineste la o nya aa wola yom ee la te, Korowiirii bago nyoa de teo bie la.
- 24**Yaa kpɔ haahna banɛ noo mage Korowii ne newenyini nyopɛo doe foo bele anɛ la. Ba belbwa chego te foo la benkpon. Heega waa e Abraham yomhaah la chego te foo la newenyini ne Korowii aa fowa Sinai Bwe ta bela Korowii aa kpɔ o Mmara la te Mosis la. A ge foo la tenaa e yoma la.
- 25**Heegaa chega te Sinai Bwe waa lo Arabia hare ta la. O tenten, on chega te fini Jerusalem bwejen no o nera bwa aa e yoma no.
- 26**Haah waa wola yom ee la ge chego te Jerusalem la waa lo nyundua la. Onee ya nya no,
- 27**dekalkenɔ ba chwero do Korowii Ton la bini no, "Hambara, gel he sie le! Haah haa wola loltea weweele nae ka, gel he sie le hee moo, dekalkenɔ haah la o jaa raa chwao la ee ba do biirii gwaa onɔ la o jaa raa wola on chwae la."
- 28**Ge Korowii aa bage Abraham nyoa de gel o lolɛ Asek la, gee o bage nyoa ya ge e o bii.

<sup>29</sup>A ge sanj la, de Abraham bie la waa lolɔ ge baa ne haah naa de lolɛ la, de o chege onɔ la Korowii aa chege o Domadɛɛge neɛ de te Abraham la neɛ taeh. Ge waa no ta lole fini no.

<sup>30</sup>Ke a bwa haboo la, ereɛ Korowii Ton la bagle o? O baglo no, "Donji yomhaah la ne o bie la, dekalkeɛno yomhaah la bie la ne haah la waa wola yom ee la bie la aa won pe di ba mee kapere a magre."

<sup>31</sup>Anomanta, yabala, ya ta yomhaah bii ee. Haah waa wola yom ee la biirii yaa.

## Galaasia 5

<sup>1</sup>Ya di ya nyu. Yeesu Kristo foo yaa, anomanta ya ta nendoola ee kpa. Waa foo heyaa no, he che kinjin. He be gel ba kpo waa dee ha heyaa kpa.

<sup>2</sup>He gel n no he be, de he teje Mosis Mmara no ta de gel ba teje he pena aa, de waa Yeesu Kristo aa ea te heyaa la ta tonɔ doe te heyaa kwaraa. Men Pool, men noa.

<sup>3</sup>He gel n kwaa no he be he no kerede, nomelbwa waa gela ba teje o pen ase o waa su Korowii siwi la, a che ke o teje Mosis Mmara la bwa ta.

<sup>4</sup>He banɔ la haa de nyin he che Mosis Mmara ta teja ta ase de e nendeege he waa su Korowii siwi la, he pere he te le Yeesu Kristo be. He ta nera Korowii aa sune ba neɛ la neɛ jae.

<sup>5</sup>Ya te ken no, ya chege yarada yaa de yarada Yeesu Kristo la ta dee hwege kejo Korowii Domadɛɛge ee geloo ya e nendeege ya waa su Korowii siwi.

<sup>6</sup>Yeesu Kristo nwene ta teja no ta te, ba teje nen pen oo, ba ta o pen tejo, a laa e wehiah. Waa aa hiah laanee kejo nen aa de yarada Yeesu Kristo ase ge yarada no won gel wee nyin o donja.

<sup>7</sup>He fa de teje nwendeege la ta kerede. Bokwaa bala haa wola bere dee teje kasintej nwene la ta kpa? Bokwaa to heyaa nwene o?

<sup>8</sup>Korowii waa le heyaa he ba o be la, o be laa ge liire no le.

<sup>9</sup>Ba no, "Iisi tama ken won paanoo damanta hoeh," anomanta hee nyinji liire aa do ken no donja kerede.

<sup>10</sup>N te ta de yarada heya. Ya Doo la ya bwa aa de tome la nomanta n de yarada heyaa kejo haa liifalee do. Naate waa de wili heyaa no, ge bwa waa doa, Korowii ee boo keme.

<sup>11</sup>Yabalawa, de n fe ta de bol no penteja hiaoh waa, nera fe chege n neɛ ken aa? De n fe kpo penteja waa de ja Yeesu Kristo dagagre ta sewa la waa ta dee bol aa, nera fe de veh n wobol no naa?

<sup>12</sup>A ka n te wa aa, nera baa de wili heyaa no he teje he pena la, ba de nyin aa, ba foge ba lure ge.



<sup>13</sup>Yabalawa, Korowiirii le heyaa tɛ o te, dɛ lɛ heyaa asɛ Mmara la bɛ heyaa vɔrɔwe kpa. Kɛ haa dɔ he te nɔ, he bɛ gel a do he som kohona, asɛ hɛɛ ɛ wechɔga la bwa he bwadabii aa dɛ nyin kɛɲɔ hɛɛ ɛ. Hɛ kɔ dɔɲa nyina dɛɛ tomɛ dɔɲa.

<sup>14</sup>Maa dɛ ɲɔ nɔ, webenkpoɲ bɛl lɔle dɛ he dɛ ɛ aa, dɛ he tonɛ Mosis Mmara la bwa. Onɛɛ kɛɲɔ, "Nyin he dɔɲ kɛ he gbagba."

<sup>15</sup>Dɛ haa dɔɲa nyin, dɛɛ yo aa, amɔ te hɛɛ nyiɲi kerɛdɛ. A waa laa aa, he dɛ ba dɔɲa baah chɔga kwaraa.

<sup>16</sup>Waa maa dɛ nyin n bol laanee kɛɲɔ hɛ kɔ he te tɛ Korowii Domadɛɛge la, áɛ wɛɛ bagle heyaa ɲwɛnɛ. Dɛ o dɛ bagle heyaa ɲwɛnɛ aa, haa wechɔga he nɛwɛnyini mar aa dɛ nyin la ɛɛ ba,

<sup>17</sup>dɛkalkɛɲɔ waa he nɛwɛnyini mar wechɔga aa suu la aa dɛ nyin la, Korowii Domadɛɛge la aa an nyin. Nɛwɛnyini mar wenyina ne Korowii Domadɛɛge wenyina aa jo. Anomanta waa haa dɛ nyin ɛɛ la, haa wona ba dɛ ɛ.

<sup>18</sup>Dɛ he kɔ he te tɛ Korowii Domadɛɛge la wɛɛ bagle heyaa ɲwɛnɛ te naa, Mosis Mmara la aa won di kɛgri he nɛ.

<sup>19</sup>Nomɛlbwa jɛmɛ nɛwɛnyini mar wechɔga aa suu nɔ tetoowa. Anee kɛɲɔ jwamane ne wedɔɲa ne pɛlchɔga we-ɛɛla te bwa soosiwi,

<sup>20</sup>ne voga toma ne som wa. A bini anɛɛ kɛɲɔ nɛra ne ba dɔɲa aa dɛ di dɔm dɛɛ yo, ne sɔnnyin kohona, ne bandisale ne sibegra, ne nɛra ne ba bala baah pɛgra, ne nyopɛo bɛ dɔɛ,

<sup>21</sup>ne bɔwɛɛla, ne dɛɛra, dɛ dɛɛ dɛɛ do gbɔga kohona, ne wesale aa do ken nɔ. N fa ɲɔ he bɛ wubwa ɲɔ hɛ nyiɲi kerɛdɛ, dɛ ɲɔ nɛra baa dɛ ɛ gɛ waa nɔ la, baa Korowii Kora la ta jae ba. N bɛrɔ kwaa dɛɛ lii heyaa ja.

<sup>22</sup>Korowii Domadɛɛge la te, kwaa waa dɛ tɛ laanee dɔɲa nyina, ne silɛɛ, ne nyopɛo, ne bambile dɔɛ, ne tesom, ne wedɛɛga ɛɛ, ne kasintɛɲ dɔɛ,

<sup>23</sup>ne pwɛrɛ dɔɛ, dɛ gel nɛn won o te lawa. Hare bɛlbwa toole dɛ ki a gɛ waa nɔ.

<sup>24</sup>Nɛra baa ɛ Yeesu Kristo nɛra la, ba kpa ba nɛwɛnyini mar wechɔga aa suu nɔ wenyina ne ba liichɔga bwa pɛl Yeesu dagagre la ta dɛ kpoa.

<sup>25</sup>Taraken nɔ, ya jɛmɔ kɛɲɔ Korowii Domadɛɛge laanee tɛ yaa mkpa, anomanta a chɛ kɛ ya kɔ ya te tɛo dɛ gel wɛɛ bagle yaa ɲwɛnɛ ya soga bini.

<sup>26</sup>A ta chɛ kɛ yaa ɛ jenu. A ta chɛ kɛ yaa ir dɔɲa bwaawɛɛ. A ta chɛ kɛ ya dɔ bɔwɛɛla dɔɲa nɛ.

## Galaasia 6

<sup>1</sup>Yabala, dɛ he lawɛ he bini bɛl wechɔga bɛlbwa ta naa, he banɔ la haa dɔ Korowii Domadɛɛge la kerɛdɛ la, hɛ togro. Kɛ he bɛ o nɛɛ nyɛg te, hɛ togro sipwɛra ne. He gbagba gɛ la, a chɛ kɛ hɛɛ nyiɲi kerɛdɛ, asɛ Bɔnsam bɛ heyaa ba negre do wechɔga ta.



- <sup>2</sup>Waa pu he dɔŋ de ɛ bone tɛo waa, hɛ chao. He de ɛ ge naa, de Yeesu Kristo mmara la taa hee teŋe la.
- <sup>3</sup>De nen ta nenjen ɛ deɛ lii o te nenjen aa, de o de negre o te.
- <sup>4</sup>Hɛ belbwa nyiŋi o we-ɛɛla na. De a wer aa, ɔ gel o sie le. Ke he be he te kpɔ deɛ mage dɔŋa deɛ nyin son,
- <sup>5</sup>dekalkɛŋɔ nomelbwa ne o bonee weɛ ba chega.
- <sup>6</sup>Nomelbwa baa de baglo Yeesu Kristo waa no la, kondɛɛge belbwa haa do la, te naate waa de bagle la.
- <sup>7</sup>He be he te deɛ negre. Haa jeme ke baa Korowii negre keɛ? Kwaa nen aa dua la, anee weɛ kome.
- <sup>8</sup>De nen teŋe o newenyini mar wechɔga aa suu pela kwaa neɛ de du wechɔga aa, sewee weɛ ba koma. De nen teŋe Korowii Domadɛɛge la tetoowaa ta de du wedɛɛga aa, weɛ kome mkpa waa wola jaga doe bwa laanee Domadɛɛge la be.
- <sup>9</sup>He be gel ya bwara ɛ hwah yaa wedɛɛga ɛ ta. De ya swɛɛ siwi a ta naa, Korowii toperɛ la telaa, yaa komaa.
- <sup>10</sup>Anomanta saŋ belbwa, de ŋwene lole naa, yaɔ cha nomelbwa, a laa keŋɔ nera ya ne baa de di lola Yeesu Kristo neɛ teŋa no ta no.
- <sup>11</sup>N gbagbaa chwere bono la. He na ge maa chwera a do bare ge!
- <sup>12</sup>Nera baa de do heyaa ŋo hɛ teŋi he pena la, nera sie ta waa baa ɛ ge. Ba de ɛ ge ase Juda tena na de be ba yaradae baa yarada Yeesu dagagre ta sewa waa koh de hah ba.
- <sup>13</sup>Nera baa seah ba teŋi ba pena la, ba gba aa Mosis Mmara la bwa ta teŋe. Ba de nyin ba teŋi he pena ase de won kpɔ a waa deɛ ta nyoa.
- <sup>14</sup>N te aa n te maŋkura wobelbwa ta. Yeesu dagagre ta sewa la waa taa n te ɛ jaagi. O seo la gelo hare ta bono waa bere wepɛɛ n be, a ta kpegri doe n neɛ kpa.
- <sup>15</sup>Penteŋa ne o be teŋa te ta hiah kwaraa. Waa aa hiah laanee ke Korowii aa chare ya liire ya ɛ nenfala.
- <sup>16</sup>Nera baa de teŋe ge waa maa de bagle no ta ba sogɔ bini la, Korowii na ba sum de tee ba bambisoona. Baneɛ o nera Israel tena la.
- <sup>17</sup>Nomelbwa be men yona do kpa. Yeesu Kristo toma maa de ɛ la, a ŋwera pela lo n ne.
- <sup>18</sup>Yabala, ya Doo Yeesu Kristo cha heya. Aamen.

## Fesos

### Fesos 1

<sup>1</sup>Men Yeesu Kristo torome Poolee chwere ton no. Korowii tetooraa o te me toma no. N chwero dee te he nera haa lo Efesos de e Korowii nera dee teje Yeesu Kristo nee kasintej ne la.

<sup>2</sup>N Naa Korowii ne ya Doo Yeesu Kristo cha heya, de te heyaa bosohna.

<sup>3</sup>Hé gel ya jam ya Doo Yeesu Kristo Mee Korowii, dekalkenjo o cha yaa wedeega la bwa aa le o Domadeege be la ta, ase yaa na som o be nyundua, pee ya ne Yeesu Kristo aa pea la nomanta.

<sup>4</sup>Korowii felo de le yaa te o te sañ la o faa wola hare gba tae la, de njo o de ba gela ya ne Yeesu Kristo pe ya won do kaih de be donja belbwa do o be.

<sup>5</sup>O nyina waa de nyin yaa waa o fel jeme ya waa cheg kenjo wee koh Yeesu Kristo waa de kpo yaa e o bii. O tetooraa o chega ge.

<sup>6</sup>O Binyini la waa o sune ya nee de ta tea de cha yaa ge ase nera won kpero ya sum waa de na kohona la wa.

<sup>7</sup>O Binyini laanee le ya seo sewe. O chatee yawe yaa te Korowii, ase o kpo ya wechoga dee ke yaa. Anee dee bagle suna waa sune ya nee kohona dee cha yaa la.

<sup>8</sup>O ta de cha yaa kerede ya won do wejema ne liire.

<sup>9</sup>Ge bwa Korowii aa e Yeesu Kristo waa cheg o tetoora ta a fa soh yaa la, o bero pili a bwa bini te yaa ya won jeme ge aa su o siwi o chega ge sañ la,

<sup>10</sup>ase a e ge sañ la waa liira la. O chega kenjo wee geloo nyundua ne hare ta komelbwa e benkponj, ase Yeesu Kristo e ba Doo.

<sup>11</sup>Ya ne Yeesu Kristo aa ba e benkponj la waa o le yaa te o te. Korowii o yon dee cheg ge wobelbwa aa de ba ee ase a yon e ge waa de nyin la, on fela le yaa te o te <sup>12</sup>ase nera won nyinji ya banjo la yaa fela do hwega Yeesu Kristo waa ta la, de kpero, de teo jirima.

<sup>13</sup>Baa bagle heyaa kasintej de le Amanesoma la aa de le heyaa la ta la, he gba seoh de ja benkponri ya ne Yeesu Kristo aa ea la ta. Haa yarada Korowii de kpo he te teo la, o kpo o Domadeege te heyaa ge waa bage heyaa nyoa la. O Domadeege la lo ya nee de e nso kenjo ya e Korowii nera.

<sup>14</sup>O Domadeege la taa a che ya jeme kenjo yaa do kwaa Korowii aa bage o nera nyoa laanee. Anee bagla kenjo Korowii ee le o nera bwaa ta de le son ne jirima te o te.

<sup>15</sup>A waa gela maa no he yarada haa de yarada ya Doo Yeesu Kristo de kpo he te teo dee nyin Korowii nera la bwa la,

<sup>16</sup>n ta de jam Korowii he waa sañ belbwa, de soño dee te heya.

<sup>17</sup>Ya Doo Yeesu Kristo Mee Korowii la waa do jirima kerede ga la, o ja heyaa wejema, de chaah he sie ase he won dee jeme o waa sanj belbwa,

<sup>18</sup>de pili he sie de gel he won jeme hwega Korowii aa le heyaa he do a do kan kohona la kerede, de jeme kenjo wedeega waa bage o nera nyoa no baa doo la kan taeh,

<sup>19</sup>de bere jeme kenjo kpegri Korowii aa doa dee cha ya bano la yaa yaradao la kan, a ta donj doe. He lii ge o faa cha Yeesu Kristo o kpegri ne la, de jeme kenjo kpegri la tentenee o kpo dee cha yaa.

<sup>20</sup>O iru seo ta de kpoo kaa o be ka so nomombor o be nyundua bela,

<sup>21</sup>o do kpegri kerede ga de gwaa kpegri konchoga aa bea yaa wola an na bwa soosiwi aa doa, de do son gwaa komelbwa kee nomelbwa waa lole taraken ne nera baa de ba bala topere aa de ba bala la ta.

<sup>22</sup>Korowii kpo komelbwa ne nomelbwa bil Yeesu Kristo sie o tire ba ne, de bere gel o e asore tena bwa nyu,

<sup>23</sup>ase ba ge e o bwadabi. Onee kana ga de won su hare no bwa, ke asore tena laanee gela o di mu ka tone.

## Fesos 2

<sup>1</sup>He fa do kenjo he sewo Korowii be. He wechogaa gela he begre ge.

<sup>2</sup>He fa do hare no ta liire dee teje wechoga ta, dee teje konchoga bwa yaa wola an na la doo la ne. O tentenee dee e toma dennekpeg tena bambili bini.

<sup>3</sup>Gee ya bwa faa e, dee e waa ya newenyini mar wechoga aa suu no aa de nyin, ase dee teje ya bwadabii pela ne ya liichoga ta. Ya ne nera baa do hare no ta liire bwa nee Korowii baah faa di.

<sup>4</sup>Ke Korowii nyina waa de nyin yaa kohona, ne suna o yon dee sune ya nee kerede la nomanta,

<sup>5</sup>o ir yaa seo la ya wechoga nomanta yaa sewa la ta, de bere koh pee ya ne Yeesu Kristo aa pea la waa de te yaa mkpafale. Korowii suna waa sune he nee la taa a che o le heyaa.

<sup>6</sup>Korowiirii ir ya ne Yeesu Kristo bwa seo ta, ase pee ya ne waa pea la nomanta, o bere te ya bwa sonjibora o be nyundua.

<sup>7</sup>O e ge de kpo bage nera baa wola toole de taa ba bala ase ba na ge waa gara sune ya nee kohona de cha yaa kerede, ge waa chege Yeesu Kristo nee de ta tea e yaa waa no bwa la. O nen nee suna kan kerede. A ta donj doe.

<sup>8</sup>Korowii aa le heyaa ta la, o nen nee suna ne he yarada waa o e ge. He gbagba be laa a le, peepe o le heyaa ta de te heyaa mkpa.

<sup>9</sup>Ya wedeega ta laa a che o le yaa, nomelbwa be kpo dee manjura o te.

<sup>10</sup>Korowiirii ta ya bwa. Waa ta yaa la, wedeega e waa o ta yaa áse ya che Yeesu Kristo kpegri ta dee ea. O to sie cheg yaa ke ya baa e wedeega.

<sup>11</sup>Anomanta hée lii ge he faa doa la. He ta Juda tena ee, ase Juda tena baa de mankura penten waa koh ke haa he pena teje dee nyinji he nyu baah. A e newenyini bwadabii we-ela.

<sup>12</sup>He faa Kristo Korowii aa bage nyoa no wee tomoo o ba le yaa la waa jeme. He fa ta Juda tena Korowii aa lee ba de gel ba e o nera la nee jae. He faa nyoo Korowii aa baa de kwaa o ne o nera foo doe la waa jeme. He fa ta hwega belbwa doe. He faa Korowii jeme o won cha heya.

<sup>13</sup>Ke taraken he bano la he ne Korowii baah faa jaja la, Korowii koh Yeesu Kristo seo waa sewa ase he ne o won pe la waa de kpo heyaa ba o be.

<sup>14</sup>On gela nyopeo ba, de gel ya bano la ya faa hah donja la e benkpon. Haeh ya Juda tena ne he bano la haa wola Juda tena ee no faa hah donja la do ke danjwee de teje yaa baah ta. Onee pagre a ge danjwee la.

<sup>15</sup>O gbagba bwadabii o kpo e ge de sewe de laa Mosis Mmara la laa kpo ya ne, ase bano la baa de teje a ta la be ba te pere le bano la baa wola a ta teje la ne. Onee wona kpo ya bwa pe de begre yaa ya e nembenkpon, dekalkenjo ya bwa ne onee pea. Gee o e de gel ya do nyopeo.

<sup>16</sup>Waa la bwa a faa vorowe yaa ya hah donja la, o chog a bwa ta dagagre la ta de gel ya bwa e benkpon, de bere lawe ya ne Korowii pe.

<sup>17</sup>O baa bagle he nera haa wola Juda tena ee he ne Korowii baah faa jaja la ne Juda tena ba ne Korowii baah aa wola jaje la bwa amanesoma kenjo nyopeo balo.

<sup>18</sup>Onee gela ya bwa do Korowii Domadeege la, de che o nee de won dee tel o Mee be.

<sup>19</sup>Anomanta he ta hohra ee kpa. He e bweelembii de ja o nera la ne, de e o gbagba lola,

<sup>20</sup>de ja Yeesu toroma ne o keamere la ne. Jae haa ja ba nee do kenjo baa de ma dea la. O gelo he do kenjo dea danjwe. O toroma ne o keamere laanee dea la sollogle, ase o gbagba gee bwedege la baa kpoa pa dea la mun la.

<sup>21</sup>Onee lawe bano la bwa ba ne waa pea la kpone, ase dea la ee kpeg de e Korowii Dea, o nomanta.

<sup>22</sup>Pe ee he ne waa pea la nomanta, he gba ja dea la Korowii aa de ma o e o dobor la ta. O Domadeege la aa soghe he nee la nomanta, he e o dobor.

### Fesos 3

<sup>1</sup>Gee a do men Pool baa koh ke n de teje Yeesu Kristo nee de bol o waa la dee bagle he bano la haa wola Juda tena ee de do me dea la, n de soje Korowii dee te heya.

<sup>2</sup>He ken no ge Korowii aa sune n nee de cha me kerede n won dee cha heyaa la.

- <sup>3</sup>O gbagbaa pili o wesooḥla waa bini bag me. N fa chwere ge waa no tama de te heya.
- <sup>4</sup>De he kure ge n faa chwera la aa, hae wonoo jeme keḅo n jeme Yeesu Kristo wesooḥla la bini.
- <sup>5</sup>Korowii fa ta o wesooḥla bini pile bagle saḅ la tena. Ke taraken o Domadeege bagla o nera baa e o toromedeege ne o keamedeege la be,
- <sup>6</sup>de gel ba jeme keḅo pee bano la baa wola Juda tena ee la ne Yeesu aa pea la ne Amanesoma la baa noa la nomanta, ba ja Juda tena nee de e Korowii kwa, de bwa ja Yeesu Kristo bwadabii ta, de bwa pe dee di Korowii nyobaga la ge tono.
- <sup>7</sup>Amanesoma toma noo Korowii kpoo te me. Sunaa o sune n nee kohona de cha me o kpegri ne, n won dee e toma no.
- <sup>8</sup>N e bechala o nera bwa bini n fe aa wola chee, ke menea o le ḅo ni bol o Amanesoma la bagle nera baa wola Juda tena ee ase ba ge jeme wedeege aa wola jaga doe de le Yeesu Kristo waa bini.
- <sup>9</sup>Korowii aa ta komelbwa ba le fini, o kpoo waa no ne ge a ḅwenere aa doa soḥ newenyini. Ke taraken o pili a bini bag me ni bol bagle nera bwa ba jeme.
- <sup>10</sup>O e ge ase nyundua toroma ne kwaa aa do kpegri bwa de do Korowii be nyundua bwa pese asore tena waa de jeme ge bwa Korowii wejema aa kana ne ge waa de e o toma.
- <sup>11</sup>Ge waa chega wubwa la, ya Doo Yeesu Kristo aa bala la, a wono e ge.
- <sup>12</sup>Yaa de yarada Yeesu ya ne o pee no, yaa wonoo ba Korowii be yaa wola ome.
- <sup>13</sup>Anomanta waa maa de soḅe heyaa laanee ke he be gel he bwara hwah wahala maa koh he waa dee na no ta. He jeme keḅo he de do son n wahala no ta.
- <sup>14</sup>Anomanta n de guḅi N Naa Korowii hare.
- <sup>15</sup>Onee komelbwa waa lo nyundua ne hare bwa Mee. O bee ba meenanar le ba son ne ba kpegri dee di.
- <sup>16</sup>N de soḅo ke, chae waa de cha yaa kohona a do jirima no nomanta, o gel o Domadeege te heyaa kpegri ase he won lawe o waa bini kinḅin he bambile bwa ne,
- <sup>17</sup>de won do yarada kerede, ase he won lawe Yeesu Kristo he ne o pee. N de soḅo he bambile won do o nee de lawo kerede,
- <sup>18</sup>ase he ne Korowii nera la bwa won jeme ge Yeesu Kristo nyina aa kana de do luḅri, aa wola jaga doe bwa.
- <sup>19</sup>O nyina waa de nyin yaa la gwaa ya liire. Ke n de soḅe Korowii he won jema, de won do o gbagba da kerede ga de ka tone.
- <sup>20</sup>Hee te Korowii son! Onee chege o kpegri waa kpoo dee e toma ya bini la ta de won e waa aa gwaa ge ya fe aa liira dee soḅo la.

<sup>21</sup>Hé gel o do jirima Yeesu Kristo ne asore tena waa bini san belbwa! Aamen.

## Fesos 4

<sup>1</sup>Men Pól maa koh ya Doo waa la waa ba do me dea la, n de soje he bwa, hée teje ge aa che ke nera Korowii aa lee ba te o te ee teje la.

<sup>2</sup>Hée sooh bwara dee pwer he te, de koh doja nyina waa de do bambile doja ne,

<sup>3</sup>de swee siwi hé ne he bala baah do wer san belbwa, de be nyopeo la Korowii Domadeege aa te heyaa la chog.

<sup>4</sup>Yeesu bwadabii lo bejkpon, o Domadeege ge lo bejkpon, ase hwega Korowii aa le yaa ya bwa do la ge e bejkpon.

<sup>5</sup>Ya bwa Doo lo bejkpon. Waa ya bwa aa de yarada, ne Korowii nee baa so ya bwa la ge e bejkpon.

<sup>6</sup>Ya bwa Meee Korowii, o lo bejkpon. Onee do ya bwa dee e toma ya bwa bini, de do ya bwa ne.

<sup>7</sup>Ke ya belbwa do chae Yeesu Kristo aa chao. Ge waa de nyin laanee o bona te ya bwa ge del aa che ke belbwa do.

<sup>8</sup>Ba chwere Korowii Ton bini no, "O kaa nyundua. Nera waa lag ba la teje o nee de kaa, ase o ke nera kwa."

<sup>9</sup>Baa noa no o kaa nyundua la, a baglo kejo o to sie tu ba hare.

<sup>10</sup>Nen waa tua la, o tentenee kaa nyundua de ka do nyundujagla ase de won do bobelbwa.

<sup>11</sup>Onee ke nera kwaa la. Kwaa waa ke nera laanee no: O cha bane ba won che o kpegri ta de e o toroma, de cha bane ba won che o kpegri ta de bol o wa, de cha bane ge baa bol o Amanesoma la. O cha bane ge baa nyinji o nera nee dee bag ba o nwen ta teja.

<sup>12</sup>Gee o e de cha nera ba won e o toma de cha doja Yeesu Kristo bwadabii la won do kpegri,

<sup>13</sup>ase ya bwa won do nyopeo yarada yaa yarada Korowii Bie ne jema yaa jemo la ta kerede de ka tone, de won kpeg kerede kejo nomonome o nee teja ta, ge Yeesu Kristo aa doa la. Onee ya kpo dee mage ya te de jeme ge yaa kpeg.

<sup>14</sup>A taa aa ba chega nera aa wola won negre yaa kejo bechale. De ya ta kpege kerede o nee teja ta naa, bane ee ba bagle yaa waa aa koraa, ya den seh warane dee tee ba kejo peu won goo kon ir nyundua de yon kpo ka ta bobelbwa la. Nera bane won ba liire kpo de teje nyosone a do kejo kpelaa ken, de won negre nera.

<sup>15</sup>Korowii de nyin kejo ya lawe kasinten la bini kerede dee bola doja be nennyin ne, ase ya won kpeg kerede de do ge Yeesu Kristo aa doa. Onee ya nyu.

<sup>16</sup>Yan gee o bwadabi. Onnee choŋri bwadabii la bwa, aa lawe dɔŋa keredɛ de bwa ε beŋkpoŋ dɛɛ cha dɔŋa áse de won kpeg tel o maga bwa la. Dɔŋa nyinaa gela Yeesu Kristo bwadabii won kpeg gɛ de do kpegri la.

<sup>17</sup>N siswem waa n che n Doo Yeesu sɔn ta dɛɛ bol he be la. He be banɔ la baa wola Korowii tome la nɛɛ teŋɛ kpa. Wepuu baa lii dɛɛ teŋɛ a ta la.

<sup>18</sup>Ba sibile tɔɔgɔ. Ba nya liire, deƙalkɛŋɔ ba ε deŋnekpeg tena. A waa gela baa wola Korowii mkpa dɔe la.

<sup>19</sup>Wobelbwa aa ban sihih ε. Anomanta ba saahnɔ dɛɛ teŋɛ ba pɛlchɔga we-ɛɛla ta, dɛɛ ε wedɔŋa ba siwi swɛɛ a ta.

<sup>20</sup>Kɛ he te, gɛ laa ba bagle Yeesu Kristo waa ŋɔ hɛɛ teŋɛ a ta.

<sup>21</sup>He no o wa, ba bagle heyaa kasintɛŋ ŋwɛne la, ase he jeme gɛ baa de teŋɛ Yeesu nɛ.

<sup>22</sup>Taraken hɛ gel he dabene la ne waa he faa de teŋɛ a ta la. He pɛlchɔgaa negre he bwa dɛɛ chɔg he da la. Hɛ gel webena la bwa,

<sup>23</sup>de gel Korowii kwaa he bambile ne he liire bwa á bere anfala.

<sup>24</sup>O tɛ heyaa dafale bel soosiwi waa kwaara, o do kɛ o tenten la áse he won ε nendɛɛga tenten, he waa bwa do keredɛ o be. Anomanta hɛ kpɔ dafale la.

<sup>25</sup>Hɛ laa nyosone belbwa laa kpɔ he waa ta, dɛɛ bol kasintɛŋ dɛɛ tɛ dɔŋa, deƙalkɛŋɔ he bwa pɛ bwadabii beŋkpoŋ ta de ε beŋkpoŋ.

<sup>26</sup>De he baah diu waa, he be gel a ε bandichɔga he ε wechɔga. Hɛ gel o sɔɔh warane. Aa were kɛŋɔ he baah di wee ka jo de o ta sɔɔhne.

<sup>27</sup>He be gel Bɔnsam dɔ bɔr de negre heya.

<sup>28</sup>He fa de ŋwe kɛɛ? Hɛ gel gɛ ɛɛ de kpɔ he nɔɔra haa kpɔa dɛɛ ŋwe la dɛɛ ε tondɛɛga de dɔ dɛɛ di, de won dɔ ane dɛɛ tɛ nyaara ba gee di.

<sup>29</sup>He be gel wedɔŋa belbwa ɛ le he nyoo, kɛ hɛ gel he wobol ε waa aa wera dɛɛ do nera gbemba waa aa kpoŋ ba ta, de won cha banɔ la baa de noa la.

<sup>30</sup>He be gel Korowii Domadɛɛge la tea bini chɔg. Korowiirii kpɔɔ do heyaa nso dé won jeme he banɔ la waa de ba lee o lee tɔpere la.

<sup>31</sup>Hɛ gel nyegre doe, ne bandia, ne gaeh, ne wesagasagare, ne bahmugliwa, ne meesɔhwaa bwa,

<sup>32</sup>dɛɛ ε dɔŋa wedɛɛga, de dɔ dɔŋa chal. De he dɔŋ ɛɛ wechɔga aa, kpɔ keo kɛŋɔ Korowii aa koh Yeesu Kristo waa de kpɔ he wechɔga kɛ heyaa la.

## Fesos 5

<sup>1</sup>He ε Korowii bii waa de nyin heya, anomanta hɛ chaaro de kpɔ o da.



- <sup>2</sup>A wer keṅɔ he so dɔŋa nyina ne keṅɔ Yeesu Kristo aa nyin yaa de sewe le yaa a e sarahadεεge de te Korowii la.
- <sup>3</sup>Ke jwamane ne wedoŋa ne sibegra dɔŋa kwaa ta te, he be a waa dεε bol a ba e keṅɔ hεε εa, dekalkεṅɔ aa were te Korowii nera.
- <sup>4</sup>Hεε nyiŋi kerεde he wobol bini, de be wobochɔga ne genewobol ne wobosale dεε bol. A ta che ke hεε bola. Hε gel he wobol e Korowii kpεera wa.
- <sup>5</sup>Hε jeme kerεde keṅɔ nera baa de bɔ jwamane, dεε e wedoŋa, ba sie εε begre kwaa ta la aa bɔr dɔe ba Yeesu Kristo ne Korowii Kora la bini. Sie begra kwaa ta do keṅɔ vog toma ken.
- <sup>6</sup>He be gel nomelbwa kpɔ wepuu de won negre heya. A ge waa nɔ bwa waa Korowii baah di deŋnekpeg tena nεε weε ba ba deŋne tεra.
- <sup>7</sup>Anomanta he ne ge nera la be wobelbwa ta pε.
- <sup>8</sup>He waa bwa fa e biro bini wa, ke ya Dɔɔ Yeesu nomanta he e bochaah ta nera. Anomanta hε gel he sog a bini wobelbwa do keṅɔ bochaah ta nera.
- <sup>9</sup>Bochaah ta we-εεlaa wedεεga, wekaih, ne kasintεŋ wa.
- <sup>10</sup>Anomanta hε jeme waa haa e aa le Korowii sie,
- <sup>11</sup>ase de gel biro bini waa εε. A ta tɔnɔ dɔe. Hε le a ne baŋ ase nera jeme ge aa doa.
- <sup>12</sup>Waa ba yon sɔh dεε e la aa were. A waa bagla gba dɔ sihih.
- <sup>13</sup>Ba le komelbwa ne bochaah ta naa, o kon soosiwi won nae kerεde.
- <sup>14</sup>Kon la bwa bɔr aa chaah o ta la, o gbagba de bagle o te. A waa ba yon ŋɔ, "He bano la haa sewa cho la, hε ir ase Kristo chaah he nεε" la.
- <sup>15</sup>Anomanta hεε nyiŋi he sog a bini kerεde de e wejerema de be gen.
- <sup>16</sup>Wechɔga lole kerεde taraken. Anomanta hε takapɔ dεε e wedεεga taraken nɔ haa do bɔr de εa nɔ.
- <sup>17</sup>Hε gel he nferε nyae la de jeme waa Korowii aa de nyin la kerεde.
- <sup>18</sup>He be sen nyɔ kohona dεε dεε. Ge de chɔg nen. Ke hε gel Korowii Domadεεge la so he nεε kerεde,
- <sup>19</sup>ase de gel o wobol ne o yela do he bambile bini he bola dεε te dɔŋa, dεε go yela aa de bagle o waa la ne anɔ la aa de kpεero. Hε kpɔ silεε dεε kpεe he Dɔɔ he bambile bwa ne,
- <sup>20</sup>dεε yere ya Dɔɔ Yeesu Kristo sɔn dεε jam N Naa Korowii waa bwa ta.
- <sup>21</sup>Hε bwa εε no dɔŋa be ɔma haa de ɔmε Yeesu Kristo la nomanta.
- <sup>22</sup>Haahna, hεε no he jaranar waa keṅɔ he Dɔɔ Yeesu Kristo waa hεε no la,

- <sup>23</sup>dɛkalkɛŋɔ baalee ε o haah nyu te kɛŋɔ Yeesu Kristo aa ε asɔre tena bwa nyu te la. Banee ε o bwadabi wɛɛ lɛɛ ba.
- <sup>24</sup>Anomanta a chɛ kɛ haahna ɛɛ no ba jaranar waa wobɛlbwa ta kɛŋɔ asɔre tena aa dɛ no Yeesu Kristo waa la.
- <sup>25</sup>Baala, hɛɛ nyin he haahna kɛrɛdɛ kɛŋɔ gɛ Yeesu Kristo aa dɛ nyin asɔre tena dɛ koh ba waa sewɛ la.
- <sup>26</sup>O sewɔ tɛɛ ba dɛ gel ba won ε o nera asɛ ba doŋa bwa won le ba nɛ, o waa baa noa ne Korowii nee baa sɔ ba nomanta.
- <sup>27</sup>O ε gɛ dɛ won kpɔ asɔre tena berɛ o handɛɛge, doŋa bɛlbwa aa wola toole o nɛ, waa wola kirihiah bɛlbwa dii, o bobɛlbwa aa wola jweremɛ, dɛ do wer ka tonɛ.
- <sup>28</sup>Gɛɛ chɛ kɛ baala gɛɛ nyin ba haahna kɛŋɔ gɛ baa dɛ nyin ba gbabir bwadabii la. Baa bɛlbwa waa dɔ haah dɛɛ nyinu gɛ la, o gbabirii wɛɛ nyin la.
- <sup>29</sup>Umee dɛ hah o gbabir ɔ? Nomɛlbwa dɛ nyiŋi o te kɛrɛdɛ dɛɛ nyiŋi o nyu gɛ Yeesu Kristo aa dɛ nyiŋi asɔre tena la.
- <sup>30</sup>Ya bwa ε o bwadabii la pera.
- <sup>31</sup>Ba chwɛrɔ ŋɔ, "Gɛ nomanta baa lɛɛ gel o nya ne o mɛɛ, asɛ o ne o haah ka pɛ, ba nera banɛ la ε nɛmbɛŋkpoŋ."
- <sup>32</sup>A gɛ waa nɔ bini luŋri. N te be te, Yeesu Kristo ne asɔre tena waa ba bagle gɛ la.
- <sup>33</sup>Anomanta hɛ bɛlbwa takapɔ dɛ nyin o haah kɛŋɔ o gbagba, hɛh gɛ kpɔ duure dɛɛ te o jaa.

## Fesos 6

- <sup>1</sup>Bechale, hɛɛ no he nyare ne he mɛɛnanar wa, dɛkalkɛŋɔ anee wera tɛ heyaa ya Dɔɔ Yeesu Kristo nɛɛ tɛŋa ta.
- <sup>2</sup>Ba chwɛrɔ ŋɔ, "Duu he nya ne he mɛɛ," dɛ berɛ chwɛrɛ nyobaga bel waa ja o ta, o ε Korowii mmara waa tɔ sie bagɛ nyoa ja o ta.
- <sup>3</sup>Kenii o ŋɔ, "Dɛ he dɛ ε gɛ naa, Korowii ɛɛ nyiŋi heyaa, dɛ tɛ heyaa mkpajan hare nɔ ta."
- <sup>4</sup>Mɛɛnanar, he bɛ he bii sibegra dɛɛ do asɛ ba baah nɛɛ di. Hɛ kpoŋ ba kɛrɛdɛ dɛɛ bag ba ŋwɛnɛrɛ ne waa la bwa aa wera ya Dɔɔ be.
- <sup>5</sup>He banɔ la baa do heyaa bonɔɔna kɛɛ toli la, hɛɛ no he dɔɔranar baa lɔ hare nɔ ta wa, dɛɛ duu ba, dɛ ta tea dɛɛ tom ba kɛŋɔ Yeesu Kristoo hɛɛ tomɛ.
- <sup>6</sup>He be sɔn waa koh dɛ kpɔ bokpega dɛɛ ε toma nera sie ta, kɛ hɛɛ ε toma kɛrɛdɛ gɛ aa chɛ kɛ Yeesu Kristo bonɔndɛɛga ne toldɛɛga ɛɛ ε, dɛɛ ε toma he bambile bwa ne á su Korowii siwi.
- <sup>7</sup>Hɛ kpɔ silɛɛ dɛɛ ε toma. Nɛn laa hɛɛ tomɛ. He Dɔɔ Yeesu Kristoo hɛɛ tomɛ.

- <sup>8</sup>Onée dɛɛ ba nomɛlbwa kem bɔɛ o tondɛɛga bwa waa ɛa ta. Dɛ bonɔɔ kɛɛ toloo ba doe noo, dɛ he nyuu hɛɛ di oo, he bwa dɛ ba tondɛɛga haa ɛa kembɔr dɔɛ Yeesu Kristo be.
- <sup>9</sup>Dɔɔranar, hɛɛ ɛ he bonɔɔna ne toli kɛɛdɛ, dɛ gel ba fiiga. He jemɔ kɛɛɔ he ne ba bwa Dɔɔ lɔ bɛɛkpoɔ nyundua. Waa bane nyine dɛɛ gwaa bane.
- <sup>10</sup>Anɔ la aa kaa laanee kɛɛɔ hɛ gel he ne ya Dɔɔ pɛ áɛ he won dɔ kpegri waa dɔa kohona la.
- <sup>11</sup>Bɔnsam dɔ baradeere kɛɛdɛ ga. Anomanta hɛ kpɔ Korowii laa laala bwa do dɛ won yoo,
- <sup>12</sup>dɛkalkɛɛɔ nɛn laa ya ne wɛɛ yo. Ya ne Bɔnsam toroma aa bea yaa wola an na a dɔ kpegri hare nɔ ta nera baa wola Korowii tomɛ dɛ do biro ta la nɛ, ne konchɔga bwa soosiwi aa wara kohona laanee dɛɛ yo la.
- <sup>13</sup>Anomanta a che kɛɛɔ he kpɔ Korowii laa laala bwa dɛ do kɛɛdɛ, dɛ konchɔga la baa ɔ a yo heya aa, he won che kiɛkiɛ dɛ yo ka tone dɛ ta won che.
- <sup>14</sup>Kenii hɛɛ ba ɛ dɛ won che. Hɛ kpɔ kasintɛɔ ɛ kriso, dɛ kpɔ waa aa togra ɛ laa batakaare,
- <sup>15</sup>dɛ kpɔ Amanesoma la aa dɛ bagle nyopɛo dɔɛ la do he nakpale,
- <sup>16</sup>asɛ dɛ kpɔ yarada tɔ he te gbemgbe dɛ won lɛ hema la Bɔnsam aa kpɔa su nii ta dɛɛ ta heyaa la bwa dɛɛ ta,
- <sup>17</sup>dɛ bere kpɔ lɛɛ Korowii aa lɛ heyaa la ɛ buni gbɛɛ dɛ kpɔ pi, dɛ kpɔ o waa la aa ɛ o Domadɛɛge tokobii la kpoɛ.
- <sup>18</sup>Hɛɛ soɔo hare bini soɔa nɔ bwa. Hɛ che Korowii Domadɛɛge la kpegri ta dɛ soɔo saɔ bɛlbwa. He bɛ dom dɛɛ chɔ. Hɛɛ soɔo Korowii saɔ bɛlbwa dɛɛ tɛ o nera la bwa.
- <sup>19</sup>Hɛɛ soɔo dɛɛ tɛ n ge, asɛ dɛ n dɛ ba waa bola aa, n dɔ waa dɛɛ bol, dɛ dɔ bambile dɛ won pili o wesɔhla la dɛ le Amanesoma la bini.
- <sup>20</sup>Maa ɛ Yeesu nachige dɛɛ bol Amanesoma nɔ ba koh a waa do mɛ dea nɔ. Hɛɛ soɔo Korowii asɛ n ta dɔ bambile dɛɛ bagla ge aa che ke mɛɛ bagla.
- <sup>21</sup>Tichikos waa ɛ ya dɔɔ yaa nyinu kohona wɛɛ ɛ ya Dɔɔ toma kasintɛɔ ne la, onɛɛ dɛ ba bagle n toma waa bwa ne ge maa doa.
- <sup>22</sup>A waa gela n tomɔ he be áɛ o ba bol ya waa bagle heya, dɛ do heyaa gbemba la.
- <sup>23</sup>Ń Naa Korowii ne ya Dɔɔ Yeesu Kristo tɛ he ne yabala la bwa dɛɛnesɔhna ne nennyin ne yarada,
- <sup>24</sup>dɛ cha he banɔ la bwa haa dɛ nyin ya Dɔɔ Yeesu Kristo bambile bwa ne aa wola jaga dɔɛ la.

## Felepae

### Felepae 1

<sup>1</sup>Men Pɔl ne Timoti yaa ε Yeesu Kristo bonɔna la, yanee chwere tɔn nɔ dɛɛ tɛ Korowii nera he ne Yeesu Kristo aa pea he do Felepae la, ne he nomonome ne nera baa chɔ tomare nyoa la bwa.

<sup>2</sup>N Naa Korowii ne ya Dɔɔ Yeesu Kristo cha heya, dɛ tɛ heyaa bosɔhna.

<sup>3</sup>Saɲ belbwa maa lii he waa la, n dɛ jam N Naa Korowii he wa,

<sup>4</sup>dɛ yon kpɔ silɛɛ dɛ soɲo dɛɛ tɛ he bwa,

<sup>5</sup>pɛɛ ya ne he bwa aa pɛa dɛɛ cha dɔɲa Amanesoma toma la ta le mumpar ba le fini la nomanta.

<sup>6</sup>N dɔ hwɛga kɛɲɔ gɛ Korowii aa pa mun dɛɛ ε o tondɛɛga he bambile bini la, wɛɛ ja a taa ka tel awola Yeesu Kristo aa ba la.

<sup>7</sup>A ɲwɛnɛ taa n dɔ he hwɛga gɛ la, dɛkalke he bwa waa lɔ n bambile ta. Baa do mɛ dea la, ne yoi maa yoa lɛ Amanesoma la cheg dɛ bol kasintɛɲ aa lɔ a ta dɛɛ bagle nera la, n ne he bwa nɛɛ Korowii sune dɛ cha yaa a ta.

<sup>8</sup>Korowii jemɔ kɛɲɔ he pela lag mɛ taeh, nennyin Yeesu Kristo aa kpɔa do n bambile ta la nomanta.

<sup>9</sup>N dɛ soɲe Korowii kɛɲɔ o gel he dɔ nennyin kɛɛdɛ dɛɛ ja, dɛ berɛ dɔ wejema ne nferɛ dɛ ja a ta,

<sup>10</sup>áɛɛ dɛ won jemɛ waa aa wera kohona. Anee dɛ gel he won do kaih, nomɛlbwa aa wola he wechɔga dɔɛ ba dɛ bol ka tel awola Yeesu Kristo aa ba la.

<sup>11</sup>N dɛ soɲo kɛ he che Yeesu Kristo kpegri la ta dɛ won dɛɛ ε wedɛɛga kɛɛdɛ, áɛɛ nera ɛɛ tɛ Korowii sɔn ne jirima.

<sup>12</sup>Yabala, n dɛ nyin kɛ he jemɛ kɛɲɔ wedɛɛga le waa aa chig n nɛɛ la ta, dɛ gel Amanesoma la won kaa sie.

<sup>13</sup>Bonɔ koojen soojare baa dɛ daah o dem, ne nera baa lɔ bonɔ bwa jemɔ kɛɲɔ maa ε Yeesu Kristo bonɔ waa ba do mɛ dea.

<sup>14</sup>Aɛɛ n dea chɔɛ la berɛ gel yabala galga gee yarada ya Dɔɔ Yeesu kohona, dɛ dɔ bambile dɛɛ bagle Korowii Waa la kɛɛdɛ, baa wola ɔmɛ.

<sup>15</sup>Kasintɛɲ, bɔweela ne dɔɲa meera waa nera bane ɛɛ bol Amanesoma la, aɛɛ bane gee bola bambile bwa ne.

<sup>16</sup>Ba te la, nennyin waa baa ɛa, dɛkalke ba jemɔ kɛɲɔ Korowiirii kpɔ toma nɔ tɛ mɛ ɲɔ n yo lɛ Amanesoma la cheg.

<sup>17</sup>Banɔ la ge, ba gbagba sɔn nyina waa baa bol Yeesu Kristo wa, ba tepɔɲ ne laa. Ba dɛ lii kɛɲɔ ba ε ge naa, baa wonoo gel n tea bini chɔg dɛ ja n dea chɔɛ nɔ ta.

<sup>18</sup>Ƙε pεεpεε. Dε liichɔga nee baa bola o, dε tepɔŋ nee baa bola o, Yeesu Kristo waa baa bol la, n baah sɔɔh mε. Aa sɔɔh mεε dεε la,

<sup>19</sup>dεkalkεŋɔ n jemɔ ƙε Korowii εε lεε mεε le waa aa chig n nεε nɔ ta, he Korowii soŋa ne Yeesu Kristo Domadεεge la alaworomε.

<sup>20</sup>Waa maa dε nyin n siwi swεε a ta laanee ƙεŋɔ n bε n toma ba ε kahone siiihih ba kpo mε, ase n won dɔ bambile ƙεredε taraken ƙεŋɔ n faa dɔ bambile la, ase Yeesu Kristo won dɔ jirima n we-εela bini. Dε ba gelɔ n so le noo, ba kpo mε noo, Yeesu Kristo dɔ jirima a bwa bini.

<sup>21</sup>N soga nɔ maa soga nɔ, Yeesu Kristo waa n so. Dε n sewɔ ge aa, anee dɔ tɔnɔ te me kwara.

<sup>22</sup>Ƙε dε n ta sogε le naa, mεε ba wonoo ε toma a won dɔ tɔnɔ ƙεredε. Anomanta, maa jemε onɔ la bwa waa wera n be n kpo.

<sup>23</sup>N chinchanɔ. N dε nyin ƙε n sewε dε ka so Yeesu Kristo be. A bɔ kohona ƙε maa sogε bonɔ.

<sup>24</sup>Ƙε he nomanta, a hiaoh kohona ƙε n do bonɔ dε won cha heya.

<sup>25</sup>Anomanta, n jemɔ ƙεŋɔ mεε so he bee dε won cha he bwa he kpeg Yeesu Kristo waa la ta, dε dɔ silεε he yarada ta,

<sup>26</sup>ase dε n baa so he be ja aa, he won dɔ bɔr ƙεredε dεε jaagi n wa, dεε kpεε Yeesu Kristo.

<sup>27</sup>Waa aa hiaah laanee ƙεŋɔ hε gel he we-εela bwa do wer ge aa che ƙε nera baa no Yeesu Kristo Amanesoma la waa aa doa, ase dε n baa ba he be noo, n ta ba wone ba noo, n no he waa ƙεŋɔ he bwa liire ε benƙpɔŋ, he che ƙinƙin, he nyoa pε, he che te Amanesoma la haa yaradaa la, a won la sie,

<sup>28</sup>dε bere dɔ bambile haa wola he dɔma ɔmε tamaa belbwa bwa. He bambile dɔe la taa bɔ che jemε ƙεŋɔ Korowii gbagba εε lε heyaa dε chɔg ba.

<sup>29</sup>Korowii gelɔ he won yarada Yeesu Kristo, dε bere won koh o waa na hɔhɔrɔwa. Wejena o ε te heyaa he won koh o waa na hɔhɔrɔwa la.

<sup>30</sup>He gba dε yo ge tenten he faa na mε mεε yo la. Ge yoi laanee hεε no ƙε n ta dε yo la.

## Felepae 2

<sup>1</sup>Haa dɔ gbemba pεε he ne Yeesu Kristo aa pεa la ta, o nyina gee larawe heyaa bwara, he dɔ Korowii Domadεεge ge wεε cha heya, dε dɔ nennyin he chal do dɔŋa nεε nɔ,

<sup>2</sup>amɔ hε ε waane dεε ja ase n sie lε kohona ka tone. N dε nyin ƙεŋɔ he bwa dɔ nyopeo, ase he liire ne he dɔŋa nyina ne wobɛlbwa haa lii la bwa won ε benƙpɔŋ.

<sup>3</sup>He belbwa bε o gbo sɔn nyina ƙεε jenu waa koh dεε ε wa, ƙε hε pwer he te dεε te dɔŋa, dε kpɔ ba gwaa he gbagba.

- <sup>4</sup>He be gel he gbo waa hiah heya. Hé gel he doṅa ge waa hiah heya.
- <sup>5</sup>Ge Yeesu Kristo aa doa la, gee a che ke he do.
- <sup>6</sup>O do ge Korowii aa doa, ke o ta gele ge su o siwi ke o ne Korowii e kerede.
- <sup>7</sup>O kpɔ o Korowii dor la bil, de kpɔ o te ke somanji, de do ge newenyini aa doa.
- <sup>8</sup>Waa baa e newenyini la, o pwer o te dee no o Mee Korowii nyoa wobol, de gel ba kpoo. Dagagre ta kwaraa ba kpoo.
- <sup>9</sup>A waa Korowii teo nomonome kerede ga, de bere teo son gwaa sona tena bwa.
- <sup>10</sup>O sonjen la nomanta, nomelbwa ee gunji o siee de kpɔ duure dee teo. Banɔ la baa lo nyundua, ne banɔ la baa lo hare ta, ne banɔ la baa serewa bwa, ba bwa ee kpɔ duuree dee teo,
- <sup>11</sup>ase nomelbwa seh kenɔ Yeesu Kristoo nera bwa Doɔ, ase o Mee Korowii do jirima.
- <sup>12</sup>Anomanta n dandega, ge haa de no n waa dee teje a ta ge saɲ n faa lo he be la, a hiaoh kohona kenɔ maa wola toole he be no, hé ta kpoje ge. Korowii aa le heyaa no, hé kpɔ duure ne omee dee teje toma haa de tome Korowii la ta,
- <sup>13</sup>dekalkenɔ Korowii soge he belbwa nee dee e toma, de gel he won seh de won dee tomɔ kerede ge aa su o siwi.
- <sup>14</sup>Wobelbwa haa de e la, he be waa dee nagre, de be waa dee tonje,
- <sup>15</sup>dekalkenɔ a wer kenɔ he e Korowii bii nomelbwa aa wola he wechɔga doe de bol, he tea to, he do kaih. Fini nera baa e wechog-era kerede baa wola njwene la ta kpɔ baahnee he do. Ge weweela aa de chaah jwaana biro ta la, gee che ke he do ba baah dee chaah.
- <sup>16</sup>Hé gel Korowii wa aa do mkpa la do he bambile bini kerede dee la, n won hegre he waa Yeesu Kristo bala topere la ta kenɔ n ta koeh ta pee.
- <sup>17</sup>De yarada haa de yarada Korowii dee tomɔ la do kenɔ saraha, ase a che ke n chal fuge a ta naa, n de nyin ge. A ba ge naa, n sie ee leo, ase he puu me le sie.
- <sup>18</sup>Ge tentenee a che kenɔ he ge sie le, ase n pu heyaa le sie.
- <sup>19</sup>De ya Doɔ Yeesu seoh waa, mee tome Timoti he bee taraken o ba na heya, de ba bol he waa n be ase n baah sooh me.
- <sup>20</sup>N ne o gboo do liire benkpɔn he wa. Anomanta, n jemɔ ke onee he waa do o bambile bini wee nyin he ne andega.
- <sup>21</sup>De o laa aa, belbwa sese de dawɛ o gbagba wa, waa Yeesu Kristo waa dawɛ.
- <sup>22</sup>He gba jeme ge o waa aa do kasintɛn de do wer. N ne o peo wee cha me Amanesoma toma la ta kenɔ bechala ne o mee.
- <sup>23</sup>Anomanta, de n baa na ge baa de ba n chega aa, mee tomɔ he bee.

- <sup>24</sup>N do hwega ya Doo nɛɛ kɛɲɔ aa bigri bɛlbwa aɛɛ n gbabir do bɔr dɛ ba he be.
- <sup>25</sup>N liiro kɛɲɔ a hiaoh kɛ n tome ya doɲ Epafrodaetos he be. N ne onee dɛɛ ɛ toma no, dɛ yo dɛɛ tɛ Korowii. Onee he faa tome n be o ba cha mɛ la. N gee berɔ tomɔ he be,
- <sup>26</sup>dɛkalkɛɲɔ, he pɛla lawɔ wɛɛ lii he bwa waa taeh. A dɛ hao kohona kɛɲɔ haa no o weela wa.
- <sup>27</sup>O fa we weela dɛ cho fɔge taeh, dɛ fe ɛɛ ba sewa. Kɛ Korowiirii na o sum dɛ sune n ne o bwa nɛ. Dɛ o fe sewaa, n tea bini fe chɔgɔ dɛ ja n wahala ta.
- <sup>28</sup>Ate waa n siwi swɛɛ mɛɛ nyin kɛɲɔ n tomɔ he be áse he nao he sie lɛ, aɛɛ he waa bɛ men dɛɛ ha kohona.
- <sup>29</sup>Hé kpɔ silɛɛ dɛ lɛo, teɲa he ne o bwa aa dɛ teɲɛ ya Doo nɛɛ la nomanta. Héɛ duu nera baa do kɛɲɔ on.
- <sup>30</sup>Yeesu Kristo toma waa o koh dɛ kpɔ o nyu chare seo. A ka jɛɛ ken o fee sewɛ. Waa haa wola won cha mɛ a ta, dɛ koh a waa tomɔ n be la taa o fe ɛɛ ba sewa.

### Felepae 3

- <sup>1</sup>Yabala, waa aa kaa laanee kɛɲɔ, hé gel he sie lɛ he ne ya Doo pɛɛ la ta. Wesiwi bɛɲkpoɲii n berɛ chwɛɛ dɛɛ tɛ heyaa la, kɛ aa men ha. A dɛ ba gela he won che kiɲkiɲ.
- <sup>2</sup>Héɛ do nenchɔga baa ɛ ba te manyare la dɛɛgɔ. Nera baa dɛ maɲkura pentɛɲ dɛ ɲɔ nómɛlbwa mɔn o bɔtɔn mɔɔ dɛ tome Korowii la waa mɛɛ bol la.
- <sup>3</sup>Ya bano la yaa dɛ tome Korowii o Domadɛɛge kpegri ta dɛɛ tɛ Yeesu Kristo sɔn, yaa wola bɔtɔn mɔna waa maɲkura la, yanɛɛ jɛmɛ pentɛɲ tentɛn la.
- <sup>4</sup>Dɛ bɔtɔn wa ɛɛ wonoo lɛ yaa aa, mɛnɛɛ fe do hwega kɛɛdɛ. Dɛ nomɛlbwa ɲɔ a chege o waa waa ɛa ta o do hwega aa, mɛnɛɛ do hwega dɛ gwaa naate.
- <sup>5</sup>Israel tee men. Baa lol mɛ n do yawanyoa la taa ba teɲɛ n pen. Benjamin deaa n le. Israel te kaiih men, dɛkalkɛ n mɛɛ ne n nya bwa ɛ Hibu tena. Dɛ ba dɛ bol Mmara ta teɲa wa aa, nera baa dɛ teɲɛ Mmara ta kohona baa yer ba Farisii tena la belee men.
- <sup>6</sup>Dɛ ba dɛ nyin nɛn o siwi faa swɛɛ a ta naa, mɛnɛɛ, dɛkalkɛɲɔ n fa chege Yeesu habɔteɲra la nɛɛ taeh. Dɛ ba berɔ dɛɛ nyin nɛndɛɛge Mmara la be pera ge aa, n waa bwa togrɔ.
- <sup>7</sup>Kɛ waa la bwa n faa lo a ta a ɛ tɔnɔ tɛ mɛ la, Yeesu Kristo nomanta, n dɛ liira wɛpuu.
- <sup>8</sup>Kasintɛɲ, komɛlbwa ne wobɛlbwaa n vɛh dɛɛ yera wɛpuu dé won jɛmɛ n Doo Yeesu Kristo. O jɛmaa hiaah gwaa komɛlbwa. N koh o waa dɛ gel wobɛlbwa ta, dɛɛ liira puldoa haahra, dɛɛ nyin n won do Yeesu Kristo kɛɛdɛ,
- <sup>9</sup>áse ya bwa won pɛ, aɛɛ n ɛ nɛndɛɛge, n waa su Korowii siwi. N ta ɲɔɛ ɲɔ í che Mmara ta teɲa ta dɛ ɛ nɛndɛɛge n waa su o siwi. Kɛ n dɛ nyin n che yarada maa dɛ



yarada Yeesu Kristo la ta de ε nendεεge n waa su o siwi. Nendεεge εε le Korowii be wεε te nera la bwa baa yarada Yeesu.

<sup>10</sup>N waa bwaa ke n won jeme Yeesu Kristo, de won jeme kpegri la soo waa ira seo ta de do, de na wahala waa naa la donja, de kpo n te ke n sewo ge waa sewa la,

<sup>11</sup>ge aa ε n won ir seo ta ge waa ira la.

<sup>12</sup>N ta ηoe ηo n deno won do kaih de ε nendεεge de ka tone. Akai! N ta swεε siwi dεε nyin n won do ge bwa Yeesu Kristo aa lee me ηo n do la.

<sup>13</sup>Yabala, maa lii keηo n tone wobelbwa. Webenkponjii hiah me. N gel waa aa lo haboo, de takapo dεε la sie de won ka do ano la aa lo sie la,

<sup>14</sup>de swεε siwi de won tel a jaga de won do kembor. Korowiirii yer me ηo n ba de ba do o be, Yeesu Kristo nomanta. A waa n swεε siwi dεε nyin n won do kembor la la.

<sup>15</sup>A wer keηo ya bano la bwa yaa kpega Korowii waa la ta la do ge liire. De he bane ge liire koroo waa no ane ta naa, Korowii εε geloo a bini chaah te heya.

<sup>16</sup>Ke ge bwa yaa wona de jeme la, ya kponje a bini dεε la.

<sup>17</sup>Yabala, he kpo n da, dεε nyinji nera ge baa de tenje ge yaa de tenje la,

<sup>18</sup>dekalkenjo nera waroo baa wola ge ηwene la ta tenje. N fa bagle ba waa he be kera anwene bwa, de bere dεε bagle heyaa taraken sinii ne ηo ba ε Yeesu Kristo seo waa sewa dagagre la ta la waa dom.

<sup>19</sup>Dwene ge nera no aa kpo o ta la de kaa ba ne seo ta. Ba kpo tea ne bwadabii waa gwaa Korowii. Waa aa ε sihihwa la, a nee baa ta nyoa. Ba liire bwa lo hare no ta kwaa ta.

<sup>20</sup>Ke hare no ta ta ya bwεε εε. Ya bwεε lo nyundua. Yaa lo bono no, ya siwii swεero yaa kpa ya Doo Yeesu Kristo waa ε ya Lee la o le bela ba.

<sup>21</sup>De o balaa, wεε begre ya bwadabisale aa won poeh noo a do wer keηo o gbagba bwadabii aa do wer kohona ge la. O kpegri taa wεε ba ge εε. O do kpegri keηo o won gel komelbwa no o be.

#### Felepae 4

<sup>1</sup>Yabala haa ε n nennyina, he pela lag me. He bee n silεε do, he waa baa ba men too dawa. Anomanta n dandεεga, he che kinjij pεε ya ne ya Doo aa pea la ta.

<sup>2</sup>N de soje Yoodia ne Sentiki keηo ba kwaa ba baah de ε benkponj pεε ya ne ya Doo aa pea la ta.

<sup>3</sup>N dondeεge, n de soje, cha haahna la de kwaa ba baah, dekalkenjo ba cha me Amanesoma no bola ta ga. Klement ne n bala tom-εera la ge jao. Ba sona lo Korowii Mkpa Ton bini.

<sup>4</sup>He che pεε he ne ya Doo aa pea la ta de gel he sie le. Kasinten, he gel he sie le.

- <sup>5</sup>Hé gel nomelbwa jeme he waa ke he pwere. Ya Doo bala la pu yaa tone.
- <sup>6</sup>He be gel wobelbwa ha heya, ke hé kpɔ wobelbwa dɛe do Korowii non ta dɛe soŋo waa aa hiah heya, dɛe jaamo ke waa de no he wesonja.
- <sup>7</sup>Belaa ó ge te heyaa o bambison waa gwaa bambison te bwa newenyini be á cha heya, de gel he bambile ne liire cho bobenƙponj pɛe he ne Yeesu Kristo aa pɛa la nomanta.
- <sup>8</sup>Too, yabala, anɔ la aa kaa laanee nɔ: Hé gel he liire do wedɛɛga ta. Wobelbwa aa ɛ kasintɛj, ne anɔ la aa do jirima, ne anɔ la aa togra, ne anɔ la aa do kaih, ne waa aa wera, ne anɔ la aa do pɛla, wobelbwa aa ɛ wedɛɛga de che kpɛera la, hé gel he liire do a ta.
- <sup>9</sup>Wobelbwa haa hwela de do le n be, keɛ de no de na mee ɛ la, hé gee ɛ ge áse Korowii waa de te nera bambison la ja he ne.
- <sup>10</sup>N sie leo kohona pɛe ya ne ya Doo aa pɛa nɔ ta, dekalkɛŋɔ he berɔ kwaa dɛe do n liire de cha me taraken. He fa cha me ka. A ta ɛɛ keŋɔ haa bere dɛe lii n waa kpa. Ke boree he faa wola doe de nyinj me.
- <sup>11</sup>N ta ŋɔe ŋɔ n nyao. Akai. N wono hweli wobelbwa maa lo a ta n soga bini a man me, n sie le a ta.
- <sup>12</sup>De n nyao waa, n jeme ge maa so. N berɔ do ge aa, n jeme a ge gba soga. N hweli wobelbwa a man me. Kondikwaa lole n di de vagoo, kondikwaa toole n cho lor oo, n doo kohona keɛ nyae n nya oo, n won a belbwa kponja.
- <sup>13</sup>N won Yeesu Kristo waa de cha me la kpegri ta chega de ɛ wobelbwa.
- <sup>14</sup>Ke haa kpɔ n waa bere he bwa wa, de cha me n wahala ta la, he ɛ kerɛde.
- <sup>15</sup>He gba jemɔ keŋɔ ge saŋ maa ba he be Makidoonia hare logle la de bol Amanesoma la dɛe te heyaa ase de kpɔ bela dɛe kaa la, asore tena baa lo bwɛere la ta la belbwa ta men chae. He Felepae tena gboo koh toma maa ɛa he bini la waa de cha me suuga ne.
- <sup>16</sup>Hale n faa lo Tesalonika la, he fa wono ha me kwaa aa hiah me. Kerabenƙponj kwara laa.
- <sup>17</sup>Kasintɛj, a ta ɛɛ keŋɔ komelee mee nyin he be, ke he tɔnɔ haa do de le chae haa cha me la binii mee nyiji.
- <sup>18</sup>N do komelbwa maa de nyin la bwa ka gare. N do he haala haa ha me la le Epafrodaetos be. He haala la ɛ sarahadɛɛge de te Korowii dɛe su o siwi.
- <sup>19</sup>N Naa Korowii ɛ cha heyaa komelbwa haa nyaa la taa de le o kondooɔh tenten la ta pɛe he ne Yeesu Kristo aa pɛa la nomanta.
- <sup>20</sup>Hée te N Naa Korowii jirima saŋ belbwa. Aamen.
- <sup>21</sup>Too, he banɔ la bwa he ne Yeesu Kristo aa pɛa he ɛ Korowii nera la, n de na heya. He bala baa lo n be bonɔ la de na heya.

**22**Korowii nera la bwa de na heya. Bano la baa lo Room koodem laanee dena de na heyaa kohona.

**23**Yá Doo Yeesu Kristo cha heya.

## Kolose

### Kolose 1

- <sup>1</sup>Men Yeesu Kristo torome Pɔɔl ne ya dɔŋ Timotii chwerɛ tɔn nɔ. Korowii tetoora a o tɛ mɛ toma nɔ.
- <sup>2</sup>Ya chwerɔ dɛɛ tɛ yabala haa lɔ Kolose dɛ ε Korowii nɛra, a sɛ he ne Yeesu Kristo pɛ, hɛɛ tɛŋɛ o nɛɛ kasintɛŋ ne la. Ní Naa Korowii cha heya, dɛ tɛ heya a bosɔɔhna.
- <sup>3</sup>Ya dɛ jam ya Dɔɔ Yeesu Kristo Mɛɛ Korowii he waa ya wesɔŋa bini saŋ bɛlbwa,
- <sup>4</sup>dɛkalkɛŋɔ ya noɔ kɛŋɔ he dɛ yarada Yeesu Kristo kɛrɛdɛ dɛ kpɔ he tɛ teo, dɛɛ nyin Korowii nɛra bwa ge.
- <sup>5</sup>Amanesoma aa ε kasintɛŋ la aa ba he be logla la, he no hwɛga aa dɛ tɛ la wa. He yarada ne nennyin la le kwaa haa dɛ hwɛgɛ a ta la ta. Korowii ge kwaa a bwa chɛg heya a Korowii doa kɛrɛdɛ ken.
- <sup>6</sup>Amanesoma la perɔ, nɛra ɛɛ noa bobɛlbwa, aa ba hɛɛra ne. Gɛ tenteneɛ aa ba hɛɛra ne he be dɛ le awola haa noa Korowii pili he sie he jɛmɛ suna waa sune he nɛɛ dɛ cha heya a la.
- <sup>7</sup>Epafras bee he no Amanesoma la. Ya ne o bwaa pɛa dɛɛ ε toma nɔ. O ε Yeesu Kristo bonɔɔ o wa aa dɔ kasintɛŋ yaa nyinu kɛrɛdɛ. Ya naa taa o che dɛɛ cha heya.
- <sup>8</sup>O bol ya be gɛ Korowii Domadɛɛge aa cha heya a sɛ hɛɛ nyin dɔŋa.
- <sup>9</sup>Anomanta ya le awola yaa no he waa dɛ sɔŋɛ Korowii dɛɛ tɛ heya a kɛŋɔ ó Domadɛɛge bagle heya a o wobɛlbwa kɛrɛdɛ, dɛ bɛrɛ dɛɛ pili he sie hɛ won jɛmɛ wobɛlbwa aa ε Korowii tetoora la,
- <sup>10</sup>dɛ won dɔ gɛ aa chɛ kɛ ya Dɔɔ torome dɔ, he wobɛlbwa won su o siwi, he won dɛɛ ε wɛdɛɛga bwa soosiwi, dɛ won jɛmɛ Korowii kohona,
- <sup>11</sup>dɛ won dɔ kɛgri kɛrɛdɛ dɛ le o gbagba kɛgri waa dɔ kan dɛ dɔ jirima kɛrɛdɛ la ta. N dɛ sɔŋɛ Korowii o cha heya a gɛ hɛ won lawɛ bambile wobɛlbwa ta,
- <sup>12</sup>dɛ won kpɔ silɛɛ dɛɛ jaamo waa ε ya Mɛɛ la. Onɛɛ gɛla ya chɛ kɛ ya ne o nɛra bwa won dɔ kondɛɛga waa dɔa tɛ o bii baa ja o Kora waa ε Bochaah Kora la ta.
- <sup>13</sup>O lɛ yaa le biro ta dɛ kpɔ yaa ka ja o Bie waa dɛ nyinu la Kora ta.
- <sup>14</sup>O Bie laanɛɛ lɛ yaa le Bɔnsam nɔn ta dɛ kpɔ ya wechɔga gɛ kɛ yaa la.
- <sup>15</sup>Yaa won Korowii na. Kɛ gɛ Korowii aa doa la, gɛɛ o Bie ge dɔ. O Bie la lolɛ mɔɔ o ta komɛlbwa.
- <sup>16</sup>O Bie la nɛɛ o che dɛ ta komɛlbwa waa lɔ hare ta ne komɛlbwa waa lɔ nyundua, anɔ la yaa dɛ naa ne anɔ la yaa wola an na kɛŋɔ nyundua toroma ne konchɔga aa dɛ di kɛgri bwa soosiwi. O Bie la nɛɛ o che dɛ taa, a sɛ a dɔ le teo.

<sup>17</sup>Gε saŋ a belbwa faa wola toole la, de o te lole. Onee lawε komelbwa kpoŋe, a ta do le ba le fini no la.

<sup>18</sup>Onee asore tena bwa nyu, ba gee o bwadabi. Onee to sie komelbwa ne, de to sie ir seo ta nomelbwa ne, dekalkeŋo on che ke o ε nomoa komelbwa ne.

<sup>19</sup>Korowii tetoora o Bie Yeesu ε o gbagba.

<sup>20</sup>O ε ge de che o Bie la neε de kwaa o ne kwaa aa lo nyundua ne hare bwa baah. O gelo o Bie sewε dagagre la ta o chal kwaa wobelbwa.

<sup>21</sup>He faa Korowii jeme de ε o doma, dekalkeŋo he fa de lii liichoga, deε ε wechoga.

<sup>22</sup>Ke name Yeesu Kristo aa baa ε nen de sewε la, Korowii chege o seo la ta de kwaa he ne o baah, de gel he won do kaih doŋa belbwa aa wola toole he ne, nomelbwa aa wola he waa de ba de bol awola haa ba che Korowii sie la.

<sup>23</sup>De he ta kpoŋe waa haa de yaradaa la bini, he ta haboo lee, de do hwεga le Amanesoma la baa bola bagle heyaa he no la ta keŋo nomelbwa aa won chog he liire he be deε hwεge kpa aa, amo hεε wonoo che o sie. Ba de bol Amanesoma no bobelbwa. N gbabir de bola, dekalkeŋo Korowiirii lee me.

<sup>24</sup>Taraken a do n som ke maa le he wahala deε na. Wahala lole n che Yeesu Kristo naa ta de na te asore tena baa ε o bwadabii la. Anomanta a do n som ke maa de ba wona na wahala aa kaa la ane ase a won tone.

<sup>25</sup>N ε toma deε te o asore tena. Korowiirii koh he chae waa de te me a ge toma no, de ŋo mee bagle o waa la bwa nera bwa no.

<sup>26</sup>Korowii waa la fa sooh saŋ la bwa, nera ta a mun jeme. Ke taraken te, o pili a bwa bini de te o nera,

<sup>27</sup>ba na de jeme ge waa de nyin ke o ε nera baa wola Juda tena ee la baah. O waa waa pili o bini la ε wedεga aa ε wejena deε kpo nyoa. Anee ke Yeesu Kristo Doma soge he ne, he do hwεga o be ke topebel hεε do jirima o bee.

<sup>28</sup>Ya waa yaa de bagle bwaa Yeesu Kristo la. Ya de ja nomelbwa, deε bagle nera bwa wejema bwa ne ase de ba won kpo belbwa ba Korowii be ke ba kpeg Yeesu Kristo waa ta, pee ba ne waa pea la nomanta.

<sup>29</sup>A waa gela n swεε siwi de takapo deε ε toma la. Yeesu Kristoo te me kpegri ga n won deε ε ge toma la.

## Kolose 2

<sup>1</sup>N de nyin he jeme ge n siwi aa swεera mee koh n te he ne Laodisia tena ne nera baa wola men jeme la wa,

<sup>2</sup>de do he bwa gbemba he won nyin doŋa de ε benkpoŋ, de won jeme Korowii wesochla waa pili a bini te heyaa la kerede, he be aahna-aahna tamaa belbwa ε, de do tono le o waa la bini kerede. O waa laanee Yeesu Kristo.

- <sup>3</sup>Korowii wejema aa wola jaga dɔe la bwa lo Yeesu Kristo be. O nɛɛ ya che dɛ dɔ ge wejema nɔ.
- <sup>4</sup>N dɛ bagle heyaa asɛ nomɛlbwa bɛ won kpɔ nyotor negre heyaa.
- <sup>5</sup>N toole he be, kɛ n liire te lo he be. Anomanta a do n som kɛ he bwa aa pɛa, asɛ dɛ lawɛ yaradae haa dɛ yarada Yeesu Kristo la bini kpoŋe kiŋkiŋ la.
- <sup>6</sup>Haa dɔa kpɔ he te tɛ Yeesu Kristo kɛ he Dɔɔ nɔ, hɛ ne o pɛ wobɛlbwa ta.
- <sup>7</sup>A taa aa ba chega he won che kiŋkiŋ dɛ kpeg o waa la ta, dɛ won yarada o waa bwa kerɛdɛ gɛ baa bagle heyaa la, dɛɛ jam Korowii saŋ belbwa.
- <sup>8</sup>Webagla ane lole bane ɛɛ bagle dɛɛ yera wejema. Hɛ nyiŋa kerɛdɛ. A ɛ nyosone kɛɛ wepuu, ba kpɔ dɛɛ negre nɛra. Nɛwɛnyini nawee waa, ne koŋkwaa aa dɛ di kpegri hare nɔ ta wejema waa baa bagle la. Yeesu Kristo be laa a le.
- <sup>9</sup>Yeesu Kristo ɛ Korowii gbagba. O ba hare nɔ ta dɛ ba bere nɛwɛnyini.
- <sup>10</sup>He ne waa pɛa la, he dɔ komɛlbwa. Onee dɔ sɔn waa gwaa kwaa yaa wola an na bwa soosiwi sɔn.
- <sup>11</sup>He ne Yeesu Kristo aa pɛa la, o teŋe he dobene la ta. O ge pentɛŋaa la. He te teŋa nɔ ta gɛ nɛwɛnyini aa dɛ teŋe la ɛɛ.
- <sup>12</sup>Korowii nee ba faa sɔ heyaa la, anee bagla kɛ he ne Yeesu Kristo bwaa ba pɛ huge. Asɛ a bere che yarada haa dɛ yarada Korowii ne kpegri waa kpɔa ir Yeesu seo ta la ta he ne o bwa pɛ ir dɛ dɔ mkpa.
- <sup>13</sup>He wechɔga ne he dobene Korowii faa wola teŋe ta la gelɔ he fa do keŋɔ he serewɔ. Kɛ he ne Yeesu Kristo aa pɛa la, Korowii kpɔ he bwa wechɔga kɛ heyaa, dɛ tɛ he bwa mkpafale.
- <sup>14</sup>Teŋa haa ŋɔa ŋɔ hɛɛ teŋe o Mmara taa dɛ bere hore a bar heyaa la, a bwa taa o le heyaa. Waa a waa pɛɛ kpa. Korowii kpaa a bwa pɛl Yeesu dagagre la ta a tonɛ.
- <sup>15</sup>Yeesu seo waa sewa la, o chɔg kwaa aa dɔ kpegri bwa kpegri, dɛ lɛ a kpegri dɔɔh. O ɛ gɛ dɛ gel sihih kpɔa nɛra bwa siwi ta, bɔ jeme keŋɔ o gelɔ koŋkpega la bwa kpegri ɛ pɛɛpɛɛ.
- <sup>16</sup>Anomanta dɛ nomɛlbwa dɛ pwah heyaa kwaa ane haa dɛ di, ne kwaa haa dɛ nyɔ, ne he tɔpejena dii benanyoa ne korobie ne yawanyoa yawanyoa ta naa, he bɛ on dawɛ.
- <sup>17</sup>A gɛ waa nɔ fa tɔ sie chig dɛɛ bagle waa aa dɛ ba ɛɛ kerekere la keŋɔ nen lileo aa tɔ o sie, waa wola o gbagba ɛɛ la. Yeesu Kristo waa la aa bala la, anee waa la tenten.
- <sup>18</sup>Dɛ nomɛlbwa dɛ pwah heyaa ŋɔ haa gɛ waa teŋe nyosone ŋɔ pweraa wɛɛ pɛwɛr o te dɛɛ tome nyundua toroma la ta teŋaa, he bɛ on dawɛ. Gɛ nen nɔ dɛ maŋkura o te keŋɔ o dɛ na waa deera ta, dɛɛ yere o te nenjen, kɛ pɛɛpɛɛ. Nɛwɛnyini liire taa wɛɛ teŋe,

<sup>19</sup>dε vεh o te kpεe dε do Yeesu Kristo lεga. Onεe ya nyu, aεe ya ε o bwadabii dεe do bokpega o be, belbwa lawε o dεη kpεηe kerεdε ya ne o ε beηkpoη, dε che pεe yaa pεa la ta dε gel yaa kpeg gε Korowii aa dε nyin.

<sup>20</sup>He ne Yeesu Kristo pεo dε sewε, anomanta he ne koηkwaa aa dε di kpegri hare nε ta toole wobεlbwa bini kpa. Aah bεkwaa waa he ta kpε he te dεe do hare nε ta kii ta dε gel a vεrεwe heyaa ηε,

<sup>21</sup>"He bε onε lawε, dε bε onε dage, dε bε onε lege" nεε?

<sup>22</sup>Gε kwaa nε ε kwaa dε he εa aa, dε a waa tonε. Nεwεnyini kii ne ba nawee waa a te.

<sup>23</sup>Kpela, nera εε dεe duu nera baa dε teηε gε waa nε ta la kε ba ε wejerema, dεe lii keηε ba Korowii toma aa swεε ba siwi kohona waa baa pwer ba te dεe ha ba bwadabii la. Kε a bwa ε pεεpεε. Aa won gel nomεlbwa lawε o te dε gel wechεga εε.

### Kolose 3

<sup>1</sup>Dε he ne Yeesu Kristo bwaa pεa ir seo ta te naa, amε te hε swεε siwi dε gel he bambile che kwaa aa lε nyundua la ta. Belaa Yeesu do dε so nomombεr Korowii dig ta la.

<sup>2</sup>Hε gel he liire bwa do kwaa aa lε nyundua la ta, dε gel kwaa aa lε hare nε ta,

<sup>3</sup>dεkalkεηε he do keηε nera baa serewa a bεr, he toole a ta kpa. He mkpa lε Yeesu Kristo be, o ge do Korowii be.

<sup>4</sup>Awola Yeesu Kristo he mkpa aa lε o be aa ba hare ta la, he ne o bwa εε pεo dε ba gε saη, dε ba dε jirima o bala la ta.

<sup>5</sup>Anomanta hε gel he hare nε ta dor bwa ta kwaraa. He bε he bwadabii kpε do jwamane, ne wedεηa, ne kayεgle, ne pelchεga, nε kwaa ta sibεgra ta. Kwaa ta sibεgra do keηε voga toma ken.

<sup>6</sup>A gε waa nε, Korowii bwaawee dε ir a ta taeh. Wεε kpε wahalaa ta nera baa dε ε dεηnekpeg dεe ε gε la nε.

<sup>7</sup>He ne ba bwaa fa lε a ta dεe ε.

<sup>8</sup>Kε a che keηε he gel a bwa sekwaraa taraken te. Hε laa bandia kpε he waa ta, he baah bε dεe di sagasaga, hε gel meesεhwa, he bε dεηa dεe chegre, he bε gel wobochεga εε le he nyoo.

<sup>9</sup>He bε nyosone teηε dεe te dεηa, dεkalkεηε he laa he dabene la ne o we-εεla la bwa kpε he nε,

<sup>10</sup>dε chare dafale. Korowiirii gela he do gε la. Onεe dεe kwaa he dafale la saη belbwa εε he do kerεdε gε waa doa la, dε won jemε kerεdε ka tonε.

<sup>11</sup>Anomanta nera Korowii aa gela ba do gε dofale nε la, ba ta dεe kε ba pegri dεηa bini kpa keηε onε ε Juda te kεe onε nε ta Juda te εε nε. Nera bini pegra toole kpa, keηε



onɔ teŋe o pen, kɛɛ onɔ nɔ ta o pen teŋe nɔ. Hɔɔh kɛɛ daamun te kɛɛ yom kɛɛ nen waa dɔ o te toole kpa, ba bwa ɛ beŋkpoŋ. Yeesu Kristo gbo waa hiah o nera.

<sup>12</sup>Heyaa Korowii bidɛɛga waa le heyaa tɛ o te, dɛ laa he doŋa bwa kpɔ he nɛ, dɛɛ nyin heyaa kɛɛdɛ. Anomanta hɛ kpoŋe dadɛɛge dɛɛ sune doŋa nɛ, dɛ ta tea dɛɛ tɛ doŋa, dɛɛ pwer he te, dɛɛ tɛ nera sie, dɛ dɔ bambile tɛɛ ba.

<sup>13</sup>Dɛ he bini belbwa ne o doŋ do waa aa, ɔ lawɛ bambile dɛ kpɔ kɛo. Gɛ Korowii aa kpɔ he wechɔga kɛ heyaa la, gɛɛ che kɛ he ge kpɔ doŋa kwaa dɛɛ kɛ ba.

<sup>14</sup>Anɔ nɔ habɔɔ, hɛɛ nyin nen. Nennyinii dɛ won gel he dɔ nyopɛo dɛ ɛ anɔ bwa kɛɛdɛ ka tonɛ.

<sup>15</sup>Hɛ gel nyopɛo waa aa le Yeesu Kristo be la do he bambile bini wobɛlbwa ta, dɛkalkɛŋɔ Korowiirii yere heyaa ŋɔ hɛ bwa ɛ beŋkpoŋ dɛ dɔ nyopɛo. Hɛ gel he sie ɛɛ su waa waa ɛa tɛ heya, hɛɛ jaamo.

<sup>16</sup>Hɛ gel Yeesu Kristo waa la do he bambile bini kɛɛdɛ hɛɛ bagle doŋa, dɛɛ bag ba wejema bwa ne, dɛ go wesɔŋa yela ne kpɛera yela dɛɛ jam Korowii he bambile bwa.

<sup>17</sup>Wobɛlbwa haa dɛ ɛ ne anɔ la bwa haa dɛ bol la, hɛɛ ɛa ya Dɔɔ Yeesu sɔn ta, dɛ che o nɛɛ dɛɛ jam o Mɛɛ Korowii.

<sup>18</sup>Haahna, hɛɛ no he jaranar wa, dɛkalkɛŋɔ gɛɛ a che kɛŋɔ nera ba ne ya Dɔɔ Yeesu aa pɛa ɛɛ ɛ.

<sup>19</sup>He baala ge, hɛɛ nyin he haahna kɛɛdɛ dɛ bɛ ban dɛɛ panya.

<sup>20</sup>Bechale, hɛɛ no he nyare ne he mɛɛnanar waa saŋ belbwa, dɛkalkɛŋɔ gɛɛ dɛɛ le Korowii sie.

<sup>21</sup>Mɛɛnanar, he bɛ he bii dɛɛ do bandia ne, aɛɛ ba bambile bɛ chɔg.

<sup>22</sup>Bonɔɔna ne toli ge, hɛɛ no nera haa dɛ tom ba hare nɔ ta la waa saŋ belbwa. He bɛ ba sie bɔr na mɔɔ dɛɛ tom ba dɛɛ nyin baa kpɛɛ heya. Hɛ ta tea dɛɛ tom ba ɔma haa dɛ ɔmɛ he Dɔɔ Yeesu Kristo nomanta.

<sup>23</sup>Wobɛlbwa haa dɛɛ ɛ la, hɛɛ ɛa bambile bwa ne kɛŋɔ he Dɔɔ Yeesu Kristoo he ɛ dɛɛ tɛ. Nen laa he ɛ dɛɛ tɛ.

<sup>24</sup>He Dɔɔ Yeesu Kristoo he ɛ dɛɛ tɛ. He jemɔ kɛŋɔ o bee hɛɛ ba kembɔr waa kpɔa cheg o nera la dɔɛ.

<sup>25</sup>Nomɛlbwa waa dɛ ɛ wechɔga la, wɛɛ dɔ o wechɔga kembɔree. Korowii aa bane siwii nyiŋi gwaa bane.

## **Kolose 4**

<sup>1</sup>He banɔ la haa dɔ bonɔɔna ne toli la, hɛɛ ɛɛ ba waa aa togra dɛ do wer, dɛkalkɛŋɔ he gba lɔ nomɛl lɔga, o do Korowii doa.

- <sup>2</sup>Hé swée siwi dɛɛ soŋe Korowii saŋ belbwa, dɛ gel he sie ge do a ta. Hé gel he siwi su waa waa ɛa tɛ heyaa hɛɛ jaamo.
- <sup>3</sup>Hé soŋe Korowii dɛɛ tɛ ya gba, áse o tɛ yaa ŋwɛnɛ ya won bol o Waa dɛ bagle o wesɔhla aa ɛ Yeesu Kristo waa la. A waa ba koh do mɛ dea nɔ.
- <sup>4</sup>Hɛɛ soŋo n won dɛɛ bola kerɛdɛ gɛ aa chɛ kɛŋɔ n bol a bwa á bini chaah la.
- <sup>5</sup>Hɛɛ nyiŋi kerɛdɛ, dɛ jɛmɛ gɛ aa chɛ kɛŋɔ hɛɛ ɛ nera baa wola asɔre tena ɛɛ la, asɛ dɛ he dɔ ŋwɛnɛ belbwa naa, hé chɛ o ta dɛ won dɔɔ ba tɛ Korowii.
- <sup>6</sup>Hé gel he wobol do som dɛɛ lɛ sie saŋ belbwa, dɛ ba pɛɛ heyaa wobɛlbwa naa, hé won jɛmɛ gɛ aa chɛ kɛ he bol.
- <sup>7</sup>Yɔɔ, ya dɔŋ Tichikos yaa dɛ nyinu o waa dɔ kasintɛŋ, wɛɛ cha yaa, ya ne o bwa ɛɛ ɛ ya Dɔɔ toma nɔ la, wɛɛ ba bagle n waa bwa he bee.
- <sup>8</sup>A waa mɛɛ tomɔ he be ó ba bol ya waa bwa áse he baah sɔɔh heyaa la.
- <sup>9</sup>O ne ya dɔŋ Onisemɔs o wa aa dɔ kasintɛŋ yaa nyinu la bwaa mɛɛ tomɛ, áse ba ba bol waa aa dɛ chig bonɔ bwa he be. Onisemɔs tɛ ɛ he bwɛɛ tɛ.
- <sup>10</sup>Aristakus baa do n ne on dea la ne Banabas nime Maak dɛ na heya. A gɛ Maak nɔ waa n faa bol he be la. O ba he be naa, hé lɛo silɛɛ ne.
- <sup>11</sup>Jeses baa bera dɛɛ yerɔ Jastos la ge dɛ na heya. Juda tena baa yarada Yeesu la bini, nera batoro nɔ gboo dɛɛ cha mɛ, n ne baa ɛ Korowii Kora la toma. Ba dɛ cha mɛ taeh.
- <sup>12</sup>Epafras waa ɛ he bwɛɛ tɛ la dɛ na heya. O dɛ ɛ Yeesu Kristo toma, dɛ soŋe Korowii kerɛdɛ ga dɛɛ tɛ heyaa saŋ belbwa áse o gel he won che kiŋkiŋ dɛ jɛmɛ o waa kerɛdɛ ka tonɛ, asɛ Yeesu Kristo waa bɛ heyaa aahna-aahna ɛ, he won ɛ Korowii tetoowaa bwa.
- <sup>13</sup>N gbabir na gɛ Epafras aa dɛ tomɛ he ne banɔ la baa lɔ Laodisia ne Heɛrapɔles la kohona.
- <sup>14</sup>Tɛɛga tɛ Luk ya bwa aa dɛ nyinu la ne Demas ge dɛ na heya.
- <sup>15</sup>Hé ŋɔ yabala baa lɔ Laodisia la ne Nimfa ne asɔre tena baa dɛ chɛmɛ Nimfa dem la be ŋɔ n dɛ na ba.
- <sup>16</sup>Dɛ he baa kure tɔn nɔ tonaa, hé gel ba ka kuro bagle asɔre tena baa lɔ Laodisia la. Tɔn maa tɛ ba ge la, hé lɛ dɛ ka kure.
- <sup>17</sup>Hé ŋɔ Akipus be ŋɔ ó do sie dɛ ɛ toma ya Dɔɔ Yeesu aa kpɔa teo la bwa kerɛdɛ ken.
- <sup>18</sup>N gbagbaa chwɛrɛ bonɔ la, n dɛ na heya. Hɛɛ lii n waa kɛ n ta chɔ dea, dɛ soŋe Korowii dɛɛ tɛ mɛ. Kórowii cha heya.

## 1 Tsalonika

### 1 Tsalonika 1

<sup>1</sup>Men Pɔl ne Silas ne Timotii chwere tɔn nɔ dɛɛ tɛ he nera haa ε asɔre tena dɛ do Tesalonika dɛɛ tomɛ N Naa Korowii ne ya Doo Yeesu Kristo la. Kórowii cha heya, dɛ tɛ heyaa bosóhna.

<sup>2</sup>Ya dɛ jam Korowii tɔpere belbwa dɛ yon dɛɛ yere he sɔna ya Korowii sɔɔa bini.

<sup>3</sup>Gɛɛ tɔpere belbwa ge yaa bol N Naa Korowii waa bera ε ya Mɛɛ la be he yarada haa yaradao dɛ won kpɔ dɛɛ ε o toma, ne he nyina haa dɛ nyinu dɛ gel he sie begre o toma ta, ne hwɛga haa dɔa ya Doo Yeesu Kristo be dɛ won dɛɛ lawɛ bambile wobɛlbwa ta la.

<sup>4</sup>Yabala, ya jemɔ kɛ Korowii dɛ nyin heya, dɛ le heyaa ŋɔ hé ba ε o bii,

<sup>5</sup>dɛkalkɛɔ Amanesoma la yaa bagle heyaa la, wobol gbo ta laa a che dɛ ba he be. Awola haa no waa la la, Korowii kpegri la ne o Domadɛɛge la gelɔ he jemɛ kɛɔ a ε kpɛla. He jemɛ ge yaa koh he waa dɛ kpɔɔe ya te ge san ya ne haa soga la.

<sup>6</sup>Hé nyiɔi yaa dɛ kpɔ ya ne ya Doo da la. Haa no Korowii Waa la dɛ yaradaa la, he na wahala ga, kɛ he wono lɛ Korowii Waa la silɛɛ aa le Korowii Domadɛɛge la be ne.

<sup>7</sup>Gɛ haa ɛa laanee chɔa dɛ tɛ Makidoonia hare ne Akaaya hare asɔre tena bwa, baa nyiɔi dɛɛ tomɛ Korowii.

<sup>8</sup>He bee ya Doo la waa che dɛ pere baah bela bwa. Bela tena gbo laa noa, kɛ yarada haa dɛ yarada Korowii la tel bobɛlbwa. Anomanta a ta che kɛɔ ya bol he waa nera be kpa.

<sup>9</sup>Ba gbabir dɛ bol he wa, gɛ haa kpɔɔe yaa dɛ no ya be dɛ chare he liire le voga aa wola mkpa dɔe la ta dɛɛ tomɛ Korowii kasintɛɔ waa lɔle dɛ dɔ mkpa la.

<sup>10</sup>Dɛ he sogo kpa o Bie Yeesu waa dɛ ba nyundua lee dɛ ba la. Onee o chum seo ta la. Onee lɛ yaa le Korowii bandia waa dɛ ba bala la ta.

### 1 Tsalonika 2

<sup>1</sup>Yabala, he gbabir jemɔ kɛ chɔɔra yaa chɔɔ heyaa la ta pɛɛ ɛɛ.

<sup>2</sup>He jemɔ kɛ ba tɔ sie ε yaa hɔhɔrɔwa Felepae dɛ chɛgre yaa taeh mɔɔ ya ba he be Amanesoma la ne la. Kɛ Korowii tɛ yaa bansua ya won bol o waa la.

<sup>3</sup>Jae yaa dɛ ja nera la, kasintɛɔ ŋwɛnɛ taa, negra laa yaa negre nera, wedoɔa ge laa ya lii.

<sup>4</sup>Anɔ la Korowii aa dɛ nyin laanee yaa bol. Yanee o dɔ hwɛga tɛ kɛɔ ya bol o Amanesoma la. Anomanta yaa anɔ la nɛwɛnyini sie aa dɛ lɛ a ta bol, kɛ anɔ la Korowii waa jemɛ bambile belbwa waa la aa dɛ nyin la, anee yaa bol.

<sup>5</sup>Gε haa jema la, he kpεera waa laa ya koh ba he be. Ya ta bale dε ba bol waa dε negre heyaa dε le kwaane ge. Korowii gboo jema.

<sup>6</sup>Ya ta sɔn nyine dε le he ne nomεlbwa be.

<sup>7</sup>Ya ε Yeesu Kristo toroma, dε fe dɔ ɲwεnε kε ya le komεl le he be. Kε ya tε heyaa sisona keɲɔ haah naa ta tea dεε dεε o bechasɔɔhna la.

<sup>8</sup>Ya nyin he waa ya bambile bwa ne. Korowii Amanesoma la gbo ne laa ya ba he be. Yaa nyin he waa gε la, a ε yaa silεε keɲɔ ya kpɔ ya te ja wobol la ta dε tε heya.

<sup>9</sup>Yabala, haa ya toma ne ya koeh la waa lii kεε? Ya ε toma chɔɔ ne jwaana bwa ase ya be he belbwa koeh do gε saɲ yaa lɔ he be dε bol Korowii Amanesoma la dεε bagle heyaa la.

<sup>10</sup>He asɔre tena nɔ ne Korowii bwa ε ya dansee tena, dεkalkεɲɔ he nao kε ya we-εεla wer dε le Korowii sie, doɲa belbwa aa wola toole a ta.

<sup>11</sup>He nao gε yaa do he bini belbwa gbemba gε baa yon dεε ε o bii la.

<sup>12</sup>Ya do heyaa gbemba dε larawe he bwara dε do heyaa ɲɔ hε so sodεega áse he waa le Korowii sie. Onee le heyaa he ba ε o bii, dε kpɔ o Kora la ne o nyanyini la pera te heya.

<sup>13</sup>Ya dε jam Korowii tɔpere belbwa, dεkalkεɲɔ yaa bol Korowii Waa la he be la, he noa keɲɔ Korowii Wa. He ta an noε keɲɔ nen wa. Gεε a do kpela. A gε waa nɔɔ dεε ε toma he asɔre tena nɔ bini la.

<sup>14</sup>Yabala, he ne Korowii nera baa lɔ Judia hare dεε teɲε Yeesu Kristo nεε la bwa ε benkpon, dεkalkεɲɔ wahala baa naa Juda tena be la, he ge na a doɲa he bwεε tena be.

<sup>15</sup>Juda tena nɔɔ kpɔ ya Dɔɔ Yeesu Kristo ne Korowii keamere la, dε hah yaa, dε doɲi yaa la. Gε nenchɔga nɔ aa Korowii siwi su. Ba ε nera bwa dɔm,

<sup>16</sup>dεkalkεɲɔ ba dε tɔ yaa ɲwεnε ya be Korowii Waa la bol chagle nera baa wola Juda tena εε la ase Korowii be ban le. Anomanta ba wechɔga dε ware tɔpere belbwa, áse Korowii bwaawee ir ba nε.

<sup>17</sup>Ya te la, yabala, baa doɲi yaa le he be tɔpere tamaa nɔ la, ya ta he waa soeh. Kε nae yaa wola heyaa na. Yaa le he be la, dε he be bala swεε ya siwi, dεkalkεɲɔ dε sikii lawe yaa taeh.

<sup>18</sup>Yaa dε nyin he be bala la, ya takapɔ gε yaa ε dε na heyaa ja. N Pɔɔl yon takapɔ kε n fe εε ba he bee. Kε Bɔnsam aa yaa ɲwεnε tε.

<sup>19</sup>Ya sie begra aa begra nɔ, he bee ya hwεga ne silεε do. He waa ya Dɔɔ Yeesu εε ba yaa tɔɔ dawa, ya hεgre awola waa ba ya ba che o sie la.

<sup>20</sup>He nεε aa ba chega ya dɔ sɔn ne silεε.

## 1 Tsalonika 3

- <sup>1</sup>Ya hanrɔ kahonɛ, yaa wola he waa no la, ya liiro kenɔ aa do werii kɛ ya tomɛ Timoti he be ase a ka ya nera banɛ gbo Atens.
- <sup>2</sup>Timoti ɛ ya dɔŋ de ɛ Korowii torome dɛɛ bol Yeesu Kristo Amanesoma la. Ya tomo ó ba do heyaa gbemba de ja heyaa he yarada haa de yarada Korowii la bɔr,
- <sup>3</sup>he bini belbwa be wahala nɔ waa koh de chwa. He bwa jemɔ kɛ gee che kɛ ya na.
- <sup>4</sup>Ya ne haa lole la, ya bol wahala nɔ waa de ba bala nɔ waa he be he jeme wubwa. Ase ge yaa nɔa laanee bala la.
- <sup>5</sup>A waa gela n hanre kahonɛ de tomɛ Timoti áse de jeme he yarada bini kenɔ Bɔnsam ken baa negre heyaa de gel ya toma yaa baa ɛ la ken ɛ pɛpɛɛ.
- <sup>6</sup>Kɛ taraken Timoti aa le he be ba la, o ba amanesoma ne kenɔ he de yarada Korowii dɛɛ nyin nera ge. O nɔ ya be nɔ he de lii ya waa kerɛde tɔpere belbwa, dɛɛ nyin kɛ he na yaa ge yaa de nyin heyaa de na la.
- <sup>7</sup>Yabala, ya wahala ne ya wenaale yaa de na nɔ, ya gel a bwa. He yarada gelɔ ya baah sɔɔh yaa he wa.
- <sup>8</sup>Dɛ he lawɛ Korowii waa la kponɛ kinɛnɛ naa, de ya dɔ bokpega.
- <sup>9</sup>Bɔkwa jaamee yaa ba wona kpɔ tɛ Korowii he waa? Silɛɛ yaa dɔa le Korowii be no kan. He waa gela ya sie le la.
- <sup>10</sup>Ya de soŋe Korowii chɔɔ ne jwaana bwa áse de na he sie bɔr ja, de bol waa aa de ba wona cha heyaa he yarada bini áse he do kpegri ja.
- <sup>11</sup>N Naa Korowii gbabir waa bera ɛ ya Mɛɛ la ne ya Dɔɔ Yeesu ɛɛ chagle yaa nɔwɛnɛɛ ya ba he be.
- <sup>12</sup>Yá Dɔɔ Yeesu ja heyaa dɔŋa nyina kerɛde áse hɛɛ nyin nomelbwa ge yaa de nyin heyaa la.
- <sup>13</sup>Wɛɛ geloo he do kpegri de be wechɔga dɔ, de ɛ nendɛɛga N Naa Korowii waa ɛ ya Mɛɛ la be awola o ne o toromedɛɛga la bwa aa ba la.

## 1 Tsalonika 4

- <sup>1</sup>Anɔ la aa jaa la, yabala, waa la haa hwela ya be ge aa che kɛ he so ase Korowii sie le he nɛɛ la, gee hɛɛ ɛ la. Ya chege ya Dɔɔ Yeesu naa ta dɛɛ ja heyaa nɔ a che kɛ he ɛ de gwaa ge.
- <sup>2</sup>He jeme waa yaa chege ya Dɔɔ Yeesu nɛɛ de bol bagle heyaa la.
- <sup>3</sup>Korowii de nyin kɛ he ɛ nendɛɛga de laa he te kpɔ jwamane ta.
- <sup>4</sup>Báa belbwa nyinɛi kerɛde kɛ wɛɛ mo haahnee nɔwɛnɛdɛɛge ta.
- <sup>5</sup>He be siyala ne sibegra nɔwɛne ta kpɔ kɛ nera baa wola Juda tena ɛɛ la.

<sup>6</sup>Nomelbwa be o don nee jo a ge waa no ta, dekalke Korowii ee ter nera baa de e ge la dennee, ge yaa ja heyaa logla la no he nyini a ta kerede la.

<sup>7</sup>Korowii aa le yaa no ya e o bii la, o ta noe no ya ba e wedona. O no ya ba e wedeega.

<sup>8</sup>Nomelbwa waa wola a ge waa no ta teje la, de newenyini waa laa o veh, de Korowii waa te heyaa o Domadeege la waa o veh.

<sup>9</sup>Too. Ane gee la. A ta hiah ke ya bere bagle heyaa dona nyina waa kpa, dekalkejo Korowii bagle heyaa no he nyin dona.

<sup>10</sup>Kasintej, he de nyin he bala baa lo Makidoonia hare la bwa. Yabala, ya de soje heyaa ke he be waa no gel, ke he e gwaa ge.

<sup>11</sup>He takapo de e he te nengwega de be nera waa ta dee jo. He kpo he bokpega e toma, de be he te kpo dee dawo nera ne, ge yaa no he be wubwa la.

<sup>12</sup>He de e ken aa, hee do jirima nera baa wola asore tena ee la bee, haa he tenee kpo dawo nera ne.

<sup>13</sup>Yabala, ya de nyin ke ya bol yabala baa serewa la wa, ase he tea bini be chog kohona kejo nera baa kaa, baa wola hwega do kejo yaa ir seo taa la.

<sup>14</sup>Ya yaradao ke Yeesu sewo de ir. Ge tentenee yaa yarada kejo Korowii de ba bano la baa yarada Yeesu mo de serewe la kpo de ja Yeesu nee ba ne o ba ge san waa ba la.

<sup>15</sup>Ya Do la waa waa bolaa no. Ya bano la yaa so le de ka tel ge san ya Do la aa ba la, yaa yabala baa serewa la siee to kaa ya Do be,

<sup>16</sup>dekalkejo ya Do la gbabir ee le nyundua de tu ba, de ba yere o nera takpeg ne, ase o nyundua toroma nomoa ge yere, Korowii bela si to o sie, ase bano la baa yarada Yeesu Kristo mo de serewe la ir,

<sup>17</sup>ase Korowii kpo ba ne ya bano la ge ya taa soje le ge san la bwa kaa nyundua baama ta de ka cheme ya Do bela, ase ya ne o so san belbwa.

<sup>18</sup>Anomanta he kpo waa no dee larawe dona bwara.

## 1 Tsalonika 5

<sup>1</sup>Yabala, a ta che kejo n chwere de bagle heyaa topere la waa no aa de ba chiga,

<sup>2</sup>dekalkejo he bwa jemo kpela kejo topere ya Do la aa ba la ee pigruu kejo hwee aa de pigri nen jwaana la.

<sup>3</sup>Ge san nera aa ba no, "Bobelbwa sohno, ya do denesohna name te" la, belaa de harechog la ee ba ba pigra. Wee pigruu kejo haah naa kpoje tea ase lol tea lo la ken. Ge san la, baa boree do de chwa ka soh.

<sup>4</sup>Ke yabala, he te toole biro ta, he sie chaah waa no ta. Anomanta Yeesu bala la aa heyaa pigri kejo hwee.

- <sup>5</sup>He bwa sekwara ε nera he sie aa chaah Korowii waa ta. Biro bini nera laa yan, bochaah ta neraa yan.
- <sup>6</sup>Anomanta ya be bōhwaah ε keṅo bane aa de ε la, ke hé gel ya sie cho hare yaa nyiṅi kerede.
- <sup>7</sup>Bōhwaahra ne nera baa de de te bwa ε biro bini nera.
- <sup>8</sup>Ya te yaa ε bochaah ta nera nō, hé gel ya sie cho hare, ase de kpō yarada ne nennyin ε ya laa batakaare keṅo baa do laa batakaare de yo laa la, de bere kpō hwega yaa dōa ya Dōo Yeesu be keṅo weε le yaa la ε buni gberε de kpō pi.
- <sup>9</sup>Korowii ta yaa tae ṅo yá ba di bolchoge o sie. O ta yaa ṅo yá che Yeesu neε de do ya nyu.
- <sup>10</sup>Onee sewa te yaa, ase awola o balaa, de ya soge mkpa ta noo, sewaa ya sewε oo, yá ne Korowii won pε.
- <sup>11</sup>Anomanta hée do dōṅa gbemba deε cha dōṅa, ge haa de ε nō.
- <sup>12</sup>Yabala, ya de soṅe heyaa keṅo hée duu nera baa ε he nomonome deε ε Korowii toma nō deε ja heyaa la.
- <sup>13</sup>Ba toma la nomanta hée duu ba kerede taeh, deε nyin ba wa. Hé gel he bwa nyoa pε.
- <sup>14</sup>Yabala, ya de soṅe heyaa ke hée ja banō la baa ε bōhwaahra la, deε do omeera la gbemba, de lawε banō la baa wola chege kiṅkiṅ Korowii ṅwene ta la kpoṅe, de do bambile te nomelbwa.
- <sup>15</sup>Hé nyiṅi kerede de be gel belbwa kpō wechōga deε bō wechōga kem, ke hé ε wedεega deε te he dōṅa ne nomelbwa.
- <sup>16</sup>Hé gel he sie εε le tōpere belbwa, wobelbwa ta,
- <sup>17</sup>deε soṅe Korowii saṅ belbwa.
- <sup>18</sup>Hée jam Korowii wobelbwa ta, dekalkēṅo geε Korowii che Yeesu Kristo neε deε bagle o tetoowaa he be.
- <sup>19</sup>He be gel Korowii Domadεεge waa soge he neε la nyoa sōh.
- <sup>20</sup>He be he bala baa de na chaahna la nyoa deε vεh.
- <sup>21</sup>Ke hé nyiṅi ba webagla ase de lawε anō la aa wera la bini.
- <sup>22</sup>Hé laa he te kpō wechōga belbwa ta.
- <sup>23</sup>Korowii waa de te yaa bosōhna la, ó gbabir laa dōṅa bwa kpō he ne, de ε heyaa nendεega ṅwene belbwa ta ka tel keṅo ya Dōo Yeesu Kristo aa ba.
- <sup>24</sup>Korowii waa le heyaa he ba ε o bii la, o ε kasintēṅ te. Onee deε ba heyaa nendεega εε.
- <sup>25</sup>Yabala, hé soṅe Korowii deε te yaa.



<sup>26</sup>Hée lea dɔŋa kerɛde keŋɔ nyabii.

<sup>27</sup>N kpɔ ya Doo dɛɛ do heyaa ke hé kure tɔn nɔ bagle yabala la bwa sekwaraa.

<sup>28</sup>Ya Doo Yeesu Kristo waa de na nera sum la, wɛɛ cha heyaa.

## 2 Tsalonika

### 2 Tsalonika 1

<sup>1</sup>Men Pól ne Silvanos ne Timotii chwere ton nɔ dɛɛ tɛ Yeesu asɔre tena baa lo Tsalonika dɛ ɛ N Naa Korowii waa bera ɛ ya Mɛɛ la ne ya Doo Yeesu Kristo nera la.

<sup>2</sup>Ŋ Naa Korowii ne ya Doo Yeesu Kristo cha heya, dɛ tɛ heyaa bosɔhna.

<sup>3</sup>Yabala, ya koh he waa dɛ yon dɛɛ jam Korowii. He che gɛ, dekalkɛɲɔ he yarada haa dɛ yarada Korowii la dɛ kaa sie saɲ belbwa. Nyina haa dɛ nyin dɔɲa la ge gba dɛ do kan ja.

<sup>4</sup>Ya gbagba dɛ bol he waa dɛɛ bagle asɔre tena baa cheme bobelbwa dɛɛ tome Korowii la, dɛɛ kpɛɛ heya. Ya dɛ ɲɔ ba be gɛ nera aa dɛ ɛ heyaa hɔhɔrɔwa, aa no heyaa saɲ belbwa, ase he dɔ bambile haa wola haboo le dɛ ta teɲɛ dɛɛ yarada Yeesu la.

<sup>5</sup>He we-ɛɛla baglo kɛrɛdɛ kɛɲɔ Korowii bole waa pa heyaa la togrɔ. Haa koh o Kora waa dɛɛ na hɔhɔrɔwa nɔ, anee dɛ bagle kɛɲɔ he che o Kora la ta jae.

<sup>6</sup>Kɛ nera baa dɛ ɛ heyaa hɔhɔrɔwa la te, Korowii ɛɛ bɔ ba a kemee. O we-ɛɛla togrɔ. Ó ɛɛ ba gɛ hɔhɔrɔwa la,

<sup>7</sup>dɛ gel he bwara sɔɔh heya. Ya ne he bwaa dɛɛ ba bosɔhna la dɔɛ gɛ saɲ ya Doo Yeesu Kristo aa fore le nyundua o ne o nyundua toroma baa dɛ di kpegri ne nii nɛɛ ba la.

<sup>8</sup>O balaa, wɛɛ bol nera baa wola Korowii jeme, baa wola Amanesoma aa dɛ bagle ya Doo Yeesu waa noɛ la waa, dɛ bɔ ba a kem,

<sup>9</sup>dɛ per ba le o be. Baa o kpegri aa gela o dɔ jirima laanee na kpa, ase o kpɔ hɔhɔrɔwa aa wola jaga dɔɛ bwa ta ba nɛ.

<sup>10</sup>Awola waa ba o tɔpejen la ta ase o nera tɛo duure la, nera baa yaradao la bwa ɛɛ nao dɛ kpɛero. He gba jao, dekalkɛɲɔ ya faa bagle heyaa o waa la, he noɔ dɛ teɲɛ a ta.

<sup>11</sup>Yeesu bala la waa ya yon dɛɛ soɲɛ Korowii dɛɛ tɛ heya, áɛ o cha heyaa he soga bini won magre dɛ che lee waa le heyaa dɛ tɛ o te la, dɛ tɛ heyaa kpegri he won ɛ wedɛɛga la bwa aa lo he bambile bini ne wobelbwa haa ɲɔ hé ɛ, yarada haa yaradao la nomanta.

<sup>12</sup>Ya dɛ soɲɛ Korowii gɛ áɛ ya Doo Yeesu sɔn won dɔ jirima dɛ le he we-ɛɛla ta, ase he ge gba won dɔ jirima dɛ le o be. N Naa Korowii ne ya Doo Yeesu Kristo suna waa dɛ sune ya nɛɛ dɛɛ cha yaa la nomanta, a bwa won ɛ gɛ.

### 2 Tsalonika 2

<sup>1</sup>Yabala, ya Doo Yeesu Kristo bala waa ne gɛ ya bwa aa dɛ ba o be chema la, n dɛ soɲɛ heya,

<sup>2</sup>Hée lii a waa kéréde. Maa nyin nomelbwa bol wetamaa ane ase he den ɔme dɛe lii keɲo ya Doo balo kaa. De ba ɲo Korowii Domadɛege bag ba ge baa bol, kee de he na ton bel o negre heyaa keɲo yanee chwero waa, he be no de gel a e heyaa waane.

<sup>3</sup>He be gel nomelbwa negre heyaa ɲwene belbwa ta. Hé jeme keɲo waane ee eo moo ase toperre la ba. Ge saɲ nera aa ir de ware pirim de veh Korowii la ee bao, moo nen waa e Kristo dom tenten Korowii bandia aa lo o nee keɲo o chogo la le.

<sup>4</sup>Wee e o tenee de gwaa komelbwa nera aa de toma dɛe yera ba dooranar, hale wee kpoo Korowii Dea bere sobor de ɲo onee Korowii.

<sup>5</sup>Haa lii keɲo n faa lo he be la de n de bagle heyaa ge waa no naa?

<sup>6</sup>Hé jeme keɲo komelee too ɲwene o le kahone la, nemene o saɲ tel.

<sup>7</sup>Wechoga doo ba taraken, ke aa won do bor kohona, nemene kon la waa toa ɲwene la le moo.

<sup>8</sup>De kon waa toa ɲwene la baa le aa, belaa Wechoga Te la ee ba bochaah lee nera jemo. Ke ya Doo Yeesu Kristo bala jirima ne o nyoa peu gbo kwara ee won kpoo bug ta.

<sup>9</sup>Ge saɲ waa ba moo Yeesu ba kpoo la, Bonsam ee do o nee dɛe chao kéréde o won do kpegri kohona, de won dɛe e nyokpowaa ne wejena, dɛe negre nera keɲo Korowiirii teo kpegri ken,

<sup>10</sup>dɛe e wechoga bwa soosiwi aa lole, de won dɛe negre nera baa nyogra dɛe ba choga la. Korowii ee chog baa, dekalkɛɲo ba veh kasintɛɲ waa aa de ba wona lee ba la, ba ta o waa nyine.

<sup>11</sup>Anomanta o gelo nyosone o nyoa aa kpega ee ba ba be de ba tooge ba sie, ase baa yarada waa aa e nyosone,

<sup>12</sup>áse o won pa nomelbwa waa wola seeh de teɲe o kasintɛɲ waa la ta ke dɛe e wechoga o sie le a ta la bolchoge.

<sup>13</sup>Anomanta a che keɲo ya jam Korowii saɲ belbwa he wa, yabala. O de nyin heyaa kéréde, de le hare mumpar la bwa le heyaa keɲo wee le heyaa. O Domadɛege aa gela he doɲa bwa le he nee la, ne ge haa no o kasintɛɲ waa de yaradaa la, a waa o le heyaa la.

<sup>14</sup>Yanee fa bol Amanesoma la bagle heyaa he no la, ase Korowii che a ta le heyaa áse he ne ya Doo Yeesu Kristo won pe do jirima.

<sup>15</sup>Anomanta, yabala, hé lawe kinjin de teɲe waa la bwa yaa kpoo nyoa de bagle heya, ne ano la yaa chwera ton ta de te heyaa la ta. Hé gel a bwa do he nyu bini kéréde.

<sup>16</sup>Ya Doo Yeesu Kristo gbagba ne N Naa Korowii waa e ya Mee dɛe nyin yaa kéréde de sune ya nee de cha yaa, de te yaa hwega aa wera ne gbemba aa wola tone bwa la,

<sup>17</sup>bá te heyaa gbemba de gel he che kinjin, ase de won e wedeega te belbwa, de won dɛe bola ge.

## 2 Tsalonika 3

- <sup>1</sup>Ano la aa kaa la, yabala, hé soŋe Korowii dɛɛ tɛ ya gba, áse ya Doo waa la won pere kerede de won do jirima, ase nera no keŋo ge he ge faa noa la.
- <sup>2</sup>Hé soŋo o le yaa dɛɛ le meesooh tena ne nenchoga be, dekalkenjo nomelbwa laa de no waa yaa de bol la de yaradaa.
- <sup>3</sup>Ke Korowii waa do kasintɛŋ la, wɛɛ geloo hɛɛ kpeg waa la ta tena ta de le heyaa le Bonsam non ta o be heyaa do.
- <sup>4</sup>Yaa de yarada ya Doo la waa ya won dɛɛ yarada he ge keŋo he de tenɛ ge ya faa bagle heyaa la ta la, de bere dɛɛ yarada heyaa ke hɛɛ kponɛ ge ya faa bol he be laanee dɛɛ la.
- <sup>5</sup>Yá Doo Yeesu Kristo cha heya áse he won jeme nyina Korowii aa nyin heya, ne bambile Yeesu Kristo aa lawa o hohorowa la bini la.
- <sup>6</sup>Yabala, ya chege ya Doo Yeesu Kristo son ta dɛɛ ŋo he be ŋo, he bini belbwa de e bohwaah o ta seeh dɛɛ e toma ge yaa bagla la aa, hé gelo, he ne o be pe.
- <sup>7</sup>Ya faa lo he be la, de ya ta bohwaahra ee. Anomanta hé jeme ge haa e de tenɛ ya ne.
- <sup>8</sup>Ya ta nomelbwa kondikwaa dii peepee. Ya e toma choo ne jwaana, dɛɛ koh kerede de be heyaa ha ya kondikwaa wa.
- <sup>9</sup>Yaa e ge no, a ta ee keŋo ya ta nwenɛ doe ke ya le ge kwaa no le he be. Ya do nwenɛ, ke ya e ge de kpɔ bagle heyaa áse hɛɛ tenɛ a ta.
- <sup>10</sup>Waa yaa kpɔa tɛ heyaa ge san ya faa lo he be bela laanee keŋo nomelbwa waa ŋoa waa tomaa e la ta che keŋo o di kwa.
- <sup>11</sup>Ya de no he waa keŋo he bane ta seeh dɛɛ e toma, de vale peepee de kpɔ nyoa dɛɛ do nera waa ta.
- <sup>12</sup>Ya chege ya Doo Yeesu Kristo son ta dɛɛ ŋo ge nera no be ŋo bá do sie dɛɛ e ba gbagba toma dɛɛ di ba koeh ta.
- <sup>13</sup>Yabala, hé e wedeega dɛɛ la, de be ŋo he kooh.
- <sup>14</sup>De nomelbwa ta seeh ke wɛɛ tenɛ ge yaa ŋoa ton no bini no taa yaa, hé nyinɔ kerede. He ne o be pe dɛɛ e wobelbwa, áse sihih kpoo.
- <sup>15</sup>N ta nɔe ŋo hé kpoo bere he dom te, ke hé jao kerede keŋo ge haa de ja he nimanar.
- <sup>16</sup>Ya Doo Yeesu Kristo la gbagba waa do bambison kerede la, ó tɛ heyaa bambison san belbwa, wobelbwa ta, de ja he bwa ne.
- <sup>17</sup>N Pɔol gbagbaa chwere bono no. N de na heya. Kenii n yon dɛɛ e n ton belbwa bini áse he won jeme keŋo n tonee.
- <sup>18</sup>Yá Doo Yeesu Kristo cha he bwa sekwaraa.

## 1 Timoti

### 1 Timoti 1

- <sup>1</sup>Men Pɔl maa ε Yeesu Kristo torome laanee chwere ton nɔ. Korowii waa ε ya Lεε ne Yeesu Kristo yaa de hwεε o nεε laanee do mε ηɔ mée bol o waa nɔ.
- <sup>2</sup>N bie Timotii n chwere ton nɔ dεε tε. Meneε bol Korowii Waa he no, de bere n bie a ta la. N Naa Korowii ne ya Dɔɔ Yeesu Kristo chae de na he sum, de tεε bosɔɔhna.
- <sup>3</sup>Waa maa ba de kaa Makidoonia hare ta de ηɔ he be la, a taa n ta do. N ηɔ hé so Efesos de kah nera baa teje nyosone dεε tε nera ηɔ Korowii Waa baa chagle la ηɔ bá gel ge waa la, de be Korowii waa la sie bere.
- <sup>4</sup>Dɔ ba be gel nyosone la ne ge baa de bagle ba naanar lee bɔra baa wola a nyoa na bwa la le ba liire. Wetɔŋla gbo nee ge waa nɔ εε ba. Korowii toma ηwenere laa baa bagle la, dekalke yarada gbo taa a che baa jeme Korowii toma ηwenere.
- <sup>5</sup>Wee maa koh a waa doe waa nɔ ta laanee keηɔ bá won dɔ nennyin. Nen waa dɔ nennyin nɔ soo la ta wechɔga belbwa dɔe, o tea too, o dɔ yarada kasintenɔ.
- <sup>6</sup>Nera bane gel ge waa nɔ de ka teje wesale aa wola mun dɔe bola ta.
- <sup>7</sup>Ba de nyin ke ba ε ba te ke nera baa de chagle nera Mmara la, ke waa ba siwi yon swεε a ta baa bol la, ba gba aa a mun jeme.
- <sup>8</sup>Ya bwa jemɔ ke de nen wono ε ge Mmara la aa de bagle la aa, Mmara la wer teo.
- <sup>9</sup>A che keηɔ he jeme keηɔ nendεega waa laa ba koh dεε do mmara, ke nera baa wola mmara ta teje la, ne deηnekpeg tena, ne nera baa veh Korowii la, ne wechɔg-εera, ne nera baa wola Korowii tome, baa wola on duu la, ne nera baa de kpoo ba mεenanar ne ba nyare, de nera baa de kpo nera bwa,
- <sup>10</sup>ne jwamane tena, ne baala ba ne ba bandɔŋa aa de cho haah ne baa, ne nera baa lawe nera dεε yog ba ke yoma, ne nyosontenɔ, ne nera ba yon jeme ke nyosonee baa teje de gare dεε ηweε Korowii la, ne nera baa de ε we-εela te belbwa a ne webagla aa togra la aa wola kaa la, ba waa ba koh dεε do mmara.
- <sup>11</sup>Ge waa aa togra la bwa lɔ Amanesoma Korowii aa kpɔa do n non ta ηɔ n chagle nera la ta. Anee dεε bagle Korowii waa dɔ jirima ne sileε la wa.
- <sup>12</sup>N de jam ya Dɔɔ Yeesu Kristo waa tε mε o kpegri la ke waa yarada mε de kpɔ o toma nɔ do n non ta nɔ.
- <sup>13</sup>A lole ke n fa de ε Yeesu Kristo la nenhela, dεε εo hɔhɔrɔwa, n siwi sao mεε yoo. Ke Korowii na n sum, dekalke maa wola Korowii yarada dɔe n bini la, de maa jeme ge maa de ε.
- <sup>14</sup>O sune n nεε kohona de cha mε taeh n dɔ yarada ne nennyin yaa dɔa le pεε ya ne Yeesu Kristo aa pea la ta.

<sup>15</sup>Waa nɔ ɛ kasintɛn aa chɛ kɛnɔ he lɛa kɛnɔ wechɔg-ɛɛra waa Yeesu Kristo koh ba hare nɔ ta dɛ ba lɛɛ ba. N wechɔgaa kana gwaa nomɛlbwa kwa.

<sup>16</sup>Kɛ Korowii sune n nɛ, aɛ Yeesu dɔ bambile tɛ mɛ n wechɔga damanta nɔ bwa ta, áɛ nɛra baa ba no Korowii waa dɛ yaradao la jɛmɛ gɛ Yeesu aa dɔ bambile kohona, dɛ won yaradao dɛ dɔ o mkpa aa wola jaga dɔɛ la.

<sup>17</sup>Yá kpɔ duure tɛ Koojen la o Kora dii aa wola jaga dɔɛ, waa wola sewɛ bwa, baa wola won on na, o gbo aa ɛ Korowii la, dɛɛ guɲu hare fini ne tɔpere bɛlbwa. Aamen.

<sup>18</sup>N bie Timoti, n dɔ waane dɛ bol he be, áɛ he lawɛ a bini he Korowii toma ta. Gɛ ba faa chegɛ Korowii Domadɛɛge kpegri ta dɛ bol o toma waa tɛɛ kpegri hɛɛ ɛ nɔ waa la, gɛ waa la tenten taa mɛɛ doe la. Anomanta gel gɛ waa la doe gbemba áɛ he won yo kɛɛdɛ,

<sup>19</sup>aɛ dɛ kponɛ Korowii yarada bini kinjin, dɛɛ ɛ waa haa jema kɛ a togrɔ. Gɛɛ bane aa wola ɛɛ, aɛ ba ta wone yarada Korowii ka tonɛ dɛ hore la.

<sup>20</sup>Banɔ la baa hora la bini banee Haemeneas ne Aleksanda. N kpɔ ba do Bɔnsam non ta áɛ ba jɛmɛ kɛnɔ baa Korowii nɛnhɛla ɛ.

## 1 Timoti 2

<sup>1</sup>Anɔ la aa tɔ sie mɛɛ ja asɔre tena kɛnɔ báa tɛɲɛ a ta laanee kɛ hɛɛ soɲɛ Korowii dɛɛ tɛ nomɛlbwa. Hɛɛ soɲɔ dɛɛ jaamo wobɛlbwa ta.

<sup>2</sup>Hɛ soɲɔ dɛɛ tɛ koranar ne nɛra baa dɛ di nomonome bwa áɛ ya bwa so bosɔɔhna ta jɛih ken, dɛɛ tomɛ Korowii gɛ aa chɛa, dɛɛ ɛ waa aa wera o be.

<sup>3</sup>Gɛɛ wera, dɛɛ lɛ ya Lɛɛ Korowii sie.

<sup>4</sup>O tɛ dɛ nyin kɛnɔ nomɛlbwa dɔ o nyu, aɛ dɛ ba jɛmɛ kasintɛn waa la.

<sup>5</sup>Anee kɛ Korowii bɛɲkponɲii lole, dɛ dɔ nachige bɛɲkponɲ do o ne nɛwɛnyini baah ta, o gɛ ɛ nɛn. Onɛ Yeesu Kristo

<sup>6</sup>waa kpɔ o tɛ tɛ kɛnɔ ba kpɔɔ chare nɛra bwa nyu la. Gɛ saɲ aa chɛ kɛnɔ waa nɔ magre la taa a den chig la. O ɛ gɛ a chɔ dansee saɲ bɛlbwa.

<sup>7</sup>Anɔ waa Korowii lee mɛ ɲɔ ń lɔ a dawuro bagle nɛra, dɛ bɛɛ ɛ Yeesu torome gɛ la. Kasintɛnɲii mɛɛ bol la, maa nyosone tɛɲɛ. Onɛ gɛla mɛɛ bagle nɛra baa wola Juda tena ɛɛ la áɛ ba yarada Yeesu dɛ jɛmɛ kasintɛn la.

<sup>8</sup>N dɛ nyin kɛ bobɛlbwa baala baa ɛ asɔre tena la laa ba tɛ kpɔ bandisale ne wetɔɲla ta, aɛ dɛ won ɛ nɛndɛɛga dɛ ir nɔɔra soɲɛ Korowii.

<sup>9</sup>Gɛ tenteneɛ mɛɛ nyin kɛ dɛ haahna dɛ ba laala doe yaa, ba bɛ jwamanlaala ne laala a waa aa do bola dɛɛ do. Bá kpɔ laala aa magre ba ne, dɛ bɛ ba tɛ kpɔ do nyuune ɛɛ aa dɛ ba kem ne, ne suugaswɛm konkwaare doe, ne yale a yog aa kpegɛ liga ta.

<sup>10</sup>Kɛ báa ɛ wedɛɛga kɛ haahna baa dɛ tomɛ Korowii. Ba wedɛɛga ɛɛ laanee dɛ gel ba do wer toli.

<sup>11</sup>A wer keṅɔ haahna ɛɛ pwer ba te, de cheg deṅne dɛɛ no Korowii Waa baa de bag ba la.

<sup>12</sup>N ta ḡwene tee keṅɔ haahna di nomonome baala neɛ dɛɛ bagle wa. A che keṅɔ ba to ba nyoa dɛɛ no,

<sup>13</sup>dɛkalke Adamee Korowii to sie ta moɔ de ta o haah Hawa.

<sup>14</sup>Adam ge kwaraa laa Bɔnsam negre la. Hawaa o negre de gel o ɛ wechɔga la.

<sup>15</sup>Ke de haahna kpoṅe Korowii yarada bini kiṅkiṅ, dɛɛ nyin nen, de laa ba te dɛɛ kpɔ wedoṅa ta, baa wesale ɛ aa, Korowii ɛɛ geloo ba do ba nyu ba lola ta.

### 1 Timoti 3

<sup>1</sup>A ɛ kasintɛṅ keṅɔ de nen ḡɔ weɛ to asɔre tena siee yaa, de tondɛega tentenee naate ɛɛ nyin la.

<sup>2</sup>A ge nen la, a ta che keṅɔ nera do o wechɔge bol. A che ke o haah ɛ beṅkpoṅ. A che ke o won o te lawa, de do nferɛ, o we-ɛela ɛɛ le nera sie. A che ke o ɛ nen waa won hoḡhra kpoṅa, de won Korowii Waa bagla.

<sup>3</sup>A ta che keṅɔ o ɛ sennyɔdɛɛ, o be nagrenyini ɛ. Ke o ɛ nen waa pwera, waa wola o bwara ne waa nyin. A ta che ke o siwi begre suuga.

<sup>4</sup>A che ke o won o haah ne bii nyiṅa, ase o bii ɛɛ no o deṅna waa dɛɛ teo duure.

<sup>5</sup>De nen aa won o haah ne bii nyiṅi aa, ɛɛɛ weɛ ba ɛɛ de won nyiṅi asɔre tena neɔ?

<sup>6</sup>A che ke o ɛ nen waa kpɔ o te te Korowii de yaradao bigri, ge aa ɛ nera waa to ba sie la nomanta, o nyu bini be on som ba do o maṅkura o te kohona, ase o ba jo Korowii neɛ ge Bɔnsam aa ɛa la.

<sup>7</sup>A che ke o ɛ nen nera baa wola asɔre tena ɛɛ kwara aa de yere o sɔndɛɛge, ase o be sihih waane ba ɛ de le Bɔnsam bel ta.

<sup>8</sup>Nera baa cho tomare nyoa asɔre la ta la ge, ge. A wer keṅɔ baa ɛ waa aa do duure, dɛɛ di kasintɛṅ. Ba ta cheɛ ke ba ɛ sennyɔdɛera, ba ta cheɛ ke ba kpɔ suuga sibegra dɛɛ bo nera apoo.

<sup>9</sup>A che ke ba kpoṅe Korowii wesohla waa waa gela ya jeme la bini kiṅkiṅ, dɛɛ ɛ waa baa naa ke a togrɔ.

<sup>10</sup>A wer keṅɔ he nyiṅi ba waa bini de na de ba waa wer moɔ he tee ba ḡwene ba ɛ ge toma la.

<sup>11</sup>Ba haahna che ke baa ɛ waa aa do duure, de be nera dɛɛ ḡwale. A che ke ba won ba te lawa, de kpɔ kasintɛṅ dɛɛ ɛ wobɛlbwa.

<sup>12</sup>A che ke nomɛlbwa waa cho asɔre tomare nyoa la haah ɛ beṅkpoṅ, de won o haah ne bii nyiṅa keredɛ.



<sup>13</sup>Bano la baa de e ba toma keredede la de do son, dee do kpegri yarada baa doa dee teje Yeesu Kristo nee la ta.

<sup>14</sup>N de nyin ke n wonaa, ni ba nae. Ke n to sie chweree waa no dee tee,

<sup>15</sup>ase de n baa bigri aa, ton no bagle ge aa che ke ya bano la Korowii aa kpo yaa e o dem tena no so dee e ya wa. Yanee Korowii waa wola sewe bwa la toroma waa kpo o kasintej waa la te no ya lawe a bini kpoje kinjin ke pila yon lawe dea kpoje la.

<sup>16</sup>Dwene yaa kpo o ta dee tome Korowii no, tonla toole ke wesohla aa lo o ta ase Korowii gel ya jeme la e wejena kohona. Waa yaa lawe a bini kpoje laanee: Korowii baa bere o te newenyini. O Domadeege la gelo nera bwa jeme ke o waa togro. Nyundua toroma nao. Nera bol o waa bagle hare no ta nera baa lo bobelbwa. Ba no o waa hare no ta de yaradao, ase Korowii kpo kaa nyundua o ka do jirima.

## 1 Timoti 4

<sup>1</sup>Korowii Domadeege la pili waa no bini chasee ken bagle heyaa no, kerekere la nera bane ee voh Yeesu waa no de kaa yarada konkwaa aa de neg ba, ase dee no a be.

<sup>2</sup>Nera baa kpo nyosone dee negre nera laanee kpo ge negra webagla la ee bagle nera. Ba liire chogo. Nera negra ne wechoga man ba kenjo nen baa kpo buniwob chogro a mano waa wola konwob ome kpa la.

<sup>3</sup>Ge nera no vala dee chagle nera no aa were ke baa mo haah kee haah yale la, de bere no kondikwaa ane aa were kenjo nera di la. Ke Korowiiri ta ge kondikwaa no no bano la baa jeme kasintej waa la dee yaradao la kpo jam teo de dia.

<sup>4</sup>Korowii kontaala te bwa wer. De ya kpo jam teo mo de lea te naa, ate de komelbwa ta veeh doe,

<sup>5</sup>dekalke ge haa jam Korowii la ne Korowii gbagba wobol la won gela a do wer Korowii be ase nen di.

<sup>6</sup>De he kpo ge waa no bagle he bala aa, anee dee ba chagla kenjo he e Yeesu Kristo torome tenten haa teje Korowii waa haa yaradao ne kasintej la ta, de kpo kpeg de do kpegri.

<sup>7</sup>Laa he te kpo wobosale aa wola Korowii waa ee nera ee nyin a bola la ta, de swee siwi hweli ge haa dee teje Korowii waa la ta.

<sup>8</sup>De he swee siwi dee tegre he pola bini naa, a do tonno tama. Ke de he swee siwi ke hee dee teje Korowii waa la taa yaa, anee do tonno wobolbwa ta, dekalke Korowii nee teja do tonno te nera fini ne seo haboo bwa.

<sup>9</sup>Ge waa no e kpela tonla aa wola toole a ta kwaraa. Anomanta no de lawe a bini kpoje keredede.

<sup>10</sup>Koeh yaa de swee siwi dee e o toma no bwa, Korowii waa lole sanj belbwa o gbo e Korowii la nee ya sie dawee. Onee dee le nen te belbwa. Nomelbwa waa yaradao de kpo o te teo la, o de leo.

<sup>11</sup>Dɛɛ chag ba gɛ waa nɔ bwa dɛɛ ja ba báa tɛɛ a ta.

<sup>12</sup>Bɛ gel nɛra koh kɛ he ɛ bechala nomanta dɛɛ ɛ sisawa, kɛ gel nɛra baa yarada Yeesu la na gɛ haa dɛ bol wa, gɛ he da aa doa, gɛ haa dɛ nyin nɛn, gɛ haa yarada Yeesu dɛ kpɔ he te tɛo, ne gɛ haa laa he te kpɔ wedoɲa ta, aɛ dɛ hweli waa le a ta.

<sup>13</sup>Do sie kure Korowii Tɔn dɛɛ bag ba cheremi bɔra, dɛɛ bol Korowii Waa la dɛɛ chag ba a bini ka tel gɛ saɲ maa ba.

<sup>14</sup>Kpegri Korowii aa chae he dɔ dɛ le awola baa kpɔ nɔra darawe he nɛɛ dɛ che Korowii Domadɛɛge kpegri ta dɛ bol a waa la, bɛ gel a ɛ pɛɛ.

<sup>15</sup>Swɛɛ siwi dɛ kpɔ he te tɛ gɛ waa nɔ dɛɛ ɛ áɛ nɛra bwa na gɛ he toma aa dɛ kaa kɛɛdɛ.

<sup>16</sup>Dɛɛ nyiɲi he te kɛɛdɛ he soga bini ne he webagla bini. Kpoɲɛ a bini kiɲkiɲ, dɛɛ ɛ gɛ haa dɛ bagle nɛra la. Dɛ he dɛ ɛ gɛ naa, hɛɛ le he gbagba ne nɛra baa dɛ no he be la bwaa.

## 1 Timoti 5

<sup>1</sup>Dɛ baa waa gwaale nomoa ɛ waane aa wola weraa, bɛ o nɛɛ nyɛg, kɛ bol waa baglo kɛɲɔ he gbagba mɛɛ, aɛ dɛɛ ɛ bibaala haa ɛ nomoa ka tɛɛ ba la gɛ kɛɲɔ he gbagba nimanar,

<sup>2</sup>dɛ kpɔ haahna baa gwaale nomonome la ɛ he nyare. Aɛ bihaahna haa gwaa ba la gɛ, hɛɛ ɛ ba kɛ he nimambii, wedoɲa belbwa bɛ he ne ba baah ta do.

<sup>3</sup>Haahna ba jaranar aa serewa baa wola nomelbwa dɔɛ ó nyiɲi ba nɛɛ la, dɛɛ duu ba dɛɛ cha ba.

<sup>4</sup>Kɛ dɛ luhaah bel lole dɛ dɔ bii kɛɛ naanar aa, a chɛ kɛ ba jɛmɛ gɛ ba ne waa so, ba nyiɲu, dɛkalkɛɲɔ a wer kɛɲɔ nɛra baa dɛ tɛɛ Korowii waa ta la ɛɛ ɛ wedɛɛga dɛɛ nyiɲi ba lolanar gɛ ba gɛ faa koh ba nɛɛ la. Gɛɛ dɛɛ su Korowii siwi.

<sup>5</sup>Luhaah waa nyaa o ta nɛn dɔɛ ó nyiɲi o nɛɛ la te, Korowii nɛɛ o sie dawɛ wɛɛ soɲɔ chɔɔ ne jwaana bwa ó chao.

<sup>6</sup>Kɛ luhaah bodia wa aa dɛ le o sie la, o soge le te, kɛ o do kɛɲɔ nɛn waa sewa.

<sup>7</sup>Ja ba gɛ waa nɔ ta aɛ nɛra bɛ ba bwara wechɔge dɔ bol.

<sup>8</sup>Dɛ nomel lole, waa o nya ne o mɛɛ kɛɛ o dem tena nyiɲi aa, naate Korowii toma ɛ pɛɛ. Naate waa wola Korowii yarada gba bɔɔ.

<sup>9</sup>Bɛ luhaah waa wola bene fifraanumel dɔɛ mɔɔ la kure ja luhaahna maa bol ba waa ɲɔ hɛɛ cha ba dɛɛ nyiɲ ba la nɛ. Luhaah waa dɔ bene fifraanumel, waa wola baa belbwa jɛmɛ ka ja o jaa nɛ,

<sup>10</sup>nɛra bwa jɛmɛ o wedɛɛga waa ɛa wa, kɛɲɔ waa wona dɛɛ o bii ɲwɛnɛdɛɛge ta ba ɛ bechadɛɛga, dɛ won dɛɛ kpoɲɛ hɔɔhra kɛɛdɛ, dɛ pwer o te ɛ toma tɛ aɔre tena, dɛ

won cha nera wa aa puu ba, ase de won kpɔ o te bwa te wedeega ee gbo la waa mee bol he be nɔ hɛe nyiɔi ba nee la.

<sup>11</sup>Be luhaahna ba taa e toli kure ja luhaahna maa bol ba waa nɔ ne, dekalke ba pela ee ba lawe yalee, ba gel Yeesu Kristo toma la de ka yale,

<sup>12</sup>ase a e wechɔga tee ba kenɔ ba faa bola nɔ Yeesu Kristo toma gboo baa ba ee, de bere veh la.

<sup>13</sup>Luhaahna nɔ doɔa, baa wedeega belbwa doe dee e ka ja kenɔ baa de gaage dee vale deremi ta peepe. A gbo laa. Baa kpɔ nyoa dee do nera waa ta, dee nwale nera, ase dee bol waa aa wola chee kenɔ ba bol bwa.

<sup>14</sup>Anomanta de luhaahna ba taa e toli la yalo de logle bii, de won ba deremi ta nyiɔa, ge aa e ase ya doma be wedoɔa belbwa do bol yage yaa aa, gee n fe ee nyin.

<sup>15</sup>Taraken gba, luhaahna bane doo le Yeesu Kristo haboo de ka teɔe Bonsam nee tone.

<sup>16</sup>Haah belbwa waa e asore te ase luhaahna do o dem la, o takapo ke wee nyiɔi luhaahna laanee ase de be koeh la bwa kpɔ dawɛ asore ne, ge aa e ase asore ge won nyiɔi luhaahna la baa wola nera doe ba nyiɔi ba nee la.

<sup>17</sup>Asore nomonome la baa de to asore tena sie keredɛ la che kembor bele anɛ. Bane kenɔ bano la ba sie aa de begre Korowii Waa la bola ne a chagla ta la,

<sup>18</sup>dekalke a lo Korowii Ton la bini ke, "He be nae aa de e toma he koo ta la nyoa vowe de nɔ a be kwaa di." De bere chwere do o bini ja nɔ, "Tom-ee belbwa kembor cheo."

<sup>19</sup>De nomel ba he be de ba kpɔ waa de dawɛ asore nomoa bel aa, be no nemene nen neete ne tooro te baa di danse ke waa la e kasintɛj moo he no de kpɔ e wa.

<sup>20</sup>De bel e wechɔga aa, yero cheme asore tena la bwa sie de kaoh. He e ge naa, nera baa lo bela de na la ee omoo de laa ba te dee kpɔ wechɔga ta.

<sup>21</sup>N chege Korowii ne Yeesu Kristo ne nyundua toroma la bwa sie de kpɔ waa nɔ dee tee, ase he we-eela bwa ta la, he be gel nera bane waa su he siwi de gwaa bane, ke dee e ba bwa keredɛ.

<sup>22</sup>Be totoo kpɔ noora dawɛ nomelbwa nee de leo nɔ o e Korowii toma, ase de naate ta ba wone kponɛ tom la bini de ka e wechɔga aa, a ba maali. Nyiɔi he te keredɛ de be gel wedoɔa belbwa maali.

<sup>23</sup>He tea la ne ge he bwara yon dee wee warawara la nomanta, be nee gbo dee nyo kpa. He eo waa, hɛe nyo sen ge tama.

<sup>24</sup>Nera bane lole, ba te ne wechɔga ee de nera bwa nao, a yon che a ta ba la ba ne kooto ka pa ba bolchoge. Ke nera bane ge e wechɔga aa, waa la peu de kaa kwaraa moo nera jeme.

<sup>25</sup>Ge tentenee wedeega ee ge aa wola won soh. De nen e wedeega soh gba aa, aa le baje.

## 1 Timoti 6

- <sup>1</sup>Nera baa ε nendɔla la che keɲɔ baa ɔme ba dɔranar dɛɛ duu ba, ase nera be ηwene dɔ bol wechɔga yage Korowii ne waa nɔ yaa de chagle nɔ.
- <sup>2</sup>Nendɔla ba ne ba dɔranar bwa aa ε asɔre tena la be koh ke ba ne ba bwa ε beɲkpon nomanta ba siwi εε sa ba. Ba teneɛ che ke ba tome ba dɔranar keredɛ kwara, dekalke ba dɔranar la ge ε asɔre tena baa de nyin ba la bini bane. Bol ge waa nɔ bag ba de chag ba a bini.
- <sup>3</sup>Nomɛlbwa waa de chagle Korowii Wa, ase a kore ya Doo Yeesu Kristo kasintɛj waa la ta, ne ge yaa de chagle nera ηwene baa kpɔa dɛɛ tome Korowii la ta la,
- <sup>4</sup>naate de mankura o te pɛɛpɛɛ. Waa wobɛlbwa jeme. Wetɔɲla de weo chogla, ase wetama belbwa de o de vuuga. Ge waa nɔ dɛɛ ba bɔweela ne nagra ne dɔɲa chegra ne liichɔga ne la.
- <sup>5</sup>Ge te la ne nera baa wola wedɛɛga lii, baa wola ya kasintɛj waa la jeme la, ba de sage wetɔɲla aa wola mun dɔe ta, de yon dɛɛ lii ke Korowii toma ε ηwene bel baa kpɔ o ta dɛɛ nyin suuga.
- <sup>6</sup>Nen haa de tome Korowii, he siwi εε su komɛlbwa Korowii aa tɛɛ la, he ε kondɔɔh tenten.
- <sup>7</sup>Baa lolɛ yaa la, ya ta komɛlbwa ne hare nɔ ta bale. Gɛɛ a do ya seo tɔpere ge yaa wola won kpɔ komɛlbwa le bonɔ kaa.
- <sup>8</sup>Anomanta, de ya dɔ kwaa yaa di, de dɔ yale dɛɛ tɔ aa, hɛ gel a magre ya ne.
- <sup>9</sup>Nera ba siwi aa swɛɛ suuga ta la de chole. Suuga sibegra de neg ba dɛɛ do pɛlchɔga ta, de gel baa na wa, dɛɛ pɛɛ konsale ne waa aa de ba waa ne nɛ, de yon gel ba chɔg kwaraa.
- <sup>10</sup>Suuga nyin kohona taa wechɔga bwa soosiwi εε le. Bane tenɛ suuga nɛɛ kohona de nyogre Korowii ηwene, de gel suna dii bere ka ba name.
- <sup>11</sup>Hei, Timoti! Haa de tenɛ Korowii nɛɛ nɔ, a che keɲɔ hɛɛ ke he te ge waa la te bwa ta, de swɛɛ siwi dɛɛ ε waa aa de su Korowii siwi, dɛɛ tomɔ, de kpɔ he te tɛo dɛɛ yaradao, dɛɛ nyin nen, de won bambile lawa wobɛlbwa ta, de do pwere.
- <sup>12</sup>Yarada haa de yarada Korowii nɔ, yodɛɛgee hɛɛ yo ge la. Anomanta yo keredɛ dɛ do mkpa aa wola jaga dɔe la. A ge mkpa nɔ Korowii lee ηɔ he ba dɔ ge saɲ haa chege kiɲkiɲ de bol ge haa yarada Yeesu Kristo bagle nenlaa la la.
- <sup>13</sup>Korowii waa te komɛlbwa mkpa la, ne ya Doo Yeesu Kristo la waa wona de che Pɔnteɔs Paelet sie de bol kasintɛj la sɔn taa n che dɛɛ jae
- <sup>14</sup>ke hɛ lawɛ waa nɔ bini keredɛ de gel a togre ase nera be a wobɛlbwa dɔ bol de ka tel ge saɲ ya Doo Yeesu Kristo aa bere ba ja.
- <sup>15</sup>De o tɔpere baa telaa, Korowii εε geloo o bere ba. Korowiirii che kpɛera. O gboo ε komɛlbwa nyu. Koranar bwa Kooro on, ase dɔranar bwa ge Dɔoree on.

<sup>16</sup>O gboo dɔ mkpa waa wola sewe bwa, de so bela aa chaahna kohona nomelbwa aa wola won tel o jweh. Nomelbwa ta on nae ka, ase nomelbwa ge aa won nao bwa. Onee che duure ne kpegri dɔe bwa san belbwa dee la. Aamen.

<sup>17</sup>Bol waa nɔ nera baa ε dɔɔhna hare nɔ ta la be ηɔ ba be gel ba nyu bini do ba som kohona, de be hwega kpɔ do a ge kondɔɔh aa won tona de won hee la ta. Ke bá kpɔ ba hwega do Korowii waa ta tea dee te yaa komelbwa áse ya won kpɔ dee le ya sie la ne.

<sup>18</sup>Dɔ ba be báa ε wedeega áse wedeega bere ba kondɔɔh, ba won ba tea tae dee ke nera bwa.

<sup>19</sup>De ba de ε ge naa, an dee ba kerekere kondɔɔh aa wola chɔg bwa nyina cheg ba nyundua. A taa baa ba wona dɔ mkpa tenten la.

<sup>20</sup>Hei, Timoti! Lawe waa la bwa Korowii aa kpɔa do he nɔn ta la bini keredɛ. Laa he te kpɔ wesale nera aa de bol a ne Korowii Waa aa wola kaa, ne genewaa bane aa wola jeme dee yera wejema de kpɔ dee tɔŋle kasintɛn waa la ta,

<sup>21</sup>dekalkɛ ge waa nɔ taa bane teje de nyogre Korowii kasintɛn ηwene la. N Naa Korowii cha he bwa.

## 2 Timoti

### 2 Timoti 1

- <sup>1</sup>Men Pɔɔl maa ε Yeesu Kristo torome la, men chwerε tɔn nɔ. A too Korowii tea o lee mε ηɔ́ n̄ ka bol mkpa waa baɣε nyoa ηɔ́ yá che Yeesu Kristo nεε dɔ la wa.
- <sup>2</sup>N bidεεge Timoti, n dε nae. N̄ Naa Korowii ne ya Dɔɔ Yeesu Kristo chae, dε na he sum, dε tεε bosɔɔhna.
- <sup>3</sup>N dε jam Korowii maa dε tomɔ tepon̄ ne gε tenten n naawa faa dε tomɔ la he wa. N Korowii soɲa ta bwaa mεε jaamo he waa chɔɔ ne jwaana.
- <sup>4</sup>N lii wii awola haa wia la aa, gεε n sie che chij̄ mεε nyin n ba nae áse n sie le keredε.
- <sup>5</sup>N dε lii gε haa kpɔ kasintε̄ dεε yarada Korowii gε he naa Lowis ne he nya Yunis faa dε yaradao la. N jemɔ ke gε ba faa yarada Korowii dε kpɔ ba te tεo la, ba luge taa he den teɲε la.
- <sup>6</sup>A waa gela mεε liiri keηɔ́ hé ir nyu ne dε kpɔ Korowii kpegri awola maa kpɔ non dawε he nεε dε swee tεε o kpɔ tεε la ε toma,
- <sup>7</sup>dεkalke Korowii Doma waa kpɔa te yaa la ta gele ya ε ɔmeera. O gelo ya dɔ kpegri, dε dɔ dɔɲa nyina, dε won ya te lawa.
- <sup>8</sup>Bε gel a εε sihih ke haa dε bol ya Dɔɔ Yeesu Kristo waa dεε bagle nera. Bε gel n ge waa dɔε sihih ke baa koh Yeesu Kristo waa dε do mε dea la. Kε hé ge che Korowii kpegri waa kpɔa tεε la ta dεε na waa Amanesoma la wa.
- <sup>9</sup>Onee le yaa, dε le yaa ηɔ́ yá ba ε o nera. Ya tondεεga εε waa laa o le yaa, ke o liire waa dɔa te yaa, ne gε waa na ya sum dε cha yaa waa o le yaa. Yeesu Kristo nεε o che dε na ya sum, dε cha yaa dε le yaa mɔɔ dε ta komelbwa.
- <sup>10</sup>Kε tarakenii ya ta che ya Lεε Yeesu Kristo bala waa ba hare bonɔ la ta dε jemε gε waa nɔ. O gelo seo ta kpegri dɔε kpa, dε bere che Amanesoma la ta bagle yaa gε yaa dε ba o mkpa aa wola jaga dɔε bwa dɔε.
- <sup>11</sup>Amanesoma nɔ waa Korowii lee mε ηɔ́ n̄ ba bol, dε gel n ε o torome ge dεε bagle nera o wa.
- <sup>12</sup>A waa mεε na waa maa dε na nɔ la. Sihiih ge aa men kpo, dekalke n jemε naate maa yaradao dε kpɔ n te tεo, ase dε jemε kenahɔ́ wεε wonoo kpoɲε n ne toma waa kpɔa do n non ta la sɔnɔnɔɔ ken dε ka tel o bala tɔpere.
- <sup>13</sup>Lawε kasintε̄ waa maa chagle la bini kin̄kin̄, dε teɲε a ta, dε so Korowii yarada ne nennyin yaa dɔa le pεε ya ne Yeesu Kristo aa pεa ta la ta.
- <sup>14</sup>Kpɔ Korowii Domadεεge la waa lɔ ya nεε la kpegri lawe wedεεga Korowii aa kpɔa tεε la bini kpoɲε keredε.
- <sup>15</sup>He jemɔ ke nera baa lɔ Eesia hare ta bwa chwa mε, hale Fejelas ne Hemojenes gba jao.

<sup>16</sup>N Naa Korowiiri de na Oniseforos ne o dem tena sum, dekalke de on dee cha me. De sihih aa on kpo ke baa do me dea la.

<sup>17</sup>Waa dena tel Room laanee o gaage n bor aaa de ka tel ke waa na me.

<sup>18</sup>Ya Doo laanee de na o sum o bala topere la ta. Henee jeme koeh damanta waa koh n nee Efesos.

## 2 Timoti 2

<sup>1</sup>N bie Timoti, che kinjin kpegri ya Doo Yeesu Kristo aa chae he do le pee he ne waa pea la ta.

<sup>2</sup>Waa la nera aa chema ware ase n bol he be la, bola bagle nera ba wa aa do kasintej de jeme ke ba gee wonoo kpo bol bagle nera bane ge la.

<sup>3</sup>De wekpega pui toma no ta naa, gel he bwara nyeg ke Yeesu Kristo sooja gbagba.

<sup>4</sup>Sooja belbwa de nyin ke o toma su o nomoa siwi. Anomanta waa o te kpoee dee koo nempene waa ta.

<sup>5</sup>Chwachwaa waa de chwa de le komel la ge, de o ta chwa mmara la ta tejaa, waa won chwa do komelbwa.

<sup>6</sup>Paa waa de swee siwi o koo toma ta laanee che ke o di koo la kondikonlogla.

<sup>7</sup>Gel waa maa bola no do he liire bini. Korowii ee geloo he jeme a bwa mun kerede.

<sup>8</sup>Lii Yeesu Kristo waa kenjo o iro seo ta. Koro Devid Naa on. Ge waa noo mee bol Amanesoma maa de bagle nera la ta,

<sup>9</sup>de koh a waa dee na wa, hale nera koh a waa de do me kwaa de do me dea ke wechog-ee. Ke Korowii waa te, nen aa won doa kwa.

<sup>10</sup>Anomanta n koh nera Korowii aa lee ba la waa de lawe bambile wobelbwa ta, ase Yeesu Kristo le ba ge, de bere tee ba jirima aa wola jaga doe bwa.

<sup>11</sup>Ge ba yon no e kasintej. Ba no, "De ya ne onee sewaa, ya ne wee beroo ir de do mkpa.

<sup>12</sup>De ya lawe bambile wobelbwa ta naa, ya ne wee di koraa. De ya no ya ne o laa aa, o gee noo o ne ya laa.

<sup>13</sup>De ya ta kasintej tena ee yaa, o te ta e kasintej te, waa won begre o te."

<sup>14</sup>Dee lii nera ge waa no, de kah ba sibegra ne Korowii sie no ba be waa dee togle. Wetogla ta tono belbwa doe. Nera liiree aa chog.

<sup>15</sup>Takapo kpo he te te Korowii ase he waa su o siwi ke nen waa de e o Korowii toma kerede sihih aa wola hen kpo, de lawe kasintej waa la bini kpoje kerede.

<sup>16</sup>Laa he te kpo nera baa de bol wobosale a ne Korowii waa aa wola kaa la ne, dekalke ge waa no gelo nera ee le Korowii haboo de kaa e ano la aa wola chee.



- <sup>17</sup>Ba webagla de yee dee chog nera, ge nwerchoge yon ye de chog nen bwadabii la. Haemeneas ne Faeletos ja ge nera baa de e ge waa no ne.
- <sup>18</sup>Banee nyogre kasintej waa la nwenε, de kaa bagle nera no seo ta ira topere la garo, dee chog nera baa yarada Amanesoma la bane liire waa baa yaradaa la ta.
- <sup>19</sup>Ke a e wobelbwa Korowii Dea waa pa o mun la chego kinjin ken. Ba chwere o ta no, "Korowii jeme nera baa e o kwa," de bere chwere no, "Nomelbwa waa noa o ja Yeesu Kristo nera nee la che kejo o laa o te kpo wechoga ta."
- <sup>20</sup>Dem waa kana la, konsiwi benkponj gbo laa lo o ta. Suugaswem ne suugaponj kwaa lo o ta. Ane lole, daa nee ba seah, de kpo choh ma ane ge. Ane lole, wejena ta gboo baa le a ne, ase ane ge ba kpoa dee e wesale belbwa.
- <sup>21</sup>Anomanta de nomelbwa laa o te kpo wedoja ne wechoga bwa ta naa, naate la do kejo kwaa baa de le a ne wejena gbo ta la. O do kaih de do le te o Doo, de do tonο teo, de che le ke o kpo e tondeega te bwa.
- <sup>22</sup>Laa he te kpo wedoja bonona aa de pele a ta la ta, ase he ne nera baa de soje Korowii tepoj ne la siwi swee wedeega ee aa de su Korowii siwi, Korowii yaradae, nennyin, ne waa aa de ba deynesohna ne la ta.
- <sup>23</sup>Be he te kpo dee jo genewaa ne wesale tonla ta. He gbabir jemo ke nagra nee aa ba.
- <sup>24</sup>Nen waa e ya Doo bono ta che kejo o ne nen nagre. A che ke o pwer o te te nomelbwa, de won nera kwaa bagla kerede, de nen jo o ne aa, o won lawe bambile,
- <sup>25</sup>dee bagle nera o ne ba liire aa wola benkponj ee la waa taa ne. Bel lole naa, Korowii ee na ge nera la sumii, de gel ba chare ba liire, ase ba won jeme kasintej waa la,
- <sup>26</sup>ase ba sie ba hare ba chwa le Bonsam bel waa lag ba de gel baa e o waa waa de nyin la ta, ase de do ba te.

## 2 Timoti 3

- <sup>1</sup>Jeme kejo topera aa ba ka mun ba la, aa do kpegrii te nera,
- <sup>2</sup>dekalke nera ee dee nyin ba gbagbaa gwaa komelbwa, dee nyin suuga sibegra ne, dee e mbarafo, dee e jenu, de bol waa dee yage nera, de e dejekpeg tena baa wola ba eehnanar waa no, de e boniaye tena, de e ba te nendoga.
- <sup>3</sup>Ba chal aa daja nee doe ba, baa wechogaa kpo dee ke daja. Baa dee hanje daja nyooree, baa hanraa do ba pela kwaa ta, baa dee e gaeeh, baa hah wedeegaa.
- <sup>4</sup>Baa e bwepagre neraa, ba sie ee do worabee, dee manjkura ba te. Baa kpo silee kwaa gwaa Korowii.
- <sup>5</sup>Baa dee e ba we-εelaa ke nera baa de tome Korowii ken, ke dee veh kpegri waa lo Korowii toma ta la te. Laa he te kpo ge nera no bini.
- <sup>6</sup>Ge nera no bini banee yon kpo nwenere ane ta de soh jo deremi ta, ase dee do haahna ba wechoga aa gwaa ba nee ba sie ee yal ba ba pelchoga ta la, ba yon dee teje ba ne.

<sup>7</sup>A ge haahna la de hweli waa tɔpere te belbwa, ke kasintɛn waa aa lo waa la bini la te, baa won an jeme bwa.

<sup>8</sup>Ge Janes ne Jambes aa vuugi Mosis la, gee a ge nera no gee vuugi kasintɛn waa la. Ba liire aa were. Baa veh kasintɛn waa la yaradae nomanta, Korowii veeh ba.

<sup>9</sup>Ba we-eela aa won tel sie bobelbwa, dekalkeɲo ge a sanj la tena aa na Janes ne Jambes gena la, gee nera ee na ba ge gena ge.

<sup>10</sup>He Timoti te, he jeme waa maa de bagle la bwa, de jeme n da, ne kon la waa maa de koh, ne ge maa de yarada Yeesu Kristo, ne ge maa won bambile lawa, ne ge maa de nyin nen, ne gbemba maa doa.

<sup>11</sup>Fiiga baa fig me ne n wenaale maa naa Anteok, Icooniam ne Lestra, n lawe bambile a bwa ta la, he jeme a bwa. Ke ya Doo la cha me de lee me a ge waa la bwa ta.

<sup>12</sup>Kasintɛn, nomelbwa waa de nyin ke o ne Yeesu Kristo pe o soga bini o waa su Korowii siwi la, baa eo hohorowaa.

<sup>13</sup>Nenchoga ne nera baa negre nera dee do wechoga ta la gee kao sage wechoga ee ta dee la, dee negre nera, ase nera ee negre ba ge.

<sup>14</sup>Ke he te, dee teje kasintɛn webagla haa hwela de jeme ke a e kasintɛn la ta. Be gel bwa. He jeme nera baa bagle ge waa la, dee yarada ba ge.

<sup>15</sup>He bechale sanj bwaa he le jeme Korowii Ton bini waa aa de ba wona gel he do wejema, de che yarada haa de yarada Yeesu Kristo la ta Korowii lee.

<sup>16</sup>Korowii Ton bini waa bwa, Korowiirii kpaa do nera liire ta ba chwera, ase a wer ke ba kpaa dee bagle nera wa, de kpaa dee ja nera ba wechoga ta, de kpaa dee togre nera, de kpaa dee chagle nera waa aa de su Korowii siwi.

<sup>17</sup>Anee de won cha Korowii nen o won e wedeega bwa ka tone.

## 2 Timoti 4

<sup>1</sup>N chege N Naa Korowii ne Yeesu Kristo waa de ba ba bol weera ne lala waa de pa bole la sie, de koh kora waa de ba ba di la waa dee no he be sibegra ne no,

<sup>2</sup>he bol Amanesoma la bagle nera. A som oo, aa somoo, kpoo he te ke sanj te belbwa hee bolaa. Egle sie ta ba ne, de gel ba jeme wechoga baa de e, ase dee ja ba. Lawe bambile dee chag ba.

<sup>3</sup>Tɔpere bel ee bao ase nera aa kasintɛn waa la baglaa no, dekalke baa an nyin. Baa dee nyin waa aa de do ba somee de no, de ka nyin nera pirim ba baa chag ba waa ba pela aa lo a ta la,

<sup>4</sup>de laa ba denne kpoo kasintɛn waa la ta, de kaa no nyosonwa.

<sup>5</sup>Ke he te, dee lawe he te wobelbwa ta. Wekpega pui naa, lawe bambile. Dee lo Amanesoma la dawuro, ase dee e he toma bwa ke Korowii bonoo.

- <sup>6</sup>N te, n seo tɔpere telo, n do ke sen baa dɔa dɛɛ ta dɛ ɛ saraha tɛ Korowii.
- <sup>7</sup>N yo yodɛɛge la dɛ tone, dɛ chwa chwae la ge tone. Amanesoma maa dɛ yaradaa la ta ge, n ta habɔɔ leɛ.
- <sup>8</sup>Kon waa ka mɛ taraken laanee kompon Korowii ɛɛ ba nendɛɛga baa yoa le ba waa su o siwi la vɔwa. N Dɔɔ waa kpɔ kasintɛj bol waa dɛɛ pa bole laanee dɛɛ ba n tɛɛ awola waa ba bol nera bwa waa dɛ pa bole la. N gbo laa dɛɛ ba gɛ kembɔr la dɔɛ. Nɛra baa dɛ pɛlɛ o nɛɛ dɛɛ nyiɲu ɲwɛnɛ la bwa ɛɛ dɔɔ.
- <sup>9</sup>Takapɔ ba n be warane,
- <sup>10</sup>dɛkalke Demas koh hare nɔ ta sileɛ waa dɛ chwa mɛ. O chwao kaa Tesalonika. Kresens kaa Galaasia hare ta, asɛ Taetos ge kaa Dalmatia hare ta.
- <sup>11</sup>Luk gboo lɔ n be bonɔ. He dɛ ba naa, kpɔ Maak ja he nɛɛ he ne o ba, dɛkalke o ɛ nen bel waa won n chae n toma nɔ ta ga.
- <sup>12</sup>N tomɛ Tichikos Efesos.
- <sup>13</sup>Dɛ he dɛ ba naa, kpɔ Kaapus be Troas dɛ lɛ n batakaare dɛɛ baa mɛ. Lɛ n tone la ge ja dɛɛ baa mɛ. Anɔ la baa kpɔ ol tɔn ɛa la waa dena hiah mɛ kɛɛdɛ.
- <sup>14</sup>Logre bel baa dɛ yerɔ Aleksanda la ɛɛ mɛ wechɔga taeh. Korowii ɛɛ bɔɔ o waa waa ɛa la kemee.
- <sup>15</sup>Hɛ ge nyiɲi he te kɛɛdɛ, dɛɛ ke he te o nɛ, dɛkalke o ta yaa sie tɛɛ ya webagla ta kwaraa.
- <sup>16</sup>Baa yer mɛ cheme ɲɔ n ba tɔh n nyoa logla la, n ta nomɛlbwa dɔɛ ɔ ba che n habɔɔ. Nɛra bwa chwa mɛ. Korowii bɛ gel a ɛ wechɔga gure ba nɛ.
- <sup>17</sup>Kɛ ya Dɔɔ la chege n habɔɔ dɛ tɛ mɛ kpegri n won bol Amanesoma la bwa, asɛ nera baa wola Juda tena ɛɛ la bwa no. Korowii leɛ mɛ le siswɛm ta kɛɲɔ nen baa lɛo le nyujente nyoa ta ken.
- <sup>18</sup>Ya Dɔɔ la ɛɛ lee mɛ wobɛlbwa taa, dɛ kpɔ mɛ sɔnɔnɔɔ ken kaa o nyundua koobwɛɛ la ta. Onɛɛ chɛ kɛ ya tɛo jirima tɔpere belbwa aa wola jaga dɔɛ. Aamen.
- <sup>19</sup>N dɛ na Presela ne Akwela ne nera baa lɔ Oniseforɔs dem bwa.
- <sup>20</sup>Erastos ta lɔ Kɔrent. Trɔfemos bwara dɛ weo nomanta, n gelo Maeletus.
- <sup>21</sup>Takapɔ dɛ ba mɔɔ alalawo saɲ tel. Yubilɔs ne Pudens ne Laenos ne Klɔdea ne he bala asɔre tena baa kaa la bwa dɛ nae.
- <sup>22</sup>Yá Dɔɔ ja he nɛ. N Naa Korowii cha he bwa sekwaraa.

## Taetos

### Taetos 1

<sup>1</sup>Men Pɔɔl maa ε Korowii bonɔɔ de bere ε Yeesu Kristo torome la, men chwere tɔn nɔ. Korowiirii lee mε de ηɔ mée cha nera waa lee ba tε o te la, áse ba yarada kaa sie ba won jeme o kasintɛη la, de che a ta tomε Korowii.

<sup>2</sup>Korowii mkpa aa wola jaga dɔe la hwegaa n dɔ. Korowii waa wola nyosone teηe laanee bage ge mkpa nɔ nyoa bil mɔɔ de ta komelbwa.

<sup>3</sup>Tɔpere o tea aa toora la, o gelɔ mεε bol a waa nera jeme. Ya Lεε Korowiirii kpɔa do n nɔn ta de ηɔ mée bagle nera.

<sup>4</sup>N bie Taetos, henee n chwere tɔn nɔ dεε tε. Waa ya bwa aa de yarada la taa a che he ε n bie tenten. N Naa Korowii ne ya Lεε Yeesu Kristo chae de tεε bosɔɔhna.

<sup>5</sup>N gele Kret áse he tone waa aa hiah ke he ε la bwa, de cheg nomonome asɔrere aa lo bwεere la belbwa ta ge maa bagle la.

<sup>6</sup>He de nyin he le asɔre nomoa aa, kpɔ onɔ la nomelbwa aa wola o wechɔge belbwa dɔe dεε bol, o dɔ hahbenkproηa, o bii gee yarada Yeesu, nera aa wola ba waa bol ηɔ ba chɔgɔ de ε deηnekpeg tena,

<sup>7</sup>dekalkɛηɔ, a che ke nen waa de tɔ asɔre tena sie la ε nendεεge nomelbwa aa wola o wechɔgee dɔ bol bwa, waa ε Korowii bonɔɔ nomanta. A che ke o ε nen waa wola o te bagle, de le nen kon dεε ja o kon ta, o baah naa wola di warawara, waa wola sennyɔdεε εε, waa wola nagra nyin, o siwi aa wola suuga ta begre kohona.

<sup>8</sup>A che ke o ε nen waa de nyin hɔɔhra lee, dεε nyin wedεega, de dɔ nferε kerεde, o waa do kaih, wedoηa belbwa aa wola toole o ne, wεε lawε o te kerεde.

<sup>9</sup>A che keηɔ wεε teηe Korowii kasintɛη waa la ta ge ba faa baglo la, de won dεε bagle Korowii waa a ηwene ta nera be, ase de won dεε ja ba, de bol waa dεε bagle banɔ la baa de tɔηle kasintɛη waa la áse ba ge jeme.

<sup>10</sup>Deηnekpeg tena lole taraken taeh, de kpɔ wepuu dεε negre nera. Juda tena baa lo he bini dεε mankura pentɛη laanee dena dεε ε ge kohona.

<sup>11</sup>A che ke he kah ba ba tɔ nyoa. Ba de chɔg dembir nera liire ba yon veh kasintɛη waa la ta teηa. Ba koh suuga waa dεε chagle waa aa wola cheε.

<sup>12</sup>Kret tena la bel baa de liiru keηɔ o jeme wobol kerεde fa bolɔ ηɔ, "Ya Kret tena bwa ε nyosonteηna, ya we-εela do keηɔ kpɔg bini ola ken. Ya ε bohwaahra dεε di kwaa kohona."

<sup>13</sup>Kpelaa o bol, anomanta di ba kasintɛηkpeg ba jeme, ase de gel ge da la, de baa teηe Korowii waa aa ε kasintɛη la ta.

<sup>14</sup>Dɔ ba be deηne cheg dεε no Juda tena waa aa ε nyosone la, ne waa nera baa veh kasintɛη waa la aa ηɔa báa ε la.

<sup>15</sup>He tea too waa, komelbwa wer tɛɛ, haa an kondonja lii. Kɛ nɛra wechɔga aa lo ba nɛɛ baa wola yarada la, komelbwa ɛ kondonj tɛɛ ba. Ba liire ne ba bambile bwa donjo.

<sup>16</sup>Ba nɔ ba jeme Korowii, kɛ ba we-ɛɛla dɛ bagle kenɔ baa Korowii jeme. Ba we-ɛɛla donjo Korowii be kohona, ba deɲne ge kpegri. Baa won ɛ wedɛɛge belbwa bwa.

## Taetos 2

<sup>1</sup>He te, a chɛ kɛ hɛɛ bagle Korowii waa aa ɛ kasintenɲ a nɲwɛnɛ ta kɛɛdɛ.

<sup>2</sup>Dɔ banjeni be baa lawɛ ba te, dɛɛ ɛ waa aa dɔ duure, dɛ dɔ nferɛ, dɛɛ tenɛ Korowii waa aa ɛ kasintenɲ kɛɛdɛ, dɛɛ nyin nɛn, dɛ dɔ bambile ge.

<sup>3</sup>Dɔ hanjeni ge be baa ɔmɛ Korowii dɛ gel ba we-ɛɛla do kaih, dɛ be nɛra dɛɛ nɲwalɛ, dɛ be gel sen lɛ ba liire. Baa bagle waa aa wera.

<sup>4</sup>Dɛ ba dɛ ɛ gɛ naa, anɛɛ dɛ bagle han-yala baa nyin ba jaranar ne ba bii,

<sup>5</sup>dɛ dɔ nferɛ kɛɛdɛ, wedonja belbwa aa wola toole ba nɛ, dɛ won ba dem tomare ɛɛ, dɛɛ ɛ nɛra wedɛɛga, dɛɛ no ba jaranar wa, ase nomelbwa be Korowii waa la wechɔge dɔ bol.

<sup>6</sup>Dɔ bonɔɔna ge be nɔ baa dɔ nferɛ wobɛlbwa ta.

<sup>7</sup>Heneɛ chɛ kɛ he gel he we-ɛɛla do wer wobɛlbwa ta áse ba nyinɲi dɛɛ hweli. Dɛɛ bagle waa kasintenɲ ne, dɛɛ swɛɛ siwi a ta.

<sup>8</sup>Gel a togre kɛɛdɛ, nɛra be a wobɛlbwa dɔ dɛ bol, ase he dɔma be ya wechɔge belbwa dɔ dɛ bol, ase sihih kpo ba.

<sup>9</sup>Gel nɛra baa lo bane nɔn ta kenɔ bonɔɔna kɛɛ toli la no kenɔ baa no ba dɔranar wa. Baa gel ba wa ɛ lɛ ba sie wobɛlbwa ta, dɛ be waa begre dɛɛ do ba nyoa,

<sup>10</sup>dɛ be ba kwaa dɛɛ nɲwɛ. Kɛ baa gel ba we-ɛɛla dɔ yarada ba dɔranar be. Gɛɛ dɛɛ ba gela ya Lɛɛ Korowii waa no yaa dɛ bagle no che ba nɛɛ dɛ dɔ sɔn wobɛlbwa ta.

<sup>11</sup>Suna Korowii aa dɛ sune nɛra nɛɛ leɔ taraken áse nɛra bwa jeme, ó lɛɛ ba.

<sup>12</sup>Anomanta ge dɛ bagle kenɔ a wer ke ya laa sie kpo wechɔga belbwa ne hare no ta pelchɔga la bwa ta, dɛ dɔ nferɛ, dɛɛ ɛ waa aa togra, dɛɛ ɔmɛ Korowii ya bere no ta,

<sup>13</sup>dɛɛ kpa ge san Yeesu Kristo aa ba o jirima ne ya nao la. Onɛɛ Korowiijen ne ya Lɛɛ la. O bala taa ya dɔ hwɛga ne silɛɛ kɛɛdɛ.

<sup>14</sup>O koh ya waa dɛ sewɛ dɛ won lɛ yaa le wechɔga belbwa ta, dɛ laa ya donja bwa kpo ya nɛ, dɛ kpo yaa ɛ o gbo nɛra yaa swɛɛ siwi wedɛɛga ɛɛ ta.

<sup>15</sup>Bag ba gɛ waa no bwa, dɛ kpo he kpegri do ba gbemba, dɛ ja ba, dɛ be gel ba belbwa nyinɲi he nyubaah.

## Taetos 3

- <sup>1</sup>Lii ba ɲɔ báa pwer ba te dɛɛ tɛ nomonome baa dɛ di kpegri te belbwa, dɛɛ no ba denɲa wa, dɛ kpɔ ba te ke baa dɛɛ ɛ waa aa wera bwaa.
- <sup>2</sup>Ɔɔ ba be ba be nera bwara wechɔge dɛɛ bol, ba be dɛɛ nagre, báa pwer ba te, dɛɛ tɛ nomelbwa duure.
- <sup>3</sup>Maa dɛ ɲɔ naa, ya gbabir fa genɔ. Ya fa ɛ dennekpeg tena. Ba fa negre yaa, pelchɔga ne bodia kpɔ yaa bere yoma. Meesɔh ne bɔweela bwa nee ya faa so. Nera fa hah yaa, ya ge hah dɔɲa.
- <sup>4</sup>Ke ya Lɛɛ Korowii aa le chae waa cha yaa la ne o nyina waa dɛ nyin nen ne ase ya jeme a waa la,
- <sup>5</sup>o le yaa ta. Ya wedɛɛga waa laa o le yaa ta. Sunaa o sune ya nee dɛ le yaa ta, dɛ so yaa nee ya won do ke baa bera kwaa lole yaa. O Domadɛɛge waa kpɔa tɛ yaa o kwaa yaa la nee ya che dɛ dɔ mkpafale.
- <sup>6</sup>O Domadɛɛge waa kpɔa tɛ yaa la, ya Lɛɛ Yeesu Kristo waa o koh tɛ yaa kohona.
- <sup>7</sup>Korowii aa sune ya nee dɛ cha yaa dɛ gel ya ɛ nendɛɛga ya waa su o siwi la, ya dɔ hwɛga ke o mkpa aa wola jaga dɔe bwa la ɛɛ ɛ ya konee.
- <sup>8</sup>Waa nɔ bwa ɛ kpela. Anomanta dɛɛ bere a bagla ɔma áse nera baa no Korowii waa dɛ yarada la swɛɛ siwi dɛɛ ɛ wedɛɛga. Gɛɛ wera dɛ dɔ tɔnɔ tɛ nomelbwa.
- <sup>9</sup>Ke laa he te kpɔ gene wetɔɲla ne ge he naanar aa teɲe dɔɲa nee waa bini bagla ta, ne nagrenyin, ne Mmara ɲwenere waa tɔɲla ta. A ta tɔnɔ belbwa dɔe. A ɛ wepuu.
- <sup>10</sup>Nen waa dɛ ba nera baah pegra ne la, bol waa baglo ó gel. Dɛ o ta teɲɔ dɛɛ ɛ aa, bol waa baglo ja. Dɛ o ta he neetena waa la noɛ yaa, he ne o be wobelbwa ta pɛ.
- <sup>11</sup>Jeme keɲɔ nen waa do ge la veh kasintenɲ waa la. O gbabir jemɔ keɲɔ o dɛ ɛ wechɔga gba, ke dɛ ge taa ɛ.
- <sup>12</sup>Dɛ n tome Aatemes keɛ Tichikos he be naa, takapɔ dɛ ba n be Nikopolis warane. N ɛ n liire ke ń ka so bela alalawo saɲ.
- <sup>13</sup>Takapɔ dɛ cha Senos waa ɛ mmara jereme la ne Apolos bá won la ba ɲwene la. Be gel komelbwa baa kpɔ la ɲwene la waa hiah ba.
- <sup>14</sup>Gel yabala bwa hweli wedɛɛga ɛɛ, dɛɛ cha nera aa hiah ba, dɛ be nera baa wola tɔnɔ dɔe ɛ.
- <sup>15</sup>Nera n ne baa lɔ bonɔ la bwa dɛ nae. N dɛ na nera baa dɛ nyin yaa ya ne baa yarada Yeesu la. Kórowii cha he bwa.

## Faelemn

### Faelemn 1

- <sup>1</sup>Men Pɔɔl baa koh Yeesu Kristo waa de do me dea la, ne ya dɔŋ Timotii chwere ton no deɛ te ya dandɛɛge Faelemn waa bera e ya dɔŋ tom-ɛɛ ge la,
- <sup>2</sup>ne ya nimambie Apia, ne ya dɔŋ Akipus ya ne waa chega de yo deɛ te Korowii o toma no ta la, ne asɔre tena baa de cheme he dem la bwa.
- <sup>3</sup>N Naa Korowii ne ya Doo Yeesu Kristo cha heya, de te heyaa bosɔhna.
- <sup>4</sup>N Korowii soŋa bini te belbwa, n de yere he Faelemn son de kpɔ jam deɛ te Korowii,
- <sup>5</sup>dekalkɛŋɔ n no he nyina haa de nyin Korowii nera bwa ne ge haa de yarada ya Doo Yeesu la wa.
- <sup>6</sup>Waa maa de soŋe Korowii laanee kɛŋɔ nyopɛo la he ne o nera aa doa hɛɛ yaradao la chae kɛɛde, ase he won jeme wedɛɛga te belbwa Korowii aa de nyin o cha yaa ya won do, pɛɛ ya ne Yeesu Kristo aa pea la nomanta.
- <sup>7</sup>N dam, he nyina haa de nyin Korowii nera la de do me gbemba de gel n sie eɛ le taeh, dekalkɛŋɔ he de nyin ba deɛ do ba gbemba.
- <sup>8</sup>He nennyin nomanta, n de nyin ke n soŋe waane. N fe do nywene Yeesu Kristo be pera kɛŋɔ n di kpegri he neɛ de nyɔ he e ge aa wera kɛŋɔ he e, ke maa ge e.
- <sup>9</sup>Nyina haa de nyin nera la taa n che deɛ soŋe, nyinji ge men Pɔɔl aa e banjena, ne dea baa koh Yeesu Kristo waa de do me no ta de no n waa no.
- <sup>10</sup>He nendɔle Onisemɔs waa e n bie Yeesu Kristo be pera la naa taa n che deɛ soŋe waa no. Ge saŋ baa do me dea la taa n bol Yeesu waa baglo o kpɔ o te teo.
- <sup>11</sup>Wubwa la de o ta tonɔ doe tee, ke taraken te o do tonɔ te ya bwa.
- <sup>12</sup>N gelɔ weɛ ba he be kɛŋɔ n gbagba bie maa de nyinu n bambile bwa ne la.
- <sup>13</sup>N fe de nyin ke o do n be bonɔ de che he naa ta deɛ cha me n dea doe no baa koh Amanesoma la waa de do me no ta.
- <sup>14</sup>Ke maa nyin n e wobelbwa de le he haboo de n ta he be nyɔe, ase a ba e kɛŋɔ n de di kpegri he ne. N de nyin kɛŋɔ wedɛɛge haa e la le he gbabir bambile bini.
- <sup>15</sup>Bel lole naa, Korowiirii nyɔa o ken le he non ta tama moo de bere ba he ne o so ka tone.
- <sup>16</sup>O ta he nendɔle gbo eɛ kpa. O e he nimedɛɛge ya Doo Yeesu be pera. Ge n kwara aa de nyin o waa no, n jemo ke he te e nyin o waa gwaa ge, dekalkɛŋɔ o e he nendɔle ne he nime tenten ya Doo Yeesu be pera.
- <sup>17</sup>De he jemo kɛŋɔ n ne he bwa e benkpɔŋ aa, leo kɛŋɔ haa de ba n lee ken.



<sup>18</sup>De o fa ɛ wechɔga ane, kee de he kem belee o dio, kpɔ pɛɛ me.

<sup>19</sup>N Pɔɔl gbagbaa chwere ge waa no bono keɔ meɛ boe kemee la. Ke jeme ke he gba di n kem Korowii mkpa la haa chege n nee de do la ta.

<sup>20</sup>Anomanta n dam, gel n ge do tonɔ de le nyopeo n ne haa chege Yeesu Kristo nee de do la ta ase n baah sooh me.

<sup>21</sup>N jemo keɔ hee no n waa noɔ de e gwaa ge kwara. A waa n chwere ton no la.

<sup>22</sup>Ano la ge aa jaa laanee keɔ nyin dea dee cheg me. N do hwega keɔ Korowii ee no he wesoɔa haa de soɔo dee te me laanee ase de bere kpɔ me ba te heyaa ja.

<sup>23</sup>Epafraas baa koh Yeesu Kristo waa de do n ne on dea la de nae.

<sup>24</sup>Gee Maak ne Aristakus ne Demas ne Luk baa e n bala tom-ɛera la gee nae.

<sup>25</sup>Ya Doɔ Yeesu Kristo cha heyaa. Amen.

## Hibru

### Hibru 1

<sup>1</sup>A saŋ la de Korowii chege o keamere nee dee bol waa ya naanar be. Kera aŋwene bwaa o bol waa ba be. De nwenere waa chege a ta dee bol waa ba be fuuh.

<sup>2</sup>Fini topera no aa ka mun no te, o Bie nee o che dee bol waa ya be. Korowii Bie noo o kpo cheg keŋo o toole naa, onee lole de do komelbwa. O nee Korowii che de ta komelbwa.

<sup>3</sup>He na o jirima waa doa, de he na jirima Korowii aa doa. Ge Korowii aa doa o ge den do kati. O wobol do kpegri. A kpegrii lawe komelbwa kpoŋe. Korowii Bie la aa laa ya wechoga kpo ya nee tone la, o kaa so nomombor nyundua Korowijen dig ta,

<sup>4</sup>de gwaa nyundua toroma bwa, ge son Korowii aa teo la aa gwaa ba son la.

<sup>5</sup>Korowii ta o nyundua toroma la belbwa be nwe no, "N Biee hen. Fini n bere he Mee" bwa. O ta ba belbwa waa bole no, "Mee e o Mee, ase o e n Bie" bwa.

<sup>6</sup>Korowii aa de ba o Bie waa lo o be logla la hare ta toma la, o bol no, "A che ke nyundua toroma bwa ee tomo,"

<sup>7</sup>de bol nyundua toroma la ge waa no, "O gelo o nyundua toroma do keŋo peu ne ninlao."

<sup>8</sup>O bol o Bie la waa ja, de no, "Korowii, he kora ee cheo dee la saŋ belbwa. Kasintejii hee ba kpoŋa dee di kora he nera ne.

<sup>9</sup>He de nyin waa aa togra de ki waa aa wola togre. A waa Korowii haa de tomo la lee no he e koro, de tee bosohna ne sonjen de gwaa he bala bwa la."

<sup>10</sup>Korowii beru no, "Nomoa, wobelbwa mumpar la, hen ta hare. Kwaa aa lo nyundua ge no, he non tomaa a bwa.

<sup>11</sup>A bwa ee chogoo, aa wola lee do kpa, ke he te ee do lee dee la. A bwa ee ba e kombenaa keŋo yal yon heh la.

<sup>12</sup>Hee kpoa bil keŋo yal heoh waa, ba yon kperewo bil la. Aa begroo, aa wola won do wer ke konfala saŋ belbwa wee kpa. Ke he te ee do ge haa doa saŋ belbwa, ase he bene ge aa jagaa do bwa."

<sup>13</sup>Korowii nyundua torome besoo bee o no, "So nomombor n dig ta ase n ba he doma ne hare he tigi ba nee," bwa no?

<sup>14</sup>Korowii bonona laa o nyundua toroma la te naa? Nera Korowii aa ba le la waa o yon de tome o nyundua toroma la ase baa cha o nera la.

### Hibru 2

<sup>1</sup>Gee a do te naa, a che ke ya do sie de nyiji waa yaa noa la kerede, ase de be ba koni de nyogre nwenere.

- <sup>2</sup>Waa Korowii faa kpɔa tɛ o nyundua toroma ba bol la ɛo kɛ mmarakpeg bɛl. Nomɛlbwa waa wola a ta tɛŋɛ la, ba tɛr o dɛŋne gɛ aa chɛa.
- <sup>3</sup>A do gɛ naa, ya lɛɛ waa nɔ aa gwaa nyundua toroma waa la kohona nɔ, dɛ ya vɛah aa, ɛrɛɛ yaa ba ɛɛ dɛ lɛɔ? Ya Dɔɔ Yeesu gbagba fa tɔ sie bol ya lɛɛ waa nɔ, aɛɛ nɛra baa noa ge di danɛɛ ya be kɛ a ɛ kasintɛŋ.
- <sup>4</sup>Korowii gbagba chegɛ nyokpowaa ne wekpega ɛɛ ta, ne o Domadɛɛgɛ waa kpɔa bɔne nɛra gɛ waa dɛ nyin la ta dɛ di a danɛɛ.
- <sup>5</sup>Nɛra baa dɛ ba le doe yaa dɛ bol ba waa nɔ, o ta ban kpɔe do nyundua toroma lɔga.
- <sup>6</sup>Ba chwɛrɛ Korowii Tɔn bini bobɛl ŋɔ, "Korowii, nɛn gee bɔkwa aɛɛ hɛɛ lii o waa? Nɛwɛnyini gee bɔkwa hɛɛ dawɛ o waa?"
- <sup>7</sup>Tamaa kenii he gel nyundua toroma gwaalo. He gelɔ o dɔ jirima, aɛɛ komɛlbwa ɛɛ tɛo duure,
- <sup>8</sup>dɛ kpɔ komɛlbwa do o lɔga." Waa kpɔ komɛlbwa do nɛwɛnyini lɔga nɔ, a baglɔ kɛŋɔ komɛlbwa toole waa wola o kpegri dɔɛ. Kɛ ya ta nae kɛŋɔ kwaa bwa aa lɔ nɛwɛnyini lɔga mɔɔ.
- <sup>9</sup>Kɛ ya dɛ na Yeesu tɛ kɛŋɔ Korowii aa ba o ne hare aɛɛ nyundua toroma gwaalo tama, aɛɛ waa na wahala dɛ sewɛ la, o tɛo jirima dɛ gel komɛlbwa ɛɛ tɛo duure. Korowii alaworomɛɛ o sewɛ tɛ nɛwɛnyini bwa la.
- <sup>10</sup>Korowiirii ta komɛlbwa, aɛɛ a che o kpegri ta komɛlbwa ge do le. Waa gela Yeesu na wahala la, magraa a magre kerɛdɛ. Waa dɛ nyin o lɛ nendamanta dɛ gel ba ɛ o bii, dɛ do o be dɛ dɔ jirima la waa o gel Yeesu waa ɛ ba Sitɔɔ la gbagba kpɔ a gɛ ŋwɛnɛ la ta dɛ na wahala dɛ won ɛ ba Sitɔdɛɛgɛ kerɛdɛ ka tone dɛ lɛɛ ba la.
- <sup>11</sup>Yeesuu laa nɛwɛnyini doŋa dɛɛ kpɔ ba nɛɛ dɛ gel ba ɛ Korowii nɛra. O ne nɛra waa laa doŋa dɛɛ kpɔ ba nɛɛ la bwa Mɛɛ bɛŋkponɛ. A waa aa wola on sihih ɛ kɛŋɔ o yer ba o nimanar la.
- <sup>12</sup>O ŋɔ Korowii be ŋɔ, "Mɛɛ bol he waa haa ɛa n nimanar bee. Mɛɛ kpɛɛrɛɛ ba chɛma binii."
- <sup>13</sup>O toolo bɛrɛ ŋɔ, "Mɛɛ kpɔ n tɛnɛɛ tɛ Korowii dɛ yaradao," dɛ bɛrɛ ŋɔ, "N ne bechale Korowii aa tɛ mɛ laanɛ la."
- <sup>14</sup>Nɛra Yeesu aa dɛ yer ba bechale la, baa ɛ nɛwɛnyina dɛ dɔ bwadabii ne chal nomanta la, o gbabir baa bɛrɛ nɛwɛnyini dɛ do kɛ ban, dɛ dɔ bwadabii ne chal. O ɛ gɛ, áɛɛ dɛ won che o seo waa dɛ ba sewa ta dɛ chɔg naate seo aa tɛo kpegri nɛra nɛɛ la. Onɛɛ Bɔnsam.
- <sup>15</sup>Yeesu ɛ ken áɛɛ dɛ won lɛ nɛra baa koh seo ɔma waa dɛ ɛ yoma ba sogaa bini bwa la.
- <sup>16</sup>Ya jemɔ kɛŋɔ kasintɛŋ, nyundua toroma laa o cha nɔ, Abraham naanaree o cha.

<sup>17</sup>De a che ke o do ge Abraham naanar la aa doa njwene belbwa ta. Gee o e de won tome Korowii kejo ba Sofore Nomoa kasintej ne dee na ba sum, de won dee soje ba wechoga, de won dee kwaa ba ne Korowii baah.

<sup>18</sup>Bonsam daahno na de eo hohorowa o fe e wechoga, ke o ta on wone. Anomanta wee wonoo cha nera Bonsam aa de daah ba de na la.

### Hibru 3

<sup>1</sup>Anomanta n bala Korowii nera waa le ya ne he bwa te o te, he ta sie nyinji Yeesu na. Korowiirii tomoo jo o ba e ya waa yaa de yarada no Sofore Nomoa.

<sup>2</sup>O waa do kasintej Korowii waa kpoo jo o e o toma la be kejo Mosis faa de nyinji Korowii nera nee o waa do kasintej wobebwa ta la.

<sup>3</sup>Nen do dem aa, nera de kpere de gwaa dem la. Gee Yeesu ge do. A che ke ba kpere gwaa Mosis,

<sup>4</sup>dekake dem belbwa waa e dem la, de nenee doo. Korowii gee ta komelbwa.

<sup>5</sup>Mosis aa e Korowii bonoo dee nyinji Korowii nera waa bwa ta la, de o waa do kasintej taeh, kejo bonoo kasintej te wa aa do kasintej o doo be la. De o de bol waa Korowii aa ba bol kerekere la nera be.

<sup>6</sup>Ke Yeesu Kristo te kasintej waa doa la, Korowii Bie on, ase o e Korowii nera bwa nomoa. Ya yarada yaa doa Yeesu Kristo nee, ne hwega yaa doa ya sie le a ta la, ya lawe a bini kpoje kinjin naa, Yeesu Kristo neraa yan.

<sup>7</sup>Anomanta Korowii Domadeege boloo jo, "De he no Korowii waa fini naa,

<sup>8</sup>he be denekpeg e kejo he naanar faa e denekpeg de veh o waa noe de jo o nee la.

<sup>9</sup>He naanar bene fifraanaare baa dia kpog baah la, ba daah me na de na waa maa ea bwa.

<sup>10</sup>Anomanta n baah di ge nera la ne, ase n jo ba bambile ta n waa lawe bwa. Ba veh n waa ta teja.

<sup>11</sup>N baah naa dia la, n njweero jo, 'Baa ona maa tee ba jo ba ba one ge maa de one la doe ba bwa.' "

<sup>12</sup>Anomanta yabala, hee nyinji kerede ase he bini belbwa be liichoga ba do kejo waa Korowii waa lole saj belbwa de gbo e Korowii laanee yarada, de ba veh o waa ta teja.

<sup>13</sup>Anomanta hee ja donja toperere bwa moo toperere la o Domadeege aa bol o waa de jo "fini" la gare, ase wechoga be heyaa ba negre, he denje ba do kpegri.

<sup>14</sup>Ge ya yarada aa doa le mumpar la, de ya wono che ge kinjin ka tel wobebwa jaga aa, de ya ne Yeesu Kristo peo wobebwa ta.

<sup>15</sup>Korowii Ton boloo jo: "De he no Korowii waa fini naa, he be denekpeg e kejo he naanar faa e denekpeg de veh o waa noe de jo o nee la."

<sup>16</sup>De lepetenaa no Korowii waa de ε deŋnekpeg de veh o waa noe de jo o nεε nɔɔ? Nera Mosis aa tɔ ba sie de le Ijpt hare la bwaa ε deŋnekpeg la.

<sup>17</sup>Lepetena nεε Korowii baah di bene fifraanaare nɔɔ? Nera baa ε wechɔga de serewe kpɔg baah la, ba nεε o baah di.

<sup>18</sup>Korowii aa ηwεera ηɔ baa ona waa tεε ba ηɔ bá ba onε la dɔe ba la, de lepetena bee o ηɔ gε nɔɔ? Nera baa ε deŋnekpeg la bee o ηɔ gε.

<sup>19</sup>He ta nae keŋɔ ba yarada be dɔe waa Korowii aa wola ban ηwεnε tεε ba dɔ ona waa dɔa tεε ba la aa?

## Hibru 4

<sup>1</sup>Korowii nyoa waa bage nera ona waa ηɔa bá ba onε la ta lole. Anomanta hé gel ya nyiŋi kerede ase he belbwa be a ge nyobaga la ba paŋe.

<sup>2</sup>Gε yaa de no Korowii Amanesoma nɔ nɔ, gεε ba ge noa. Kε ba te aa noa la, a ta tɔnɔ lee tεε ba, dekalkeŋɔ ba ta an yaradae.

<sup>3</sup>Ya te nɔ, ya de yarada Korowii waa la, anomanta Korowii εε geloo ya onε ona waa de onε la bel. Ba chwεre Korowii Tɔn bini ηɔ: "N baah naa dia la, n ηwεero ηɔ baa ona maa tεε ba ηɔ bá ba onε gε maa de onε la dɔe ba bwa." A ta bagle keŋɔ ona toole kpa. Gε saŋ Korowii aa ta hare la, de o ε o wobelbwa tone de te onε.

<sup>4</sup>Korowii Tɔn bobel bol tɔpenuane wee la waa ηɔ, "Korowii aa tone o toma bwa la, o onɔ tɔpenuane wee la ta,"

<sup>5</sup>ase bela yaa de bol o waa nɔ baglo keŋɔ: "Baa ona maa tεε ba ηɔ bá ba onε gε maa de onε la dɔe ba bwa."

<sup>6</sup>A baglo keŋɔ nera bane ta lole dεε ba a gε ona la dɔe. Aa chege a saŋ la tena baa no Korowii Amanesoma nɔ deŋnekpeg ta ase ba paŋe Korowii ona la,

<sup>7</sup>Korowii berɔ kwaa do tɔpefale, de pa o sɔn "fini." A habɔɔ aa bigra la, Korowii chege Devid nεε de bol gε tɔpere nɔ wa. Anee n faa bol la: "De he no Korowii waa fini naa, he be deŋnekpeg ε."

<sup>8</sup>Josua aa ba a saŋ la tena ne ba hare ta la, de ba fe dɔ ona Korowii aa bol o waa la aa, Korowii fe ta bere bol tɔpefale waa kpa.

<sup>9</sup>He nyiŋo na naa, ona Korowii aa kwaara cheg o nera la ta lole bá ba onε, keŋɔ Korowii aa ona tɔpenuane wee la ta la.

<sup>10</sup>Nomelbwa waa de onε ona Korowii aa de onε la, de o onε o toma bwa ta keŋɔ Korowii aa onε o toma ta tɔpenuane wee la ta la.

<sup>11</sup>Anomanta hé gel ya swεε siwi de dɔ gε ona la. A ta che ke belbwa ε a saŋ la tena deŋnekpeg la dɔŋ de ba paŋe gε ona nɔ.

<sup>12</sup>Korowii waa waa bola do ke kon o siwi aa lole, dee e toma. A nyegre ge gwaa nangose belbwa, hale de fe won pere hweera le lileo ta, de won jo sema bini, hale de fe won pere hoga ne foola baah. A wono dee jeme newenyini liire ne o wesohla bwa.

<sup>13</sup>Korowii kontaaale belbwa toole de won kpo o te sooh. Wobelbwa cho banj o be wee nao. Onee yaa ba ya waa yaa ea hare bono bwa taara de bagle.

<sup>14</sup>Ya do Sofore Nomonjen waa wona la Korowii sie tenten. Onee Korowii Bie Yeesu la. Anomanta he gel ya lawe o waa la yaa de yarada la bini kpoje kinjin.

<sup>15</sup>Ya Sofore Nomonjen yaa doa la ta nen waa wola ya nee sune ya gwegra no ta ee. Daahna belbwa soosiwi toole Bonsam aa wola on daahne kenjo waa de daah yaa no. Ke o chego kinjin, o ta wechoga ee.

<sup>16</sup>Anomanta, he gel ya lo bambile de tel Korowii waa de sune nera nee dee cha ba la sie. Wee na ya sumii dee cha yaa ge sanj aa hiah yaa.

## Hibru 5

<sup>1</sup>Sofore Nomoa belbwa waa de e toma Korowii Dea la, o doja newenyini binii ba yon leo, de kpo jo o e Korowii toma dee tee ba, de kpo jam kwaa dee te Korowii, de kpo kondera de fuah dee teo ba wechoga wa.

<sup>2</sup>A ge Sofore Nomoa no ee wonoo dee sune nera baa wola waa jeme dee koni la ne, dekalkenjo o gba kwaraa ta kpegri doe de won dee veh wechoga ee.

<sup>3</sup>Ge o yon kpo kwaa e saraha dee te nera ba wechoga waa la, gee wee ba ee dee te o tenten, dekalkenjo o gba ge de e wechoga.

<sup>4</sup>Sofore Nomoa ee no e wejena. Nomelbwa toole de gbagba won le o te de e a ge toma no, nemene Korowii aa leo kenjo waa le Aaron o e bel la.

<sup>5</sup>Gee a do Yeesu Kristo ge aa wola o te gbagba lee Sofore Nomoa toma aa e wejena no ta. Korowiirii jo o be jo, "N Biee hen, fini n bere he Mee."

<sup>6</sup>Korowii bol bobel ge jo, "Hee e Sofoo sanj belbwa, kenjo Melkesedek faa e Sfo la."

<sup>7</sup>Yeesu aa lo hare ta la, de wii ne siniire nee wee soje komelbwa dee le Korowii be. De Korowii do kpegri de leo seo ta. Waa pwera dee no Korowii denja waa la nomanta, de Korowii de no o wesona.

<sup>8</sup>Yeesu e Korowii Bie, ke o na wahala, de che a ta de won pwer o te de no o Mee denja wa.

<sup>9</sup>Waa wona teje o Mee njwene ta kerede ka tone la, o bere nera baa de teje o Yeesu njwene ta bwa Lee, ba che o nee de do lee aa wola jaga doe bwa.

<sup>10</sup>Korowii bol o waa de eo Sofore Nomoa kenjo Melkesedek faa e Sfo la.

<sup>11</sup>Waa yaa doa de bol he be de le ge waa no ta la waro, ke a bini bagla kpegri, dekalkenjo haa waa mun no.

<sup>12</sup>Haa lea hweli waa nɔ bigro, a che ke san nɔ he fe aa jema dɛɛ bagle nera a wa. Ke he ta do ke nera baa pa mun dɛɛ hweli Korowii wa, ase a che ke ba le mun ta de bag ba a wa. A fe aa che ke he won dɛɛ di kondikwaa tenten la, elee he taa ɔr.

<sup>13</sup>Nomelbwa o taa de ɔr Korowii waa ta la, bechalaa on. Waa waa jeme, waa wedɛɛga aa de su Korowii siwi jeme.

<sup>14</sup>Nomonomee dɛɛ di kondikwaa tenten. Banee ε waa ben, de jeme wedɛɛga ne wechɔga.

## Hibru 6

<sup>1</sup>Yaa jeme Yeesu Kristo welogla la nomanta la, siee a che ke yaa kaa, dɛɛ la nomonome bini. Yaa bere pa mun bol ge aa che ke ya chare liire le ya wechɔga aa de kaa ya nee seo ta la ta, ne ge aa che ke ya yarada Korowii de kpɔ ya te teo waa kpa.

<sup>2</sup>Yaa bere bol Korowii nee soe wa, ne noora kpoe de dawɛ nera ne, ne ge lala bwa aa ba ir seo ta, ne ge Korowii aa ba bol nera waa de pa bole de bo ba ba wechɔga kem aa wola jagaa do waa kpa.

<sup>3</sup>De Korowii seoh waa, yaa gel anɔ bwa waa baglaa, de kaa sie.

<sup>4</sup>Nera baa yarada Korowii waa ka la, eree ba ε de chare ba liire de le ba wechɔga ta de bere yaradao jaɔ? Korowii chaah ba sie o waa nɔ ta ka, ase ba na Korowii doa konkɛele la som la bel, ase de tee ba o Domadɛɛge la ka.

<sup>5</sup>Ba no Korowii waa la de jeme wera aa wera, de do kpegri baa de ba doe toperɛ waa lo sie dɛɛ ba bala la ta ane.

<sup>6</sup>Anɔ bwa haboo la, ba gel Korowii waa ba faa de yarada la! A kpegri ke ba chare ba liire de le ba wechɔga ta de bere ba yaradao, dekalkɛɔ ba kaa ε kɛɔ baa kwaara kpa Korowii Bie la dɛɛ pel o dagagre ta, de gel sihih kpoo nera baah ta. Ba εo dawɛ ba nyu ta.

<sup>7</sup>Hare belbwa bwaala aa de ne o ta wee ε kondikwaa dɛɛ te nera baa de paro la, Korowii ee geloo o ε hareɛɛge.

<sup>8</sup>Ke de hare belbwa le kpɔga ne soohne aa, o ta tonɔ doe. O chege Korowii taahna nyoa. Baa fuuh.

<sup>9</sup>N dandɛɛga, yaa de bol anɔ bwa nɔ, he te la, he wa aa yaa gwanɛ. Ya jemɔ ke he weela ee do werii a bagle kɛɔ Korowii le heya.

<sup>10</sup>Korowii ta nen waa wola waa ε a nwenɛ ta ee, a ba ε kɛɔ wee soh he tondeɛga haa de ε, ne ge haa de nyinu de koh a waa cha o nera de taa cha ba la waa.

<sup>11</sup>Ya de nyin kɛɔ he belbwa swɛɛ siwi ge de ka tone ase de won do kon haa de hwɛge o ta la.

<sup>12</sup>Yaa nyin ke he bwara hwah heya. Ya de nyin he kpɔ nera baa lawɛ bambile dɛɛ yarada Korowii ase o tee ba kwaa waa bag ba nyoa la da.



<sup>13</sup>Korowii bage Abraham nyoa. Waa bago nyoa la, komelbwa aa wola toole de gwaalo la, o gbagbaa o ηwεε, de ηο,

<sup>14</sup>"N ηwεερο κeηο mee kwaa he wobelbwaa tee, de tee naanar kohona."

<sup>15</sup>Abraham ge wono lawe bambile aaa, de ba do kon Korowii aa bago nyoa la.

<sup>16</sup>De nen de ba ηwεera aa, kon waa gwaaloo o yon ηwεε, ase ba jeme ke kasintenjii weε bol, de tɔηla belbwa teηo.

<sup>17</sup>De Korowii de nyin o bagle nera baa de ba kon waa bag ba nyoa ηο weε εo tee ba la κeηο waa o liire chara ba bwa, a waa o ηwεε la.

<sup>18</sup>Korowii bage nyoa de ηwεε o tenten ja. Webele ane no gelo nyobaga la do kpegri, dekalkεηο Korowii aa won teηe nyosone. Anee de do ya nera yaa ba Korowii be ηο o le yaa la gbemba, ase ya won do kpegri ya hwεga yaa de hwεge o neε la ta.

<sup>19</sup>A ge hwεga noo de gel ya bambile won che bobεηkpon, ase ya che kerεde. Hwεga no nomanta, a kaa ε κeηο ya won Korowii bodεεge bela pateesahjen faa tɔa nεmpeene aa wola bela jo la joe.

<sup>20</sup>Yeesu aa ε Sofore Nomoa deε la saη belbwa κeηο Melkesedek la, o koh ya waa de to sie ya neε jo bela moo ya ge ba.

## Hibru 7

<sup>1</sup>A ge Melkesedek no, de Salem kooroo on, ase o ε Nemene Korowii Sɔfo. A saη la Abraham aa le laa waa kaa yo de po koranar banaare bane neε deε ba la, Melkesedek chemo de swee andεεga teo.

<sup>2</sup>Belaa Abraham bone kwaa waa doo laa la ta bwa bini bore fi de kpɔ borbenkpon teo. Melkesedek son la munii "Waa aa Togra Kooro." Salem ge munii "bambisooηna." Anomanta de "Bambisooηna Kooroo" on.

<sup>3</sup>Melkesedek ta nya ne mee doe ya jeme. O ta lolanar doe. O ta lola toperere ne sewa toperere gba doe ya jeme. O ε Sɔfo saη belbwa deε la aa wola jaga doe κeηο Korowii Bie la ken.

<sup>4</sup>He na ge waa ε nenjen kenε? Ya nabaa Abraham o son aa lea kohona la, o gbabir bone kwaa waa doo o laa ta bwa bini fi de kpɔ borbenkpon teo.

<sup>5</sup>Lewi naanar baa ε Sofore la, Mosis Mmara la ηο ba bwεε tena la belbwa εε bone o kwaa bini bore fi de kpɔ borbenkpon deε tee ba. Ke Abraham naanaree ba bwa ge gba.

<sup>6</sup>Lewi dea laa Melkesedek le. Ke Abraham ge bone o kwaa bini bore fi, de kpɔ borbenkpon teo, ase Melkesedek swee andεεga te o kwaara Korowii aa bago nyoa la.

<sup>7</sup>Ya bwa jemo κeηο nomoaa sweera deε te bechala.

<sup>8</sup>Lewi luge ta Sofore baa de le kwaa fi belbwa borbenkpona la, ba de sewε. Melkesedek te aa lea la, Korowii Tɔn baglo κeηο o lole saη belbwa.

<sup>9</sup>Lewi luge ta Sɔforee dɛɛ lɛ kwaa fi belbwa bɔrbenkpoŋa. Kɛ yaa wonoo ŋɔ o nabaa Abraham aa bɔne o kwaa bini bɔre fi de kpɔ bɔrbenkpoŋ tɛ Mɛlkesɛdek la, Lewi gba tɛo.

<sup>10</sup>Dɛ ba ta Lewi lɛɛ mɔɔ, kɛ yaa wonoo ŋɔ o ta ɛ o nabaa Abraham dwee dɛ taa ba bala a gɛ saŋ Mɛlkesɛdek aa cheme Abraham la.

<sup>11</sup>Gɛ saŋ Korowii aa tɛ o nera Mmara la la, gɛ saŋee Lewi dea tena pa mun dɛɛ di sɔfore. Dɛ nera fe ɛɛ wonoo che saraha Lewi dea Sɔfore la faa ɛa dɛɛ tɛɛ ba la ta dɛ ɛ nendɛɛga ka tonaa, a fe ta hiaih kɛŋɔ Sɔfo waa do kɛŋɔ Mɛlkesɛdek bere ba dɛ gel ono la waa le Lewi dea dɛ do kɛŋɔ Aaron.

<sup>12</sup>Dea o tena aa dɛ di sɔfore la, o beraa, a chɛ kɛ mmara la ge bere.

<sup>13</sup>A gɛ waa nɔ yaa dɛ bagle nɔ, ya Dɔɔ Yeesu waa yaa bol la. O ge dea waa le o ta la kore Sɔfore dea ta. O dea waa le o ta la te belbwa ta Sɔfo toma ɛɛ bwa.

<sup>14</sup>Nomelbwa jemo kɛŋɔ Juda deaa o le. Mosis ge fa ta bole ŋɔ Juda dea tena dɛ di sɔfore bwa.

<sup>15</sup>Tarakenii waa la bini ta chaah, dɛkalkɛŋɔ Sɔfo bɛl balɔ dɛ do kɛ Mɛlkesɛdek ken kati.

<sup>16</sup>Newenyini sɔfore dii mmara ta laa a che o ɛ Sɔfo. O mkpa aa wola jaga dɔɛ la kpegri taa a che o ɛ Sɔfo.

<sup>17</sup>Maa dɛ ŋɔ nɔ, Korowii Tɔn di dansee o waa ŋɔ, "Hɛɛ ɛ Sɔfo dɛɛ la saŋ belbwa kɛŋɔ Mɛlkesɛdek."

<sup>18</sup>Mmarabene la aa wola kpegri ne tɔnɔ belbwa dɔɛ la waa Korowii lao kpɔ.

<sup>19</sup>A gɛ Mosis Mmara nɔ fa ta wone gel newenyina ɛ nendɛɛga ka tone. Kɛ taraken te, ya dɔ wɛfala dɛɛ hwɛgɛ a ta a gwaa ambena la, dɛ che a ta dɛ won tuuh dɛɛ tel Korowii.

<sup>20</sup>Waa aa bera ja laanee kɛŋɔ Korowii ŋwɛera waa ŋwɛera la. Ba faa dɛ cheg Lewi dea Sɔfore la la, Korowii fa ta ken ŋwɛere bwa.

<sup>21</sup>Yeesu te la, ŋwɛeraa Korowii ŋwɛɛ dɛ chɛgo Sɔfo. Ba bagle a waa Korowii Tɔn bini ŋɔ, "N Naa Korowii ŋwɛero, waa nyoa bera ba: 'Hɛɛ ɛ Sɔfo saŋ belbwaa dɛɛ la.' "

<sup>22</sup>A gelɔ Yeesu ɛ ajinamuu te áse newenyina nyiŋi dɛ na fɔofale Korowii aa fɔwa dɛ te yaa la wera waa wera dɛ gwaa ombene la.

<sup>23</sup>Anɔ la aa jaa laanee kɛŋɔ dɛ Lewi dea Sɔfore la dɛ serewe. Anomanta a gelɔ nera baa di sɔfore la ware.

<sup>24</sup>Kɛ Yeesu te, o lɛɛ saŋ belbwa. O sɔfore toma la aa bere dɛɛ kaa nɛnfale belbwa be bwa.

<sup>25</sup>Nomelbwa waa chɛge Yeesu nɛɛ dɛ tuuh dɛɛ tel Korowii la, Yeesu ɛɛ lɛo waa wola nyogre kpa bwa. O lɛɛ saŋ belbwa dɛ soŋe Korowii dɛɛ tɛ newenyina.

<sup>26</sup>Magraa a den magre keɲɔ yaa dɔ Sɔfore Nomoa waa do ke Yeesu dɛɛ cha yaa. Doɲa belbwa toole o ne, o tea too, o ne wechɔg-ɛɛra ta pɛɛ. Korowii tɛo nomonome o gwaa komelbwa waa lo nyundua.

<sup>27</sup>O ta doe keɲɔ Lewi dea Sɔfonomonome la baa de ɛ wechɔga saraha tɔpere belbwa la. Ba te che ke ba tɔ sie ɛ ba gbagba wechɔga saraha mɔɔ de ɛ nera la ge wechɔga saraha. Saraha beɲkpoɲ gboo Yeesu ɛ, bel ta jae kpa. O kpɔ o te gbagba ɛ saraha.

<sup>28</sup>Baa nyiɲi Mosis Mmara ta dɛɛ kpɔ Sɔfonomonome la, nera baa wola wone dɛɛ veh wechɔga keɲɔ newenyini bwa aa doa laanee baa kpɔ. Ke Mosis Mmara la habɔɔ la, waa Korowii aa bola de ɲwɛɛ o gbagba la, an gela o Bie ɛ Sɔfore Nomoa. O te veh wechɔga de do kaih saɲ belbwa dɛɛ la.

## Hibru 8

<sup>1</sup>Waa yaa de bol laanee keɲɔ ya dɔ Sɔfore Nomoa o do ge tenten. O soge nomombɔr Korowiiɲen kookara la jweeh nyundua.

<sup>2</sup>Korowii dobɔr tenten waa do goron la, belaa weɛ di sɔfore. Korowii gbagbaa do bela dea la, newenyini laa doo.

<sup>3</sup>Sɔfore Nomoa belbwa tomaa keɲɔ weɛ fuh kwaa dɛɛ te Korowii, dɛɛ ɛ saraha ge. Anomanta a hiaoh keɲɔ ya Sɔfore Nomoa nɔ ge dɔ kwaa waa kpɔ dɛɛ te Korowii.

<sup>4</sup>De o fe lo hare bonɔ naa, o fe aa Sɔfo ɛɛ ba, dekalkeɲɔ Sɔfore lo hare ta dɛɛ ɛ saraha ge Mosis Mmara aa bagla la.

<sup>5</sup>Ba sɔfore toma baa de ɛ la, chaaraa baa cha ge baa de ɛa Korowii doa la. A tenten laa. A waa Mosis faa de ba Korowii tente dea baa de tomɔ o bini la ɛɛ la, Korowii ɲɔ o be ɲɔ, "Nyini de ɛ komelbwa kerɛde keɲɔ maa bagle bwe la doa la."

<sup>6</sup>Taraken nɔ, ba te Yeesu sɔfore toma o gwaa hare bonɔ Sɔfore. Fɔofale la waa chege newenyini ne Korowii baah ta de fɔwe la ge gwaa ombene la, dekalkeɲɔ nyoo Korowii aa бага fɔofale la ta la gwaa ambena la.

<sup>7</sup>De fɔobene la fe wer, waane aa wola toole o ta naa, onfale fe ta hiaih kpa.

<sup>8</sup>Ke Korowii nao keɲɔ o nera chɔg fɔobene la, a waa o ɲɔ, "Saɲ bel ɛɛ bao, ase n ne Israel tena ne Juda tena fɔwe fɔofale bel.

<sup>9</sup>O ne fɔo la n ne ba naanar aa fɔwa a ge saɲ maa lag ba le Ijɲipt hare la aa beɲkpoɲ ɛɛ ba, dekalkeɲɔ ba naanar fa ta fɔo la ta teɲɛ. Anomanta n ge laa sie kpɔ ba ne.

<sup>10</sup>Fɔo n ne Israel tena aa de ba fɔwa kerekeree la: Mɛɛ kpɔ me mmaraa do ba nyu bini, de chwero do ba bambile bini, ase de ɛ ba Korowii, ase ba ge ɛ n nera.

<sup>11</sup>Aa bere hiah keɲɔ nomelbwa bagle o dɔɲ keɛ o nime ɲɔ, 'A wer keɲɔ he jeme Korowii' kpa, dekalkeɲɔ ba bechale ne nomonome bwa ɛɛ jem mɛɛ.

<sup>12</sup>Mɛɛ sune ba neɛ de kpɔ ba waa aa wola togre ke ba, maa ba wechɔga waa lii kpa."

<sup>13</sup>Korowii aa de bol foofale waa no, onlogle la bere ombene. Waa bere ombene no, o kpegri tonɔ, weɛ nyogre.

## Hibru 9

<sup>1</sup>Logle fo Korowii ne o nera faa fowa la gba fa do mmara baa chege o ta deɛ tome Korowii, de do bela baa de tome Korowii hare no ta,

<sup>2</sup>ase o do tente dea bini. (Pateesah teɛ dea la doonyoa, ase bel ge bone dea la bini anɛ.) Dea la bologle la sone Korowii Bɔr Waa Do Goron. A ge Korowii Bɔr Waa Do Goron la bɔr belaa daa baa kpɔ kande deɛ chɔɛ o ta, ne teebur ne paanoo baa kpɔ deɛ te Korowii la che.

<sup>3</sup>Ase bela baa de yere Korowii Bɔr Waa Do Goron Tenten la ge do pateesah neɛte la haboo.

<sup>4</sup>Korowii Bogoron Tenten la bɔr bela la, de suugaswem kon baa de fuh daawiile a sooh aa soma o bini la lo bela. De daka baa kpɔ suugaswem e o bwara bwa, ase o che te ba ne Korowii fo la lo bela. De suugaswem vii la baa kpɔ kondikwaa aa le nyundua baa yera maana do o bini la, ne Aaron dangbala waa moge papooni la, ne bwepempɛɛre anɛ la ba faa chwere o ne ba foobene la mmara fi la do a ta la lo daka la bini.

<sup>5</sup>Ba kwaa nyundua toroma baa de yer ba Kerobim la banɛ chɔɛ daka la doa baa bagle keɛ Korowii jirima lo bela, ase ba sie gba doɲa, de pagri kena to bela baa laa Korowii bandia deɛ kpɔ o nera neɛ la. Yaa won do bɔr taraken de bagle kwaa no waa bwa ka tone.

<sup>6</sup>Ken noo dea la bini kwaa cheche, ase Sɔfore la eɛ jo o bologle la bini toperɛe bwa de kaa e ba toma.

<sup>7</sup>Dea la bonɛete la te la, Sɔfore Nomoa gboo deɛ jo o bini. O gba kwaraa la, kerabenkpon gboo weɛ jo bela bena belbwa. O ta chal kponaa, waa bela jo. A nee o kaa soɲe o wechɔga ne nera la wechɔga baa ea baa wola jeme keɛ ba e wechɔga la.

<sup>8</sup>Korowii Domadɛɛge de bagle yaa waa de le ge waa no ta keɛ, de tente dea la ta lole naa, Korowii Bɔr Waa Do Goron Tenten la nwenɛ ta pile moo.

<sup>9</sup>A ge waa no chego de te fini no. A baglo keɛ saraha eɛ ne konaatena fuih deɛ te Korowii aa won gel nen baa fuh kwaa la deɛ teo la tea to.

<sup>10</sup>A ge waa no bwa e kondiile ne konnyɔla ne bwara sarama waa aa e nawee wa. Bwadabii waa a bwa, aa wone gel nen tea eɛ to. Korowiirii kpɔ te o nera ase baa teɛ a ta de ka tel keɛ o nwenefale la aa bala.

<sup>11</sup>Yeesu Kristo balo de ba e Sɔfore Nomoa, deɛ e wefala aa bala de do wer ya jeme a waa taraken no la toma. Tente dea waa de e toma o bini la do jirima de do wer gwaa onɔ la. Newenyini laa doo, hare bono kon laa.

- 12**Yeesu Kristo jo Korowii Bogoronj Tenten la. Waa jo bela la, boohna ne nabie chal laa o kpɔ jo bela. O gbagba chalee o kpɔ jo bela, de le yaa ta aa wola jagaa dɔ bwa. Kerabenjkonjii o jo bela. A ta hiaih kenj o jo bela kpa.
- 13**Nen waa kah doŋa la, de ba won boohna ne nabie chal ne naloni tɔɔ kpɔe de jwal o nee ase de laa doŋa kpɔ o ne aa,
- 14**ere a e Yeesu Kristo chal aa wola won laa ya doŋa kpɔ ya nee kohona nɔ? Korowii Domadeege waa lole sanj belbwa aa wola jaga doe la, on cha Yeesu Kristo o won kpɔ o te kenj konaate waa wola kirihiah belbwa dii de e saraha de te Korowii. Yeesu chal ee laa ya wechoga aa de kaa ya ne seo ta la bwa kpɔ ya nee ase ya tea to, ase a waa be yaa hiah kpa, ase ya won tome Korowii kasintenj la.
- 15**Yeesu chego newenyini ne Korowii baah ta taraken de fowe foo de te newenyini ne Korowii, ase nera Korowii aa lee ba njɔ ba e o nera la won dɔ kwaa waa bag ba nyoa la sanj belbwa dee la. Baa wonoo doa sanj belbwa dee la, dekalkeŋj wechoga ba faa de e foobene la ta la, Yeesu Kristo aa baa sewe la, o bɔ a kem. O sewo ase ba wechoga la be won dɔ kpegri ba nee kpa.
- 16**De nen chwere ge aa che ke ba di o kapere, de o ta sewaa, nen aa won di.
- 17**Ke de o sewo te naa, baa wonoo bone o kwaa name. De naate waa chwere ton la ta lole te naa, njwene toole kenj nen bone o laala.
- 18**A waa gela foobene la kwara ta la, chal ee fuge moɔ baa e o we-ela la.
- 19**Mosis tɔ sie bagle waa bwa Korowii aa njɔa o nera la e de le Korowii Mmara Tɔn bini, moɔ de kpɔ nabie ne boohna chale koo nee ta, de kpɔ pee pona aa swera ne dawii ane soosiwi e chal ne nee la mere Korowii Mmara Tɔn la ne nera la bwa ne.
- 20**Waa kpɔa dee mere ba nee la, o njɔ, "Chal nɔɔ n kpɔ dee mere foo Korowii aa njɔa hee teŋe a ta la ta a e dansee kenj he seoh ke hee teŋe o Mmara la taa."
- 21**Ge tentenee o yon e chal la de mere tente dea la ne numoli ne konjkwaaere baa de e a ne toma Korowii Dea bela la bwa ta.
- 22**Mmara la ta la, chal nee baa fee doŋa waa ne kwaa kerede ta. De chal ta fugaa, Korowii aa wechoga kpɔe dee ke.
- 23**A ge kwaa la bwa, de Korowii doa kwaa la chaaree a bwa. De gee che ke ba fee doŋa a ta. Ke Korowii doa kwaa la te gbagba la, kwaa baa kpɔa dee e saraha dee fee a doŋa la gwaa anɔ.
- 24**Bela Yeesu Kristo aa joa la, Korowii Bɔr Waa Do Goronj Tenten newenyini aa mao o e Korowii doa kon chaa gbo la bini laa o jo. Korowii doa gbagbaa o la, de ka che Korowii sie ase de won cha yaa taraken.
- 25**A ta hiaih ke o teŋe dee jo Korowii Bogoronj la de kpɔ o te e saraha bena belbwa ge Juda tena Sɔfore Nomoa aa de jo ba kon ta chal aa wola o gbagba bwara chal ee ne la.

<sup>26</sup>De bena belbwaa wɛɛ jo bela dɛ kpɔ o te ɛ saraha aa, bena belbwaa o fe ɛɛ ba wahala nae dɛ kponɛ le hare mumpar ba le fini. Kɛ kerabenɔkponɔ gboo o ba hare nɔ ta tɔpere tama waa kaa nɔ ta, dɛ ba kpɔ o te ɛ saraha dɛɛ donɔi wechɔga, waa wola gɛɛ ɛ kpa.

<sup>27</sup>Kerabenɔkponɔii nɛwenyini belbwa ɛɛ ba sewa, ase a habɔɔ la, Korowii bol o waa de pa bole.

<sup>28</sup>Gɛɛ ba kpɔ Yeesu Kristo ge ɛ saraha kerabenɔkponɔ, áse o che nendamanta wechɔga. Wɛɛ berɔɔ ba nɛɛtena ja. Wechɔga waa laa wɛɛ ba bala name te. Nɛra baa dɛ kpao siswɛm ne laanee wɛɛ ba ba lɛ.

## Hibru 10

<sup>1</sup>Tɔɛ Mosis Mmara la tɔ wedɛɛga a faa lɔ sie dɛɛ ba bala la sie dɛ che tɛa. A fa ta wedɛɛga la tenten ɛɛ kɛɲɔ nen lileo aa wola o gbagba ɛɛ la. Anomanta saraha la Mmara la aa gela baa ɛ bena belbwa la aa won gel nɛra baa de ba a ne la ɛ nendɛɛga ka tonɛ.

<sup>2</sup>De saraha la fe wono gel ba berɛ nendɛɛga dɛ ka tonaa, ba fe ta a ɛɛ gelaa? De a fe wono dɛɛ fee ba wechɔga ba nɛ aa, ba liire fe aa ban ha a waa we ba nɛɛ kpa.

<sup>3</sup>Saraha laanee dɛɛ lii ba bena belbwa kɛɲɔ wechɔg-ɛɛraa ban,

<sup>4</sup>dɛkalkɛɲɔ nae ne boohna chale aa won fee wechɔga nɛra nɛɛ bwa.

<sup>5</sup>A waa Yeesu aa dɛ ba hare ta bala la, o ɲɔ Korowii be ɲɔ, "Konaatena ne konɔkwaare baa kpɔa ɛ saraha dɛɛ tɛɛ la, he sie aa a ta lɛ. Kɛ he ɛ bwadabii bel tɛ mɛ.

<sup>6</sup>He siwi aa konaatena baa dɛ fuah ambire dɛɛ tɛɛ, ne saraha baa ɛa dɛ kpɔ dɛɛ soɲɛ nɛra wechɔga la su.

<sup>7</sup>Belaa n ɲɔ, 'Korowii, menee la. N balɔ dé ba ɛ he tetoowaa gɛ baa chwɛɛ n waa Mmara tɔn la bini la.' “

<sup>8</sup>O baglɔ kɛɲɔ konaatena ne konɔkwaare baa kpɔa ɛ saraha dɛɛ tɛ Korowii la ta o sie lɛɛ. O siwi ta konaatena baa fuah dɛ ɛ saraha dɛɛ tɛo ne saraha baa ɛa dɛ kpɔ dɛɛ soɲɛ wechɔga la sui, kɛ dɛ Mosis Mmara ge fe bagle a bwa.

<sup>9</sup>Belaa o ɲɔ, "Korowii, menee la, n balɔ dé ba ɛ he tetoowa." A baglɔ kɛɲɔ Korowii teɲɛ sarahabena la bwa ta dɛ kpɔ Yeesu Kristo saraha la chig a naa ta.

<sup>10</sup>Yeesu Kristo aa ɛ Korowii tetoowaa dɛ kpɔ o bwadabii ɛ saraha kerabenɔkponɔ a den tonɛ la nomanta, o laa ya bwa wechɔga kpɔ ya nɛ, dɛ gel ya ɛ Korowii nɛra.

<sup>11</sup>Juda tena Sɔfore te la, tɔpere bwaa ba che ba sɔfore toma ta dɛ teɲɛ dɛɛ ɛ saraha siwibenɔkponɔ. Kɛ a gɛ saraha nɔ aa won laa nen wechɔga kpɔ o nɛɛ bwa.

<sup>12</sup>Kerabenɔkponɔ gboo Yeesu Kristo te ɛ nɛwenyini wechɔga saraha, a den magre, aa wola hiaih kɛɲɔ o ɛ bel kpa, dɛ ka so nomombɔr Korowii dig ta.

<sup>13</sup>Belaa o do dɛɛ kpa ka tel kɛɲɔ Korowii aa ba o dɔma ne hare ase o tigri ba nɛ.



- 14 Saraha benkponj waa ɛa dɛ fee wechɔga nɛra nɛɛ la gboo gela ba do kaih saɲ belbwa dɛɛ la.
- 15 Korowii Domadɛɛge gba di dansee bagle yaa. O tɔ sie ŋɔ,
- 16 "N Naa Korowii bolɔ ŋɔ, 'Fɔo n ne baa fɔwe tɔpera aa lɔ sie la ta laanee nɔ: Mɛɛ kpɔ me mmaraa do ba bambile bini, dɛ chwero do ba nyuune bini.' "
- 17 O berɔ ŋɔ, "Maa ba wechɔga waa lii kpa bwa."
- 18 Anomanta, dɛ Korowii dɔɔ kpɔ ya wechɔga kɛ yaa aa, a ta berɛ hiah kɛɲɔ ba ɛ saraha dɛ kpɔ soɲe ya wechɔga kpa.
- 19 Yabalawa, Yeesu seo la nomanta yaa wonoo jo Korowii Bɔr Waa Do Goronj Tenten la, yaa wola ɔmɛ.
- 20 Yeesu pili ŋwenɛfale mkpa aa lɔ o ta tɛ yaa, ase ya won jo Korowii Bogoronj la ta. O bwadabii ɛo kɛɲɔ pateesahjen o faa tɔ Korowii Bogoronj Tenten la ŋwenɛ la. Waa sewa la, ŋwenɛ pilo tɛ yaa.
- 21 Ya dɔ Sɔfojen wɛɛ nyinji Korowii bii.
- 22 Anomanta la, Korowii aa sɔ ya wechɔga ta waa wola gele ya liire ɛɛ ɛ yaa kɛɲɔ ya ɛ wechɔga kpa, dɛ kpɔ o nedɛɛga sɔ ya bwadabii nɔ, hɛ gel ya kpɔ teponj ne yarada ba o be, ya bɛ tɔɲle tama belbwa,
- 23 dɛ lawɛ hwɛga yaa dɔa la bini kponje kinjin, dɛ bɛ dɛɛ ɔmɛ tama belbwa, dɛkalkɛɲɔ naate waa bage yaa nyoa la waa dɔ kasintenj.
- 24 Hɛ gel ya lii gɛ yaa ɛ dɛ won dɛɛ do dɔɲa gbemba dɔɲa nyina ne wedɛɛga ɛɛ ta,
- 25 ase dɛ bɛ chema yaa dɛ cheme saɲ belbwa la gel, kɛɲɔ bane aa gela la. Waa bwa jaga tɔpere la dɛ tel, anomanta hɛɛ do dɔɲa gbemba.
- 26 Korowii aa pili ya sie ya jeme o kasintenj nɔ nɔ, dɛ ya ta saahnɔ do wechɔga ta dɛɛ ɛ aa, saraha belbwa toole bobelbwa dɛ fee ya wechɔga ya nɛɛ kpa.
- 27 ɔmee taa yaa ba soga dɛɛ kpa Korowii tɔpere waa dɛ ba nɛra waa bola dɛ pa bole, dɛ do banɔ la baa chege o nɛɛ wechɔga nii aa dɛ lawɛ kohona ta la.
- 28 Nen to Mosis Mmara, ase nɛra bane ne batoro di dansee tiaɔ o waa waa ɛa la ta naa, baa o nɛɛ sune, kpoe baa kpoo.
- 29 Aah dɛ ɛrɛɛ a che kɛ ba ɛ nen waa nyinji Korowii Bie la dɛɛ vaɔh? Dɛ nen nyinji fɔo la Korowii aa chege o Bie seo ta dɛ fɔwe la dɛ fee o wechɔga o nɛɛ la pɛɛ aa, kembɔr besoo che kɛ ba teo wɔ? A gɛ nen la ɛ Korowii Domadɛɛge la waa chao la nenhela. Korowii ŋɔ ɔ bɔɔ kem aa, o wenaale aa kanee do aa?
- 30 Naate waa ŋɔa ŋɔ, "Meneɛ dɔ wechɔga kem bɔɛ, meneɛ dɛ bɔ nɛra ba wechɔga kem" la, ya jeme o nensoo. Ba chwere bobel ge ŋɔ, "N Naa Korowii ɛɛ bol o nɛra waa dɛ pa bole."



- <sup>31</sup>Wobelbwa toole de do oma kenjo haa e wechog-ee de jo Korowii waa lole sanj belbwa la non ta.
- <sup>32</sup>Hé lii ge he faa doa ge sanj Korowii waa la aa chaah he sie la. He na wahala ga, ke he ta haboo lee.
- <sup>33</sup>Ba chegre heyaa de e heyaa hohorowa nera baah ane ta. De he de cha nera baa de ee ba hohorowa ane ta.
- <sup>34</sup>He na nera baa do ba dea la sum, de cha ba ba wahala nae ta. Ba le he kwaa haa doa bwa, ke he sie ta kie. He sie leo, dekalkenjo he jemoo ke he do komel waa wola jaga doe de gwaa ano la haa panja la.
- <sup>35</sup>Anomanta, he be he yaradae haa de yarada Korowii Bie la gel. A do kembaa kohona.
- <sup>36</sup>A hiaoh kenjo he lawe bambile de won e ge Korowii aa de nyin, ase de won do kwaa waa bage heyaa nyoa la.
- <sup>37</sup>Anee Korowii Ton bagle la: "A ka tamaa ken ase naate waa de ba bala la ba. Waa bigra ba.
- <sup>38</sup>Nen o waa aa togra de su n siwi la te la, wee yarada mee de do mkpa. Ke de o le haboo te naa, n sie aa o nee lee ba."
- <sup>39</sup>Ya ta nera baa de le haboo dee nyogre la ee. Nera baa de yarada dee do mkpa laanee yan.

## Hibru 11

- <sup>1</sup>Bokwaa yarada o? Yaradaa kenjo yaa jema kaih kenjo yaa wonoo do kwaa yaa de tamane a wa, de jeme kenjo kwaa yaa wola an na siwi ne la bwa lole kpela.
- <sup>2</sup>Yarada taa a che Korowii pena a sanj la tena.
- <sup>3</sup>Yarada taa a che ya no a mun kenjo nyoa wobol nee Korowii ta nyundua ne hare. Anomanta nyundua ne hare yaa de na no, kwaa baa wola an na nee ba taa.
- <sup>4</sup>Yaradaa Abel do, ase o kwaa waa kpaa e saraha te Korowii won su siwi de gwaa o doo Keen kwa, ase Korowii lea de penao kenjo o e nendeege o wa aa su o siwi. O fe sewo, ke o yaradae waa yarada Korowii nomanta, waa waa ea la choo ba le fini ba taa bola.
- <sup>5</sup>Yarada Enok yarada Korowii, ase Korowii kpoo kaa o be nyundua, de o ta sewe. Ba nyin o bor kahone, dekalkenjo de Korowii kpoo kaa nyundua. Ba chwere o waa kenjo Korowii aa wola on kpoe kaa o be moo la, de Korowii sie le o ne.
- <sup>6</sup>Nen ta yarada doe yaa, o waa aa won le Korowii sie. Nomelbwa waa ba Korowii be la, a che ke o do yarada kenjo Korowii lole, de yarada kenjo nomelbwa waa de nyin o jeme Korowii la, Korowii de chao.

- <sup>7</sup>Yarada taa a che Korowii aa bol waa a taa lo sie de ba bala Nowa be la, o no, de o ta an nae mo. O no de kwaa gberjen o ne o haah ne bii jo o bini, ba ta serewe. Nowa te aa yaradaa, ase newenyina baa kaa la aa wola yaradae la, a gelo newenyini bwa di bolchoge, ase de gel o e nera aa chege ba yarada ta ase ba waa su Korowii siwi la bel.
- <sup>8</sup>Yarada taa a che Korowii aa le Abraham no o kaa hare waa baga nyoa la ta la, o le de kaa. Waa de kaa la, de waa bela waa de kaa jeme.
- <sup>9</sup>Yarada nee o ka so harefale Korowii aa baga nyoa la ta kenjo hoo ken. Tente deene binii o so kenjo o bie Asek ne o ge bie Jekob Korowii aa bage ba ge a ge nyoa no tenten la.
- <sup>10</sup>De Abraham do bwee bel hwega. A ge bwee la, Korowii gbagbaa vorowo, o che kinjin. Waa pagre bwa.
- <sup>11</sup>Abraham yaradae waa de yarada Korowii la taa a che o won lode de o hweehro ase o haah Saara ge e hambara. De o jemo kenjo nyoa Korowii aa baga la, wee eo.
- <sup>12</sup>Abraham aa hweehra waa wola kpege kpa la, o wono lode, ase o naanar ge ya, de ware kenjo weweela kee mpo nyoa henle ken.
- <sup>13</sup>Korowii yaradae taa a ge nera no bwa do de ba serewe, de ba ta waa Korowii aa bage nyoa la nae siwi ne. Ke ba yarada nomanta, ba naa bojan ba sie le kenjo haa na hoohra bojan baa ba he sie le la. Ba seoh kenjo ba e hoohra hare no ta.
- <sup>14</sup>Nera de bol ken aa, de ba de nyin ba chagle kenjo ba de nyin ba gbagba hare de so.
- <sup>15</sup>De hare baa le o ta ba la waa ba fee lii raa, ba fe ee wonoo bere kaa o ta.
- <sup>16</sup>Ke ge laa a do. Haredeege waa wera gwaa bela baa lea la waa baa lii. Hare waa lo nyundua waa baa lii. Anomanta a ta Korowii siii ee kenjo baa de yero ba Korowii, dekalkenjo o kwaa bwee bel cheg ba.
- <sup>17</sup>Yaradaa Abraham yarada Korowii waa o won lawe o bie Asek no o de kpo e saraha de te Korowii a ge san Korowii aa daahno na la. Abrahamee Korowii bage nyoa no, "Asek nee aa ba chega ase n tee he naanar la maa bage nyoa no mee tee la." Ke Korowii aa noa o kpo o bibenkonj Asek la e saraha teo la, o ta veeh.
- <sup>19</sup>De Abraham jemo kenjo hale de Asek sewo kwaraa naa, Korowii do kpegri kenjo o won iru seo ta. Yaa wonoo no sewaa Asek sewe de bere ba Abraham non ta ja.
- <sup>20</sup>Yaradaa Asek yarada Korowii waa o won swee Jekob ne Eso andeega ba kerekere soga bini.
- <sup>21</sup>Jekob aa de ba sewa la, o swee andeega te Josef bii bane la bwa. De o kpoje dangbala de pi o ta de jam Korowii. Jekob aa de yarada Korowii waa o won e ano bwa.
- <sup>22</sup>Josef aa de ba sewa la, o no Israel tena be no baa le Ijpt hare taa, de bagle ge baa kaa o hoga ne ka huge bwa. Waa de yarada Korowii la waa o won e ge.

- 23**Mosis nya ne o mɛɛ aa lolɔ la, ba kpɔɔ sɔh korobie atoro, dekalkeɲɔ ba nao keɲɔ o wer bonɔɔ. Ba ta Ijipt kooro mmara waa doa la ɔme. Baa de yarada Korowii waa ba won ε γε.
- 24**Mosis aa kpega la, o ta sɛɛh ba yerɔ Ijipt kooro bihaah bie. Waa de yarada Korowii waa o won ε γε.
- 25**O ta sɛɛh ε Ijipt tena bodia waa baa lɔ a ta la, dekalkeɲɔ a ε wechɔga, hare bonɔ gbo gee aa jage. O sie le Korowii nera la pui dé na wahala de gwaa Ijipt tena bodia la.
- 26**O nyiɲi sihih waa koh Kristo waa dé di la keɲɔ a wer o be de gwaa kondɔɔhkwa a faa lɔ Ijipt hare la, dekalkeɲɔ de o de nyiɲi tɔpere la Korowii aa ba bɔ nera bwa kem la ηwɛɛ.
- 27**Waa de yarada Korowii la waa waa wola Ijipt kooro bandia ɔme de le bela, a do keɲɔ waa de na Korowii baa wola on na la ken, o ta habɔɔ bere.
- 28**Mosis aa de yarada Korowii waa o pa Galekaa kondikwaa dii waa la mun, de gel Israel tena ε chal lɔ ba gbeni, áse Korowii nyundua torome waa de kpoo Ijipt tena bibalogla la na de be ba te bibalogla kpoo.
- 29**Korowiirii Israel tena yarada waa Mposwɛm la aa teje anɛ, o nenabɔɔ sie hol keɲɔ harepɛɛ la, ba won jo de le la. Ijipt tena aa ηɔa ba ge le la, mpo la kaa ba ne.
- 30**Korowiirii Israel tena yarada waa ba bɔ nsara bar Jeriko tɔpera anuanɛ, ase danjwɛɛ waa bar bwɛɛ la bwa cheme kuugi la.
- 31**Korowiirii hanjwamane Rahab yarada waa o le Israel tena sɔh o be kerɛde, ba na o bwɛɛ waa de ka taa, Israel tena aa wola on kpoe ja nera baa wola Korowii waa noɛ la nɛ.
- 32**Too, í bagle ane ja aa? Maa bɔree dɔ bagle Gedeɔn, ne Barak, ne Samsen, ne Jefta, ne Devid, ne Samoɛl, ne Korowii keamere la bwa wa.
- 33**A ge nera nɔ bwa yarada Korowii kohona, de che ba yarada ta yo koranar de pɔ ba nɛ, de gel nera εε ε waa aa togra Korowii ηwɛɛ ta, ase Korowii ε waa waa bage nyoa la ane ba bere saɲ. Ba wono tɔ nyujentena nyoo, a ta wone lag ba.
- 34**Ba wono che nijena baah ta de sɔɔh a nyoa, a ta wone fuuh ba, de won le ba te nera baa kpɔɲe tokobie deɛ nyin ba kpoora nɔn ta. Ba wono dɔ bokpega ge saɲ baa gwɛgra, de won yo laa kerɛde, de won pɔ harere ane tena nɛɛ laa ta ba chwaage.
- 35**Korowii yaradae nomanta ba wono chum haahna bane nera baa serewa. Nera bane ε ba bini bane ge hɔhɔrɔwa keɲɔ bá fe veh Korowii nɛɛ teɲa, ke ba ta ba nyu dɔe waa koeh de veh, ge aa ε áse ba won ba ir seo ta de dɔ bodɛge do.
- 36**Ba ε bane ge bahmugliwaa de lɔɔ ba chweremi ne, de do kwaa bane ge nɔɔra, de do ba dea.

<sup>37</sup>Ba fogre bane bwea de kpoo ba, de kpoo sraadaa tejni bane bini anene, de kpoo bane ge tokobie ne. De booh tone ne pee tonee ba bane kpoo bere laala dee do. De ba nyao kerede, ase nera che ba ne, ase bane gee ee ba hohorowa aa wola were.

<sup>38</sup>De nera baa do hare no ta gbo liire ta chee ke ba ne a ge Korowii nera baa e nenjena no pe so. Ba ta sojnibor doe, de do pua waa e henle gbo hare ne bwea dor dee gaage, dee so bwe boone ne boeene bini.

<sup>39</sup>Nera de pena a ge nera no bwa yaradae baa yarada Korowii wa, ke ba belbwa ta kon Korowii aa bage Israel tena nyoa la doe.

<sup>40</sup>Korowii lii waa aa wera cheg ya fini no tena, de no a ge nera la gbo aa won do kaih ka tone, nemene kenjo ya ne ba bwa aa pea de do kaih.

## Hibru 12

<sup>1</sup>Ya te aa do a ge nera no bwa waa baa yarada Korowii de e aa bagle yaa waa no, a che ke ya ge lawe bambile de chwa ya chwaee waa cho ya sie no siswem ne. A che ke ya laa komelbwa waa gel ya lo naa ya chwaee ta la kpoo, de gel wechoga aa de to yaa nwenewa bwa.

<sup>2</sup>Yaa nyinji Yeesu waa e ya Korowii yaradae bwa nyu te, de e a mumpar ne a jaga la. On koh bosohna waa ba do waa ase ba eo hohorowa dagagre ta la. O ta sihih waa koeh de veh. Taraken o soge nomombor Korowii dig ta.

<sup>3</sup>He nyinji ge nenchoga faa haoh dee chegro ase o lawe bambile la, ase bohwaah be heyaa lawe, he le haboo.

<sup>4</sup>He ne wechoga aa de yo no, he ta yoi chal le he nee moo.

<sup>5</sup>He soh ge Korowii aa kpoo heyaa e o bii de ja heyaa la aa? Ba chweroo no, "N bie, Korowii de ter he denne aa, be an wesale lii. De o de togre naa, be gel a hwah he bwara,

<sup>6</sup>dekalkenjo nen Korowii aa de nyin la, o dennee wee ter, dee togre nen waa leo ke o bie."

<sup>7</sup>He lawe bambile wahala haa de na ta, de nyinja kenjo he Meeee dee ter he denne. He denne tera la chaglo kenjo Korowii kpoo heyaa e o bii, dekalkenjo bie belbwa toole o mee aa wola o dennee ter bwa.

<sup>8</sup>De o ta he denne tere kenjo waa de ter o bii bwa denne la aa, amo de o bii gbagba laa heya, de kaborerii heya.

<sup>9</sup>Ya meenanar baa lole yaa la kwara, ba ter ya denne aa, ya de no ba be. Aah de ya Mee waa lo nyundua de do ya lileore la te seh, a ta che ke ya no o be de do mkpa aa?

<sup>10</sup>Ya meenanar baa lole yaa la, topera ane belee ba ter ya denne ge ba ge aa naa ke a nwenewa taa la. Ke Korowii te aa de ter ya denne la, ya gbagba kerere waa wee e ge ase ya do goron kenjo ge waa doa la.

- 11** Ba de ter nen deŋne aa, bug la ta la, o tea bini de chog, o sie aa le. Ke de o hweli waa name o deŋne tera la ta naa, o waa de togre, ase o bwara ee soohno.
- 12** Anomanta he be noora kpo sawe nyoa. He hame mun.
- 13** He gel he we-eela togre ase he bala baa gwegra Korowii nee teja ta de do ke nen waa de dugri la be he nwenere aa wola togre la ta kpo de ba lo na. A che ke he togre he nwenere ase ba kpo a ta de do bokpega.
- 14** He swee siwi keŋo he ne nera bwa baah nee do werii, de swee siwi keŋo hae do gorogee, dekalkenjo de nomelbwa ta gorog doe yaa, waa Korowii nae ba.
- 15** Korowii do chae waa de nyin o cha yaa kohona. Anomanta he nyini kerede ase a be belbwa ba panje. A waa laa aa, wechoga ane ee ba jo he binii de chog nendamanta keŋo konkpela yon jo kondikwaa ta de choga la.
- 16** He bini belbwa be jwamane ba bo, de veh Korowii oma keŋo Eso aa koh kerabenkpon kondikwaa dii waa de yog o nomonome te o nime la.
- 17** He nao keŋo waa bera baa nyin keŋo o mee swee teo ge baa sweera dee te binomoa la, o ta ge doe kpa. O siwi sweero wee nyin o do ge a fe aa chea ke o do, hale dee wi gba. Ke waa o gbagba aa ea la, o ta wone bera a do ge a faa doa kpa.
- 18** Haa ba Korowii be no, kon haa lege be laa he ba, keŋo Israel tena faa ba bwejen Sinai ta la. A ge bwejen no fa de lawe nii jigijigi ken. Ba faa ba o mun la, bor bwa biro kpirikpirikpiri ken, ase peu ee ta vuguvuguvugu ken.
- 19** De bela bel de si, ase nomel taa ee le. Nera la aa no taa la la, ba soŋo ŋo ano la baa noa la magre ge,
- 20** dekalkenjo de waa naate aa de bol la kpegri tee ba. O bol ŋo, "De kondere kwaraa lege bwejen la aa, a che ke ba fogro bwea kpo."
- 21** Waa aa chig bela la, de a oma kohona to, ase Mosis ŋo, "Omee lag me, n bwara de sa!"
- 22** He te aa ba Korowii be no, bwejen Saayon waa lo Korowii o gbo e Korowii de do le san belbwa la gbagba bwee Jerusalem waa lo nyundua la, o taa he ba. Bela nyundua toroma kagbonlafa aa chema silae ne laanee he ba.
- 23** O binomonome o kapere aa ku ba non ase ba sona do ton la aa lo o be la ta la gba cheme bela. Ba ne Korowii waa de ba nera bwa waa bola de pa bole la, ne lala ba wa aa togra de su o siwi, ase o gel ba e nendeege ka tone la bwa bee he ba.
- 24** Yeesu bee he ba. On chege newenyini ne Korowii baah ta de fowe foofale la la. Bela waa kpo o chal jwal laanee he ba. O chal soje wedeege dee te yaa. A ta do keŋo Abel chal aa ba taahna ne la.
- 25** Anomanta he nyini kerede ase de be deŋne tan Korowii waa waa de bol la ta. A san la tena faa veh nen ba ne waa lo hare bono waa waa bola de kpo ja ba la, de ba ta wone

le ba te naa, ya nera yaa veh naate waa lo nyundua waa waa kpɔa dɛɛ ja yaa la, ɛrɛɛ yá ɛ dɛ won le ya te nɔ?

<sup>26</sup>Waa bol waa gɛ saɲ la, hare jigro. Kɛ taraken te, o bage nyoa ŋɔ, "Mɛɛ ba jigri hareɛ kerabenƙpon ja. Hare gbo laa mɛɛ ba jigra. Mɛɛ jigri nyundua gee ja."

<sup>27</sup>A gɛ waa waa bola dɛ ŋɔ "kerabenƙpon ja" nɔ dɛ bagle kɛŋɔ o baa jigri nyundua ne hare naa, Korowii kontaala aa lo a ta dɛ won jigri la ɛɛ chɔgoɔ, áɛ anɔ la aa wola won jigri la do le dɛɛ la.

<sup>28</sup>Anomanta a che kɛ yaa jam Korowii saɲ belbwa kɛŋɔ waa gela ya do o Kora waa wola yiigi ta nɔ. A che kɛ yaa tomɔ gɛ aa too o tea, dɛɛ tɛo duure dɛɛ omɔ,

<sup>29</sup>dɛkalkɛŋɔ ya Korowii nɔ do kɛ nii aa wona dɛɛ chɔg kwaa kohona.

### Hibru 13

<sup>1</sup>He nya biirii dɔŋa Yeesu Kristo waa nɔ ta, anomanta hɛɛ nyin dɔŋa saɲ belbwa.

<sup>2</sup>He bɛ soh kɛŋɔ a che kɛ hɛɛ le hɔhɔra dɛɛ nyin ba kerɛdɛ. Bane ɛ gɛ dɛ nyinɪ nyundua toroma, dɛ baa jeme.

<sup>3</sup>Hɛɛ lii nera baa do ba dea waa kɛŋɔ he ne banee ba do dea ken. Hɛɛ lii nera baa dɛ ɛɛ ba hɔhɔrɔwa ge waa kɛŋɔ he ge aa dɛ na weweele la bɛl ken.

<sup>4</sup>A che kɛ nomɛlbwa kpɔ duure dɛɛ tɛ hahmor, dɛ bɛ nempɛene lawɛ dɛɛ chɔ dɛ ka ja ba haahna kɛɛ ba jaranar nɛ. Korowii ɛɛ tɛr nera baa dɛ ɛ wedoŋa baa ne haah chɔɛ bɛ pera dɛɛ nyin ba dɔŋa haahna kɛɛ ba dɔŋa jaranar la deŋnee.

<sup>5</sup>He bɛ gel suuga waa swɛɛ he siwi kohona. Hɛ gel anɔ la haa dɔa la magre he ne, dɛkalkɛŋɔ Korowii bolɔ ŋɔ, "Maa heyaa ta bwa, maa sie laa kpɔ he nɛɛ bwa."

<sup>6</sup>Anomanta yaa wonoo lo bambile ŋɔ, "N Naa Korowii dɛ cha mɛ, anomanta maa omɛ. ɛrɛɛ newenyini ɛɛ ba wona ɛɛ mɛ nɔ?"

<sup>7</sup>Hɛ nyinɪ he nomonome ba faa bol Korowii waa dɛɛ bagle heyaa la. Hɛ nyinɪ gɛ ba faa tɛŋɛ Korowii ŋwɛnɛ ta dɛ ba serewe, dɛɛ yarada Korowii gɛ ba faa dɛ yaradao la.

<sup>8</sup>Yeesu Kristo aa begre. Gɛ waa doa a saɲ la la, gɛɛ o ta do fini, gɛɛ wɛɛ ba doe saɲ belbwa.

<sup>9</sup>He bɛ gel wefala chɔg he liire aɛɛ he le Korowii ŋwɛnɛdɛɛge la ta. He dɛ nyin he do kpegri Korowii nɛɛ tɛŋa ta naa, hɛ kpɔ sie dawɛ chae Korowii aa sune nera nɛɛ dɛɛ cha ba la ta. He bɛ sie kpɔ dawɛ kondikwaare ane kii ne ane dii ta, dɛkalkɛŋɔ a ta wone cha nera baa kpɔ sie dawɛ a ta la.

<sup>10</sup>Juda tena Sɔfore baa dɛ ɛ toma Korowii Dea bini la ta ŋwɛnɛ dɔɛ kɛŋɔ ba di ya saraha kwaa yaa dɛ di la ane.

<sup>11</sup>Juda tena Sɔfore Nomoa dɛ ba chal ne saraha ɛɛ Korowii Bogoron Tenten la aa, o dɛ jo a ne bela dɛ kpɔ soŋɛ o nera wechɔga. Kondɛera la baa ɛ a chal la te la, daharaa baa fuah.

- 12**Ge tentenee Yeesu ge na wahala de sewe Jerusalem dahara, ase de kpo o chal de laa doŋa kpo newenyina nee áse ba e Korowii nera.
- 13**Anomanta, hé gel ya la o be dahara bela, de ka puu di o sihih waa dia la,
- 14**dekalkenjo, ya ta bwee doe dé so o ta saŋ belbwa hare bono. Bwée o taa lo sie dee ba la, o taa ya sie dawe.
- 15**Anomanta a che ke ya che Yeesu nee de e ya saraha dee te Korowii saŋ belbwa. Saraha yaa de ba ee laanee kenjo yaa dee kpeeroo dee yere o son.
- 16**He be doŋa wedeega ee ne doŋa chae waa soh, dekalkenjo a ge waa no e saraha a waa aa de le Korowii sie.
- 17**Hée no nera baa de to he sie la nyoa wa, dee e waa baa ŋoa hée e la, dekalkenjo ban dee nyinji heya. Ba do nkontaah dé bu Korowii sie de bagle ge bwa baa nyinji heya. Hée no ba nyoa wa, áse ba won e toma silee ne. De haa ba nyoa waa no aa, baa ea tebinichog nee, aa wola tono belbwa lee ba de te heya.
- 18**Hé soŋe Korowii dee te yaa. Ya jemō kenjo ya tea bini too, dekalkenjo ya de nyin ke yaa e waa aa togra saŋ belbwa.
- 19**N de soŋe heyaa kohona áse he soŋe Korowii áse o ba n ne he be warane.
- 20**N de soŋe Korowii waa ir ya Doo Yeesu seo ta la. Ya Doo Yeesu e Petegrejen dee nyinji o peera ta. Seo o gbagba aa seah de sewe la, a taa a che ase Korowii fowe foo waa wola pura doe bwa la. Kórowii waa de te bambisohna la te heyaa dadeege aa che ke he do dé won dee e o tetoora bwa. Ó che Yeesu Kristo nee de e waa waa de nyin bwa ya bini. Yeesu Kristo che jam saŋ te belbwa! Aamen.
- 22**Yabalawa, n de soŋe heyaa kenjo he lawe bambile de no waa no maa chwera de kpo dee do heyaa gbemba no. He nyinjo na naa, ton no maa chwere heyaa no aa janje belbwa.
- 23**N de nyin he jeme kenajo ba le ya doŋ Timoti dea. O balo warane ase mee ba he be naa, n ne wee bao.
- 24**Ya de na he nomonome la bwa, ne Korowii nera la bwa. Yabala Itali hare tena la ge de na heya.
- 25**Kórowii cha he bwa sekwaraa.



## Jems

### Jems 1

- <sup>1</sup>Men Jems maa ε Korowii ne ya Doo Yeesu Kristo bonoo laanee chwere ton no dae te he Israel deene fi de ane tena haa lo bobelbwa la. N de na heya.
- <sup>2</sup>Yabala, de wobelbwa pu heyaa de ε wekpega aa, he gel he sie le.
- <sup>3</sup>A che keho he jeme keho de wobelbwa pu heyaa he ta haboo bere kpo Yeesu aa, anee dae ba gela he do bambile de won che kin kin wobelbwa ta.
- <sup>4</sup>He do bambile wobelbwa ta de ka tone, ase de won che a ta de jeme wa, de do dadaege, ase wobelbwa be heyaa nya hare no ta.
- <sup>5</sup>De wobelbwa pu heyaa hae nyin a wejema aa, he soje Korowii ase o te heya. O tea cho pee, waa nen kon te o waa bere dae we o ne. Wee te heyaa.
- <sup>6</sup>Ke he kpo yarada dae sojo, de be dae tonle. Nomelbwa waa de soje Korowii dae tonle ke o ken naa o konnyinii do la, o ta yarada dae. O liire won bera warawara keho peu yon ta dae begre mpo nee dae kaa bobelbwa la.
- <sup>7</sup>Nen o liire aa ε ane la de chole, o wobelbwa aa magre. De naate de soje Korowii aa, o be dae lii keho wee no o bee.
- <sup>9</sup>De he nyao de ε Yeesu habotenre aa, gel he sie le, dekalkenho he ε nenjen Korowii be.
- <sup>10</sup>De he ε dooh ge aa, gel he sie le keho he ne nyaa la bwa ε benkpon, dekalkenho he ε nengwegre Korowii be. Haa bigri sewe keho kpo ga yon fe de chure warane de bere sewe la.
- <sup>11</sup>Ge wee yon le, de lo, ase kpo ga sewe de chure a fedaege la ta, ase a wer tone la, ge tentenee dooh gee ba sewa o kwaa nyina ta, ase o kondoo la bwa ε peepe.
- <sup>12</sup>He bini belbwa waa takapo lawe bambile dae na wahala la, o na som. De wenaale la kpo ge la sie de ba hore, ke he ta teje Korowii nee he bambile bwa ne naa, wee tee mkpa waa ho ho wee kpo te nera baa de nyinu la laanee, a ε kompon haa yoa de le ba vowe.
- <sup>13</sup>De waane pu nomel o ε wechoga aa, o be ho Korowiirii gela o ε wechoga. Wobelbwa toole de won gel Korowii ε wechoga. Waa waane gee kpo ta ya nee ya ε wechoga.
- <sup>14</sup>De waane pu nomel o ε wechoga aa, o gbabir pela waa doa laanee gela o ε wechoga.
- <sup>15</sup>Pela waa wola were la de lole wechoga, ase wechoga ge baa waraa, a yon lole seo.
- <sup>16</sup>Yabala, he be gel ba negre heya.
- <sup>17</sup>Komelbwa waa wera la le Korowii be. Komelbwa waa ε kondaege la, Korowiirii kpo ke yaa. Onee ya Mee waa ta kwaa bwa aa lo nyundua dae chaah hare. Ge kwaa no de chaah, ane ta ge aa chaah, ke Korowii te aa begre bwa.

<sup>18</sup>O gbagba tetoora ya dɔ o waa aa ε kasintɛn la dɛɛ no, dɛ che a ta ε o bii, áse dɛ su o siwi kwaa waa taa la bwa bini.

<sup>19</sup>Yabala, h́ɛɛ lii waa nɔ aa tɛnɔ nɔ. Hé gel he sie begre waa noe ta, dɛ nyinɔi kerɛde mɔɔ dɛɛ bol wa, ase dɛ bɛ gel he baah nɛɛ di warawara.

<sup>20</sup>Nɛwɛnyini bandia aa wobɛlbwa kwaa Korowii nɔwɛndɛɛge tɛnɔ ta.

<sup>21</sup>Anomanta h́ɛ le wedoɔnɔ ne wechɔga aa lɔ he bini dɛ gwaa he nɛɛ la ta, dɛ pɔwɛ he te, dɛ kpɔ he te tɛ Korowii waa la waa kpɔa do he bambili bini a won lɛ heyaa la.

<sup>22</sup>He bɛ waa la no dɛ gel a ɛɛ. Dɛ he dɛ ε gɛ naa, he dɛ negre he te. Hé ε gɛ waa la aa bagla la.

<sup>23</sup>Nomɛlbwa waa no waa nɔ, waa wola gɛ waa la aa bagla la ε la, o do kɛnɔ nɛn waa dɛ nyinɔi digi ta dɛɛ na o gbagba la.

<sup>24</sup>Waa nyinɔi o te digi la ta dɛ na gɛ waa doa la, tamaa ken, dɛ o bɛrɔ soh gɛ waa doa.

<sup>25</sup>Korowii mmara wer, o gelɔ yaa dɔ ya te, waa yaa vɔrɔwe. Nomɛlbwa waa dɛ no dɛɛ pese o bini, waa wola soh dɛɛ ε gɛ waa bagla la, Korowii ɛɛ nyinɔi naate nɛɛ o we-ɛɛla bwa taa.

<sup>26</sup>Dɛ nomɛl dɛ lii kɛ o ε Korowii torome, dɛ o ta nyotɔgbom dɔɛ yaa, o dɛ negre o nyu. Naate Korowii toma la ε pɛɛpɛɛ.

<sup>27</sup>Waa Korowii waa ε ya Mɛɛ aa dɛ nyin a do wer dɛ magre o toma bini laanee kɛnɔ, yá cha bilalbii ne luhaahna ba wahala bini, ase dɛ laa ya te kpɔ hare nɔ wechɔga ta.

## Jems 2

<sup>1</sup>Yabala, haa dɛ yarada Yeesu Kristo waa ε jirima Dɔɔ nɔ, a ta che kɛnɔ he duu nɛra bane dɛ gwaa bane.

<sup>2</sup>Dɛ he ne he bala chemo dɛɛ tomɛ Korowii, nɛra banɛ ba jo he bini, bɛl do suugaswɛm kwaa dɛ tɔ yadɛɛge, bɛl ge tɔ yadoɔn,

<sup>3</sup>ase he tɛ onɔ la waa do suugaswɛm kwaa dɛ tɔ yadɛɛge la sobɔrdɛɛge, dɛ nɔ onɔ la waa tɔ yadoɔn la be nɔ, ó te che bela kɛɛ ó ba so hare he sie naa,

<sup>4</sup>amɔ dɛ he dɛ duu bane dɛ gwaa bane. Nɛra sie bɔree hɛɛ nyinɔi dɛɛ duu bane dɛɛ nyinɔi bane nyubaahna. Haa kerɛde ε.

<sup>5</sup>Yabala, h́ɛ no! Korowii we-ɛɛlaa kɛnɔ o le hare nɔ ta nyaara baa yaradao kerɛde ase ba yarada la ɛɛ ba kondɔɔh, ase ba dɔ bɔr dɛ ja o Kora waa bage nyoa nɔ wɛɛ geloo nɛra baa dɛ nyinu ja o ta la.

<sup>6</sup>Kɛ he te lawɛ nyaara sie tegɛ hare. Dɔɔhna laa dɛɛ fiigi heyaa, dɛ lawɛ heyaa kaa che kɔoto la aa?

<sup>7</sup>Gɛ nɛra nɔ laa dɛɛ bol wechɔga dɛɛ yage Yeesu sɔndɛɛge nɔ baa kpɔa dawɛ heyaa la aa? Kɛ banee hɛɛ duu la!

- <sup>8</sup>De he de teje Korowii Kora mmara baa chwera ɲɔ, "Nyin he dɔŋ ke he te gbagba la" ta naa, de he de ε kerede.
- <sup>9</sup>Ke de he de duu nera bane de gwaa bane aa, de he de ε wechɔga. Mmara baglo keɲɔ he di bolchɔge.
- <sup>10</sup>Nomelbwa waa teje Mmara la bwa ta ke de to o bini beɲkpoŋ la, de o to o bwa, de di bolchɔge.
- <sup>11</sup>Korowiirii bagla ɲɔ, "Be jwamane bɔ." O tentenee bera bagle ke "Be nen kpo." De he ta jwamane bɔe de kpo nen naa, de he ε nen haa to Mmara.
- <sup>12</sup>Hé jeme keɲɔ Korowii de ba ya waa bola o Kora mmara waa kpɔa le yaa ase ya do ya te la ne. Anomanta hé nyiɲi he nyoo wobol ne he we-εela ta kerede,
- <sup>13</sup>dekalkɛɲɔ Korowii aa naate waa wola o dɔŋ sum na la sumii na awola waa deε bol ya waa la. Naate waa de na o dɔŋ sum la aa o waa bola ɔme.
- <sup>14</sup>Yabala, de nomel ɲɔ o de yarada Korowii, de o ta o yarada kpɔe deε ε wedεega aa, tɔnɔ besoo o yarada la dɔɔ? A ge yarada nɔ εε wonoo leo waa?
- <sup>15</sup>He nao keɲɔ he dɔŋ baa keε haah de cho waa, deε nyin yal dé tɔ, deε nyin kondikwaa ge dé di,
- <sup>16</sup>ase he ɲɔ o be ɲɔ, "Kórowii tεε bokpega de tεε bosɔɔhna," de vɔmɔ kwaa aa teo bokpega la te naa, de tɔnɔ besoo lɔ waa haa bola teo la ta nɔ?
- <sup>17</sup>Gεε a do yarada ta keɲɔ de nen ta wedεega εε deε ja o yarada ta naa, de o yarada la ε wepuu.
- <sup>18</sup>Bel lole nomel εε ɲɔɔ yaradae gboo weε yarada Korowii, ase bel ge ɲɔ wedεegaa o gee ε. Ke ge ge aa won magre. Eεε heε ba wona bag me he yarada de he ta wedεega εε deε ja a ta nɔ? N te, mεε che n wedεega εε taa ase he jeme ke n de yarada Korowii.
- <sup>19</sup>He de yarada keɲɔ Korowii beɲkpoŋii lole naa? A wer ga! Ke he ne Bɔnsam toromaa soge dabeɲkpoŋ ta. Ba gba de yarada Korowii ɔmee ne bochela ne.
- <sup>20</sup>Gene! He de nyin n bagle keɲɔ yarada wedεega εε aa wola a ta jae la ε peεpeε aa?
- <sup>21</sup>Ya naa Abraham fe aa de ba o bie Aesek kpoe de te Korowii la, a ta laa a che Korowii ɲɔ o ε nendεege o waa su o siwi la aa?
- <sup>22</sup>He ta nae keɲɔ o yarada ne o wedεega εε bwa aa pe aa? O wedεega εε taa a che o yarada ε yarada kasinteɲ.
- <sup>23</sup>Belaa Korowii Tɔn waa la ε kpela keɲɔ baa ɲɔa ɲɔ, "Abraham yarada Korowii, ase o yarada nomanta Korowii ɲɔ o ε nendεege o waa su o siwi" la. De ba de yero Korowii dam.
- <sup>24</sup>Ke he nao kenε, nen wedεega εε ne o yarada bwa taa a che weε ε nendεege o wa εε su Korowii siwi, o yarada gbo ta laa.

<sup>25</sup>Gɛ tentenee a do hanjwamane baa dɛ yero Rahab la gba nɛ. Israel tena toroma bane aa bala dɛ fe ba sɔh hweli o bwɛɛ hare waane dɛ ka taa ba bwɛɛ tena be la, o lɛɛ ba sɔh dɛ bag ba ɲwenɛfale ba chwa kaa. Gɛ wedɛɛga nɔ taa a che Korowii ɲɔ o ge ɛ nendɛɛge o waa su o siwi.

<sup>26</sup>Anomanta gɛ nen ta hweera dɔɛ yaa dɛ o sewɔ la, gɛɛ yarada wedɛɛga ɛɛ aa wola a ta jae la ɛ yaradapuu.

### Jems 3

<sup>1</sup>Yabala, he bwa laa che kɛ he gel he sie begre Korowii waa bagla ta, dɛkalke gɛ haa jema la, ya nera yaa dɛ bagle Korowii waa la waa binii wɛɛ ba nyiɲa kerɛdɛ gwaa nera baa kaa la.

<sup>2</sup>Ya bwa dɛ koni saɲ belbwa. Dɛ nen aa wobɛlbwa waa dɛ bol la ta koni aa, dɛ o ɛ nenkaih tenten. Nen waa won o wobol nyiɲa la, o won o te lawa wobɛlbwa ta.

<sup>3</sup>Ya kpɔ bune dɛɛ do jagre nyoo áse aa no ya wa, ase ya won a bera dɛɛ kaa bela bwa yaa dɛ nyin.

<sup>4</sup>Yá ta sie na gɛ stiimae aa kana ase peukpeg yon ta dɛ kpɔɔ dɛɛ kaa, kɛ dajegaa belee lɔ o ta ba kpɔ dɛɛ menɛ o sie ase wɛɛ kaa bela bwa baa dɛ nyin.

<sup>5</sup>Gɛɛ nyondoɲe do jegaa nen bini, kɛ dɛ won wejena ɛɛ. Hé na gɛ kɔr aa doa ase nihɔl won o fuih.

<sup>6</sup>Nyondoɲe do keɲɔ nihɔl ken, dɛ won wechɔga ɛɛ taeh ya bini, dɛ won yaa chɔga ya sogɔ bini bwa. Bɔnsam niinii dɛɛ choɲu.

<sup>7</sup>Kpɔg bini ola ne olchɔga ne jumbii ne kwaa aa dɛ huuh ne mpo bini peɲa bwa, nen won a dɛera á do pwere.

<sup>8</sup>Kɛ nyondoɲe te, nomɛlbwa toole dɛ won o nyiɲa. O ɛ konchɔge haa wola won togro. O dɛ kpo keɲɔ tegchɔga ken.

<sup>9</sup>O nee yaa jam Korowii waa ɛ ya Naa ne ya Mɛɛ la, dɛ berɛ kpɔ o tenten dɛɛ taah ya dɔɲa Korowii aa ta ba keɲɔ o tenten la.

<sup>10</sup>Nyooa beɲkpoɲ la taa wobodɛɛga ne taahna bwa ɛɛ le. Yabala, a ta che keɲɔ aa ba gɛ!

<sup>11</sup>Nenabɔɔ ɛɛ wonoo pale, o nee ane do som ase ane ge do nyɛgre aa?

<sup>12</sup>Yabala, pur da ɛɛ wonoo nɔnɛ sombie aa, kɛɛ bambi ɛɛ wonoo nɔnɛ pur nɔna aa? Gɛ tentenee nenabɔɔ o nee aa do nyɛgre la aa wola won berɛ do som bug ta tenten.

<sup>13</sup>He bini umee ɛ wejereme dɛɛ no waa mun ɔ? Gel o pwer o te dɛɛ ɛ wedɛɛga áse o da bagle kɛ o ɛ wejereme.

<sup>14</sup>Dɛ he dɛ nyin kɛ he gbo dɔ, dɛ dɔ bɔweela ne sibegra he bambile bini naa, amɔ he bɛ sɔn dɛɛ nyin dɛɛ ɲɔ he dɔ wejema. Dɛ he dɛ ɛ gɛ naa, dɛ he ta kasinteɲ dɔɛ.

<sup>15</sup>Gε wejema nɔ ta Korowii doa wejema εε, a ε hare ta kwa. Korowii Domadεεge toole a ta. Bɔnsam liiree.

<sup>16</sup>Anomanta bela bɔweela ne n gbo dɔ aa lole la, belaa wesagasagare ne wedoŋa bwa do.

<sup>17</sup>Nɛn waa dɔ Korowii doa wejema la, kenii o da do: O waa do kaih, o waa dɔ deŋnesɔɔhna, o pwere, o de no o dɔŋ wa, o de na o dɔŋ sum, o ε nendεεge, o we-εela bwa wer, waa nera bane duure dεε gwaa bane, o tea too.

<sup>18</sup>Nɛra baa de nyin deŋnesɔɔhna la, nyopeo nee baa ε ba wa, aa le wedεεga.

## Jems 4

<sup>1</sup>Bɔkwaa dεε ba nagra ne he baah ta nɔ? Kwaa haa de pele a nee laa dεε ba a ne naa? Anee dεε yo heya.

<sup>2</sup>Kwaa haa de nyin haa wola dɔ la waa hεε kpoo dɔŋa la. He de nyin kwaa sibegra ne, ke haa dɔ, a waa gela hεε nagre dεε yo la. Haa wola Korowii soŋe la waa haa wola he konnyina dɔ la.

<sup>3</sup>He de soŋo, ke haa dɔ, dekalkeŋɔ liire haa chege a ta dεε soŋo la aa were. He gbogbo konnyina ne kwaa haa de pele a nee waa hεε soŋo.

<sup>4</sup>He nenchɔga nɔ haa veh Korowii keŋɔ hanchɔge waa de nyin baala nɔ! Haa jeme keŋɔ nen waa de nyin hare nɔ ta kwaa la veh Korowii de ε o dɔm keε? Nomelbwa waa danre hare nɔ ta kwaa nyina ne la veh Korowii.

<sup>5</sup>Ke he de lii keŋɔ pεεpεε Korowii Tɔn la ŋɔ lileo Korowii aa kpɔa do ya bini la de mee la?

<sup>6</sup>Ke chae Korowii aa na ya sum dεε cha yaa la, on kpega, ge Korowii Tɔn la aa bagla ŋɔ, "Korowii de ba nera baa de ε sɔnnyin la ne hare, dεε cha nera baa de pwer ba te."

<sup>7</sup>Anomanta hε kpɔ he te te Korowii ase de no o be. Hε yo Bɔnsam. Wεε chwao le he be.

<sup>8</sup>Hε suh tel Korowii, ase o suh ba he be. Wechɔg-εera, hε chare he liire de le he wechɔga ta. He banɔ la he liire aa ε anene la, hε laa dɔŋa kpɔ he ne.

<sup>9</sup>Hε gel he tea bini chɔg, he wi. Hε gel he mama bere wii ase he silεε ge bere sum.

<sup>10</sup>Hε pwer he te te Korowii. Wεε gɔɔ heyaa.

<sup>11</sup>Yabala, he be he bala dεε ŋwale. Nomelbwa waa ŋwale o dɔŋ keε de pwaoh la, de Mmara laanee o ŋɔ aa were dεε pwah la. De he bol waa dεε yage Mmara la aa, amɔ te de haa waa Mmara la aa bagla la ε. De he de gɔɔ he te dεε pwah Mmara la.

<sup>12</sup>Korowii gbosoro de won do mmara de won bol nen wechɔga wa, o gbosoro de won le nera de won chɔg bane ge. He gee umeo dε won bol he dɔŋ bwara wechɔge ɔ?

<sup>13</sup>Hé bere dæe no. He bano la haa de lii he nyuune bini dæe no, "Fini kee toperere no topesoo yaa la bwæe no bwesoo taa de ka di benanyoa dæe di bona de nyin kwa,"

<sup>14</sup>Ke de he ge aa jeme ge too aa de ba he pera la! Ge koole yon ta, ke aa bigri de yon kaa la, gee he mkpa do.

<sup>15</sup>Anomanta a fe che kenjo he no, "De Korowii seoh de te yaa nywene te naa, too peroo yaa ka e kenii kee anoo."

<sup>16</sup>Ke taraken he de e mbarafo ke he gbo ee wonoo e ge haa de nyin. A ge waa la bwa e wechoga.

<sup>17</sup>Anomanta nomelbwa waa jeme waa aa wera kenjo o e, de veh ee la, de o e wechoga.

## Jems 5

<sup>1</sup>Kondoohna ge, hé no n be! Waa aa de ba heyaa pui la nomanta, hé dooge lojore dæe wi.

<sup>2</sup>He kondooch chogo, kwaa di he bwara laala bwa.

<sup>3</sup>He suugaswem ne suugaponja bwa ge deero. Awola Korowii aa de ba he waa bola la, he suugare aa deera la ee e dansee kenjo he e wechoga, de we heyaa kenjo nii ken. Bokwaa hee cheg suuga waa bwa jaga toperere no ta de eo?

<sup>4</sup>Hee no! Nera haa kpoo ba, ba e he kooni tomare he ta ban kem boe de faah ba la de wi he tel. A ge nera la wii chole Korowii waa e komelbwa Doo la denja ta.

<sup>5</sup>He do sobordeege hare no ta de so, dæe di he bwara. Ge haa de di he bwara la, he do kenjo kondere baa ku kpoga dæe teo o di de je ba kpoo la.

<sup>6</sup>He pa nendeege ba wa aa do kaih la bolchoge de kpoo ba, ba ta wone e wobelbwa de le ba te.

<sup>7</sup>Ke yabala, hé lawe bambile de ka tel ge san ya Doo la aa ba. Hé na ge paa yon so kpa bwaala logla a ne o du o kwa, de lawe bambile ase yoo ge yo moo o koo kwaa la yon e la.

<sup>8</sup>Ge tentenee che kenjo he ge lawe bambile de che kinjin, dekalkenjo he Doo la bala telo.

<sup>9</sup>Yabala, he be denja waa dæe nagre ase de ba di bolchoge Korowii sie. Ya bole pae de tel.

<sup>10</sup>Yabala, hé nyinji Korowii keamere la baa chege o son ta de bol waa bagle nera la na, de na ge baa na wa, ke de won lawe bambile ba wahala ta la. Hé ge e ge.

<sup>11</sup>Ya de yere nera baa wona lawe bambile de che kinjin la silæ tena. He fa no Job wa, ge waa wona lawe bambile de che kinjin o wahala bini ka tone, ase a haboo Korowii chao. Nera waa de dome Korowii tea wee sune ba ne.

**12**Yabala, anɔ la aa jaa de e siswem waa laanee ke he be Korowii kee hare kee komelbwa dee nwee. Ba de boɔ heyaa waa de a e kpela aa, he seh nɔ, "Ooh," de nyosone gee yaa, he nɔ, "Ooho." He be nwee ja, ase a be wechɔga e de te heya.

**13**De sibegrewaane pu belbwa naa, wee soɔe Korowii. De silae waane ge pui naa, go yela de kpee Korowii.

**14**De he bini belbwa ge bwara de weo waa, o tome nen o ka yere asore la bini nomonome ase ba ba ba kpɔ noo lege o tile Yeesu son ta, de soɔe Korowii teo.

**15**De ba kpɔ yarada de soɔe Korowii aa, weela te la ee do bokpegaa. Ya Doɔ la ee geloo o bwara do kpegri. De wechɔga anee o e kwaraa naa, Korowii ee kpɔ keo.

**16**Anomanta a wer kenɔ he bol he wechɔga dee bagle he bala he ne baa tenɛ Yeesu nee la, ase ba ge won de soɔe Korowii dee te heya, ase o te heyaa bokpega, dekalkenɔ nendeege de soɔe Korowii aa, o de no de e dee teo.

**17**Korowii keame Elaeja fa e nen kenɔ yan. O soɔe Korowii taeh de nɔ o gel bwaala nee, ase bwaala ta nee, hwel che bene atoro korobie anumel.

**18**Ase o bere soɔe Korowii ja de nɔ o gel bwaala ne, ase nyundua pili, bwaala ne taeh, hare ta kwaa bwa le.

**19**Yabala, de he bini bel nyogro le kasinten nwene la ta, ase he bini bel ge won bere chao de baglo ase o bere ba tenɛ kasinten nwene la ta ja aa, de naate waa chao la e waa taeh.

**20**He jeme kenɔ nomelbwa waa wona cha wechɔg-ee ase o gel wechɔga ee de bere baa e wedeege ja la, de naate le wechɔg-ee la nyu, de gel o wechɔga damanta bwa waa ea la, Korowii kpɔ keo.



## 1 Pita

### 1 Pita 1

<sup>1</sup>Men Pita maa ε Yeesu Kristo torome la, men chwere ton no dee te he Korowii nera haa pegra de ka ε hoohra Pontos ne Galaasia ne Kapadoosia ne Eesia ne Bitiinia harere ta la.

<sup>2</sup>Korowii waa ε ya Mee chege jema waa jeme heyaa wubwa la ta de le heyaa kenjo o nera de te o te. O Domadεge laanee gela he do goron, de gel hee teje Yeesu Kristo waa ta, ase o chal yagle he donja he ne. Kowowii cha heyaa de te heyaa bosohna kohona.

<sup>3</sup>Hε gel ya kpjo jam te Ya Doo Yeesu Kristo Mee Korowii. Waa de sune ya nee kohona nomanta, o chege ira waa ir Yeesu Kristo seo ta la ta de gel ya ε nenfala. Ano gelo ya do hwega aa awola jaga doe bwa.

<sup>4</sup>Ya de hwεge kondooh waa kwaara cheg yaa la ta kenjo aa ε ya kwaa. O kwaa a bwa cheg heyaa Korowii doa, belaa aa wola poh, aa wola chog, aa wola tu bwa.

<sup>5</sup>He chegaa a che. He yarada nomanta Korowii kpjo o kpegri to he ne, wobebwa aa wola won ε heyaa ka tel kenjo waa ba le heyaa. O ε lee waa ba le heyaa la wobebwa tone, de le heyaa waa bwa jaga san.

<sup>6</sup>Anomanta he do silee kohona, ke he tea bini ee chogoo tama te, dekalkenjo Bonsam ee daah heyaa daahna bwa soosiwii na.

<sup>7</sup>A bwa de bagle kenjo he yarada la ε yarada kasinten. Suugaswem kwaraa no, nii nee baa jeme a kasinten, ke a de chog. He yarada la gwaa suugaswem, anomanta a che ke ba daah heyaa na ase he won che kinjin. Belaa baa ba heyaa kpeera, ase he do jirima, de do son awola Yeesu Kristo aa ba ya nao la.

<sup>8</sup>He ta on nae ka, ke he de nyinu. Taraken gba, haa on na, ke he de yaradao. Anomanta he sie de le kohona nen aa wola won bagle a wa.

<sup>9</sup>He yarada do mun. A gelo Korowii ee le heyaa, wee le heyaa ka tone.

<sup>10</sup>He lee no, Korowii keamere fa de bagle ge Korowii aa de ba he nee suna de le heyaa la wa, ase de swee siwi de pese Korowii waa waa bola la de jeme a bini kerede.

<sup>11</sup>De Kristo Doma soge ba nee dee bagle wahala Kristo aa de ba nae, de bagle jirima aa de ba bala wahala la haboo. Ba takapjo kenjo ba fee won jeme toperere aa de ba chiga, ne ge aa de ba ee.

<sup>12</sup>Korowii gelo a ge keamere la jeme kenjo ba koeh baa de koh la, ba laa de di a tono, heyaa ba koh dee te. Waa haa noa taraken de le Amanesoma baa bola he be la ta la, ban fa bola. Korowii Domadεge waa tomjo ya be laanee cha ba ba bola he be la. Korowii nyundua toroma kwaraa de nyin a ge waa no de jeme.

<sup>13</sup>Anomanta he ir nyu ne de gel he sie cho hare. He kpjo he hwega bwa do chae Yeesu Kristo aa cha heyaa awola waa ba nera bwa nao la ta.

<sup>14</sup>Haa ε Korowii bii dεε no o deηna waa nomanta, he be he pelchoga waa he faa lo biro ta dεε teηe a ta la dεε ε.

<sup>15</sup>Ge Korowii waa le heyaa te o te aa do goron la, he ge do goron ge he we-εela bwa ta,

<sup>16</sup>dekalkenba chwere Korowii Ton bini ηo, "He do goron, dekalkenba n do goron."

<sup>17</sup>Korowii waa wola nen sie bor nyiηe de bol waa dεε pa bole la, onee he wi dεε yero he Mεε la. Anomanta he kpε he te ke hohra he sogabini hare bono, dεε teo duure, dεε omo.

<sup>18</sup>He jemε kenba Korowii aa le heyaa le he naanar wesale he faa lo a ta la ta la, hare bono kwaa aa de chog kenba suugapon keε suugaswem ne laa o yawε heya.

<sup>19</sup>Yeesu waa do ke saraha pebie doηa belbwa aa wola toole o ne, waa wola kirihiah bobelbwa dii la, o gbagba chal nee Korowii yawε heya.

<sup>20</sup>Korowii aa leo ηo o ε a ge toma no, de ba ta nyundua ne hare tae mo. Ke he waa o koh de gel o ba hare nera nao, topera aa ka mun no ta la.

<sup>21</sup>O nee a che he yarada Korowii. Korowii gee iru seo ta de teo jirima. Anomanta he yarada ne he hwεga haa de hwεge la, Korowii nee a bwa do.

<sup>22</sup>Taraken no haa seh kasintey la ta teηa, ase a che a ta he doηa le he nee hee nyin doηa kerede no, he den dεε nyin doηa kohona bambile bwa ne,

<sup>23</sup>dekalkε ba berε kwaa lole heyaa nenfala. Nen waa de sewε la dwee laa heyaa kpa, Korowii waa wola sewε bwa la dwee heya. Korowii Waa aa de te mkpa de do le san belbwa la taa a che ba kwaa lole heya.

<sup>24</sup>Korowii Ton bolε ηo, "Nwenyini bwa do ke kpoga, ba jirima ge do ke kpoga fee. Kpoga de sewε, a fee gee lee.

<sup>25</sup>Ke Korowii Waa te lole san belbwa." A ge waa noo Amanesoma baa bola bagle heyaa la.

## 1 Pita 2

<sup>1</sup>Anomanta he le wechoga belbwa kenba doηa negra belbwa, ne nera sie nyiηa dεε ε wa, ne boweela ne nera waa bola belbwa sese ta.

<sup>2</sup>He ge he siwi swεε Korowii Waa la noe ta kenba bechasohne siwi yon swεε elnee ta la, a che a ta he won kpeg he lee waa la ta.

<sup>3</sup>He dage ya Do la na taraken de na ke o wer.

<sup>4</sup>O te ε Bwe waa do mkpa. Nwenyini liiru konsala de veoh, ke onee Korowii te nyiηi ke o ε Bwedεege o wa aa hiah dεε nyinu. Haa ba o be no,

<sup>5</sup>He ge do ke bwea aa do mkpa. Hé gel o kpó heyaa ma Korowii Dea áse he e Korowii Sòfore haa do goron, ase de che Yeesu Kristo nee dee tome Korowii bambile bwa ne a e saraha dee su o siwi.

<sup>6</sup>Ba chwere Korowii Tón bini njo, "Na, n pene Bwedeege o wa aa hiah, de kpó pa n dea mun Saayon o lawo kponje. Nomelbwa waa de yaradao la, waa sihih di bwa."

<sup>7</sup>He nera haa de yaradao ge be la, wee e Bwedeege o wa aa hiaah te heya. Ase nera baa wola on yaradae ge la, wee e ge baa chwera Korowii Tón bini laanee ba be, kejo: "Bwe la mamaala aa veah la, onee bera lawe dea kponje la,"

<sup>8</sup>de e ge baa bera chwere o waa njo, "Bwe waa de ba gela nera lo naa de chogli laanee la." Ba veh Korowii waa la ta tenja, an gela baa lo na. Korowiirii chega ge.

<sup>9</sup>Ke he te la, Korowiirii le heya. O Kora Sòforee heyaa. He do goron. He e o nera waa le heyaa njo hée bol o nyokpowaa waa ea. On le he ne biro ta de ba he ne o bochaah waa wera kohona la ta.

<sup>10</sup>He fa ta Korowii nera ee, ke taraken te, o neraa heya. O fa ta he sum nae, ke taraken te, o na he sum.

<sup>11</sup>N dandeege, n de soje heyaa kejo haa e hoohra bono, bono aa wola he bwee ee no, hé laa he te kpó he bwadabii pelchoga ta. Anee dee vuugi heyaa haa wola won e waa Korowii aa kpó do he bambile bini la.

<sup>12</sup>Haa lo nera baa wola Korowii tome baah no, hé gel he wobelbwa togre, ase de ba de bol he waa njo he e wechog-eeera aa, a haboo la, ba na he we-eela kejo a wer, de kpó jam te Korowii awola waa ba ya ne o na donja la.

<sup>13</sup>Hé koh ya Doo la waa de pwer he te dee te nomonome baa cheg ba hare bono bwa, he hare bwa nyu waa cho wobelbwa nyoa,

<sup>14</sup>ne o ge nera waa lee ba njo báa ter wechog-eeera denne dee kpée nera baa de e waa a njwene ta la.

<sup>15</sup>Korowii de nyin ke hée e wedeege de won dee to gena njwene ba be won bol genewaa dee chog heya.

<sup>16</sup>Hé so kejo nera haa do he te haa wola yoma ee. Ke he be doe haa do he te la kpó dee e wechoga. Hé gel nera na kejo Korowii bonona ne tolii heyaa he sogá bini.

<sup>17</sup>Hée te nomelbwa duure, dee nyin he bala baa de yarada Yeesu Kristo la. Hée ome Korowii, de kpó duure dee te he hare bwa nyu.

<sup>18</sup>He banó la baa de do heyaa bonona kee toli la, hé pwer he te dee te he dooranar dee duu ba. He dooranar ba tea aa soma ba do pwere gbo laa n njo. Hée duu banó la ba nyu bini aa kpega gba.

<sup>19</sup>Maa de njo no, naate baa de fiigu aa wola a njwene ta ee, ase o koh Korowii waa de won lawe bambile la, a wer dee le Korowii sie.

<sup>20</sup>Haa ε wechōga, ase de lawe bambile ba lōre a waa la, bōkwa sōnee lō he bambile lawa la ta nō? He ε wedeega, ba gare koh a waa dεε εε hōhōrōwa he lawe bambile aa, a ε sōn dεε tεε Korowii be.

<sup>21</sup>A ge waa nōo Korowii le heyaa nō hεe na, dεkalkεnō Yeesu Kristo koh he waa de na wahala, ase a chō tε heyaa kεnō hεe lawe bambile he wahala ta. Ba chwero nō,

<sup>22</sup>"O ta wechōga εε bwa. Nyosonwaa ta o nyoa lee bwa."

<sup>23</sup>Ba faa de chegro chegtōrō la bwa la, o ta nyoa pile chege nomelbwa. Ba faa de εo hōhōrōwa la bwa la, o ta nomelbwa aahre. O kpō a bwa tε Korowii waa de bol nera bwa waa dεε pa bole kasintεn ne la.

<sup>24</sup>O gbagba lε ya wechōga dawε o nε, de na wahala dagagre ta, ase ya bε so tε wechōga, de so tε wedeega εε. Pirae baa pirao la taa a che he dō bokpega.

<sup>25</sup>He fa do ke peera aa kpaṅa, ke taraken te, he ba he Dōo waa de nyinji he nyu la be.

### 1 Pita 3

<sup>1</sup>He haahna ge, hé pwer he te dεε tε he jaranar. De he de ε ge naa, he bano la he jaranar aa wola Korowii waa yaradae la, he we-εela εε geloo ba yarada. Haa nyoa kwaraa pili bol wa,

<sup>2</sup>dεkalke baa na ge he we-εela aa wera doṅa belbwa aa wola toole a ta, ne ge haa de omε Korowii.

<sup>3</sup>Ge haa de ε he nyumpona, ne suugaswem konkwaare kεnō baṅa kwaa ne deṅna kwaa doe, ne laala haa de do laa de gel he do wer toli.

<sup>4</sup>Hé gel nera na he wer waa aa lō bambile bini siwi aa wola an na la ta. Hé do pwere, dεε ε waa bōeh. Anee wer aa wola tu bwa, de do wer kohona Korowii be.

<sup>5</sup>A saṅ la haahna ba faa de tomε Korowii kasintεn ne dεε yaradao la, de ba pwer ba te dεε tε ba jaranar. Anee ba ge wer.

<sup>6</sup>De gεε Abraham haah Saara ge do. O pwer o te tε o jaa de faa yero o dōo. He waa togrō, haa omε ge aa, ate Saara biirii heya.

<sup>7</sup>Baala ge, gεε a che ke he dō liire he ne he haahna sogā bini, de jeme kεnō baa kpege kεnō heya. Héε duu ba, dεkalkεnō he ne ba bwaa dεε ba Korowii mkpa waa cha heyaa hεe ba dōe la dōe. Héε ε ken áse wobelbwa bε he Korowii soṅa ḡwene tō.

<sup>8</sup>Waa maa de nyin n bol laanee kεnō hé gel he nyoa pε, hé dō dōṅa chal, héε nyin dōṅa kεnō nyabii, dεε sune dōṅa nε, de pwer he te dεε tε dōṅa.

<sup>9</sup>He bε wechōga kpō dεε bō wechōga kem. He bε wobochōga kpō dεε bō wobochōga kem. Nen εε wechōga aa, soṅe andeega tεo. Korowii aa le heyaa la, dé héε ε ge áse o te heyaa hεera.

<sup>10</sup>Ba chwero do Korowii Tɔn bini ŋɔ, "Nomelbwa waa de nyin mkpajan, dee nyin ke o bwara soohno la, wee nyinji o nyoa kerede. O be wobochoga dee bol, o be nyosone dee teje.

<sup>11</sup>Wee ke o te wechoga ta, dee e wedeega. O swee siwi dee e waa aa de ba nyopeo ne.

<sup>12</sup>A do ge, dekalkere nera ba we-eela aa wera de su Korowii siwi la, Korowii de nyin ba, dee no ba wesona. Ke nera baa de e wechoga te, o ne baa jo."

<sup>13</sup>He siwi swee wedeega ee ta naa, umee dee ba he hae yo?

<sup>14</sup>He de e wedeega a che a ta hee na waa kwara naa, de he ta som nae yaa? A ba ge naa, be nera baa de hae la ome. Be gel a hae.

<sup>15</sup>Hee duu Yeesu Kristo dee omo he bambile bini keho he Doree on. He kpo he te san belbwa, ase nomelbwa bo heyaa he hwega haa do wa aa, he won baglo a bini.

<sup>16</sup>He de bagla aa, he kpo sisona ne taa dee bagla. A che ke he tea to he jeme keho nomelbwa aa he wobelbwa do de bol. He de e ge naa, nera baa koh he teja haa de teje Yeesu Kristo nee ne he wedeega haa de e waa de bol wobochoga dee yage heyaa la, sihih ee kpo baa.

<sup>17</sup>He de e wedeega dee na wa aa, an wera ke haa de e wechoga dee na wa. De Korowii tetoora ke he koh he wedeega ee waa dee na wa aa, a wer.

<sup>18</sup>Yeesu Kristo gbagba sewo te heyaa de bo wechoga kem. Kerabenkponji o sewe, waa wola bere sewe kpa. O ta wechoga ee bwa, ke o sewo te wechog-eeera. Ge waa e ya ne Korowii pe waa o e ge. Baa kpoo la, o bwadabii sewa, ke o lileo te do mkpafale.

<sup>19</sup>O lileo la lala baa vɔg ba Lala Bwee la be, de ka bol Korowii Waa ba be.

<sup>20</sup>A san la tena baa e denekpeg de veh Korowii Waa noe ge san Nowa faa de kwaa o gberjen la la, ba lalaa o bol Korowii Waa bagle la. Korowii fa lawe bambile ba nee bigri, de ka tel keho Nowa aa kwaa o gberjen la tone. Nera tama baa lo o bini laanee Korowii le nee la ta. De ba lo nera banuatoro.

<sup>21</sup>A ge nee no chego te Korowii nee baa de so yaa aa le yaa la. Korowii nee soe ta bwara dona yagla ee. Korowii nee soe munii ke ya soje Korowii o te yaa tepon. A chege Yeesu Kristo seo ta ira ta ase nee soe la won dee le yaa.

<sup>22</sup>O kaa Korowii be nyundua, de ka so nomombor o dig ta, dee di kora nyundua toroma ne konchoga aa bea yaa wola an na bwa soosiwi ne.

## 1 Pita 4

<sup>1</sup>Yeesu Kristo aa baa e newenyini la, o na bonyega. Anomanta a che ke he kpo he te de jeme ke gee he ge bwara ee ba nyega. Nomelbwa waa wona lawe bambile de na bonyega ka la, waa wechoga e.

<sup>2</sup>Le fini dee kaa, he kpo Korowii tetoora dee to sie he soga bini hare bono. He be kwaa newenyina aa de pele a ta la nee dee teje kpa.

- <sup>3</sup>Waa nera baa wola Korowii tome aa de ea ase he faa ea la, he ta a nyoa nae yaa? De he sie de le jwamane ne pelchoga we-eela ta. De he de so sen, dee e sagasaga, de lawe dɔŋa dee nyo sennyobala. De he de tome voga dee jo Korowii kii ne.
- <sup>4</sup>Nera baa wola Korowii tome la, a de ee ba anebelbwa keŋo he ne baa wola pee dee e wedoŋa ne wesagasagare baa de e la. A waa baa chegre heyaa la.
- <sup>5</sup>Ano bwa baa de e no, baa ba toh ba nyoa Korowii siee. O kpo o te dee ba weera ne lala bwa waa bola de pa bole.
- <sup>6</sup>Nera baa serewa la, ba bol Amanesoma no bagle ba ge, dekalkeno Korowii ee bol ba ge waa de pa bole ge waa de ba weera ee la. Waa ba faa de e ge san baa wola sewe mo la, anee wee ba nyina de pa ba bole. Korowii de nyin ke ba do mkpa ge waa do mkpa la, a waa o gel Yeesu bol Amanesoma la chag ba la.
- <sup>7</sup>Wobelbwa jaga topere la telo. Anomanta he nyini kerede, de gel he sie cho hare, ase de won dee soŋe Korowii kerede.
- <sup>8</sup>Waa aa e wehiah kohonaa ke hee nyin dɔŋa bambile bwa ne, dekalkeno dɔŋa nyina de to wechoga kerede ta.
- <sup>9</sup>He doŋ baa choge naa, leo, be waa dee nagre.
- <sup>10</sup>Kpegri belbwa nomelbwa aa do la, Korowiirii kpoa chao ho o kpo dee e o Korowii toma. Anomanta belbwa nyini o toma ta kerede, de kpo dee cha o bala.
- <sup>11</sup>Nomelbwa Korowii aa chao o won dee bol o Waa la, wee bola de jeme keŋo Korowii Waa wee bol la. Nomelbwa Korowii aa chao o won dee tome o doŋ la, wee tomo bokpega Korowii aa teo bwa ne, ase wobelbwa ta la, Korowii che Yeesu Kristo nee de do son. On che kpegri ne jirima aa wola jaga doe bwa. Amen.
- <sup>12</sup>N dandega, he be gel nii haa de na taraken no kpo he nyoa. Daahnaa Korowii kpoa dee daah he yarada. He be gel a e heyaa wehoora.
- <sup>13</sup>He gel he sie le keŋo haa de na Yeesu Kristo wenaale dɔŋa no, ase awola haa ba na o jirima waa do la, he sie le, he bwara sooh heyaa kohona.
- <sup>14</sup>De ba koh he teŋa haa teŋe Yeesu Kristo nee la waa dee chegre heya aa, he na som. A ba ge naa, a de bagle keŋo Korowii Domadeege o wa aa do jirima la soge he ne.
- <sup>15</sup>De he bini bel de na wahala aa, a be e keŋo nenee o kpo, kee hwee o hwe, kee nenchogee on, kee nyoaa o kpo do nera waa ta.
- <sup>16</sup>De a chege he Kristo te ee ta ase hee na wahala aa, be gel a ee sihih. Jam Korowii keŋo Yeesu Kristo son aa dawe he ne.
- <sup>17</sup>To pere telo keŋo Korowii bol newenyina waa de pa bole. Korowii nera nee wee ba mun pae. Waa de ba ya kwaraa kpo pa mun no, de eree nera baa wola Amanesoma la yaradae waa ee ba doe yo?



<sup>18</sup>Korowii Tɔn bolɔ ŋɔ, "Nɛra baa ε nɛndɛɛga ba waa su Korowii siwi kwaraa la, dɛ a kpegri kɛŋɔ ba dɔ ba nyu aa, dɛ wechɔg-ɛɛra baa wola Korowii ɔmɛ la, ɛɛɛ ba waa ɛɛ ba doe yɔ?"

<sup>19</sup>Anomanta he nɛra aa ε Korowii tetoora kɛ he na wahala la, hɛɛ ε wedɛɛga, dɛ kpɔ he te do Korowii waa ta heyaa la nɔn ta. O waa dɔ kasintɛŋ.

## 1 Pita 5

<sup>1</sup>N dɛ nyin n bol waane he asɔre nomonome baa dɛ tɔ he sie la be. Asɔre nomoa la bɛlee n ge. N gbagba kpɔ siwi na wahala la soo Yeesu Kristo aa naa. Awola waa dɛ ba gela nɛra na o jirima la, n gee dɔ o jirima la bɛlee. N dɛ soŋe heyaa kɛŋɔ

<sup>2</sup>hɛɛ nyiŋi Korowii nɛra baa ε o peera waa kpɔ ba tɛ heyaa ŋɔ hɛɛ nyiŋi ba nɛɛ la kerɛdɛ. He bɛ gel ba do heyaa mɔɔ hɛɛ nyiŋ ba kerɛdɛ, hɛ gel a ε he gbagba tetoowa. He bɛ suuga sibegra waa koh dɛɛ ε gɛ toma nɔ, hɛ nyiŋi nyina haa dɛ nyin kɛ toma la kaa kerɛdɛ la dɛɛ ɛa.

<sup>3</sup>He bɛ kpegri dɛɛ di nɛra baa kpɔ ba do he nɔn ta la nɛ. Hɛ gel he we-ɛɛla do wer ɛsɛ ba nyiŋa dɛɛ chaara.

<sup>4</sup>He dɛ ε gɛ naa, Petegra Bwa Dɔɔ la balaa, wɛɛ tɛ heyaa jirima kon o wer aa wola tu bwa, o ε kompoŋ haa yoa dɛ le ba vɔwɛ heya.

<sup>5</sup>He bonɔɔna ge la, hɛɛ tɛ he nomonome duure. Hɛ bwa pwɛr he te dɛɛ tɛ dɔŋa, dɛɛ cha dɔŋa, dɛkalkɛŋɔ Korowii Tɔn bolɔ ŋɔ, "Korowii ne mbarafo tena aa jo, kɛ o de sune nɛra baa dɛ pwɛr ba te nɛɛ dɛɛ cha ba."

<sup>6</sup>Anomanta, hɛ pwɛr he te dɛɛ no Korowii waa dɔ kpegri bwa la wa, ɛsɛ o gɔɔ heyaa ir tɔpere waa wera o be ta.

<sup>7</sup>Wobelbwa aa dɛ ha heyaa la, hɛ kpɔa bil Korowii sie, dɛkalkɛŋɔ he waa lɔ o bambile ta.

<sup>8</sup>Hɛ gel he sie chɔ hare, hɛɛ nyiŋi kerɛdɛ, dɛkalkɛŋɔ he dɔm Bɔnsam lole. Gɛ nyujente yon dɛɛ kɔgre, dɛ gaage dɛɛ nyin ola dɛ lawɛ la, gɛɛ o ge gaage dɛɛ nyin nɛra dɛ lawɛ.

<sup>9</sup>Anomanta hɛ che kiŋkiŋ he yarada ta. He bɛ Bɔnsam ŋwɛnɛ tɛ. Hɛ jɛmɛ kɛ he bala baa dɛ yarada Yeesu bobɛlbwa la dɛ na a gɛ waa nɔ haa dɛ na nɔ dɔŋa.

<sup>10</sup>Kɛ he baa na waa tama aa, Korowii waa dɛ na nɛra sum dɛɛ cha ba kohona la, o gbagba ɛɛ kwaa he wobɛlbwaa, dɛ gel he che kiŋkiŋ, dɛ do kpegri, dɛ lawɛ heyaa he bɛ chole. Onɛɛ le heyaa hɛ won che pɛɛ he ne Yeesu Kristo aa pɛa la ta dɛ dɔ o jirima aa wola jaga dɔɛ bwa la.

<sup>11</sup>On che kpegri aa wola jaga dɔɛ bwa. Amen.

<sup>12</sup>Silaseɛ cha mɛ n chwɛrɛ heyaa tɔmbora nɔ la. N jɛmɔ kɛ o waa dɔ kasintɛŋ ya tɛŋa yaa dɛ tɛŋe Yeesu Kristo nɛɛ nɔ ta. N dɛ nyin he jɛmɛ gɛ aa chɛ kɛ hɛɛ ε, dɛ jɛmɛ kɛŋɔ gɛ n faa bagle heyaa chae Korowii aa sune ya nɛɛ dɛ cha yaa la, a ε kasintɛŋ. Hɛ den lawɛ a bini kiŋkiŋ.



**13**Asore tena baa lo Babilon, Korowii aa lee ba ge waa le heyaa la, ba de na heya. N  
bie Maak ge de na heya.

**14**Hée lea dɔŋa nennyin ne. He nera he ne Yeesu Kristo aa pɛa la, Kórowii te he bwa  
bosɔɔhna.

## 2 Pita

### 2 Pita 1

<sup>1</sup>Men Seemɔn Pita maa ε Yeesu Kristo bonɔɔ dε ε o torome la, men chwerε tɔn nɔ dεε tε he nera haa dε yarada Yeesu Kristo waa ε ya Korowii ne ya Lee la. O waa aa togra nomanta, o tε heyaa ya yarada waa wera nɔ dɔŋ.

<sup>2</sup>Kórowii che he jema haa jemɔ dε jemε ya Doo Yeesu la ta dε cha heyaa kohona dε tε heyaa bosɔɔhna.

<sup>3</sup>Yeesu dɔ Korowii kpegri la dɔŋ. Anee o kpɔ cha yaa, ase ya dɔ komelbwa yaa hiah dε won do le dεε ε wedεega. Yaa jemε Korowii waa le yaa áse ya won dɔ o jirima ne o dadεege la waa o ε gε.

<sup>4</sup>Waa ε gε nɔ, o cha yaa ηwenεdεega kohona ta, aa wola dɔŋ dɔe. O bage yaa nyoa a wa. Héε che a taa dε le pelchɔga aa lɔ hare nɔ ta dεε chɔg nera la nyoa, ase dε do gε Korowii aa doa la.

<sup>5</sup>A gε waa nɔ wesoo nomanta la, hé takapɔ dεε ε wedεega dεε ja he Yeesu waa yaradae ta, dε kpɔ wejema dε ja he wedεega εε ta,

<sup>6</sup>dε won dεε lawε he te dεε ja he wejema ta. Héε lawε bambile dεε ja he te lawa ta, dε kpɔ Korowii ɔma dεε ja he bambile lawa ta.

<sup>7</sup>Héε nyin dɔŋa dεε ja he Korowii ɔma ta, dεε nyin nen dεε ja he dɔŋa nyina ta.

<sup>8</sup>Da waa wera tε heyaa la. He wono dɔ a gε da nɔ kerεde naa, aa geloo jema haa jemε ya Doo Yeesu Kristo la dɔ tɔnɔ dε su siwi.

<sup>9</sup>Ke nomelbwa waa wola a gε da nɔ dɔe la, o liire do tongboŋ ken. Waa waa nyiŋe dεε la sie. A gε te la sooh keŋɔ Korowii laa o wechɔga o fa dε ε la fee o nε.

<sup>10</sup>Anomanta yabalawa, Korowii aa le heyaa tε o te nɔ, hé takapɔ keŋɔ hεε geloo he we-εela bagle keŋɔ Korowii nera waa lee ba la banee heya. He dε ε gε naa, haa naa lɔ Yeesu Kristo waa nɔ yaradae ta bwa.

<sup>11</sup>He dε ε ken nɔ naa, Korowii εε tε heyaa ηwene kohonaa, ase he ja ya Doo waa ε ya Lee Yeesu Kristo Kora waa wola jaga dɔe la ta.

<sup>12</sup>Kasintenŋ waa la haa noa la, he dɔɔ jema kerεde dε che a ta kiŋkiŋ. Ke mεε dεε lii heyaa a waa saŋ belbwaa.

<sup>13</sup>N dε lii keŋɔ maa wola sewε mɔɔ nɔ, a che ke mεε lii heyaa hé do wɔrɔbe waa nɔ ta.

<sup>14</sup>N jemɔ keŋɔ aa bigri n wur n hare nɔ ta bwadabii nɔ ta. Ya Doo Yeesu Kristo gelɔ n jemε gε waa nɔ.

<sup>15</sup>Mεε takapɔɔ dε ε gε bwa maa won ε, ase dε n ba toole kwaraa naa, he won dεε lii waa nɔ saŋ belbwa.

<sup>16</sup>Ya Doo Yeesu Kristo kpegri waa dɔa ne o bala waa la yaa bol he be la, a ta waa yaa kpɔ liire de teje nyosone ɛɛ. Ya gbagba kpɔ sie na ge o wa aa dɔ nyel kohona.

<sup>17</sup>O Mɛɛ Korowii gbagba aa tɛo duure ne jirima la, de ya lɔ bela. Taa bɛl le o Mɛɛ Korowii waa dɔ jirima kohona la be keɲɔ, "N gbagba Bie maa de nyinu o wa ɛɛ su n siwii nɔ."

<sup>18</sup>Taa la aa le Korowii doa ba la, ya noɔ. De ya ne Yeesu lɔ bwe la Korowii aa gela o do goron la ta.

<sup>19</sup>Anɔ gelɔ ya jeme kpelakpela keɲɔ waa Korowii keamere la aa bola la ɛ kasintɛɲ. A che ke he cheg deɲne dɛɛ noa. Ba waa baa bola la do ke kande waa de chaah biro ta ka tel keɲɔ tɔ aa pera. Korowii Keamere Tɔne la ɛ chaah heyaa bɔree, ase Korowii gel he liire chaah ge chɔmbibi wewee aa de chaah bɔr la.

<sup>20</sup>Hɛ jeme kerɛde keɲɔ waa ba faa chwera Korowii Keamere Tɔne bini la, a bɛlbwa toole de ɛ newenyini nyu bini liire.

<sup>21</sup>Akai! Baa chwera la, ba gbagba liire ne laa ba chwera. Korowii Domadɛɛgee ir Korowii nera nɛ, ase baa bol waa Korowii aa kpɔa do ba nyoa.

## 2 Pita 2

<sup>1</sup>A saɲ la, nera bane teje nyosone ɲɔ Korowii keameree ban Israel tena bini. Gɛɛ nera ɛɛ ba bala de ba teje nyosone ɲɔ ban dɛɛ chagle nera waa he bini. Baa dɛɛ chagle waa aa wola kasintɛɲ ɛɛ, de gel nera nyogre. Ge ba wechagle aa doa la, haa won jeme keɲɔ a ta kasintɛɲ ɛɛ. Baa veh ba Doo waa bɔ ba wechɔga kem la waa, de gel Korowii chɔg ba, ba sewɛ seopigri.

<sup>2</sup>Nendamanta ɛɛ teje ba wedoɲa baa de ɛ la taa, ase a che a ta nera bol kasintɛɲ ɲwene wobochɔga ke waa were.

<sup>3</sup>Ba sibegra baa dɔa kohona nomanta, baa dɛɛ teje nyosonee ɲɔ waa baa chagle heya, de negre heyaa dɛɛ di. Naate waa pa ba bolchɔge dɛɛ ba ba deɲne tɛra la kpɔ o te dɛɛ kpaa ba saɲ bɛlbwa. Waa dom chɔ. Wɛɛ ɛɛ ba posaposa kenii.

<sup>4</sup>Nyundua toroma ba faa ɛ wechɔga la, Korowii ta ban gele. O kpɔ ba ta deɲne tɛra bɔr waa ɛ bɔlunɲun de bir kpirikpiri la dɛ ka tel awola waa ba bol nera bwa waa de pa bole la.

<sup>5</sup>O ta a saɲ la tena gele. O gelɔ nee su tɔ nera baa wola on ɔmɛ la nɛ. Nera waa gel ba bwaa Nowa o faa de chagle nera ɲɔ bɔ gel ba waa togre Korowii be la, ne nera banuane.

<sup>6</sup>Sodom ne Gomoora tena faa de ɛ wechɔga la, Korowii ɲɔ waa gel ba dwee ka, de fuh ba ne ba bwɛere bwa dɛɛboo. Ba fuih chɔ le dɛɛ chagle waa aa ba chig nera baa wola Korowii ɔmɛ nɛ.

<sup>7</sup>De Lot te ɛ nen waa de ɔmɛ Korowii bela, ase wedoɲa bwɛere la tena aa wola Korowii ɔmɛ dɛɛ ɛ la ɛɛ hao. O te, Korowii leo.

- <sup>8</sup>Lot aa ε nendεεge o waa su Korowii siwi de do ba baah la, de ba wedoŋa waa de na ne anɔ la waa de no tɔpebii bwa la gelo o bambile εε weo.
- <sup>9</sup>He nyiŋo na naa, de Korowii te jeme ge waa de le nera baa de ɔmɔ deε le Bɔnsam daahna ta, de jeme ge waa de ter wechɔg-εera deŋne de ka tel awola waa ba bol nera bwa waa de pa bole la.
- <sup>10</sup>Nera ba sie aa begre ba bwadabii nɔ wechɔga aa suu nɔ pelchɔga ta, baa wola waa bu la, ba deŋnee Korowii εε ba tera kohona. A ge nera baa teŋe nyosone ŋɔ ba de chagle waa nɔ, waa ba bambile aa lawaa baa ε. Ba bambile kpegri! Baa nyundua toroma bu. Wobochɔga kwaraa ba bol deε yag ba!
- <sup>11</sup>Nyundua toroma kpegri de dɔ jirima gwaa a ge nyosonteŋna nɔ, ke baa ban chɔge deε te Korowii sisa wobol ne.
- <sup>12</sup>Nera nɔ te do ke kpɔg bini ola Korowii aa taa ŋɔ baa kpoa la ken. Baa liire kpɔe deε ε wa. Waa mun noe kpegri ba be naa, sisa wobolee ba bol deε yaga. Baa serewoo keŋɔ ola ken.
- <sup>13</sup>Wahala baa gela nera εε na la, ba gee na a dɔŋaa. Waa ba sie aa de le a taa keŋɔ ba bodia waa baa de εa bochaah la. He ne baa peε deε di kwaa nɔ, ba do ke doŋa deε chɔg he wer. Ba sɔɔh deε ε bodia waa he habɔɔ taeh.
- <sup>14</sup>Ba na haah belbwa naa, ba de nyinu. Ba nyina baa de nyin wechɔga εε ta dɔŋ deε. Ba negre nera baa wola chege kiŋkiŋ Korowii waa ta deε kaa wechɔga ta. Ba sie de begre kwaa taeh. Korowii taah ba!
- <sup>15</sup>Ba gel ŋwenetogre la, de nyogre. Ba kpɔ Beɔ bie Balam o faa ε Korowii keame la ŋwene la. O sie aa begre suuga kohona nomanta, o kpɔ ŋwenεchɔge ta de nyin suuga.
- <sup>16</sup>Korowii fa gelo keego bol waa o be de kaoh o wechɔga la ta. Keego ge fe aa waa bol. Anomanta Korowii keame nɔ gel o chogla waa la.
- <sup>17</sup>He de hwεge ba ne aa, he hwega ta peε. Ba do ke nenabɔɔ nee aa wola toole o ta, de do ke baama peu aa ir a ne aa kaa ken. Biro kpirikpirii Korowii kwaa cheg ba.
- <sup>18</sup>Ba nyoa wobol kan taeh, ke nyosonee a bwa. Ba kpɔ bwadabii pelchɔga waa ne wedoŋa nera sie aa de le a ta de negre nera deε kaa wechɔga ta. Nera baa pa mun deε le wechɔg-εera bini baa wola chege kiŋkiŋ mɔɔ laanee ba negre deε kaa wechɔga ta.
- <sup>19</sup>Ba yon ŋɔ baa geloo nera dɔ ba te, de ba gbabir ε yoma. Ba wechɔga εε ba yoma, dekalkeŋɔ wobelbwa aa wona le nen liire la, a kpɔɔ bere yom.
- <sup>20</sup>Nera jeme ya Dɔɔ waa ε ya Lεε Yeesu Kristo waa la, de won che a ta le waa aa de la nen ne wechɔga ta hare bonɔ naa, a wer. Ke de ba berɔ ba gel a ge wechɔga la dɔ bɔr vɔg ba ja aa, a te de ba waa berɔ gbɔr de gwaa mumpar la.
- <sup>21</sup>De ba fe ta Korowii ŋwenetogre la waa noe ka aa, a fe bɔ ba neε de gwaa keŋɔ baa jeme Korowii ŋwene la de veh waa o gbagba aa ŋɔa baa ε la εε.

<sup>22</sup>Ba waa nɔ gelɔ sɛgla baa sɛgla Korowii Tɔn bini la ɛ kasintɛɲ. Ba sɛglɔ ɲɔ: "Nyoate uгаа, gɛɛ o berɛ dia," dɛ sɛgle ɲɔ, "He sɔ prakoo ne aa, wɛɛ berɔɔ ka gbili o kpechɛgre ta."

## 2 Pita 3

<sup>1</sup>N dandɛɛga, tɔn nɔɔ n tɔn nɛɛte maa chwɛɛ heya. N tɔne anɛ nɔ bwa bini la, n dɛ lii heyaa áɛ he do wɔrɔbe waa nɔ ta, dɛ dɔ tɛpɔɲ.

<sup>2</sup>N dɛ nyin kɛɲɔ he lii waa Korowii keamere la faa bola a saɲ la la, ne waa Yeesu toroma la faa ɲɔa ya Dɔɔ waa ɛ ya Lɛɛ la ɲɔ hé ɛ la.

<sup>3</sup>Anɔ la aa tɔ sise kɛɲɔ a chɛ kɛ he jɛmɛ kɛɲɔ tɔpera aa ka mun nɔ ta nɔ, nɛra ɛɛ dɛɛ mame heyaa. Ba sie ɛɛ dɛɛ le ba pɛlchɔga taa.

<sup>4</sup>Baa dɛɛ bɔɔ heyaa ɲɔ, "Korowii aa bage nyoa ɲɔ Yeesu ɛɛ berɔɔ ba ja la, lee o dɔɔ?" Dɛ ɲɔ, "Ya mɛɛnanar bwa serewɔ, dɛ o ta bale mɔɔ. Gɛ hare nɔ aa doa o mumpar la, gɛɛ o ta do."

<sup>5</sup>Ba saahnɔ laa ba liire kpɔ gɛ Korowii faa kpɔ nyoa bol waa a saɲ la asɛ nyundua ne hare pa mun la ta. Nee nee Korowii ta hare, nee taa hare le.

<sup>6</sup>Nee Korowii gel o su bɔle hare bwa a saɲ la dɛ chɔgo.

<sup>7</sup>Gɛɛ Korowii ɲɔ nyundua kwaa bwa ne hare kwaa bwa aa lole taraken nɔ, á do le gɛ, áɛɛ nii ɛɛ ba fuah awola waa dɛ ba nɛra baa wola on tomɛ waa bola dɛ pa bole, dɛ chɔg ba la.

<sup>8</sup>N dandɛɛga, he jɛmɛ kɛɲɔ tɔpɛbɛɲkpɔɲ ne bene kagbɔɲ bwa bɛɲkpɔɲ Korowii be. Bɛɲkpɔɲii a bwa o te be.

<sup>9</sup>Bane dɛ lii kɛɲɔ Korowii bigri o nyobaga waa бага ɲɔ ya Dɔɔ Yeesu ɛɛ bao la chugra ta kohona to. Bambilee o dɔ tɛ heya, dɛkalkɛɲɔ waa nyin kɛ nomɛlbwa chɔg ta. O dɛ nyin kɛ nɛra bwa chare ba liire dɛ le ba wechɔga ta mɔɔ o ba.

<sup>10</sup>Ya Dɔɔ Yeesu bala tɔpere la, wɛɛ pigruu kɛɲɔ ɲwɛɛ bala a dɛ pigri la ken. Awola la, nyundua ɛɛ jigru kikikikikiki, dɛ nyogre nɛra siwi ta. Kwaa aa lɔ nyundua bwa ɛɛ fuuh dɛ mwɛɛ, asɛ hare ne kwaa aa lɔ o ta bwa fuuh.

<sup>11</sup>Kwaa nɔ bwa aa dɛ ba fuuh ken nɔ, dɛ ɛɛɛ chɛ kɛ he dɔɔ? A chɛ kɛ he do gorɔɲ he soga bini, dɛ kpɔ he te tɛ Korowii,

<sup>12</sup>dɛɛ kpa Korowii tɔpere la nyundua aa fuuh kwaraa asɛ hare gɛ komɛlbwa fuuh dɛ mwɛɛ kwaraa la. Hé swɛɛ siwi áɛɛ Korowii tɔpere la ba warane.

<sup>13</sup>Ya dɛ nyinji nyoa Korowii aa бага la ɲwɛɛ. Anee kɛɲɔ wɛɛ ta nyundua onfale ne harefalee. Belaa wedɛɛga ɛɛ ba doe.

<sup>14</sup>Anomanta, n dandɛɛga, haa dɛ kpa awola tɔpere la la, hé swɛɛ siwi kɛɲɔ hɛɛ do gorɔɲɛ dɛ bɛ wechɔga bɛlbwa dɔ Korowii sie, asɛ he ne o baah do wer.

**15**Hé nyinji Korowii bambile waa lawa nɔ kɛɲɔ ɲwɛnɛɛ o tɛ heyaa kɛɲɔ he chare he liire áse o lɛ heya. Anee ya dɔɲ Pɔɔl yaa dɛ nyin o waa la fa kpɔ o wejema Korowii aa tɛo la dɛ chwerɛ heyaa la.

**16**Pɔɔl dɛ bol a gɛ waa nɔ o tɔne bwa bini. Ane ta Pɔɔl tɔne waane mun noe kpegri taeh. Anomanta nera baa wola wobɛlbwa jeme baa wola chegɛ kɪɲkɪɲ la, ba dɛ bere waa la sie. Gɛɛ a gɛ nera nɔ ɛɛ bagle Korowii Tɔn bini waa la ane ge. Kɛ ba gbagba nyu taa ba ɛ dɛɛ dawɛ.

**17**Anomanta n dandɛɛga, haa dɔɔ na ken nɔ, hɛɛ nyinji kɛrɛdɛ asɛ dɛ bɛ ba gel nera baa wola Korowii ɔmɛ ba negre heyaa he lɔ naa he yarada ta dɛ bɛ kɪɲkɪɲ ba che kpa.

**18**Hé swɛɛ siwi asɛ ya Dɔɔ waa ɛ ya Lɛɛ Yeesu Kristo suna waa sune he nɛɛ dɛɛ cha heyaa la ɛ ja kohona. Hé swɛɛ siwi dɛɛ dɔ wejema o waa ta kohona. Hé gel ya tɛo jirima taraken ne saɲ bɛlbwa. Amen.

## 1 Jn

### 1 Jn 1

- <sup>1</sup>Waa yaa de ba a waa he be bola no e nen waa e Korowii Nyoa Wobol de do mkpa de do le le mumpar la bwa wa. Ya no o waa de nao. Ya nyinju de kpɔ ya noora lego.
- <sup>2</sup>O fa lo Korowii be de bere ba e nen, ase ya nao. Anomanta ya de bol o waa he be kenjo Yeesu Kristo waa e sanj belbwa mkpa de faa do o Mee be la, o ba ya be ya jemo.
- <sup>3</sup>Ano la yaa naa de no laanee yaa bol he ge be ase he no de ba ja ya Mee waa lo nyundua ne o bie Yeesu Kristo benkponri ee la ta.
- <sup>4</sup>Ya de nyin ke ya bwa bwara sooh yaa kerede. A waa ya chwere ton no baa te heyaa la.
- <sup>5</sup>Waa yaa noa le Yeesu be dee bol he be laanee kenjo Korowii do kenjo kon waa chaahna ken. Wechoga belbwa toole o ne.
- <sup>6</sup>Anomanta de ya no ya ne o e benkpon, ke de bere dee e biro bini wa aa, ya teje nyosone. Ya we-eele de bagle ke ya waa ta kasintej doe.
- <sup>7</sup>Korowii waa aa chaahna la, de ya de e ya waa bwa a chaah ke on aa, de ya ne yabala peo de e benkpon. De Korowii Bie Yeesu chal la laa ya wechoga belbwa dee kpɔ ya ne.
- <sup>8</sup>De ya no wechoga toole ya ne aa, ya de negre ya nyuune. De yaa kasintej bol.
- <sup>9</sup>De ya bol ya wechoga bagle Korowii aa, o e nendeege de e kasintej te dee teje o nyobaga ta. Wee kpoo ke yaa de laa donja bwa kpɔ ya ne.
- <sup>10</sup>De ya no ya ta wechoga ee te naa, de ya yere Korowii nyosontejni. O waa la ge toole ya bini.

### 1 Jn 2

- <sup>1</sup>N bideege, n chwere waa no dee te heya, ase he be wechoga dee e. Ke de nomelbwa garo e wechoga aa, ya do nomel o do ya Mee waa lo nyundua la be de soje ya wechoga dee te yaa. Onee Yeesu Kristo la. O e nenkaih.
- <sup>2</sup>Onee koh ya wechoga waa de sewe te yaa de kwaa ya ne Korowii baah. Ya gbo wechoga waa laa o sewe. Nomelbwa waa lo hare no ta bwa jao.
- <sup>3</sup>Ya teje o waa ta naa, anee dee ba yaa bagla ke ya jemo.
- <sup>4</sup>De nomelbwa no o jeme Korowii, de waa o waa ta tejaa, ge nen la e nyosontejni, de kasintej toole o be.
- <sup>5</sup>Nomelbwa waa de teje Korowii waa ta la, onee dee nyin Korowii waa kerede. Ano taa yaa ba chega de jeme ke ya ne Korowii peo.
- <sup>6</sup>Nomelbwa waa noa o ne Korowii peo la, a che kenjo o kpɔ Yeesu Kristo da la.



- <sup>7</sup>Yabala, waa nō maa de chwere heyaa nō ta wefala εε. Webena la yaa bagle heyaa le mumpar la, anee ta.
- <sup>8</sup>Kε ηwene bel ge ta la, a ε wefala, dekalkeḅo biro de kaa. Bochaah tenten balo ase bōr εε chaah keredε. Yeesu we-εela ne he gbagba we-εela bagle a ge waa nō mun.
- <sup>9</sup>Nomelbwa waa ḅoa o lo bochaah ta ke de hah o doḅ la ta lo biro tenten ta.
- <sup>10</sup>Nomelbwa waa de nyin o doḅ la do keḅo nen waa lo bochaah ta. Bochaah la nomanta, komelbwa toole de gel o lo nakpala de chole.
- <sup>11</sup>Nomelbwa waa hah o doḅ la do keḅo nen waa lo biro ta. O de vale, ke waa jeme bela waa de kaa, dekalkeḅo biro la gelo o nyone.
- <sup>12</sup>N bidεega, n chwere waa nō deε te heya, dekalkeḅo Korowii koh Yeesu waa de kpo he wechōga ke heya.
- <sup>13</sup>Nomonome, n chwere waa nō deε te heya, dekalkeḅo heyaa jeme naate waa lole le mumpar bwa la. Bonōna, n chwere waa nō deε te he ge, dekalkeḅo he po Bōnsam ne.
- <sup>14</sup>N bidεega, n chwerō deε te heya, dekalkeḅo he jeme ya Mεε waa lo nyundua la. Nomonome, n chwerō deε te heya, dekalkeḅo he jeme naate waa lole le mumpar bwa la. Bonōna, n chwerō deε te heya, dekalkeḅo he bwaraa kpega, Korowii waa la do he bambile bini. Heyaa wona po Bōnsam ne.
- <sup>15</sup>He be gel he sie le waa aa de le nera baa do hare nō ta gbo liire sie la ne hare nō ta kwaa ta. De he sie de le a ge kwaa la ta naa, de haa he Mεε waa lo nyundua la waa nyin.
- <sup>16</sup>Bwadabii pelchōga kwa, ne anō la aa ε siwi pela kwa, ne waa yaa nyina de kpoa deε mankura ya te la ε hare nō ta wa. A ta ya Mεε waa lo nyundua la be lee.
- <sup>17</sup>Hare nō ne o pela kwaa bwa sekwaraa do jaga. Naate waa de ε anō la Korowii aa de nyin la gbosoo deε ba le doe saḅ belbwa.
- <sup>18</sup>N bidεega, wobelbwa jaga saḅ telo. He noo keḅo Yeesu Kristo dom tenten la εε bao. Hale taraken o doma doo ware de ba. Anomanta ya jemo keḅo wobelbwa jaga saḅ telo.
- <sup>19</sup>De bane fa ja ya ne, ke de ba ta denε ε ya bini bane, dekalke ba chwao. De ba fe ja ya ne aa, ya ne ba fe ta peo. Ke ba chwao, ase a den bagle keḅo ba bini belbwa ta ya neε jae.
- <sup>20</sup>He te do Domadεεge la he neε de le Korowii Bidεεge be, de jeme o kasintḅ waa la bwa.
- <sup>21</sup>Kasintḅ be jema waa laa n chwere ton nō baa te heya. He jeme kasintḅ la, de jeme keḅo nyosone ne kasintḅ aa vale bwa.
- <sup>22</sup>Amo umee ε nyosontḅni o? Nyosontḅnii naate waa ḅoa Yeesu laa Kristo la Korowii aa bage nyoa ḅo weε tomōo o ba le yaa la. A ge nen la, onee Yeesu Kristo dom tenten. Onee veh ya Mεε waa lo nyundua ne o Bie bwa.

<sup>23</sup>Nomelbwa waa de toŋle keŋo Yeesu laa Korowii Bie Kristo la, waa won yere Korowii o Mee. Gee a do, nomelbwa waa seah ŋo Yeesuu Korowii Bie la, o Mee Korowii.

<sup>24</sup>Hé kpoŋe ano la haa noa de le mumpar la bini. De he e ge naa, saŋ belbwa he ne Yeesu ne o Mee bwa ee wonoo pe ba kpoŋe heya.

<sup>25</sup>De ya ne Yeesu ne o Mee wono pe aa, a taa yaa ba chega de do Korowii mkpa aa wola jaga doe Yeesu aa bage yaa nyoa la.

<sup>26</sup>Nera baa de ba de fee baa negre heyaa la waa n chwere ge waa no dee te heyaa la, ba be won de negre heya.

<sup>27</sup>Yeesu Kristo aa doa te heyaa Korowii Domadeege o do he bini no, haa nomelbwa nyin o bagle heyaa waa kpa. O Doma la de bagle heyaa wobelbwa. O e kasintey te, waa nyosone teŋe. Hé no ano la waa de bagle heyaa la, ase de kpo he te pe Yeesu Kristo ne.

<sup>28</sup>N bidæega, hé gel he ne Yeesu Kristo pe, ase o baa fore le awola aa, ya be omæ, ase sihih be yaa kpo o sie awola waa ba la.

<sup>29</sup>He nao keŋo Korowii e nendæege, anomanta nomelbwa waa de e wedæega aa su Korowii siwi la e Korowii bie.

### 1 Jn 3

<sup>1</sup>Hé na nyina ya Mee waa lo nyundua aa de nyin yaa, dee yere yaa o bii. Ya e o bii kpela. A waa gela nera baa do hare no ta gbo liire aa wola yaa jeme la. Ge baa wola Korowii jeme la, gee baa wola ya ge jeme.

<sup>2</sup>Yabala, taraken ya e Korowii bii. Yaa jeme kerede ge yaa de ba doe. Ke ya jemo keŋo awola Yeesu Kristo aa fore le nera nao la, ge waa doa la, gee ya gee ba doe, dekalkenjo yaa nao de na ge waa doa.

<sup>3</sup>Nomelbwa waa do ge hwega Yeesu Kristo nee la che ke o lawe o te, de laa o te dee kpo wechoga ŋwenere ta de won do kaih ge tenten Yeesu Kristo aa do kaih la.

<sup>4</sup>Nomelbwa waa de e wechoga la di bolchoge Korowii mmara ta, dekalkenjo wechogaa dee tia mmara.

<sup>5</sup>He jemo keŋo Yeesu Kristo ba hare no ta ase de ba laa wechoga kpo de to a ŋwene. O te, de wechoga toole o ne.

<sup>6</sup>Anomanta nomelbwa waa kpo o te pel Yeesu Kristo la aa bere teŋe dee e wechoga kpa. Nomelbwa o taa teŋa dee e wechoga la, naate ta on pesee de jemo.

<sup>7</sup>N bidæega, he be gel nomelbwa negre heya. Nomelbwa waa de e wedæega aa su Korowii siwi la e nendæege ge Yeesu Kristo aa e nendæege la.

- <sup>8</sup>Nomelbwa waa teja dɛɛ ɛ wechɔga la ɛ Bɔnsam nen, dekalkeɲɔ hare mumpar la bwaa Bɔnsam le dɛɛ ɛ wechɔga. A waa Korowii Bie la koh ba hare nɔ ta dɛ ba chɔg Bɔnsam toma bwa.
- <sup>9</sup>Nomelbwa waa ɛ Korowii bie la aa teje dɛɛ ɛ wechɔga kpa, dekalkeɲɔ o ɛ Korowii dwee. Anomanta waa won teje dɛɛ ɛ wechɔga kpa, dekalke o mɛɛɛ Korowii.
- <sup>10</sup>Anɔ taa yaa ba chega de jeme bano la baa ɛ Korowii bii ne bano la baa ɛ Bɔnsam kwa. Nomelbwa waa wola wedɛɛga aa su Korowii siwi ɛ, keɛ waa wola o doɲ nyin la, o ta o bie ɛɛ.
- <sup>11</sup>Waa haa noa le mumpar laanee keɲɔ a che keɲɔ ya nyin doɲa.
- <sup>12</sup>Ya be ɛ keɲɔ Keen, waa ɛ o te Bɔnsam bie de kpo o nime Abel la. Bɔkwaa gela o kpoo wɔ? O we-ɛɛla waa ɛa la aa wola were ase o nime kwaa do wer la, anee gela o kpoo.
- <sup>13</sup>Yabala, de nera baa do hare nɔ ta gbo liire hah heya aa, he be gel a ɛ heyaa nyokpoa.
- <sup>14</sup>Ya jemo keɲɔ ya le seo non ta de ba do mkpa, dekalkeɲɔ ya de nyin doɲa. Nomelbwa waa wola o doɲ nyin la ta lo seo non ta.
- <sup>15</sup>Nomelbwa waa hah o doɲ la do keɲɔ nen waa de kpoo nera ken. He jemo keɲɔ nomelbwa ge waa de kpoo nera la ta Korowii mkpa aa wola jaga doe la doe.
- <sup>16</sup>Ge Yeesu Kristo aa koh ya waa de kpo o te te de sewe la, a taa ya che de jeme ge nyina aa doa. A che keɲɔ ya ge koh yabala waa de ge kpo ya te te keɲɔ yaa sewo tee ba.
- <sup>17</sup>De nomel do hare nɔ ta kwaa bwa, de na o doɲ waa nyaa, de laa sie kpo o ne aa, amo de o de nyin Korowii aa?
- <sup>18</sup>N bidɛɛga, he be gel ya kpo wobol ne nyotor bere doɲa nyina. Ke he gel ya we-ɛɛla bagle keɲɔ ya nennyin ɛ kasintɛ nyina.
- <sup>19</sup>Anɔ taa yaa ba wona jeme keɲɔ ya chego te kasintɛ la. Anɔ taa yaa ba bambisoɔhna doe Korowii sie.
- <sup>20</sup>De ya liire pa yaa bolchoge aa, Korowii gwaa ya liire de jeme komelbwa.
- <sup>21</sup>Anomanta, yabala, de ya liire aa yaa bolchoge pa te naa, amo ya do bambile de che Korowii sie, yaa wola ɔme.
- <sup>22</sup>Komelbwa yaa soɲo la, o de te yaa, dekalkeɲɔ ya de no o waa dɛɛ ɛ anɔ la aa de su o siwi.
- <sup>23</sup>Waa Korowii aa de ɲo ya be laanee keɲɔ ya yarada o Bie Yeesu Kristo la, de nyin doɲa ge waa ɲo ya be la.
- <sup>24</sup>Nomelbwa waa de no Korowii waa la, o kpo o te dɛɛ pel Korowii, ase o ge lawo dɛɛ pel o ne. Korowii Domadɛɛge la waa kpoa te yaa la gelo ya jeme keɲɔ ya bwa ɛ benkponɲ.

## 1 Jn 4

<sup>1</sup>Yabala, he be nera baa ñɔa ba dɔ Korowii Domadɛɛge la de che o ta dɛɛ bagle waa la dɛɛ yarada warawara. Hé pese ba de na keɲɔ kpegri baa dɔa la le Korowii Domadɛɛge la be keɛ? Dekalkɛɲɔ nera baa de negre nera keɲɔ ba ɛ Korowii keamere ba hare nɔ ta bobelbwa pirim.

<sup>2</sup>Dwene nɔ taa heɛ ba chega de jeme nera baa dɔ Korowii Domadɛɛge la. Nomelbwa waa de bagle Yeesu waa ɛ Kristo Korowii aa tomɔ ó ba le yaa la waa keɲɔ o baa ɛ newenyini la, o dɔ Domadɛɛge waa le Korowii be la.

<sup>3</sup>Nomelbwa waa de tɔɲle Yeesu newenyini ɛɛ la ta Domadɛɛge la dɔe le Korowii be. Kpegri naate aa dɔa la le Yeesu dɔm tenten la be. He nɔɔ ke weɛ bao. Taraken, on bala la.

<sup>4</sup>N bidɛɛga, Korowii neraa heya. He pɔ keamere baa ɛ nyosontɛɲna la ne, dekalkɛɲɔ Korowii Domadɛɛge waa lɔ he bini la kpegri gwaa kon waa lɔ nera baa dɔ hare nɔ ta gbo liire la kpegri.

<sup>5</sup>Keamere baa ɛ nyosontɛɲna la te, nera baa dɔ hare nɔ ta gbo liire la bini banee ban. Hare nɔ ta waa baa bol. A waa ba won dɛɛ bol wa, ase nera baa dɔ hare nɔ ta gbo liire la sie ɛɛ le ba neɛ dɛɛ no ba be la.

<sup>6</sup>Ya te ɛ Korowii bii. Nomelbwa waa jeme Korowii la de no ya wa. Nomelbwa waa wola Korowii jeme la aa ya waa no. Anɔ taa yaa ba chega de jeme banɔ la baa dɔ kasintɛɲ Doma waa ɛ Korowii kon ne banɔ la baa dɔ nyosone kon la.

<sup>7</sup>Yabala, hé gel ya nyin dɔɲa, dekalkɛɲɔ nennyin le Korowii be. Nomelbwa waa de nyin nen la, o ɛ Korowii bie de jemɔ.

<sup>8</sup>Nomelbwa waa wola nen nyin la aa Korowii jeme, dekalkɛɲɔ Korowiirii nyina bwa Dɔɔ.

<sup>9</sup>Kenii o bagle o nyina waa de nyin yaa: O gelo o bibɛɲkpoɲ la ba hare nɔ ta, áse ya che o neɛ de dɔ mkpa.

<sup>10</sup>Anɔɔ dɛɛ bagle ge nyina tenten aa doa. Ya te nyina yaa de nyin Korowii la aa bobelbwa tel, ke o ge garɔ dɛɛ nyin yaa. Hé na ge Korowii aa gela o Bibɛɲkpoɲ la koh ya wechɔga waa de ba hare nɔ ta de sewe de kwaa ya ne Korowii baah.

<sup>11</sup>Yabala, de kenii Korowii ɛɛ nyin yaa te naa, amɔ a che keɲɔ ya nyin dɔɲa.

<sup>12</sup>Nomelbwa ta Korowii nae ka. Ke de ya de nyin dɔɲa aa, anee Korowii ɛɛ ba yaa lawe pel o ne, ase o nyina la do ya be kerede ka tone.

<sup>13</sup>Korowii Domadɛɛge la waa kpɔa te yaa la gelo ya jeme keɲɔ kpela, ya kpɔ ya te pelo ase o ge lawe yaa pel o ne.

<sup>14</sup>Ya na o Bie la de di dansee keɲɔ Korowiirii gela o ba hare nɔ ta dé ba ɛ newenyini Lee.

<sup>15</sup>Nomelbwa waa yarada Yeesu keŋo Korowii Biee on la, de naate kpɔ o te pel Korowii ase o ge lawo pel o te.

<sup>16</sup>Anomanta ya gbabir jemɔ keŋo Korowii de nyin yaa, de kpɔ siwi dawɛ o nyina la ne. Korowiirii nyina bwa Dɔɔ. Nomelbwa waa de nyin nen la, o kpɔ o te deɛ pel Korowii, ase o lawo deɛ pel o ne.

<sup>17</sup>Waa lawɛ yaa pel o neɛ la, a taa a che nyina la do ya neɛ keredɛ ka tone, ase ya do hwɛga awola Yeesu aa ba de ba bol nendɛɛga ne wechog-ɛera bwa waa de pa bole la. Yaa Yeesu bala waa omɛ, dekalkeŋo ge o da aa doa la, ge tentenee ya ge do nera baa do hare no ta gbo liire bini.

<sup>18</sup>Nen de nyin o doŋ aa, waa ge Korowii aa de ter nera deŋne omɛ. Nyina waa ε nyina tenten la de doŋi omee. Deŋne tera waa nen ɛɛ omɛ Korowii. Anomanta naate waa de omɛ la ta nyina tenten doɛ o be.

<sup>19</sup>Ya de nyin doŋa, dekalkeŋo Korowiirii to sie nyin yaa.

<sup>20</sup>De nomel hah o doŋ de ŋo o de nyin Korowii aa, de o teŋe nyosone. De nomel aa o doŋ o ne waa peɛ weɛ nao la nyin aa, ɛɛɛ ó ε de won nyin Korowii waa wola on na no?

<sup>21</sup>Waa Yeesu Kristo aa kpɔa te yaa laanee no: Nomelbwa waa de nyin Korowii la, a che keŋo o nyin o doŋ ge.

## 1 Jn 5

<sup>1</sup>Nomelbwa waa yaradaa keŋo Yeesu ε Kristo la Korowii aa bage nyoa ŋo weɛ tomoo la, naate ε Korowii bie, dekalkeŋo de he de nyin nomel waa aa, de he de nyin o bie ge wa.

<sup>2</sup>De ya de nyin Korowii deɛ teŋe o waa ta naa, a taa ya jeme keŋo ya de nyin o bii.

<sup>3</sup>De ya de teŋe waa Korowii aa kpɔa te yaa ta naa, anee de bagle keŋo ya de nyinu. O waa la ta teŋa ge aa kpege kohona te yaa,

<sup>4</sup>dekalkeŋo nomelbwa waa ε Korowii bie la won hare no ta liire ne o komelbwa neɛ poe. Ya chege yarada yaa de yarada Yeesu la ta de po a ne.

<sup>5</sup>Umee de won po hare no ta liire ne o komelbwa neɔ? Nomelbwa toole atane keŋo naate waa de yarada ke Yeesu ε Korowii Bie la gbosoroo.

<sup>6</sup>Yeesu Kristo aa bala de ba ε o toma la, nee ne chal taa o che de ba. Korowii nee soe la gbo ta laa o toma la che. Ke o chal waa fuga ta la ne Korowii nee soe la bwa taa a che. Ase Korowii Domadɛɛge gee di dansee, dekalkeŋo o ε kasinteŋ te.

<sup>7</sup>Kon bele ataroo di dansee deɛ te Yeesu.

<sup>8</sup>Korowii Domadɛɛge la, ne Korowii nee baa soo la, ne o chal waa fuga ta la bwaa di dansee deɛ teo deɛ wesiwi beŋkpoŋ.

- <sup>9</sup>Dε ya dε yarada newenyini dansee aa, amɔ yaa Korowii kwaa yarada aa? O kwaa laanee kpega gwaa newenyini kwa. Korowii gbagbaa kpɔ waa nɔ di o Bie dansee.
- <sup>10</sup>Anomanta nomelbwa waa yarada Korowii Bie la la, naate dɔ gε dansee nɔ o gbabir bambile bini dε won jeme keɲɔ a ε kpela. Kε nomelbwa waa wola Korowii yarada la gelɔ Korowii waa la ε nyosone, dekalkεɲɔ naate aa gε Korowii aa bol o Bie la waa la yarada.
- <sup>11</sup>Waa Korowii aa bola a ε dansee laanee nɔ: O tε yaa o mkpa aa wola jaga dɔe bwa la, ase o Bie la bee gε mkpa la ge le.
- <sup>12</sup>Nomelbwa waa kpɔ o te pεl Korowii Bie la dɔ a gε mkpa nɔ. Nomelbwa waa wola o te kpɔe pεl Korowii Bie la ta mkpa la dɔe.
- <sup>13</sup>N chwere waa nɔ baa te he banɔ la haa dε yarada Korowii Bie la áse he jeme keɲɔ he dɔ Korowii mkpa aa wola jaga dɔe la.
- <sup>14</sup>Ya dɔ hwεga Korowii be keɲɔ wobelbwa yaa soɲo la, dε a ε o tetoowa aa, wεε no ya bee.
- <sup>15</sup>Dε ya jemɔ keɲɔ Korowii dε no ya be kwaa yaa dε soɲo la te naa, amɔ te dε ya jemɔ keɲɔ ya dɔɔ dɔ kwaa yaa dε soɲe o be la.
- <sup>16</sup>Dε he na he dɔɲ wεε ε wechɔga aa, soɲe Korowii tεo. Wεε tεo mkpaa. N ηɔ gε naa, banɔ la baa wola seo wechɔga εε laanee n ηɔ hé soɲe tε. Wechɔga ane lole, dε he εa aa, a che keɲɔ he sewε. N ta ηɔe ηɔ hé soɲe Korowii tε nen a te bɔr.
- <sup>17</sup>Waa aa wola were bwa ε wechɔga, ke wechɔga bwa laa ε seo wechɔga.
- <sup>18</sup>Ya jemɔ ke nomelbwa waa ε Korowii bie la aa tenε dεε ε wechɔga, dekalkεɲɔ Korowii Bie la dε nyiɲi naate nεε ase Bɔnsam be won εo wobelbwa.
- <sup>19</sup>Ya jemɔ keɲɔ ya bwa ε Korowii bii, ase nera baa dɔ hare nɔ ta gbo liire ne kwaa aa lɔ hare nɔ ta bwa ge do Bɔnsam lɔga.
- <sup>20</sup>Ya jemɔ keɲɔ Korowii Bie la balɔ dε ba te yaa liire yá kpɔ jeme Korowii tenten la. Korowii tenten la lawε yaa pεl o nε, dekalkεɲɔ o kpɔ ya te pεl o Bie Yeesu Kristo la. O ε Korowii tenten, dε dɔ mkpa aa wola jaga dɔe bwa.
- <sup>21</sup>N bidεεga, hé nyiɲi he te kerεde de laa he te kpɔ komelbwa waa wola Korowii tenten εε la ta dε toma.

## 2 Jn

### 2 Jn 1

<sup>1</sup>Men Nomoa Jonee chwere ton no dee te haah la Korowii aa kpoo cheg de te o te la, ne o bii maa koh benkpon ya bwa aa ea Korowii kasintey waa la ta dee nyin ba la. N gbo laa dee nyin ba ge. Nera baa jeme Korowii kasintey waa la bwa ge jao,

<sup>2</sup>dekalkenjo kasintey la lo ya bwa bambile bini. Wee do lee dee la sanj belbwa.

<sup>3</sup>N Naa Korowii ne o Bie Yeesu Kristo sune ya bwa sekwarane, de cha yaa, de te yaa bosohna ya won jeme kasintey la de do nennyin.

<sup>4</sup>N sie leo kohona ke maa na he bii la bane ke ba teje kasintey waa la ta ge ya Mee waa lo nyundua la aa nja yaa e la.

<sup>5</sup>Ke n bidagege, taraken n de soje, dee teje waa Korowii aa bola bil la ta. Wefala laa. De hee nyin daja.

<sup>6</sup>De ya de nyin daja aa, de ya de teje o waa la ta. O waa laanee kenjo daja nyina, ge haa noa logla la. Anomanta hee e he wobebwa daja nyina ta.

<sup>7</sup>Nyosonteyna tenten balo taraken. Banee wola yarada kenjo Yeesu Kristo ba hare no ta kenjo newenyini la. Nomelbwa waa wola ge yarada la, o e nyosonteyni de e Yeesu Kristo dom.

<sup>8</sup>Hee nyinji he te kerede de be gel he toma e pee, ase he won do he tonb bwa de le a ta.

<sup>9</sup>Nomelbwa waa de bagle Yeesu Kristo waa la de kpo o gbabir nyu bini liire dee ja la, amo de Korowii ta naate nee teje. Nomelbwa waa jeme Yeesu Kristo webagla la dee bagla ge aa doa la, de Korowii ne o Bie la teje o nee kerede.

<sup>10</sup>De nomelbwa ba he be de baa bagle heyaa ano la aa wola Yeesu Kristo waa la ane ee yaa, he be naate le so he be, he be o sie kwara le.

<sup>11</sup>Nomelbwa waa le ge te la sie la, o ge gba ja naate wechoga la ta.

<sup>12</sup>N do waa taeh de bol he be, ke maa chwere do ton ta. N de nyin ke n ba he be ya sie e ane ase n bol he be. Belaa ya sie ee ba lee kohona.

<sup>13</sup>He nime la Korowii aa kpoo cheg te o te la, o bii de na heyaa kohona.



## 3 Jn

### 3 Jn 1

- <sup>1</sup>Men Nomoa Jonee chwere tɔn nɔ dɛɛ tɛ n dandɛɛge Gayos maa koh benkponj ya bwa aa ɛa Korowii kasintɛj waa la ta la dɛɛ nyin he waa la.
- <sup>2</sup>N dandɛɛge, n dɛ soŋe Korowii o chae he dɔ bokpega kɛrɛdɛ, he waa bwa do wer kɛŋɔ he ne Korowii baah naa do wer la.
- <sup>3</sup>Yabala bane balɔ dɛ ba bol he waa n be ŋɔ he dɛ tɛŋe kasintɛj waa la ta. Dɛ he we-ɛɛla bwa dɛ bagle gɛ. Anomanta n baah sooh mɛ taeh.
- <sup>4</sup>Saŋ belbwa maa no n bii waa kɛŋɔ ba dɛ tɛŋe kasintɛj la ta la, n baah dɛ sooh mɛ gwaa komelbwa.
- <sup>5</sup>N dandɛɛge, gɛ he yon le asɔre tena haa wola ban jeme kwara, kɛ dɛ won kpɔ ba ka dawɛ he nɛɛ dɛɛ nyinj ba la, he dɛ tɛŋe ŋwɛnɛ la ta kɛrɛdɛ.
- <sup>6</sup>Ba bol he waa bagle asɔre tena dɛ tɛɛ sɔn, dɛ bagle gɛ haa nyin ba. Anomanta dɛ ba dɛ ba kaala aa, cha ba ba ŋwɛnɛ la ta gɛ aa che kɛ Korowii nen ɛ,
- <sup>7</sup>dɛkalkɛŋɔ Yeesu toma waa ba koh dɛɛ vale. Baa suuga lɛɛ dɛɛ le nera baa wola Korowii waa yaradae la be.
- <sup>8</sup>Anomanta a wer kɛŋɔ ya cha nera baa dɛ ɛ a gɛ toma nɔ. Dɛ ya wono dɛɛ cha dɔŋa gɛ naa, dɛ Korowii kasintɛj waa la tomaa ya bwa ɛɛ ɛ la.
- <sup>9</sup>N fa chwere waane dɛ tɛ asɔre tena bela, kɛ Dayɔtrafes aa dɛ nyin nomonome nomanta, o vɛh ya waa la.
- <sup>10</sup>Anomanta dɛ n balaa, mɛɛ bol o waa, dɛ bol gɛ waa dɛ chɔg yaa dɛ kpɔ waa dɛɛ dawɛ yaa la. A gbo laa wɛɛ ɛ. O ta sɛɛh dɛɛ nyinj yabala baa vala dɛɛ bol Yeesu Kristo waa la. Dɛ bane gɛ dɛ nyin ba lɛɛ ba dɛɛ nyinj ba aa, waa gele baa lɛɛ ba, dɛ yon doji ba bwa le ba bini.
- <sup>11</sup>N dandɛɛge, bɛ nera baa dɛ ɛ wechɔga la nɛɛ tɛŋe. Kɛ dɛɛ tɛŋe nera baa dɛ ɛ wedɛɛga la nɛ. Banɔ la baa dɛ ɛ wedɛɛga la ɛ Korowii bilola. Nomelbwa gɛ waa dɛ ɛ wechɔga la aa Korowii jeme.
- <sup>12</sup>Gasi toole Demetros gɛ nɛ. Nomelbwa dɛ bol o waa ga. Kasintɛj la waa dɛ tɛŋe o ta la gɛ dɛ diu dansee. Ya gba dɛ diu dansee gɛ. He jemo kɛŋɔ yaa nyosone tɛŋe.
- <sup>13</sup>N dɔ waa taeh dɛɛ nyin n bol he be. Kɛ maa nyin kɛŋɔ n chwera do tɔn ta.
- <sup>14</sup>N dɛ nyin kɛŋɔ n ba chɔɔre taraken bɔr áse ya sie ɛ anɛ ya bol wa. Kɔrowii tɛɛ bosɔhna. He daamanar baa lɔ bonɔ la bwa dɛ nae. Ya dɛ na ya daamanar bwa.

## Jud

### Jud 1

<sup>1</sup>Tɔn nɔ le men Jud maa ε Yeesu Kristo bonɔɔ dε ε Jems nime la be. N chwero dεε te he nera N Naa Korowii waa bera ε ya Mεε la aa dε nyin heyaa, dε le heyaa tε o te, ase Yeesu Kristo gee nyin heyaa la.

<sup>2</sup>Kɔrowii na he sum kohona, dε tε heyaa bosɔɔhna kohona, dε cha heyaa hεε nyin dɔɔa kohona.

<sup>3</sup>N dandεega, n siwi fe swεero mεε nyin kε n chwere heyaa tɔn dε bagle lεε Yeesu aa lε n ne he bwa la wa, ase n bere na kεɔ a che kε n chwere heyaa bug nɔ ta dε do heyaa gbemba, áse hεε yo waa yaa dε yarada la wa. Korowiirii fa bagle o nera gε baa dεε tomɔ. Gε waa bag ba la aa bere bwa.

<sup>4</sup>Nera bane sɔɔh dε ba koo he baah haa wola jeme. Baa Korowii tome, dεε bol ηɔ nera εε wonoo dεε ε wedoɔa, dekalkεɔ Korowii dε sune nera nε. Ba dε ε gε áse dε fe do bɔr che dεε ε wedoɔa baa dε nyin. A gε nera nɔ veh ya Nomoa benkpoɔ Yeesu Kristo waa dɔ yaa la kεɔ ba Dɔoree on. Saɔ la bwaa Korowii Tɔn bagle gε Korowii aa pa ba bolchɔge dεε ba ba deɔne tera.

<sup>5</sup>N jemɔ kεɔ he jemɔ, kε n dε nyin kε n lii heyaa gε Korowii faa lε Israel tena le Ijpt tena non ta, ase a habɔɔ bane aa wola o waa yaradae la, o kpoo ba la.

<sup>6</sup>Nyundua toroma ge aa wola gele bela Korowii aa tεε ba ηɔ bá di kpegri magre ba ne, dε le ba doɔr la, o tɔ ba do biro ta, dε do kwaa ba nɔra ta waa wola ban foo ta bwa, dé ka tel kεɔ o tɔpejen waa dε ba nera waa bola dε pa bole la.

<sup>7</sup>Gεε Sodom ne Gomoora tena ne bwεere a faa lɔ ba jwεeh la tena ge faa chɔ dɔɔa baa ne haah ηwenedoɔ ta aa wola were ne bola, dεε chɔg ba te. Baa ε gε la, Korowii gelo nii chole ba nεε áse nera bwa na dε jeme kεɔ Korowii dε ter wechɔg-εε deɔne nii aa wola dime bwa ne.

<sup>8</sup>Gε a saɔ la tena faa εa Korowii ha ba la, gεε nenchɔga baa lɔ he baah nɔ che ba deera baa dε dee ta dεε ε wedoɔa ba bwadabii ne, dε veh Korowii ɔma, dεε ε nyundua toroma nenhelwa.

<sup>9</sup>Nyundua toroma bwa nomoa Maekel gba ta a dɔɔa εε bwa. O ne Bɔnsam aa dε yo dεε tɔɔle dɔɔa Mosis lale waa dé jeme ba bini onɔ la waa dɔɔ la, Maekel kwaraa ta liire kε ó bol Bɔnsam wochɔge. O waa waa bola bwaa kεɔ, "Korowiirii dε dii kasinteɔ."

<sup>10</sup>Waa nera nɔ aa wola a mun jeme la, wochɔgaa ba bol dεε yaga. Ba ne ola bwa benkpoɔ, dekalkεɔ ola ta liire dɔε. Waa aa ε á bwara sɔɔhna la, anee aa ε. Gεε ba ge do. An gee dεε chɔg ba.

<sup>11</sup>Bá bwεele! Ba teɔ Keen ηwenεchɔge la ta. Ba koh suuganyin waa dε kpɔ ba te jo wechɔga Balam faa εa la ta. Ba dε vuugi Korowii kεɔ Kora faa dε ε la. Korowii εε chɔg baa kεɔ waa chɔg Kora la ken.

<sup>12</sup>He yon cheme de pe dee di kondikwaa aa de bagle benkpɔŋri ee haa doo he Doo tom no ta la, a ge nera la lo he baah keɲo doɲa dee chog he wer. Ba ta sihih doe. Ba gbo waa baa dawɛ, baa nera waa dawɛ. Ba waa ta hwega doe keɲo baama peu aa de kaa a ne aa wola bwaala nee ne ba la. Ba do keɲo daa aa wola won a nona saɲ nonɛ, ase ba chugra ta a den serewe kwaraa la.

<sup>13</sup>Ba do ke mpo nehaɲma a nyoo aa kpega kohona ken. Ge a yon dee vuugi, a fufug doɲa ee le baɲ la, gee baa vuugi waa, ase ba sihihwa ee le baɲ. Ba do ke weweela aa wola chebor benkpɔŋ doe, baa wola hwega kpoe dee do a nee dee vale jwaana la. Biro kpirikpirii Korowii kwaa ba ba ka do bela saɲ belbwa.

<sup>14</sup>Adam natee ge naa Enok fa na ba waa de bol ba waa ken: "N Doo ee ba o nyundua toromedeeɛga kagboɲa nee,

<sup>15</sup>de ba bol nera bwa waa de pa bole. Wee pa ba bolchoge ba wechoga baa ea de veh Korowii waa ta teɲa la waa, de pa nera baa wola Korowii tome bolchoge ba nenhelwobochoga baa bola dee yago la wa."

<sup>16</sup>Ge nera no, saɲ belbwaa baa nagre wa, waa aa ba siwi su. Wedoɲa ba sie aa de le a ta laanee baa e. Ba de ta nyoo. Kwaane doe de le nera be waa baa bol nera wedeege.

<sup>17</sup>N dandeeɛga, hee lii waa ya Doo Yeesu Kristo toroma la faa bol he be la.

<sup>18</sup>Ba no he be no, "Topera aa ka mun la ta la, nera ee leo dee mame heya. A ge nera no aa Korowii ome. Wedoɲa ba sie aa de le a taa baa e."

<sup>19</sup>A ge nera noo gela he ne he asore tena doɲa baah nee pegri la. Hare bono som le ba liire bwa. Korowii Domadeege la toole ba nee kwaraa.

<sup>20</sup>N dandeeɛga, he te swee siwi dee cha doɲa de won che kinjin, ase he yarada haa doo Yeesu Kristo nwenegoroɲ no ta la do kan kohona. Hee soɲe Korowii o Domadeege la kpegri ne.

<sup>21</sup>Korowii de nyin heya, anomanta hee pelo, dee kpa ya Doo Yeesu Kristo waa de sune nera nee la, ase o te heyaa mkpa aa wola jaga doe.

<sup>22</sup>Hee sune nera baa de e aahna-aahna Yeesu Kristo waa no ta baa wola an yarada kerede la ne.

<sup>23</sup>Hee le nera baa de ba wechoga ta joe keɲo baa de to kon de le nii ta la. Hee sune bane ge nee dee cha ba, ke hee nyinji kerede ase ba wechoga be heyaa ba bu.

<sup>24</sup>Korowii waa wona do kpegri de lawe heyaa haa wola chole, de laa he doɲa bwa kpo he ne, de gel he do silae de che o sie de na o jirima la,

<sup>25</sup>o gboo Korowii ne ya Lee, ya Doo Yeesu Kristo nomanta. O che jirima. O doɲ toole. Onee do komelbwa kpegri, de e komelbwa Doo de le saɲ la bwa ba le fini, de do a bwa saɲ belbwa! Amen.

## Wepila

### Wepila 1

<sup>1</sup>Waa nɔ aa lɔ tɔn nɔ bini nɔ, Korowiirii kpɔa bagle Yeesu Kristo áse o kpɔ bagle o bonɔɔna ne toli bá won jeme wa aa de ba e taraken. Yeesu Kristo gelɔ nyundua torome bel ba o bonɔɔ Jɔn be de ba baglo a wa.

<sup>2</sup>Jɔn bagle waa waa naa bwa. Korowii waa ne Yeesu Kristo webagla ne waa waa naa de no bwaa o chwere.

<sup>3</sup>Naate waa kure tɔn nɔ waa de bagle wa aa de ba chiga nera no la na som. Banɔ la ge baa no waa baa kure la de e waa waa bagla la, ba gba na som. Tɔpere waa kaa áse waa nɔ bwa chig la aa kane kpa.

<sup>4</sup>Men Jonee chwere waa nɔ de te asɔrere bele anuanɛ aa lɔ Eesia hare ta la. Korowii waa lole saɲ la de ba le fini, de ba le doe saɲ belbwa la, o ne o Domare anuanɛ aa lɔ o kookara mun la,

<sup>5</sup>ne Yeesu Kristo waa e kasintɛ te de che te Korowii, de sewe, de tɔ nera bwa sie ir seo ta, de e koranar baa lɔ hare nɔ ta bwa nomoa la, ó cha heya, de te heyaa bosɔɔhna. Héé te naate waa de nyin yaa, de sewe, de kpɔ o chal le yaa, a le yaa wechɔga ta la sɔn.

<sup>6</sup>O gelɔ ya bwa e o Kora ta nera, de e Sɔfore de tomɛ o Mee Korowii. Anomanta hé teo sɔn. Onee dɔ kpegri saɲ belbwa de la. Aamen.

<sup>7</sup>Héé no! Wee bao. Baamare taa o che de ba bala. Nomelbwa ee na o balaa. Nera ba faa yagɔ de kpoo la, ba gba ee nao. Hare nɔ ta nera bwa ee nao, de koh o bala waa de ba la waa de wi. Aa ba gee. Aamen.

<sup>8</sup>Nemene Korowii waa e komelbwa Dɔɔ de do le saɲ la de ba le fini, de ba le doe saɲ belbwa la, o ɲɔ, "Menee komelbwa Mumpar ne a Jaga."

<sup>9</sup>Menee Jɔn maa e he dɔɲ, de koh pee ya bwa ne Yeesu Kristo aa pea la waa de na wahala, de tomɛ Korowii o Kora ta, de lawe bambile wobelbwa ta la. N lɔ ekwi hare baa de yerɔ Patmɔs la ta, bela baa koah keɲɔ n bol Korowii Waa de e Yeesu dansee de lag me ka ta la.

<sup>10</sup>Awola bel ya Dɔɔ Tɔpere ta, Korowii Domadeege ir n ne, n no takpeg bel n habɔ keɲɔ bela aa de si ken.

<sup>11</sup>O ɲɔ n be ɲɔ, "Waa nɔ haa de ba nae nɔ, chwera do tɔn bini, de kpɔ ka te asɔrere anuanɛ aa lɔ Efesos, Smeena, Peggamɔm, Tiatra, Saades, Feladelfea ne Laodisia la."

<sup>12</sup>Belaa n ke nyɲi ke mee na naate waa bol waa n be laanee, ase de na suugaswem daa anuanɛ baa kpɔ kandere de chɔɲe a ta,

<sup>13</sup>de na komel keɲɔ nen ken, o do batakaarejaɲ o tel o napaala ta, de vɔwe suugaswem kriso o bambile ta, de do suugaswem daa baa kpɔ kandere de chɔɲe a ta la baah ta.

<sup>14</sup>O nyumpona too kpelkpel keɲɔ yabi, o sibie gee nyegle keɲɔ ninlao ken.

**15**O nakpale ge sweero keɲo baa kpɔ yaawa do nii ta wee nyegle la. Ase o taa ge do keɲo chuubu aa de si la.

**16**O kpoɲe weweela anuanɛ o nondig ta, ase tokobijen sie ane te waa nyega ee le o nyoa. O sie bor ge de nyegle keɲo wee aa de lo kpegri nee la.

**17**Maa nao la, n cholo cho o sie keɲo serewe ken. O kpɔ o nondig dawɛ n ne, de ɲo, "Be omɛ. Menee komelbwa Sitoo ne a Muɲkaa bwa.

**18**Men lole san belbwa la. N fa sewo, ke taraken n iro, maa wola sewe san belbwa kpa, de do seo ne Lala Bwee safoone.

**19**"Chwere waa haa naa no, ne ano la aa lole taraken, ne ano la aa de ba bala ano no haboo.

**20**Weweela anuanɛ haa naa a do n nondig ta la, ne suugaswem daa anuanɛ baa kpɔ kandere dee choɲe a ta la, n de bagle a mun de tee. Weweela anuanɛ la e nyundua toroma baa chega te asore bele anuanɛ aa lo bwere anuanɛ la ta la. Daa anuanɛ baa kpɔ kandere dee choɲe a ta la gee asore anuanɛ la."

## Wepila 2

**1**"Chwere waa no de kpɔ ka te nyundua torome waa chega te asore waa lo Efesos la ɲo, "Keni men maa kpoɲe weweela anuanɛ n nondig ta, dee vale suugaswem daa anuanɛ baa kpɔ kandere dee choɲe a ta baah la ɲo:

**2**N jeme he toma haa ea, ne he koeh, ne he bambile haa lawa, de jeme keɲo haa nenchoga waa nyin. He fa kari nera ba faa de yere ba te n toroma la, de na keɲo ba ta n toroma ee, de na keɲo ba e nyosontɛɲa.

**3**He lawe bambile de koh n waa de na wahala ke de ta lawe a bini.

**4**"Ke he webenkpoɲ maa doa laanee keɲo, nyina he faa de nyin me logla la ta ge doe kpa.

**5**Anomanta hee lii ge he faa doa wubwa la, de chare he liire, de bere ka kpɔ he logla we-eela la ja. Ge laa aa, mee ba he bee de ba laa he kande daa la kpɔ le o bug ta.

**6**Ke Nikolai tena we-eela la haa haah la te, he e wa. Gee n gba hah ba we-eela.

**7**"Nomelbwa waa do deɲa la, o no waa Korowii Domadeege la aa de bol asore tena be la. Naate waa won de yo le la, mee geloo o di mkpa daa la waa lo Korowii bwedege la ta nona.

**8**"Chwere waa no ka te nyundua torome waa chega te asore waa lo Smeena la ɲo, "Keni men maa e komelbwa Sitoo ne a Muɲkaa, de sewe, de ir la ɲo:

**9**N jeme he wahala ne he nyae wa, ke he e dohna taeh. N jeme wechoga nera baa de yere ba te Juda tena ke de e Bonsam habotɛɲra la aa bola dawɛ he ne.

- 10** He be wahala belbwa haa ba na la omɛ. Héé no! Bɔnsam ɛ geloo ba larawe he bane do dea, de daah heyaa de na. Héé na wahalaa kohona tɔpera fi. De seo bini kwara, he chege kin̄kin̄ naa, mee te heyaa mkpaa o ɛ kompon̄ haa yoa de le ba vɔwe heyaa.
- 11** "Nomelbwa waa dɔ deɲna la, ó no waa Korowii Domadɛɛge la aa de bol asɔre tena be la. Naate waa won yo le la, seo neete la aa won ɛo wobelbwa.
- 12** "Chwere waa nɔ ka te nyundua torome waa chega te asɔre waa lo Pɛɛgamom la ŋɔ, "Kenii men maa dɔ tokobijen o sie aa ɛ anɛ de do nyegre la ŋɔ:
- 13** N jeme bela haa soga. Bɔnsam soɲnibɔree he do la, ke de ta che kin̄kin̄. Hale ge san̄ ba faa kpo Antipas waa ɛ kasinten̄ te de che te me he be Bɔnsam soɲnibɔr bela la, he ta tɔeh keɲɔ haa men yarada.
- 14** "Ke n dɔ he waane tama. Bane lo he bini dɛɛ teɲɛ Balam webagla ta. Onee fa gela Balak negre Israel tena ba ɛ wechɔga de di ola baa kpoa te voga de kaa bɔ jwamane la.
- 15** Nera baa de teɲɛ Nikolai tena webagla ta gba lo he bini.
- 16** Anomanta hé chare he liire de le he wechɔga ta. De ge laa aa, mee ba he be waranee, de ba kpo tokobii la waa lo n nyoa la de yo he banɔ la haa de teɲɛ Nikolai tena webagla la ta la.
- 17** "Nomelbwa waa dɔ deɲna la, ó no waa Korowii Domadɛɛge aa de bol asɔre tena be la. Naate waa won yo le la, mee teo kondikwaa ane soosiwi baa de yera maana nomelbwa aa wola an nae bwaa ó di, de teo bwedɛɛge ompon̄ bel maa chwere sɔnfale bel dawɛ o ta, nomelbwa aa wola sɔn la jeme de ka ja naate maa kpo teo la ne.
- 18** "Chwere waa nɔ ka te nyundua torome waa chega te asɔre waa lo Tiatra la ŋɔ, "Kenii men maa ɛ Korowii Bie, de dɔ sibie a do keɲɔ ninlao, de dɔ nakpale keɲɔ yaawa la ŋɔ:
- 19** N jeme he we-ɛɛla ne he nennyin wa, ne he Korowii yaradae, ne chae haa de cha dɔɲa, ne he bambile haa de lawɛ wobelbwa ta, de jeme keɲɔ he taraken we-ɛɛla wer gwaa he logla kwaa la.
- 20** "Ke n dɔ he waane de bol. Hanchɔge Jesebel la waa de yere o te Korowii keame la, he gelɔ o do he be dɛɛ bagle heyaa, dɛɛ negre n bonɔna ne n toli baa bɔ jwamane, dɛɛ di ola baa kpoora dɛɛ te voga.
- 21** N teo tɔpere ŋɔ ó gel ge ase de chare o liire le o wechɔga ta, ke waa no.
- 22** Héé no! Mee do o ne nera o ne baa de bɔ jwamane la weelaa ba chɔ, a noo ba kerɛde. De ba ta gele de chare ba liire le ba wechɔga ta de gel ba tonchɔga la aa, ba bwa ɛ na wahalaa.
- 23** Mee kpoo o habɔteɲraa áse asɔre tena bwa jeme keɲɔ menea jeme newenyini nyu bini ne ba weliira bwa. Mee bɔ he belbwa kemee ge o we-ɛɛla aa doa.



**24**"Kε he Tiatra tena haa kaa, haa wola wechoga waa bagla la ta teje, haa wola Bōnsam we-εela baa de yera wesōhla la jeme la, maa wekpega ane belbwaa kpō dawε he nε.

**25**Kε waa la haa lawε a bini kerεde la, hε den lawε a bini gε n ba.

**26**"Naate waa won yo le, de won ε n toma gwεεeh de ka tel a tona bini la, mεε tεo kpegrii ó di hare nō ta nera nε.

**27**Wεε kpō kpegrii dεε nyinji hare nō ta nera bwa nεε a ηwene ta, de lōo ba, de chog ba kenō baa pagre vii la.' N Mεε tε mε gε kpegri nō. N gee kpōo tε naate la gε tenten,

**28**de tεo chōolenwewee la.

**29**Nomelbwa waa dō denja la, ó no waa Korowii Domadεεge aa de bol asōre tena be la.

### Wepila 3

**1**"Chwere waa nō ka tε nyundua torome waa chega tε asōre waa lo Saades la ηō, "Men maa dō Korowii Domare anuane ne weweela anuane la ηō: N jeme he we-εela. Nera jemo kenō he soge le bokpega ta, kε he sewō. He kpegri haa dōa dεε teje n nεε la nyoa de sōoh.

**2**Anomanta hε ir nyu ne de kwaa a gε waa a nyoa aa de sōoh la, á won che kerεde, dekalkenō n ta he we-εela belbwa nae a do wer de togre n Mεε Korowii be.

**3**Hεε lii gε ba faa bagle heyaa ne waa haa noa la, de lawε a bini, de chare he liire le he wechoga ta. De he ta nyu ne iraa, mεε pigri heyaa kenō ηwεε ken, haa wola jeme gε saη maa ba he be.

**4**"He ta dō nera tama baa wola gele wechoga doηa do ba nε. Mεε tεε ba yaponaa bá tō, n ne ba vale, dekalkenō ba che gε.

**5**"Naate waa won yo le la, mεε tōo yaponεe kε ban. Maa o sōnee fee le Mkpa Tōn la bini bwa. Mεε bol o waa n Mεε ne o nyundua toroma la bee, kenō n nenee on.

**6**Nomelbwa waa dō denja la, ó no waa Korowii Domadεεge la aa de bol asōre tena be la.

**7**"Chwere waa nō ka tε nyundua torome waa chega tε asōre waa lo Feladelfea la ηō, "Kenii men maa do kaih, de ε kasintenj te, de dō Devid safoa, de o pili komel nomelbwa aa wola won tōo, de o tō komel ge aa, nomelbwa aa wola won pilu la ηō: **8**N jeme he we-εela. Hεε no! N pili ηwene tε heya, nomelbwa aa won tōo, dekalkenō he kpegri aa kanε. Kε he wono dεε teje n webagla ta. He ta tōeh kε n ne he laa. He ta n nεε teja gele.

**9**Hεε no! Bōnsam habōteηra baa de teje nyosone, baa wola Juda tena εε dεε yere ba te Juda tena la, mεε geloo ba ba guηi he sie de jeme kenō n de nyin heya.



<sup>10</sup>Haa noa tɛ mɛ, dɛ lawɛ bambilɛ dɛ na wahala nomanta, mɛɛ lɛ heyaa lɛ wahala aa dɛ ba hare nɔ ta nera bwa nɛɛ dɛ ba daah ba la ta.

<sup>11</sup>"N dɛ ba taraken. Hɛ lawɛ waa haa jema la bini kinjin ase dɛ bɛ gel nomɛlbwa won negre heyaa hɛ paɲɛ komponj baa dɛ ba heyaa vɔwa hɛ yoi dɛ lɛ ta la.

<sup>12</sup>Naate waa won yo lɛ la, mɛɛ geloo o ɛ kɛɲɔ pila n Mɛɛ Korowii Dea bini, waa wola belaa lɛ kpa bwa. Mɛɛ chwɛɛ n Mɛɛ Korowii sɔn nɛ o bwɛɛ sɔnɛɛ dawɛ o nɛ. Jerusalem onfale waa dɛ ba n Mɛɛ Korowii bɛ nyundua lɛɛ dɛ ba hɛ bɛ la sɔnɛɛ mɛɛ ba chwera dɛ dawɛ o nɛ, dɛ bɛɛ chwɛɛ n sɔnfale dawɛ o nɛ.

<sup>13</sup>Nomɛlbwa waa dɔ dɛɲna la, ó no waa Korowii Domadɛɛge la aa dɛ bol asɔrɛ tena bɛ la.

<sup>14</sup>"Chwɛɛ waa nɔ ka tɛ nyundua torome waa chɛga tɛ asɔrɛ waa lɔ Laodisia la ɲɔ, "Kɛnii mɛn maa ɛ Aamen, dɛ chɛ tɛ Korowii, n waa dɔ kasintɛɲ, Korowii chɛ n nɛɛ ta komɛlbwa la ɲɔ:

<sup>15</sup>N jɛmɛ hɛ wɛ-ɛɛla. Haa wɔbɛ, haa sɔnɛ gɛ. Dɛ wɔrɔbɛ kɛɛ sɔnɛɛ hɛ dɛn dɔ aa, a fɛ bɔ.

<sup>16</sup>Kɛ haa dɔ ywɛɛyɛɛ haa wola wɔbɛ, haa wola sɔnɛ la, mɛɛ poo heyaa ta.

<sup>17</sup>Hɛ ɲɔ hɛ dɔ kwa, dɛ ɛ dɔɔhna, komɛlbwa ta heyaa nyaɛ. Kɛ haa jɛmɛ kɛɲɔ hɛ waa dɔ sinyana, dɛ dɔ sum. Hɛ ɛ nyaara, dɛ nyɔɲɛ ja, hɛ ta komɛlbwa dɔɛ dɛ dɔ.

<sup>18</sup>Hɛ gel n ɲɔ hɛ bɛ. A wɛr kɛ hɛ nyin suugaswɛm maa kpɔ nii dɛ laa o doɲa bwa kpɔ ta la dɛ yawɛ lɛ n bɛ, dɛ dɔ kwa, dɛ yawɛ yaponja n bɛ dɛ tɔ, ase dɛ laa sihih kpɔ hɛ nɛɛ hɛ mɔɲɔɲɔ chɛga ta, dɛ ba yawɛ tɛɛga n bɛ dɛ ka dɔ hɛ sibie ta dɛ won dɛɛ na.

<sup>19</sup>"Nera maa dɛ nyin ba la, n dɛ ja ba dɛɛ tɛr ba dɛɲnɛ. Anomanta hɛ swɛɛ siwi dɛ chɛrɛ hɛ liire lɛ hɛ wɛchɔga ta.

<sup>20</sup>Hɛɛ no! N chɛgɛ doonyoa dɛɛ lɔ gbera. Naate waa no n taa dɛ ba yaa mɛ la, mɛɛ jo o bɛɛ n nɛ o pɛ nɔn di kwa.

<sup>21</sup>"Naate waa won yo lɛ la, mɛɛ geloo n nɛ o ka so n kookara ta, gɛ n faa yoa lɛ dɛ ka so n Mɛɛ bɛ o kookara ta la.

<sup>22</sup>Nomɛlbwa waa dɔ dɛɲnɛ la, ó no waa Korowii Domadɛɛge la aa dɛ bol asɔrɛ tena bɛ la."

## Wɛpila 4

<sup>1</sup>Anɔ bwa habɔɔ la, n nao kɛɲɔ doonyoa bɛl pilɔ ta Korowii bwɛɛ la ta, dɛ no taa bɛl n faa noo kɛɲɔ bɛla la. Taa la ɲɔ n bɛ ɲɔ, "Tɛh ba bonɔ ń bagle waa aa dɛ ba ɛɛ anɔ nɔ habɔɔ."

<sup>2</sup>Bug la ta Korowii Domadɛɛge la dɛn ir n nɛ, ase n na kɛɲɔ kookara bɛl chɛgɛ nyundua, nomɛl so o ta.

<sup>3</sup>Naate waa soge o ta la de nyegle al-al keṅo bwedεega answeema aa de nyegle. De bwaala dengare bel bar o kookara la, de do keṅo bwe-lweene ane aa de nyegle.

<sup>4</sup>N na kookane fifraane de anaare a bar o kookara la cheme. Nomonome fifraane de banaare do laalapoṅa de pi suugaswem koogberere de so a ta.

<sup>5</sup>De kookara la waa lo baah ta la boṛ de gbogre keṅo bwaala aa de nyegle deε jigri deε kogre la. Kandere anuane ge chege kookara la sie deε ho. Korowii Domare anuane laanee.

<sup>6</sup>Kookara la sie la εo ke nejen aa choa de do gereṅ la. Hweera kwaa anaare ane chego bar kookara la, belbwa chege o bampera beṅkpoṅ ta. A do sibie a siini bobelbwa ne a haboone bobelbwa.

<sup>7</sup>Hweera kwaa no bel do keṅo nyujente, bel do keṅo nabal, bel sie boṛ do keṅo nen, bel ge do keṅo kee raa pagri o kena deε ir la ken.

<sup>8</sup>Belbwa do kena anumel, de do sibie a bwara bobelbwa ne a kena logre gba. A lo o be choo ne jwaana deε kpeero aa wola gel bwa, deε ḡo, "Nemene Korowii haa ε komelbwa Doo de do le saṅ la de ba le fini, deε ba le doe saṅ belbwa la, he do kaih noo, he do kaih kerede."

<sup>9</sup>Saṅ belbwa hweera kwaa anaare la aa kpo jam deε te naate waa soge kookara la ta de do le saṅ belbwa la, deε duuru, deε teo jirima la,

<sup>10</sup>de nomonome fifraane de banaare la laa ba koogberere pili bil kookara la sie de guṅi naate waa soge kookara la ta de do le saṅ belbwa la, deε duuru ḡo,

<sup>11</sup>"N Naa Korowii haa do komelbwa la, he che keṅo nera bwa tee jirima de duuri, de seh keṅo hen do kpegri bwa, dekalkkeṅo henee ta komelbwa, he tetoora taa a che a do le."

## Wepila 5

<sup>1</sup>Ase n nyiṅi de na keṅo naate waa soge kookara la ta la kpoṅe ton bel o nondig ta. Ton la sie ne haboo bwa taa ba chwere, de gugru, de maro kera anuane.

<sup>2</sup>N na nyundua torome bokpega te bel weε bol waa takpeg ne ḡo, "Umee n do o che kwaa baa kpoa mare ton la kera anuane la swee de pilu wo?"

<sup>3</sup>De nomelbwa toole nyundua ne hare no ta, ne nera baa serewa kwaraa bini de won pili ton la, a ba ε keṅo weε nyiṅi o binii.

<sup>4</sup>Anomanta n wio kohona, dekalkkeṅo ba ta nomelbwa nae o che keṅo o pili ton la de nyiṅi o bini.

<sup>5</sup>Ase nomonome la bel ḡo n be ḡo "Gel wii. Na! Naate waa le Juda dea baa yero ba Nyujente, de bere deε yero Devid Naa la, o wono yo le. Anomanta weε wonoo swe kwaa baa kpoa mare ton la nyoa kera anuane la de pilu."

<sup>6</sup>Belaa n nyiŋi de na pebie bel waa chege baah ta, kookara la bɔr, hweera kwaa la ne nomonome la baro. O le pee baa kpoo. O le nyeglare anuanɛ de do sibiɛ ge anuanɛ. Sibie la chego te Korowii Domare anuanɛ la waa toma a la hare no bwa ta la.

<sup>7</sup>Pebie la kaa laa ton la le naate waa soge kookara la ta la nondig ta.

<sup>8</sup>Waa le ton la la, hweera kwaa anaare la ne nomonome fifraane de banaare la gunji Pebie la sie dee duuru. Belbwa ne o janjela ne o suugaswem log, ase konsɔɔhsoma baa de fuah a sooh do som la do ba loga la bini. Konsɔɔhsoma la chego te Korowii nera wesona.

<sup>9</sup>Ba go yelfale bel no, "He che ton la kpoe de swe o nyoa kwaa la, dekalkenɔ ba fa kpoe, ase he kpɔ he chal yawɛ nera te Korowii de le wobol te belbwa nera baa lo hare no ta bobelbwa,

<sup>10</sup>de gel ba e N Naa Korowii Kora nera ne o Sɔfore dee tomɔ, de ere ba di kora hare no bwa ta."

<sup>11</sup>N nyiŋi de no ke bobelbwa de gbɔgre, dekalkenɔ de nyundua toroma warɔ taeh de ba bar kookara la ne hweera kwaa ne nomonome la bwa de cheme. Ba lo kagbona kagbona maa wola ba nyoa jeme,

<sup>12</sup>de bwa pe bol takpeg ne no, "Pebie la ba faa kpoo la, onee do kpegri ne kondɔɔh ne wejema ne bokpega, onee che duure ne jirima ne kpeera."

<sup>13</sup>Ase n bere no komelbwa Korowii aa taa a do nyundua, ne komelbwa waa lo hare no ta ne mpo bini bwa, ne nera baa serewa kwaara bwa aa de no, "Naate waa soge kookara la ta la ne Pebie la che kpeera ne duure ne jirima, de do kpegri bwa dee la san belbwa."

<sup>14</sup>Hweera kwaa anaare la sio no, "Aamen," ase nomonome la ge gunji hare de duuru.

## Wepila 6

<sup>1</sup>Maa de nyiŋi la, n na Pebie la aa swe kwaa baa kpɔa mare ton la kera anuanɛ la bini sito kon la. Ase n no hweera kwaa anaare la bel taa kenɔ bwaala aa de kogre la. O no, "Ba!"

<sup>2</sup>N nao kenɔ jaagɔponɔ bel aa lea, nen so o ta de kponɛ to. Ba kpɔ koogbere teo, ase o do kpegri de le kaa de ka yo laa de po o doma ne.

<sup>3</sup>Ase Pebie la swe kwaa baa kpɔa mare ton la neete la. Waa sweo la, n no ke hweera kon la waa jaa nee la aa no, "Ba!"

<sup>4</sup>Belaa jaago bel ge le, o bwa sweero peihpeihpeih ken. De ba te naate waa soge o ta la kpegri no o chog benkponɔri e hare bwa ta, ase nera kpoo donɔ. Tokobijen bele ba teo o kpɔ kaa.

<sup>5</sup>Pebie la swe kwaa baa kpɔa mare ton la tooro te la, ase n no ke hweera kwaa tooro te aa no, "Ba!" N nyiŋo, de jaagobiŋi bel ge leo. Nen waa soge o ta la kponɛ kon baa kpɔa dee kari kwaa togre la bel.

<sup>6</sup>N no taa bel hweera kwaa anaare la baah ta keṅɔ, "Tɔpebir kembɔree bá kpɔ yawe mea lakaja del ane la, ase anɔ la a yog aa wola kpege ge, tɔpebir kembɔree dɛe yawe lakaja dela anumel. Ke noo ne sen te, gel a chɔga."

<sup>7</sup>Belaa Pebie la swe kwaa baa kpɔa mare tɔn la naare te la. Waa sweo la, n noɔ keṅɔ hweera kwaa naare te aa ŋɔa, "Ba!"

<sup>8</sup>Ase n nyiṅi de jaagɔkɔl bel leɔ, ase nen so o ta baa yerɔ Seo. Bel ge le teṅe o ne, o ge sɔne Lala Bwɛɛ. Ba tɛɛ ba kpegri bá kpɔ laa ne lor ne weela ne kpɔg bini ola kpoo hare nɔ ta nera. He bɔne hare nɔ ta nera bwa bini bɔre anaare naa, banɔ la baa tɛɛ ba kpegri ba kpɔ la ɛɛ tel bɔre anaare la bini beṅkpoṅ neraa.

<sup>9</sup>Ase Pebie la swe kwaa baa kpɔa mare tɔn la nue te la. Waa sweo la, n nyiṅi Korowii Dea bela baa de ɛ saraha dɛɛ te Korowii la hare bɔr, de na lala baa koh Korowii Waa la waa ne chega baa chega teo waa de kpoo ba la.

<sup>10</sup>Ba kpɔ takpeg ṅɔ, "Nemene Korowii haa do kaih de do kasinteṅ, saṅ besoo hɛɛ ba nera baa lɔ hare ta nɔ waa bola de pa bole de bɔ ba ya kpoora nɔ kem ɔ?"

<sup>11</sup>De ba te belbwa yapoṅ ó tɔ, de ṅɔ báa one tama ka tel keṅɔ ba bala Korowii bonɔɔna ne toli baa de ba ba ge kpoora keṅɔ ban la nyoa aa chiga.

<sup>12</sup>N berɔ na Pebie la swe kwaa baa kpɔa mare tɔn la numel te la. Waa sweo la, hare jigro kohona, ase wee bir keṅɔ birisie ken, ase korobie swɛɛ keṅɔ chal.

<sup>13</sup>Weweela chugro lee hare keṅɔ peujen yon ta, daa nonhuuhne yon lee hare la.

<sup>14</sup>Ase Korowii doa nyogre n siwi ta keṅɔ baa gugri kalaṅ la. Bwejaṅa ne ekwie ge chugri le a buge ta kaa.

<sup>15</sup>Hare koranar ne nenjena, soojare nomonome, dɔɔhna, bokpega tena, ne nen te belbwa, banɔ la baa ɛ yoma, ne banɔ la baa wola yoma ɛɛ bwa chwa ka sɔh bwe bɔone ne bwetala aa lɔ bwejena ta logre,

<sup>16</sup>dɛɛ ṅɔ bwejena la ne bwetala la be ṅɔ, "Hé chogli tɔ ya ne, ase naate waa soge kookara la ta la be yaa na, ase he le yaa Pebie la bandia ta,

<sup>17</sup>dekalkkeṅɔ ba tɔpejen la telo, nera ɛɛ ba ba danana nee nyɔe. Anomanta umee de won le a nyoa ɔ?"

## Wepila 7

<sup>1</sup>Anɔ habɔɔ la, n na nyundua toroma banaare baa chege hare nyoo peu lee bɔra anaare de lawe peu, ase a be hare ne mpo ne daa belbwa ta ta.

<sup>2</sup>Ase n bere na nyundua torome bel o le wee leebɔr dɛɛ ba, de kpoṅe kon Korowii gbagba aa kpɔa dɛɛ do o kwaa nso la. O kpɔ takpeg ṅɔ nyundua toroma banaare la baa tɛɛ ba kpegri keṅɔ bá chɔg hare ne mpo la be ṅɔ,

<sup>3</sup>"Hé gel hare ne mpo ne daa la chɔga ka tel keṅɔ yaa do Korowii nso o bonɔɔna ne toli tili ta tone mɔɔ."

<sup>4</sup>Ba bagle nera baa do ba nso la nyoa n be. Ba lo kagboŋa lafa fifraanaare de banaare. Israel deene fi de ane la taa ba le.

<sup>5</sup>Bano la baa do ba nso Juda dea la lo kagboŋa fi de bane. Ase bano la waa doa le Rubin dea la ge lo nera kagboŋa fi de bane. O do Gad dea nera ge kagboŋa fi de bane nso,

<sup>6</sup>de do Aasa dea nera kagboŋa fi de bane. Gee o do Naftale dea ge nera kagboŋa fi de bane, de bere do Manase dea nera kagboŋa fi de bane.

<sup>7</sup>O do Semeon dea nera kagboŋa fi de bane, de do Lewi dea nera kagboŋa fi de bane, de do Isaaka dea nera kagboŋa fi de bane.

<sup>8</sup>O do Sebulon dea nera kagboŋa fi de bane, de do Josef dea nera kagboŋa fi de bane, ase Benjamin dea ge, o do nera kagboŋa fi de bane nso.

<sup>9</sup>Ano la haboo la, n nyiŋo de na nenlaa nomelbwa aa wola won kur ba bela. Ba le wobol te belbwa nera baa lo hare no ta bobelbwa ta. Ba bwa do yapoŋa, de kpoŋe bambie daa a papooni do a ta, de che kookara la ne Pebie la sie,

<sup>10</sup>de kpo takpeg dee ŋo, "N Naa Korowii waa soqe kookara ta la ne Pebie laanee le yaa oo."

<sup>11</sup>Ase nyundua toroma la che de bar nomonome la ne hweera kwaa anaare la ne kookara la, de guŋi de kpo sie pi hare de jam Korowii,

<sup>12</sup>dee ŋo, "Aamen! Korowii che kpæra ne jirima ne jam ne duure. Onee do wejema ne kpegri ne bokpega saŋ belbwa. Aamen!"

<sup>13</sup>Ase nomonome la bel pee me ŋo, "Nera no baa do yapoŋa no, umewaa yo? Leperaa ba leo?"

<sup>14</sup>Anee n ŋo, "N Doo, maa jemæ. He ken jem ba." Ase o ŋo, "Banee ba faa lo wahala tenten la bini de won le a nyoa la. Ba chege ba yale Pebie la chal la ta, a le de to.

<sup>15</sup>Anomanta ba lo Korowii kookara la sie dee tomoo choo ne jwaana keŋo o dea Sofore, ase o gbagba waa soqe kookara la ta la ee to ba ne.

<sup>16</sup>Lor ne nyogre aa ban kpo kpa bwa. Wee aa ba nee lo cheihcheih, bor ge aa ba nee worobe bambam,

<sup>17</sup>dekalkenjo Pebie la waa lo kookara la baah ta la de ba ba Petegre ee, dee nyiŋi ba ne. Wee teg baa kaa nee aa de te mkpa aa wola jaga doe ta, ase Korowii fee ba sinii bwa ta."

## Wepila 8

<sup>1</sup>Pebie la aa swe kwaa baa kpoa mare ton la nuane te la, Korowii doa bwa eo ken surumm de bigri tama.

<sup>2</sup>Ase n na baa kpo bele anuane te nyundua toroma banuane ba yon dee che Korowii sie la.

<sup>3</sup>Nyundua torome bel balo de kpoŋe suugaswem kon baa kpɔa de fuh daawiile a sooh aa soma la, de ka che bela baa fuah de te Korowii la. Ba kpɔ daawiile a sooh aa soma la kohona teo o kpɔ ja Korowii nera wesonja la ta de fuah daawiile fuih bor baa kpɔ suugaswem eo o che kookara la sie la.

<sup>4</sup>Daawiile la chuu le nyundua torome la non ta de ka koo Korowii nera wesonja ta de kaa nyundua Korowii be.

<sup>5</sup>Ase nyundua torome la kpɔ kon la baa kpɔa de fuh daawiile a sooh aa soma la, de buh daawiile fuih bor nii la ane de kpɔ ta hare. Ase bwaala jigri de kogre, de nyegle bobelbwa pelopelo ken, ase hare gee jigri.

<sup>6</sup>Nyundua toroma banuane la baa kpoŋe bele anuane la kpɔ ba te de ba a hoeh.

<sup>7</sup>Nyundua torome waa to sie la hooh. Waa hoah la, tombwea ne nii koo chal ta de le nyundua keŋo baa kpɔa ta hare. Ba bone hare bini bore atoro naa, ano la aa fuah la ee tel bor beŋkpoŋii, a ka bore ane. Ba bone daa ne kpɔga bini bore atoro naa, ano la aa fuah la ee tel bor beŋkpoŋii, a ka ane.

<sup>8</sup>Ase nyundua torome waa teŋa nee la hoh o bela. Waa hoah la, komel do keŋo bwepegi damanta baa vigru ken, o le nyundua de fuh, de ba le mpo ta, ase o nee bere chal. Ba bone mpo bini bore atoro naa, ano la aa bere chal la ee tel bor beŋkpoŋii,

<sup>9</sup>ase o bini kwaa serewe, stiimaere aa lo o ta la chog.

<sup>10</sup>Nyundua torome waa teŋa tooro la ge hooh. Waa hoah la, ase weweejen le nyundua de ba le hare, o bwa ee ho keŋo kapela ken. Waa baa le la, o le moo ne nenabone ta. De he bone moo ne nenabone bwa bini bore atoro naa, ano la waa le a ta la ee tel bor beŋkpoŋii.

<sup>11</sup>Wewee la sone Korokpel. Nee waa le a ta la berɔ do kpeli, ase nera nyɔa de serewe pirim, dekalkɛ nee la kpeli.

<sup>12</sup>Nyundua torome waa teŋa naare la ge hooh. Waa hoah la, wee ne korobie ne weweela bwa eo keŋo baa loa, a pera biri. De ba bone a belbwa kpegri bini bore atoro naa, a belbwa bor beŋkpoŋ aa won chaah kpa. Webanja ne jwaana gba, gee a do. Ba bone a bini atotoro naa, wee aa lo bor beŋkpoŋ ta webanja. Korobie ne weweela ge gee jwaana.

<sup>13</sup>N bere nyiŋi de na kee bel waa de gah nyundua de kpɔ takpeg de si, "Waa de ba! Waa de ba! Waa ee pu nera baa lo hare taa. De nyundua toroma batoro la baa kaa de hoh ba bele la hooh waa, waa ee pu hare ta tenaa."

## Wepila 9

<sup>1</sup>Nyundua torome waa teŋa nue la hoh o bela, ase n na wewee bel le hare. Korowii teo Bonsam boluŋ la safoa.

<sup>2</sup>Ase o laa boluŋ la pili. Waa pilu la, chuu leo pulll keŋo nijena chuu aa de le la, ase wee bir, bor bwa e jwumaa ken.

- <sup>3</sup>Ase tontombere le chuu la bini de ba hare ta. Korowii tea kpegri a doma ee we kenjo nom ken,
- <sup>4</sup>de ngo a be ngo a be hare no ta kpoga kee papooni kee daa belbwa chog, ke a dorome nera baa wola Korowii nso la doe ba tili ta la.
- <sup>5</sup>O ta an kpegri tee a dom ba de kpoo ba, ke a dom ba de wee ba ge nom aa de we la, de ka tel korobie anue.
- <sup>6</sup>Ase ge sanj baa nyin ke seo ba kpoo ba, baa do, ase seo chwa le ba be.
- <sup>7</sup>Tontombere la le jagre baa kpoa dee la ka yo laa. A do kwaane a nyuune ta aa le suugaswem koogberere, ase a sie bor le nen.
- <sup>8</sup>A do nympona kenjo haah, a nyena le nyujente nyena ken.
- <sup>9</sup>Kwaa to a bambili kenjo laa batakaare bune aa de bole bambile la, ase a kena ee gbogre kenjo jagre aa wara de tegre kwaa nera yon vowe pel a ta de so a bini la de chwa dee kaa laa la.
- <sup>10</sup>A do dini kenjo nom ken dee dome. A dini taa a do kpegri de dome nen de weo korobie anue la.
- <sup>11</sup>A do a kooro. O e Bonsam torome waa de nyiji Bonsam Boluj la ta. Hibru tena de yeru Abadon, Grik tena gee yeru Apooleon. O son la munii "Nen waa de chog kwa."
- <sup>12</sup>Wekpega aa to sie la tonu, de ta ka a bele ane haboo a ta ee ba bala.
- <sup>13</sup>Nyundua torome waa jaa numel la hoh o bela, ase n no taa bel le daawiile fuih bor baa kpo suugaswem eo o che Korowii sie de do lonkoni anaare la ta. Lonkoni anaare la bwa taa taa la le.
- <sup>14</sup>O ngo nyundua torome waa jaa numel de do bela la be ngo, "Pur Bonsam toroma banaare la baa vog ba mojen Yufretis nyoa la ta."
- <sup>15</sup>Ase ba pur Bonsam toroma banaare la Korowii faa vog ba dee kpa awola topere la la. O do donhwere la ne topere la ne korobie la ne bena la baa kpo pur ba ba kpoo nera. Ba bone hare ta nera bini bore atoro naa, banu la baa de ba kpoora la ee tel bor benkponj neraa.
- <sup>16</sup>Ba baglo kenjo Bonsam toroma la do soojare kagbona bele kagbonj ge bele lafraane de so jagre ta.
- <sup>17</sup>N na jagre la ke deera ken, a dooranar so a ta, de do laa batakaare bune aa de bole bambile la, ase a swee kenjo chal, ane do kenjo burum ase ane ge swee kenjo solmen. Ase jagre la nyuune do kenjo nyujentena nyuune. Ase nii ne chuu ne jeborowe ninlao ee le a nyoo.
- <sup>18</sup>Ba bone hare bini nera bwa bini bore atoro naa, banu la nii ne chuu ne jeborowe ninlao aa de le jagre la nyoo la aa kpoora la ee tel bor benkponjii.



<sup>19</sup>Jagre la kpegri lo a nyoo ne a dini bwa ta. A dini la do kenjo harekwa, de do nyuune dee choge.

<sup>20</sup>A ge waa no kwaraa ta la, nera baa kaa baa wola sewe a ge waa la ta la ta ba liire chare de le ba tonchoga ta, de taa tome Bonsam toroma ne voga. Suugaswem ne suugaponja ne bwea ne daa baa kpaa e voga la aa na, aa waa no, aa won ir vale ge, ke ba de toma.

<sup>21</sup>Ba ta ba liire chare ba nenkpoa ne som we-ela ne jwamane ne nwee ta.

## Wepila 10

<sup>1</sup>Ano bwa haboo la, n beroo na nyundua torome bokpega te bel, o le nyundua dee tu. O kpo baama to kenjo yal ken. Bwaala dengare bar o nyu, o sie bor ee chaah kenjo wee, ase o nakpale ge do kenjo nii.

<sup>2</sup>O do tonjega bel waa pila do o non ta, de kpo o nadig do mpo ta, o nagal ge che banj,

<sup>3</sup>de si kpegri nee kenjo nyujente yon dee si la. Waa sia la, bwaala kora anuane la ge seoh.

<sup>4</sup>Bwaala kora la aa de bol waa la la, n fe de nyin n chwere, de bere no taa bel nyundua o no, "Gel waa bwaala kora anuane la aa bola la do he gbo nyu bini. Gel a chwera!"

<sup>5</sup>Ase n bere na nyundua torome la n faa nao o naa bel do mpo ta bel ge che banj la aa ter o nondig pa nyundua,

<sup>6</sup>de nwee Korowii waa lole sanj belbwa de ta nyundua ne hare ne kwa aa lo a ta bwa, de ta mpo ne kwa aa lo o ge ta la, de no, "Aa bigri kpa.

<sup>7</sup>Nyundua torome nuane te la bela la hoeh sanje Korowii wesoolha waa bagle o bonoonna baa e o keamere la bwa ee ba ee tone."

<sup>8</sup>N bere no taa la waa le nyundua de bol waa n be la. O no, "La ka le ton la waa pila de do nyundua torome la o naa bel aa lo mpo ta, bel che banj la non ta."

<sup>9</sup>N la o be de no o kpo tonjega la te me. O no, "Le de chwe. Wee do somee kenjo tooh ken he nyoa bini, de bere do kpeli he tea bini o ee hanj ken."

<sup>10</sup>Ase n le tonjega la le o non ta, de kpo chwe, o do som n nyoa bini kenjo tooh ken. Maa lilo la, o beroo do kpeli n tea bini o ee me hanj ken.

<sup>11</sup>Anee ba no n be no, "A che kenjo he bagle waa aa de ba nendamanta baa lo harere bwa ta ne wobol bwa soosiwi ne koranar ee kerekere la ja."

## Wepila 11

<sup>1</sup>Ba kpo daa bel baa kpaa dee mage kwaa o do kenjo dangbala te me, de no n be no, "Korowii no he ir kpo daa no ka mage Korowii Dea ne bela baa de fuh kwaa dee teo la, de kure nera baa de tomoo o bini la.

- <sup>2</sup>Be bela waa ja Dea la ta ba tel bela mɔɔ dɛɛ jo Dea la tenten bini la te mage. Teje bela ta, dekalkɛŋɔ Korowii kpɔ bela tɛ nera baa wola on tome, áse ba tigri o bwɛdɛɛge la ta korobie fifraanaare de anɛ.
- <sup>3</sup>O dansee tena banɛ lole, de tɔ lwe yale. Wɛɛ tɛɛ ba kpegrii ba bagle o waa la tɔpera kagboŋ lafraanɛ fifraanumɛl.”
- <sup>4</sup>Gɛ nera banɛ nɔɔ Oleve daa anɛ la ne kwaa anɛ baa kpɔ kandere dɛɛ chɔŋɛ a ta a che hare bwa Dɔɔ la sie la che tɛ la.
- <sup>5</sup>Dɛ ba dɔm belbwa ŋɔ o ɛɛ ba wechɔga aa, nii ɛɛ le Korowii dansee tena la nyooree de kpo naate. A gɛ seo nɔɔ nomɛlbwa waa ŋɔ o ɛɛ ba wechɔga la ɛɛ ba sewa.
- <sup>6</sup>Ba dɔ kpegri dé lawɛ bwaala o gel nɛɛ gɛ saŋ baa de bol Korowii Waa la bwa, de bere won gel nee bere chal. Ba dɔ kpegri kɛ ba kpɔ harechɔg waa belbwa ta hare nɔ ta saŋ belbwa baa de nyin.
- <sup>7</sup>Dɛ dansee tena la bol waa la tonaa, komɛl ɛɛ le Bɔnsam Bɔluŋ la taa de ba yoo ba, de pɔ ba nɛɛ de kpoo ba,
- <sup>8</sup>ase ba lala chɔ bwejen la ba faa kpo ba Dɔɔ dagagre ta la fɔgbaah. Baa wonoo dɛɛ yere bela Sodom, de bere won dɛɛ yere bela Ijpt.
- <sup>9</sup>Wobol te belbwa nera baa lɔ hare nɔ ta bobelbwa ɛɛ nyinji ba lala laanee tɔpera atoro ne fah, baa wola seh ba hug ba.
- <sup>10</sup>Nera baa lɔ hare nɔ ta ɛɛ koh ba seo la waa ba sie le ba baah sɔɔh ba. Baa chemoo de le sie, de kɛ dɔŋa kwa, dekalkɛŋɔ a gɛ Korowii toroma banɛ la fa kpɔ wahala ta ba nɛɛ taeh.
- <sup>11</sup>Ase tɔpera atoro ne fah habɔɔ la, hweera ɛɛ le Korowii bee de jo ba nɛɛ ba dɔ mkpa de ir, ase ɔmee lawɛ nera baa chega dɛɛ nyinji ba la taeh.
- <sup>12</sup>Bela la, gɛ baala banɛ la ɛɛ no takpeg bel nyundua o ŋɔ ba be ŋɔ, "Hé ir ba bonɔ!" Ase ba ir, bam bel kpɔ ba kaa nyundua ase ba dɔma che dɛɛ nyinji ba haah ken.
- <sup>13</sup>Bug la ta hare ɛɛ jigruu kohona, ase bwejen la deene chogli. Dɛ ba bɔne bwɛɛ la bini bɔre fi aa, deene aa chogli la ɛɛ tel bɔr beŋkpoŋ deenee, nera kagboŋa banuane serewe, ase ɔmee lawɛ banɔ la baa kaa la, baa kpɛɛ Korowii waa lɔ nyundua la.
- <sup>14</sup>Wekpega aa teja nɛɛ la balɔ de kaa. A ka tooro tena aa ba bala taraken.
- <sup>15</sup>Nyundua torome waa teja nuane la hoh o bela. Waa hoah la, ase n no takpega kohona nyundua a ŋɔ, "Hare nɔ ta kora bwa bere N Naa Korowii ne o Kristo waa tomo la kora. Wɛɛ di koraa saŋ belbwa.”
- <sup>16</sup>Ase nomonome fifraanɛ de banaare baa sogɛ ba kookane ta Korowii sie la ir, de guŋji de kpɔ sie pi hare dɛɛ jaamo,
- <sup>17</sup>dɛɛ ŋɔ, "Nemene Korowii haa ɛ komɛlbwa Dɔɔ de do le de le saŋ la bwa ba le fini, ya de jaame kɛŋɔ haa kpɔ he kpegri dɛɛ di kora komɛlbwa nɛɛ nɔ.

<sup>18</sup>Nera baa lo hare ta baah diu, ke toperere baa nyo he danana nee la ge telo. He bole pae toperere telo, hee ba de ba bol nera baa serewa la waa de pa bole, de bo he bonona baa e he keamere ne he nera ne bano la baa de ome la kem, ba bini nenjena ne nempene bwa, de chog bano la baa de chog hare la.”

<sup>19</sup>Ase Korowii Dea waa lo nyundua la pili, ba na daka la waa de bagle ke Korowii ne o nera fowe foo la. Bwaala ee nyegle pelopelo ken, dee kogre, hare ee jigri, tombwea ee lee kohona.

## Wepila 12

<sup>1</sup>N na wejena ane aa e nyokpoa dee bagle waane Korowii doa. Haah bel kpo wee to, de kpo korobie ge do o nakpale logre, de gugri weweela fi de ane pi o nyu, kenjo koogbere ken.

<sup>2</sup>Haah la tea beo, loltea loo wee ba lola dee dooge lonjore.

<sup>3</sup>Nyokpowaa ane ge aa de bagle waane beru e nyundua bela ja. Kontuugi damanta bel waa le lenjo leo. O swero de do nyuune anuan de nyeglare fi. Ase koogbere pi o nyuune la belbwa ta.

<sup>4</sup>Ase o kpo o din gbaa weweela ta hare. De he bone a bini bore atoro naa, a bini benkponji o gbaa. O baa che haah la waa de ba lola la sie dee nyin kenjo de o lolaa, o kpo o bie la lile.

<sup>5</sup>Haah la lole bibaa waa de ba kpegri kpo dee nyinji hare no ta nera bwa nee a njwene ta. Waa lolu la, ba lao kee kaa Korowii be o do o kookara la bor.

<sup>6</sup>Ase haah la ge chwa jo pua waa e henje gbo hare, bela Korowii aa e bor teo no ba nyinjo topera kagbonj lafraane fifraanumel bwa la.

<sup>7</sup>Ase laa chole Korowii doa. Maekel waa e nyundua toroma la bwa nomoa la ne o dom kaa pu kontuugi damanta la ne o ge bala ba yo,

<sup>8</sup>ase Maekel ne o dom po ba ne. Belaa ba ta bor doe de so Korowii doa kpa,

<sup>9</sup>ase Korowii kpo kontuugi damanta waa e harekon la yaa jeme o waa mumpar bwa, baa yero Baradeere Te ne Bonsam, wee negre nera bwa baa nyogre la, ne o bala bwa ta hare.

<sup>10</sup>N beru no takpeg bel Korowii doa o no, "Taraken N Naa Korowii lee waa de ba de ba le nera la telo. O kpegri ne o kora dii sanj telo. Taraken o Kristo waa tomu o ba le yaa la le kpegri dee di, dekalkenjo naate waa chog yabala dee te Korowii sanj belbwa la, Korowii kpo ta.

<sup>11</sup>Ba chege Pebie la chal la ne Korowii Waa baa bola la ta de po o ne. Ba ta gele ba mkpa waa swee ba siwi, ba seh seo kwara.

<sup>12</sup>Anomanta Korowii doa tena, he gel he sie le. He bano la haa lo hare ta ne mpo ta ge la, he bweele, dekalkenjo Baradeere Te la tuo ba he be. O baah diu kerede, O jemo ke o toperere aa kane kpa.”

- <sup>13</sup>Korowii aa kpɔ kontuugi damanta la ta hare la, o iro dɛɛ ti haah la waa lolɛ bibaa la.
- <sup>14</sup>Anee ba tɛ haah la kee kena anɛ o kpɔ dɛ ir kaa pua waa ɛ hɛŋle gbo hare, bela baa ɛa tɛo dɛ nyiŋu bene atoro ne fah la, ase kontuugi damanta la bɛ won ɛo wobɛlbwa.
- <sup>15</sup>Kontuugi damanta la aa ti haah la la, o pili o nyoa dɛ uge nee a ɛ kɛŋɔ nepale dɛ fee pale haah la kaa.
- <sup>16</sup>Kɛ hare cha haah la, dɛ pere, dɛ kpɔ nee la bwa nyɔ.
- <sup>17</sup>Ase kontuugi damanta la baah di haah la nɛɛ kohona, o kpɔ ka tɔ haah la naanar baa kaa dɛɛ no Korowii Waa dɛɛ teŋɛ Yeesu dansee waa baa dɛ di la ta la nɛ, dɛ ka che mpo nyoa.

### Wepila 13

- <sup>1</sup>A habɔɔ la, n na olchɔge bɛl wɛɛ le mpo ta. O dɔ nyuune anuanɛ dɛ nyɛglare fi. Koogberɛ pi o nyɛglare la bɛlbwa ta, ba chwɛrɛ sɔnchɔge ge dawɛ nyuune la bɛlbwa ta, a ɛ chɛga tɛ Korowii.
- <sup>2</sup>Olchɔge la maa nao la le noniete, o nakpale ge le sisire nakpale, ase o nyoa ge le nyujente nyoa. Ase kontuugi damanta la kpɔ o kpegri ne o kora ne o nomonome kohona waa dɔa la bwa tɛ olchɔge la.
- <sup>3</sup>Olchɔge la nyuune la bɛl ɛo kɛŋɔ ba faa pirao o sewɛ dɛ ir ase bol la tonɛ. O waa ɛ nera bwa nyokpoa ba teŋɛ o nɛ,
- <sup>4</sup>dɛ koh tɛɛ kontuugi damanta la aa tɛ olchɔge la kpegri la waa dɛɛ duu o ne olchɔge la bwa kɛ Korowii ken, dɛɛ ŋɔ, "Umee dɔŋɛe olchɔge nɔ nɔ? Umee dɛ won puu yo laa lɔ?"
- <sup>5</sup>Korowii ta on ŋwɛnɛ tɔɛ. O gelɔ wɛɛ bol wejɛna ne nɛnhɛlwa, dɛ gel o dɔ kpegri dɛ won ɛa korobie fifraanaare dɛ anɛ.
- <sup>6</sup>O pili nyoa dɛ bol Korowii nɛnhɛlwa, dɛ chɔg o ne bela waa lolɛ ne nera baa lɔ o be bwa sɔn.
- <sup>7</sup>Korowii tɛo ŋwɛnɛ o yo o nera dɛ pɔ ba nɛ, dɛ gel o dɔ kpegri wobol tɛ bɛlbwa nera baa lɔ hare nɔ ta bobɛlbwa nɛ.
- <sup>8</sup>Hare nɔ ta nera baa wola ba sɔna chwɛrɛ Pebie la baa kpoo la Mkpa Tɔn la bini hare mumpar bwa la, ba bwa ɛɛ duu olchɔge laanee kɛŋɔ Korowii ken.
- <sup>9</sup>Nomɛlbwa waa dɔ deŋna la, ɔ no.
- <sup>10</sup>Dɛ Korowii ŋɔ bɔ lawɛ nomɛlbwa laa ta naa, baa lawɔɔ. Dɛ nomɛlbwa kwɛh kere dɛ kpɔ kpɔ nɛn aa, kere nee baa ba o ge kpoe. Anɔ dɛ bagle kɛŋɔ a chɛ kɛ Korowii nera dɔ bambile dɛ lawɛ waa baa dɛ yaradaa la bini kiŋkiŋ.
- <sup>11</sup>Belaa n berɛ na olchɔge bɛl kɛŋɔ onɔ la, o ɛge dɛɛ le hare bini. O dɔ nyɛglare anɛ kɛŋɔ pebale ken, o taa do kɛŋɔ kontuugi damanta taa ken.

<sup>12</sup>Logle olchōge la kpɔ o kpegri bwa tɛo, o che o naa ta dɛɛ ɛ wejena, dɛ gel nɛra bwa baa lɔ hare ta la ɛɛ duu logle olchōge la ba faa piraɔ o sewɛ dɛ bɛrɛ ir o bol la tonɛ la.

<sup>13</sup>O wono dɛɛ ɛ wejena ne nyokpowa, dɛ gel nii le nyundua lee hare, nɛra na.

<sup>14</sup>Waa chege logle olchōge la naa ta dɛɛ ɛ wejena la nomanta, o wono negre nɛra baa lɔ hare nɔ ta dɛ ŋɔ bá ma komɛl kɛŋɔ olchōge la ba faa kpɔ kere piraɔ o sewɛ dɛ ir la.

<sup>15</sup>Baa mao tonɛ la, Korowii tɛ olchōge la waa tɛŋa nɛɛ la ŋwɛnɛ o tɛ kon la baa mao la hweera o won dɛɛ bol wa. Olchōge nɛɛte la ŋɔ bá kpoo nɛra baa wola sɛh dɛ tomɛ kon la baa mao la bwa.

<sup>16</sup>O gelɔ ba do nomɛlbwa, nɛmpɛɛne ne nɛnjena, dɔɔhna ne nyaara, yoma ne nɛra baa wola yoma ɛɛ, nso o nɔndig ta kɛɛ o tile ta.

<sup>17</sup>Dɛ nomɛlbwa ta nso la dɔɛ yaa, o ta ŋwɛnɛ dɔɛ kɛŋɔ o yawɛ kon kɛɛ o yog komɛlbwa. Nso la ɛ namba waa chega tɛ olchōge la sɔn.

<sup>18</sup>Dɛ he dɔ wejema aa, no. Nomɛlbwa waa dɔ liire dɛ won jɛmɛ olchōge la namba la mun la, ó lii. Onɛɛ 666, o ɛ nɛn sɔn.

## Wepila 14

<sup>1</sup>Belaa n nyinji dɛ na Pebie la chega bwejen Saayɔn doa. Aɛɛ nɛra kagboŋa lafa fifraanaare dɛ banaare baa chwɛrɛ o ne o Mɛɛ la sɔna ba tili ta la che o be.

<sup>2</sup>Aɛɛ n no gbɔgra nyundua kɛŋɔ ne aa pala dɛɛ kpɔ bwea baah la, a bɛrɛ do kɛŋɔ bwaala aa kɔra kohona la. Dɛ o dɛ si kɛŋɔ baa dɛ lɔ janjela la.

<sup>3</sup>Nɛra la chege Korowii kookara ne hweera kwaa anaare la ne nomonome la be dɛɛ go yelfale bɛl, nomɛlbwa aa wola won hweli yel la, nemɛnɛ nɛra kagboŋa lafa fifraanaare dɛ banaare Korowii aa lɛɛ ba hare nɔ ta nɛra bwa bini la gbo.

<sup>4</sup>Gɛ nɛra nɔ do kɛŋɔ baala baa wola haah jɛmɛ, dɛkalkɛŋɔ ba lawɛ ba tɛ dɛ do kaih. Ba dɛ tɛŋɛ Pebie la nɛɛ bobɛlbwa waa dɛ la. Banɛɛ nɛnlogla Korowii aa lɛɛ ba nɛra waa dɛ ba ba lɛɛ la bwa bini, dɛ kpɔ ba tɛ o tɛ ne Pebie la.

<sup>5</sup>Ba ta nyosone tɛŋɛ bwa. Wechōga bɛlbwa ge toole ba nɛ.

<sup>6</sup>Belaa n na nyundua torome bɛl waa ira kpɔ nyundua dɛ kpɔŋɛ Amanesoma aa wola tonɛ bwa, dɛ kpɔ dɛɛ la ka bol wobol tɛ bɛlbwa nɛra baa lɔ hare nɔ ta bobɛlbwa be.

<sup>7</sup>O kpɔ takpeg dɛ ŋɔ, "Hɛɛ ɔmɛ Korowii dɛɛ tɛo jirima, dɛkalkɛŋɔ tɔpɛrɛ la telo kɛŋɔ o bol nomɛlbwa waa dɛ pa bole. Hɛɛ duu Korowii waa ta nyundua ne hare, ne mpo ne neerare bwa aa lɔ hare ta la."

<sup>8</sup>Nyundua torome nɛɛte ge iro tɛŋɛ onɔ la nɛɛ dɛ ŋɔ, "O pagrɔ! O pagrɔ! Babilɔn bwejen la waa gela pɛlchōga ne wedoŋa dɛɛ hare nɔ ta bwa nɛra kɛŋɔ sɛn aɛɛ ba waa fuh Korowii baah la pagrɔ."

<sup>9</sup>Tooro tɛ ge iro tɛŋɛ banɛ la nɛɛ dɛ kpɔ takpeg dɛ ŋɔ, "Dɛ nomɛlbwa sɛoh dɛɛ tomɛ olchōge la ne o chaa la baa mao la, dɛ gel ba doo nso o tile ta kɛɛ o nɔn ta naa,

<sup>10</sup>onee de ba Korowii danana nee a nyoa aa kpega kohona keḅo sen baa wola komelbwa a ta pule la nyoe. Wee na hohorowa kerede jeborowe ninlao ta, nyundua toroma ne Pebie la sie,

<sup>11</sup>ase chuu le bela baa de na hohorowa la dee kaa nyundua san belbwa. Nera baa de tome olchoge la ne kon la baa mao la, ne nera baa kpɔ o son do ba nso la, baa hohorowa la taa le bwa, dee na waa choo ne jwaana.”

<sup>12</sup>Ano de bagle ke a che ke Korowii nera baa teḅe o waa ta dee yarada Yeesu la lawe bambile de che kinjin.

<sup>13</sup>N berɔ no taa bel nyundua o ḅo, "Chwere waa no: Le fini dee kaa, nera baa yarada ya Doo la de kpɔ ba te teo la, de ba sewaa, ba na som." Korowii Domadeege la bolo ḅo, "Kpelaa, ba ono. Ba le ba ba koeh ta. Ba sondeege ee teḅe ba nee kaa.”

<sup>14</sup>Ase n nyinji de na bampon bel, nomel so o ta keḅo nen, de pi suugaswem koogbere, de kponje kerenyeg.

<sup>15</sup>Anee nyundua torome bel le Korowii Dea bini, de kpɔ takpeg ḅo ono la waa soḅe bam ta la be ḅo, "Kpɔ he kere la de kome. Kwaa koma san telo. Hare ta kondikwaa beo ne koma.”

<sup>16</sup>Ase ono la waa soḅe bam ta la ta o kere la de kome kwaa aa lo hare ta la.

<sup>17</sup>Nyundua torome bel ge le Korowii Dea waa lo nyundua la bini, de ge kponje kerenyeg.

<sup>18</sup>Bel ge waa do nii kpegri le daawiile fuih bor de kpɔ takpeg ḅo kerenyeg te la be ḅo, "Kpɔ he kerenyeg la de chaa hare ta daa baa kpɔ a nona dee e sen la nona. A beo!”

<sup>19</sup>Ase o ta o kerenyeg la hare ta de chaa a nona, de pa do kon ba yon pa nona la do dee sa a ta a nee le dee do o bini la. A ge kon la cheḅo te Korowii bandia.

<sup>20</sup>Nona baa sa a ta la cheḅo te hare no ta nera. Bwee la daharaa ba sa ba ne, ba chal pale kaa ke kwansini lafraane, a lunri ge tel nagale ane.

## Wepila 15

<sup>1</sup>N berɔ na wejena ane Korowii doa, a do kan de bagle waane. A e nyokpoa taeh. N na nyundua toroma banuane ba kponje hohorowa bele anuane. Anee hohorowa aa ka mun ba e, dekalkenjo anee dee ba ee moo Korowii baah sooh.

<sup>2</sup>N na bobel o do keḅo nejen aa choa de do gereḅ ase nii do o ta. Ase nera baa po olchoge la ne kon la baa mao la nee de veh o namba waa chega te o son la kponje Korowii janjelare de che nee la jweh,

<sup>3</sup>dee go Korowii bonoo Mosis ne Pebie la yel ḅo, "Oo, Nemene Korowii, haa e komelbwa Doo, he we-eela kan ga. Hare no bwa Kooro, he ḅwenere toḅro de e kasinteḅ.



<sup>4</sup>Oo, N Naa Korowii, umee lole waa wola hen ɔmɔɔ? Umee wola hen sɔnee tɔɔ? He gboo do kaih ka tone. Hare ta nen te belbwa ɛ ba gunji he sise de tome, dekalkeɲɔ waa haa ɛa la togrɔ nomelbwa jeme.”

<sup>5</sup>Anɔ habɔɔ la, n berɔ na Korowii Dea waa lo nyundua la baa pilu cheg. Tente Dea baa banro wee bagle keɲɔ Korowii lo o nera bini laanee.

<sup>6</sup>Ase nyundua toroma banuane baa kpoɲe hoɲoɲowa bele anuane la le Korowii Dea la bini. Ba laala baa doa la wer dee nyegle. Ba kpɔ suugaswem krisore vorowe ba bambili.

<sup>7</sup>Ase hweera kwaa anaare la bel kpɔ suugaswem loga anuane tee ba. Korowii waa lole saɲ te belbwa la bwaawee su a bwa.

<sup>8</sup>Korowii jirima ne o kpegri gelo chuu su o Dea la bini, nomelbwa aa wola won jo bela atane keɲɔ hoɲoɲowa bele anuane nyundua toroma banuane la aa kpoɲa la aa ɛa tone mɔɔ.

## Wepila 16

<sup>1</sup>N berɔ no takpeg bel o le Korowii Dea la bini de ɲɔ nyundua toroma banuane la be ɲɔ, "He kaa de ka fuge Korowii bwaawee la aa lo loga anuane bini la ta hare.”

<sup>2</sup>Nyundua torome waa to sie la kaalo de ka fuge o kwaa ta hare. Ase ɲwerchɔga aa de we kohona lee nera baa do olchɔge la nso dee tome kon la baa mao la ne.

<sup>3</sup>Ase neete ge ka fuge o kwaa do mpo ta. Ase mpo nee chɔg de do keɲɔ lale chal, ase kwaa aa lo mpo ta bwa serewe.

<sup>4</sup>Ase tooro te ge le de ka fuge o kwaa do moo belbwa ne neerare bwa ta, a begre chal.

<sup>5</sup>Ase n no nyundua torome la waa cho neerare nyoa la ke waa ɲɔa, "Hen haa lole saɲ la bwa de ba le fini de do kaih de ka tone la, he waa haa bola de pa nera bolchɔge la togrɔ,

<sup>6</sup>dekalkeɲɔ ba fa gelo he nera ne he keamere chal fuge. Anomanta he tee ba chal ba nyɔ. Gee ba che.”

<sup>7</sup>Ase n no taa bel daawiile fuih bor, o ɲɔ, "Nemene Korowii haa e komelbwa Dɔɔ la, he waa haa ɛa de ter ba denne la togrɔ de e kasinteɲ.”

<sup>8</sup>Nyundua torome naare te la ge leo, de ka fuge o kwaa ta wee ta, ase a tɔo kpegri wee nyaa keɲɔ nii ken,

<sup>9</sup>dee nyaa nera, dekalkeɲɔ o nyegre taeh, ase baa bol Korowii waa do kpegri hoɲoɲowa la nee nenhelwa. Ba ta ba liire chare de le ba wechɔga ta. Ba ta on jirima tee.

<sup>10</sup>Ono la waa teɲa nue la ge leo de ka fuge o kwaa ta olchɔge la kookara ta, ase bor bir nera waa de di kora ba nee la bwa ne, baa mene nyoa bonyega nomanta,

<sup>11</sup>dee chegre Korowii ba bonyega ne ɲwera aa lo ba nee la wa. Ba ta liire chare de le ba tonchɔga ta.



- <sup>12</sup>Nyundua torome waa teja numel ge leo de ka fuge o kwaa ta nejen baa de yero Yufretis la ta, ase o bwa hweeh de cho hwene te koranar baa le wee leebor dee ba la.
- <sup>13</sup>N berɔ na kwaa aa de ir nera nee atoro a do keɲɔ saponen ken, bel le kontuugi damanta la nyoa, ane aa kaa la ge le olchoge la ne keamechoge la nyoa bini.
- <sup>14</sup>Bonsam kwaa, ase a won dee e nyokpowa. A leo dee la hare no ta koranar bwa be, de ka lawe ba bwa cheme ba yo Nemene Korowii laa o topejen la ta.
- <sup>15</sup>Hee no. Mee pigri heyaa keɲɔ hwee ken. Naate waa wola dom cho de do o laala de so dee kpa la na som. N balaa, waa mungbalee vale nera nao ase sihih kpoo.
- <sup>16</sup>Kwaa aa de ir nera nee la lawe koranar bwa cheme bobel Hibru tena aa de yere bela Amagedon la.
- <sup>17</sup>Ase nyundua torome waa teja nuane la ge fuge o kwaa do peu ta. N no takpeg bel le kookara la te la be Korowii Dea bela, o ɲɔ, "A tonɔ."
- <sup>18</sup>Ase bwaala ee nyegle pelopelo bobelbwa, dee jigri, dee kogre, ase hare jigri kohona. Korowii aa ta newenyini bwa, hare ta ge jigre bwa. O jigra la oma.
- <sup>19</sup>Bwejen la pegri atoro, ase hare no ta bwere bwa pagre. Korowii lii Babilonjen la wechoga wa, de gel o nyɔ o danana nee a nyoa aa kpega kohona keɲɔ senkpega la.
- <sup>20</sup>Ekwie aa lo neerare baahna ne bwejena nyogro, ba nyin a bor kahone.
- <sup>21</sup>Tombwejena le nyundua de do togre keɲɔ paanoo men bogto del de ba lee nera nee de a oma. Ase nera koh a waa de chegre Korowii.

## Wepila 17

- <sup>1</sup>Belaa nyundua toroma banuane baa kponje loga anuane la bel ɲɔ n be ɲɔ, "Ba n bagle ge Korowii aa de ba jwamane te tenten la denne tera. O soge neerare nyoo.
- <sup>2</sup>O ne hare no ta koranar bwa di sem. O wedona la eo keɲɔ sen ase o kpo te hare no ta nera ba nyɔ de dee."
- <sup>3</sup>Belaa Korowii Domadeege ir n ne, ase nyundua torome la kpo me kaa pua hare waa e henje gbo ta, ase n na haah bel o so olchoge bel ne. Olchoge la swero de do sonchoga o bwa, a bwa e chega dee yage Korowii. O do nyuune anuane, o nyeglare ge e fi.
- <sup>4</sup>Haah la di toli de do laaladeega, ane swee a sie do gimegime, ane ge swee peihpeih de do wer. O do bana kwaa ne denja kwaa ne nonloga baa kpo suugaswem ne bwedeega bwa soosiwi ea, de kponje suugaswem luwee, wedona ne jwamane we-eela suu.
- <sup>5</sup>Ba chwere son bel pel haah la tile ta. O e son o mun aa soah. Son laanee |scBABILONJEN, JWAMANE TENA NE HARE NO TA WEDONA BWA NYA|d.
- <sup>6</sup>N na haah la ke waa deera. Korowii nera baa teje Yeesu nee ba koh a waa kpoo ba la chalee o nyɔ de dee. Maa nao la, n nyoa kpoo taeh.

<sup>7</sup>Nyundua torome la pɛɛ mɛ ɲɔ, "Ɛrɛɛ he nyoa kpo nɔɔ? Mɛɛ pili haah nɔ ne olchɔge la waa sogɛ o ta o dɔ nyuune anuanɛ ne nyeglare fi la waane aa sɔah binii bagle.

<sup>8</sup>Olchɔge la haa nao la, o siwi fa lole. Kɛ taraken te o siwi toole kpa. O dɛ ba teehna dɛ le Bɔnsam Bɔluɲ la bini, dɛ la Korowii ka chɔgo. Nɛra baa lɔ hare nɔ ta Korowii aa wola ba sɔna chwɛrɛ do Mkpa Tɔn la bini nyundua ne hare mumpar bwa la, ba nyoa ɛɛ kpoo gɛ saɲ baa na olchɔge la kɛɲɔ o faa lole waa wola bɛrɛ do le kpa dɛ bɛrɛ le la.

<sup>9</sup>Dɛ he ta wejema dɔɛ yaa, haa won no waa nɔ mun. Olchɔge la nyuune anuanɛ la chɛgo tɛ bwejena anuanɛ. A taa haah la sɔ. A bɛrɔ che tɛ koranar banuanɛ ge.

<sup>10</sup>Ba bini banue toole kpa. Bɛl ta dɛ di o kora. Bɛl ge ta lole, o ta dii mɔɔ. Dɛ o baa di aa, waa kora taa bigri.

<sup>11</sup>Olchɔge la o faa lole waa wola bɛrɛ do le kpa la, o ge ɛ kooro nuatoro te dɛ ja banuanɛ la nɛ. O dɛ ba kaala Korowii ka chɔgo.

<sup>12</sup>"Nyeglare fi haa naa la chɛgo tɛ koranar fi baa wola kora dii mɔɔ. Ba tɔpɛrɛ telaa, baa di koraa dɔɲhwɛrɛ bɛɲkpoɲ gbo. Ba ne olchɔge la bwaa dɛɛ ba pɛɛ di kora.

<sup>13</sup>Koranar la bwa ɛɛ ɛ liire bɛɲkpoɲii dɛ kpɔ ba kpegri bwa tɛ olchɔge la.

<sup>14</sup>Ba ne Pebie la ɛɛ yo laalee, asɛ Pebie la ne nɛra waa lee ba dɛ kpɔ ba tɛɲɛ o nɛɛ ba waa dɔ kasintɛɲ la pɔ ba nɛɛ, dɛkalkɛɲɔ onɛɛ dɔɔranar bwa Dɔɔ dɛ ɛ koranar bwa Kooro."

<sup>15</sup>Nyundua torome la ɲɔ n be ɲɔ "Nɛrare la haa naa kɛɲɔ jwamane te sogɛ a nyoo la chɛgo tɛ wobol tɛ bɛlbwa nɛra baa lɔ hare nɔ ta bobɛlbwa.

<sup>16</sup>Nyeglare fi la haa naa a che tɛ koranar fi la ne olchɔge la ɛɛ hah jwamane te laanee, dɛ foo o bwara komɛlbwa, dɛ gɛlo dakpaɲ gɛ. Baa chwe o olii, asɛ dɛ fuh o kabora,

<sup>17</sup>dɛkalkɛɲɔ Korowiirii kpɔ gɛ do ba bambile bini kɛɲɔ bá ɛ waa waa dɛ nyin, dɛ gel ba ɛ liire bɛɲkpoɲ dɛ kpɔ ba kpegri tɛ olchɔge la ó di ka tel kɛɲɔ waa Korowii aa bola la aa ɛa.

<sup>18</sup>Haah la haa nao la chɛgo tɛ bwejen la waa dɔ hare nɔ ta kora bwa la."

## Wepila 18

<sup>1</sup>A habɔɔ la, n na nyundua torome bɛl o le nyundua dɛɛ tu. O dɔ kpegri kɛrɛdɛ. O jirima nomanta hare bwa chaahnɔ.

<sup>2</sup>O nyɛgo kohona ɲɔ, "O pagrɔ oo, o pagrɔ! Babilɔnjen la pagrɔ, dɛ bɛrɛ kwaa aa dɛ ir nɛra nɛɛ ne Bɔnsam kwaa tɛ bɛlbwa ne jumbisale baa haah la doɔr,

<sup>3</sup>dɛkalkɛɲɔ o gɛlo hare ta nɛra bwa wedoɲa ne ba pɛlchɔga dɛɛ ba kɛɲɔ sen, asɛ ba waa fuh Korowii baah. Hare nɔ ta koranar ne o bɔ jwamane. O kondɔɔh kwaa nyina kohona nomanta, hare nɔ ta bonadiire chɛgɛ o nɛɛ dɛ dɛg."

<sup>4</sup>N bɛrɔ no taa bɛl o le nyundua dɛ ɲɔ, "N nɛra, hé le o be. Maa nyin kɛ he ne o pɛ dɛɛ ɛ wechɔga, dɛ pɛ na wahala maa dɛ ba gɛla o na la.

- <sup>5</sup>O wechōga danɔ tel Korowii doa. Korowii kpaŋro bil.
- <sup>6</sup>O chōgra, hé ɛo gɛ o faa ɛa la. Hé bōo o tonchōga la kem kera anɛ. Sen la o yon ɛ te nera ba nyɔ dɛɛ dɛɛ la, hé ge ɛ ane teo a do kpegri gwaa gɛ kera anɛ ó ge nyɔ.
- <sup>7</sup>Gɛ o faa kpɔ o te ɛ nenjen dɛɛ di o nyu ga la, hé gel o na hōhōrōwa dɛ di suna ge kerɛdɛ. O dɛ lii o nyu bini ŋɔ onɛe haŋkooro, o jaa ta sewɛ, o tea bini aa chōg bwa.
- <sup>8</sup>Anomanta tōpebenkpoŋii wahala ne weela ne tebinichōg ne lɔr ɛɛ ba o kpoe, asɛ nii fuuh, dɛkalkɛŋɔ N Naa Korowii waa dɛ ba o waa bola dɛ pa bole laanee dɔ kpegri bwa.”
- <sup>9</sup>Hare nɔ ta koranar ba ne waa dɛ bɔ jwamane dɛɛ di ba bwara la, baa ba na o chuu kɛ o dɛ fuh la, baa wiu dɛɛ dooge lōŋɔre.
- <sup>10</sup>Baa che bojaŋee, dɛkalkɛŋɔ baa ɔmɛ o hōhōrōwa waa dɛ na laanee dɛɛ ŋɔ, "Akwe! Akwe! Bwejen Babilɔn la o tena faa dɛ di kpegri ga la, waa puu kerabenkpoŋ o pagre.”
- <sup>11</sup>Asɛ hare nɔ ta bonadiire ɛɛ wiu dɛɛ dooge lōŋɔre, dɛkalkɛŋɔ nen toole dɛ yawɛ ba kwaa kpa.
- <sup>12</sup>Nen toole dɛ yawɛ ba suugaswɛm, suugapoŋa, ne bwedɛɛga a yog aa kpega, ne yadɛɛga bwa soosiwi, ne dasɔɔhsoma a yog aa kpega bwa soosiwi, ne kwaa baa kpɔ bala nyena dɛ ɛ, ne kwaa baa kpɔ dadɛɛga a yog aa kpega dɛ sɛh, ne anɔ la baa kpɔ ayaawa ne bune dɛ logɛ, ne anɔ la baa kpɔ bwedɛɛga ane soosiwi dɛ ɛ la,
- <sup>13</sup>ne konsɔɔhsoma bwa soosiwi, anɔ la baa dɛ fuh, ne anɔ la baa dɛ fōgle, ne sen, ne noo, ne mendɛɛga, ne mea, ne nae, ne peera, ne jagre, ne kwaa ba yon vɔwɛ pɛl jagre dɛ so a bini aa tɛgra la. Ba yog nera ge kɛŋɔ kondɛera ken.
- <sup>14</sup>Bonadiire la ɛɛ bol bwejen Babilɔn la waa ŋɔ, "Kwaa a pela aa dɔɛ la le he nɔn ta. He kondikondɛɛga ne kondɛɛga fuoh. Haa an na kpa bwa.”
- <sup>15</sup>Banɔ la ba faa yog a gɛ kwaa dɛ dɔ suuga a ta la ɛɛ che bojaŋee, dɛkalkɛŋɔ ba dɛ ɔmɛ hōhōrōwa aa puu la, dɛɛ wiu dɛɛ dooge lōŋɔre,
- <sup>16</sup>dɛɛ wi ŋɔ, "Akwe! Akwe! Waa pu bwejen la o nera faa dɛ do laaladɛɛga a sie aa swɛera dɛ do gimegime ne answeema peihpeih, dɛɛ do baŋa kwaa ne deŋna kwaa ne nɔnloga baa kpɔ suugaswɛm ne bwedɛɛga bwa soosiwi ɛa la,
- <sup>17</sup>dɛkalkɛŋɔ o kwaa waa dɔa ga la bwa fuoh dɔŋhwere benkpoŋ." Asɛ nera baa dɛ kah stiimaere, ne nera baa jo a bini dɛɛ la bobela, ne nera baa dɛ ɛ toma a bini, ne nera baa dɛ ɛ toma bwa soosiwi mpo ta che bojaŋ,
- <sup>18</sup>dɛ na gɛ waa dɛ fuh chuu ɛɛ le la, dɛ kpɔ takpeg ŋɔ, "Jo bɛ le! Bwejen nɔ dɔŋ toole wɛɛ fuh gɛ la.”
- <sup>19</sup>Ba loo kuu, ba ɛ teera ta ba nyuune ta, dɛɛ wiu dɛɛ dooge lōŋɔre, dɛɛ ŋɔ, "Akwe! Akwe! Waa pu bwejen kondɔɔh aa su o bwa dɛ gel nera baa dɔ stiimaere do mpo ta berɛ dɔɔhna la. O paŋɛ komɛlbwa dɔŋhwere benkpoŋ.

<sup>20</sup>Korowii doa tena ne Korowii nera, ne Yeesu toroma, ne Korowii keamere, hé gel he sie le a wa, dekalkeṅṅo Korowii ter o deṅne wechōga waa kpōa ε heya la wa.”

<sup>21</sup>Belaa nyundua torome bokpega te bel gōo bwe bel waa do kan keṅṅo nambwejen, de kpō ta mpo ta, de ṅṅo, "Kenii baa ba bwejen Babilōn la kpōe de ta kpegri nee baa wola on na kpa bwa la.

<sup>22</sup>Baa nera baa de lo janjela, ne banō la baa de hoh kaleperi ne bele ne komelbwaa na he bini kpa. Gee baa wola nera baa de seh kwa, ne nera baa de soh kwa, ne banō la baa jeme toma bwa soosiwi he binii na kpa. Baa nambwe ge sii no bela kpa.

<sup>23</sup>Kandea belbwa aa belaa chaah kpa. Baa hanfala ne ba jaranar taa no bela bwa. He bonadiire ε nenjena ba dōṅa aa wola toole hare nō ta bobelbwa. He wono bere hare nō ta nera bwa liire ba nyogre keṅṅo baa kpō tegchōga deε bere nen liire la.

<sup>24</sup>Korowii keamere, ne o nera, ne nera baa kpoo ba hare nō ta bwa la ba chalee bá na bwεε la ta la."

## Wepila 19

<sup>1</sup>A habōo la, n no waane Korowii doa keṅṅo nenlaa tenten gbōga baa si, "Hé kpεε N Naa Korowii! Onee le newenyina, on che jirima, on dō kpegri bwa,

<sup>2</sup>dekalkeṅṅo ge waa bol waa deε pa bole la ε kasinten de togre. O pa hanjwamane tenten la waa ε wedōṅa de chōg hare nō la bolchōge, de ter o deṅne dé kpō bō o bonōna ne toli waa kpoo ba la kem.”

<sup>3</sup>Ba berō si ja, "Hé kpεε N Naa Korowii! Babilōn chuu εε deε kaa nyundua san belbwaa.”

<sup>4</sup>Nomonome fifraane de banaare la ne hweera kwaa anaare la guṅṅo deε duu Korowii waa soge o kookara ta la, deε si, "Aamen. Hé kpεε N Naa Korowii!”

<sup>5</sup>Ase taa bel le kookara la ta de ṅṅo, "He nera haa ε N Naa Korowii bonōna ne o toli la, hée teo sōn. He bini neṅwεgra ne nenjena haa de omō bwa, hée teo sōn.”

<sup>6</sup>N berō no nenlaa tenten aa de bol waa keṅṅo chuubu aa de si la, a bere do keṅṅo bwaala aa de kōgre kohona la. Ba ṅṅo, "Hé kpεε N Naa Korowii! Nemene Korowii waa ε komelbwa Dōo la de di kora.

<sup>7</sup>Hé gel ya sie le ya hegre kohona. Yá teo sōn, dekalkeṅṅo Pebie la haah lawa telo. O haah ge kpō o te cheg.

<sup>8</sup>Ba kpō yadeεge omponṅo kpelkpel teo ó tō." Yadeεge omponṅo la chegō te Korowii nera wedεεga baa εa.

<sup>9</sup>Anee nyundua torome la ṅṅo n be ṅṅo, "Chwere waa nō bil. Nera baa yer ba ṅṅo bá ba di Pebie la hanfale kwaa la na som," de bere ṅṅo, "Korowii wobolee, a ε kasinten.”

<sup>10</sup>Belaa n guŋi o sie de fee ŋo n duuru, ase o ŋo n be ŋo, "Be ge e. N ne hen ne he bala la baa lawe Yeesu waa bini la bwa e o bonoona. Korowiirii che ke he duu. Yeesu waa waa bagla laanee e keamere la bwa wobol."

<sup>11</sup>Ase n na keŋo nyundua aa pila, jaagoroŋ bel le. Nen waa soge o ta la, ba de yero Kasinteŋ Te, dee yero Neŋkaih. O de bol nera waa kasinteŋ ne, dee yo laa a ŋwene ta.

<sup>12</sup>O sible do keŋo ninlao ken. O pi koogberere a ware pirim. O son bel dawo o ne, nomelbwa aa wola son la jeme nemene o gbo.

<sup>13</sup>O son bel gee Korowii Nyoa Wobol. O to yal bel baa kpoo li chal.

<sup>14</sup>Nyundua dom baa de la laa do laalapoŋa aa wera de so jaagoroŋa ta de teŋe o ne.

<sup>15</sup>Ase tokobii waa nyega ee le o nyoa o kpoo dee ba hare ta nera bwa yoi de po ba ne. Wee nyiŋi ba nee kpegri ne a ŋwene ta, de ee ba keŋo baa de sa daa nona baa kpoo dee e sen ta a nee ee le la. Nemene Korowii bandiaa a nee la.

<sup>16</sup>Son bel dawo o yal ne o hwii ta. Ge son laanee |scKORANAR BWA KOORO NE DOORANAR BWA DOO|d.

<sup>17</sup>N beroo na nyundua torome bel o che wee ta, de kpoo takpeg ŋo jumbii aa de gah nyundua bwa be ŋo, "He bwa ba cheme Korowii kondikonjena la mun.

<sup>18</sup>Koranar, soojanomome, nenjena, jagre ne a dooranar, ne nera bwa, ba bini baa do ba te ne yoma, nomonjena ne bechale bwa serewo. Anomanta he ba di ba ola."

<sup>19</sup>Belaa n na olchoŋe la ne hare ta koranar ne ba dom aa kpoo ba te dee ba de ba yo naate waa soge jaago ta la ne o dom.

<sup>20</sup>Ke ba lawe olchoŋe la ne keamechoŋe la o faa de e wejena dee te olchoŋe la dee negre nera baa do olchoŋe la nso dee tome kon baa mao o do ke olchoŋe la la. Ba kpoo ba bwa ne ba siweela ka ta bela nii ne jeboroŋe aa yeera cho keŋo moo dee fuh.

<sup>21</sup>Naate waa soge jaago ta la kpoo tokobinyeg waa le o nyoa ta la kpoo olchoŋe la nera baa kaa la, ase jumbii la di ba ola ge aa wona.

## Wepila 20

<sup>1</sup>Belaa n bere na nyundua torome bel o le nyundua dee tu. Waa de tu la, de o kpoŋe Bõsam Bõluŋ la safoa ne jogrojen bel.

<sup>2</sup>O kaa lawe kontuugi damanta o faa e harekon ya jeme o waa le mumpar la, baa yero Baradeere Te kee Bõsam la. O kpoo jogroŋe la vorowo bil bene kagboŋ,

<sup>3</sup>de kpoo ka ta Bõsam Bõluŋ la bini, de laa to, de karoo kiŋkiŋ o be nera baa lo hare ta negre ka tel keŋo bene kagboŋ la aa tela. De toŋere la telaa, baa puruu o le tama.

<sup>4</sup>N na kookane, ase nera bane so a ta, ase Korowii tee ba ŋwene ba won dee bol nera waa dee pa bole. N na lala ba faa teŋe Yeesu kasinteŋ waa la ta de bol Korowii Waa, de veh olchoŋe la ne kon la baa mao la toma. Ba ta gele ba do ba o nso la ba tili ne ba

nɔɔra ta. Ba koh a waa teɲni ba nyuune. Baa ir seo ta, ba ne Kristo pɛ dɛɛ di kora bene kagboɲ.

<sup>5</sup>Lala seo ta ira loglee gɛ. Banɔ la baa kaa baa wola ire la te, nemene bene kagboɲ la tel mɔɔ ba ir.

<sup>6</sup>Nera baa tɔ sie ir seo ta la na som. Korowii neraa ban. Seo nɛɛtena la ta kpegri dɔɛ ba nɛɛ kpa. Baa ɛ Korowii ne Kristo Sɔforee, asɛ ba ne o pɛ di kora bene kagboɲ.

<sup>7</sup>Dɛ bene kagboɲ la telaa, baa pur Bɔnsamee dɛ yao ta.

<sup>8</sup>O leɔ waa, wɛɛ ba negre nera baa lɔ hare nɔ ta bobɛlbwaa, Gɔg tena ne Magɔg tena, dɛ pona ba ba ware kɛɲɔ mpo nyoa hɛɲle ken, dɛ kpɔ ba yo laa.

<sup>9</sup>N na ba ba wur ba tɔ hare bwa, dɛ bar bwɛɛ Korowii aa dɛ nyinu o nera do o ta la. Asɛ nii le nyundua dɛ ba le ba nɛɛ dɛ fuh ba bwa kwaraa.

<sup>10</sup>Ba lawɛ Bɔnsam waa neg ba la ge dɛ ta bela nii ne jebɔrɔwe aa yɛɛra chɔ kɛɲɔ moo la, bela olchɔge ne keamechɔge la aa lole la. Baa na hɔhɔrɔwa chɔɔ ne jwaanaa aa wola jaga dɔɛ.

<sup>11</sup>N berɔ na kookara damanta omponɲ bɛl. Nɛn waa soge o ta la, nyundua ne hare nao dɛ nyogre, ba ta an nae kpa.

<sup>12</sup>Belaa n na nera baa serewa bwa, ba bini nomonjena ne bechale bwa, asɛ ba che kookara la sie. Ba pili tɔne ane, asɛ dɛ bere pili onɔ la waa ɛ Mkpɔ Tɔn la. Belaa Korowii che toma nera la aa ɛa mɔɔ dɛ serewe a do tɔne la ta la ta, dɛ bol ba waa dɛ pa bole.

<sup>13</sup>Nera baa ka nee ta la leɔ, asɛ nera baa sewɛ seo bwa soosiwi la ge le, asɛ Korowii che gɛ ba faa ɛa ta dɛ bol ba waa dɛ pa bole.

<sup>14</sup>Belaa ba kpɔ seo ne Lala Bwɛɛ bwa ta nidamanta aa yɛɛra chɔ kɛɲɔ moo la ta. Ge nii nɔɔ seo nɛɛte la.

<sup>15</sup>Nomɛlbwa baa nyiɲi Mkpɔ Tɔn la bini dɛ nyin o sɔn kahone la, dɛ ba kpɔɔ ka ta nii la ta.

## Wepila 21

<sup>1</sup>Belaa n na nyundufale ne harefale bɛl. Dɛ nyundua ne hare la a faa lole la te nyogro, asɛ mpo ge nyogre.

<sup>2</sup>N berɔ na Korowii bwɛɛ Jerusalem onfale o le Korowii be dɛɛ ba hare. Korowii kwaaro kerɛde kɛɲɔ hanfale yon kpɔ o te dɛɛ ba o jaa be la.

<sup>3</sup>Asɛ n no takpeg bɛl o le kookara la ta, dɛ ɲɔ "Hɛɛ no! Taraken Korowii dobɔree newenyini bini. O ne banee dɛ so, ba ɛ o nera asɛ o ge ɛ ba Korowii, ba ne o so.

<sup>4</sup>Wɛɛ fee ba sinii bwaa ta baa wola wi kpa. Seo aa lee do kpa. Lokua ne wii ne bwadabii wee aa lee do kpa, dekalkɛɲɔ webena la bwa toole kpa."



<sup>5</sup>Anee naate waa soge kookara la ta la ŋɔ, "Taraken n gelo wobɛlbwa bere anfala." De bere ŋɔ, "Chwere ge waa nɔ, deƙalkɛŋɔ n wobol nɔ ɛ kpela, negra toole a ta."

<sup>6</sup>Ase de ŋɔ, "A tonɔ! Menee komɛlbwa Sitɔɔ ne a Muŋkaa, menee wobɛlbwa Mumpar ne a Jaga. De nomɛlbwa de wi nyɔgre aa, mee geloo o la bela mkpa nee aa bula dɛe le de ka nyɔ ane pɛɛpɛɛ.

<sup>7</sup>Naate waa wona yo le la ɛɛ do kwaa nɔ bwaa. Mee ɛ o Korowiirii, ase o ge ɛ n bie.

<sup>8</sup>Ƙɛ ɔmeera ne nera baa wola men yarada, ne nera baa de ɛ waa maa kia, ne nera baa de kpoo nera, ne nera baa de bo jwamane, ne nera baa de ɛ bebeewa, ne vogtoroma ne nyosontɛŋna bwa boree nii ne jeborowe aa yeera cho ƙɛŋɔ moo dɛe fuh la ta. Anee seo neetena la."

<sup>9</sup>Belaa nyundua toroma banuanɛ la ba faa kpoŋe loga hoɔroɔwa bele anuanɛ aa ka mun la aa su a bwa la bel ba, de ba ŋɔ n be ŋɔ, "Ba n bagle Pebie la hanfale la."

<sup>10</sup>Anee Korowii Domadɛɛge ir n ne, ase nyundua torome la kpɔ me kaa bwejen bel doa. O kpego ƙɛɛde. Belaa o bag me Korowii bwɛɛ Jerusalem la ke waa le Korowii be nyundua dɛe ba hare.

<sup>11</sup>De Korowii jirima gelo o bwa ɛɛ nyegle ƙɛŋɔ bwedɛɛge baa de yero jaspera o do wer kohona de do gereŋ la.

<sup>12</sup>Danjwejen bel waa kpega kohona baro cheme. O doonyoone lo fi de anɛ, ase nyundua toroma fi de banɛ ge cheche a ta. Ba chwere Israel deene fi de anɛ la sona dawɛ doonyoone la ta.

<sup>13</sup>O doonyoone la, atoro lo wee leebor pera, atoro do wee kanle nyundua bor, atoro do wee cholibor pera, ase atoro ge do wee kanle hare bor ge.

<sup>14</sup>Bwea baa ma danjweɛ la choŋɛ a ta la lo fi de anɛ, ase Pebie la toroma fi de banɛ la ge sona dawɛ bwea la ta.

<sup>15</sup>Nyundua torome waa bol waa n be la kpoŋe suugaswɛm daa baa de mage o ne kwa, dɛe ba bwɛɛ la ne o doonyoone ne danjweɛ la maga.

<sup>16</sup>Bwɛɛ la ɛ foosokwɛɛ. O pagri ne o janre bwa ƙɛɛde. O kpɔ daa la de mage bwɛɛ la, o janre lo kwansini kagboŋ lafraanue. O pagri ne o janre ne o nyundua kpega bwa beŋkpoŋ.

<sup>17</sup>O mage danjweɛ la. O kpega del ge lo nagale fifraanuanɛ de anɛ. Ge newenyini aa de mage kwaa la, gee o maga.

<sup>18</sup>Bwɛɛ la danjweɛ la, bwedɛɛga baa yera jaspera la gboo ba kpɔ mao. Ase bwɛɛ la tenten ge, suugaswɛm tenten aa do gereŋ ƙɛŋɔ digii ba kpɔ mao.

<sup>19</sup>Bwea fi de anɛ baa ma danjweɛ la choŋɛ a ta la ɛ bwedɛɛga bwa soosiwi a yog aa kpega. A gelo o do wer. Bwelogle la sone jaspera, neete la ge sone safaya, ase tooro te la ge sone agat. Ono la waa teŋa naare la ge sone emerald.



<sup>20</sup>Ono la waa teŋa nue la sone onigs, numel te la sone kaneeleon, nuane te la ge sone kwats, nuatoro te la ge berel, nuanaare topas, ase ono la waa teŋa fi la sone chalsedone, fi de benkpɔŋ te la ge sone teekeois, ase fi de ane te la ge ametes.

<sup>21</sup>Doonyoone fi de ane la ge la, bwedeeega baa de yera peelre laanee ba kpɔ kwaa a bwa gbera, belbwa di ombir. Bwee la fɔgbaah ge e suugaswem tenten de do gereŋ keŋɔ digi ken.

<sup>22</sup>Korowii Dea baa cheme o bini dee tomɔ toole bela. Nemenɛ Korowii waa e komelbwa Dɔɔ la ne Pebie laanee chega te dea la.

<sup>23</sup>A ta hiah keŋɔ wee ne korobie chaah bela. Korowii jirima de chaah bela, ase Pebie la ge e kandea bela.

<sup>24</sup>Hare no ta nera ee ba vale o bochaah la taa, ase koronar baa lo hare no ta ge kpɔ ba jirima baa dɔa la ba jo o ta.

<sup>25</sup>O doonyoone yao che, aa wola to saŋ belbwa, dekalkeŋɔ bɔr aa bela jo.

<sup>26</sup>Hare no ta nera ee kpɔ ba jirima baa dɔa ne ba kondeega bwaa jo bela.

<sup>27</sup>Ke komelbwa doŋa te belbwa aa lo o nee la aa won jo bela, gee nomelbwa ge waa de e sihihwaa dee teŋe nyosone la belbwa ge aa wola won jo bela. Nera baa chwere ba sɔna do Pebie Mkpa Tɔn la bini la, banee de won jo bela.

## Wepila 22

<sup>1</sup>Belaa nyundua torome la bag me nee bel waa pala dee le Korowii ne Pebie la kookara la ta. Nee la do mkpa de do gereŋ ken,

<sup>2</sup>de pale dee kpɔ bwee la fɔgbaah tenten. Mkpa daa ane che o banne ane bwa ta, fɔgbaah bela. Mkpa daa la de none kera fi de ane benanyoa, korobie belbwa kera benkpɔŋ. O papooni ge wono chah nera bwa weela.

<sup>3</sup>Komelbwa toole Korowii aa taahno bwee la ta. Korowii ne Pebie la kookara la cheboree bela, ase o bonɔɔna ne toli ee tomɔ,

<sup>4</sup>dee nao, ase o son ge dawɛ ba tili ta.

<sup>5</sup>Bɔr aa belaa dee jo, baa kande ne weeree hiah, dekalkeŋɔ N Naa Korowii ee dee chaah ba nee, ase baa di koraa saŋ te belbwa.

<sup>6</sup>Belaa nyundua torome la ŋɔ n be ŋɔ, "Waa no e kpela, nyosone belbwa toole a ta. N Naa Korowii o faa ir keamere nee la, onee tom me ase n ba bagle waa aa de ba ee taraken la, ase o bonɔɔna ne toli jeme."

<sup>7</sup>Yeesu ŋɔ, "Hee no! N de ba taraken. Nomelbwa waa lawe waa no aa lo ton no bini dee bagle waa aa de ba ee kerekere la bini kpoŋe la na som."

<sup>8</sup>Men Jon, menea no waa no de naa. Maa noa de naa la, n guni nyundua torome waa bag me waa no la sie de fee ŋɔ n duuru,

- <sup>9</sup>ase o ɲɔ, "Be ge e. N gba e Korowii bonɔ la bel keɲɔ he ne he bala keamere la ne nera la bwa baa de no tɔn nɔ bini waa nɔ. Korowiirii che keɲɔ he duu."
- <sup>10</sup>O ɲɔ n be ɲɔ, "Be waa aa lɔ tɔn nɔ bini kpɔ sɔh. Ka bagla, dekalkeɲɔ tɔpere la telo tone keɲɔ waa nɔ bwa ba e.
- <sup>11</sup>Nomelbwa waa de e wechɔga la, ó te e dee la. Nomelbwa waa de e wedoɲa la, ó te e dee la. Nomelbwa waa de e wedeega la, wée e o wedeega, ase nómelbwa ge waa do kaih la teɲe de do ge dee la."
- <sup>12</sup>Yeesu bolɔ ɲɔ, "Hée no bonɔ! N de ba taraken. N de ba kembɔr maa de ba nera tee la ne. Ge nomelbwa toma aa doa laanee mee ba on kem bɔe.
- <sup>13</sup>Menee komelbwa Sitɔɔ, menee a Muɲkaa. Menee wobelbwa Mumpar ne a Jaga.
- <sup>14</sup>"Nera baa chege ba laala a do wer la na som, dekalkeɲɔ banee de won dɔ Mkpa Daa la nona de di, de won kpɔ doonyoone la ta ba tetoora dee jo bwee la ta.
- <sup>15</sup>Nendoɲa, ne nera baa de e bebeewa, ne jwamane tena, ne nera baa de kpoo nera, ne vog toroma, ne bano la bwa ba sie aa de le nyosone teɲa ne nera negra la ta te, ba ka bwee la dahare.
- <sup>16</sup>"Menee Yeesu, men tome n torome ɲɔ ó ba bagle waa nɔ áse he ka bagle asɔre tena. Devid Dwee men. O Naa men. Menee Choolenwewee la waa de chaah kerede la."
- <sup>17</sup>Korowii Domadege la ne hanfale la de yere ɲɔ, "Ba!" Nomelbwa waa no ge waa nɔ la, ó ge ɲɔ, "Ba!" Nomelbwa waa de wi nyogre la, wée ba. Nomelbwa waa de nyin nee aa de te mkpa la de nyɔ la, wee dɔɔ nyɔ pepepe.
- <sup>18</sup>N de kah nomelbwa waa no waa nɔ aa lɔ tɔn nɔ bini dee bagle waa aa de ba e kerekere la keɲɔ de nomelbwa kpɔ waane ja a ta naa, Korowii e kpɔ wahala maa bagle a waa tɔn nɔ bini laanee ta o ne.
- <sup>19</sup>De nomelbwa laa waa nɔ bini waane tamaa belbwa kpɔ a ta naa, Korowii aa on mkpa daa maa bagle o waa tɔn nɔ bini la nonaa te ó di. Waa on boree te o bwedege la maa bagle o waa la ta.
- <sup>20</sup>Naate waa e waa nɔ bwa dansee la ɲɔ, "Kpelaa, n de ba taraken!" Aamen. N Dɔɔ Yeesu, ba warane!
- <sup>21</sup>Yá Dɔɔ Yeesu cha he bwa sekwaraa haa e Korowii nera la. Aamen

## Esclarecimento

Trata-se de iniciativa particular, com os seguintes objetivos: (i) colaborar para divulgação dos diversos textos bíblicos disponíveis, e, (ii) facilitar o acesso a esses textos, inclusive por meio de download.

Todo esforço em tornar a Palavra de Deus acessível a todos, em quaisquer localidades e falantes das mais diversas línguas, precisa ser um objetivo de todos os que são guiados pelo Espírito Santo. Ele inspirou o profeta Jeremias a dizer “não ensinará jamais cada um ao seu próximo, nem cada um ao seu irmão, dizendo: Conhece ao SENHOR, porque todos me conhecerão, desde o menor até ao maior deles, diz o SENHOR” (Jer. 31:34).

Jesus, também, falou assim: “e será pregado este evangelho do reino por todo o mundo, para testemunho a todas as nações” (Mat. 24:14).

Muitas organizações foram constituídas com o propósito de fazer a Bíblia disponível nas diversas línguas. Não é uma tarefa simples. Anos de trabalho, dedicação e entrega são necessários para esta tão extraordinária missão.

O texto deste trabalho está disponível na internet, em páginas eletrônicas de organizações que produzem ou divulgam bíblias, sem acréscimos de notas ou comentários. Assim, reconhecendo e respeitando os direitos que possuem sobre seus trabalhos, incumbe a todos os que amam a Palavra de Deus, o esforço em contribuir para amplificar sua divulgação.

Se possível, faça download do texto, para que sejamos, também, guardiões da Bíblia, e, com isso, preservando-a para as futuras gerações.

Divulga a Palavra de Deus, ela mostra o Caminho e permite a todos, que se conheça Sua vontade, em todos os lugares e épocas.

Marcel da Glória Pereira  
2021, Vitória/ES - Brasil